

Leafy Pichia  
Lupinus  
1911










Pharmacopœi Parisienses

Ex Dono Magistri  
BATAILLE

1763

De historia stirpium commentarii  
insignes, Leonharto Fuchsio medico  
autore. Parisiis, 1543.







# De Historia stir- pium commentarii


insignes, maximis impensis  
et vigiliis elaborati, Leonharto Suchsio medico clarissimo,  
authore. Scholiis in singula propriè capita longè utilis-  
simis à viro quodam medicinæ doctissimo adjectis,  
et Plantarum voces gallicas passim exprimentibus.

Accesit iis succincta admodum vocum difficilium  
et obscurarum passim in hoc opere occurrentium explicatio.

Undè cum triplici Indice, quorum primus quidem Stir-  
pium nomenclaturas Græcas, alter Latinas, tertius  
officinæ Sepalsiariorum et herbariis usitatas,

continet.

Cum Privilegio  
Parisiis,



Apud Jacobum Bogardum, sub insigni D. Christophori,  
è regione gymnasii Cameracensis.

Anno 1543 Decima Februarii.



## Extraict des Registres de la court de Parlement.

La court veu la Requête a elle présentée par  
Vivant Gaultierot, Jacques Gazeau, et Jacques Bogard,  
Libraires en L'université de Paris, avec la certifica-  
tion des Docteurs en la faculté de Médecine, en  
L'université de Paris: A permis et permet aus ditz sup-  
plians pouvoir imprimer, faire imprimer, et exposer en  
vente ung livre intitulé Historia plantarum, composé  
per Leonardum Suchsium, défendant à tous Imprimeurs,  
Libraires, et autres de ce ressort, iceluy livre imprimer ou  
vendre sans l'aveu d'iceulx supplians, dedans le temps de  
quatre ans prochains venant, a compter du jour qu'il sera  
parachevé d'imprimer, Et ce sur peine de confiscation  
desditz livres, et d'amende arbitraire.

Fait le vingtsiesme jour de Janvier,  
mil cinq cens quarante deux, et ainsi  
Signé Bernier.

## ILLVSTRISSIMO ET

CHRISTIANISSIMO PRINCIPI AC

Domino, Domino Ioachimo, Sacri Romani imperij electori, Marchioni Brandenburgensi, Stetinæ, Pomeraniæ, Cassuborum, Sclauorumque Duci,

Burggraui Norimbergenfi, necnon Ru-

giæ Principi, Domino suo longè clementissimo, L E O N H A R.

T V S Fuchsius medicus

S. P. D.

V A N quam vniuersa medicina nullis  
non seculis gloriosa & diuina sit habita,  
Illustrissime ac generosissime Princeps, tamè in hoc eius summo splendore  
semper plus laudis, admirationis ac

Herbaria

medicinâ

ponderis, ea illius pars quæ naturas stirpium vestigat rimaturque, obtinuit: idque partim quod vetustate, cuius maxima semper apud omnes autoritas & veneratio fuit, esset antiquissima: partim etiam quod iucunda, utilis & necessaria eius esset cognitio. Nam cum reliquæ prope modum omnes artes, simulatque à Deo opt. max. creatus est homo, inuentæ sint, ac subinde multorum industria auxilium, solæ herbæ post condita statim elementa, nulloque adhuc existente homine, vnâ cū diuinis suis viribus, ita iubente Deo, è terræ latebris eruperunt. Vt hoc nomine nullius rei aut artis inuentio verius quàm medicinæ et stirpium, Deo assignetur. Cuius rei Moses in sua genesi testis omnium qui aliquid scripserunt vetustissimus, & non minus profanis quàm nostris admirabilis atque venerandus. Testes item sunt poetæ græcorum antiquissimi, Orpheus, Musæus in Polij laudibus. Hesiodus in iisdem, & Maluæ & Asphodeli viribus. Homerus in Nepenthe, Loto, Moly herba Mercurio inuenta: Latini autem Ouidius, dum medicinæ inuentionem Apollini tribuit. Vergilius, dum passim dictamni & aliarum herbarum naturam miscet. Plantas autem atque adeo plantarum

multâ ad

mirationis

et laudis

semper ob

tinuisse.

Stirpium or

go diuina.

Moses

scriptor o

nium anti

quissimus

AA ij

rum

ipsarum vires omnes, tum à primis qualitatibus perfectas, tum quas tota ipsarum substantia occultas tegit, methodo experientiaq; pernouisse, quàm sit non iucundum modo, sed etiam vtile ac etiam necessarium, ad sanitatem (qua nihil homini prius & optatius esse possit) vel præsentem tutandam, vel absentem reuocandam, abundè prodit veterum etiam regum in eam rem studium nobile ac strenuum, quo horum quisque tum de posteris bene mereri, tum nomen suum apud eos immortale reddere conatus est, suo nomine plantis à se inuentis impertito. Hinc Gentiana, Lyfimachia, Mithridatia herba scordium etiam dicta, à potentissimis regibus, Illyriorum Gentio, Macedonum Lyfimacho, Ponti & Bithiniæ Mithridate adpellatæ sunt, vt à Teucro Teucrium, ab Achille Achilleia, à Chirone Centauro Centaurium, ab Artemisia Cariæ regina, & aliæ ab aliis plurimæ & inuentæ & dictæ fuerunt. Quin & Mithridates idem, Attalus Pergami, Salomon Iudæorum, Euax Arabum, Iuba Mauritanix rex, plantarum noscendarum non studiosi modò fuerunt, sed horum plerique de his accuratè quædam scripserunt, alij composita ex his non pauca medicameta miscuerunt, magno mortaliũ cõmodo. Adde quòd Romani Reges pariter ac Imperatores in multis regionibus herbarios magno sumptu alebant, vt simplicium medicamentorum, sed optimorũ notitia & sibi esset vsui, & ad posteros vsque permaneret. Idem quoque studium Philosophos tenuisse, his colligas licet, quòd Pythagoras bulbos, Chrysippus Brassicam, Zeno Capparim, Aristoteles rem herbariam volumine iusto celebrauit. Quàm vellem huius ætatis Reges ac Principes alios in idem studium incumbere, vel saltem viros bonos rei plantariæ studiosos sumptu iusto iuuare. Quàm vellem quoque huius tempestatis medicos hanc medicinæ partem diligentius tractare, neque totam Pharmacopolis & rusticis mulierculis permittere. Iam enim & morbis ratione certa mederi scirent: iam medicamenta methodo componere, iam compositorum vires expendere, iam compositis rectè vti roscatò possent. Quem verò lapidem non mouerant

Theo.

Theophrastus, Dioscorides, Galenus, vt plantarum non modo historiam, sed vniuersam quoque naturam nobis exprimerent? Quo Deus bone studio Hermolaus Barbarus & Ioanes Ruellius Plinij exemplo ex varijs veterum libris rem plantariâ restituere conati sunt? Vt eo nomine vterq; hac ætate doctissimus de posteris præclare sit meritus, vt etiâ me nō pudeat apertè fateri, Ruellij cōmētarios multū mihi p̄fuisse, vt idē de Hermolaï, & Marcelli, & Othonis Brūfelsij, Euricij Cordi, Hieronymi Tragi scriptis pollicear. Quorum lōgè doctissimorum virorum studium imitatus, hos de historia stirpium cōmētarios maximis cum vigilijs tum sumptibus cōfeci. Primum vniuersam cuiusq; stirpis historiâ breuiter & ordine optimo cōplexus. Deinde singularum imagines viuas proximas, quā cæteri omnes artificiosius expressi, vt etiâ vulgares quasdam non prætermittendas censuerim, ne olim à posteris ignorentur, quomodo plurimæ Dioscoridis seculo notiores, quàm vt eas putarit describendas, hodie etiam doctissimis & diligentissimis ignorentur. Addidimus quoque vulnerarias præsertim plurimis chirurgis vsu quotidiano cognitissimas, quas ineptis nominibus exprimere quàm tacere maluimus. dum quod nomen apud Græcos aut Latinos germanum sunt sortitæ, si tamen sunt sortitæ, ignoretur. Appinximus & arbores aliquot, ob id quòd ad earū folia sæpius Dioscorides herbarum quoque folia comparat. Quas porro plantarum vires ex Dioscoride, Galeno, Aëtio, Paulo, Simeone, Plinio recensemus, si vno ore ab omnibus confirmantur, suscipiendæ: Si in his dissentitur, Galenus tibi præter cæteros imitandus, vt qui methodo inuentas plantarum facultates experiētia longa comprobavit. In his autē describendis, Galenū, Aëtium, Paulum sequutus, literarum Græcarum ordinem tenui, non cum Dioscoride cōgeneres passim herbas cōnexui, quòd hæc in idē tēpus non incidāt perfectæ, quales nobis ad viuas representare in animo fuit, ob id vmbri pictorum libidini consuetis abstinere voluimus, ne verā plātæ formā obscurarēt. Quū vero vsitato more patronū aliquem iis nostris commentariis quærerem nobilitate & virtutum splendo

re excellentem, nemo omnium cui iustius quàm tibi Illu-  
strissime Princeps Ioachime, clarissimo heroi, hos dedicā-  
dos esse putarem occurrebat. Nam si generis tui vetustatē  
atque nobilitatem spectro, nemo te hodie Principum aut  
melior, aut præstantior, utpote cuius maiores à Guelfis,  
qua vix vlla ī Germaniā vetustior est nobilitas, ortos esse  
constat. Quod si eorundem virtutes expendo, nullā pror-  
sus virtutem magnis & bonis Principibus dignam illis de-  
fuisse video. Proinde cū in spem certissimam adduce-  
remur, nostras has vigilias non vulgarem gratiam ex am-  
plissimi nominis tui inscriptione apud candidos & æquos  
inituras, foreque ut eam ob causam maledicorum cōuicia  
torum petulantia perfringeretur, te quidem in tanto or-  
natissimorum Principum numero mihi delegi, cui potissi-  
mum has ipsas consecrarem. Quare cū eas suscipies illu-  
stris. PRINCEPS, commendari tibi defensionem & con-  
seruationem huius partis medicinæ quæ stirpium natu-  
ras inquirat, statues. Quam ut cupidē & libenter in te re-  
cipias, multa, scio, mouebūt: potissimum verò hoc ipsum,  
quòd vix ex vlla alia re magis diuina præsentia & beni-  
gnitas eluceat, quàm ex tam varia stirpiū tum forma, tū  
nature, dum scilicet omnes illas ad vsum hominis condi-  
tas à Deo ipso perpendimus. Si quid igitur aliud, herba-  
rum certē diligens contemplatio exuscitat, imò confir-  
mat in animis nostris opinionē hanc, quòd homines Deo  
curæ sint, qui tam anxie laborauit in ijs inuandis ac tuen-  
dis, dum tot elegantissimis atque præstantissimis stirpibus  
quibus illi tam varios morbos propulsare possunt, terram  
exornauit. Nō parum etiam ad eam suscipiendam curam  
te præclarissimorum tum Regum tū Principum exēpla,  
quæ suprā recitauimus, hortabuntur. Sed omnium maxi-  
mè immensa commoditas quæ ex istius partis medicinæ  
conseruatione ad vniuersos perueniet. Ad herbariæ deni-  
que medicinæ tum amorem tum defensionem mira quo-  
que iucunditas, quæ in contemplandis tot herbarum ge-  
neribus animum subibit tuū, inuitabit. Quid enim iucū-  
dius, quid delectabilius quàm intueri stirpes, quas Deus  
opt. max. tot tāq; variis pinxit coloribus, tot elegātissi-  
mis

Diuina  
præsentia  
& beni-  
gnitas ex  
stirpibus  
ipsis elu-  
cet.

mis redimiuit floribus, quorū colorē nullus vnquā pictor  
satis exprimere potuit: tot denique seminibus & fructi-  
bus, quorū & in culina & in medicina vsus est maximus,  
ornauit? Verū non est cur te pluribus in admirationem  
huius partis medicinę pertrahere coner, vt pote qui antea  
studio & amore eius sic tenearis, vt vix sit aliud quod te  
magis delectet. Nunquam enim in extruendis hortis tot  
arboribus atque herbis confitis, tantum operę & impensa-  
rum poneres, si non illuc te rei iucunditas ac singularis  
amor pertraheret. Reliquum nunc est illustriss. PRIN-  
CEPS, vt pro tua excellenti humanitate, quę vestrę fa-  
milię cognata est, munus hoc nostrum tanquam specimē  
& testem mei erga C. T. amoris & obseruantię, exporre-  
cta lætęque fronte accipias, atque me tuo fauore comple-  
ctaris, & autoritate ab inuidorum calumnijs defendas. Bo-  
na autē spes est hūc hortum quem donamus C. T. fore lō-  
gē gratissimum, nō tantū quod in eo omnis ferē generis  
herbas elegantissimē pictas reperire queas, verū

etiam quod inde ad quęuis morborum gene-  
ra remedia decerpere tibi liceat. Deus

opt. max. te tuamque ditionē icolu-

mē seruet, vt Reipub. Christianę

atque literis diutissimē prodesse

possis. Tubigę, Calē. Mar-

tiis, Anno à nato Christo

M. D. X L I I.

AA iiii



# GRAECARVM NOMENCLATIO-

num Index. Cuius numerus paginam, A primā  
paginae faciem, B secundam denotat.

A	ἀλοή	61. A	ἀπαρίνη	21. A		
Βρόνον	ἀλσίνη	10. B	ἄπιος	58. B		
4. A	ἀμάρακορ.	235.	ἀρίσακορ	29. B		
Αγριο -	B. σ 269. B		ἀρισολοχία.	40. B.		
κάρδαμορ.	131. b	ἀμάραντος.	45. A			
ἄγρωσις	60. A	ἄμμι	28. B	ἄρειορ	32. A	
ἄδύαντον	36. A	ἄμπελος	λθυκή	ἄρεθυθος ἢ ἄρ -		
ἄδιφορ	79. B	43. A		κθυθίς.	34. A	
αείζωορ	14. B	ἄμπελος μέλαι	να.	44. B	ἄρνόγλωσσον.	16. b
αείζωορ ἄγριορ		ἄμπελος οἰνοφό	ρος	Ἐ 116. B	ἄρορ	29. B
324. A		37. A		ἄρτεμισία.	19. A	
αἰγόκερως.	322. B	ἄναγαλλίς.	9. B	ἄσακορ	5. A	
ἄϊρα	56. B	ἄναγαλλίς ἔνυ -		ἄσκληπίας.	57. b	
ἄκαλύφη	47. B	ἄνδρος.	291. A	ἄσπερατος.	24. A	
ἄκανθος, ἢ ἄκαν		ἄνδρὸς.	291. A	ἄσηρ ἀττικός.		
θα	21. B	33. B. σ 336. A		59. A		
ἄκανθα λθυκή		ἄνδρὸς.	49. B	ἄσριορ	183. A	
23. A		ἄνδρὸς.	13. B	ἄσφοδελος.	51. A	
ἄκόνιον	39. A	ἄνδρὸς.	11. B	ἄξιακτῆς.	54. B	
ἄκορορ	6. B	ἄνθρωπος.	215. B	ἄβραφάξις.	53. A	
ἄκτῆ	27. B	ἄνθρωπος.	26. A	ἄφάκη	49. A	
ἄλθαία	8. B	ἄνθρωπος.	25. A	ἄφινδιον	1. A	
ἄλισμα	18. A					
ἄλκία	35. B					
ἄλκιβιάδιον						

βαλλωτή. 68.B	γάλλιον, ἢ γαλλέ	πρῦς 53.B
βάρυθρομ. 66.A	ριον, ἢ γαλά-	δύσσεσμον 312.B
βασιλικόμ. 223.B	ζον 81.B	Ε
βάζος 67.A	γαζιανή. 83.B	ἐβενόριχον. 36.A
βαῤῥάχιον. 69.A	γδράνιον. 86.A	ἐβίσκος 8.B
βήχιον 62.B	γῆς σέφανος. 354.B	ἐλατήριον. 283.B
βίκιον 73.B	354.B	ἐλελίσφακον.
βλήχων 82.A	γιπλίδιον. 89.A	102.A
βλιτῶν 74.A	γλήχων. 82.A	ἐλένιον 99.B
βολβός ἄγριος. 72.A	γλυκύρριζα. 79.B	ἐλεοσέλεινον. 111.A
βοτάνιον ἔρμου. 194.A	γλυκυσίδη. 84.A	ἐλίχρυσον. 45.B
βότρυς 75.B	γναφάλιον 91.A	κός. 111.B
βυβώνιον 59.A	γοπήλη, ἢ γοπή-	ἐλξίνη κισάμ-
βύγλωσσον. 63.B	λίσ. 87.B	πελος. 106.B
βύκωρος 322.B	Δ	ἐλξίνη 114.A
βυνιάς. 75.A	δαμασώνι 18.A	ἐλυμός. 104.B
βούφθαλμον. 64.B	δαῦκος 95.A	ἐμπεπον. 293.A
βράθυς 66.A	δάφνη ἀλεξάν-	ἐπιφυλλόκαρπον
βρύον 71.A	δρεφα, ἢ ἰδαία. 97.B	97.B
βρυωνία 43.A	97.B	ἐπῖάφυλλον. 107
βρώμης. 77.A	δαφνοφθές 93.A	Α.
Γ	διδός βάλγος 154.A	ἐρέβινθος. 109.B
Γαλέοβιολομ 80.B	διδάκος 91.B	ἐρείκη 105.B
γαλινόψις 1bidē	δρακονίδια μεγά-	ἐρπυλλον. 103.A
	λη, ἢ δρακόν-	ἐρυθρόδιανον. 115.
	ζων μέγα. 96.A	Α.
		ἐρύσιμην 106.A
		ἔυζω-

δύζωμον	108. A	I	κάρυα	ποντικὰ.	
θύπατῶριον, ἢ ἡ-	ἰβδρίς	131. B	163. A		
πατῶριον.	ἰβίσκος	8. A	κάρυον	βασιλι-	
100. B	ἱέρα	βοτάνη. 239	κόρυ.	154. B	
θύφροσώνη. 101. A	A.		κασύθα.	141. A	
ἔφυδιον	130. A	ἱεράκιον	129. B	κάσανα.	154. A
ἔφήμδρον. 93. B.	ἱξός	133. B	κέγχρος.	167. B	
στ 144. B	ἰορ	πορφυρεῶν.	κενταύριον	μ-	
ἔχιον	110. B	126. B	κρόρυ.	158. B	
Z	ἰωποσέλιον.		κεραίης	322. B	
ζειά.	116. A	132. B	κέρασος	173. B	
ζιζάνιον	56. B	ἰωπουρίς.	130. B	κέρσον	142. A
H	ἱρίς	128. A	κίκι, ἢ κρότωρ		
ἡλύοσμος. 117. B	ἱρίς	ἀγρία	98. B	137. A	
ἡμοῦνις	119. B	ἰσάις	34. A	κίρκαια	215. B
ἡπατῶριον. 100. b	ἰσχας	58. B	κίρσιον	137. B	
ἡριγέρων	117. A	ἰτέα	135. A	κιστός	171. B
ἡρύγιον	120. B	ἰχθυόθηρον. 184. a	κλημαίς	δαφνὸ	
Θ	K	ἰδής	145. B		
οδρμός ἡμδρ	Καλαμίνθη.	κνίδη	47. B		
125. B	177. B	κνίκος	167. A		
θηλυπῆρις. 241. a	καλλιρίχορ. 36. a	κνίκος	ἀγρία.		
θλάσι, ἢ θλα-	κάνναβις. 161. A	54. B			
πίδιον. 124. a	κάπνος	136. B	κοκκιμηλέα.		
θρίδαξ	120. B	κάρδαμον. 147. a	164. B		
θύαρος	56. B	καρδαμαντική.	κολοκωῖθα	ἔδιω	
θύμβρα	123. B	131. B	διμὸς	149. B	
θύμνος.	334. A	κάρος	162. B	κολοκυνθίς. 151. b	
				κο-	

κολυτέα	182.α	ρος	185.β	λόπιμον	154.α
κολυχικόν, ἢ ἐφῆ-	κώνιδον		165.β	λυσιμάχιον.	199.
μόρον	144.β	Λ		α.	
κομή	332.α	λαγώπας	200.α	Μ	
κόριον, ἢ κορία-	λαθυρίς.		186.β	μαλάχι	205.β
νομ	138.β	λάπαθον.	188.β	μανθραγόρας.	
κορωνόπας.	183.α	λάριξ	200.β	215.β	
κράμβη ἢ ἡμερος	λεμώνιον		190.β	μάραθρον.	202.β
168.β	λείριον		148.α	μέλαν πρᾶσιον.	
κριθή.	179.α	λεγχίν.	193.β	68.β	
κρίνον	148.α	λέκυθος	254.α	μελάνθιον.	204.α
κρόκος	180.β	λεπίδιον	196.β	μελίλωτος.	214.α
κρόμμυον.	175.β	λεπτοκάρυα.	163.	μελισσόφυλλον,	
κρότων	137.α	α.		ἢ μελίφυλλον	
κνάμης	159.β	λθύκανθον.	228.β	201.β	
κνᾶρος	175.α	λθυκόϊον	διοσκο	μήκων ἢ μῆδος.	
κυδωνία	μηλέα.	ρίδις	187.β	210.α	
152.β	λθυκόϊον	θεοφρά	μήκων	κεραΐτις	
κυκλάμνος.	184	σου	197.β	211.α	
α	λιβανωτίς.	195.α	μήκων	ῥοιάς.	
κωϊά	181.β	λιθόπερμον	198.	209.α	
κυνόγλωσσον	166	β		μίλαξ.	283.β. σ
β	λιμνήσιον	κὺ λι-		289.β	
κωοκράμβη.	μναῖον	158.β	μίνθη.	117.β	
181.β	λινόζωσις.	194.α	μορέα	212.α	
κωὸς ὄρχις.	227.	λινόζωσις	ἀγρία	μυρίκη	207.β
α	ἄρῆλω	181.β	μύρρις, ἢ	μύρρα	
κὺπερς	ἢ κὺπὶ	λίνομ	192.α	213.α	

Ν

πεντάφυλλον

πράσιον μέλαν

Νάπυ 219.β

252.β

68.β

Νάρδος ἀγρία

πέπλος

245.α

πράσιν

256.α

345.β

πρόδικιον

114.α

προσώπιον, ἢ προ

Νήριον

221.α

πρόκλυμενον

σωπὶς

32.α

Νυμφαία

218.α

260.β

πάρμηκή 258.α

Ξ

περιζέων 239.α

πέρης, ἢ πέριον.

Ξάνθιον.

236.β

πόρσικη μηλέα

241.α

Ο

244.α

Οἷον

233.α

πετασίτις. 260.α

πύξος

259.β

οἰνάνθη

228.β

περσοέλιον. 264

πύρεθρον

259.α

οἰκίον

223.β

α.

πυρός.

261.β

Ρ

ὀμφαλόκαρπος

21.α

περσοέλιον ἄ-

ράφανος, ἢ ῥα-

γριον

232.α

φάνης.

266.β

ὀξυάκανθα. 221.β

πυκνέλιον. 242

ῥοδία ῥίζα. 269.α

ὀξύς

229.β

β.

ῥοδία φν. 221.α

ὀρροσέλιον 232.α

πήγανον κηπυ-

ῥοδία φν. 221.α

ὀρίγανος

225.α

τόν

249.α

ῥοδία φν. 221.α

ὀρμινον

230.β

πίσον

254.α

ῥοδία φν. 221.α

ὀροβος

231.β

πύα

194.α

ῥοδία φν. 221.α

ὀσυρίς

222.β

πολυγόναζον 234

ῥοδία φν. 221.α

ὀρχις.

227.α

β.

ῥοδία φν. 221.α

ὀρχις σεράπιας.

πολύγονον ἄρῖον

ῥοδία φν. 221.α

227.β

248.α

ῥοδία φν. 221.α

ὀφιογλωσσον. 234

πολυπόδιον 239.β

ῥοδία φν. 221.α

α.

πολύριχον. 36.α

ῥοδία φν. 221.α

Ρ

ποταμογείτων

σατύριον τρίφυλ

Ραιονία 84.α

263.α

λον

286.β

παρθέριον. 233.β

πράσιον

238.α

σατύριον βασιλι-

κόν.	287.α	σμίλαξ	τραχεῖα	Τ	
σέλινον κηπαῖον.	288.β	τελέφιον	324.α		
297.β	σμίλαξ	κηπαῖα.	τθύκριον	335.α	
σέρις	272.β	285.α	τθύτλον	325.β	
σέσελι κριτικόν.	σμήνιον	305.α	πήλις	322.β	
327.β	σογχίτης	129.β	τιθυμάλος.	328.α	
σέσελι ῥ μασσα	σόγχος	271.β	τόρεδυλον, ἢ τορ-		
λεωτικόν. 317.	σσαναχία	270.α	δύλιον	327.β	
β.	σπάρτον, ἢ σπαρ	τρατόπωλον	332.β		
σεῦτλον	325.β	ύιον	304.β	τρίορχις	227.β
σιδηεῖτις	310.α	σπλωῖον	119.β	τρίφυλλον	330.α
σίκυς, ἢ σίκυος ἡ-	σαυροτύπος. 171.α	ξίφυλλον	ἐν χορ		
μός	280.β	σάφισ ἀγρία. 316	βοκοπέοις	πλν	
σίκυς ἀγρίου. 283	β.	νώμνον	331.β		
β.	σαφυλῖνος. 274.β	τριχόμαρες	321.β		
σίλφιον	306.β	σάχυσ	309.α	τρύχνος	275.β
σίνηπι	219.β	σαχυίτης	263.α	τύφη	332.β
σίνηπι ἀγρίου.	σιχάς	313.β	Υ		
124.α	σερακώτης ὁ χι-	γάκινθος	338.α		
σίον	290.β	λιόφυλλος.	ὑδροπέπλι	341.α	
σίσαρον	300.β	292.α	ὑδροσέλιον	111.α	
σισύμβριον. 290.α	σερούδιον	314.α	ὑοσκύαμος	337.α	
σκήλλα	315.α	σερύχνος	275.β	ὑπερικόν.	336.α
σκόλυμος	319.β	συκαμνέα. 212.α	ὑσώπος	340.α	
σκόροδον	312.β	συκὴ ἡμζος	301.α	Φ	
σκόροδον	295.α	σύμφυτον	279.α	φακός, ἢ φακή	
σμίλαξ λεῖα. 289	σχοινόςροφος	346.β	φάσγανον	236.β	
β.	161.α		φί-		



Φίλυρα 348.6	χρυσάνθεμον.	Allium 295.A
Φιλάνθρωπος.21.	355.6	Aloen 61.A
α.	χρυσολάχανον.	Althea 8.B
Φλόμος 342.4	53.4	Amaracum 233.B
Φοῦ. 345.6	Υ	Amaracus 269.B
		Amaratus 45.A
		Ambubeia 273.A
Χ	Υβιδόναρθος 360.	Ammi 28.A
χαμαιάνθη.27.6	6	Anagallis 9.B
χαμαιβάλανος.	Ψίλωθρον 43.4	Anagallis aquatica 291.A
58.6	Ψύλλιον 359.6	Androsæmō 33.B
χαμαίδρευσ 352.4	Ψυχότροφον.	& 336.A
χαμαικίσπος.354	142.4	Anethū 13.B
6.	Ω	Anethum vaccinum 66.B
χαμαικυπάρις -	Ωκίμοφιδές 361.6	Angelica 55.B
σος 353.4	ώνωνίς. 25.4	Anguria 281.A
χαμαιλέωρ λθυ-	L A T I N A -	Anisum 26.A
κός. 356.4	tum Appel	Anonis 25.A
χαμαιλέωρ μέ-	lationū Index.	Anthemis 11.A
λας 357.6	A	Aparine 21.A
χαμαίμηλον.11.6	Brotonum.	Aphaca 273.A
σ 235.6	4.A	Aphace 49.A
χαμαιπίτυς.336	Abſinthium	Apiaſtrum 69.B
α.σ 358.6	1.A	Apium agreſte ibid.
χαράδρανον 130.	Acanthus ſive Acan	Apium hortēſc 297.B
α	tha.21.B.	Apium montanum 232.A
χελιδόνιον μέγα	Aconitum 39.A	Apium paluſtre 111.A
350.4	Acorum 6.B	Apium faxatile 264.A
χελιδόνιον μικρόν	Adiantum 36.A	Apios 58.B
350.6	Aiuga ſive Abiga. 358.B	Apollinaris 337.A
	Alizoon 14.B	Aristolochia 40.B
	Alcea 35.B	Armoracia 267.A
	Alcibiaccum 110.B	Arnogloſſum 16.B
	Alisma 18.A	Artemiſia 19.A

Arum seu Aris 29.B  
 Asarum 5.A  
 Asclepias 57.B  
 Ascyrum 33.A  
 Asparagus 24.A  
 Asphodelus 51.A  
 Aster articus 59.A  
 Atractylis 54.B  
 Attriplex 53.A  
 Auena 77.A  
 Auricula muris 10.B

**B** Allote 68.B  
 Balsamine 78.B  
 Barba capri-  
 na 76.A  
 Batrachium 69.A  
 Beta 325.A  
 beta syluestris 190.B  
 Bellis siue bellius  
 65.A  
 Betonica 142.A  
 & 143.A  
 Blattaria 76.B  
 Blitum siue blitus  
 74.A  
 Botrys 75.B  
 Bouis lingua 63.B  
 Brassica fatiua 168.B  
 Bubula lingua 63.B  
 Buglossum . ibidem  
 Buglossum magnum  
 137.B  
 Bulbus syluestris  
 72.A. & 144.B  
 Bupthalmum  
 64.B  
 Buxus, 259.B

**C**  
 Alamintha 356.A  
 177.B  
 Callitrichum 36.A  
 Catha vel calthula  
 156.B  
 Cāpanula 177.A  
 Canina brassica  
 181.B  
 Canina malus 215.B  
 Cannabis 161.A  
 Capillaris 321.B  
 Capsella 124.A  
 Carduus 319.B  
 Carduus, veneris  
 91.B  
 Carduus suarius  
 356.A  
 Carduus niger  
 357.B  
 Cardiaca 162.A  
 Caron, v el careum  
 162.B  
 Caryophyllata  
 157.B  
 Cassutha 141.A  
 Casta herba 84.A  
 Castanea 154.A  
 Centum morbia  
 164.A  
 Centunculū aut cen-  
 tūlaris herba 91.A  
 Cepa 175.B  
 Cerasus 173.B  
 Chamæcyparissus  
 353.A  
 Chamædaphne  
 146.A

Chamæleon albus  
 356.A  
 Chamæmelon 11.B  
 Chelidoniū maius  
 350.A  
 Chelidoniū minus  
 350.B  
 Chrysanthemum  
 355.B  
 Cicer 109.B  
 Cicerbita 271.B  
 Cicuta 165.  
 Cinara 319.B  
 Cincinnalis 36.A  
 Citrigo 201.B  
 Clematis Daphnoī.  
 des 145.B  
 Cnicus & Cnecus  
 167.A  
 Cnicus syluester  
 54.B  
 Colubrina 96.A  
 Colūbaris seu colū-  
 bina 239.A  
 Colutea 182.A  
 Colus rustica 54.B  
 Coma 332.A  
 Consolida media  
 160.B  
 Consolida minor  
 65.B  
 Cōuoluulus 106.B  
 Coriō seu Coriannō  
 138.B  
 Corona regia 214.A  
 Corona veneris  
 290.A  
 Coronea malus  
 152.B

Crambe	163.B	Ephemerum	98.B	Gingidium	89.A
Crista gallinacea		Equinalis herba		Gith	204.A
	239.B		130.B	Gossipium	235.A
Crocus	180.B	Equisetum ibidem		Gramen	60.A
Cruciata	171.A	Erica	105.B		
Cucumis, seu cucu-		Eruca	108.A		
mer	280.B	Eruum	231.B		
Cucumis anguinus		Eryngium	120.B		
	283.B	Eupatorium	100.B		
Cucurbita	149.B	Eupatorium adulte			
Cucurbita sylvestris		rinum	109.A		
	151.B				

Cunila	123.B		
Cyanus	175.A		
Cydonia	152.B		
Cynia	181.B		
Cynoforchis	217.A		
Cyperus & Cipirus			
	185.B		

**D**

Amassoniū	
	18.A
Daphnoī-	
des	93.A

Daucus	95.A
Dolichi	285.A
Dracunculus maior	
	96.A

Dulcis radix	79.B
--------------	------

**E**

Biscus	8.B
Ebulus	
	27.B
Echiū	110.B

Elenium	99.B
---------	------

Elleborus albus	
	111.B

Elleborus nigra	
dulterinus	113.A

**F**

Aba	159.B
Farrago	
	309.B
Farfaria	62.B

Febrifuga	158.B
-----------	-------

Fel terræ	Ibidem
-----------	--------

Ficus fatiua	301.A
--------------	-------

Filicula	239.B
----------	-------

Filix	241.A
-------	-------

Flos frumentorum	
	175.A

Fœniculum	202.B
-----------	-------

Fœnūgracū	322.B
-----------	-------

Fontalis	263.A
----------	-------

Fragaria	344.A
----------	-------

Fumaria	136.B
---------	-------

Fusus agrestis	54.B
----------------	------

**G**

Alcopfi	
	80.B
Gallion	81.B

Geminalis	
	230.B

Genista	89.B
---------	------

Genistell	90.B
-----------	------

Gentiana	83.B
----------	------

Geranium	86.A
----------	------

**H**

Alicacabū	
	276.A
Hedera	
	171.B

Hedera terrestris	
	354.B

Hedypnoīs	273.A
-----------	-------

Helxine	114.A
---------	-------

Helxine Cissāpelos	
	106.B

Hemionitis	119.B
------------	-------

Hepatorium	100.B
------------	-------

Hiberis	131.B
---------	-------

Hieracium	129.B
-----------	-------

Hierobotane	239.A
-------------	-------

Hirci barba	332.A
-------------	-------

Hirudinaria	164.A
-------------	-------

Hordeum	179.A
---------	-------

Hordeum distichum	
	Ibidem

Hordeū polystichū	
	Ibidem

Hyacinthus	338.A
------------	-------

Hydropiper	341.A
------------	-------

Hyoscyamus	337.A
------------	-------

Hypericum	336.A
-----------	-------

Hyssopus	340.A
----------	-------

**I**

Biga	358.B
------	-------

Ibiscus	8.B
---------	-----

Illecebra	324.A
-----------	-------

Inguinalis	59.A
------------	------

Intubus	272.B
---------	-------

Inula	99.B
-------	------

Iouis glans	154.A	Lichen	193.B	Myrrhis	213.b
Irion	106.A	Ligustrum	195.B	N	
Iris	128.A	Lilium	148.A	Apus	75.A
Iris syluestris	98.B	Limonion	190.B	Napus bu-	
Isatis	34.A	Ligna canina	166.B	nias satiuus	
Iuglans	154.B	Lingua serpentina		& syluestris.	
Iuniperus	34.A	234.A		Ibidem	
Iunonis rosa	148.A	Linum	192.A	Nardus syluestris	

L

Labrū veneris	91.B	Lithospermū	198.B	Nasturtium agre-	
Lactaria herba		Lunaria minor		ste	131.B
328.A		Lupinus satiuus		Nasturtium satiuū	
Lactuca	121.B	125.		147.A	
Lactuca caprina, aut		Lupus salictarius vel		Nepeta	177.B
marina	328.A	reptitius	71.A	Nerion	221.A
Lactuca syluatica		Lychnitis	342.B	Nigella	204.A
129.B		Lycoctonum	39.A	Nūmularia	164.A
Lamium	191.B	Lyfimachia	199.A	Nux auellana	163.A
Lanaria herba		M		Nux Regia & persi-	
314.A		Aiorana		ca	154.B

Larix seu Larex		M		Nux castanea	154.a
200.B		Mala isana		Nux pontica	163.A
Lafer, seu Laferpitiū		217.B		Nymphæa	218.A
306.B		Malua	205.B	O	

Lathyris	186.B	Malus Cotonea		cimum	
Lauer	291.B	152.B		223.B	

Laurus alexadrina,		Marrubium	238.A	O	
aut Idæa	97.B	Melilotus	214.A	Ocima-	
Lens siue lēticula		Melones	281.A.B	strum	
346.B		Menta	117..B	361.B	

Lepidon	131.B. &	Menthastrum	118.A	Oenanthe	228.B
196.B		Mercurialis	194.A	Olus atrum	132.B

Leporinus pes		Mercurialis sylue-		Ononis	25.A
200.A		strismas	181.B	Ophioglossū	234.A
Leucoion Dioscori-		Milium	167.B	Ophris	230.A
dis	187.B	Millefolium	233.B	Orchis	227.A.B

Leucoion Thephra		Mors vermium	3.B	Origanum	225.A
sti	197.B	Morus	212.A	Orminum	230.B

Lolium	56.B	Myrice	207.B	Osyris	222.B
				Oxalis	189.A.B
				BB	

Oxyacantha	221.B	Pisum	254.A	269.A		
Oxylapathū	189.A	Pituitaria	316.B	Rhododendron		
Oxys	229.B	Plantago	16.B	221.A		
P						
AEonia		Polygonatū	237.B	Ricinus	137.A	
84.A		Polypodium	239.B	Rosa	265.A	
Panicum		Polytrichon	254.B	Rosmarinus	195.A	
104.B		Polytrichum	36.A	Rubia	115.A	
Papauer corniculatū		Porrum	256.A	Rubus	67.A	
211.A		Portulaca	49.B	Rumex	188.B	
Papauer nigrum		Potamogetō	263.A	Ruta hortensis		
204.A		Prænestina nux		249.A		
Papauer rhœas		163.A		S		
209.A		Proserpinaca		Abina fueau		
Papauer satium		248.A		na	66.A	
210.A		Prunus	164.B	Sagminalis		
Parthenium	233.B	Pseudonardus		herba	239.A	
Pastinaca	274.B	360.B		Saliuaris	259.A	
Pedicularis herba		Pfilothrū	43.A	Salix	135.A	
316.B		Pulegium	82.A	Salix equalis	130.B	
Peplos	245.A	Pulicaris herba		Salvia	102.A	
Pepones	281.A.B	359.B		Salvia sylvestris		
Petasites	260.A	Pulmonaria	257.B	230.B		
Petroselinū	264.A	Pyrethrum sylvestre		Sambucus	27.B	
Petroselinum sylve-		258.A		Sanguinalis	183.A	
stre	232.A	Q				& 248.A
Perfoliata	255.B	Quercus	93.B	Sanguinaria	183.A	
Perficaria	255.A	Quinquefolium		Sanicula	270.B	
Perfica malus		252.B		Sardiana glans		
244.A		R				154.A
Personatia	32.A	Radicula	266.B	Satyrium regium		
Pes anserinus		&	314.A	287.A		
263.B		Radix	266.B	Satyrium trifolium		
Pes cornicis	183.A	Ranunculus	69.A	286.B		
Peucedanus	242.B	Raphanus	266.B	Saxifraga	293.A	
Phu	345.B	Raphanus sylvestris		Scandulaceū	124.A	
58.B		58.B		Scilla	315.A	
Pinastellus	242.B	Rapum	87.B	Scorpium	39.A	
Piperitis	294.A	&	184.A	Scythica radix	79.B	
Pistolochia	40.B	Rhodia radix		Secale	309.B	

Sedum	14.B	Spina alba	23.A	Tithymalorum	32
Semen	116.A	Spinacia vel spina -		ra plura	328.A
Semē lūbricorū	3.B	ceumolus	270.A	Tordylon, siue Tor	
Seminalis	248.A	Spinamollis	137.B	dylon	327.B
Senetio	117.A	Stachys	309.A	Trichomanes	321.b
Sentes	67.A	Sternutamentaria		Trifolium odoratum	
Septifolium	107.A	258.A		330.A	
Seriola	272.B	Stichas	313.B	Trifolium pratense	
Seris	272.B	Stratiotes millefolia		331.b	
Sepentaria	164.A	292.A		Triticum	261.b
Serpentaria maior		Strobilus	319.B	Trisago	352.A
96.A		Succisa	287.B	Trixago palustris	
Serpyllum	103.A	Supercilium terræ		312.B	
Sertula campana		36.A		Tuber terræ	184.A
214.A		Syluæ mater	260.B	Tussilago	62.B
Seseli Creticū	327.b	Symphytum	279.A	Typha	332.B
Seseli Massiliense		T			V
317.B		Amarix		Eratrum al	
Sideritis prima		T	207.B	bū 111. B	
310.A		Telephium		Verbasculū	
Siliquastrū	294.A	324.A		342.A	
Sinapi	219.B	Terminalis	161.B	Verbascula	342.A.B
Sion	291.A	Terræ capillus	36.A	Verbenaca	239.A
Sifer	300.B	Terræ corona		Vernilagium	357.B
Sifymbrium	290.A	354.B		Vescicaria	276.A
Sifymbrium Carda-		Terrestris malus		Vetonica	142.A
mine	290.B	215.B		Vitia	73.B
Sitanium	202.A	Testiculus serapias		Victoriola	97.B
Smilax aspera	288.b	siue orchis	227.B	Viola	187.B
Smilax hortensis		Teucrium	335.A	Viola alba	187. B.&c
285.A		Tencrion Plinij		197.B	
Smilax læuis	289.B	119.B		Viola matronalis	
Smyrniūm	305.A	Thlaspi	124.A	127.B	
Solanum	275.B	Thymbra	123.B	Viola muraria vel	
Solidago	279.A	Thymus	334.A	purpurea	120.B
Solis oculus	233.B	Thryallis	342.B	Viscum	133.B
Sonchus	271.B	Tilia	348.	Vitis alba	43.a
Sorbus	233.A	Titinabulum terræ		Vitis nigra	44.B
Spartum	304.B	190.B		Vitis vinifera	37.A
				BB ij	



Vmbilicusterræ 184.

a

Volucrum maius

260.b

Vrceolaris 114.a

Vrtica 47.b

Vrtica labeo 80.b

Vua crispa 77.b

X

Xanthium. 236.b

Xylon 235.a

Z

Zea 116.a

Index Nomenclatio-  
num quibus officinæ  
Seplasiariorū, & Her-  
barij nostri temporis  
vtuntur.

A

Brotonū 4.a

Abfinthium

1.a

Acorum 6.b

Acus pastoris 86.a

Acetosa 189.a

Acutella 25.a

Affodillus. 51.a

Agrimonia 100.b. &

251.a

Alchimilla 247.b

Alliaris & alliaria

47.a

Alleluya 229.b

Allium 295.a

Alkakengi 276.a

Aloë 61.a

Altaraxacon 275.a

Altercum 337.a

Ameos 28.B

Amoris poma 217.B

Anethum 13.B

Anisum 216.A

Apium hortense

297.B

Apiū agreste 69.B

Aquilegia 46.B

Archangelica 191.B

Arcocus 319.B

Aristologia 40.B

Armoracia 267.A

Artemisia 19.A

Arthanita 184.A

Arthetica herbæ

342.b

Articocalus 319.B

Afa foetida 307.A

Asarum 5.A

Aspergula 21.A

Asprella 130.B

Atriplex 53.A

Auena 77.A

B

B

Alfamita

290.B

Baptifecula

175.A

S.Barbaræ herba

299.A

Bardana 32.B

Basilicon 223.B

Bedegarim, siue Be-

degvar

23.A

Belzuinum 307.A

Benedicta herba

157.B

Berberis 221.B

Betonica 142.A

Bipennula 246.B

Bistorta 107.A

& 311.B

Bismalua 8.B

Bombasum 235.A

Bombax Ibidem

Bonifacia 97.B

Bonus Henrichus

189.a.b

Borrago 63.B

Branca vrsina 21.B

Bruscandula 71.A

Bryonia 43.A

Bucheiden 287.A

Buglossa 137.B

Buglossum fyluestre

110.B

Bursa pastoris 124.b

&

247.A

C

C

Alamentum

177.B

Calendula

156.B

Camomilla 12.A

Campana 99.B

Campanella 289.B

Canapus 161.A

Candela regis, quæ

& candelaria 342.A

Capillus veneris

36.A

Caprifolium 260.B

Caputi caules 168.b

Cardo fullonum, seu

Carduus fullonius

91.B

Cardopatium

356.a

Carduus Benedictus

54.B. & 55.A	279.a	Eruca	108.a
Carota 274.B	Côsolida minor 65.b	Esula	328.a
Cartamum 167.A	Coriandrum 138.b	Esula rotûda	245.a
Cartamus syluestris	Cornu ceruinû 183.a	Euiscum	8.b
54.B	Corrigiola 248.a	Eupatorium adulteri	
Cartafilago 292.B	Cotula fœtida 233.b	num	109.a
Carui 162.B	Cotula nō fœtida	Euphrasia	101.a
Castrangula 80.B	64.b	F	
Cataputia maior	Cotum 235.a	Faba	159.b
137.A	Craffula maior 324.a	Faba craffa	324.a
Cataputia minor	Cressio hortensis	Faseoli	285.a
186.B	147.a	Ficaria	80.b
Cauda equina	Crocus 180.b	Ficus satiaua	301.a
130.B	Crocus hortensis	Filago	292.b
Caulis 168.B	167.a	Filipendula	228.b
Cauta 233.B	Cuculus 275.b	Filix	241.a
Cepa 175.B	Cucumer, seu cucu -	Flammula	69.a
Cepa syluestris	mis 280.b	Flos amoris	45.a.b
72.A	Cucumer asininus	Flos february	158.a
Centauria minor	283.b	Flos omnium mensû	
158.B	Cucurbita 149.b	157.a	
Centûnodia 248.A	Cuscuta 141.a	Fœniculum	202.b
Centûcapita 120.B	Cyclamen 184.a	Fœniculus Porcinus	
Chamædrys 352.A	Cynoglossum 166.b	242.b	
Chærefolium 89.A	Cypirus 185.b	Fœnumgræcum	
Cheiri 187.B	Cypressus 353.a	322.b	
Chelidonia 350.A	D	Fortis, seu fortis her	
Cheruilla 300.B	Dens leonis 273.a	ba	293.a
Cicer 109.B	Diapensia 270.b	Fuga dæmonû	336.a
Cichorea 273	Digitalis 361.a	Fumusterræ	136.b
Cicuta 165.B	Digiti citrinî 287.a	Funis arborû	289.b
Cicutaria 213.B	E	G	
Citonia 152.B	Lleborus al -	Allitrichum	
Citruli vel citreoli	bus 111.b	230.b	
281.A	Endiuia vera	Genesta, siue	
Coloquintida 151.b	272.b	Genestra	89.b
Colubrina 311.b	Enula 99.b	Gentiana	83.b
Condisi 314.a	Enula câpana ibidē	Glastum	134.a
Consolida maior	Equina mētha 118.a	Gratia dei	86.a

Guadum 134.a

H

**H** Edera ter-  
restris 354.a  
Hepatica  
193.b

Herba diui Ioannis  
336.a

Herba fortis 293.a

Herba fullonum  
314.b

Herbæ paralyfis  
342.a

Herba Roberti  
86.a

Herba stellæ 183.a

Hermodytylus  
144.b

Hirundinaria 57.a

Hispanach 270.a

Hispanicū olus ibidē

Hordeum 179.a

Humulus 71.a

Hypericum 336.a

Hysopus 340.a

I

**I** Acobiflos 297.a

Iarum 29.b

Indicum 134.a

Iouis barba 14.b

Iringus 120.b

Iris 128.a

Iua muschata 358.b

Iuniperus 34.a

Iusquiamus 337.a

K

Keirim 187.b

Kerua 137.a

L

**L** Actuca 121.b  
Laetucella  
271.b

Lanaria 342.a

Lapatiū acutū 189.a

Lapparia ſuerſa 135.b

Lappa maior 32.a

Lappa minor 236.b

Luga 200.b

Laureola 93.a

Lens 346.b

Leuisticum 305.a

Lilium album 148.a

Liliū conualliū 98.b

Lilium inter ſpinas  
260.b

Linaria 222.b

Lingua bouis 137.b

Lingua ceruina 119.b

Linum 192.a

Liquiritia 79.b

Luparia 39.a

Lupinus 125.b

Lupulus 71.a

M

**M** Aiorana  
269.b

Malua 205.b

Maluauiſcum 8.b

Mandragora 215.b

Marrubiū nigr. 68.b

Marrubiaſtrum ibidē

Mater ſylua 260.b

Matricaria 19.B

Melanzana 217.b

Melilotum 214.a

Meliſſa 201.B

Mentha 117.B

Mentha aquatica

290.b

Mentha Romana

117.b

Mentha Saracénica

ibidem

Mercurialis 194.a

Milium 167.b

Milium ſolis 198.b

Millefolium 292.a

Millemorbia 80.b

Mora Vaticana 67.a

Morella 275.b

Morſus diaboli 288.a

Morſus gallinæ 10.b

Morus celfi 212.a

Muralis 114.a

Muscata 86.a

N

**N** Aſturtiū

147.a

Naſturtiū

aquaticum

290.b

Naſturtium tectorū

124.b

Nenuphar 218.a

Nigella 204.a

Nil 134.a

Nilech ibidem

Nux 154.b

O

**O** Cularia

101.a

Oculus bo

uis aut vac

cæ 64.b

Oleáder 221.b

Ophthalmica 101.a

Orobis	231.b	Piperitis	196.b	Restabouis	ibidem.
Origanum	225.a	Plantago	16.b	Rhabarbarum	mona
Os mundi	49.a	Podagra lini	141.a	chorum	189.a
Osatis	134.a	Polypodium	239.b	Ribe.	268.b
Osteritium	306.b	Plytrichon	321.b	Roberti herba & Ro	
P		Porrum	256.a	bertiana	6.8.a
AEonia	84.a	Portulaca	49.b	Rosa	265.a
Pagana lingua		Potentilla	251.a	Rosæ caninæ	265.b
97.b		Prasium	238.a	Rosmarinus	195.a
Palma Christi		Prasium foetidū	68.b	Rosmarinus aculea-	
137.a &	287.a	Primula veris	65.b	tus	90.b
Pampinula	246.b	Prunella	252.a	Rostrū ciconiæ	86.a
Panis cuculi	227.b	Pruncola, siue		Rostrum porcinum	
Panis porcinus	59.a	Prunula	164.b	273.a	
&	184.a	Prunus	Ibidem	Rubea tinctorū	115.a
Panis terræ	ibidem	Pseudomelanthion		Ruta	249.a
Papauer	210.a	56.b		S	
Papauer cornut.	211.a	Psyllium	359.b	Acerdotis viri	
Papauer rubcū	209.a	Pulegium	82.a	le	29.b
Parietaria	114.a	Pulegium syluestre		Salicaria	199.a
Pastinaca	300.B	177.b		Salua	102.a
Pastoria bursa	247.a	Pyrethrum	259.a	Salua vita	293.b
Pentadactylon	137.a	Pyrethrum syluestre		Sanamunda	157.b
Pera pastoris	247.a	258.a		Sancti spiritus radix	
Perforata	336.a	Pyrola	191.a	55.b	
Perfica	244.a	Q		Sandaracha arabum	
Peruinca	145.B	Quercus	93.b	34.a	
Pes anserinus	263.b	Quinquefoliū.	252.b	Sanguisorba	318.b
Pes asininus	47.a	Quercula minor	352.	Sanicula	270.b
Pes columbinus	86.a	a		Saponaria	314.a
Pes corui	69.a	R		Sardianæ glandes	
Pes leonis	247.b	Aphanus	154.a		
Pes vituli	29.b	minor &		Satureia	123.b
Petroselinum	232.a	maior.		Sauina vel Sabina	
Phasioli	285.a	267.a		66.a	
Pilosella	245.b	Rapistrum.	106.a	Saxifragalutca	300.a
Pimpinella	246.a	Rapum	87.b	Saxifraga maior	299
Piper Hispanum, seu		Rapunculus	ibidem	b	
Indianum	294.a	Remora aratri	25.a	Saxif. aga rubea	228.

Scabiosa	288.a	Squilla	315.a	Turcicum frumenti	
Scariola	272.b	Staphisagria	316.b		333. a
Scelerata	69.a	Stellæ herba	183.a	V	
Scolopendria	119.b	Stichas arabica	313.a		Aleriana
Scrophularia	350.b	Stichas citrinū	45.b		345.b
Scrophularia maior		Stramonia	276.b		Verbena
80.b		Succus cyrenaicus.			239.a
Semperuium	14.b				
Semperuium mari-		T		Vernix	34.b
num	61.a			Veronica	71.B
Sena	182.a	Amariscus		Vincaperuica	145.b
Serrata, siue Serratu		207.b		Vincetoxicum	57.b
la	352.a	Tanacetum		Viola	126.b
Serpentaria minor		19.b		Virga pastoris	91.b
29.b		&	20.a	Viscum	133.b
Serpentariæ officina		Tanacetum syluestre		Vitalis	107.a
rum	311.b	251.a		Vitia syluestris	49.a
Serpyllum	103.a	Tapfus barbatus		Viticella	43.a
Serpyllum Romanū		342.a		Vngula caballina	
334.a		Taraxacon	273.a	62.b	
Seruilla	300.b	Testiculus canis		Volubilis maior	
Serullum	ibidem	227.a		289.b	
Sigillum Salomonis		Testiculus vulpis,		Volubilis media	
234.b		aut sacerdotis	286.b	107.a	
Siler montanū	317.b	Tilia	348.b	Vrinalis herba	222 b
Simeonis herba	35.b	Tinctorius flos		Vrtica	47.b
Sinapi	219.b	327.A		Vrtica iners, mortua,	
Sinapi rusticū	124.b	Tormentilla	107.a	vel alba	191.b
Sinapi syluestre	106.a	Trifolium	330.a	Vua lupina	275 b
Sitanium	262.a	&	331.b	Vua versa seu vulpina	
Solatrium	275.a	Trifolium acetosum		39.a	
Solidago Saracenica		229.b		Vua vulpis	275.b
292.b		Trifolium humile		Vuularia	27.b
Sorba	233.a	200.a		Z	
Sorgi	311.a	Trinitas	Ibidē	Zinziber caninum	
Sparagus	24.a	Trinitatis herba		294.a	
Spelta	116.	325.a			
Sphatula foetida	321.a	Triticum	361.a	Finis Indicis.	
		Tunica	143.a		

# IN PLANTARVM Historiã à Leonharto Fuch- sio picturis elegantibus ex- pressam adnotationes.

*Absinthium officinis Romanum idem cum pontico rectè  
sentis, à vulgari autem id esse diuersissimum ex Galeni Me-  
thodo abundè probatur.*

*Santonicum à Santonia regione prope Burdegalam albius  
Romano est, folio non multo latiore. Vtrunque enim & Seri-  
phium est tenuifolium, cū vulgare sit latifolium. Aloine nobis  
dictum ab insigni Aloës amariudine.*

## DE ABSINTHIO. CAPVT. I.

### NOMINA.

A *ἄνθρον* Græcè, Absinthium Latinè  
appellatur. In officinis suam appel-  
latione retinuit. Galicè *de Laloine*,  
quasi prohibens hilaritatem & ala-  
critatem, ob immensam suam ama-

ritudinem, nominatur. Nomen hoc Græci ab *ἀντί-  
σθαι*, id est, contrectando, per *ἀντίστροφον* deflexerūt,  
quod nullum animal, ob eximiam amaritudinē, hanc  
herbam attingat. Veteres Græci Comici *ἀνίσθρον*  
quoque conformi etymo, quasi impotabilem dixe-  
runt, quod hanc nemo, propter insignem amarorem,  
bibere possit.

*Absinthium  
unde dictū*

### GENERA.

Absinthij genera sunt tria, Galeno & Dioscoride  
testibus. Vnum quod Romanum, vulgare seu com-  
mune vocant, & est id quod passim in Germania  
nascitur. Huius generis est quod à Ponto regione,

*Vulgare  
Absinthium*

a in

# PLANTARVM HISTORIAE.

*Ponticum.* in qua nascitur, Ponticum cognominatur, estque ce-  
*Seriphii.* teris multò præstantius. Alterum genus est marinũ,  
*Santoniciũ* quod Seriphium nominant. Tertium Santonicum,  
 à Santonibus Galliæ populis, apud quos plurimũ  
 gignitur, dictum est. Hinc nonnulli eius semen cor-  
 rupta voce Sanctum, quoniam Sanctonicum dicen-  
 dum esset, appellant. Nisi id nominis ob insignem  
 eius efficaciam, quam in necãdis lumbricis obtinet,  
 illi imposuerint. Hodie semen lumbricorum nuncu-  
 pant, Gallicè *Mort de uers.*

## FORMA.

*Vulgare* Absinthium vulgare, herba est caule ramoso, foliis  
*Seriphii.* incanis, multipliciter sectis, aureo flore, semine rotũ-  
 do, racematim cohærente. Seriphium verò herba est  
 prætenues ramos cirrósue habes, minori similis Ab-  
 rotono, exiguis referta seminibus, subamara, & gra-  
 ui odore. Siquidem herba est tenuibus cirris, Abro-  
 tono fœminæ similis, semine in siliquis paruo, graui-  
*Santoniciũ* ter odorata, & subamara. Santonicũ simile est Absin-  
 thio, sed nõ adeò copioso semine scatès, & subamarũ.

## LOCVS.

Nascitur, Oribasio & Apuleio autoribus, locis  
 cultis, montosis & saxosis: plurimum autem præstan-  
 tissimumq; in Ponto, Cappadocia, & Tauro monte.  
 Seriphium passim circa itinera, macerias vinearum,  
 & sæpes prouenit: vt verum sit quod à Plinio dictũ  
 est, plerãq; herbas pedibus cõculcamus, quarũ si nõ  
 his virtus p̃specta esset, eas ì cœlũ laudibus ferremus.  
 Santonicum in Gallia, vt diximus, copiosè gignitur.

## TEMPVS.

Colligendum in fine Iulij mensis, ac in vmbra ex-  
 iccandum, quo etiã tempore floribus & semine præ-  
 gnans est.

## TEMPERAMENTVM.

Ponticum minus calefacit, quod astringtionis mul-  
 tæ sit particeps. Minus etiam ceteris generibus exte-  
 nuat, non minus tamen resiccat. Galeno itaq; auto-  
 re cali-

re calidum in primo gradu, & ficcum in tertio statuitur. Succus autem eius longè quàm herba ipsa calidior est. Vulgare quidem altriçtoriam, amaram & acrem qualitatem obtinet, haud secus atque Ponticū. In hoc tamen ab eo differre videtur, quòd in illo maior sit amaritudo quàm adstriçtio. Quamuis neque Ponticum modicè amarum sit, quod Ouidius satis iis innuit versibus:

Turpia deformes gignunt Absinthia campi,

Terræque de fructu, quàm sit amara docet.

Loquitur autem de Ponto. Seriphium ipsum Abrotono minus est calidū, verū Absinthio calidius. Sātonicum in extenuādo, & calefaciendo, deficcandōue, Seriphio paulò imbecillius.

#### VIRE S. EX DIOSCORIDE.

Absinthium calfacit, adstringit, bilémque stomacho & ventri inhærentem expurgat. Vrinæ cit. Cræpulam præsumptum arcet. Inflationibus, ventrisq; & stomachi doloribus, cū Sefeli & Nardo Gallico potum prodest. Fastidia discutit. Morbo regio correptos, dilutum aut decoctum eius per singulos dies cyathis tribus haustum sanat. Menses cū melle sumptum aut appositum euocat. Strangulationibus fungorum ex aceto potum subuenit. Ixiæ, cicutæ, muris aranei moribus, & draconi marino cum vino aduersatur. Anginæ cū melle & nitro inungitur. Contra epinyctidas ex aqua, sugillata vero & oculorum caligines cum melle, similiter auribus ex quibus manat sanies, illinitur. Decocti eius vapor suffitúsue, dentium auriūq; dolores lenit. Decoctū cū passo dolentibus oculis oblinitur. Præcordiis, iecinori, & stomacho dolenti, ac longo tempore affecto, cum cera-to Cyprino tritum illinitur. Stomacho autē cum rosaceo subactum. Cum ficis, nitro, & farina loliacea, aquæ inter cutem, lienosisque subuenit. Præterea vestiariis arcisq; inditum Absinthiū, vestes ab erodentium iniuriis seruat. Culices cum oleo perunctum



## PLANTARVM HISTORIAE

à corporibus abigit & arcet. Atramentum librarium ex diluto eius temperatum, literas à muriū erosionē tuetur. Par est etiam succū hæc omnia facere, attamē in potionibus improbatur, stomacho enim obest, & capitis dolores adfert. Seriphium verò per se, vel cū oryza decoctum, & cum melle sumptum, ascaridas & rotundos lumbricos necat, aluū simul leuiter subducens. Eadem potest præstare cum edulio aut léticula decoctū. Santonicū eadē quæ Seriphii potest.

### EX GALENO.

Abinthium adstrictorium, amarā, & acrem simul qualitatem possidet, excalfaciens pariter & extergens, roborans & desiccans. Proinde biliosos vètris humores per egestionem infernam propellit, ac per vrinam euacuat. Magis verò quod in venis est bilio sum per vrinam expurgat. Ideo contentam in ventre pituitam, sumptum nihil iuuat. Sic neque si in thorace aut pulmone contineatur: nam adstringens in eo facultas, quàm amara valentior est.

### EX PLINIO.

Stomachū corroborat, & ob hoc sapor eius in vina transfertur. Bibitur decoctum in aqua, & postea nocte & die refrigeratū sub dio: decoctis sex drachmis foliorum cum ramis suis in cœlestis aque sextariis tribus. Oportet & salem addi. Tritum, vt aiunt, raro in vsu est, sicut & succus expressus. Bibitur & madefacti dilutum. Exprimitur autem cū primū semen turgescit, madefactum aqua triduo recēs, aut ficcum septem diebus, deinde coctū in greco vase ad tertias, decem heminis, in aque sextariis quadraginta quinq; iterumque percolatum, herba eiecta, lentè coquitur ad crassitudinem mellis, qualiter ex minore Cētaurio quæritur succus. Sed hic Abinthij succus inutilis stomacho capitiq; est, cū (vt tradunt) sit illud decoctum saluberrimum: nam stomachum adstringit, bilemque detrahit, vrinam cit, aluū emollit, & in dolore sanat, ventris animalia pellit. Mala-

ciam.

ciam stomachi & inflationes cū exiguo Sili & Nardo Gallico, addito aceto, discutit. Fastidia abstergit, concoctiones adiuuat. Cruditates detrahit cum ruta, & pipere, & sale. Antiqui purgationis gratia dabant cum marinæ aquæ veteris sextario, seminis sex drachmis, cum tribus salis, & mellis cyatho. Efficacius purgat duplicato sale. Quidem in polenta dederunt supradictum pondus addito Pulegio. Alij contra paralyfin. Alij pueris folia in fico, sic vt amaritudinem fallerēt. Facile thoracem purgat cū Iride sumptum. In regio morbo crudum bibitur cū Apio, aut Adianto Aduersus inflationes calidū paulatim sorbetur ex aqua. Iecinoris causa cum Gallico Nardo, lienis cum aceto, aut pulte, aut fico sumitur. Aduersatur fungis ex aceto. Item visco, cicutæ ex vino, & muris aranei moribus, draconi marino, scorpionibus. Oculorum claritati multum cōfert. Epiphoris cū passo imponitur, sugillatis cum melle. Aures eius decoctum vaporis suffitu sanat: aut si manat sanies, cum melle tritum. Vrinam ac menses ciunt tres quatuorue ramuli, cū Gallici nardi radice vna, cyathis aquæ vi. mēses priuatim cum melle sumptum, & in vellere appositū. Anginis subuenit cum melle & nitro. Epinyctidas ex aqua sanat: vulnera recentia, priusquam aqua tangantur impositum: prætereāq; capitis vlcera. Peculiariter ilibus imponitur, cū cypria cera, aut cum fico. Sanat & pruritus. Nō est dādum in febris. Nauseas maris arcet in nauigationibus potum: inguinum tumorem in ventrali habitum. Somnos allicit olfactū, aut inscio sub capite positū. Vestibus insertū tineas arcet. Culices ex oleo perunctis abigit, & fumo si vratur. Atramentum librarium ex diluto eius temperatum, literas à musculis tuetur. Capillum denigrat absinthij cinis, vnguento rosaceoq; permixtus. Marinum, quod quidam seriphium vocant, stomacho inimicum. Aluum mollit, pellitq; animalia interancorum. Bibitur cū oleo & sale, aut

## PLANTARVM HISTORIAE.

in farinæ trimestris sorbitione dilutum. Coquitur quantū manus capiat, in aquæ sextario ad dimidias.

### VINI ABSINTHITIS VIRE. EX DIOSCORIDE.

Absinthites vinum stomacho accommodatum est, urinam cit. Tarde concoquentibus vtile: iecinorosis itidem, nephriticis, & regio correptis morbo, Cibum non appetentibus, & stomacho male affectis, & longis præcordiorum distensionibus ac inflationibus, rotundis lumbricis, & suppressis mensibus auxiliatur. Contra ixiæ venena hausta, copiosius potum, & vomitionibus redditum prodest.

### CONFECTIO.

Varia vini absinthitis sunt confectioes, vt ex Dioscoride constare potest. Optimum tamen fit, si tusq; Pontici absinthij drachmæ octo, linteo raro ligatæ, in amphoram vini coniiciuntur. Mustū deinde mittitur, relicto vno vasis spiraculo ne efferuescens foras exiliat.

### APPENDIX.

*Semen lū-  
bricorum.* Santonici, quod vt commemoratum est, hodie semen lumbricorum vocant, præcipuus hoc tempore ad lumbricos ex corpore pellendos & enecandos vsus est. Et si genuinum est, magna efficacia cū melle assumitur tam à pueris, quàm adultis. Seriphiū quoque aduersus lumbricos à multis commendatur, eoque nomine Mors vermium appellatur. Sunt etiam qui lumbricorum semen nominent.

### DE ABROTONO. CAP. II.

Pro fœmina abrotono absinthium Romanum uideris pīctura exprimere, quanquam id uulgo syluestrem cypressum à similitudine & odore foliorum eiusdē appellari scribis. Quā postea ex Plinio chamæ cypressum pingis, quibusdam uidetur abrotonum fœmina.

NOMI

## NOMINA.

Ἀβρότον Græcis, Abrotonum Latinis nominatur. Officinæ antiquum nomen retinuerunt. Gallis *Auronne* appellatur. Hoc autem nomen sibi vsurpauit, vt Nicædri testatur interpretes, unde dicitur διὰ τὸ πρὸς ὀφρὶν, ἄβρὸν καὶ ἀπὸ αὐτῶν φαίνεται καὶ ἄλλως καὶ διὰ τὸ δύσπνευστον εἶναι. hoc est, quod conspectu tene-  
rum, molle & delicatum appareat, aut quod grauē, ac-  
crēmue & difficilem halitum prospiret.

## G E N E R A.

Abrotonum duorum est generum, veterum & recentiorum omnium sentētia, mas & fœmina. Plinius lib. xxi. cap. vij. mas quidem campestre vocat Abrotonum, fœminam verò montanum. *Vulgus*, syluestrem cypressum, à similitudine & odore foliorum eiusdem, nomenclaturę herbæ fruticisue vocat. Gallicè *Cypres*.

## F O R M A

Abrotonum, quod mas appellamus, sarmentosum, minutis foliis, minus album quàm fœmina, tenui semine ac numeroso vti Absinthium. Semen autem non quouis tempore producit, sed ad Septembris duntaxat mensis initia, quo si diligenter obseruabis tempore, semine prægnaus esse comperies. Rectè igitur λεωτόκαρπον in Dioscoride legitur, huic lectioni non solum veterum codicum fide, verum etiam sensu suffragante. Fœmina frutex est, arboris speciem habens, candicantibus foliis, Seriphij modo minutim circum ramulos incisus, floribus re-  
fertus, in summo auri fulgore comantes corymbos ob-  
tinens, odoratus etiam cum grauitate quadam.

## L O C V S.

Mas passim apud Germanos in hortis, & in campestribus nascitur: fœmina verò in collibus & montibus sua sponte prouenit.

## T E M P V S.

Floret vtrunque Augusto. Colligitur autē in au-

a iiij tumno

# PLANTARVM HISTORIAE

tumno, potissimum Septembri mense: hoc enim tempore semen, vt diximus, profert.

## TEMPERAMENTVM.

Abrötonum calidum & siccum, inq; tertio ordine seu recessu post media situm est, id quod amaritudo eius, quam gustu præ se fert, facile monstrat.

## VIREs. EX DIOSCORIDE.

Vtriusque abrotoni semen feruefactum, & crudū tritum, cum aqua potum, non nisi recta ceruice spirantibus, ruptis, conuulsis, ischiadicis, vrinæ difficultatibus, & suppressis mensibus auxiliatur. Potum in vino exitialium venenorum antidotum est. Cū oleo rigentibus illinitur. Serpentes lecto instratū & suffitum fugat. Cum vino potum aduersus eorundem morsus, peculiariter autem scorpionum & phalangiorum, prodest. Oculorum inflammationibus cum cotoneo cocto, aut pane illitum subuenit. Tritum cum farina hordeacea decoctumq; tubercula discutit. Admiscetur irino vnguento.

## EX GALENO.

Non instrenuè exalfacit & desiccatur. Nā siue comam cum floribus (reliqua enim eius palea inutilis est) contusam vlceri puro illinas, mordax & irritans videbitur, siue eo in oleo macerato, caput aut ventrē perfundere voles, admodum calefacere reperies.

Quin & si qui per circuitum rigoribus capiūtur, eos ante inuasionem rigorum hoc voles confricare, minus vtique rigore concutientur, imò & sensus confestim vbi admotū fuerit ipsum calefacere percipit. Porro quod lumbricos interimat par est, nimirum quum sit amarum. Protinus vero quod & digerendi & incidendi vim habeat, scies. Præterea abrotonum vstum calidum & siccum facultate est, magis etiam quàm cucurbita sicca vsta, & anethi radix. Illa enim vlceribus humidis simul & citra phlegmonem callo induratis profunt, ac proinde maxime vlceribus iis quæ in pudendorum præputiis sunt competere videntur.

détur: at cinis Abrotoni vlceribus omnibus mordax est, ac idcirco cum oleo tenuium partium, Cicino scilicet, aut Raphanino, aut Sycionio veteri, potissimū Sabinos, ad alopecias cōfert. Barbam etiam segnius tardiusque enascentem cum aliquo dictorum oleorum elicit: sed nec minus illis, lētiscino maceratum. Rarefaciēdi enim vim, eò quod tenuium est partiū, obtinet, & mordax est, & calidum. Abrotonum verò inimicum stomacho existit.

## EX PLINIO.

Vsus est & foliis, sed maior semine, ad calefaciendum, ideo neruis vtile, tussi, orthopnoicis, vrinæ, torminibus, cōuulsis, ruptis, lumbis. Datur bibendum manualibus fasciculis decoctis ad tertias partes. Ex his quaternis cyathis bibitur. Datur & semen tusum in aqua drachmæ pondere Prodest & vulgæ. Concoquit panos cum farina hordeacea, & oculorū inflammationibus illinitur cotoneo malo cōcocto. Serpentes fugat. Cōtra ictus eorum bibitur in vino, illiniturque. Efficacissimum cōtra ea quorum veneno tremores & frigus accidunt, vt scorpionū & phalangiorum, & contra alia venena Prodest quoquomodo argentibus, & ad extrahenda ea quæ inhærēt corporibus. Pellit interaneorum mala. Ramo eius si subiiciatur puluino, venerem stimulari tradunt: efficacissimamque herbam esse contra omnia veneficia, quibus coitus inhibeat.

## DE ASARO. CAP. III.

*Asarum seu baccar nobis per metathesin Cabaret.*

## NOMINA.

ασαρον Græcè, Asarum Latinè dicitur. Of-

A ficinis hodie nomen retinet, Galicè *du Cabaret*.

Asaron autem dictum est, quod in or-

*Asarū cur dictum.*

natum non veniat, vel vt Plinius lib. xxi. cap. vi. inquit, quoniam in coronas atque ferta non addatur: vel quod manualibus scopis, quæ odoris gratia gestantur, minimè solitum sit inferi,

FOR-

# PLANTARVM HISTORIAE.

## FORMA.

Dioscori-  
dis locus  
emendatus.

Folia hederæ similia habet, longè tamen molliora, rotundioraq; . Flores inter folia ad radicem purpureos odoratos, Hyoscyami cytino similes, in quo semen acino non dissimile. Radices multas, geniculatas, tenues, obliquas, gramine perfiniles, longè tamè graciliores, odoratas, calefaciètes, & linguâ admodû erodentes. Cæterùm hic admonendum esse lectorè duximus. omnia Dioscoridis exemplaria hoc in loco deprauata esse, perperamq; habere vel *πικρότερα* vel *μικρότερα*, cû potius scribèdû sit *μαλακώτερα*, id quod partim Plinij testimonio, partim etiam iudice sensu ipso cõprobari potest. Plinius siquidè lib. xij, cap. xij. Asarû sic depingit: Est hederæ foliis rotundioribus tantû, mollioribusq; . Si quis verò ea de re ad iudicem sensum referat, Asarumq; cum hederâ cõferat, Asari certè folia neque dèsiõra, neq; minora hederæ foliis esse cõperiet, quâ Asari folia maiora multò sint quàm hederæ. Proinde cum folia hederæ illorum cõparatione multò minora sint, euidentissimum est pro *μικρότερα* legèdû esse *μαλακώτερα*, huic nimirû lectiõni adstipulantibus Plinio & sensus iudicio, vt dictum est: ad tactû enim huius folia longè sunt hederæ molliora. Accedit q; ab vnâ dictiõne in aliâ facilis sit trãsitus. His itaq; rationibus motus, Asari folia *μαλακώτερα*, hoc est, molliora hederæ foliis esse dixi, vt reuera etiam sunt.

## LOCVS.

Nascitur in vmbrosis locis, montibus potissimum & syluis: aspera enim macræue & sicea loca amat.

## TEMPVS.

Bis anno, vere nimirum & autumnò floret. Colligèdum in fine Augusti, à die videlicet decimoquinto eius mensis, vsque ad octauum Septembris.

## TEMPERAMENTVM.

Asarum in calefaciendo & exiccando ordinis tertij existit, radices potissimum eius.

## VIRES.

## VIREs. EX DIOSCORIDE.

Radices Afari calefaciūt & vrinā mouēt. Hidropīcis & ischiadicis diuturnis profunt. Ducūt mēses pōdere drachmarū sex cum mulso potæ. Purgant Ellebori albi modo. Ruptis præterea, conuulsis, tussi veteri, difficultati spirandi, & vrinæ conferūt. Cum vino potæ ferarum moribus salutare. Folia adstringunt. Illita capitis doloribus, oculorum inflammationibus, ægilopis incipientibus, mammis à partu tumentibus, ignibusque sacris profunt. Coma somnum etiam cōciliat. Sic Crateias herbarius de Asaro prōditum reliquit.

## EX GALENO.

Afari radices vtilis sunt, facultate similes radicibus Acori, intensiores tamen. Itaque ex iis, quæ de illis prodita sunt, hīc facienda coniectura.

## EX PLINIO.

Nardi vim habet Asarum, quod & ipsum aliqui syluestre Nardum appellant.

## EX MARCO AEMYLIO.

Est Asaron Græcè Vulgago dicta Latine.

Hæc calidæ & siccæ virtutis dicitur esse.

Tertius est illi gradus, vt dicunt, in vtroque.

Prouocat vrinam, potatæque menstrua purgat.

Hocq; modo iecoris medicatur sumpta dolori,

Hydropicosq; iuuat, schiasim fugat hausta frequē-

Et vuluæ morbis decoctio subuenit eius. [ter.

Dicitur ictericum potata repellere morbum.

Elleborique modo vomitu præcordia purgat.

Sed non est huius purgatio tam violenta,

Nec metuenda quidem, si fiat taliter illa:

De foliis eius triginta recentia tollens,

Adde meri tantum quo possint cuncta recondi,

Tota nocte mero facias macerentur in illo,

Mane terens, vino quo sunt macerata resolue.

Tunc olus excoctum cum pingui carne recenti

Porcina, prius ægroto da sufficienter,

Et su-



# PLANTARVM HISTORIAE.

Et sumat vini vult quantum fortis & albi,  
Sic Asari succum colatum trade bibendum.  
Fortibus & magnis est hic numerus foliorum  
Sufficiens, reliquis, vt diximus, est minuendus  
Iuxta quod vires, ætas, & cætera poscunt.

## APPENDIX.

Lixiuum in quo Asarum decoctum est, si eo caput  
lauetur, cerebrum roborat, & memoriam. Succus  
etiã eius cū Põpholyge, caligantibus oculis cõfert.

## DE ACORO. CAP.III.

*Acorus officinarum gladiolus, aquæ uulgo dicitur, flore  
luteo non utendus, sed indicus uulgo galâga maior quæ ue-  
rus esse Dioscoridi Acorus uidetur.*

## NOMINA.

κρονον Græcè, Acorum Latinè appellatur.

A Officinis nomen retinet. Galicè *Flame ba-  
starde ou glaieul de Riuiere ou de Mares* voca-  
tur. Acoro aphrodisiam quasi veneream Græci etiã  
vocât. Apuleius, quicumque ille fuerit, in cõmenta-  
riolo quod de aliquot herbis scriptum à se reliquit,  
Piper apium dictam fuisse hanc herbã testatur, quod  
ea in alueariis suspensa, nunquam diffugiant apes.

## FORMA.

Folia Iridis habet, angustiora tamen. Radices nõ  
dissimiles, implicatas, neque in rectum enatas, sed o-  
bliquas, & in superficie existētes, geniculis seu inter-  
nodiis distinctas, subalbas, gustu acres, odore nõ in-  
gratas. Præstat densum, candidum, nõ cariosum, ple-  
num & odoratum, cuiusmodi est in Colchide & Ga-  
latia. Ex qua sanè Dioscoridis descriptione satis li-  
quet, Acorum nostrum, quo hodie officinæ vtuntur,  
etsi non verum sit, tamen aliquam saltem Acori spe-  
ciē esse: Iridis enim folia obtinet, angustiora tamen.  
Radices quoque similes, implicatas & inuicem ad-  
natas, non in rectum, sed in obliquum tendentes: nõ  
in profundo delitescētes, sed in superficie existen-  
tes, & modico cespite tectas: denique geniculis seu  
internodiis

*Acorum  
officinarum  
nõ est uerum  
Acorum  
1741.*

internodiis interceptas. Neq; etiam in colore ab eo quem Dioscorides pingit, variare videtur: nostrum enim Acorum non raro ὑπερλίανος, hoc est, subalbas seu candicantes radices habere conspicitur. Accidit autem vt & rubentes intus habeat radices, quę tamē cū candicantes passim intercurrentes venas obtineant, rectē subalbæ dici possunt, quod nimirū neque vere rubescant, neque candidum etiam prorsus colorem referant, sed eum potius qui ex rubro & cādidō mixtus sit. Cæterum radices Acori quę intus candicant, foris vt plurimum subrubent. Hinc est q̃ Serapion in Acori descriptiōe Dioscoridis verba referens, ὑπερλίανος dictionem ita vertere voluit: Et color radicum exterior tendit ad rubedinem. Proinde qui hac sola ratione, quod Acori radix intus interdum rubescat, mouentur, vt diuersum nostrum prorsus a Dioscoridis credant, ij non vtuntur argumento quod tanti momēti sit, vt q̃ conantur, persuadere aliis possint. Cū enim Dioscorides Acori radices ὑπερλίανος, hoc est, albicantes faciat, noster certē nunquā tales habere deprehenditur: vel enim vere candicantes sunt, vel subrubentes, quas etiam ὑπερλίανος rectē dici posse iā ostendimus. Porro quāuis odoratæ non sint eius radices, tamen nihil obstare posset odor, quod minus nostrū verum esse putaremus Acorum, quū abūde cōstet illum, haud aliter quā colorem, secūdum diuersas regiones in eadem sæpe herba mutari: si non esset aliud, quod vt diuersum certo crederemus nos vrgeret, hoc nēpe, quod nostri Acori radices gustu acres nō sint, q̃ tamē omnes veteres vno ore de Acoro affirmant, sed potius adstringentes. Quapropter etsi tota ferē descriptio illi respondere videatur, tamen quia acris nō est, vires eas quas vero Acoro tribuunt veteres, habere non potest: vt hoc nomine vehemēter errent qui à solis descriptionibus tantum pendent. Nec minus hallucinantur officinæ quę ad vrinas mouendas, aut menses euocandos

## PLANTARVM HISTORIAE.

candos, lienésue minuendos eo vtuntur. Perperam  
etiā Diacori compositionē ex eodē conficiūt. Curēt  
itaq; vt verum Acorū habeāt, q̄ iā in multis Galliae  
officinis proſtare puto. Nam radix illa quæ à non-  
nullis ſeplaſiariis nūc ſub nomine maioris Galangæ  
vêditur, ſi cætera etiā reſpondeāt, haud dubiè radix  
veri Acori eſt. Et debent ſeplaſiarij ea vti, quoties in  
cōpoſitionibus medicamentorum Acori fit mentio,  
præcipuè autē in Diacori cōpoſitione apparāda, q̄  
hæc calefaciendo cōcoctionē ſtomachi ſupra modū  
iuuet. Et hoc eò cōfidentius faciendū eſſe hortor, q̄  
Galangā maiore veri Acori radicem eſſe exiſtimem:  
geniculis enim ſcatet, foris ſubrubra, intus ſubalba,  
gūſtu acris, odore nō ingrata, vt hoc nomine illa tu-  
tò & ſine errore officinæ pro Acoro vti queant.

### LOCVS.

Apuleius locis cultis, pratis ac hortis naſci, rarāq;  
inuētū herbā hāc tradit. Noſtrū Acorū iuxta amnes,  
& paſſim in aquoſis & paluſtribus locis prouenit.

### TEMPVS.

Legitur radix Acori æſtatis initio, & ſiccatur in  
vmbra digitalibus fruſtis.

### TEMPERAMENTVM.

In calefaciendo & deſiccando tertij eſt ordinis.  
Noſtrum quidem deſiccatur, at citra calefactionem.

### VIRE. EX DIOSCORIDE.

Acori radix calefaciendi vim habet. Decoctū eius  
potū, vrinā cit. Prodeſt lateris, thoracis & iecoris do-  
loribus: torminibus, ruptis, cōuulſis. Lienes minuit.  
Vrinæ ſtillicidio, & venenatorū morſibus ſubuenit.  
Inſeſſu, quemadmodum Iris, ad muliebria vtilis eſt.  
Succus radicis caligines oculorum diſcutit. Antido-  
tis præterea radix vtiliter miſcetur.

### EX GALENO.

Acori vtimur radice quæ gūſtu acris eſt, & modi-  
cè amara, odoreq; non iniucuda. Hinc manifeſtum  
eſt hanc facultate calidam, & conſiſtentia tenuium  
partium

partium esse. Huic consentaneū est, vt vrinam moueat, & lienes induratos iuuet, tum corneæ mēbranae crassitiem detergeat simul atq; extenuet. Ad hoc autem melior est ipsius succus. Omnino verò siccificum esse clarum est.

## EX PLINIO.

Vis ei est ad calefaciendum extenuandumq; efficax, contra suffusiones & caligines oculorum succo eiusdem potō, contraq; serpētes. Pectoris doloribus subuenit, & ideo antidotis miscetur. Iecinori medetur, thoraci quoque & præcordiis. Vrinā citius decoctum, & omnia vesicæ vitia sanat. Testium tumores radix decocta in vino, tritaque & illita mirè discutit. Duritiæ & collectiones omnes sanat, decocto huius herbæ fouentibus. Contusis & euersis pota duobus obolis ī mulsi cyathis tribus radix prodest. Acoron quoque vtile est interioribus fœminarum morbis.

## ACORI OFFICINARVM VIRES.

Gustus abundè monstrat eius radicem immēsam adstringendi facultatem obtinere. Hinc est quòd diuersam planè à veri Acori radice vim sortita sit. Nā vt hæc tenuium est partium & facultate calida, atq; adeò detergit, extenuat atque discutit: ita illa consistentia crassarum partium, ac facultate frigida constringit, densat, cogit & contrahit. Quare vrinā non cit, vt verum Acoron, nec menses euocat, sed potius supprimit. Sanguinē etiā vñdecūq; manātē cohibet. Proinde rectè Pādēctarū autor scribit, cum qui secū Acori radicē gestet, à nullo sanguinis profluuiō corripi. Et ex recentioribus aliqui hanc facultatē Acori nostri obseruarunt, atque hinc adeò tradūt eius succum igne expressum, menses nimium promanantes constringere posse, id quod certè de Acoro affirmare vanissimum erit. Ex iis itaq; intelligentiā seplasiarū, quis vsus nostri etiam in medicina sit Acori: nec committēt, vt fanatici cuiusdam, qui nuper Morophrasti

*Acori adulterini facultates.*

# PLANTARVM HISTORIAE.

phraſti impudentis hominis peſtilentiſſimas nugæ & ineptias tegere, atque adeo epiſtola aliqua operi illius temerè præfixa commendare, ac præ illo monſtro reliquos omnes medicos, ſi diis placet contemnere auſus eſt, conſilio obſecuti, hoc proſus abiiciant, cùm illius immenſa ſit aſtringendi, quod demõſtrauimus, facultas.

## DE ALTHAEA. CAP. V.

*Althæa, uulgo Biſmalua dicitur.*

### NOMINA.

*Biſmalua.  
Maluauifcus.*

A

*ἄλθαία, ἢ ἰβίσκος, ἢ ἰβίσκος* Græcè: *Althæa,*

*Ebiſcus, Ibiſcus* Latinè dicitur. Officinæ, quæ vt plurimū barbaris vocibus gaudet, *Biſmaluā, Maluauifcū,* & ſimpliciter *Euiſcū* nominant. *Maluauifci* autem vox corrupta eſt, ex *malua* nimirum & *euiſco* compoſita, quaſi dicat aliquis

*Malua ebiſcus*, hoc nomine illam ab aliis maluis, quæ ſanè multæ ſunt, ſegregans. Gallicè *Cuimm auues*. *Althæa* verò à multiplici remediorū poteſtate & uſu, vel vt *Plinius* ait, ab excellentia effectus nominata eſt. Siquidē *ἄλθαία* Græcis idem valet, ac ſi à medendo medicā ſimpliciter dicas. Nam *ἀλθίνα* illis mederi ſignificat, *ἄλθις* verò remedium & medicinam.

### FORMA.

*Sylueſtris Maluæ* genus eſt, cui folia vt *Cyclamino* rotunda, lanuginofa, flos roſaceus, caulis cubitorum binū, radix lenta viſcoſaque, intus candida.

### LOCVS.

Locis humentibus, pinguibúſque gaudet.

### TEMPVS.

Radices, vt reliquarum ferè herbarum omnium inter autumnii initia, hoc eſt, in fine Auguſti, & Septembris menſis principio, legendæ. Folia verò & ſemen in æſtate. Floret Iulio & Auguſto menſibus.

### TEMPERAMENTVM.

Folia & flores calidi & ſicci primo exceſſu ſeu ordine. Radices verò in principio ſecundi.

### VIRE

## VIRE. EX DIOSCORIDE.

Radix in aqua mulsa aut vino cocta, aut per se posita, ad vulnera, parotidas, strumas, abscessus, mamma-  
rum inflammationes, sedis contusiones, inflationes,  
neruorum distentiones, efficax est. Siquidem discu-  
tit & maturat, aut rumpit, & ad cicatricem perducit.  
Cocta quo dictum est modo, & cum adipe anserino  
aut suillo, vel terebinthina subacta, ad vteri inflam-  
mationes & præclusiones vtiliter admouetur. De-  
coctū eius idē præstat, secundasq; à partu relictas e-  
ducit. Decoctū radicis cū vino potū, vrinæ difficul-  
tati, calculosorū cruditati, dysētericis, ischiadicis, tre-  
mulis, & ruptis succurrit. Dentium mitigat dolorem  
cū aceto decocta, colluto inde ore. Semē autē viride  
ficcūmq; tritū, cum aceto in stole perūctum alphas  
extergit. Cum aceto & oleo inunctum, à venenatorū  
morsibus præseruat. Valet ad dysenteriam, sanguinis  
reiectionem, & alui fluores. Seminis decoctum in  
posca aut vino contra omnes apum & minutarū fe-  
rarum ictus bibitur. Folia cum exiguo oleo, morsu-  
bus & ambustis illinuntur. Addensat aquam sub di-  
uo radix trita & admixta.

## EX GALENO.

Digerendi, laxandi, phlegmone leuandi, miti-  
gandi, concoquendi coctu difficilia tubercula. Por-  
rò radix eius & semen cætera quidem pari herbe vi-  
ridi modo agūt. verum tenuiorum partium, magisq;  
exiccatoriā, ad hæc magis extensoriā quàm illa facul-  
tatē ostendunt, vt & alphas detergāt, & semen renū  
calculos confringat. Radicis autē decoctū dysente-  
riæ, alui profluuii, & sanguinis reiectioni vtile est, nē  
pe cū astringentem quandam facultatē possideat.

## EX PLINIO.

Althææ contra omnes aculeatos ictus efficacior  
vis, præcipuè scorpionum, vesparum, similiūque,  
& muris aranci. Quin & trita cū oleo, hac peruncti  
ante vel habētes eā, nō feriuntur. Eius radix præci-  
puè

puè conuulsis ruptisq; efficax est. Cocta in aqua aluum sistit. Ex vino albo strumas & paroditas, & mamarum inflammationes, & panos in vino folia decocta & illita tollunt. Eadem arida in lacte decocta, quamlibet perniciose tussi citissimè medentur. Hippocrates vulneratis, sitientibusq; defectu sanguinis, radice decoctæ succum bibendum dedit. Et eâ vulneribus, cum melle & resina, item conuulsis, luxatis, tum mentibus, & musculis, nervis, articulis imposuit. Et asthmaticis ac dysentericis in vino bibendam dedit. Mirum, aquam radice ea addita addensari sub dio, atque elatescere. Efficacior autem quò recentior.

EX THEOPHRASTO.

Vius eius ad rupta, & tussēs è vino dulci, & ad vlcera in oleo. Aliàs si carnibus concoquas, in idem aggregare, ac veluti conglutinare posse affirmant.

DE ANAGALLIDE. CAP. VI.

*Anagallis virens in hortis frequēs, paruula, arboris tamē habitu, caule quadrato, Mouron petit & quarre nobis dicitur.*

NOMINA.

*γαλλις* Græcè, Anagallis Latinè, officinis inutliata, Germanicè *Gauchbeyl, oder Colmarkraut.* [Gallicè Mouron] Hoc nominis forte à Germanis inditum est, quod Anagallis in limine vestibuli suspensa maleficiorum introitū pelle re credita sit. Errant qui Morsum gallinæ seu Passerinam vulgò dictam herbam, Anagallidida putant, haud secus atq; ij, qui Auriculam muris pro Anagallide depictam ostendunt herbarij.

GENERA.

Duo duntaxat Anagallidis esse genera, veterū omnium testimonio cōstat, marè scilicet & fœminam, quæ sanè nullo nisi florum discrimine distant. Mas enim puniceo, fœmina verò cœruleo flore conspicitur. Proinde hallucinari iuniores ac barbaros medicos euidentissimum est, qui plura duobus Anagallidis genera constituunt.

FOR-

*Gauchbeyl Ger-  
manis quare  
dicta.  
Anagallis  
nō ē Morsus  
gallinæ, neque  
Auricula  
muris.*

## FORMA.

Frutices sunt Anagallides parui, in terra iacentes; folia in quadrangulis caulibus pusilla habentes, & modicè rotunda ad Helxines similitudinem. Semen gerunt rotundum. Non quicquam sanè certius hac scriptorum pictura respondet: cum duplex sit in flore color, puniceus nimirum & cœruleus, quadrangulicaules per terram sparsi, folia non toto ambitu rotunda, & semen coriandro non dissimile circinatum. Non est tamen quod sic humi prostratos hos frutices intelligas, vt prorsus non suppullulent. Nā in altum etiam surgunt, non tamè altius, quàm ipsa tibi examussim pictura monstrat.

## LOCVS.

Pedibus in aruis vineisq; vbique calcatur, neq; quicquam nunc Anagallide despectius est, cum tamen in antiqua medicina multus eius fuerit vsus. Licet autem ubiq; ferè proueniat, in vlgiginosis tamen latior.

## TEMPVS.

Per æstatem vtriusq; prouentus maximus est, potissimum autem mense Augusto. Florent autem à Maio mense vsque in autumnum.

## TEMPERAMENTVM.

Anagallidis vterque sexus calidam & siccam facultatem obtinet, quod scilicet extergere possint.

Mulieres nanq; quæ asperiores & decolorem à natura cutem acceperunt, ad leuorem nitoremq; vultus harū succo vtuntur, vt hac ratione errare necesse sit, qui Anagallidas frigidas & humidas esse statuūt.

*Error quā  
runda del  
tegitur.*

## VIRES. EX DIOSCORIDE.

Vtraque mitigandi facultatem habent, Inflammationes arcent, furculos extrahunt, vlcera serpentina compescunt. Succus earum gargarissatus pituitam capitis purgat. Per nares infusus dolorem dentium lenit, si in contrariā narē iniiciat. Argema cū Attico mellē emēdat, & oculorū caligines iuuat. Cōtra viperarum morsus, renum & iecinoris vitia, ex vino

b ij potat



# PLANITARVM HISTORIAE

potus prodest. Tradunt nonnulli eam quæ cœruleū  
florem habet, prociduum sedem reprimere: quæ verò  
puniceum, illitu euocare.

## EX GALENO.

Anagallis vtraque, tam ea quæ florem parit cœru-  
leum, quàm ea quæ puniceum, admodum extergen-  
di facultatem obtinent. Quendam etiam calorem at  
tractorium possident, ita vt impactos corpori refi-  
gant aculeos. Succus earū ex naribus purgat eadem  
de causa. Et vt summatim dicatur, exiccatoriam ci-  
tra mordicationem facultatem habent, quamobrem  
vulnera glutinant, & putrida adiuuant.

## EX PLINIO.

Vtriusque succus oculorum caliginem discutit cū  
melle, & ex ictu cruorem, & argema rubēs, magis cū  
Attico melle inunctus. Pupillas dilatat, & ideo hoc  
inunguntur antè, quibus paracentesis fit, iumentorū  
quoque oculis medentur. Succus caput purgat per  
nares infusus, ita vt deinde vino colluatur. Bibitur  
& contra angues succi drachma in vino. Mirū, quod  
fœminam pecora vitant. At si decepta similitudine  
(flore enim tantū distant) degustauere, statim eam  
quæ Asyla vocatur, in remedio quærunt. Ea à no-  
stris ferus oculus nuncupatur. Præcipiunt aliqui ef-  
fossuris, ante solis ortum, priusquam quicquid aliud  
loquantur, ter salutare eam, tunc sublatam exprime-  
re, ita præcipuas esse vires. Vrinam cient Anagalli-  
des. Iecinori mirè profunt. cohibent quas nomas vo-  
cāt. Vtiles & recentibus plagis, præcipuè seuum cor-  
pori. Ad recentia quoque vulnera tanta traditur vis,  
vt saniem ossibus extrahant. Anagallis cœrulea pro-  
cidentia sedis retro agit, è diuerso rubens proritat.

## DE ALSINE. CAP. VII.

*Alsine omnis Mouron nol's dicitur, à baccarum similitudi-  
ne cum solano.*

## NOMINA.

*Morsus  
gallinæ.*

Α λεινη Græcè, Auricula muris Latinè, Morsus  
gallinæ vulgò appellatur. Paučina Italicè,  
quod

quod paueris, id est, iunioribus anseribus gratum *Alfine cur*  
 pabulum sumministret. Auiculas caueis inclusas, cū *dicta*  
 fastidiunt escam, aucupes hac herba recreare solent.  
 Gallicè *Mouron* aliis *Morgeline* vocatur. Alfine autem  
 dicta est, quòd lucos, quæ Græci ἄλσιν nominant, ne- *Auricula*  
 morosaq; , & vmbrosa loca amet. Auricula verò mu- *naris.*  
 ris, quòd musculorum auribus folia similia habeat.

## G E N E R A.

Quamuis Dioscorides & alij vnam tantum Alsi-  
 nen faciunt, nos tamen tria eiusdè genera, licet plu-  
 ra adhuc inueniantur, damus. Primum genus Alsinè  
 maiorè vocauimus, qđ scilicet vera sit Alfine, & aliis  
 maior, Gallicè *Mouron* nominat. Alterius generis plā-  
 tam Alsinen mediam appellauimus, Gallicè *Moyen*  
*mouron*. Hæc quod ad flores attinet, qui cœrulei sunt,  
 à descriptione variat: eiusdem tamen cum priore fa-  
 cultatis. Tertij generis herbam. Alsinen minorem  
 vocauimus. Hæc, quidem, vt prima, pulchrè descri-  
 ptioni respondet, Gallicè *Petit mouron* nuncupatur.

## F O R M A.

Cauliculis serpit rotundis, è quorū geniculis ex-  
 illes ramuli profiliunt, foliis Helxines minoribus, mi-  
 nusque hirsutis, flore exiguo, candido, foris herba-  
 ceo. Hæc cum teritur cucumis odorem refert. Non  
 autem illam Peponis maturi iucunditatem, sed her-  
 baceum cucumeris odorem subolet. Porro cum Di-  
 oscorides Helxinæ similem esse Alsinen tradit, non  
 de ea Helxine quæ vulgò Parietaria, sed ea potius  
 quæ alio nomine Cissampelos dicitur, intelligas o- *Helxine*  
 porter: hæc enim folia Hederæ haud dissimilia ob- *duplex.*  
 tinet. Adeò vt liquidò iam constet, Alsinen esse eam  
 herbam quam passim hodie Morsum gallinæ appel-  
 lans. Huc accedit quòd facultates, vt ex sequentibus  
 patebit, quas vulgus Morsui gallinæ tribuit, ab Alsi-  
 nes viribus nihil varient.

## L O C V S.

Nascitur in lucis, hortis, & maximè in parietibus.

b iij

mace-

# PLANTARVM HISTORIAE.

macriis, opacisque locis.

## TEMPVS.

Incipit à media hyeme. Arescit autem æstate media. Cum prorepat, muscutorum aures imitatur foliis.

## TEMPERAMENTVM.

Refrigerantem & humectantem haud secus quam Helxine obtinet facultatem: est enim aquæ essentia frigida; quare & citra adstrictionem refrigerat.

## VIRE. EX DIOSCORIDE.

Alfine refrigerandi facultatem obtinet. Oculorum inflammationibus cum polenta illita conuenit. Succus eius aurium doloribus instillatus prodest. In vniuersum eadem quæ helxine potest.

## EX GALENO.

Ad feruentes phlegmonas, & mediocria erysipelata cõpetit.

## EX PLINIO.

Vius eius ad collectiones inflammationesque. Quin emendat omnia quæ Helxine, sed infirmius. Epiphoris peculiariter imponitur: item verendis vlceribusque cum farina hordeacea. Succus eius auribus infunditur.

## APPENDIX.

Easdem facultates, herbis quas morsus gallinæ vulgò nominant, nostri temporis herbarii tribuunt, quod scilicet ad feruentes inflammationes, ac erysipelata prosint. Omnes enim, vt dictum est, refrigerant atque humectant. Hinc est quod minorem aliqui Germanorum *Fieberkraut* vocent, quia scilicet febribus accommoda, & utilis sit.

## DE ANTHEMIDE. CAP. VIII.

*Chamæmelum leucanthemum* nomen nobis retinet.

*Chrysanthemum* quod pingis, mihi quod sciã non est visũ. *Eranthemum* quia uere floret in calcaris effigie, in ambitu purpureo, cornuta nobis dicta pigitur, quæ tamẽ floret messibus.

## NOMINA.

*Chamæmelon curcistum.*

A

*νθεμις*, ἢ *χαμαίμηλον* Græcè, Anthemis, Chamæmelon Latinè, officinis corrupto nomine

nomine Camomilla dicitur, Germanicè *Camillen*.  
[Gallicè *de la Camomille*.] Chamæmelon, quoniam o-  
dorè habeat mâli, appellant, id quod de primo ge-  
nere potissimum intelligendum venit,

## G E N E R A.

Tria eius genera, floribus târū distântia, inueniunt.  
Hi enī etsi intus aurei sint, tamē foris per ambitū il-  
lis adiacēt folia aut cādida, aut lutea, aut purpurea.  
Quæ foris in orbē cādida folia obtinet, ea est quæ à  
Dioscoride propriè λευκάνθημον, & vulgò hodie Ca-  
momilla vocatur. Quæ verò luteis per ambitū foliis  
cōstat, ea haud dubiè est, quā priuatī Dioscorides à  
suis floribus χρυσάνθημον nominat, Germani autem  
pulchrè ad Græcā appellationē alludentes, Goldtblu-  
men, Gelcamillen, Streichblumen, appellant. Tertia spe-  
cies chamæmeli, quæ nimirū purpurea per orbē fo-  
lia habet, nulla alia est nisi ea quā hodie vulgus me-  
dicorū Consolidā regalē, Germani autē à similitudi-  
ne calcaris, cui respondet flosculus eius herbæ, & à  
colore lepido regioque, qui aspectari nunquam sa-  
tis potest, Rittersporn vacant. Dioscorides peculiari-  
ter ἡράνθημον, eo quò vere floreat, dici tradit. Tria  
itaque in vniuersum Anthemidis seu Chamæmeli  
genera sunt, quorum sanè primum Chamæmelon  
leucanthemon, alterum Chamæmelon chrysanthemo-  
mon, tertium Chamæmelon eranthemon Dioscori-  
di nominatur. De duobus primis generibus neminē  
dubitare, quin vera & legitima sint, arbitramur, q̃  
nihil in iis sit, quod Dioscoridis descriptioni, quam  
mox subiiciemus, nō respōdeat. Tertiū fortè nōnul-  
lis qui morosius oīa obseruāt, minimè genuinū Cha-  
mæmeli genus esse videbitur, ideoq; quibus simus  
argumētis & cōiecturis īpulsi, vt tertiū Anthemidis  
esse genus credamus, necesse erit ostēdere. Potissimū  
autē quod nos in hanc sententiā pertraxit, est, quòd  
singula in Dioscoridis descriptione illi cōgruāt, ra-  
mi scilicet palmum non excedētes, fruticosi, multas

*Leucānthe-  
mon.*

*Chrysanthemo-  
mon.*

*Eranthem-  
mon.*

*Consolidā  
regalē est  
tertia cha-  
mæmeli  
species.*

# PLANTARVM HISTORIAE

alas habentes, parui & exigui, capitula rotunda, aurea, foris purpureis foliis, magnitudine in nullo alio genere Rutæ foliis magis similibus circūdata. Deinde sententiam hanc nostram confirmavit antiquissimus codex manuscriptus, in quo pictura exquisitissime Regalem dictam consolidam refert, quam iis sanè verbis describit: herba est quam quidam Monachellam, siue Capuciarum vocant (à cucullo haud dubiè monachorum, quem flores illius herbæ referunt, nomen imponentes) Dioscorides Eranthemum appellat, & est vna species Anthemidis, quæ folia instar Camomillæ habet, nigriora tamè: florem autem violæ similem. Hæc ille. Quibus omnibus illud etiā accedit, nostram de hac herba sententiam mirificè corroborans, quòd vulgus hodie medicorum Consolidam regalem calculosis, & oculis prodesse tradat, adeò vt illius etiam conspectum multos ex oculis laborantes sanasse dicant. Atq; hinc fit vt studiosi passim eam herbam in suis museis suspensam habeant, oculis hac ratione consulere volentes. Has autem omnes facultates, vt ex sequentibus patebit, Eranthemum suo Dioscorides etiā adscribit. Quamobrem nihil certius est, quàm Consolidam regalem tertium esse Anthemidis genus, id quod argumenta nostra iā adducta palàm euincunt.

## FORMA.

Rami palmum non excedunt, fruticosi, frequentes alas habètes, parui, tenues & multi, capitulis rotundis. Flores intus aureos continent, foris verò per ambitum candidos, aut luteos, aut purpureos, foliorum Rutæ magnitudine.

## LOCVS.

Nascuntur in asperò, sicco, macróque solo, & iuxta semitas atque itinera.

## TEMPVS.

Colliguntur vere in calidis potissimum regionibus, in nostris iter æstatis initia, hoc est, Iunio mèse.

TEMPE-

## TEMPERAMENTVM.

Calefaciunt & desiccant in primo ordine.

## VIRE. EX DIOSCORIDE.

Vim habent radices, flores, & herba calfaciendi, extenuandique. Potu & infusione menses, foetus, calculos, & vrinam pellunt. Aduersus inflationes, & tenuis intestini dolores bibuntur. Bile suffusos expurgant, & iecinorosis medentur. Decocto earum vesicæ vitia fouentur. Efficacius ex omnibus generibus est, quod florem fert purpureum, cæterisque maius existit, idque propriè Eranthemon vocatur. Quod verò Leucanthemon & Chrysanthemon cognominat, vehementius vrinam ciunt. Aegilopiis illitæ medentur. Commanducata oris vlcera sanant. Nonnulli in clysteribus ex oleo vtuntur, terentes ipsas ad pellen dos febrium circuitus. Folia & flores reponi debet, & separatim contusa in pastillos conformari. Radix quoque siccatur, & usu poscete interim partes duas herbæ, floris aut radice modò vnam: interim cōtra floris duas, & herbæ vnam, alternis diebus duplicantes pondus, dare conuenit. Bibere autem oportet in vino diluto mulso.

## EX GALENO.

Tenuium est partium, quamobrem digerēdi, rarefaciendi, & laxandi facultatem obtinet. Est itaque Chamæmelon tenuitate Rosæ persimile, calore verò ad olei facultates magis accedit, animali familiares, & tēperatas. Quapropter lassitudinib. vt si quid aliud, confert, doloresque mitigat. Præterea tensa remittit & laxat, quæque mediocriter dura sunt, emollit, quæque constipata condensatæ sunt, rarefacit. Ad hæc febres quæ citra visceris alicuius inflammationem infestant, dissoluit, præsertim quæ ex humorib. biliosis, aut cutis densitate cōsistunt. Quæ de re & ab Aegyptiorum sapientissimis Soli consecrata est, febriumque omnium remedium putatur. Verum hac quidem in re à veritate aberrant:  
solas

# PLANTARVM HISTORIAE.

folas enim quas diximus febres sanare potest, easq; quæ iâ concoctæ sunt. Iuuat autē pulchrè reliquas etiā omnes quæ melācholicæ sunt, aut pituitosæ, aut ex visceris inflammatione prognatæ: nam & harum remedium Chamemelum vel strenuissimum est, vbi iam concoctis adhibetur: quapropter & hypochondriis, vt si quid aliud, gratum existit.

## EX PLINIO.

Medici vere folia tusa in pastillos digerunt item florem & radicem. Dantur omnia mixta drachmæ vnius pondere contra serpentum ictus. Pellit mortuos partus, item menstrua in potu, & vrinam, calculosque: inflationes, iecinorum vitia, bilem suffusam, ægilopia. Commanducata vlcera manātes in ore eruptiones sanat. Ex omnibus iis generibus ad calculos efficacissima est, quæ florem purpureū habet, cuius & foliorū, & fruticis amplitudo maiuscula est. Hanc propriè quidem Eranthemum vocant.

## DE ANETHO. CAP. IX. NOMINA.

ἄνηθον Græcè, Anethum Latinè appellatur.

A Nomen in officinis genuinū retinet, Germanicè *Dyllen*, & *Hochkraut* [Gallicè. *Anet*]

nominatur.

## FORMA.

Anethum sesquicubitali proceritate assurgit, multicaule, ramosum, exilitate folij in staminis penè modum extenuata, luteolo flosculo, semine lato & quasi foliato, radice lignosa, neque adeò proluxa, umbellæ fœniculi, cui cognatum quasi genus, propter similitudinem videri potest.

## LOCVS.

In hortis feritur: interdū & sponte, fœniculi modo, prouemt.

## TEMPVS.

Floret in æstate, Iunio & Iulio mensibus.

## TEMPE.

## TEMPERAMENTVM.

Anethum adeò calefacit, vt habédum sit aut secundi ordinis intensi, aut tertij remissi. Exiccantium verò ordinis est secundi incipientis, aut primi finit. Vstum autem tertij tum calfacientium, tum desiccantium ordinis fit.

## VIREs. EX DIOSCORIDE.

Anethi aridi comæ feminisq; decoctum potù lac euocat. Tormina & inflationes sedat. Aluum leuè- que vomitiones sistit. Vrinam cit. Singultus lenit. Oculos hebetat, & genituram assiduè potum extinguit. Decoctum eius mulieribus præfocatione vuluæ laborantibus ad insidendum vtile. Semen eiusdem vstum & illitum condylomata tollit.

## EX GALENO.

Anethum in oleo decoctum digerit, sedat dolores, somnum conciliat, crudos & incoctos humores concoquit. Fit enim ex eo oleum, cuius propinqua sit temperies pus mouentibus, & maturantibus vocatis medicamentis, nisi quatenus paulò illis tum calidius, tum tenuiorum partium est, atque adeò digerendi facultate præditum. Vstum vlceribus admodum humidis illitum prodest, potissimum iis quæ in pudendo consistunt. Quæ autem in præputio sunt inueterata, iis probè cicatricem inducit. Cæterum viride humidius est, & minus calidum, itaque magis concoquit sicco, & somnum conciliat, sed minus digerit. Idcirco mihi videtur veteres coronis ex eo concinnatis in symplesiis vsti esse.

## EX PLINIO.

Anethum ructus mouet, & tormina sedat. Aluum sistit. Epiphoris radices illinuntur ex aqua vel vino. Singultus cohibet semen feruens olfactum. Sumptum ex aqua sedat cruditates, Cinis eius vuam in faucibus leuat, oculos & genituram habetat.

EX



# PLANTARVM HISTORIAE.

## EX SIMEONE SETHI.

Ad crassorum humorū inflationes prodest. Quidam sanè ipsum stomacho bonum esse, alij vero minimè, dixerunt. Illi quidem ad eius caliditatem, & facultatem quæ humiditatem cōcoquit, & flatus qui sunt in ventriculo discutit, respexerūt: ij verò ad substantiam eius, quæ crassarum est partium, concoctu difficilis, & nauseosa. Oleo incoctū discutit, & somnum conciliat. Inunctū tumores crudos concoquit. Inflationes quoque quæ in ventriculo generantur, digerit. Corpus ex immodico labore defatigatum, curat. Renes verò, vt quidam aiunt, lædit.

## DE AIZOO. CAP. X.

*Sedum maius nobis iouis barba, minus mas, Triquemadame, hortense est acetariis expetitur: alia duo syluestria quorum posterius uermicularis nobis dicitur calida multum herba, non autem teneo aliud.*

## NOMINA.

ἰῶον Græcè: Aizoon, Sedum, Semperuiuum

A Latinè nominatur. Postremum nomē officinæ obtinuerunt. Vulgo Iouis barba, Gal-

Iouis barba.

licè de la Ioubarbe dicitur, quòd scilicet nonnullis locis plebis animos iam pridem inuasit opinio, non feriri fulmine domum, in cuius tegulis vireat Sedum. Porro Aizoon & Semperuiuum appellant, quod perpetuò, tam æstate quàm hyeme vireat, nec vllis frigoribus, aut cœli iniuria quantumvis frigida emoriatur.

## GENERA.

Dioscoridè sequentes tria eius genera statuimus.

Aizoon  
maius.

Primum Aizoon seu Sedum maius, quòd folia latiora habeat. Alterum Sedum minus, quod Græcis etiā τριβλῆς, quia ter floreat in anno, vocatur. Vulgò

Vermicularis.

Vermicularis, à similitudine foliorum, quæ rotunda sunt, & figuræ ovalis, vt vermiculos putes, &

Crassula  
minor.

Crassula minor nominatur. Huius iterum duo sunt genera: alterum enim mas est, quod nimirum floribus

bus luteis spectatur, & Gallis *Triquemadame* appellatur. Alterum foemina, quod pallidis seu candidis conspicitur floribus. Tertium genus est quod Aizoon syluestre, ab aliis Portulaca syluestris, aut Illecebra minus rectè & impropriè dicitur. Nam Portulaca syluestris diuersa ab hoc tertio. Sedi genere herba est, vt suo dicemus loco. Illecebrae autem nomen aliae debetur herbæ, quæ Telephion vocatur, vt in eiusdè historia docebimus. Nomina verò hæc generi illi indiderunt, seducti errore eorū qui Portulacam syluestrem cum tertio Aizoo apud Dioscoridem confuderunt, atque adeò quæ debentur Portulacæ & Telephio nomina, Aizoo temere assignarunt. Vt enim viribus diuersa est Portulaca syluestris ab hoc genere tertio Aizoi, ita etiam nomine & forma. Quare meritò reprehendendi sunt qui duo hæc capita sic sibi temere miscuerunt. Vulgares herbarij Vermicularem minorem vocant. Galli *Pain Doyseau*.

Aizoon

minus.

Tertium

genus

Aizoi

## FORMA.

Semperuium maius caules profert cubitales, interdum etiā maiores, pollicis crassitudine, pingues, egregiè virētes, incisuras Characiæ Tithymalli instar habentes. Folia pingua, pollicis magnitudine, in cacumine linguæ similia, alia in terram resupinata, alia in capite inuicem contra cta, circulo oculi figuram circumscribunt. Minus Aizoō caules ab vna radice exeuntes multos habet, tenues, foliis plenos rotundis, pinguibus, paruis, in summo acuminatis. Emittit autem è medio caulem palmi altitudine, vmbellam & flores pallidos luteosue sustentē: χαλωρα enim hoc loco, vt aliās sæpe, pro ωχρα accipitur, id quod ex Serapione etiam abundè cōstare potest, qui hunc Dioscoridis locum ita reddidit: Et habet virgam in medio longam, circa longitudinem palmi super quam est capitellum, in quo est flos citrinus, subtilis. Eam autem Semperuii minoris speciem

Maius.

Minus

χαλωρα

ciē quę flosculis luteolis spectatur, dilucidioris doctrinę gratia, marem appellauimus. Alteram verò quę candidos obtinet flores, fœminam. Tertiū Semperuii genus syluestre dictum, foliola habet pinguiora, ad Portulacę figuram accedentia, & hirsuta, breuioriq̃ue cacumine. His verbis exquisitè admodum Dioscorides & Plinius tertiū Aizoi genus, quod vermicularem minorem hodie appellant, delinearūt. Habet enim pingua admodum foliola, ad Portulacę syluestris formam nonnihil accedentia, hirsuta, & breuiori quàm in Aizoo minori cacumine. Reliqua quę sequuntur in quibusdam Dioscoridis exemplaribus, manifestè adulterina sunt. Neque iis plura habet Aldinum exemplar, & alia quę paulò sunt castigatiora.

LOCVS.

Maius nascitur in montanis & testeis. Nōnulli autem in tectis domorum conferunt. Minus Aizoō in muris & petris, maceriis vinearū, parietibúsq̃ue provenit. Tertium in petrosis locis, sepulchris vmbrosis, oppidorumq̃ue fossis.

TEMPVS.

Florent Maio & Iunio mensibus maius & minus. Tertium autem genus in Maio tantum floribus ornatur luteis.

TEMPERAMENTVM.

Aizoon vtrunque, tam maius quàm minus, desiccāt modicè, vehemēter autē refrigerāt: sunt enim ex tertio ordine & recessu refrigerantiū. Tertiū genus calidum esse, Dioscoridis & omnium veterū testimonio constat. Gustus etiam minimè reclamat: si enim gustaueris, linguam vehementer vrit.

VIREs. EX DIOSCORIDE.

Maius vim obtinet refrigerandi & adstringendi. Conferunt ad erysipelata, herpetas, nomas, oculorū inflammationes, ambusta, podagras, folia per se, & cum polenta illita. Succus verò cum polenta & rosaceo,

faceo, capiti in doloribus infunditur. Datur à phalangio morbis in potu diarrhœa laborantibus, dysentericisq;. Teretes lumbricos cum vino potus excutit. Subditus in pefso, muliebres fluxiones sistit. Succus etiam lippientibus à sanguine vtiliter inungitur. Minoris folia antedictio eandem facultatem habent. Tertium genus calfaciendi vim habet, acré, & exulceratè. Cum axungia illitū, strumas discutit.

## EX GALENO.

Semperuium vtrunq; tā maius quàm minus deficcat quidem modicè, quandoquidem & mediocriter adstringat, omnis alterius vehementis qualitatis expers: quare in eo aquea essentia abundat. Refrigerat non mediocriter, idèoque ad erysipelata, herpetas, & à fluxione natas phlegmonas predest.

## EX PLINIO.

Vtriusq; vis eadem, perfrigerare & adstringere. Medentur epiphoris folia imposita, vel succus inunctus. Purgant enim vlcera oculorum, explentq;, & ad cicatricè perducunt. Palpebras deglutināt. Eadè capitis doloribus medentur, succo vel folio temporibus illitis. Aduersantur phalāgiorum ic̃tibus: aconito verò maius Aizoum præcipuè. A scorpionibus quoque feriri id habentem negāt. Medentur & aurium dolori.

## APPENDIX.

Errat non parum hodie magna medicorum pars, qui sedi genus tertium refrigerare, asserere haud verentur. Et mirum sanè cur ab eo errore illos Dioscorides non reuocet, qui disertè ait, hoc ipsum calefaciendi, & exulcerandi facultatem habere. Sed fortè non magnopere laborāt, quid de hac planta Dioscorides tradat: debuisse tamen erroris huius admo-  
nuisse eos saltem germanica eius plantæ nomen clatura. Neque enim alia ratione *Maurpfeffer* nostris Germanis dicta est, nisi quod in muris proueniat, gustūque acris admodum sit.

## DE AR-

# PLANTARVM HISTORIAE.

## DE ARNOGLOSSO. CAP. XI.

*Plantago hæc triplex omnibus nota, & quæ speciatim præter has Arnoglossum dicitur, rotundioribus foliis, lanuginosis, sessilibus, usu frequentissimo officinarum celebris.*

### NOMINA.

ρνογλωσσον Græcis: Arnoglossum, Plantago

A Latinis nominatur. Nomen latinum Plātaginis officinæ retinuerunt. Gallicè Du

Plantain, Germanice Schaffzūgē quod nomen Græco pulchrè respōdet, dicitur. Arnoglossum, quod eius

Arnoglossum unde diffinit. *folia agnīe linguæ similima sint, appellarūt Græci. Latini autē Plantaginem, ducto à planta vocabulo, nuncuparunt. Sunt tamē qui à multitudine nervorū, quibus quasi costis in dorso per longitudinē folia eius distincta sunt, Polyneuron vocant.*

Polyneuron.

### GENERA.

Duo Plantaginis sunt genera, veterum omnium sententia, maior & minor. Maior, quam peculiariter à septenis quæ in foliis apparēt costis, Græcè ἑπτάφυλλον, id est, Septineruiam vocāt. Minor, eo quod eius folia fibris quinque tanquam nervis distincta sunt, πεντάφυλλον, id est, Quinqueneruia dicitur. Officinæ, quoniam folium arctius definit in acumē, & velut in lanceæ mucronem fastigiatur, Lanceolatā, vulgus autem Lāccolam appellat, quia scilicet acuminatior & longior est.

### FORMA.

Minor.  
Maior.

Minor Plātago angustiora, minora, molliora, leuiora, & tenuiora folia habet, caule anguloso, in terram inclinato: flores pallidos: semen in summis caulibus. Maior contrā crassior vegetiorque, latiore folio, betaceo. Folia siquidem maioris Plantaginis betaceorum effigiē, non alterius oleris referunt, quod Dioscorides λαχανώδεις dixit. Nam apud Athenienses λάχανον pro Beta sæpe sumi solet, à cuius foliis non multum Plantaginea videntur abhorreere. Non itaque olus intelligere potuit, cū in exprimenda similitu-

λάχανον

similitudine speciatim loqui, non generatim conueniat. Huius caulis angulosus, subruher, altitudine cubitali, à medio sui ad verticem vsque tenui semine circumdatus, flosculum in spica luteum, nonnunquã herbaceum ostendat. Radices subsunt illi teneræ, hirsutæ, candidæ; digitali crassitudine. Descriptiones hæ Dioscoridis pulchrè picturæ respondent. Antiquus etiam herbarius easdem pro maiori & minori Plantagine herbas exhibet.

## LOCVS.

Maior in palustribus potissimũ nascitur. Vtraque autem circũ sepes, aggeres, prata, & lacunosa loca.

## TEMPVS.

Herba & flores in æstatis initio, Maio & Iunio mensibus, semen verò Augusto carpitur mense.

## TEMPERAMENTVM.

Mixtæ est tẽperaturæ Plantago, habet enim quiddam aqueum frigidum: habet verò & austerũ quiddam, id quod terreum est, siccum, frigidum. Itaque refrigerat simul & desiccatur, & in vtroque secũdi recessus à mediis est.

## VIRE. EX DIOSCORIDE.

Vim habent folia exiccatoriã & adstringentẽ, ideo ad omnia vlcera maligna, elephantica, quæ humore scatet, & sordida, cõferunt. Eruptiones sanguinis, nomas, carbunculos, herpetas, epinyctidasq; cohibent. Vlcera vetera & inæqualia cicatrice obducunt. Medentur & iis quæ Chironia nũcupantur. Sinus glutinant. Moribus canis, ambustis, inflammationibus, parotydi, panis, profunt. Strumis & ægilopis cum sale illita cõferunt. Olus coctũ cũ aceto & sale dysentericis & cœliacis sumptũ subuenit. Datur & in locũ Betæ cum lenticula coctũ. In leucophlegmatia post aridas epulas in medio herba decocta datur. Comitialib. & asthmaticis data proficit. Foliorum succus oris vlcera continua collutione purgat. Cum creta cimolia & cerusa ignibus sacris medetur. Fistulas

## PLANTARVM HISTORIAE.

infusus sanat. Aurium doloribus & lippitudinibus succus instillatus, & collyriis additus prodest. Gingiuis sanguinolentis, & sanguinem reiicientibus potus confert. Dysentericis subter per aluum iniicitur. Bibitur contra tabē. Aduersus vteri strangulationes in lana apponitur: item vuluę fluxiones. Semē cum vino potum alui fluxiones, & sanguinis excreatiōes sistit. Radix decocta collutione, & cōmanducata, dētium dolores sedat. Eadem cū foliis in passo ad vesicę renūq; vlcera prębetur. Ferūt tres radices cū tribus vini cyathis, & pari aquę potas, tertianis auxiliari, & quatuor quartanis. Sunt qui radice ē collo suspensa ad strumas discutiendas vtantur.

### EX GALENO.

Quęcunque medicamenta cum hoc quod refrigerant vnā etiam adstringunt, ea & ad vlcera maligna omnia, & ad fluxiōes, & putredines profunt, atque adeo etiam ad dysenterias: nā & sanguinis eruptiones sistunt, & si quid aduratur refrigerāt. Sinus quoque glutinant, & alia vlcera recētia simul & vetera. In omnibus ferē id genus medicamētis primas tenet, aut certē nulli secūdum est Arnoglossum, idq; temperaturę symmetria. Nam siccitatē obtinet morsus expertem, & frigiditatem quę nōdum obstupesciat. Semē eius & radix similis sunt facultatis, attamen siccioris, & minus frigidę. Semen etiam subtilium est partium, radices autem crassiorum. Et huius herbę folia exiccata, subtilioris & minus frigide facultatis fiunt, nempe diffolato ex eo ac digesto excremento aqueo. Hac ratione radicibus vtuntur ad dentium dolores, tum manducantes, tum collutionibus incoquentes. Pręterea ad iccinoris & renū obstructions non has tantū adhibent, sed folia quoque & multo magis semen: hęc enim quandam abstergerendi in se facultatem habent, quam & in herba viridi inesse satis coniici potest, verū ab humiditatis copia vinci.

### EX PLI,

## EX PLINIO.

Vis mira in ficcando densandóq; corpore, cauterij vicem obtinens. Nulla res æque sistit fluxiones, quas Græci rheumatismos vocât. Stomachû corroborat Plâtago per se sumpta in cibo cum lente alicarite forbitione. Strumis medetur. Semen eius in vino tritum, vel ipsa ex aceto cocta, aut alica ex succo eius sumpta dysentericis datur. Lichenis fœdo mala medetur trita. Vitia sedis & attritus celerrimè sanat. Ex aqua mulsa duabus horis ante accessionem pota duabus drachmis, tertianas leniores facit, vel succus radicis madefactę vel tufę, vel ipsa radix trita in aqua ferro calefacta. Quidã ternas radices in tribus cyathis aquę dederūt. Iidẽ in quartanis quaternas fecerunt. Hydropicos sanat in cibo cum prius panẽ ficum comederint sine potu. Folia podagras refrigerant, & in primo impetu podagrę rubentis, hoc est, calidę, conueniunt. Oris vlcera succus emendat, & folia radicęsq; cõmanducata, vel si rheumatismo laboret os. Vitio reiectionis sanguinis idem medetur. Phthisim sanat si bibatur, & ipsa decocta in vino cũ sale & oleo à somno matutino refrigerat. Luxatis dolores & tumores tollunt folia tusa, addito sale modico. Fistulis infusus succus auxilio est. Sanguinis profluuium sistit semen, si ore reiciatur, siue aluo fluat, siue fœminarum vtero. Succus vomētibus sanguinem datur. Contusis, euersis omnibus modis ipsa sumitur. Medetur omnium generũ vlceribus, peculiariter fœminarũ, senum, & infantium, igne molita, melior & cum cerato.

## DE ALISMATE. CAP. XII.

## NOMINA.

λισμα, ἡ δισμασσώνιον Gręcè: Alisma, Dama

A soniũ latinè noĩatur. Sũt qui eã herbã esse putet, q̃ herbarij & vulgus nominat Barbã

sylvanã, & Plantaginem aquaticam: nonnulli ve- Plantago  
rò cam, quam multi pastorem fistulam vocant. aquatica



## PLANTARVM HISTORIAE

Prior Germanis *Vuasser Vuegreich* & *Froschloffel* [Gallicè *Plantain aquatique*] q̄ scilicet in palustribus nascatur, vbi frequentes sũnt ranæ. Altera verò iisdem *Hirtenpfeiff* nominatur. Plātaginē autē aquaticā, ob natales & similitudinē quę illi cū vera Plātagine est, dixerunt: quęadmodū fistulā pastorem, quòd singulari scapo rudis fistulæ & longitudinem & effigiē quandam videatur imitari. Quæ verò nostra de iis sit sententia, paulò pòst indicabimus.

### FORMA.

Alisma folia Plantagini similia habet, angustiora tamen & in terrā reflexa, demissaq̄. Caulis illi est tenuis, simplex, altitudine cubitū excedēte, thyrsosimilis, capitula habens. Flores tenues, cādidos & aliquatenus pallidos obtinet. Radices vt Ellebori nigri tenues, odoratas, acres, modiceque pingues. Ex qua quidē delineatione satis constat, neutrā herbarū quarū picturas damus, esse Alisma. Nam herba quā hodie Plātaginē aquaticā vocant, nō per omnia historiæ respōdet. Vt enim alia præteream, radix eius neque odorata, neq; acris est. Alterius autē, quā pastorem fistulā nominauimus, etsi radix odorata sit, minimè tamen acris existit. Quicquid tamen sit, hac potius quàm altera pro Alismate vtendum esse censeo. Eius effigiem suo loco dabimus.

### LOCVS.

Aquosa amat loca, in quibus passim nascitur.

### TEMPVS.

In æstate colligi potest, tū enim floribus abundat.

### TEMPERAMENTVM.

Calidam esse hanc herbam satis mōstrāt radices, quas acres esse constat. Abstersoriam etiam quandā in se facultatem obtinent.

### VIRES. EX DIOSCORIDE.

Radix vnus aut alterius drachmæ pondere cum vino pota, his qui leporem marinum deuorarunt, prodest, & quos rubeta rana momorderit, quique opium

opium hauserunt. Torminibus & dysenterię per se, aut cum Dauco pari pondere pota confert. Cōuulsis itidem & vteri strangulationibus. Herba sistit aluum, menses ducit & œdemata illita lenit.

## EX GALENO.

Damafonium aut Alisma. De hac herba in tertio libro tradit Dioscorides, quòd radix eius epota dysenterias sanet, & aluū sistat, atq; œdemata mitiget. Nos verò ea experti nō sumus. Quòd autē cōstitutos in renibus calculos aqua in qua decocta fuerit pota cōminuat, casu experti sumus. Ex quo liquet, q̄ absterforiam quandam facultatem obrinet.

## EX PLINIO.

Vsus in radice aduersus ranas & lepores marinos. Lepori marino aduersatur in vino potum. Strumis imponitur ex aqua cœlesti foliū tritū, vel radix cum axungio tusa, ita vt imposita folio suo operiatur. Sic & ad omnes ceruicis dolores, tumoresque quacunque in parte.

## DE ARTEMISIA. CAP. XIII.

*Artemisia uulgaris nobis nomen retinet. Tenuifoliam pin-gis quā matricariā uulgo uocamus. Monocloni uerò Tanacetum seu Athanasiam uulgo dictam. Tagetem uerò quem Oculum Indicum uocamus.*

## NOMINA.

πριμίσια Græcis, Artemisia Latinis, Germanis *Beyfus* / *Bucken* / *S. Iohāns gurtel* / *Sonnenueend gurtel* / *soder Großer reinfarn* [Gallicè *Armoise* ou l'herbe de saint Iehan] appellatur. Officinæ veterem appellationem retinent. Nomen herbæ inditum putant ab Artemisia vxore Mausoli regis, quæ sibi hanc herbā adoptauit, cū ante Parthenis, id est, virginalis, quòd virgo dea illi nomen dederit, vocaretur. Non desunt qui ab Artemide cognominatā arbitrentur, quòd priuatim fœminarū malis, quibus ἀρtemis, hoc est, Diana præest, medeatur. Nomen Germanicum *S. Iohans gurtel*, quasi diui Ioānis zonā

*Artemisia unde dicta.*

# PLANTARVM HISTORIAE.

dicas, à superstitiosis nonnullis monachis & mulierculis herbæ huic impositum est. Nā fuerūt qui non coronas duntaxat, sed etiā zonas ex ista herba cōfecerūt, quas tādē in ignem, qui in die diuo Ioāni baptistæ sacro, in singulis plateis vrbiū succendebatur, nescio in quē euētū, proiecerūt, haud dubiè hac herba in deserto dinū Ioannem cinctū fuisse somnati.

## GENERA.

Tres sunt, Dioscoride teste, Artemisiæ species quæ etiā hodie apud nos passim reperiūtur. Prima *αλφ-τύφυλλος*, Latinè *Artemisia latifolia* dici potest. Ea autē est quæ simpliciter hodie *Artemisia* vocatur. Huius iterū duo sunt genera colore dūtaxat distantia: vnū caule & floribus rubēs, Germanis *Rotbuckel* vel *Rotbryusz* dicitur: alterū cādicās caule, floribus verò flanis, Germanicè *Vuciszbucken* appellatur.

*Artemisia latifolia.*

*Artemisia tenuifolia*  
*Matricaria.*

*Artemisia monoclonos.*

*Tanacetum.*

Altera Græcè *λεπτόφυλλος*, Latinè vero *Tenuifolia* nominatur: quod quidē genus vulgus hodie *Matricariā* Germani *Muterkraut* & *Mattram*, [Gallicè *de L'espar-goute*] quod vteri quē *matricē* vocāt, morbis medeatur. Tertia species *Artemisia monoclonos* dicitur, *Tanacetū* corrupto nomine pro *Tagetē* hodie nomināt, Germani *Reinfarn*, quod filicis ferè speciē referat & ī aquarū ripis nascatur. alio noīe *Vurmkrant*, quā lūbricos è vêtre pellat. Esse verò hanc herbā aliquā *Artemisiæ* speciem vel hinc etiam cōstare potest, quod primā speciē, vt diximus, nonnulli Germanicè *Grossen reinfarn* vocant: hac enim nomēclatura manifestè docet, & eam quam *Tagetē* appellant *Artemisiæ* esse congenerem, quod scilicet eandē habeat appellatiōnē. Huius haud dubiè generis est herba quæ elegantissimos profert flores, garyophyllos Indos vocatos nulla enim in re nisi floribus, qui sunt elegantiores & longè maiores, ab hac nostra distat: odore tamen nostrā hanc etiā vincit. Hinc est quod *Tagetem Indicam* appellauerimus, Germanicè autē *Indianische negelen*. His autem herbis tribus conuenire *Dioscoridis*

ridis descriptiones facilè vnusquisq; ex iis quæ paulò pòst dicemus cognoscet. Esse autè Artemisiæ genera ex manuscripto codice, quem ob vetustatem lubens cito, manifestè colligi potest. Is enim pictas ordine tres iam cōmemoratas herbas ita ob oculos ponit, vt nemo qui illas vel semel saltem viderit, non agnoscat. Picturæ accedūt descriptiōes, & nomēclaturæ hodie etiam vsitatæ. Primam enim Artemisiā, alteram Leptophyllon & Matricariam, tertiam vero Tagetē, quo nomīe Apuleius vsus est, & Tanacetū appellat, ita vt nemo deinceps quin vera sint Artemisiæ genera dubitare debeat, aut meritò possit.

## FORMA.

Prima species quæ pr<sup>o</sup> atim Artemisia dicitur, fruticosa est herba, Absinthio similis, maiora tamen & pinguiora folia habet, quæ supernè ex nigro virescunt, subter autem candicant, crebrò etiam resecta sunt. Flos illi tenuis, & semen rotundum. Altera, folia tenuiora obtinet, flores exiguos, tenues, albos, & grauiter olentes. Porro Sampsuchi odorè confricata eius folia & flores referunt. Quæ vtique descriptio ita Matricariam vulgò dictam herbam exprimit, vt nemo non, nisi talpa cæcior sit, hanc esse alteram Artemisiæ speciem videat. Fruticosa enim herba est Matricaria, foliis quàm sit Artemisia proprie dicta gracilioribus, floribus tenuioribus, per ambitum albis, (intus enim lutei existunt) grauiter cum vniuersa herba olentibus. Hallucinantur itaque qui Serapionis interpretem secuti, Dioscoridis Parthenium esse putant, vt suo loco abundè demonstrabimus. Tertia μονόκλωνος, hoc est, vnicaulis dicta, simplici caule confurgit, foliis minutim scissis. Caulis in summo floribus luteis & tenuibus abúdat. Hæc odoris iucūditate priorē vincit. Quæ sanè descriptio pulchrè herbā Tanacetum appellatā hodie, delineat, ita vt tertiā esse Artemisiæ speciem nemo dubitare debeat, aut saltē iure queat. Tagetes

Artemisia.

Partheniū  
nō est Ma-  
tricaria.

Tanacetū.

## PLANTARVM HISTORIAE

Indica caule exurgit rubescente, ramulis multis brachiato, foliis tenuibus, minutim scissis, & grauiter odoratis, floribus ī summo caule luteis, & croci ferè colorè referentibus, elegantia nulli alteri cedētibus.

### LOCVS.

Prima nascitur in aquosis, incultis, asperisq; locis. Altera in hortis, locis siccis & lapidosis. Tertia in aquarū ripis, atq; vinearū aggeribus passim prouenit, vnde Germanicè appposito vocabulo *Reinfarn* vocatur. Indica Tagetes nō nisi sata, puenit ī Germania.

### TEMPVS

Singula genera tria æstate, potissimū cum vna maturescit, tunc enim abundant floribus, colliguntur. Indica paulò tardius in nostra regione floret.

### TEMPERAMENTVM.

Calefaciūt & modicè desiccāt, & sunt, quod ad calefactionem attinet, ordinis secūdi: quod verò ad refectionē, aut primi intensi, aut secundi remissi. Sūt etiam modicè tenuium partium.

### VIRE. EX DIOSCORIDE.

Excalfaciunt & extenuāt. Feruefactæ profunt ad inessus muliebres, ducēdos mēses, secūdas & fœtus. Vteri præclusionem atque inflātionē iuuant, lapides frāgunt, & vrinæ suppressionē tollunt. Herba ipsa imo ventri illita copiosa, mēses mouet. Succus eius cū myrrha subactus & admotus, ex vtero elicit quæcūq; & inessio. Bibitur etiā coma trium drachmarum pondere eorundem ducendorum gratia. Si quis stomacho laborans Artemisiā leptophyllon contuderit probè cum oleo amygdalino, & veluti malagma confecerit, stomachoq; imposuerit, sanabitur. Neruorum quoque dolore si quis affectus fuerit, ac succum eius cum oleo rosaceo miscens inunxerit, curabitur.

### EX GALENO.

Ad renum calculos mediocriter, & ad vteri fermentationes profunt.

### EX PLI.

## EX PLINIO.

Artemisia priuatim fœminarum malis medetur. Eandem quoque secum habentibus, negant nocere mala medicamenta, bestiamue vllam, ne solem quidem. Bibitur & hæc ex vino aduersus opium. Alligata priuatim potens traditur, potæue aduersus ranas. Alligatam qui habet viator, negatur lassitudinem sentire.

## APPENDIX.

Præter dictas facultates vsu compertum est, flores Tanaceti pueris ex vino vel lacte datos, mirificè ex ventre lumbricos pellerè, idèoque Germanis herba lumbricorum, vt paulò antè diximus, appellata est hæc Artemisiæ species.

## DE APARINE. CAP. XIII.

*Aparine Rebulus.*

## NOMINA.

*παρίνη, ὀμφαλόκαρπος, ἡ φιάνθρωπος* Græcè, *Omphalocarpos.*  
**A** Aparine Latinè, *Klebkraut* Germanicè. [*Galliscè Grateron*] nominat. *Omphalocarpos* ab umbilici similitudine, quâ semen eius refert, rectè dicta est. *Philanthropos* autè vox humanitatis, amoris & comitatus illi imposita est, quod blanda, comis, & hospitalis herba sit, nec aliter prætereuntium vestes apprehendat, quàm solent amici & hospitaliores à se discedentes comprehensa veste retinere, aut si id nequeant, aliquandiu sequi. Quam appellationem pulchrè Germani exprimentes, *Klebkraut* nominat: est enim illis *Kleben*, quod Latinis tenaciter adhærere. Officinæ & herbarij nonnulli *Aspergulam* hodie vocant: rectius tamen vna detrita litera nominarent *Asperulam*, quod asperitate sua attingentium vestimentis pertinaciter hæreat.

Errant qui putant legendum esse *ὀμφαλόκαρπος*, nā *Dioscoridis* & *Pauli* exemplaria castigatiora omnia habent *ὀμφαλόκαρπος*. Cui sanè lectioni & ratio ipsa subscribit, cum sic nominata sit ab umbilici specie, quam fructus eius refert.

*Q'are*

# PLANTARVM HISTORIAE.

*Quare cum altera lectio ratione omni destituta sit, immerito ab Oroffio Hispano Hermolaus, Marcellus, & Ruellius Dioscoridis interpretes ὁμολόητες legentes, taxantur.*

## FORMA.

Ramulos habet Aparine multos, exiguos, quadrangulos, & asperos. Folia per ambitum orbemue Rubiæ modo per interualla circûposita. Flores albos. Semen durum, candidum, rotundum, à medio, umbilici modo, leniter concavum. Ipsa herba vestibus adhærescit.

## LOCVS.

Nascitur in frumentario agro, aut hortis circa sepes & maceries.

## TEMPVS.

Colligitur æstate dum semine prægnans est.

## TEMPERAMENTVM.

Aparine modice cextergit & desiccatur, habetq; nõnihil tenuium partium: unde satis constat hanc aliquam etiam caloris in se portionem habere.

## VIRE. EX DIOSCORIDE.

Aperines seminis, caulium & foliorum succus cû vino potus, phalangiorum & viperarum moribus auxiliatur. Infusus doloribus aurium medetur. Herba ipsa cum axungia trita coacta, strumas discutit.

## EX PLINIO.

Efficax Aparine contra serpentes, semine poto ex vino drachma: & contra phalangia. Sanguinis abundantiam ex vulneribus reprimunt folia imposita. Succus auribus infunditur.

## DE ACANTHO. CAP. XV.

*Acanthus branca ursina.*

*Acanthus Germanica nobis non uisa.*

## NOMINA.

*Branca ursina.*

A *κανθος, ἢ ἄκανθα* Græcis, Acanthus siue Acantha Latinis dicitur. Officinæ à similitudine, quam eius folia cum anterioribus vrsorum pedibus habent, Brancam ursinam vocant.

Ad

Ad quam etiam similitudinem respicientes Germani, *Bernklauu*, oder *BerrtaiZ*. nominant. Illud nõ prætereundum esse putauì, hanc herbam olim etiã Romanis Marmorariam esse dictam: quæ vox in omnibus Dioscoridis exemplaribus deprauata est, ac in Mamolariam detorta: quòd eius folia columnarum maximè Corinthiarum capitulis insculpebantur, quarum idètidem tam scapi quàm vertices marmore splendebant. Antiqui etiam Acantho paterras pingebant.

*Marmoraria.*  
*Dioscoridis locus emendatus*

## G E N E R A.

Duo Acanthi genera damus. Primum quidem legitimum Acanthum nominauimus, quòd scilicet descriptioni per omnia respondeat. Germanis dicitur *Vuelfch bernklauu*. Alterum Germanicam, quod nimirum in Germania officinæ omnes pro Acantho hanc vsurpent herbam. Germanis simpliciter *Bernklauu* vocatur.

## F O R M A.

Folia habet multò quàm *Lactuca* latiora, & longiora, *Erucae* modo incisuris diuisa, nigricantia, pingua, leuia. Caulem leuem, binum cubitorum, digitali crassitudine, ex internallis sub ipsum vsque verticem foliolis quibusdam oblongis veluti nucamentis, aculeatis, ex quibus candidus promitur flos. Semen illi est oblongum, luteum, caput thyrsi specie. Radices subsunt glutinosæ, mucosæ, rubentes, longæ. Hactenus Dioscorides. Si autem veri Acanthi picturam diligenter spectare volueris, huic descriptioni prorsus quadrare videbis, ita vt nulla sit nota quæ illi non adamussim respondeat. Neque impedit quòd Acantha spinam significet, spinosa enim & hæc quidem herba est, sed mollibus duntaxat spinis, ideòque à Vergilio mollis Acanthus dicitur. Germanicam tamen Acanthum ad Dioscoridis picturam non penitus accedere, est euidentissimum. Potest tamen in prioris inopia, huius etiam

commo-



# PLANTARVM HISTORIAE.

commodus esse vſus, vt ex iis quæ paulò poſt dicemus, patebit.

## LOCVS.

Nascitur vera in hortis, petroſis & humentibus locis. Germanica in hortis & pratis vndique.

## TEMPVS.

Colligitur in æſtate dum floribus & ſemine abundat, Iunio præcipuè & Iulio menſibus.

## TEMPERAMENTVM.

Folia Acanthi mediocriter digerentem facultatē obtinent. At radix exiccatoria eſt, & leuiter inciforia, & tenuium partium. Hanc vim Acantho etiam Germanico inefſe, guſtus abundè monſtrat. Folia enim eius modicè amara, radix autem ſubacris eſt.

## VIRES. EX DIOSCORIDE.

Acanthi radices vſtis & luxatis illitæ proſunt. Poſtæ vrinam mouent, & aluum fiſtūt. Tabidis, ruptis, conuulſis, mirè vtilis ſunt.

## EX PLINIO.

Radices Acanthi vſtis luxatiſque mirè proſunt. Item ruptis, conuulſis, & phthiſin metuentibus incoctæ cibo, maximè ptiſana. Podagris quoque illinuntur tritæ & calefactæ calidis,

## APPENDIX.

Etſi noſtræ Brancæ vrſinæ facies picturæ Acanthi non vndiquaque reſpondeat, tamen eius radicē eandem habere cum Acanthi veri radice facultatem eſt euidentiffimum. Cū enim guſtu ſubacris ſit, neceſſe eſt vt exiccet, incīdat, & tenuium ſit partium. Errant itaq; noſtræ ætatis medici, qui neglecta proriſ radice, foliis tantū vtuntur, quæ quidem mediocriter diſcutere valent.

## DE SPINA ALBA.

### CAP. XVI.

*Spina alba hortenſis carduus beatæ Mariæ, ſylueſtris palatium leporis.*

## NOMINA.

καυθα λιυκὴ Græcè, Spina alba Latinè, Offi  
 A cinæ Bedegarim seu Bedeguar Pœno nomi Bedeguar  
 ne appellât, Germani Vucisdistel, oder Stech, Spina alba  
 kraut. [Gallicè Chardon nostre Dame, ou Chardon argé- unde dista  
 tin, ou Artichaut sauvage.] Nomen herba hæc ab albis  
 foliis seu lacteis maculis, quibus folia cōspersa sunt,  
 accepit.

## G E N E R A.

Quamuis Dioscorides Spinæ albæ duntaxat vnū  
 faciat genus, tamē cum plures inueniantur apud  
 nos herbæ quæ descriptioni respondent, plura etiā  
 vt illius statuamus genera necesse est. Vnum itaque  
 genus est, quod hodie vulgò Carduus Mariæ dici-  
 tur, Germanis verò Mariendistel, oder Frauendistel  
 nominatur. Nos spinam albam hortensem, quod ni-  
 mirum in hortis tantum proueniat, appellauimus.  
 Alterum genus syluestre est, proximè ad. Dioscori-  
 dis delineationem accedens, ideòque à Germanis  
 Vuciszuuegdistel vocatur. Cæterum vidimus herbā  
 peregrinam siccam, quæ syluestri, quod ad formam  
 attinet, per omnia respondebat, quæ haud dubiè ve-  
 ra spina alba erat, & descriptioni prorsus conuenie-  
 bat. Picturam eius, quod viridi destituebamur, dare  
 non potuimus.

## F O R M A.

Folia albo Chamæleonti similia habet, angustio-  
 ria tamen & candidiora, subdensa, subasperaue, &  
 aculeata. Caulem binos cubitos excedentem, digiti  
 magni aut minoris crassitudine, subalbum, intus ca-  
 uum. In cacumine eius caput est aculeatum, Echi-  
 no marino non absimile, minus tamen & oblongū.  
 Flores purpureos, in quibus semen Cnici forma, sed  
 rotundius. Quæ descriptio in vniuersum quadrare  
 videtur herbæ quæ vulgò Carduus Mariæ appella-  
 tur. Folia siquidem Chamæleonti non dissimilia, an-  
 gustiora, candidioraque (albis enim maculis vndiq;  
 consper-

## PLANTARVM HISTORIAE.

conspersa, vnde tam Græcum quàm Latinum, adde etiam Germanicum nomē *Vuciszdistel*, vt diximus, illi impositum est) subdensa, subasperaue, & minimè mollia, & mirum in modum aculeata sunt, ita vt cōtrectata immodicè pungant. Caulis eidem supra binna cubita altus, digiti maioris aut minoris crassitudine, & inanis. In summo vertice Echino marino haud dissimile caput aculeatum obtinet. Flores denique purpureos, in quibus semen Cnico simile, sed rotundius habet, id quod ex vtriusque seminis collatione pulchrè deprehendes. His accedit, quod facultates quas albæ Spinæ Dioscorides tribuit, similes sint iis quæ Carduo Mariæ à nostris hodie herbariis assignantur, vt ex sequentibus innotescet clarius. Syluestri sic quadrat descriptio vt nihil magis. Nam, vt cætera omittam, radix desiccatoria est, & modicè astringens, atq; adeò genuinas Spinæ albæ facultates obtinet.

### LOCVS.

Nascitur in montibus & syluosis locis. Hodie in hortis passim etiam plantatur, vt alia quædam Carduorum genera. Syluestre in locis incultis & arenosis prouenit.

### TEMPVS.

Colligenda est herba in æstate dum semine prægnans est. Floret autem Iunio & Iulio mensibus.

### TEMPERAMENTVM.

Radix eius desiccatoria est, & modicè adstringēs. Semen verò tenuis essentia, & calidæ facultatis.

### VIRES EX DIOSCORIDE.

Radix huius pota, sanguinem excreantibus, stomachicis & coeliacis prodest. Vrinam cit. Oedematis illinitur. Decocto eius dentes in dolore colluuntur. Semen potum conuulsis infantibus, & à serpente demorsis auxiliatur. Ferunt etiam quod amuletū ex eo venenatas bestias abigat.

### EX GALENO.

Radix coeliacis, & stomachicis succurrit. Sanguinis reiectio

reiectiones cohibet, & œdemata illita contrahit, ac dentes dolentes inuat, si decocto eius colluantur. Semen potum iis qui conuelluntur, prodest.

## DE ASPARAGO. CAP. XVII.

## NOMINA.

*ἄσπαργος* Græcè, Asparagus Latinè vocatur. *Aspara-  
gus unde dictus.*  
A Officinæ extrita priore litera Sparagū nominant, Germani *Spargen*, [Galli *Des asperges*,] Sic autem potissimum altilis satiuusq;, de quo nobis hic sermo est, nominatur, eò quòd cauliculos hos, qui prima germinatione prodeunt è terra, præcipuos habeat.

## FORMA.

E radiculis thyrsus primum exilit, cacumine in torulos turbinato, quod tandem increscens explicatur in prægrandes ramos, quibus insunt folia capillamenti modo, & vt Fœniculi tenuata, quæ per vetustatem occalescunt in spinulas. Florem fundit paruum, quo decusso bacca dependent primum virides, quæ tandem maturitate rubescunt, seminibus refertæ. Radices spongiosæ, longæ & rotundæ. o

## LOCVS.

In hortis seritur & plantatur, inque nonnullis locis lapidosis sponte prouenit.

## TEMPVS.

Thyrso primum cùm ver appetit emicante viret, spica tum cibus expetita. Recentes hos thyrsulos in voluptatem gulæ verterunt helluones. Hodie decoctus in iure Asparagus, aceto, sale, & oleo conspersus, magno gulæ delectamento comeditur, & in principū deliciis est. Semen suo legitur tempore, nimirū æstate.

## TEMPERAMENTVM.

Abstergendi facultatem habet Asparagus, idque citra manifestam aut caliditatem, aut frigiditatem.

## VIRE. EX DIOSCORIDE.

Asparagi cauliculi cocti & comesti aluum molliunt, & vrinam mouent. Radicum verò decoctum, diffi-

cultati

## PLANTARVM HISTORIAE.

cultati vrinæ, regio morbo correptis, nephriticis, ischiadicis: cum vino autem idem decoctum phalangiorum moribus auxiliatur. Si decoctum super dente retineatur, eius dolori medetur. Facit ad eadē omnia semen etiam potum. Ferunt mori canes decoctum eius bibentes.

### EX GALENO.

Renes ac iecur infarctu liberat Asparagus, & maximè herba ipsius radices & semen. Quin & dentiū dolores sanat siccitatis nomine, quam vel maximè dentes requirunt.

### EX PLINIO.

Vtilissimus stomacho cibus, vt traditur, Asparagi. Cumino quidem addito inflammationes stomachi coliq; discutiunt. Idem oculis claritatem adferunt. Ventrem leniter molliunt. Pectoris & spinæ doloribus, intestinorūque vitis profunt. Vino cū coquantur addito, lumborum & renum dolores mitigant. Venerem stimulant. Vrinam cient vtilissimè, præterquam quod vesicam exulcerant. Radix quoque plurimorum prædicatione trita, & in vino albo pota, calculos exturbat. Quidam ad vuluæ dolorē, radicem cum vino dulci propinant. Eadem in aceto decocta contra elephantiam proficit. Asparago trito cum oleo perunctum pungi ab apibus negant.

### EX SIMEONE SETHI.

Asparagus olerum omnium maximè nutrit. Proinde si quis dicat eius naturam positam esse mediā inter olera & carnes, non procul à vero aberrabit, propter nutriendi facultatem plantarum & carniū, quæ similiter se habet. Vrinam quoque cit, & obstructiones iecoris & renum aperit: id quod manifestū ex eo, quòd vrinæ odorem in suum transmutat, vt hunc qui aliquantulum eius ederint, sentiant. Neq; quispiam admiretur illum statim vrinæ suam qualitatem indere: nam & rubea tinctorum si manibus contineatur, vrinam in suum colorem transmutat: quod

quod paradoxum etiam esse videtur, vt extrinsecus impositum vrinam tingat. Asparagi colicis & renū affectibus, qui à pituita proueniunt, auxiliantur: semen genitale augent, & celerius quàm reliqua olea in sanguinē mutantur. Menses ciunt. Cordis palpitationibus succurrunt: dentibus profunt: sed non semper stomacho boni sunt, propterea garo & oleo conditis, cum mediocriter cocti sunt, iis vti oportet.

## DE ANONE. CAP. XVIII.

*Anonis, bubus grauis, & Arresta bonis dicitur.*

## NOMINA.

*ῥωνίς, ἢ ὄρωνίς* Græcis: Anonis & Ononis

**A** Latinis appellatur. Vulgus herbariorū Restam bouis, quod in opere arātes boues subinde sistat, nominare solet. Nonnulli Remoram aratri, quod altis & duris radicibus in agris aratrum remoretur, appellant. Sunt qui Acutellam vocent, quod suis scilicet spinis ingredientium pedes pungat & offendat. Germanis *Hauubechel* nuncupatur, & *Ochsenbrech*, quia crebris inter folia aculeis, haud fecus ac instrumentum hoc quo mulieres linum carminant, & à crassiore purgant stuppa, horreat: vel quod ligone ad aculeatam hanc herbam eruendam & extirpandam cum in altum agitur, & sese propagat, opus sit. Equites Germani *Stalkraut*, eo quod de coctum eius meiere nequeuntibus equis offeratur, vocant. Binominis autem antiquis est scriptoribus, vna tantum litera mutata. Sunt enim qui Ononim, vt Theophrastus & Galenus: sunt etiam qui Anonim, veluti Dioscorides & Plinius, nominent. Anonis haud dubiè à non iuuando, quod nullo iuuamine polleat, dicta est. Siquidem aratoribus inimica est, viuāxque nimis fruges opprimit, suisque aculeis nocet. Ononis verò, quod asinos, quos Græci *ὄρους* vocant, sese terentes ad illam scabentēsque, iuuet. Cōplures quoque Graij herbam sic appellari prodiderunt, quod in ea se volutantes, spinis eius dorsum li-

*Resta bouis.*

*Remora aratri.*

*Acutella.*

*Anoniscus dicta.*

*Ononis unde.*

d benter

benter affricent & scabant. Officinis prorsus ignota, & inusitata.

FORMA.

Ramos habet palmares, aut maiores, fruticosos, frequentibus geniculis cinctos, cauis alarum multis, capitula rotunda. Folia exigua, tenuia ceu Lētis, ad Rutæ, aut scœnarij Loti figuram accedentia, subhirsuta, odorata, nec iniucundè olentia. Ramuli acutas spinas, spiculis acuminatis similes, solidasq; gerunt. Radice candida nititur. Theophrastus toto caule foliatam esse tradit, vt veluti coronam ex interual-  
lis tota species repræsentet. Florem quoque illi esse minutulum, & in siliqua non vndique septum scribit. Quæ sanè singula pulchrè picturæ respondent, & Anonim esse hanc herbam, quam Restam bouis hodie herbarij nominant, euidenter, nulla reclamante nota, ostendunt. Nam hæc ramos spargit fruticosos, palmo longiores, frequentibus cinctos articulis, à quibus alæ funduntur. Capitula exorbitant orbiculata, folia Lentis parua, ad Rutæ vel pratensis Loti figuram accedentia, hirsuta, iucundum odorem expirantia, inter quæ nocentiores, & mucronatæ cuspidis aculei quasi spicula subriguntur. Flos ferè Pisi dilutiore micat purpura, in siliqua non vndique septus. Radix in nigro candicans.

LOCVS.

Nascitur cultis solo, pingui, & glutinoso, præcipuè autè in segetibus & aruis, inimica agricolis, viuaxq; supra modum. Cum enim altam lætæmve nacta tel-  
lurem fuerit, protinus in altum agitur, & singulis annis, surculis in latus emissis, rursus anno postero deorsum versus acta pluribus ramis luxuriat, ideoque runcanda & radicitus extirpanda venit.

TEMPVS.

Æstate germinare incipit, à frugibus perficitur, autumno sui incrementi finem faciens. Floret autè Iulio mense, & Augusto.

TEM-

## TEMPERAMENTVM.

Ononis radix tertio quadatenus ordine exalfacit.

## VIRE. EX DIOSCORIDE.

Antequā spinosa fit sale conditur, & est cibis gratissima. Radix eius calefacit, & extenuat, cuius cortex cum vino potus vrinam ciet, calculos rumpit, crustasque abstergit. Decocta radix in posca dentium dolorem collutione mitigat. Huius decoctum potum, hæmorrhoidas sanare creditur.

## EX GALENO.

Radicis cortex maximè utilis est, habens quippiā absterforium & incisorium. Proinde non tantum vrinas ducit, sed & lapides confringit. Eadem facultate & crustas confestim detrahit. Vtuntur quoque ea ad dentium dolores in posca decoquentes, & colui decocto eius iubentes.

## EX PLINIO.

Radix decoquitur in posca dolori dentium. Eadem cum melle pota, calculos pellit. Comitialibus datur in oxymelite, decocta ad dimidias.

## DE ANISO. CAP. XIX.

## NOMINA.

- νισος* Græcè, Anisum Latinè vocatur. Officinis nomē genuinum retinuit, Germanicè *Anis*z. [Gallicè *de L'anis*] appellatur.

## GENER A.

Anisum caule, folio, flore, Apio par esse videtur. Caulem nanque tenuiter striatum, rotundum, multisque ramulis brachiatum obtinet. Folium vbi primū enascitur, rotundū, sed deinceps Apij modo dissectum. Florem candidum, muscarium fœniculi. Tota herba, haud aliter quàm semen, odorata est.

## LOCVS.

Ex Syria originem habet, iam autem passim satū in Germaniæ hortis prouenit.

## TEMPVS.

Iunio ac Iulio mēibus floret, semineq; pregnās est.

d ij

TEMPE-



# PLANTARVM HISTORIAE

## TEMPERAMENTVM.

Calefacit & desiccatur in tertio ordine.

## VIRE. EX DIOSCORIDE.

Anisum in vniuersum calefacit, exiccat. *ἰσχυρῶς* rectius mea sententia interpretabitur pro eo quod est, faciliè spirare facit. Oris halitum iucundiorè facit. Anodynum est, dolorémue leuat. Vrinam cit. Diffundit. Hydropicis potum sitim arcet. Prodest ad venenata animalia, & inflationes. Aluum, & albū fœminarum profluuium sistit. Lac ad mammas elicit, & Venerem stimulat. Suffitum naribus capitis dolorem sedat. Tritum, cùmque rosaceo instillatū, aurium medetur rupturis.

## EX GALENO.

Anisi semen maximè vtile est, acre & subamarū, vt propè ad vrentium accedat caliditatem. Proinde & urinam cit, & digerit, atque ventris inflationes sedat.

## EX PLINIO.

Anisum aduersus scorpiones ex vino bibitur, à Pythagora inter pauca laudatum, siue crudum, siue decoctum. Item viride aridumue, omnibus quæ con diuntur, quæque intinguntur desideratum. Panis etiam crustis inferioribus subditum. Saccis quoque additur Cum amaris nucibus vina cômédatur. *Quin* ipsum oris halitum iucundiorè facit, fœtorémque tollit manducatum matutinis cum Smyrneo, & melle exiguo Mox vino collutum, vultum iuniorè præstat. Insomnia leuat suspensum in puluino, vt dormientes olfaciant. Appetentiam ciborum præstat. Dolores capitis leuat suffitum naribus. Epiphoris oculorum radicem eius tusam imponit Iollas: ipsum cum croco pari modo & vino, & per se tritum cum polenta, ad magnas fluxiones, extrahēdaque si qua in oculos inciderint. Narium quoque carcinòdes cōsumit illitum ex aqua. Sedat anginas cum melle & Hyssopo ex aceto gargarizatum. Auribus infunditur

tur cum rosaceo. Thoracis pituitas purgat tostum, cum melle sumptum melius. Cum acetabulo Anisi nuces amaras quinquaginta purgatas tere in melle ad tussim. Præcipuum autem est ad ructus, ideo inflationibus stomachi & intestinorum torminibus, & cœliacis medetur. Singultus & olfactum decoctum potumque inhibet. Potum somnum concitat Calculos pellit. Vomitiones cohibet, & præcordiorum tumores. Et pectorum vitiis, neruis quoque quibus succinctum est corpus, vtilissimum. Prodest eius & capitis doloribus instillari succum cum oleo decocti. Non aliud vtilius ventri & intestinis putant, ideo dysentericis & tenasms datur tostum. Dalion herbarius dedit bibendum cum anetho parturientibus. Phreneticis quoque illinunt recens cum polenta. Sic & infantibus comitial vitium aut contractionem sentientibus. Pythagoras quidem non corripit vitio comitali in manu habentes, ideóq; quam plurimum domi ferendum Parere quoque facilius olfactantes Sosimenes contra omnes durities ex aceto vsus est. Semine eius poto, lassitudinis auxilium viatoribus sponndit Strangulationes vuluæ, si māducetur & linatur calidum, vel si bibatur cum castoreo in aceto & melle, sedat. Vertigines à partu cum semine cucumeris & lini pari mensura trinûm digitorum, vini albi tribus cyathis, discutit. Vrinam ciet. Venerem stimulat. Cum vino sudorem leniter præstat. Vestes quoque à tineis defendit.

## EX SIMEONE SETHI.

Prodest ad vetustos ex frigore iecoris affectus, & ad spirandi difficultatem quæ ex pituita proficiscitur. Flatus qui in ventriculo sunt digerit. Obstructiones tollit, & lactis copiam facit.

DE

d iij

# PLANTARVM HISTORIAE.

## DE ACTE. CAP. XX.

### NOMINA.

ακτὴ Græcis, Latinis Sambucus nominatur.

*Sambucus*  
*unde dicta* A Reliqua nomina dicemus paulò pòst, vbi huius genera indicabimus. Sambucus porrò videtur ab authore appellata, cui nomen Sambyx fuit: vel à fabuca musico instrumento, quod alij pectida nominant, alij magadin. Atque hinc est quod Sabucus potius quàm Sambucus, si Serenio Quinto credimus, scribendum sit.

### GENERA.

*χαμαι-  
ακτὴ.* Duo eius genera. Vnum arborescit, quod prina-  
*Ebulus.* tim officinæ Sambucum, Germani Holder à conca-  
uitate vocant. [Gallicè *Du Sus, ou du Suin.*] Alterum Græcis χαμαιακτὴ, quasi humilis, & coactæ breuitatis Acte nominatur, Latinis Ebulus, Germanis At-  
tich, vel niderer holder, [Gallis *Hyeble.*]

### FORMA.

*Sambuci.* Sambucus in arborem assurgit, virgis harundinū modò rotundis, subcauis. candicantibus, proceris. Folia tria, aut quatuor, at quinque, aut sex, aut septē per interualla circa virgas obtinet, nucis iuglandis similitudine, graecolētia, pluribus incisuris, in sum-  
*Ebuli.* mis ramis siue caulibus vmbellas rotundas ferentia. Flores albos, fructum acinūmve Terebinthi in nigro purpureum, racemosum, succosum, & vinosum. Ebulus humilis minórque est, herbaceo generi propius accedens, quadrangulo caule, densis geniculis. Folia ex interuallis circa singulos geniculos Amygdalæ similia alæ instar. expanduntur, per ambitū ferrata, longiora, graecolentia. Vmbellam in summo fert Sambuco similem, flores itidem & fructū, Radice nititur longa, digitali crassitudine.

### LOCVS.

Vtrunque genus in opacis, asperisq; potissimum locis, & iuxta aquas emicat. Ebulus verò in agris etiam quibusdam prouenit.

TEM.

## TEMPVS.

Parum ante Solstitium æstiuum floret Sambucus. Tardius autem Ebulus, Iunio nimirum & Iulio mensibus. In Augusto verò baccas suas profert.

## TEMPERAMENTVM.

Sambucus vterque calefaciendi ac desiccandi facultatem habet, id quod amaritudo, & adstrictio modica abundè monstrant.

## VIRE. EX DIOSCORIDE.

Eadem vtrisque facultas, & par vsus, exiccans scilicet, aquam educens, stomacho nocens. Folia olerū modo decocta, pituitam & bilem purgant. Quinetiam teneri caules in olla cocti, eadem præstant. Radix in vino decocta & in cibis data hydropicis auxiliatur. Eodem modo pota viperarum moribus subuenit. Vulvas emollit & aperit, & quæ circa eas sunt affectiones, decocta cum aqua in sessione corrigit. Fructus cum vino potus eadem efficit. Illitus capillos denigrat. Folia recentia ac tenera cum polenta illita inflammationes mitigant. Ambustis etiam, & canis moribus illita succurrunt. Profunda & quæ in cauernas dehiscunt vlcera agglutinant. Podagricis, cum taurino hircinove adipe illita, auxiliantur.

## EX GALENO.

Vtraque Sambucus, & arborescēs & herbacea, exiccandi, conglutinandi, modicęque digerendi facultatem obtinent. Paulus Aegineta hæc adiicit: Potæ & manducatæ aquam per aluum educunt.

## EX PLINIO.

Vtriusque decoctum in vino veteri, foliorum, vel feminis, vel radicis, ad cyathos binos potum stomacho inutile est, aluo detrahens aquā. Refrigerat etiā inflammationem, maximè recentis ambusti: & canis morsum cū polēta, mollissimis foliorum illitis. Succus cerebri collectiones, priuatimq; membranę quæ circa cerebrū est, lenit infusus. Acini eius infirmiores quàm reliqua: tingunt capillum: poti acetabuli  
d iij mensura

# PLANTARVM HISTORIAE

mensura, vrinam mouent. Foliorum mollissima ex oleo & sale eduntur ad pituitam bilēmq; detrahendam. Ad omnia efficacior quæ minor. Radicis eius in vina decoctæ duo cyathi poti, hydropicos exinanunt, vuluas emolliunt foliorum decocto insidentium. Caules teneri minoris Sambuci in patinis cocti, aluum soluunt. Resistunt folia serpentum ictibus in vino pota. Podagris cum seuo hircino vehementer prosunt cauliculi illiti. Idēmq; in aqua macerantur, vt ea sparsa pulices necentur. Foliorum decocto si locus spargatur, muscæ necantur. Boa appellatur morbus papularum, cum rubent corpora, Sambuci ramo verberatur. Cortex interior tritus, ex vino albo potus, aluum soluit. Ebuli fumo fugantur serpentes. Tenerum cum foliis tritum, ex vino potum, calculos pellit. Impositum testes sanat.

## DE AMMI CAP. XXI.

*Ammi in hortis Parisiorum sponte luxuriat.*

### NOMINA.

μμ Græcis, Ammi Latinis, Ameos officinis

A corruptè, Germanis Ameʒ appellari potest.

### FORMA.

Ammi caule rotundo & herbaceo constat, furculis multis & exiguis; folio oblongo, angusto, per ambitum incisuris diuiso: flore paruo, candido, umbellæ Anethi: semine exiliori multò quàm Cuminum, gustu Origanum præ se ferente, acris & subamaro: radice candida & multifibra. Esse autem hanc herbam verum Ammi, seminis in gustu sapor, qui subamarus & acris est, omniū maximè ostendit: talem enim in eo saporē Galenus requirit. Origanū etiam gustu referre videtur. Quibus accedit antiqui & manuscripti herbarij testimonium, cuius pictura & descriptio satis docent, hanc herbam esse Ammi genuinum. Inter cætera enim semen Ammios piper gustu referre, idēque à nonnullis piperulam dictā esse ait. Id quod certè verissimum esse comperies, si semen

*Rad.*

*Ammi uerum*

ſi ſemen guſtaueris : miram enim huic acrimoniam ineſſe ſenties.

## LOCVS.

Nuſquam in Germania ſua ſponte naſcitur. Satū tamē facilē & magna copia prouenit, ſic vt deinceps extirpari vix queat.

## TEMPVS.

Auguſto menſe floret, ac deinceps vbi deſloruit, ſemen abundē producit.

## TEMPERAMENTVM.

Ammi ſemen in calefaciendo deſiccādōq; ex ordine tertio intenſo exiſtit.

## VIRE. EX DIOSCÓRIDE.

Viſ ſemini excaſfactoria, ſeruens & exiccans. Facit ad tormina, vrinę difficultatem, venenatorū morſus cum vino potum. Menſtrua ciet. Miſcetur dero- dentib. ex cātharidibus cōfectis medicamētis, vt inde exortis vrinę difficultatibus reſiſtat. Sugillata cū melle illitū tollit. Colorem potum & inunctum in pallorem mutat. Suffitum cum vua paſſa aut reſina vuluas purgat.

## EX GALENO.

Herbæ quam vocant Ammi, ſemen maximē eſt vtile. Facultatis eſt excaſfactoriæ & deſiccatoriæ, tenuiumq; partium. Sed & guſtu ſubamarum eſt, & acre. Et clarum eſt quod digerat, & vrinā moueat.

## EX PLINIO.

Inflationes & tormina diſcutit. Vrinam & menſtrua ciet. Sugillata & oculorū epiphoras mitigat. Cum lini ſemine ſcorpionum iſtus in vino potum drachmis duabus: priuatimq; ceraſtarum cum pari portione myrrhæ. Colorem quoque bibentium ſimiliter mutat in pallorem. Suffitum cum vua paſſa, aut reſina, vuluas purgat. Tradunt facilius cōcipe- re eas, quæ odorentur id per coitum.

## DE ARO. CAP. XXII.

*Arus canis priapus.*

NOMI.

# PLANTARVM HISTORIAE.

## NOMINA.

*ρρρ, ἢ ἀρίσαρρρ* Græcè, Arum & Aris Latine dicitur. Officinæ corrupto, vt solèt, vocabulo, Iarum appellant. Quidam, quòd *Pes vituli.* folium effigie bubuli vestigij prodeat, Pedem vituli vocarunt. Alij, quod dracunculum æmulatur, sola magnitudine discrepans, *Serpentaria minor.* appellat: neq; id sanè temere. Videtur enim Arō esse Dracunculus minor, cui Dioscorides folia *κισσοειδή*, hoc est, Hederæ similia esse dicit, quæ prorsus Ari sunt, nisi quòd paulò sint longiora. Plinius etiā Aro eas facultates tribuit, quas Dioscorides Dracunculo minori. Vt hinc conicere liceat, Arum cū Dracunculo minori miscuisse veteres. Vulgus, quòd pistillum promit exerti ferè genitalis effigie, *Sacerdotis virile.* nominat. Id quòd & germani nostri faciūt qui sua lingua *Piassenpint* [Gallicè *Vit de prestre*] nūcupant. Aliàs Aron, & ob vehementem acrimoniā, *teutschen Ingber* [Gallicè *Pied de Veau*] vocant.

## FORMA.

Folia emittit Dracunculo similia, sed longiora & minus maculata, caulem dodrantalem, purpurascen-  
tem, pistilli figura, à quo croci colore fructus exit.  
Radix illi candida, Dracunculo similis, quæ quòd  
minore acrimonia est, cocta comeditur. Hæ utique  
delineatiões ad amussim, nulla reclamante nota, no-  
stro Aro cōueniūt. Siquidē folia promit Dracuncu-  
li, longiora, & pauciorib. maculis respersa, caulé do-  
drantē altū, in purpurā leniter tendentē. Ante semi-  
nis partum, sagaci naturæ artificio dignū, erūpit in-  
uolucrū & cucullū, quod mucronata in turbinē va-  
ginula pistillum complectitur, & suo fouet sinu. Ve-  
rū vbi fructu prægnaus fatiscit in hiatum, solida  
pistilli facies dilutiore purpura rutilans emergit, &  
anfractu penitus tandem patente, primum viridia,  
dein crocea spectantur semina, quæ in coronæ mo-  
dum concinnè contexta, imam eius partem ambiūt.

Radi-

Radice[m] etiam obtinet albam, ad Dracunculi radicem accedentem, vt pictura graphicè monstrat. Neque obstat quòd Galenus radicem Ari elixam mandi scribat, nostri autè tam acris sit, vt vix gustari ob miras & diutinas, quas in lingua ac palato excitat puncturas, possit, tantùm abest vt edendo esse queat. Siquidem Galeno libro secundo de alimètorum facultatib. teste, non parem in omnibus regionibus acrimoniam obtinet, sed in nonnullis minimam, vt Cyrenis. Et Plinio quoque lib. xix. cap. v. teste, in Aegypto Aron nascitur radice mollioris naturæ, quæ etiam cruda editur. In quibusdam, vt Germania nostra, maximam. Verba Galeni paulò pòst in facultatum commemoratione citabimus. Hinc discèdum erit, multa nobis in scriptoribus rei herbariæ, primo statim obtutu pugnàtia videri, quæ si ad cœli regionumque diuersitatem respexerimus, nihil prorsus pugnantia aut absurditatis habebunt. Quod nisi diligenter animaduertas, multas genuinas herbas pro adulterinis abiicias necesse erit. His accedit q[ue] Galenus nō simpliciter dicat mādī Ari radicē, sed elixā. Non est autem mirum si acria etiam edendo fiant, si elixentur. Bis enim aut ter in aqua decocta, Galeno lib. ij. de aliment. facul. cap. vltimo teste, acrimonia spoliantur. Porro si ista sciolis quibusdam haud satisfecerint, dicendum planè erit Arum Germaniæ nostræ esse Arisaron, quod gustu, Dioscoride & Galeno autoribus, acrius est. Quamuis ego cum Ruelio, diligentissimo earum rerum inquisitore, Arisarō ab Aro differre haud putem, q[ue] scilicet forma vtriusque eadem sit. Cuius etiam rei fidem facit ipsa nomenclatura, quæ vtriusque retinuit appellationem: duobus tandem vocabulis in vnum coalescentibus, dici cœpit Arisarō. Apud veterrimos enim Aris primum: dein posterioribus, copulatis vnà nominibus, Arisaron confictum est nomen.

*Obiectio  
dissolutio.*

LOCVS.



# PLANTARVM HISTORIAE.

## LOCVS.

Nascitur in syluis, locis vmbrosis, humidis & frigidis.

## TEMPVS.

Folia statim in Martio, inter primas herbas veris exiliunt, in Iunio dispereunt, ita vt haud facilè hoc nomine herba ipsa reperiri queat. Semen Iulio & Augusto mensibus reperitur, primùm, vt diximus, viride, mox croceum.

## TEMPERAMENTVM.

Arum Galenus in calefaciendo & desiccando primi ordinis esse statuit. Et locutus est de Aro qui nõ vehementi acrimonia pollet. Nostrium haud dubiè in tertio ordine calidum & siccum est, ob multam, qua præditum est, acrimoniam.

## VIRES. EX DIOSCORIDE.

Radix, semen, & folia Ari easdem Dracunculo vires habent Radix priuatim cum fimo bubulo illita prodagricis prodest. Dracunculi more reponitur. In totum, ob mitiorem eius acrimoniam edèdo est.

## EX GALENO.

Arum terrena essentia constat, sed calida: proinde extergendi facultatem possidet, verum non valètem, sicut Dracontium. Radices eius maximè sunt vtilis. Siquidem comesæ crassitiem humorum mediocriter incidunt, adeò vt excreationib. ex pectore idoneæ sint: sed magis tamen aptum est Dracótium. Et in libro secundo de alimentorum facultatibus sic de Aro scribit: Ari radix rapi modo mādatur. Quibusdam autè in regionibus acrior nascitur, vt Dracontio ferè similis sit Dum rectè parare voles, prioris decoctionis aqua effusa, repente in alteram calidam iniicere oportet, vt in Brassica & Lente dictum est. Cyrenis contrà quàm in nostra regione planta se habet: nā illic minimū medicamento si, minimūq; acrimoniæ habet, adeò vt vel rapis utilior reputetur: idcirco radicem quoque in Italiam comportat, vt quæ absque vt putrescat aut regerminet, lōgo tēpore

pore perdurare possit. Perspicuum verò est alendis corporibus hanc accommodatiorem esse. Si quis autem in thorace ac pulmone collectos crassos lentosque humores extussire studeat, acrior ac medicamentosior magis conueniet. In aqua elixa estur cum sinapi aut aceto, ex oleo & garo. Quinetiam cum opsoniis, & sale, & iis quæ calco constant, sumitur. Haud vero obscurum est, succum eius qui in iecur ac vniuersum corpus diffunditur, quo vno animal nutritur, crassiorē esse, idque maximè quum radix, quæ admodum sunt quæ Cyrenis aduehūtur, medica vi caruerit. Apud nos nanque in Asia, pleræque Ari radices aciores sunt, & mendicamentosam iam vim obtinent.

## EX PLINIO.

Aron miris laudibus extulere Græci, primum in cibis, & fœminarum præferentes, quoniam mas dulcior esset, & in coquendo lentior, pectorisque vitia expurgaret: aridum in potione inspersum, aut ecligmate, vrinam & menses cieret. Sic & in oxymelite potum, stomacho, interaneis exulceratis ex lacte ouillo bibendum, ad tussim in cinere coctum ex oleo dedere. Alij coxere in lacte, vt decoctum biberetur. Epiphoris elixum imposuere: item sugillatis, tonsillis. Ex oleo hæmorrhoidum vitio infudere, lentigines ex melle illinentes. Laudauit Cleophātus & pro antidoto contra venena, pleuriticis, peripneumoniacis quoque & tussientibus. Semē intritum cum oleo aut rosaceo infundens, aurīū dolori Dicuches. Cleophantus tussientibus aut suspiriosis & orthopnoicis, & purulenta excreantibus, farina permixtum in pane cocto dedit. Diodorus phthysicis è melle ecligmate, & pulmonis vitis, ossibus etiam fractis imposuit. Partus omnium animalium extrahit naturæ circuitum. Succus radice cum melle Attico, oculorū caligines, ac stomachi vitia discutit. Tussim decocti ius cum melle. Vlcera omnium generum siue phagedænae

Taliās fœ  
minarū

dænæ sint, siue carcinomata, siue serpāt, siue polypī in naribus, succus mirè sanat. Folia ambustis profunt ex vino & oleo cocta. Aluum inaniunt, ex sale & aceto sumpta. Etiam luxatis cocta cū melle profunt. Item articulis podagricis cum sale, recētia vel sicca. Hippocrates ad collectiones cum melle imposuit. Ad menses trahēdos seminis vel radicis drachmæ duæ in vini cyathis duobus sufficiunt. Eadē portio si à partu non purgānt, & secundas trahit. Hippocrates & radicem ipsam apposuit. Dicūt & in pestilentia salutarem esse in cibis. Ebrietatem discutit. Serpentes nidore cū crematur, priuatimq; aspides fugat, aut inebriat, ita vt torpentes inueniātur. Perunctos quoque Aro vt laureo oleo fugiunt, ideo & contra ictus dari potu in vino nigro putant vtile. In foliis Ari caseus optimè seruari traditur.

## APPENDIX.

*Recentiores quas facultates Aro tribuunt.*

Postiores medici Aron discutiendi, extrenuandi, extergendiq; facultatem habere tradunt: ideoque tumoribus aurium, sicubus, strumis, scirrhisq; mederi, faciei deformitatem cutisque auferre, eius denique radicem in puluerem redactam supercrecentem in vulneribus carnem minuere scribunt. Id autem posse præstare, acrimonia ipsa vehemens quæ gustu sese exerit, abundè monstrat. Dioscorides etiā Arisaron acrimonia haud exigua præditum scribit, ideoque illitum nomas sistere, collyriaq; efficacissima ex eo contra fistulas fieri. Denique radicem cuiuscunque animalis pudendo impositam, id corrumpere tradit. Plinius quoque Arisaron vlceribus mederi manantibus, item combustis & fistulis scriptum reliquit. Præterea commixtum collyrio nomas sistere ait.

## DE ARCIO. CAP. XXIII.

*Arci m. seu Personata, Gluteron.*

NOMI-

## NOMINA.

ῥητιον, ἢ προσωπιον, ἢ προσωπις Græcis, Per-  
 A sonatia latinis dicit. Officinę Lappā maio-

Lappa ma-  
 ior.

rē, vulgus Bardanā vocat, Germani Grofz-  
 kletten [Gallicè Gletcron ou Glouteron] Personatia hac  
 quondam ad personas utebantur, quoties in theatris  
 aliisue locis qui cognosci à populo nollēt, egisse quid  
 piam volebāt. Est enim foliorum eius tanta ampli-  
 tudo, vt tota humana facies iis tegi possit: atq; hinc  
 haud dubiè tam Græci quàm latini, nomē illi Pro-  
 fopij & Personatiæ indiderunt.

Personas  
 tia unde  
 dicta

## FORMA.

Personatia folia Cucurbitæ similia habet, maiora  
 tamen, duriora, nigriora & hirsuta. Caulem sub can-  
 didum, interdum nullum. Radicem grandem, candi-  
 dam intus, foris nigram. Ex qua descriptione nemo  
 non intelligit, Personatiam esse eam herbam quam  
 hodie vulgus Bardanam vocat, quæ folio cōstat om-  
 nium lapparum maximo, parte auersa herbido, ad-  
 uersa cano, caule in purpureo albitante, grandibus  
 lappis, quæ transeuntium vestibus adherent, in qui-  
 bus flos purpureus nascitur, non euident, sed occul-  
 tus, intra se germinans, radice grandi, intus candi-  
 da, foris atra.

Bardana.

## LOCVS.

Nascitur vbique, potissimum circa margines pra-  
 torum, & agrorum.

## TEMPVS

Mense Iulio lappas cum floribus suis producit  
 Personatia.

## TEMPERAMENTVM.

Digerit simul & deficcat, sed & adstringit non-  
 nihil.

## VIREs. EX DIOSCORIDE.

Radix Personatiæ drachmæ pondere cum pineis  
 nucibus pota, sanguinem & purulenta excreanti-  
 bus auxiliatur. Articulorum quoque dolores, qui ex  
 membrorum

## PLANTARVM HISTORIAE.

membrorum fractionibus collisionibusue fiunt, trita & illita sedat. Quinetiam folia vetustit vlceribus vtiliter illinuntur.

### EX GALENO.

Arciū, quod Profopida vocant, cuiusq; folia Cucurbitæ similima sunt, nisi quatenus tum maiora, tū duriora, discutit simul & deficcatur, sed & adstringit mediocriter: quamobrem folia eius veteribus vlceribus mederi possunt.

### EX APVLEIO.

Personatiæ herbæ succus cum vino veteri in positionem datus, omnes morsus serpentium mirificè sanat. Eiusdem foliis cinges febricitantem, & statim febrem mitigat, caloremque sanat. Vulnus, etiam si cancer erit, cum aqua decoctionis foliorum eius foueto: deinde ipsam cum nitro & axungia, cum acetere, & in panno inducito & imposito. Ad canū rabidorum morsus radix cum modico sale trita imponitur morfui, & statim æger liberabitur. Succus foliorum eius cum melle potui datus, vrinam prouocat, & vesicæ dolorem tollit. Puluis seminis eius cum vino optimo per quadraginta dies datus, ischiadicis mirabiliter sanat. Folia trita cum albumine oui & imposita, ambusta mirificè curant.

### EX L. COLVMELLA.

Venera viperæ pellit super scarificationem ferro factam herba Personatia trita & cum sale imposita. Plus etiam eiusdem radix contusa prodest cōtra serpentes. Ex vino bibitur duūm denariorum pondere. Strumis radix eius medetur: item cum axungia operitur folio suo imposita.

### DE ASCYRO. CAP. XXIIII.

*Ascyron androssænum, Hypericum nomine postremo omnes vulgo appellantur.*

NOMI-

## NOMINA.

σκυρόν, ἢ ἀσκυρόν Græcè, Ascyron Latine

A nè nominatur. Officinis ighotum. Germanicè Harthouid est, durum fœnum appel-

latur. Græci à contrario, huic herbæ nomen imposuisse videntur, σκύρος enim illis asperitatem significat. Pulchrè igitur ad Græcam appellationem Germanica alludere videtur.

*Ascyron  
cur dictū.*

## FORMA.

Hyperici species est Ascyron, magnitudine differens, maioribus ramis, fruticosius, puniceo colore rubens. Flores fert luteos, semen Hyperico simile, odore resinæ, quod cum atteritur digitos ferè cruentat.

## LOCVS.

In cultis & asperis locis prouenit.

## TEMPVS.

Aestate, potissimum vero Iulio & Augusto mensibus, floret.

## TEMPERAMENTVM.

Essentia tenue est, ideoq; calefacit & desiccatur.

## VIRE. EX DIOSCORIDE.

Semen Ascyri potū in hydromelitis heminis duabus, ad ischiadicos prodest dolores: biliosa enim multa excrementa ducit. Sed assidue dari oportet donec conualescant. Præterea illitum ad ambusta conducit.

## EX GALENO.

Semen eius purgatorium. Foliorum verò facultas modicè extergens & desiccans, vt & ambusta sanare credantur. Cæterum in vino austero decocta, vinum ipsum magnorum vulnerum glutinatorium efficiunt.

## EX PLINIO.

Vsus seminis ad ischiadicos, potus duabus drachmis in hydromelitis sextario. Aluum soluit, bilé detrahit. Illinitur & ambustis.

c DE AN-

# PLANTARVM HISTORIAE.

## DE ANDROSAEMO. CAP. XXV. NOMINA.

Ἀνδρόσαιμον Græcis, Androsæmon pariter

A Latinis dicitur. Officinis incognitum. Germanis Kunrath/ quasi Græcè dicas Thrafi-

*Androsæmon unde dictum.* bula, nominatur. Dictum Androsæmon, quod aut coma, aut floribus eius tritis, hominis sanguinem referat.

## FORMA.

Differt ab Hyperico & Ascyro Androsæmon. Frutex est prætenuib. ramis, surculosus, puniceo colore rubentibus virgis, folijs triplo quadruplæne maioribus quàm Rutæ, quæ contrita sanguineum succû remittunt. Alarum caua habet plura, in summo alarum auium modo pennata expâsæue, circa quas flosculi pusilli lutei. Semen in calyce, nigro papaueri simile, veluti pûctis depictum distinctumue. Coma trita resinofum odorem reddit.

## LOCVS.

Locis iisdem quibus Ascyron prouenit.

## TEMPVS.

Iulio & Augusto mensibus floret.

## TEMPERAMENTVM.

Calefacit & desiccatur.

## VIRE. EX DIOSCORIDE.

Androsæmi semen tritum, potumq; duarû drachmarû pondere biliosa alui excrementa ducit. Ischia dicis autem potissimum medetur, sed à purgatione aquam sorbere oportet. Herba illita ambusta sanat, & sanguinem compescit.

## EX GALENO.

Easdem cum Ascyro facultates obtinet.

## EX PLINIO.

Vsus ad purgandâ aluû tuscæ cû semine, poteq; matutino, vel à cœna duabus drachmis in aqua mulsa vel vino, vel aqua pura, totius potiôis sextario. Trahit bilé, pdest ischidiacis maximè. Sed postera die, capparidis

capparidis radicem resinę permixtā deuorare oportet drachmę pōdere, iterumq; quatrīdūi interuallo idē facere. A purgatione autem ipsa robustiores vinum bibere, infirmiores aquam. Imponitur & podagris, & ambustis, & vulneribus, cohibens sanguinem.

DE ARCEVTHO. CAP. XXVI.  
NOMINA.

πινθος, ἢ ἀρνέθις Græcè, Iuniperus Latīnè  
A vocatur. Officinę Latinam appellationē retinuerunt. Germanicè *Vuckholder/Kramatber* [Gallicè *Du Genesure*] id est, turdorum baccę vocantur, quōd fructibus eius turdi pinguescāt. Iuniperus autē dici videtur, quōd iuniores & nouellos fructus pariat: sola enim ferē arborum fœtus suos in biennium prorogat, qui ne maturescunt quidem, nouis superuenientibus.

*Iuniperus  
unde dicta*

GENERA.

Iuniperus Dioscoridi duplex est, maior & minor, sola arboris & seminis magnitudine inter se differentes. Minor humilis est, sessilibus in terra ramulis, baccis minoribus, radicibus summo cespite fusis. Maior altius adolescit, & in iustam arboris magnitudinē exurgit, caudice procero, cortice fragili, ligno fuluo, odorato, latioribus ramulis, aculeorum acervuo stipatis, baccis alteri similibus, maioribus tamen.

FORMA.

Vtriusque facies horrida, coma virent perpetua, spinaque potius quàm folio, sed herbacea vestiuntur. Cortex illis membranæus, fragilis, nec difficulter fatiscens, materies fulua, quę si ignibus dicatur, nō iniucundū fumum expirat, qui odoris suauitate grassantię pestilentię contagia depellit. Ex ea etiam, vt recentiores Græci tradunt, æstiuis temporibus lachryma thuris odorem atque colorem æmulans sudat, quę caloris officio durata, coëat in gummi. Arabum familia, non sine magna confusione nominum, Sandaracham appellat.

*Sandarach  
cha Arab  
bum.*



# PLANTARVM HISTORIAE

*Vernix.*

*Obiectiōis  
dissolutio.*

Officinæ verò Vernicem vocant. Baccas ferunt primum virentes, deinde per maturitatem nigras, quæ biennio antequam maturefcent in ramis pendent. Hinc sunt qui baccas in iis esse ternas eodem tempore dicant, anni proximè exacti nondum maturas, & tertij ante præsentem iam maturas, tertias novas & recentes. Cæterum non desunt qui nostram Iuniperum non genuinā putent, quòd baccæ eius ad Dioscoridis magnitudinem, quæ nucis est ponticæ aut fabæ, non accedant. Sed cogitent locum in causa esse cur minores producantur: vt plurimum enim omnia quæ in Germania proueniunt, iis quæ in Græcia nascuntur minora sunt. Nobis etiā Iuniperi grana aliunde allata visa sunt, quæ nucis auellanæ quantitate æquabant: ob id vt magnitudinem ac formam eorundem etiam exprimeret pictor, curauimus.

## LOCVS.

Amant Iuniperi montes, & maritima loca, in planisque & cultis nasci recusant.

## TEMPVS.

Autumno fructus Iuniperorum decerpuntur, sed ad bimatum prorogati.

## TEMPERAMENTVM.

Iuniperus calida & sicca, vtrunque tertij ordinis. At fructus similiter quidē calidus est, sed nō similiter ficans. verum in hoc primi fuerit ordinis. Vernix calefacit & exiccat secundo recessu.

## VIRE. EX DIOSCORIDE.

Acris vtraque est, calefacit, & vrinā mouet. Incensæ suffitu serpentes fugāt. Earum fructus, hic quidē fabæ, alius vero nucis ponticæ magnitudine inuenitur, rotundus, odoratus, in mandendo dulcis, & subamarus. Modicè calefacit & adstringit, stomacho utilis. Potus ad vitia thoracis, tusses, inflationes, tormina, & venenata, prodest. Vrinam cit. Conuulsis, ruptis, & vuluæ strangulationibus confert. Folia acria obtinet Iuniperus, ideoque tam ipsa quàm eorum succum  
ex vi-

ex vino contra viperarum morsus illini & bibi prodest. Cortex præterea crematus & cum aqua illitus, lepras eximit. Ramentum verò ligni deuoratum, interficit.

## EX GALENO.

Iuniperi fructus iecur renesq; expurgat, nimirum crassos & glutinosos humores extenuando, eaq; de causa salubribus medicamentis immiscetur. Per exiguum corpori humano alimētum ex eo apponitur. Affatim sumptus hic fructus stomachū mordicat, caputq; calefacit: ex quo illud quandoq; implens, dolore diuexat. Alui excrementa nec retinet, nec propellit. Vrinam ciet mediocriter.

## EX PLINIO.

Vtraq; excalfacit & extenuat. Accēsa serpētes fugat. Semen stomachi, pectoris, laterisque doloribus vtile. Inflationes lāguoresq; discutit, tussēs cōcoquit & duritias. Illitū tumores sistit: item aluū, baccis ex vino nigro potis: item vētris tumores illitis. Miscetur & antidotis oxyporis. Vrinās cit. Illinitur & oculis in epiphoris. Datur cōuulsis, ruptis, torminibus, vuluis, ischiadicis cum vino albo potū pilulis quaternis, aut decoctis viginti in vino. Sunt & qui perungant corpus è semine eius in serpentum metu.

## VERNICES VIRES EX RECENTIORIBVS GRAECIS.

Profluentem è naribus sanguinē sistit, si ex cādīdo oui liquore trita tēporibus & frōti illinatur. Eadē vomitionē ex polline thuris & oui albo excepta supprimit. Itē profluentē aluum cum eisdē illita firmat. Stomachum in biliosos vomitus effusum, deuorata in ouo sorbili polenta eius cohibet, cruentamq; alui proluuiē retinet. Destillationes suspēdit sustinē nidor, arcetq; ne præcipientes ad ima decumbāt. Pituitam quæ in stomacho aut intestinis coit, digerit. Humorem etiam coërcet, qui pernix à cerebro deuoluitur. Tænias & cætera vētris animalia necat.

# PLANTARVM HISTORIAE.

Vlginosos fistularū sinus indita reficcat. Mēstruos continet fluxus. Grauedini suffitus eius auxiliatur. Hiantibus manuum & pedum rimis illitu succurrit. Et in summa, Succini pollet viribus, sed paulò efficacioribus: quæ si desit, duplo pondere in vicem substituitur.

## DE ALCEA. CAP. XXVII.

*Alcea ruri frequens, Monoclonos ferè est, non malvæ modo fruticosa & sarmentosa flore alba.*

### NOMINA.

Ἀλκία Græcis, Alcea Latinis vocatur. Offici

A nis ignota. Vulgares herbarij & Empirici

Simeonis  
herba.

Simeōis herbam, Germani nostri *Sigmarskraut* oder *Sigmundszuurtz*, & *Hochleuchten* [Gallicè *Guimaue sauvage ou rustique*] appellant.

### FORMA.

Sylvestris malvæ species est Alcea, folia verbena-  
cæ modo secta habens, caul'es ternos aut quaternos,  
corticem Canabi similem obtinentes. Florem exi-  
guum Rosæ similem. Radices albas, latas quinque  
aut sex cubitales.

### LOCVS.

Nascitur in pingui loco, nec sicco.

### TEMPVS.

Floret Iulio & Augusto mensibus.

### TEMPERAMENTVM.

Ex emplasticorum medicamentorum numero esse  
Alceam, & folia, quæ glutinosum quid ac lentorem  
quendam præse ferunt, & radix ipsa quæ glutinosa,  
dulcis, & modicè adstringens apparet gustantibus,  
abundè monstrant. Hinc satis constat Alceam extra  
omnem insignem tum caliditatem, tum frigiditatem  
ficcare, ac planè emplasticorum consistentiam obri-  
nere. Vide Galenum lib. iiij. de simpl. medi. facult.  
cap. iiij & sequenti.

### VIREs. EX DIOSCORIDE.

Alcææ radices in vino aut aqua potè, dysentericis  
& ru-

& ruptis medentur

EX PAVLO.

Alcea syluestris maluæ genus est. In vino pota dysenterię & rupturis medetur, potissimū ipsius radix.

EX PLINIO.

Vsus radicis Alceæ ex vino vel ex aqua, dysentericis, aluo citæ, ruptis & conuulsis.

APPENDIX.

Celebratur ad caliginem oculorū ab Empiricis, ita vt non desint qui credant radicem Alceæ è collo suspensam, aciem oculorum supra modum acuere, & tueri posse.

DE ADIANTO. CAP. XXVIII.

*Adiantum duplex Theophrasto, triplex Dioscoridi, nobis quadruplex.*

NOMINA.

*Διάντρον, ἢ πολύτριχον, ἢ καλλιτριχον, ἢ ἰσχυρόν* Græcè. *Adiantū, Polytrichū, Callitrichū.* Cinnamalis, Terrę capillus, & Superciliū terrę, Latine appellat. Officinæ hodie *Capillus Veneris.* Capillum Veneris vocat, quo etiā noīe appellari Latinis Apuleius testat. Germani *Frauenhar* vel *Iunck, frauenhar.* *Adiantum* nomen ab euentu accepit, quod folium eius perfusum aqua *ὅς διαίεται*, id est, non madeat, sicco semper simile, vt author est Theophrastus libro septimo de plātarū historia, cap. xiiij. Id quod minimè intelligendū erit de mersioe lōgiore in aqua: nam diutius mersum ac irrigatū, æquē ac aliæ herbę madescit. Quare rectius de imbre descendente è cœlo, cuius stillicidiū folijs eius nō infidet, vt testis est in Theriacis Nicander, accipiendū venit. Vel quod magis arridet, ab interioribus puteorū parietibus, & fontium marginibus quas coronat, dictū est *Adiantum*, quod nimirum quasi sitiēs illorum aquas, quas tamen odit & respuit, quærat. *Polytrichon* autem quasi multicomum, quod capillos multos ac densos faciat, eiusque defluuia expleat. *Callitrichon* verò

e iiii quasi

# PLANTARVM HISTORIAE

*Capillus  
Veneris  
cur dicta.  
Pharmacopolarum  
error.*

quasi pulchricomū, quòd capillos tingat, pulchrior-  
resq; reddat. Nec alia ratione capillus Veneris hæc  
hæc herba dicta est, quàm à speciosis reddēdis capil-  
lis: nec alio noīe Veneris vox adiecta est, q̄ quòd hæc  
pulchricoma pingatur. Hinc patefit maximus phar-  
macopolarū nostri tēporis error, qui sub tribus no-  
minibus, vnā & eandē dūtaxat herbā significātibus,  
tres diuerfas herbas designatas esse putant. Aliam  
enim Polytrichum, aliam Callitrichū, quam tamen  
corrupto vocabulo Gallitrichū vocant: aliam etiam  
Capillū Veneris esse herbam existimant. Quales  
autem herbæ sint, Polytrichum, & Gallitrichum il-  
lis nominatæ, suis locis ostendemus.

## FORMA.

*Rufa mu-  
raria non  
est Adian-  
tum.*

Folia albicātia Coriādor similia habet, in summo  
incisuris diuisa. Caules ex quibus nascūtur prodeū-  
tue, nigros admodū tenues, dodrātales, nitentesque.  
Neq; florē, neq; semen creat. Foliis vero Coriandri  
iam quidē erumpentis, vel paulò antea enati, necdū  
caulescentis, quæ quidem in infima eius parte quo-  
dāmodo lata sunt, & in extremitatibus incisa, con-  
stare Adiantum sciendum erit. Ex qua nimirum de-  
scriptione manifestissimū est, eam herbam qua ferè  
omnes Officinæ pro Capillo Veneris vtūtur, & quā  
nos à muris ī quibus prouenit, Germanicè *Maurrat-*  
*ten*, & *Steinrauten* vocamus, nō esse verum Capillum  
Veneris, aut Adiātum: caules siquidem eius nō sunt  
nigri, sed virides: neque admodum tenues, sed pro  
herbæ quantitate crassi: neque splendentes. In sum-  
ma, neque figura, neq; magnitudo, neque color, nec  
natales etiam respondent, quia in siccis & soli expo-  
sitis muris nascitur, in humidis contrā Adiantum.

## LOCVS.

Locis opacis, palustribusque, & humentibus mu-  
ris, & prope fontes nascitur. In Germania tamen  
nostra, quod sciam, non prouenit: copiose autem in  
Narbo-

Narbonensi Gallia, & Italia.

TEMPVS.

Aestate viret, buma non marcescit.

TEMPERAMENTVM.

Adiantum in caliditate quidē & frigiditate symmetrum est, verūm desiccatur.

VIREs. EX DIOSCORIDE.

Decoctum eius herbæ potum, asthmaticis, difficultate spirandi laborantibus, ictericis, lienosis, & vrinæ difficultatibus auxiliatur. Calculos conterit, & aluum cohibet. Venenatorum moribus, & stomachi fluxionibus cum vino potum prodest. Menses cit & secundas. Sanguinis reiectionem sistit. Cruda herba ad venenatorum morsus illinitur. Alopecias capillis explet. Strumas dissolvit. Furfures & achores cum lixiuo exterit. Cum ladano, myrthino & fusino, aut hyssopo & vino, capillos defluentes continet. Decoctum eius cum lixiuo & vino abstergit. Gallinaceos & coturnices cibis eorum additum pugnaciores facit. Seritur & magna vtilitate circa ouilia.

EX GALENO.

Extenuat Adiantum & discutit. Alopecias capillis vestit, strumas & abscessus digerit, lapidesque frangit epotum. Viscosorum crassorumque ex thorace pulmoneque excreationibus non mediocriter confert, & ventris fluxiones sistit.

EX PLINIO.

Vide infra caput de Trichomane.

DE VITE VINIFERA.

CAP. XXIX.

NOMINA.

ἡ ἀμπελος οἰνοφόρος καὶ ἡ μένος Græcè, Vitis vi-

A nifera & sativa, seu culta Latinè appellatur. Germanicè *Vucinreb*. [Gallicè *Vne u-*

*gne cultiuee*.] Vitis autem, quod inuitetur ad vuas parandas, dicta esse primò videtur. . Vitis una  
de dictis.

GENE-

# PLANTARVM HISTORIAE.

## GENERA.

Innumera vitium reperiuntur genera, quæ singula persequi superuacaneum esse videtur. Si quis tamen illa disquirere desiderat, rei rusticæ scriptores, Pliniumq; libro xiiij. naturalis historię, qui diligentissimè de iis scripsit, legat.

## FORMA.

Vitis caduca est, & nisi sit fulta, fertur ad terram. A radice eius caudex vnus contortus exit, qui in ramos frequentes scinditur. Multiplici cortice cingitur, rimoso, flagellis longè latèque vagantibus, quibus se quasi suis manibus erigit, & quicquid nata est complectitur. Sarmentis, foliis latis, & in extremitatibus incisis, lasciuientibus. Floribus fructum ambientibus lanugineis. Vua compluribus acinis aceruata, qui interdum purpureo, nonnunquam roseo, aliquando viridi colore fulgent. Seminibus tunica clausis.

## LOCVS.

Passim & in multis Germaniæ nostræ regionibus nascitur: & vix hortû inuenies in quo nõ proueniat.

## TEMPVS.

Floret solstitio vitis, autumno autem vuas maturas profert.

## TEMPERAMENTVM.

Omnium partium vitis temperamentum & facultatum enarratione patefcet. Vuæ tamen immaturæ & acerbæ, frigidæ & siccæ sunt: maturæ verò calidæ & humidæ in primo gradu, autore quidem Simone Sethi.

## VIRES. EX DIOSCORIDE.

Vitis viniferæ folia capreoliq; trita & illita capitulis dolores, stomachiq; inflamationes & ardorẽ cum poléta mitigât. Folia etiã per se imposita, vtpote quæ refrigerât & adstringût. Succus ex ipsis potus dysentericis, sanguinẽ expuētibus, stomachicis & citta laborantibus mulieribus prodest. Madefacti in aqua  
capreoli

Folia &  
Capreoli.

rapreoli & poti eadem efficiunt. Lachryma verò e-  
 ius quæ veluti gummi in caudicibus concrefcit, po-  
 ra cum vino calculos pellit. Illita lichenas, scabies &  
 lepras sanat. Oportet tamen locum antea nitro con-  
 fricasse. Eadem cum oleo frequenter inuncta, pilos  
 denudat: potissimum ichor, aquosusve humor, qui  
 ex incensis viridibus sarmētis exudat. Hic etiā myr-  
 mecias inunctus eiicit. Cinis sarmentorum & vina-  
 ceorū circa sedē quæ antea ablata amputātave sunt  
 condylomata & thymia, cū aceto illitus sanat. Con-  
 fert luxatis & viperarū moribus. Lienis inflāmatio  
 nibus cū rosacco & Ruta, & aceto illitus. *Vua.*  
 quæuis aluū turbat, & stomachū inflat. Minus horū  
 particeps quæ aliquādiu decerpta pepēdit, quòd in  
 eo copia humoris exaruerit. Stomacho accommodata  
 est, appetentiāq; cibi excitat. & imbecillis cōuenit.  
 Quæ autē in vinaceis, aut è vinario vase seruatae sūt,  
 ori & stomacho gratæ sunt. Aluū sistunt, vesicam ta-  
 men & caput tentāt. Profunt sanguinem excreanti-  
 bus. Similes iis sunt quæ in mustum coniectæ sunt.  
 Quæ verò sapa aut musto cōdītæ, stomachū magis  
 infestant. Reponūtur & cœlesti cū aqua prius passæ  
 factæ, minusq; vinosæ fiunt, siticulosis, ardētibus &  
 lōgis febribus vtilēs. Vinacei earū reconditi, inflam-  
 matis, duris, turgentibusq; māmīs cum sale illinun-  
 tur. Vinaceorū decoctum dysentericis, cœliacis, &  
 fluxui muliebri infusum cōfert. Ad infestiones quo-  
 que ac clysteres assumitur. Nuclei acinorū adstrin-  
 gunt, stomacho grati. Tosti autē, & triti & pro fari-  
 na illiti, dysentericis, cœliacis & stomacho resolutis  
 profunt. *Vua* autem passa alba magis *†* extenuat. Ca-  
 ro illarum comesta, arteriæ, tussi, renibus ac vesicæ  
 confert. Estur in dysenteria per se cum nucleis. Ad-  
 mixta milij & hordei farinæ & ouo, ac cum melle  
 frixa, & per se etiā sumpta, atque cum pipere cōman-  
 ducata, ad capitis pituitam purgandam valet. Te-  
 stiū inflammationses sedat, cum fabarum & cumini  
 farina

*Lachry-  
ma.*

*Vua.*

*Vide Ga-  
lenū lib. 2.  
de alimē-  
torū facul-  
triplicem  
hunc ser-  
uanda -  
rū uarū  
modū ex-  
plicantē.*

*† Serapiō  
legit, ad-  
stringit.*



## PLANTARVM HISTORIAE.

farina illita. Epinyctidas, carbunculos, fauos, & in articulis putredines & gāgrænas, sine nucleis trita, & cum ruta imposita, sanat. Podagræ cum opopana ce illita auxiliatur. Mobiles vngues illita celeriter adimit. Vini facultates tu ipse ex Dioscoride, Galeno, & Plinio pete: superuacaneum enim, imò tēdio plenū esset, eas in vniuersum omnes commemorare.

### EX GALENO.

Vitis satiuæ & cultæ adsimilis facultas est syluestri, sed ad omnia imbecillior. Vitis verò syluestris racemi, extergendi vim obtinent, vt ephelas & næuos, & id genus quæcunq; in cutis superficie fiunt, curare possint. Habent verò & astrictionem quandam ipsi, & extrema germina, quæ & sale cōdiri asolent. Plura de vuis habet idem Galenus lib. ij. de Aliment. facul. cap. de vuis.

### EX SIMEONE SETHI.

Vuæ plus nutriunt reliquis oporis, minus tamen ficis: neque mali succi sunt, si maturæ fuerint exquiritè. Tamen his non robusta, nec densa, sed laxa & flaccida caro gignitur. Maximum quidem harū bonum, ait Galenus, quòd celeriter subeunt, atq; ideo si retineantur, lædunt: nec enim tunc probè concoquantur, sed crudum gignunt humorem, qui nō facilè in sanguinem trāsmutetur. Nucleorum natura, sicca & quodammodo adstringens est. Pertranseunt igitur omnia intestina, non alterati. Pensiles verò vuæ, neque sistunt ventrem, neque proritant, cæteris autem facilius concoquantur. Neque vuarū parua est in dulcedine, & austeritate, & aciditate differentia. Dulces quidem calidiorem habent succū, austeræ verò & acidæ frigidum. Aluū subducunt dulces, & maximè quando humidæ fuerint. Omniū itaque tutissimus vsus est, quando carnosæ fuerint & maturæ, & mediocriter quis ipsas assumat. Vuæ quæ albæ sunt, magis subducunt aluum quàm nigræ. Omnes verò ciborum appetentiā excitant, & veneré.

Conue-

Conuenit cùm eduntur membranâ & nucleos expuere, quòd difficulter conficiantur. Quæ immaturæ sunt, ventrem sistunt, & stomacho bonæ. Caliditatem à flaua bile ortam sedant. Minus verò nutriunt. Oportet autem non solum uuas, sed etiam omnes fructus molli cortice præditos humidos, ante reliquos cibos apponere.

## DE ACONITO. CAP. XXX.

*Aconitum Pardalianches quadrifolium, quod quidam putauerunt Asters rectè pingis in syluis frequens.*

## NOMINA.

κόνιτα Græcis, Aconitum Latinis dicitur. *Aconitum unde dictū*

A Sic autem Theophrasto lib. ix. de Plantarū historia teste, non ἀπὸ τῶν ἀκονῶν, id est, à cautibus, sed ab Aconis Periadynorum pago, ad Heracliam Ponti sito, vocatum est. Alij quod vis eadem in mortem esset, quæ cotibus ad ferri aciem detrahendam, statimque admota velocitas sentiretur. Sunt qui aliam ob causam, quam referre minimè necessarium duco, sic nominatum fuisse existiment.

## GENERA.

Duo Aconiti sunt genera: vnum Græcis Pardalianches dictum, quod pardi eo necentur. Vocatur etiam Scorpium, quod radicem Scorpioni similem habeat. Vulgus herbariorum Vuam versam, & vulpinam, Germani Vuolffsbeer, & Doluurtz nominant. Alterum Lycoctonon Græcis dicitur, quoniam deuoratum lupos confestim interficit. Vulgus Lupariam, Germani Vuolffsuurtz appellant.

## FORMA.

Pardalianches folia habet tria aut quatuor Cyclamino vel syluestri Cucumeri similia, minora tamen, & subaspera. Caulem dodrantalem. Radicem scorpionis caudæ similem, alabastris modo nitentem. Ex hac descriptione omnibus liquido apparet, herbam eam quam Vuam versam aliqui nominant, cuiusque

*Pardaliā  
ches.  
Scorpium.  
Vuam uer  
sa.  
Lycoctonō  
Luparia.*

*Pardaliā  
ches de  
scriptio.*

# PLANTARVM HISTORIAE.

iufq; hîc pîcturam exhibemus, primum eſſe Aconiti genus: habet enim tria aut quatuor folia, eâque Cyclamini ſpecie. Caulem palmi altitudine, & radicẽ incuruam, ſcorpionum caudæ ſimilem, alabaſtriq; modo ſplendẽtem. Quibus etiam accedit quòd manuſcriptus & vetuſtiſſimus herbarius planiſſimè eâ herbam quam hîc damus pro Aconito pingat. Germanica etiam nomenclatura ſatis indicat hanc herbam ob ſuam facultatem pernicioſam eſſe Aconiti ſpeciem. *Lycoſtonon* Platani folia habet, magis tamen incifa diuiſaue, longiora & nigriora. Caulem veluti Filix, cubiti altitudine, aut maiorem: pediculum glabrum. Semen in ſiliquis aliquatenus longis. Radices cirris marinarum ſquillarum ſimiles, nigras. Vnde iterum conſtat *Lupariam* vulgò appellatam, eſſe alteram Aconiti ſpeciem: ea enim folia Platani, quæ Cici aut Vitis foliis ſimilia ſunt, multas habentia diuiſuras, obtinet. Caulem Filici ſimilem, pediculum glabrum. Florem oblongum, luteum, poſt quem longæ proueniũt ſiliquæ, in quibus eſt ſemen. Radices etiam nigras, vt nemo ſubinde quin verum ſit Aconitum, dubitare poſſit.

## LOCVS.

Primum Aconiti genus paſſim in nemoribus & collibus quibudam naſcitur: alterum autem in montium vallibus altiffimis. Magna autem illius copia eſt circa montem haud vltra vnum lapidem à *Tubinga* ſitum, quem Germanica voce *Farrenberg* nominant.

## TEMPVS.

Aconiti primum genus Maio menſe potiſſimum erumpit. Alterum autem æſtate, Iunio & Iulio meſibus floret.

## TEMPERAMENTVM.

Eroſione & putrefactione enecant Aconita, ideo toto genere letalia ſunt.

## VIRES

## VIRÆ. EX DIOSCORIDE.

Ferunt Aconiti primæ radicem scorpioni admotam eum resolueret, & è diuerso admoto elleboro excitari. Ocularibus medicamentis dolorem tollentibus miscetur. Enecat pardos, sues, lupos, & feras omnes, carnibus impositum & obiectum. Alterius radice ad lutorum venationes vtuntur. Insertæ carnibus crudis, & à lupis deuoratae, eos enecant.

## EX GALENO.

Aconitum Pardalianches putrefaciendi facultatem obtinet & letale est, itaque in cibo potuque fugiendum: attamen ad putrefaciendum colliquandumve quædam extra corpus, aut circa sedem, idoneum est. Herbae verò radix ad hæc utilis est. Alterum simile, n. priori facultatem habet, sed peculiariter lupos, sicut illud pardos, interficere confuevit.

## EX PLINIO.

Constat omnium venenorum ocysimum esse Aconitum, & tactis quoque genitalibus scæminini sexus animalium, eodem die inferre mortem. Hoc tamen in vsus humanæ salutis vertere, scorpionum ictibus aduersari experiendo aconitum datum in vino calido. Ea est natura vt hominem occidat, nisi inuenerit quod in homine perimat: cum eo solo colluctatur, velut pari intus inuento. Sola hæc pugna est cum venenum in visceribus repererit: mirumque, exitialia per se ambo cum fuerint, duo venena in homine commoriuntur, vt homo supersit. Imò verò etiam ferarum remedia antiqui prodiderunt, demonstrando quomodo venenata quoque ipsa sanarentur. Torpescunt scorpiones Aconiti tactu, stupentque pallentes, & vinci se consentunt. Auxiliatur eis elleborum album, tactu resolvente: ceditque aconitum duobus malis, suo & omnium. Tangunt carnes aconito, necantque gustatu earum pantheras, ob id quidam Pardalianches appellauere.

*legēdum  
enim τινὰ  
τῶν ἐκ-  
τὸς σώμα-  
τος, ὅτι καὶ  
τινὰ τῶ  
σώματος,  
ὡς habet  
exemplar  
Aldinū: as  
stipulantis  
bus huic  
λεξιῶν Αἰ-  
τιο, Paulo,  
et antiquo  
interprete  
Latino.*

# PLANTARVM HISTORIAE.

## DE ARISTOLOCHIA.

### CAP. XXXI.

*Aristolochia longa uidetur quam pro rotunda pingis, quod folio sit rotundo, sed radice etiam rotunda esse debet Dioscoridi. Pistolochia autem tua radice rotunda est, foliis autem alitè incisis.*

### NOMINA.

*ῥισολοχία* Græcis, Aristolochia Latinis, barbaris & officinis corrupta voce Aristologia.

quemadmodum etiam Germanis *Holuurtz*, & *Osterlucy*. [*Gallie de La sarrasine*] nominatur.

*Aristolochia unde dicta.* Dicta autè est Aristolochia, quod ἀρίστη τῶν λοχῶν, id est, optima puerperis sit, utpote quæ remoratos menses, hærentes secundas, & reliquias omnes à partu expellat.

### GENERA.

Aristolochiæ Dioscorides & alii Græci tria esse genera statuunt. Vna est quæ rotunda & fœmina dicitur. Altera longa & mascula. Tertia Clematitis, quasi dicas sarmætaria, appellatur. Harum certè nullâ præter longâ officinæ Germaniæ nostræ agnoscunt. Nam qua sub Aristolochiæ rotundæ nomine utitur herba, minimè genuina est, ut paulò post euidentif-gnoscunt. Plinius tribus iis generibus addit quartum, ac Pistolochiam vocat, quæ certè ea est quam nostræ officinæ Aristolochiâ rotundam, & Germani *Runde Holuurtz* falsò appellât, ut in eius descriptione fusiùs docebinus.

### FORMA.

*Aristolochia rotunda.* Aristolochia rotunda folia Hederæ similia habet, cum acrimonia odorata, subrotunda, tenera, cum multis in vna radice germinibus: sarmenta illi sunt oblonga, flores candidi, pileolis similes, in quibus quod rubet grauiter odoratum est. Radix illius rotunda, rapo similis. Ex iis quidem verbis sole clarius fit, Aristolochiam rotundam officinarum, & qua cõmuniter omnes utuntur, non esse eam quam Dioscorides

corides atque alij veteres pingunt. Hæc enim non Hederæ folia, sed Rutæ potius, maiora tamen habere deprehenditur. Neque etiam odorata, neque subrotunda sunt. Grauis etiam qui ex floribus exhalat odor, in nostræ Aristolochiæ floribus nusquam apparet. Radix denique etsi rotunda sit, tamen quia concaua est, globique formam obtinet, rapo, quod solidum est & oblongum, similis dici nõ potest. Nõ latet tamen interdum etiam reperiri eius generis radices prorsus rotundas ac solidas, vt altera pictura monstrat: verum cum reliquæ Dioscoridis notæ absint, legitima Aristolochia esse haud potest. His accedit, quòd manuscripti herbarij pictura planè hæc Aristolochiam Hederæ folia habere doceat, vt hinc etiam euidentissimum sit nostram nõ esse genuinã.

Aristolochia longa, folia quàm rotunda longiora habet. Ramulos tenues, altitudine dodrantes. Florem purpureum, grauiter odoratum, qui cum defloruerit pyro similis fit. Radicem digiti crassitudine dodrantalem, aut longiorem. Tã huius verò quàm prioris radix colore buxæ, gustu amara, & odore viroso est. Hæc sanè descriptio non abhorret à nostra Aristolochia, quæ Hederæ etiam foliis constat, ramulisque tenuibus. Neque obstat quod hæc non purpureos, sed luteos potius flores habeat: nã vt in Symphyto magno vberius dicemus, non vbique terrarum, earundem etiam herbarum flores similes esse, euidentissimum fit in Boragine, & Consolida maiore hodie nominatis herbis. Quamuis autè lutei sint, grauiter tamen odoratos esse constat. Dein vbi flos nostræ etiam Aristolochiæ defloruerit, tum pyro similis fit, vt pictura etiam pulchrè monstrat. Sed hinc obtrudet nobis quispiam Dioscoridem, qui Gentianæ radicem Aristolochiæ longæ similem, crassamque esse scribit: huius autem nostræ nedum digiti crassitudinem obtinet, tantum abest, vt quantitate Gentianæ radici similis esse queat. Respondeo, hæc quidem

*Aristolochia longa.*

*Obiectio dissolutio.*

*Earundem etiam herbarum flores non ubique terrarum esse similes.*

*Obiectio dissolutio.*

dem vera esse, sed nihil mirum esse si apud nos minus  
 nor reperiatur: variatur enim in vna etiam & eadē  
 herba iuxta regiones diuersas radicum magnitudo.  
 Sic visa est nobis radix Aristolochiæ rotundæ mul-  
 to, quàm sit maximus, digitus maior & crassior. Hæc  
 tamen in Italia prouenerat. Neq; dubiū est quin no-  
 stræ etiam radix maior futura sit, vbi cultus, & ter-  
 ra apta admodum accesserit. Nam vt Theophrastus  
 lib. i. de histo. plant. cap. 5. autor est, quædā ob cul-  
 turam diuersa efficiuntur, atque à sua natura disce-  
 dunt. Sic Malua in altum se attollit, & arborescit, at-  
 que in longitudine & crassitudine instar hastæ grā-  
 descit. Quid multa? cū nostra maxima etiā prædita  
 sit amaritudine, tutò illa pro vera & genuina, nihil  
 obstantibus floribus luteis, & radice minima, vti li-  
 cebit. Clematidis ramulos habet tenues, foliis sub-  
 rotundis, minori Semperuiuo similibus, plenos: flo-  
 res Rutæ haud dissimiles. Radices longiores, tenu-  
 es, corticem crassum habentes, & odoratū. Pisto-  
 lochia à Plinio lib. xxv. cap. viij. iis pingitur verbis:  
 Est & quæ Pistolochia vocatur, quarti generis, te-  
 nuior quàm tertia, densis radicis capillamentis, iun-  
 ci plenioris crassitudine. Hanc quidam Polyrrhizon  
 cognominant. Ex iis autem verbis nemo non intel-  
 ligit, Aristolochiam rotundam vulgò vocatam, esse  
 Pistolochiam: hæc enim supra modum tenuis, vel  
 vt apertius dicam, tenera herba est. Radix etiā mul-  
 tis capillamentis vestita, crassioris etiā iunci magni-  
 tudine, atque adeò cōcaua, vt pictura monstrat. His  
 accedit, quòd hæc quæ rotunda vocatur, cauis vlce-  
 ribus profit, quam etiā facultatē Pistolochiæ, vt pau-  
 lò post patebit, Plinius tribuit. Et quid multis opus  
 est verbis? nomen ipsum abundè docet esse Pisto-  
 lochiā: creditur enim, quāuis reuera nō sit, esse Aristo-  
 lochia hodie quoq; haud secus quàm Plinij tēpori-  
 bus. Hæc, vt totā eius faciē teneas, caulē habet rotū-  
 dū, leuē, folia Rutæ hortensis, latiora tamen, flores  
 ferē

Clematidis

Pistolochia.

Aristolochia nostra rotunda, est Pistolochia.

ferè Eranthemii, purpureos: illa candidos, vt pictura quæ vtriusque vnà complectitur, pulchrè monstrat, quibus abeuntibus, filiquas profert refertas semine atrn, létibus haud dissimili: radices, vt ostensum est, hæc rotundam & cauam, illa verò rotundam, at omni tempore solidam obtinet, colore subcroceam.

## LOCVS.

Vera rotunda, quòd sciam, nusquã in Germania nostra nascitur. Longa passim in vineis, ac hortis aliis prouenit. Pistolochia in syluis & locis vmbrosis.

## TEMPVS.

Longa Iunio & Iulio mensibus floret. Pistolochia in Martio & Aprili, quo præterito statim etiam disperit.

## TEMPERAMENTVM.

Cùm supra modum amarè & subacres sint Aristolochiæ, calidas & siccas esse in secundo, vel, quod magis credibile est, in tertio ordine rectè statuemus.

## VIRES. EX DIOSCORIDE.

Rotunda contra alia venena valet. Longa verò drachmæ vnus pondere cum vino pota & illita, aduersus serpentes & letalia. Menses, secundas & fœtus omnes in vtero consistentes cum myrrha & pipere pota pellit. In pefso subdita eadem potest. Rotunda ad eadem omnia ad quæ prædicta conducit: ampliusque asthmati, singultui, rigori, lieni, ruptis, cõuulsis, laterisq; doloribus ex frigida aqua pota auxiliat. furculos & spicula extrahit. Squamas ossium illita educit. Putrescentia excarificat, & sordida vlcera ex purgat. Caua cum Iride & melle explet. Exerit gingiuas & dentes. Creditur & Clematidis ad eadem prodesse, efficacia tamen prædictis minor inferiorque est.

## EX GALENO.

Aristolochiæ radix ad medicationes utilissima est, amara & subacris. Sed ex illis tenuissima est rotunda, & in omnibus efficacior. Aliarum verò dua-



rum Clematitis vocata magis odorata est: itaque ea ad vnguenta vtuntur vnguentarij: sed ad sanationes infirmior. Longa verò minus quidē tenuis est quàm rotūda, sed nec ipsa inefficax, verū abstergerendi & calefaciendi facultatē possidet, minus tamen quàm rotūda abstergit atq; digerit: sed non minus calefacit, imò fortassis etiam plus. Itaq; in quibus vsus est mediocriter abstergere, cōmodior est longa, quē admodū in carnis exulcerationibus, & in vteri fomētationibus. In qbus autē crassū humorē validius exterruare oportet, illic vsus est rotūde. Quapropter dolores ab obstructione aut crassitie crudorum flatuū natos, magis curat rotunda, & surculos extrahit, & putredines sanat, & sordida vlcera repurgat, ac dentes gingiuasque candidas efficit. Auxilio est asthmaticis, singultientibus, comitialibus, podagricis cum aqua frigida pota. Ruptis etiam conuulsisque, vt si quod aliud medicamentum, idonea est.

## EX PLINIO.

Valēt radice tātū. Rotūda cōtra serpētes. Oblōga in summa tamē gloria est etiā modò. A cōceptu admota vuluis in carne bubula, mares figurat, vt traditur. Quæ Pistolochi & Polyrhizos cognominatur, cōuulsis, cōtusis, ex alto præcipitatis, radice pota ex aqua, vtilissima esse traditur. Senuine pleuriticos & nervos confirmare, excalfacere. Putrida vlcera exest, sordida expurgat, vermēsque extrahit Aristolochia. Clauos in viceribus natos, & infixā corporis omnia, præcipuē sagittas, & ossa fracta, cum resina. Caua vlcera explet per se, & cum Iride: recentia vulnēra ex aceto.

## APPENDIX.

Etsi nostrā Aristolochiam rotundā non genuinā esse dixerimus, tamen ob id in medico vsu non repudianda erit. Quum enim habeat & in foliis & in radice acrimoniam, eamque non leuem quidem, si genuina desit, sine omni discrimine illa vti licebit ad omnia ea ad quæ vera ysurpatur.

CAPVT XXXII.  
DE AMPELO LEVCE.  
CAP. XXXII.

43

*Bryonia nobis colubrina, quod sub huius umbra densiori  
stabulare ament colubri, aliis Ignis ardens dicitur à caustica  
ui baccarum rubentium.*

NOMINA.

*μπελος λευκή ἢ βρυονία, ἢ φίλωθρον* Græcè: *Vitis alba*, *Psilothrum* Latinè appellatur. Officinis & herbariis *Bryonia*. *Vulgus Viticellā Bryonia.*  
nominat. Germanicè *Stickuurtz*, *Schiefzuurtz*, *Rasz*,  
*uurtzel*, *Hunds kurbfz*, *Romischrub*, *Vuilder Zituan*, *Teu-*  
*felskirfz*. [Gallicè *De la Couleuree*, aliis *du Feu ardāt*.]  
vocatur. *Vitis alba* verò dicta, non quod vitis sit, sed *Vitis alba*  
quod viti similis existat. Sic etiam *Viticella*. *Psilo-* *cur dicta.*  
*thrum*, quod ex eius acinis coria depilari ac confici *Psilothrū*  
possint. *Bryonia* verò à βρύω fortè, quod est pullu- *unde.*  
lo atq; adeò extollo, & exalto, eò quod in adiacen- *Bryonia.*  
tes sibi frutices scādens se exaltet atq; latè pulluler;

FORMA.

Sarmenta, folia, capreoli, satiuæ viti similia sunt, hirsutiora tamen omnia. Propinquis fruticibus se implicat capreolis apprehendens. Fructum habet racemosum, rubentem, quo coria depilant. Radix alba, crassa & magna.

LOCVS.

Passim in sepibus & senticetis nascitur, eosque quos prope se nanciscitur frutices scandit, vt eleganter in carmine suo Columella cecinit, dicens:

Quæque tuas audax imitatur Nysie viteis,  
Nec metuit senteis: nā vepribus improba surgens  
Achrados, indomitas bryonias alligat vltimos.

TEMPVS.

Floret tota æstate in bonam vsque partem autumnī, in quo fructum producit, qui primum viridis est, dein vbi maturitatem consecutus fuerit, rufus esse incipit.

f iij

TEM-

# PLANTARVM HISTORIAE.

## TEMPERAMENTVM.

Prima germina subamaram & modicè acrem ad-  
strictionem habent. Radix autem deficcata & mode-  
atè calefacit.

## VIREs. EX DIOSCORIDE.

Bryoniæ in prima germinatione asparagi elixi  
manduntur, vrinam & aluum cientes. Folia, fructus  
& radix, acrem vim habent: ea propter chironiis, gā-  
grænicis, phagedænicis, & tibias putrefacientibus  
vulneribus cum sale illita auxiliantur. Radix abster-  
git corpus & erugat. Vitia faciei, varos, lentigines, &  
cicatrices nigras, cū eruo, terra chia, & sœnogræco  
emendat. Ad eadem prodest decocta in oleo vsque-  
dum liquefeat. Sugillata tollit, & digitorum ptery-  
gia compescit. Cum vino illita inflammationes di-  
scutit, & abscessus rumpit. Ossa extrahit, trita & il-  
lita. Miscetur aptè medicamentis quæ exedendo  
sunt. Bibitur comitialibus drachmæ pondere quo-  
tidie per annum. Attonitis & vertigine laboran-  
tibus consimiliter assumpta prodest. Contra vipe-  
rarum ictus pota drachmis duabus prodest. Fœtus  
necat. Mentem aliquando subturbat. Cit vrinam  
pota. Eclegma ex ea fit cum melle, quod præfocatio-  
ne oppressis, tussietibus, latera dolentibus, & ruptis  
datur. Apposita vtero, fœtus & secundas trahit. Lie-  
nem trium obolorum pondere ex aceto triginta di-  
ebus pota consumit. Illinitur vtiliter cum fico ad e-  
adem. Ad incessus decoquitur: vulvas siquidem pur-  
gat, & abortum facit. Vere ex radice eius exprimi-  
tur succus, bibiturque cum aqua mulsa ad eadē, pi-  
tuitam ducens. Fructus eius ad psoras & lepras illi-  
tus & inunctus facit. Lactis abundantiam efficit suc-  
cus eius fructus, si cum tritico decocto sorbeatur.

## EX GALENO.

Vitis albæ, quam etiam Bryonia vocant, prima  
quidem germina ab omnibus pro more per ver e-  
duntur,

atur, vtpote edulium stomacho eò quòd adstringat gratum. Habét etiã amarã & modicè acrem adstrictionem, quare vrinam moderatè mouent. Radix autem abstergentem nonnullam, desiccantem & tenuium partium, ac moderatè calidam vim obtinet. quamobrem & lienes induratos liquefacit, tũ epota, tum foris cum ficibus imposita. Pforam etiã ac lepram sanat. Racemosus eius fructus pelles tingentibus vtilis est.

## EX PLINIO.

Bryoniæ asparagi decocti in cibo aluum & vrinã cient. Folia & caules exulcerant corpus: vtique vlcera phagedænis, & gangrænis, tibiarumq; tædio cum sale illinuntur. Semen in vua raris acinis depēdet, succo rubente postea croci. Nouere id qui coria perficiunt: illo enim vtuntur. Pforis & lepris illinitur. Lactis abūdantiam facit coctum cum tritico, potumque. Radix numerosis vtilitatibus nobilis: contra serpentium ictus trita drachmis duabus bibitur. Vitia cutis in facie, varosque & lentigines, & fugillata emendat, & cicatrices. Eadẽque præstat decocta in oleo. Datur & comitialibus potus. Item mente cõmotis, & vertigine laborantibus, drachmæ pondere quotidie anno toto. Et ipsa autem largior aliquanto, purgat sensus. Illa vis præclara, quòd ossa infracta extrahit in aqua imposita, vt Bryonia: quare quidã hanc albã Bryoniam vocant. Suppurationes incipientes discutit, veteres maturat & purgat. Cit menses & vrinam. Eclegma ex ea fit suspiriosis, & contra lateris dolores, vulsis, ruptis. Splenẽ ternis obolis pota triginta diebus confumit. Illinitur eadẽ cum fico & pterygiis digitorũ. Ex vino secundas forminarum apposita trahit: & pituitam, drachma pota ex aqua mulsã. Succus radice colligi debet ante feminis maturitatem: qui illitus per se & cum eruo, lætiore quodam colore & cutis teneritate mango-

nizat corpora: serpentes fugat. Tũditur ipsa radix

# PLANTARVM HISTORIAE

cum pinguifico, erugátq; corpus, si statim bina stadia ambulentur. Aliàs vrit, nisi frigida abluatur.

## DE AMPELOMELAEANA.

### CAP. XXXIII.

*Tua vitis nigra uidetur esse uiburnum, etiam uulgò Galiorum cum Virgilio dictum.*

### NOMINA.

*μῆλος μέλαινα* Græcis, Vitis nigra Latinis  
**A** nominatur. Officinis incognita. Germanis  
*Vualdreben, oder Lynen, oder Lenen,* [Gallicè

*Vitis nigra unde dicta.*

*Especie de Couleuree, ayât les racines & sementz noirs.]*  
vocatur. Nigra verò vitis dicta est à radice nigra, & quòd vitis similitudinem obtineat.

### FORMA.

Folia Hederæ similia habet, magis tamen ad Smilacis folia accedentia, cui & caules similes obtinet: maiora tamen eius folia quàm illius sunt. Clauiculis hæc etiam arbores amplectitur. Semen racemosum, initio herbaceum, cum maturuit deinde nigrum. Radicem foris nigram, intus buxci coloris. Ex qua delineatione omnibus constat herbam hanc cuius picturam exhibemus, esse vitem nigram. Foliis enim Hederæ, maioribus tamen, Smilaci proximioribus, caulibus quoque cognatis. Clauiculis suis arbores perinde atque adminicula comprehendit. Semen racematim coheret, inter principia virens, post maturitatem nigrescens. Radix foris atra, intus buxco colore nitet. Flores eius, quod omisit Dioscorides, sunt candidi, & odorati, quibus decidentibus semen subnascitur plumis quasi vestitum, aut barbæ canæ effigiem præbens.

### LOCVS.

In frutetis & dumetis potissimum nascitur.

### TEMPVS.

Floret Iulio mense, Augusto verò semen profert.

### TEMPERAMENTVM.

Idem quod vitis alba temperamentum habet.

### VIRES

## VIREs. EX DIOSCORIDE.

Huius caules in prima germinatione olerum modo manduntur, vrinæ & mensibus ducendis vtilēs. Idem lienes minuunt. Comitilibus, vertiginosis, & resolutis accommodati sunt. Radix eadem præstat quæ vitis albæ, minus efficax tamen. Folia cum vino illita ad iumentorum ceruices exulceratas cōducunt. Quinetiam luxatis eodem modo imponuntur.

## EX GALENO.

Viti albæ ad omnia similis, nisi quod imbecillior.

## EX PLINIO.

Asparagi eius in cibo vrinæ ciēde, leniēq; minuēdo vtilēs. Radix ossa infracta efficacius extrahit q̄ suprà dicta. Cæterum eidē peculiare est, quod iumentorū ceruicibus vnicē medetur. Aiūt si quis eā in villa extruxerit, fugere accipitres, tutasq; fieri aues vilaticas. Aliter eadē i iumēto hominēq; phlegma aut sanguinem qui sreatur, talos circumligata sanat.

## DE AMARANTO. CAP. XXXIII.

*Amarāntus luteus in santonia, & Gallia Narbonēsi frequēs est, in officinis propē omnibus stœchadii citree nomine, Amarantus purpureus nobis Passe uellours, quod immortalī colore etiam uillutum purpureum uincat.*

## NOMINA.

Ἀμαράντος Græcis, Amarantus Latinis dicitur. Mediois & herbariis nostræ ætatis ex amore & anthos dictionem componi credentibus, Flos amoris vocatur. Hanc appellationem vsurpantes Germani *Flor. mor* niminant aliās *Samatblum* & *Tausentschon* [Gallicè *Du passe uellours*] appellatur. Amarantus autem nō alio nomine dici cœpit, quàm quod flos eius nūquam marcescat. Hinc est quod puellæ hyemales sibi corollas ex eo conficiant: id quod Erfordiæ, vbi non solum æstate, verum etiam hyeme gestant coronas, fieri potissimum solet.

*Amarantus unde dictus.*

## GENE-

# PLANTARVM HISTORIAE.

## GENERA.

Duplex est Amarātus: vnus luteus, qui Dioscoridī  
*ἁλίσχυρον*, Galeno Amarantus, officinis & imperitis  
**Stichas citrina** Stichas citrina, vel vt ipsi loquuntur, Sticados citri-  
 num, Germanis *Rheinblumen*/quòd in regiõibus quę  
 Rheno adiacent, potissimum verò quę intra Spiram  
 & Vuormaciã sunt, proueniat: *oder Mottenblum/ oder*  
**Helichryson unde dictum.** *Junbling* appellatur. Helichryson dictũ, quòd ad so-  
 lis percussum comantib. in orbem florũ foliis, ful-  
 gorem auri præ se ferat. Alter purpureus, qui hodie  
**Flos amoris.** Flos amoris vulgò, & Germanis *Floramor/ oder Sa-*  
*matblum* vocatur, vt paulò antè à nobis dictum est.

## FORMA.

**Amarātus luteus.** Amarantus luteus qui Helichryson alio nomine  
 dicitur, virgam habet tenuem, virentem, rectam, so-  
 lidamq; . Folia angusta ex interuallis, Abrotono si-  
 milia. Comam orbicularem, auri modo fulgentem.  
 Umbellam rotundam, veluti corymbos arescentes.  
 Radicem tenuem. Ex qua descriptione planum fit  
 eam herbam quam hodie officinæ solæcismo vten-  
 tes, Stichada citrinam nominant, esse Helichryson.  
 Est enim herba furculosa, exilibus ramulis, folio vt  
 Hyssopus angusto, gustu amaro, & instar Abrotoni  
 albicante: coma orbiculari, auri modo splendente:  
 umbella rotunda veluti corymbos arescentes: radi-  
 ce gracili. Et vt paucis dicam, non est nota quæ illi  
**Amarātus purpureus** non aptissimè quadret. Purpureus verò pedali alti-  
 tudine surgit, caule purpurascente, foliis Ocymo si-  
 milibus, maioribus tamen & longioribus, spica pur-  
 purea, verius quàm flore inodora, qua nihil gratius  
 aspectu cernitur.

## LOCVS.

Nascitur in asperis, sabuiosis, siccis & cõuallibus  
 locis luteus. Alter autè in hortis & ficitilibus seritur.

## TEMPVS.

Helichrysum Iunio & Iulio mēsis florēt. Ama-  
 rantus verò purpureus æstate, potissimum autè Au-  
 gusto

gusto mense.

### TEMPERAMENTVM.

Luteus calidus & siccus haud dubiè est, id quod amaritudo in gustu & facultates eius abundè demonstrant. Purpureus autem recentiorum herbariorum sententia, frigidus est & siccus.

### VIRES. EX DIOSCORIDE.

Coma Helichrysi cum vino pota difficultatibus vrinæ, serpentium iectibus, coxendicum doloribus, & ruptis auxiliatur. Menses ducit, & sanguinis grumos in vesica aut aluo cum oxymelite pota liquefacit. Destillationem trium obolorum pondere cum vino diluto albo ieiuno data cōpescit. Reponitur etiā cū vestibis, quas ab erosione integras seruat. Vnde iterū colligere licebit, herbā quā *Rheinblumen* vocant, esse Helichrysum, quod illā hac facultate vt vestes à tineis tueatur præditam esse, omnibus in confesso est.

### EX GALENO.

Amaratus, luteus nēpe, facultatis est incidentis & extenuantis. Quapropter coma eius cū vino pota menses educit, & sanguinis grumos liquare creditur, nō solum in ventre, sed & in vesica. Sed tunc potius illā cū mulso bibere conuenit. Omnes verò simpliciter fluxiones pota desiccant, stomacho tamen aduersa.

### EX PLINIO.

Heliochrysum ciet vrinas è vino pota, & menses. Duritias & inflammationes discutit. Ambustis cū melle imponitur. Cōtra serpentiū iectus & lūborū vitia bibitur. Sanguinē cōcretū vētris ac vesicæ absūmit cum mulso. Folia eius triū obolorū pōdere sistūt, pfluuiā mulierū in vino albo. Vestes tuetur odore nō ineleganti.

### APPENDIX.

Recentiores purpureū Amaratū vehemēter siccare tradūt, ideoq; cū vino sumptū alui fluxiones sistere scribūt: sed, vt aiunt, stomacho aduersatur. Lutei floribus in vino decoctis, ad lūbricos educēdos vtūtur: & ad pediculōs enecandos in lixiuio coctis.

### DE AQVI-



# PLANTARVM HISTORIAE.

## DE AQVILEGIA. CAP. XXXV.

*Aquilegia alijs angelica ancolie uulgo Gallorum, florum omnium pulcherrimus præsertim qui duplex est.*

### NOMINA.

V AE Aquilegia vulgò ab omnib. appel-

Q latur herba, ea Germanis *Ackeley* / *Agley* / & *Ageley* noīatur. Quo verò noīe Græcis

*Aquilegia  
nō est Aegilops.  
Aegilops  
quid.*

aut Latinis medicis vocata sit, nobis nōdū constare potuit. Non esse enim Græcorum Aegilopa, vt non solū vulgares herbarij, verumetiam magni nominis medici putant, notius est quā vt demonstrari à me debeat. Nam nihil in vniuersa Aegilopis, quæ alterum Auenæ genus est, historia reperitur, quod ad Aquilegiam referri queat. Neq; enim tam ab anguilla cācer, Quā Aegilops ab Aquilegia dissidet: vt hoc nomine errare toto cœlo euidentissimum sit, qui Aegilopa esse Aquilegiam arbitrantur.

### FORMA.

Folia Chelidonij maioris habet, sed paulò rotundiora, ac molliora. Caulem cubitalem, & interdum proceriorem, in cuius summo flores purpurei sunt, ex caudis quibusdam veluti muliebres loculi propēdentes. His decidētibus capitula subnascūtur, haud secas atque in melanthio, in quibus semen atrum est. Radix eius crassa.

### LOCVS.

Nascitur passim in hortis, & pinguibus quibusdā pratis. Inuenitur etiam in montibus syluosis, & interdum in petris & muris.

### TEMPVS

Maior & Iunio mensibus floret.

### TEMPERAMENTVM.

In gustu dulcedinem quandam præ se ferre videtur, vt hoc nomine mediocriter calidam esse, ac modicè digerendi vim habere verisimile sit.

### VIREs. EX RECENTIORIBVS.

Recentiores omnes, tū herbarij, tū medici, Aquilegiæ

legiæ omnes Aegilopis facultates tribuunt, at quàm rectè, ipsi viderint. Neque enim verisimile est herbe quæ subacris non est, tantam discutiendi inesse facultatem posse. Quum verò modicè digerat & exiccet, scabiei & fistulis, potissimum si illi farina commisceatur triticea, conferre potest.

## DE ALLIARIA. CAP. XXXVI.

*Alliaria vulgo scordotis ab odore allii herba qua sunt hæcæ  
vix male usi Pharmacopæi loco scordii nūc notissimi.*

## NOMINA.

ONDV M constat quo nomine veteribus Græcis & Latinis herba hæc appellata sit. Vulgò tamen, eò quòd trita eius folia ingratum ac planè alliaceum odorem redolent, Alliaris & Alliaria nominatur. Germanicè *Kno-  
blochkraut/oder Leuchel/oder Saszkraut*. Pandectarum autor Pedem asininum vocat.

*Alliaria  
unde dicitur  
ella.*

*Pes asinini  
nuc.*

## FORMA.

Folia eius cùm primū emicant subrotunda sunt, violæ similitudine, aliquantulū tamē maiora. Adulta autem in angulos exeunt. Herba ipsa bicubitali proceritate confurgit, caule tereti, foliis Vrticæ, nisi quod leuiora sunt, partius fimbriata, & à pediculo latiora. Alij odoratu cum teruntur, flore lacteo alboue, exili in filiquis semine, atro colore, radice oblonga, eiusdem cum foliis odoris.

## LOCVS.

Passim propter sepes & agrorum margines prouenit.

## TEMPVS.

Folia statim primo vere, atque adeò Martio ipso erumpunt. Floret autem æstate, atque deinceps semen profert.

## TEMPERAMENTVM.

Quum prorsus suboleat Allium, necesse est vt temperamento eodem prædita sit. Calefacit igitur haud dubiè & desiccatur, non tamen perinde atque Allium in excessu quarto.

## VIRE.

# PLANTARVM HISTORIAE.

## VIRE S.

Easde propè Allij facultates habere vel hîc conî-  
ci potest, quòd nōnulli î iuribus tortiuîsq; succis pro  
Allio substituant. Proinde corpûs calefacere, crassos  
humores in eo extenuare, glutinosos incidere potest  
Omnia tamen hæc minori quàm Allium efficacia.  
Semen eius cum aceto emplastri modo mulieribus  
strangulatu vteri laborantibus impositum, & vuluæ  
admotum prodest, ac easdem excitat. Et summatim,  
omnia quæ Nasturtij semen, sed minori efficacia,  
potest.

## DE ACALYPHE. CAP. XXXVII.

*Vrtica Romana nobis mas dicitur, semine in globulis ceu  
lini sed minori. Maior in sepibus hortorū, minor agria nobis  
dicitur Ortie griace.*

## NOMINA.

καλύφη, ἢ κνίδη Græcis, Vrtica Latinis nū-  
cupatur. Officinæ Latino nomine vtūtur,  
Germanis Nessel [Gallicè Ortie] appellat.

*Acalyphe* Acalyphe verò dicta est, Athenæo autore, q̃ iniucū  
*unde dicta* do sit tactu, & pruriginē cieat *Cnide* autē, q̃nod vel-  
*Cnide.* licet, pungat, ac suo morsu sensum laceſſat, à verbo  
*Vrtica.* κνί/ειν, quod pungere & vellicare significat. Vrtica  
ab vrēdo, q̃ pruritū pustulasq; igni similes excitet.

## GENERA.

*Vrtica ro-* Dioscorides duo facit genera. Vnā asperā, quā ho-  
*mana.* die Romana vocāt: & est ea quā pictā damus. Huius  
quidē semine in officinis vtēdū, nō alterius quæ pas-  
sim in sepibus ac dumetis nascitur. Germanicè *Vul-*  
*fchnessel* [Gallicè *Ortie griefche*] appellatur. Alteram  
minus asperā, quā ob id mollē nomināt. Hāc nondū  
videre potuimus. In Germania nostra præter hæc  
*Vrtica no-* genera, alia duo inueniūtur. Vnū maius, quod Ger-  
*stra maior* manicè *Heyternessel* nomināt: alterū minus, germa-  
*Vrtica mi-* nicè *Brennessel* / vel *Habernessel* / quod nimirum in auc-  
*nor.* na nascatur, appellari solet. Harum etiam picturas  
adiungere placuit, quòd non prorsus inefficaces esse  
putemus,

putemus, quandoquidem haud secus atque Romana pungere videantur.

## FORMA.

Romana caule est rotundo & aspero, syluestrior etiā & asperior, latior & nigrior foliis, semine haud dissimili in globulis quibusdā semine lini, sed minore. Altera priori similis est, nisi quod non similiter aspera est, tenuiusq; semen habet.

## LOCVS.

Romana apud nos non nisi sata prouenit, non secus atque mollis vocata vrtica. Vulgares passim in dumetis ac sepibus gignuntur. *Romana*

## TEMPVS.

Semen messibus colligi oportet.

## TEMPERAMENTVM.

Subtiliū est partium, & temperaturæ siccae, nō tamen tantū habet caliditatis vt iam mordicet.

## VIRE. EX DIOSCORIDE.

Vtriusq; folia cum sale illita canis moribus, gangrenis, malignis vlceribus, cācris, sordidisq; luxatis, tuberculis, parotidibus, phÿgetis, & abscessib. medētur Lienosis cū cerato imponūtur. Profluuia sanguinis ex naribus cum succo trita & imposita sistūt. Cum myrrha trita & imposita menses mouent. Recentia admota vteri procidentias emendant. Semen cum passo potum venerem stimulat, & vuluas aperit. Cum melle linctum orthopnoeas, pleuritidas, & peripneumoniam iuuat. Ea quæ in thorace sunt educit. Miscetur & exedentibus medicamentis. Folia cū conchulis decocta aluum molliunt, yrinasq; mouēt. Cum ptisana decocta ea quæ in thorace sunt educunt. Decoctum foliorum cum exiguo myrrhæ potum menses elicit. Succus gargarissatus, vuam inflāmatam reprimat.

## EX GALENO.

Herbæ semē & fōlia, nā hæc potissimū in vsum adhibentur, digerentis sunt facultatis, adeo vt tubercula

cula & parotidas sanent. Sed & quiddam flatuosum obtinent, quo & venerem extimulant, maximè vbi cum passo semen bibitur. Porro quòd non vehementer calefaciat, sed admodum tenuium sit partium, testatur crassorum viscosorumque humorum ex thorace & pulmone eductio, tum quòd partes quas contigerit, pruriant. Cæterum flatuosum eius, cuius particeps esse dicta est, dum concoquitur, nascitur: non enim actu flatuosa est, sed potentia. Ventre autem mediocriter subducit ipsa duntaxat abstersione, ac veluti titillatione, non purgatione. Gangrænoſa & cancroſa, & in totum quæ exiccati citra mordacitatem postulant, ea conuenienter sanat.

## EX PLINIO.

• Urtica plurimis scatet remediis. Semen eius Cicuta contrarium esse Nicander affirmat. Item fungis, & argento viuo. Apollodorus & Salamandris cum iure decoctæ testudinis. Itè aduersari Hyoscyamo, & serpètib, & scorpionibus. Quin illa ipsa amaritudo mordax, vuas in ore, procidentesque vuluas, & infantium sedes, tactu resiliere cogit. Lethargicos expergisci tactis cruribus, magisque fronte. Eadem canis morſibus addito sale medetur. Sanguinem trita naribus indita sistit, & magis radice. Carcinomata & fordida vlcera, sale ammixto: item luxata. Sanat & panos, parotidas, carnesque ab ossibus recedentes. Semen potum cum Sapa, vuluas strangulantes aperit, & profluvia narium sistit impositum. Vomitiones in aqua mulsâ sumptum à cœna, faciles præstat, duobus obolis. Vno autem in vino poto, lassitudines recreat. Vuluæ vitijs tostum, acetabuli mēſura. Potum in sapa, resistit stomachi inflationibus. Orthopnoïcis prodest cum melle, & thoracem purgat eodem ecligmate. Et lateri medetur cum semine lini: addunt Hyssopum & piperis aliquid. Illinitur lien. Difficilem ventrem tostum cibo emollit. Hippocrates vuluam purgari poto eo pronunciat. Dolo-

uari to-

uari toſto acetabuli meſura dulci potu, & impoſiſito cū ſucco maluæ. Inſteſtinorū animalia pelli cum hydromelite & ſale. Deſluuia capitis, ſemine illito cohoneſtari. Articulaſibus morbis & podagricis pluriſimi cum oleo vetere, aut folia cum vſino adipe trita imponunt. Ad eadē radix tuſa cum aceto, nō minus vtilis. Itē lieni. Et cocta in vino diſcutit panos, cum axungia vetere ſaſa. Eadem pſilothrum exiccac. Condidit laudes eius Phaniaſ phyſicus, vtiliſſimam cibis coctā conditāmue profeſſus arteriæ, tuſſi, vētris deſtillationi, ſtomacho, panis, parotidibus, pernionibus: cum oleo ſudorem, coctā cum conchulis ciere aluum, cum ptifana pectus purgare, mulierumq; mēſes cum ſale, vlcera quæ ſerpunt cohibere. Succus quoque in vſu eſt. Expreſſus illitusq; fronti ſanguinem narium ſiſtit, potus vrinam ciect, calculos rumpit. Vuam gargariffatus reſſrimit. Si quadrupeſdes foetum non admittant, vrtica naturam fricandā monſtrant.

## DE APHACE. CAP. XXXVIII.

*Aphace ubique hic frequens.*

## NOMINA.

Φάκη Græcis, Aphace Latinis, vulgò Sylueſtris vitia, & Os mūdi, Germanis *Vuild-wicken* / oder *S. ChriſtoffelsZkraut* [Gallicè *Veſſe ſauuage*] vocatur. Alia eſt ab Aphaca Theophraſti, quæ ſylueſtrium olerum genus eſt, de qua ſuo loco plura dicemus.

## FORMA.

Exiguus frutex eſt, lēticula altiſ, tenuioribus foliis. Quæ naſcūtur in ea ſiliquæ lente maiſores, terna aut quaterna ſemina nigriora & minora continent.

## LOCVS.

In aruiſ ſponte naſcitur.

## TEMPVS.

Maio meſe floret, & ſubinde ſemen in ſiliquis producit.

# PLANTARVM HISTORIAE.

## TEMPERAMENTVM.

Moderati caloris est, valentius autem desiccatur.

## VIREs. EX DIOSCORIDE.

Semina adstringēdi vim habent, quapropter stomachi & alui fluxiones tosta, fracta, & decocta lentis instar sistunt.

## EX GALENO.

Aphace facultatē obtinet adstrictoriā, sicut & ipsa lenticula. Sed & similiter ut lenticula edisoleat: ceterum ægrius quā illa concoquitur. Aluū retinet.

## EX PLINIO.

Natura ei ad spissandū efficacior quā lenti. Reliquo vsu eisdem effectus habet. Stomachi aluique fluxiones sistit semen decoctum.

## DE ANDRACHNE. CAP. XXXIX.

*Portulaca* utraque nobis cum sereno pullæ pes, Poulle pied, corruptè *Pourpier* dicitur.

## NOMINA.

*Portulaca.* *υδρῶν* Græcis, *Portulaca* latinis & Officinis, Germanis *Burtzelkraut* [Gallicè *Du pourpier*, ou de la *Pourceline*] dicitur, corrupta tamē voce, cum efferendū esset *Portzelkraut* ac si porcellorū herbam dicerent. Aliās *Sauubon* insdē appellatur.

## GENERA.

*Portulaca* *Portulaca* in duas distribuitur species: vnam hortensem, & alteram sylvestrem, quæ nō est tertiū Aizoi genus, ut aliqui seducti mēdosis Dioscoridis exēplaribus credunt. Nam quod pleriq; nomina harū duarum plātarum confuderint, factum subinde est ut multa adulterina, quæ scilicet tertij generis Aizoo debentur, capiti de *Portulaca* sylvestri inserta sint, quæ omnia prorsus expungēda veniunt, ut paulò post clarius monstrabimus. Hortensem Germani simpliciter *Burtzelkraut* / sylvestrem verò *Vuil oder ackerburtzel* vocant.

## FORMA.

*Hortensis* caules habet crassos, pingues, teretes, in altum

altum erectos, lentè vergentes in puniceū, folia pin-  
guia, à tergo candida, flores exiguos luteos, semina  
nigra in herbaceis calycibus cōtenta. Syluestris fo-  
lia oleæ obtinet, minora tamen multò, numerosiora  
& tenera, rubentes cauliculos ab vna radice multos  
in terra seſſiles, qui cōmāducati succo abundāt, glu-  
tinosiſq; , & sapore ſaſi ſunt. Hæc eſt genuina apud  
Dioſcoridē Portulacæ delineatio, reliqua verò oīa  
ſunt adulterina, & ab imperito aliquo rerum ex ca-  
pite de tertio Aizoo excerpta, & huic ſine omni iu-  
dicio inſerta.

## LOCVS.

Prouenit in hortorū areolis, vineis, & aliis cultis  
locis, hortēſis. Cæterū ſylueſtris in petroſis & incul-  
tis etiā naſcitur.

## TEMPVS.

Iunio & Iulio potiffimū menſibus carpenda folia  
& flores: ſemen verò ſequentibus.

## TEMPERAMENTVM.

Refrigerat vtraq; quidē in tertio ordine à tēpera-  
tis ac mediis, humectat verò in ſecūdo. Quare viri-  
bus etiā nō diſtant: hinc quæ in Dioſcoride legūtur  
nō ſunt ptopriæ, ſed Aizoi tertij generis, & à ſciolo  
aliquo temere Portulacæ ſylueſtri attributæ.

## VIRE. EX DIOSCORIDE.

Portulaca vim habet adſtriſtoriam. Cum polēta  
illita, capitis doloribus, oculorum inſlāmationibus,  
& aliarum partium, ſtomachi ardoribus, eryſipela-  
tis, & veſicæ doloribus auxiliatur. Cōmāducata dē-  
trium ſtuporem, ſtomachi & inteſtinorū æſtuationē  
fluxiōesq; ſedat. Renes eroſos & veſicam adiuuat.  
Veneris impetus exoluit. Pari effectū & ſuccus eius  
prodeſt potus, & in febris etiam valens. Contra  
rotundos lumbricos, ſanguinis excreationem, dy-  
ſenterias, hæmorrhoidas, profluuia ſanguinis perco-  
cta efficax. Contra Sepis morſus. Ocularibus me-  
dicamentis vtiliter commiſcetur. Inteſtinis fluxio-



## PLANTARVM HISTORIAE

ne laborantibus, aut vulua erosione affecta infunditur. Contra dolores capitis ex vſtione cum rosaceo, aut oleo ex alto deſtillatur. Exanthemata in capite cum vino exterit. Vulneribus ad ſyderationem ſpectantibus ex polentia illinitur.

### EX GALENO.

Portulaca frigida & aquea téperamēto eſt, paucæ cuiuſdā auſteritatis particeps. Proinde fluxiones reſtat, maximè bilioſas & calidas, cū eo q̃ eas mutet, & ī qualitate alteret, magnopore refrigerās. Hac ratione & æſtuātes, vt ſi quid aliud, adiuvat, tū ventris oſculo impoſita, tū totis hypochôdriis, potiſſimū in hecticis febribus. Præterea dentiū ſtuporē ſanat, nēpe quæ ab acidorum cōtactu aſperè exiccata fuerāt, leniēs atq; replēs, vtpote cū viſcoſam habeat humiditatē. Similiter verò & ſuccus eius. Itaq; non foris modò impoſitus, ſed epotus quoque refrigerat. Hoc ſanè & toti herbæ comēſcæ accidit. Quoniā autē adſtringit, vtiliter dyſentericis editur, & in muliebri profluuiio, & ſanguinis reiectionibus. Sed ad hæc multò quidem efficacior eſt herbæ ſuccus.

### EX PLINIO.

Portulacæ memorabiles vſus tradūtur. Sagittariū venena, & ſerpentiū hæmorrhoidū & preſterum reſtat, pro cibo ſumpta, & plagis īpoſita extrahit. Itē hyoīcyamo potō, & paſſoq; expreſſo ſucco. Cū ipſa nō eſt, ſemē eius ſimili effecū prodeſt. Reſiſtit & aquarū vitiis, capitis dolori, vlceribuſq; in vino tuſa & impoſita. Reliqua vlcera cū melle cōmāducata ſanat. Sic & infātū cerebro imponitur, vmbilicoq; p̃ciduo. In epiphoris verò oīm, fronte téporibuſq; cū polēta. Sed ipſis oculis, è lacte & melle. Eadē, ſi proci dēt, prodeſt, foliis tritis cū corticibus fabæ. Puſtulis cū polēta & ſale, & aceto ac cera. Et vlcera oris tumoreq; gingiuarū cōmanducata cruda ſedat. Item dentium dolores: Tonſillarum vlcera ſuccus decoctæ. Mōbiles dentes ſtabilit cōmāducata. Cruditates ſedat,

dat, vocemq; firmat, & fitim arcet. Ceruicis dolores cum Galla & Lini semine pari mēſura ſedat. Mammarū vitia cū melle aut cimolia creta. Salutaris & ſuſpirioſis, ſemine cum melle hauſto. Stomachū in acetariis ſumpta corroborat. Ardentib. febribus imponitur cū polenta. Et aliās manducata refrigerat etiam inteſtina. Vomitiones ſiſtit. Dyſenterix & vomicis datur ex aceto, vel bibitur cum Cumino. Tenafmis autē cocta, & comitialibus cibo vel potu prodeſt. Purgationibus mulierum, acetabuli mēſura in ſapa. Podagris calidis, cū ſale illita, & ſacro igni. Succus eius potus renes iuuat & veſicas. Ventrīs animalia pellit. Ad vulnerum dolores, ex oleo cum polenta imponitur. Neruorū duritias emollit. Venerē inhibet, Venerisq; ſomnia. Prætorij viri pater eſt, Hiſpanix princeps, quem ſcio propter impatibiles vix morbos, radicem eius filo ſuſpenſam è collo gerere, præterquam in balneis, & ita liberatum incommodo omni. Qui netiā inueni apud autores, caput inde liſtum deſtillationem toto anno nō ſentire. Oculos tamen hebetare putatur.

## DE ASPHODELO. CAP. XL.

*Asphodelus mas Dioſcoridi ſcriptus, nobis eſt frequens folio porraceo, radicibus glandium magnarū effigie multis ſimul agnatis, porcorum cibus.*

## NOMINA.

ασφodelος Græcis, Asphodelus Latinis, Offici  
 A nis corrupta voce Affodillus, germanis Gold- *Affodillus*  
 uurtz [Gallicè *Hafte Royale*] nominatur.

## GENERA.

Duo eſſe Asphodeli genera, vtcūq; vno cōtentus ſit Dioſcorides, teſtatur Plinius, libro xxi. cap. xvij. *Duo Asphodeli genera. Albucus.*  
 marem nimirum & ſceminā. Mas propriè Albucus nominatur, ſcēmina verò Haſtula regia, quod ſcilicet dū floret, prorsus regij ſceptri effigie referat, Germanicè Golduurtz. Marem depingit Dioſcorides, & radicem eius acrem atque adeo cibo inutilem eſſe

g iiij tradit.

# PLANTARVM HISTORIAE.

*Hesiodus  
fœminæ  
mētionem  
fecisse ui-  
de.ur.*

tradit. Fœminæ Theophrastus libro vij. de historia plantarum cap. xij. & Hesiodus mentionem facere videntur, quandoquidem eius vsum in cibo quotidiano fuisse scribāt. Hoc enim de mare dici haud posse, radicis mirifica acrimonia facit. Galenus etiā libro secundo de aliment. facult. Asphodelon fœminam cognouisse videtur, dū scribit, Asphodeli radicem Scyllæ radici, magnitudine, figura & amaritudine quadantenus similem esse. Hæc enim de Dioscoridis Asphodelo verè dici non possunt, cuius quidē radix nō Scyllæ, sed Pæoniæ potius similis est. Deniq; nō est vt fœminæ amara, sed acris. Neq; obstat quòd nostra Hastula regia tātā amaritudinē, quātā ei Galenus tribuit, nō habeat. Nā neq; ea quā Hesiodus suo carmine tātoperere celebrauit, tanta prædita fuit amaritudine: alijs enim citra cocturā multā, cuius tamē ille non meminit, cibo quotidiano idonea esse nō potuisset. Et certè vt Arō nō in oībus regionib. parem acrimoniā obtinet, ita nec Hastula regia parē amaritudinē omnibus ī locis fortitur. Adcō vt dubiū nō sit Hesiodū de nostra Asphodelo, quæ fœmina est, loquutū esse. De fœmina autē loquutū esse Hesiodū, cōfirmat q̃ alibi tradat in syluis nasci Asphodelū. Quod certè de ea quā fœminā fecimus, retè dici potest, quādo raro alibi quā in syluis nascatur. Sentētiā nostrā firmare videtur Apūleius ille, qui in libro suo de herbis inscripto, seorsim & Asphodelum, & hastulam regiam describit.

## FORMA.

*Asphodelus  
mas.*

Asphodelus mas folia habet. Porro maiori similia Caulē leuē in summo florē ferentē. Anthericum vocatū. Radices sublōgas, rotūdas, glādibus similes, gustu acres. Nos marem hac vice habere nō potuimus. Fœmina folia habet oblōga, angusta, leuiter lēta, Plātagiui minori nō dissimilia: caulē leuē, in summo non vnum, sed plures flores pingues retrorsum incuruos, plenos puniceis maculis, radicē itidē bulbosam,

*Fœmina.*

bosam, capillis Allij instar multis sub bulbo enascē-  
tibus, comatam, gustuq, glutinosam.

## LOCVS.

Mas non prouenit in Germania, nisi in hortis cul-  
ta & plantata. Fœmina verò in montibus & syluis  
sua sponte ac copiosè nascitur.

## TEMPVS

Iunio mense florent.

## TEMPERAMENTVM.

Maris radix calida & sicca est. Fœminę folia cum  
amara nonnihil sint & acria, itidem calida & sicca  
esse, quemadmodum etiam radicem, constat.

## VIRES. EX DIOSCORIDE.

Radices Albuci vim calefaciendi obtinēt, vrinas  
& menses potē mouēt. Lateris doloribus, tussibus, cō-  
uulsionibus, rptionibus, drachmæ pōdere ex vino  
potē medētur. Cōmāducata astragali mēsurā vomī-  
tiones adiuvat. A serpēte demorsis datur vtiliter triū  
drachmarū pōdere. Illinire autē oportet morsus fo-  
liis, radice, & floribus cū vino. Itē vlcera sordida, &  
depascētia. Māmarū quoque & testiū inflāmatiōes,  
tubercula & furūculos, decocta in vini fēce radice:  
ad recētes autē inflānationes cū polenta. Radicis  
succus, adiecto vetere vino dulci, myrrha & croco  
simul decoctis, per quā vtile fit oculis medicamētū.  
Ad purulētas aures per se, & cū thure, melle, vino, &  
myrrha tepefactus prodest. In cōtrariā aurē per se  
infusus dētiū dolorē mitigat. Cinis ē radice crema-  
ta illitus, alopecias capillis explet. Oleū in excaua-  
tis radicibus igni decoctū, illitū exulceratis pernio-  
nibus, & ambustis igni cōducit. Dolori auriū instil-  
latus auxiliatur. Cādīdā vitiliginē linteo antea per-  
frictā in sole, illita radix emēdat. Semē & flores in  
vino poti, scolopēdræ & scorpionum venenis egre-  
giè aduersantur. Aluum quoque deiciunt.

## EX GALENO.

Asphodeli radix vtilis est, perinde atq; Ari, Afari  
g iiij & Dra-

# PLANTARVM HISTORIAE

& Dracontij. Extergētis siquidē & discutientis facultatis. Vstæ tamen cinis calidior, & exiccantior, magis tenuium partium, & ad discutiendum potentior efficiť, propterea & alopecias sanat. Inest itaq; ei extenuandi facultas, atque obstruťta demoliendi, veluti etiam Dracontio. Ideóque ipsius cauliculus arquatis tanquam summum præsidium exhibetur.

## EX PLINIO.

Defectis corporib. & phthisicis cōstat bulbos eius cū ptisana decoctos aptissimē mederi, panēq; ex his cum farina subactū saluberrimū esse. Nicāder & cōtra serpentes & scorpiones, vel caulem vel semē, vel bulbos dedit in vino tribus drachmis: substrauitq; somno cōtra hos metus. Datur & cōtra venenata marina, & cōtra scolopēdras terrestres. Folia quoq; illinuntur venenatorū vulneribus ex vino. Bulbi nervis articulisq; cū polēta tusi illinuntur. Prodest & cōcisis ex aceto lichenas fricare. Itē vlceribus putrescentib. ex aqua imponere. Māmarū quoq; & testiū inflammationib. Decocti in fēce vini, oculorū epiphoris supposito linteolo medētur. Foliis in quocūq; morbo decoctis magis medici vtūtur. Itē ad tetra tibiārū vlcera, rimasq; corporū quacūq; in parte, farina arefactorum. Succus quoq; ex tussis expressus, aut decoctus, vtilis fit corporis dolori cū melle. Idē odorē corporis iucūdū affectātibus, cū Iri arida & sale exiguo. Folia etiā supradictis medētur, & strumis, panis, vlceribus in facie, decocta cū vino. Cinis ē radice alopecias emēdat, & rimas pedū. Decoctæ radice in oleo succus, perniones & ambusta. Et ad grauitatē auriū infunditur. A cōtraria aure in dolore dētium. Prodest & vrinę pota modicē radix, et mēstruis, & lateris doloribus. Itē ruptis, cōuulsis, tussibus, drachmæ pōdere in vino pota. Eadē & vomitiōes adiuuat cōmāducata. Semine sūpto turbatur véter. Chrysermus & Parotidas ī vino decocta radice curauit. Itē strumas admixta cachry ex vino. Quidem aiunt, si imposita radice

radice pars eius in fumo suspendatur, & quarta die soluatur, vnà cum radice arefcere strumam. Sophocles ad podagras vtroque modo, cocta crudâq; vsus est. Ad perniones decoctam ex oleo dedit, & suffusis felle in vino, & hydropicis. Venerem quoque cōcitari cum vino & melle perunctis, aut bibentibus, tradiderunt. Xenocrates & lichenas & psoras, radice in aceto cocta tolli dicit. Item si cocta sit cum hyoscyamo & pice liquida, alarum quoque & feminū vitia. Et capillum crispiorē fieri, raso prius capite, si radice ea fricetur. Lapides renū in vino decocta atque pota eximit. Hippocrates semen eius ad impetus lienis dari censet. Iumentorum quoque vlcera ac scabiem, radix illita, aut decoctæ succus ad pilum reducit.

## APPENDIX.

Animaduertendū facultates à Dioscoride & Galeno commemoratas, Albucō seu Asphodelo mari cōuenire, huius enim radix gustu acris est. Quæ verò à Plinio recensentur, hæ partim mari, partim fœminæ debentur. Fœminæ, cuius radix & folia glutinosa & amara sunt, vlcera glutinandi, scabiē, rimasque corporum, & si quæ similes sunt facultates conueniunt, quas periti methodi simplicium medicamentorum faciliè discernent. Experientia etiā quotīdiana testatur, huius vsum esse ī vlceribus malignis salutarem. Quæ autem mari sint tribuendæ, ex Dioscoride, Galeno, & gustu quiuis deprehendere poterit. Nos in transcurso tantū parum attentos monere volumus, ne indiscriminatim & promiscuè vtrique generi has facultates inesse putarent.

## DE ATRAPHA XI. CAP. XLI.

*Atriplex nomen retinet, alijs Bonne dame, & Preudefemme dicitur.*

## NOMINA.

τράφαξις, ἢ χρωολάχανον Græcis, Atriplex

A Latinis & Officinis, Germanis Molten, oder Milten

# PLANTARVM HISTORIAE.

*Atrapha-  
xis quare  
dicta.*

Milten. [Gallis *Des Arroches, ou Des bones dames*] nomi-  
tur. Atraphaxis Atticis d literam in t mutare fre-  
quenter amantibus, dicta est, quòd ἀδραξ ἀύξεται, id  
est, statim in amplitudinem adolescat. Siquidem o-  
ctauo à fatu die profilit, confestimque incremento  
proficere videtur. Fidem celeris augmenti facit e-  
reptum in confinio cæteris herbis alimentum. Ac  
ne in hortis quidem iuxta eam nasci quicquam tra-  
dunt, nisi languidum. Chrysolachanon verò, id est,  
aureum olus dixerunt, à luteo quem profert flore.

*Chrysolachanon.*

## GENERA.

Duo Atriplicis sunt genera, satiua seu hortensis,  
& syluestris. Satiuam simpliciter Germani *Molten*,  
syluestrum verò cum adiectione aliqua, *Vuild molten*  
*oder Ackermolten, oder Klein scheiszmilten* nominant.

## FORMA.

*Atriplex  
hortensis.*

*Syluestris*

Hortensis caulem fundit quadratum, ramis bra-  
chiatum, quibus primum flores lutei exigui, dein  
foliatum semen & obductum cortice promitur. Ra-  
dicem vnā habet in altum descendentem, nō gla-  
bram, sed fibris quibusdam capillatam. Syluestris tā  
luxuriosa proceritate prodit, vt quaternos sæpe cu-  
bitos excedat: caule vt hortensis anguloso, ramoso,  
& purpurascente: folio hortensi non admodum dif-  
simili, potissimum quòd ad colorem attinet: flore lu-  
teo exiguo, semine racematim congesto, radice sim-  
plici in altum descendēte, ex qua se multæ promūt.

## LOCVS.

Hortensis non nisi fata prouenit. Syluestris sua  
sua sponte nascitur. Vtraque autem assiduo humo-  
re satiari amat.

## TEMPVS.

Vtraque Iunio & Iulio mensibus floret, deinde  
semen proferunt.

## TEMPERAMENTVM.

Atriplex humida in secundo ordine, frigida au-  
tem in primo. Hortensis tamen syluestri humidior  
frigidi-

frigidiórque existit.

### VIRE. EX DIOSCORIDE.

Estur olerum modo elixum. Aluum mollit. Crudum vel coctum illitum panos discutit. Semen eius potum cum aqua mulsa morbum regium sanat.

### EX GALENO.

Atriplex celeriter, ob lubricitatem, ventrem permeat. Parum autem omnino eius est, quòd digerendi obtinet facultatē. Phlegmonis & phygethliis quidem incipientibus, crescentibus, & mollibus adhuc, ac veluti feruentibus, hortensis: vigentibus verò, declinantibus, & indurescentibus commodior est syluestris. Semen eius abstergentis est facultatis, proinde ad morbum regium ex iecoris obstructione prognatum vtilis est.

### EX PLINIO.

Coquitur difficillimè. Addidere Dionysius & Diocles, plurimos gigni ex eo morbos. nec nisi mutata sapius aqua coquendum: stomacho contrariū esse, lentigines & papulas gignere. Hippocrates vuluarum vitiiis id infandi cum Beta. Lycus Neapolitanus contra cantharidas bibendum dedit. Panos, furunculos incipientes, duritias omnes, vel cocto vel crudo illini vtiliter putant. Item ignem sacrum, cum melle, aceto, nitroque. Similiter podagris. Vngues scabros detrahare dicitur sine vlcere. Sunt qui morbo regio dent semen eius cum melle, arterias & tōfillas nitro addito perfricent, aluum moueant, cocto aut per se, aut cum malua, aut lenticula concitantes vomitiones. Syluestri capillos tingunt, & ad supradicta vtuntur medicina.

### EX SIMEONE SETHI.

Ventrem quidem cit, prodest ad caliditatem iecoris, ac ictericis, & calidam temperaturam habentibus succurrit. Cōmodissima autem biliosis. Cum malua illita inflammationes sedat.



# PLANTARVM HISTORIAE.

## DE ATRACTYLIDE.

### CAP. XLII.

*Atractylus mitior frequens in uis flore Cnici, sed pallidis ore. Atractylis hirsutior carduus benedictus, nobis hodie duplex.*

### NOMINA.

*Atractylis unde dicta Syluestris Cnicus.* A *τρακτυλῖς, ἡ κνίκος ἀγρία* Græcis: Atractylis, Cnicus syluefter Latinis dicitur. Atractylis autem ideo dicta, quòd ea antiquæ mulieres profuso utebantur: *ἄτρακτος* enim fusus est Græcis. Syluestris verò Cnicus, quia Cnico urbano similis est.

### GENERA.

Syluestris Cnici seu Atractylidis, Plinio lib. xxj. cap. xv. & Theophrasto libro vi. cap. iij. autoribus, duæ sunt species. Vna mitior, & Cnico satiuo similior. Hanc propriè Græci Atractylida, Latini verò fustum agrestem, aut colum rusticam, quòd eius caule rigido admodum & exili, veteres mulieres pro colo, vt dictum est, utebantur, nominabant. Sunt qui Cartamum syluestrem appellant. Germanicè itaque vocetur *Vuilder feldsaffran* [Gallicè *Une espece de Chardon ayant la feuille iaulne, ou du Saffran batard,*] vt hac ratione discernatur à Cnico, quem aliqui Cartamum, & Crocum hortensem nominant. Altera hirsutior, caules & folia Soncho non asperæ similia habens, quæ Officinis omnibus & vulgò Carduus benedictus nuncupatur. Germanicè *Cardobenedict* / *Born uuriZ,* oder *Gesegneter distel* vocatur.

### FORMA.

*Atractylis propriè dicta.* Spina est Cnico similis, in summo autem virgularum folia multò longiora habens, caulem magna ex parte nudum, asperumque, quo etiam mulieres profuso vtuntur. Capitula in cacumine aculeata, florè pallidum, radicem tenuem, inutilè. Ex qua sanè descriptione omnibus perspicuum esse putamus, spinam quam pictam exhibemus esse Atractylida, quòd Cnico sa-

co fatiuo similis admodū sit, & in cacumine virgularum folia quā Cnicus longiora habeat, caulē denique magna ex parte nudum, autumnī potissimum tempore, quo folia sua sponte decidunt, & minimē leuem, sed asperum striatūque obtineat. Idem etiam rigidus & exilis est, vt fusi vsum præbere queat. Summitati quoque eius capitula insident spinosa, flos illi pallidus, radix tenuis: & in summa, nulla est nota quæ huic non respondeat. Carduū autē benedictum vulgò nominatum esse alteram Atractylidis speciem, ex Theophrasti & Plinij verbis ostendi potest: hirsutus enim est, caulibus Sôcheis, humi ferè reptantibus: propter sui enim mollitiem veluti sessilis caducūque solo procumbit, semine minuto, frequenti, amaro, & pilis barbato, quòd molli lanugine operitur. Flos ei pallidus luteūsyve.

*Carduus  
benedi-  
ctus.*

## LOCVS.

Mitior Atractylis in aruis & montibus, hirsutior autem in hortis iam passim prouenit.

## TEMPVS.

Prior Augusto mense apparet, eius tamen semen ante autumnum non maturescit. Posterior citius nascitur, eius tamen semen serò etiam ad maturitatem peruenit.

## TEMPERAMENTVM.

Gustu cū amaræ sint spinæ hæ, euidentissimum est calido & sicco temperamento esse præditas, id quod ex earundem etiā facultatibus colligi potest.

## VIRE. EX DIOSCORIDE.

Atractylidis folia, coma & semen trita cum pipere vinóque pota, contra scorpionum ictus prosunt. Sunt qui dicant à scorpionibus percussos, quamdiu teneant eam herbam, non sentire dolorem, deposita verò, dolore affici.

## EX GALENO.

Atractylis aut Cnicus syluestris. Hæc planta ex spinarum est genere. Facultatem habet desiccandi,  
&

# PLANTARVM HISTORIAE.

& modicè digerendi.

## APPENDIX.

Prima spina in sanandis vlceribus & fistulis diurnis efficacissima est. Altera quam Carduū benedictum vocant, obstructions internorum viscerum tollit, vrinam mouet, calculum frangit, vlcera, potissimum pulmonis, sanat. Percussis à feris venenatis medetur. Negant etiam pestis experiri cōtagia, qui aut cum cibo, vel potu præsumpserit. Iam quoq; correptis magno fore remedio sibi vulgus persuasit. Ex quibus etiam omnibus fit perspicuum, easdem quas veteres Atractyli tribuerunt, vtranque spinam habere facultates. Item herbam quam Carduū benedictum vocant, contra serpentum & scorpionū morsus valere omnibus in confesso est: quam sanè facultatem cum Atractyli etiam assignet Dioscorides, cōsequitur ab eadem diuersam non esse. Recentiores Carduū benedictum contra capitis vehementissimos dolores, vertiginem, memoriam amissam, in cibo aut potu sumptum valere tradunt. Item ad putrescentia vlcera, mammarum potissimum, si in puluerem reductus inspergatur.

## DE ANGELICA. CAP. XLIII.

*Angelica satiuā Parisiis frequēs, sylvestris desideratur.*  
NOMINA.

<i>Angelica non est Smyrniō, neque Silphion.</i>	<p><b>V N Q V I D</b> veteribus cognita fuerit hæc herba, &amp; quo nomine appellata sit, nondum scire licuit. Neq; enī Smyrniō est, quòd scilicet umbellam Anethi &amp; semen rotundū, aliāq; multa quæ descriptio requirit, non habeat. Silphion etiam esse haud poterit, quòd folia Apij habere minime deprehendatur. Recentiores autem vno ore omnes Angelicam, &amp; Sancti spiritus radicem, à suauissimo eius radicis odore, quem spirat aut ab immensa contra venena facultate, appellant. Germanis</p>
--	---

nis Angelick / oder des Heiligen geyst uurtz, oder Brust-  
uurtz. [Gallicè Angelic] vocatur.

## G E N E R A.

Duo eius herbæ inueniuntur genera. Vna enim Hortēsis.  
mitior est, cuius quidem radix valde odorata, à Ger Syluestris  
manis Zam Angelick nominatur. Altera syluestris, e-  
ius radix suauis odore destituitur, & à Germanis uuil  
de Angelick nominatur.

## F O R M A.

Caulem profert duum cubitorum, concauum: fo-  
lia oblonga, per ambitum serrata, subnigra: flores in  
purpura candidos, semen latum, foliaceum: radicē  
crassam & multam, foris nigricantē, intus candidā.

## L O C V S.

Mitior in hortis plantata prouenit, & in montosis  
etiam nonnullis locis, perinde atque syluestris.

## T E M P V S.

Iulio & Augusto mensibus floret.

## T E M P E R A M E N T V M.

Calefacientem & desiccatoriam vim in tertio or-  
dine ei assignant herbarij recentiores.

## V I R E S.

Aperit, extenuat, discutit, vt recentiores perhi-  
bent. Vnicè venenis aduersatur. Pestilentiaē popula-  
tim sæuientis arcet contagia. Corpora à lue pestife-  
ra vindicat, si tantum, vt affirmant, in ore teneatur.  
Per hyemem ciceris magnitudinem cum vino, per  
æstatem ex stillatitio rosarum liquore sumpsisse sa-  
tis est. Nec sensurum eo die contagionem pollicen-  
tur, quo quis deuorarit: nam vrina & sudore venenū  
abigit, Lentitiam pituitæ digerit, quapropter tussi,  
quam frigus attulerit, medetur. Crassa quæ in tho-  
race coërint, dicitur. Herba ipsa in vino & aqua  
cocta, vulnera interna glutinat. Concretum san-  
guinem resoluit, stomachum esu corroborat. Cor  
recreat. Pituitam ventriculi deiicit, fastidia cibo-  
rum discutit, & elanguescentem inuitat appeten-  
tiam.

# PLANTARVM HISTORIAE.

tiam. Rabiosi canis morſu, aut ſerpentis ictu liberat, ſi contrita cum ruta & melle folia indantur, dein cocta in vino bibantur. Libidinem extinguit ore ieiuno ſumpta. Laſſitudines reficit, thoracem expurgat. Supra febricitantis caput impoſita, fertur ad ſe feruorem elicere. Valere contra faſcinationes adfirmant, ſi quis eam ſecum geſtarit.

## DE AER A. CAP. XLIII.

*Lolium tuum eſt Githago & Nigella uulgaris, aliis iurea Gallis dicta.*

## NOMINA.

Officina  
rū error.

A. ῥα, ἢ βύαρος, ἢ ῥιάνιον Græcis: Lolium Latinis dicitur. Officinæ nonnullæ, non ſine magno errore, pro Melanthio ſeu Nigella vtuntur, vt non temere etiam Pſeudomelanthion dici queat. Germanis *Ratten, oder Korngele* [Gallicè *yuraic, ou Gaſſe,*] appellatur.

## FORMA.

Pſeudo  
melanthio  
eſt Lolium.

Folio conſtat anguſto, Theophraſto lib. viij. de Plantarum hiſtoria, cap. vij. teſte, pingui & piloſo, flore ſubpurpureo, ſemine exili in ſiliqua hiſpida, vel vt Plinius ait, in cortice aculeato. Ex qua ſiquidè deſcriptione ſatis perſpicuum ſit omnibus, Pſeudomelanthion hoc eſſe Lolium: folia nanque Porri habet, oblonga, hiriſuta, florem purpureum, ſemen in piloſa, longa, angulata, ac per interualla ſtriata ſiliquâ. Et vt paucis ſingula complectar, hordeo, cuius vt reliquarum frugum peſtis & vitium eſt, tota effigie non diſſimile eſt.

## LOCVS.

Non ſolùm in triticea & hordeacea, ſed in omni ſerè alia ſegete per ſe prouenit. Frugum acerba peſtis, ideòque à Vergilio inſœlix appellatum.

## TEMPVS.

Iunio menſe floret, & ſubinde ſemen profert.

## TEMPERAMENTVM.

Deſiccatur & calfacit efficaciter, vt propinquum ſit acribus

acribus magis quàm Iris: sed non est perinde vt illa tenuium partium, verùm multum abest. Secundum hoc ponat ipsum quispiã in principio tertij ordinis excalefacientium, in fine verò secundi exiccantiũ.

## VIRES. EX DIOSCORIDE.

Lolium molitum nomas, putredines, & gangrænas cum raphanis & sale illitum cõpescit. Feras impetigines, & lepras cum sulphure viuo & aceto sanat. Strumas quoque cum fimo columbino & lini semine in vino decoctum discutit. Quæ ægrè maturantur rumpit. Decoctum ex aqua mulsa & illitum, ischiadicis prodest. cum polenta, aut myrrha, aut croco, aut thure suffitum, conceptiones adiuuat.

## EX PLINIO.

Lolium molitum ex aceto coctum impositumq; sanat impetigines, celerius quo sæpius mutatum est. Medetur & podagris, aliisque doloribus cum oxymelite. Curatio hæc à cæteris differt. Aceti sextario vno dilui mellis vncias duas iustum est: ita temperatis sextariis tribus, decocta farina Lolij sextariis duobus vsque ad crassitudinem, calidumque ipsum imponi dolentibus membris. Eadem farina extrahit ossa fracta. Magis etiã cæteris purgat vlcera vetera, & gangrænas. Cum raphano & sale & aceto lichenas. Lepras cum sulphure viuo. Et capitis dolores cum adipe anserino imposita fronti. Strumas & panos concoquit cum fimo columbino, & lini semine decocta in vino.

## APPENDIX.

Iam commemoratas facultates huic etiam herbe, quam Germani *Ratten* nominant, recentiores tribuunt. Mirificè enim hanc in sanandis impetiginibus, aliisque scabiei generibus commendant. Item in vulneribus glutinandis, ac fistulis curandis, compescendoque sanguine, eius esse vsum tradunt, vt hinc etiam liqueat hanc ipsam à Lolio non esse diuersam.

# PLANTARVM HISTORIAE.

EX SIMEONE SETHI.

Vim æqualem Iridi obtinet.

DE ASCLEPIADE.

CAP. XLV.

*Asclepias in syluis frequens.*

NOMINA.

*Asclepias* **A** *σκληπίας* Græcis, *Asclepias* Latinis, herba-  
*unde dicta* riis *Hirundinaria*, *Officinis Vincetoxicum*,  
*Hirundinaria.* Germanis *Schuaalbenuurtz* appellatur. *Ascle-*  
*Vincetoxi-* *pias* autē ab *Aesculapia* antiquo medicinæ autore  
*cicum.* nominata est. *Hirūdinaria* verò à filiis quas pro-  
ducit, quæ dehiscences plumosum semen ostēdunt,  
atque ad eō hirundinis effigiem referunt. *Vinceto-*  
*xicum*, vel rectius *νικητοξικόμ* haud dubiè dicta est,  
quod illi insignis aduersus venena vis sit, vt paulò  
post fusius docebimus.

FORMA.

Ramulos profert longos, in quibus folia longa  
*Hederæ* similia. Radices numerosas, tenues, odora-  
tas. Flores grauitè olentes. Semen *Securidacæ* seu  
*Hedysari*. Ex qua delineatiōe nemini nō perspicuū  
fit *Vincetoxicum* appellatam herbam, esse *Asclepia-*  
*da*. Fruticosa siquidē herba est, caulem obtinens ro-  
tundum, leuem, tenuem, ac ferè iunceum, ramulis  
longis, folio *hederaceo*, sed oblongiori, in viridi ni-  
gricante, floribus exiguis, candidis, aut verius in al-  
bo palleſcentibus, grauitè odoratis, ex quibus fili-  
quæ oblongæ fiunt, quæ dehiscences semen plumo-  
sum *Securidacæ* simile, hoc est, rufum & latum ostē-  
dunt, radicibus multis, exiguis, tenuibus, & odora-  
tis, adeò vt nulla sit prorsus nota quæ illi non respō-  
deat aptissimè. His accedunt locus natalis & facul-  
tates, quæ singula cum *Asclepiade* illi communia  
sunt, quemadmodum ex iis quæ statim subiiciemus  
manifestissimum fiet.

LOCVS.

Prouenit in mōtibz asperis, altis ac arenosis. Co-  
piofissi-

piofiffimè autem nascitur in monte haud procul à Tubinga sito, in quo olim arx posita fuisse fertur.

## T E M P V S.

Augusto mense floribus abundat, ac subinde semina in folliculis oblongis, formam hirundinis cū dehiscunt referentibus profert.

## T E M P E R A M E N T V M.

Asclepias, Paulo teste, calida, sicca, & tenuis substantiæ est. Quo sanè temperamento Hirundinaria etiam prædita existit: amara siquidem & parum glutinosa eius est radix, folia verò aliquam præ se ferunt adstrictionem: vt iterum euidenter appareat, Hirundinariam esse Asclepiada.

## V I R E S. E X D I O S C O R I D E.

Radices cum vino potæ, torminibus, & venenatorum morfibz subueniunt. Folia verò illita maleficiis in mammis & vtero vitiis opulantur.

## E X P A V L O.

Torminibus in vino pota competit. Illita verò venenatorum morfibz, & malignis mammarum & vteri vitiis succurrit.

## E X P L I N I O.

Radices torminibus medentur, & contra serpentium ictus non solum pota, sed etiam illita profunt.

## A P P E N D I X.

Recentiores radice eius magna efficacia ad mensu prouocatione vtutur, & ad rabidi canis morsum, venenisq; poteter resistere affirmat, vnde etiã haud temerè Victrix toxicæ ab iisdem appellata est. Hydropicis etiã radicem in vino maceratã & subinde coctã, mirifice auxiliari tradut. Flores præterea foliaq; siccata, mox trita, vulneribus vtiliter inspergi aiunt. Sordida etiã vlcera purgare, & ad cicatricem perducere, genitaliũq; vitiis & rupturis egregiè mederi docet. Quæ in vniuersũ omnes facultates cū iis quas Asclepias obtinet pulchrè quadrant, vt eandẽ esse Hirundinariã vocatã herbã, nullus deinceps dubitare debeat.

Victrix  
toxicæ.



# PLANTARVM HISTORIAE

## DE APIO. CAP. XLVI.

### NOMINA.

A
 $\pi\iota\omicron\varsigma$ , ἡ ἰσχαῖς, ἡ χαμαιβάλανος Græcis: Apios, Raphanus sylvestris Latinis dicitur. Officinis incognita. Germanis Erdnusz, Erkelten, Erdseigen, & Erdmadel, [Gallicè Vne Rane saul uage, ou une Rayfort saulage] appellatur. Apion verò dixerunt Græci, quod radicis extremum in pyri formam turbinatur. Eadem etiam ratione ischas & chamæbalanos ab iisdem nominata est, quod in ficus, vel glandis effigiem radicis extremum turbinetur. Quapropter non ineptè Latinis etiam glans aut ficus, seu carica sylvestris nominabitur.

### FORMA.

Ramulos duos aut tres iunceos, tenues, rubentesque profert, qui supra terram parum se attollunt. Folia rutæ similia, longiora tamen, & virentia. Semen exiguum. Radicem Asphodelo similem, & ad pyri figuram accedentem, rotundioram tamen, & liquore plenam, intus candidam, foris nigro cortice rectam. Hæc Dioscorides. Alij adiiciunt Apion habere tenues capreolos, florem Piso non dissimilem, sed longè minorè. Quæ singula satis declarant herbam cuius picturam exhibemus, esse Apion: ramulos enim magna ex parte duos, vel ternos, imò ut Theophrastus ait, quaternos, & interdum plures emittit, iunceos, tenuesque, & infima parte rubentes, qui supra terram parum se extollunt. Folia quoque Rutæ habet, at longiora & virentia. Semen etiam exiguum. Radicem denique Asphodelo mari similem, & ad pyri effigiem accedentem: quod tamen nō de tota radice, quæ longissima est & tenuis, intelligendum venit, sed de extremis eiusdem, hoc est, nucibus seu glandibus ab ea dependentibus, pyri aut ficus formam habentibus, qualibus etiam Pæoniæ fœminæ radix assimilatur. Succosa quoque radix est, intusque candida. Quibus omnibus accedunt flores
 Piso

Piso similes, & mirificè odorati, minores tamen: nec non capreoli tenues. Conueniunt etiam vires, vt ex sequentibus patebit, ita vt prorsus nulla sit nota quæ reclamare videatur.

## LOCVS.

Prouenit in frumentaceis agris, hordeaceis potissimum, tritici & zeæ, quos interdum sues, ductæ cupiditate eius radices, seu rectius nucum ex radice dependentium, prorsus euertunt. Atque hinc est quod

*Pars porcinus cur dictus.*

## TEMPVS.

Floribus abúdat odoratis admodum Iunio mense.

## TEMPERAMENTVM.

Apios temperatura calida est & sicca mediocriter, id quod ex gustu faciliè deprehenditur.

## VIREs. EX DIOSCORIDE.

Pars radices superior sumpta, vomitione bilis pituitamque extrahit. Inferior per aluum. Tota verò vtrinque purgationes mouet. Succus eius sesquiboli pondere haustus, vtraque parte, hoc est, supra & infra purgat. Cum verò liquorem colligere volueris, tundito radices, coniectisque in craterem aqua plenum misceto, tum penna collectum qui supernabit liquorem siccato.

## EX PLINIO.

Succus purgat vtraque parte sesquibolo in aqua mulsa. Sic & hydropicis datur acetabuli mensura.

## APPENDIX.

Experientia testatur nuces has nauseam atque adeò vomitionem ciere, si quis illis vescatur.

## DE ASTERE ATTICO.

## CAP. XLVII.

*Aster Atticus tuus hic non cognitus.*

## NOMINA.

στῆρ ἄττικὸς, ἑσθῶνιον Græcis: Aster Atticus,

A Inguinalis Latinis dicitur. Officinis ignota *Inguinalis* herba. Germanis Sternkraut, [Gallicè Du pe-

h iij tit mu-

# PLANTARVM HISTORIAE.

*Aster unde dicta.*

*Inguinalis quare appellata.*

tit Muguet] commodè appellari potest. Asteris autè nomen non à foliorum in caulibus, sed in floribus potius figura & situ, accepit. Siquidem foliorum in huius herbæ flore numerus & forma, stellam præ se ferunt, vel vt Plinius ait, capitula per ambitum diuisa foliis pusillis, stellæ modo radiata sunt. Errant itaque qui singula folia in caulibus stellæ formam representare putant. Buboniũ & Inguinalis, quod inguinum presentaneum sit remedium, dicta est.

## FORMA.

Cauliculus lignosus, purpureum & luteũ in summo florem habens, veluti Chamæmeli capitulum, vndique per orbem incisuris diuisum, foliolis stellæ similibus. Quæ verò circa caulem sunt folia, oblonga & densa hirsutæ. Ex qua quidem delineatione omnibus perspicuum fit, herbam cuius picturam exhibemus esse Astera atticum. Nam caulis eius lignosus est, foliis vestitus oblongis & densis, in cacumine flos illi purpureus & luteus, stellæ modo radiatus, qui subinde in pappos abit: radix fibris multis capillata.

## LOCVS.

Nascitur in collibus, montibus altis, & syluis.

## TEMPVS.

Augusto mense vt plurimum floret, durantque in magnam autumnũ partem eius flores.

## TEMPERAMENTVM.

Mixtæ est potentiæ, vti rosa: refrigerat enim, nõ tamen vehementer, & digerit atq; exiccat, quod scilicet illi amara insit qualitas.

## VIRE. EX DIOSCORIDE.

Aestuanti stomacho illita confert. Succurrit etiã oculorum inflammationibus, bubonibus, & procidenti sedi. Tradunt partem in flore purpuream, si bibatur ex aqua, angina correptis, & puerorum comitialibus opitulari. Recens inguinũ inflammationibus illita prodest. Sicca sinistra manu dolentis decerpta, inguini

inguini adalligata doloribus liberat.

EX GALENO.

Non tantum illitum, sed etiam suspensum bubonas sanare creditur. Habet verò quiddam etiam digerens, ut misce sit facultatis, verum id non astringit.

EX PLINIO.

Bibitur aduersus serpentes. Sed ad inguinum medicinam sinistra manu decerpi iubet, & iuxta cinctus alligari. Prodest & coxendicis dolori adalligata.

DE AGROSTI. CAP.

XLVIII.

NOMINA.

*γρως* Græcis, Gramen Latinis, Germanis *A* *Grafz*, [Gallicè *Dent de chien*] appellatur.

Gramen verò dictum est, quod geniculatis internodiis mirificè serpat, à gradiendo, vel à gignē di fecunditate: siquidē crebrò ab iis nouas spargit radices. *Crantien unde dictū*

FORMA.

Geniculatis per terrā serpit ramulis, & ab iis dulces geniculatasq; radices spargit. Folia eius acuminata, dura, & ut parue arundinis lata, quæ iumenta bouesque pascunt. Ex quibus verbis planum fit omnibus, plantam hanc, cuius picturam damus, esse veri graminis genus: geniculatis enim ramulis per terram serpit, & ab iis dulces, geniculatas, & exiguas admodum ac tenues radices spagit. E dodrantalibis etiam ramulis circa vnumquemq; geniculū binā folia acuminata, dura ac lata emittit. Floribus denique ad gramen Parnasi accedere videtur candidi enim sunt, & quinque distincti foliis, & his ipsis distinctis: quibus decidentibus folliculi rotundi lini instar, semine pleni exiguo, ut Parnasi gramen, prodeunt. Adeò ut nemo sit qui non videat illi per omnia graminis respondere notas. Quare reprehensione digni sunt, qui Euphrasiam esse putant.

*Error quorundā seoplasiariorum.*

LOCVS.

Passim nascitur in vmbrosis locis, & dumetis.

h iij

TEM.

# PLANTARVM HISTORIAE

## TEMPVS.

In fine ferè Aprilis floribus suis candidis & elegantibus ornatur.

## TEMPERAMENTVM.

Radix graminis mediocriter frigida & sicca est, mordacitatem quandam exiguam, & partium tenuitatem obtinens. Herba verò ipsa in primo quidem excessu refrigerat, in humiditate verò & siccitate moderata. Semen alibi quidem imbecillum est, in Parnaso verò desiccatorium, & tenuium partium & subacerbum.

## VIREs. EX DIOSCORIDE.

Graminis radix trita & illita vulnera cōglutinat. Decoctum eius in potu torminibus medetur, & vrinæ difficultatibus. Calculosa etiam vesicæ excrementa comminuit.

## EX GALENO.

Radix cruenta vlcera glutinat. Caterum mordacitas & tenuitas quæ radici inest, exigua est quidem, sed interdum tamen frangere lapides assolet, si quis ipsam decoquens bibat. Semen autem alterius quidem imbecillum est, eius verò quod in Parnaso nascitur, vrinam ciet, & fluxus ventris & stomachi resiccatur.

## EX PAVLO.

Gramen Parnasi maximè vtile est, siccat, modicè refrigerat, tenuium partium, & subacerbum, eoque vulnera cruenta glutinat, & decoctum eius vesicæ calculos confringit.

## EX PLINIO.

Decoctum gramen vulnera conglutinat, quod & ipsa herba tusa præstat: tueturque, & ab inflammationibus placat. Decocto adiicitur vinū ac mel: ab aliqbus & thuris, & piperis, & myrrhæ tertie portiones. Rursusque coquitur in æreo vase ad detiū dolores & epiphoras. Radix decocta ī vino, torminibus medetur, & vringē difficultatibus, vlcerebúsque vesicæ.

Cal-

Calculos frāgit. Semen vehemētius vrinā impellit. Aluum vomitionesq; sistit. Priuatim autem draconum morsibus auxiliatur. Sunt qui genicula nouem vel vnus, vel è duabus tribusue herbis, ad hunc articulorum numerum inuolui lana succida nigra iubeant, ad remedia strumæ panorūm. Ieiuno debere esse qui colligat. Ita ire in domum absentis cui medeatur, superueniētiq; ter dicere, Ieiunio ieiunū medicamētū dare, atq; ita alligare, triduoq; id facere. Quod è graminum genere septem internodia habet, efficacissimè capiti contra dolores ad alligatur. Quidā propter vesicæ cruciatus decoctum ex vino gramen ad dimidias è balneis bibi iubent.

*Superstitiosum.*

## DE ALOE. CAP. XLIX.

*Aloe in domibus frequens, Perroquet uulgò dicitur, quòd foliorum habitu & colore psittacum uiridem referat.*

## NOMINA.

Ἀλὴ Græcis, Aloë Latinis appellatur. Offi-

A cinæ veterem appellationem retinuerunt.

Germani destituti peculiari nomenclatura, pariter Latinis Aloëa vocāt. Sūt qui hanc à crassifoliis, & similitudine quam cum Semperuiuo habet, Semperuiuum marinum nomenclant.

*Semperuiuum marinum.*

## FORMA.

Scyllæ folium habet Aloë, crassum, pingue, modicè latum, rotundum, repandūque. Folia vtrinq; gerunt ex obliquis aculeos raros, & breues. Caulem profert Antherico similem, floré albū, semen Asphodelo simile. Graui est tota herba odore, & gustu amarissima. Radice vna, pali in terram adacti specie. Nostra pictura non nisi radicem & folia ob oculos ponit, reliqua hoc tēpore habere nō potuimus. Dabimus autem operam, modò Deo sic visum fuerit, vt aliquando integræ plantæ picturam studiosis exhibere liceat.

## LOCVS.

Nascitur copiosissima in India, præpinguisque, unde succus quoque defertur. Prouenit etiā in Arabia Asia.

# PLANTARVM HISTORIAE.

bia Asiaque, & in maritimis aliquot locis & insulis, vt in Andro. Nunc in aliquot hortis germaniæ nostræ plantatur.

## TEMPVS.

Neque florem neque semē in stirpe nobis videre contigit, quare de iis quo nimirum proueniant tempore, nihil certi monstrare possumus.

## TEMPERAMENTVM.

Aloë calefacientium est primi ordinis intensi, aut secundi remissi, tertij autem exiccantium.

## VIRES. EX DIOSCORIDE.

Duo sunt succi concreti genera. Vnū arenosum, quod sedimentum purissimæ Aloës videtur (hoc officinis Caballinū vocatur.) Alterū iecinoris modo coactū (Succotrinū barbari appellant.) Eligito purā quæ nihil doli sensit, sine calculis, splendentem, subruſſam, friabilem, iecinoris modo concretam, facile liqueſcentem, eximiæ amaritudinis. Reprobato autē nigrā, & fractu cōtumacē. Est aloë vis adstringere, somnū cōcilare, exiccare, corpora densare, aluum soluere, & stomachū purgare. Pōdere cochlearium duorū in aqua frigida, aut tepida pota, sanguinis excreationes sistit. Regiū morbū purgat tribus obolis ex aqua, aut drachmæ pōdere in potu. Deuorata cū resina, aut cū aqua, aut cocto melle excepta, aluū soluit. Triū drachmarū pondere perfectè purgat. Mixta aliis purgatoriis medicamentis, stomacho minus noxia ea reddit. Siccata & insparſa, vulnera glutinat, & vlcera ad cicatricē perducit, cōpescitq;. Priuatim autem exulceratis genitalibus medetur, & rupta infantii præputia agglutinat. Condylomata, rimasque sedis cū passo mixta sanat. Sanguinis eruptiones ex hæmorrhoidibus factas cōpescit. Digtorum reduuias ad cicatricem perducit. Liuios & fugillata cum melle delet. Palpebrarum scabries, augulorūq; pruriges lenit. Dolorem capitis sedat teporibus & fronti ex aceto cum rosacco inuncta.

Capillos

Capillos fluētes cum vino compescit. Tōsillis, ginguis, & oībus oris vlceribus, ex melle & vino prodest. Torretur oculorum medicamentis in testa pura & candente, rudiculaq; subinde versatur donec equaliter torreatur. Lauatur vt quod est arenosissimum subfidat, tanquam inutile, & leue & pinguisimum assumatur.

## EX GALENO.

Hæc herba non admodum apud nos prouenit: & quæ in magna nascitur Syria aquosior est, & facultatis imbecillioris: attamen vsque adeò desiccare potest, vt vulnere cōglutinet. At in regionibus calidioribus, qualis est Cœlesyria & Arabia multò est melior. Optima verò Indica, cuius liquor est id quod ad nos īportatur medicamētū cognominātū Aloë, ad plurimas res propter siccitatē mordicationis expertē vtile. Est autē nō simplicis naturæ, sed, vt indicio est gustus, adstringit simul & amara est. Adstringit quidē mediocriter, sed vehemēter amara est. Subducit & ventrem, vtputa ex numero medicamētorum quæ Græci ab excernendo stercore vocant ἐκκρωτικά. Verūm & ipsius facultatis misturā attestantur particularia eius opera: nā & gratum stomacho est medicamē, vt si quid aliud, & sinus glutinat. Sanat & vlcera quæ ægrè ad cicatricē duci possunt, & maximè quæ in ano sunt & pudēdo. Iuuat etiam eorū inflāmationes aqua liquata, & vulnere ad eūdē modū glutinat. Cōgruit similiter vtēti & ad inflāmationes in ore, naribus & oculis. In summa repellere & discutere simul potest, cū hoc vt paulū extergeat, quantū videlicet vlceribus puris non sit molestum.

## EX PLINIO.

Natura Aloës spissare, densare, & leuiter calfacere. Vfus in multis & principalis, aluum soluere, cū penè sit sola medicamentorum quæ per se id præstant. Cōfirmat etiā stomachum adeò vt nō infestet vlla vis contraria. Bibitur drachma. Ad stomachi  
verò



# PLANTARVM HISTORIAE.

verò dissolutionem, in duobus cyathis aquæ tepidæ vel frigidæ, cochlearis mensura, bis tēue in die ex interuallis, vt res exigit. Purgationis etiam causa plurimum tribus drachmis. Efficacior, si pota ea sumatur cibus. Capillum fluentem continet cum vino austero, capite in sole contra capillū peruncto. Dolorem capitis sedat, temporibus & fronti imposita, ex aceto & rosaceo. Dilutiorque infusa, oculorum vitia omnia sanari ea conuenit. Priuatim prurigines & scabiē genarum, item insignita ac liuida, illita cū melle, maximè Pontico: tonsillas, gingiuas, & omnia oris vlcera. Sanguinis excreationes, si modicæ sint, drachmæ pondere ex aqua, si minus, ex aceto pota. Vulnerum quoque sanguinem, & vndecunque fluētem sistit per se, vel ex aceto. Aliās etiam est vulnēbus vtilissima, ad cicatricem perducens. Eadē inspergitur exulceratis genitalibus, virorum condylomatibus, rimisq̃ue sedis, aliās ex vino, aliās ex passō, aliās sicca p se, vt exigit mitigāda curatio, aut coērcēda. Hemorrhoidū quoque abundantiam leniter sistit. Dysenterię infunditur. Et si difficiliter concoquantur cibi, bibitur à cœna modico interuallo. Et in regio morbo tribus obolis ex aqua. Deuorantur pilulæ cum mellis decocto, aut resina terebinthina, ad purganda interiora. Digitorū pterygia tollit. Oculorum medicamentis lauatur, vt quod sit arenosissimum subsidat. Aut torretur in testa, pennaq̃; subinde versatur, vt possit equaliter torrerī.

## DE BECHIO. CAP. L.

*Tussilago ungula Caballina & passus asini vulgò dicitur.*

### NOMINA.

ἄρχυ Græcis, Latinis Tussilago aut Farsaria dicitur. Sic vocata quòd ἄρχυς, hoc est, tusses iuuare credita sit. Herbariis & officinis hodie Vngula caballina appellatur. Germanis Roszhub/oder Brandlatich/[Gallicè *Patte a Cheual*] quòd scilicet equinæ vngulæ per-

similis

Bechio un  
de dictum.  
Vngula  
caballina.

B

similis sit, & ambustis medeatur.

## FORMA.

Folia hederæ habet, sed maiora, sex aut septem à radice prodeuntia, supernè virètia, inferiore autem sui parte albida, plures angulos habentia. Caulé pal-  
 mum altum. Florem vere prodeūtem pallidum, quē  
 vnà cum caule confestim abiicit. Inde nonnulli exi-  
 stimauerunt sine caule hāc herbam nasci. Radix il-  
 li tenuis est, quæ minimè inutilis esse potest, quan-  
 doquidem illius, vt ex sequentibus patebit, in rum-  
 pendis thoracis abscessibus, & eiiciendo ex vtero e-  
 mortuo foetu vsus sit. Subesse itaque errorē in Dio-  
 scoride manifestissimum est, vbi radicem Tussilagi-  
 nis ἄχρηστον esse inquit, quem tamen nemo interpre-  
 tum, quòd sciam, animaduertit. Hoc etiā adiicien-  
 dum duxi pro confirmanda Dioscoridis descriptio-  
 ne, & confutanda erronea quorundam sentètia, flo-  
 res Tussilaginis esse fugacissimos: iis enim enatis  
 breui vigor vitæque durat, longissimæque mora tri-  
 duum aut quatriduū, post quod illico tempus flacce-  
 scentes in pappos euanescent, & caduci marcent, ita  
 vt non nisi vere sese forte fortuna ferant obuiā, quo  
 potissimum tempore flos & caulis sine foliis viden-  
 tur. Quapropter qui herbam ipsam hoc tempore nō  
 conspexerunt, & tam subitam floris & caulis iactu-  
 ram haud animaduenterunt, sine vtrisque nasci cre-  
 diderunt. Nos tamen & florem & caulē sæpius ocu-  
 lis contemplati sumus, ideoque vt vtriusque pictura  
 accederet diligenter curauimus.

*Bechiō nō  
nascitur  
sine flore.*

*Dioscori-  
dis locus  
emendatur.*

## LOCVS.

Nascitur prope fontes, & in aquosis locis.

## TEMPVS.

Flores vere, & in Aprili colliguntur: ab hoc e-  
 nim tempore, vt paulò antè diximus, nusquam ap-  
 parent. Folia & radix tota æstate durant.

## TEMPERAMENTVM.

Folia Tussilaginis virentia aquæ substativæ ad-  
 missionem

# PLANTARVM HISTORIAE.

mitionem habent, vt hac ratione frigida & humida dici possint. Sicca verò acriora sunt, ideoque calida.

## VIRE. EX DIOSCORIDE.

Tussilaginis folia trita cū melle illita, ignibus sacris, & inflammationibus cūctis medetur. Eadem sicca incensa, eos qui sicca tussi & orthopnoea infestatur, quum fumū per infundibulū hianti suscipiunt ore, sanant. Abscessus thoracis rūpunt. Eadem radix suffita potest, fœtumque emortuum in aqua mulsa cocta & pota eiicit.

## EX GALENO.

Bechium ideo nuncupatū est, quòd βήχας, id est, tusses & orthopnoeas iuuare creditū sit, si quis videlicet folia arida aut radicem in prunis accendens, ascendentem inde fuliginem inspiratu attrahat. Est autem modicè acris, vt sine molestia noxæque omnes thoracis abscessus credita sit rumpere. Sanè folia viridia partes cruda inflammatione obsessas illitu extrinsecus adiuuāt, propter aqueæ humiditatis admisionē, qua omnia virentia tenera, alia plus, alia minus participant. Nā sicca Bechij folia acriora sunt, quā vt inflammationē laborātibus partibus cōueniant.

## EX PLINIO.

Tussilaginis aridę cū radice fumus per arūdinem haustus aut deuoratus, veterē sanare dicitur tussim: sed & in singulos haustus passum gustandū est.

## DE BUGLOSSO. CAP. LI.

Buglossum Borrage.

## NOMINA.

βύβλας Græcis: Buglossum, Bubula lin-

B gua, Bouis lingua Latinis, quòd scilicet eius folia bubulæ linguæ similia sint: offici-

Borrage. nis & herbariis Borrage, Germanis Burretsch [Gallicè Bourrache, ou Bourroche] dicitur. Alia verò herba est: quæ hodie Buglossa vulgò nominatur, [Buglose] vt suo loco indicabimus.

## FORMA.

Buglossum Verbasco simile est, foliū habēs in ter  
ram

ram depressum, asperū, nigrius, bubulæ linguæ nō dissimile. Florem cœruleum, speciosum. Quæ nimirum descriptio ita hodie vocatæ Borragini herbæ quadrat, vt nemo non, nisi talpa cæcior sit, veterum esse Buglossum videat. Qui tamen eius rei plura argumenta desiderat, ea quæ libro primo, cap. xxxiij. nostrorum Paradoxorum produximus, legat, & nihil puto deinceps dubitabit.

## LOCVS.

Nascitur in plantis & sabulosis locis. Passim etiā hodie in hortis feritur, ob id olitoribus optimè cognitum.

## TEMPVS.

Carpitur Iulio mense.

## TEMPERAMENTVM.

Buglossum calidi humidique temperamenti est.

## VIRE. EX DIOSCORIDE.

Foliū Buglossi in vinū deiectū animi lætitiā efficiere creditur. Aiunt quæ tres caules emittat si cum radicibus & semine tota teratur, & in potu detur, cōtra tertianos rigores prodesse: ad quartanas verò quæ quatuor. Horum autem decoctio in vino fiat. Herbam abscessibus etiam vtilem esse ferunt.

## EX GALENO.

Buglossum vinis iniectū lætitiæ & hilaritatis causa esse creditū est. Sed & iis qui ob faucium asperitatem tussunt, in melierato coctum conuenit.

## EX PLINIO.

Buglossio præcipuū quod in vinū deiecta animi voluptates auget, & vocatur Euphrosynū. Buglossio iarescente, si quis medullā è caule eximat, dicatque ad quē liberandum febre id faciat, & alliget ei septem folia ante accessionem, aiunt à febre liberari.

## EX SIMEONE SETHI.

Buglossum vrinā cit, & sitim sedat. Caules eius cocti & crudi comesti iecoris affectibus prosunt. A viatoribus ex eo conficitur zupapion, & est vtile.

## DE BYPH-

PLANTARVM HISTORIAE.  
DE BUPHTHALMO. CAP. LII.  
NOMINA.

*Cotula nã* B *ὀφθαλμὸν* Græcè, Bupthalmum Latinè.  
*foetida.* Hodie oculus bouis aut vaccæ, & Cotula  
non foetida herbariis vocatur. Germanis  
*Buphtal-* *Rindsaug/oder Kueaug* [Gallicè *Oeil de Beuf, ou pisse en*  
*mum cur* *tist*] Bupthalmum autem non alia ratione dixerūt  
*dictum.* veteres, quàm quòd eius flores oculi imitentur for-  
mam, & Boum potissimum oculis similes sint. Ger-  
*Anethum* manicè etiam *Kudiu*/hoc est, vaccinum anethum di-  
*uaccinum* citur, quòd scilicet verum Anethum eius folia refer-  
re videantur.

FORMA.

*Obiectiois*  
*solutio.*

Bupthalmum caulem tenerum emittit, folia fœ-  
niculo similia, flores luteos Antemide maiores, ocu-  
lorum figura, vnde & nomen traxit. Hæ siquidem  
notæ adamussim conueniunt herbæ quam vulgus  
herbariorum Cotulam non foetidam vocant: caules  
siquidem eius teneri, folia fœniculo similia. Nec re-  
moueatur quod à Dioscoride Buphthalmo lutei flo-  
res tribuuntur. Cotulæ autem non foetidæ albi sint:  
ad discū enim mediūmue Dioscorides respexit, quod  
luteum est, non ad ambitum, in quo folia radiata cā-  
dida, vt in Chamæmelo, existūt. Quod dicimus, cō-  
firmant quæ Galenus lib.vj. de simpl. medic. facult.  
in hunc modum scribit: Buphtalmi, inquit, flo-  
res colore Anthemidis floribus similini sunt, sed  
multò maiores. Serapion quoq; florem eius magis  
luteum flore Chamæmeli esse ait. Si itaq; Anthemi-  
dis floribus similini sunt, nec nisi sola magnitudi-  
ne differunt, & Anthemidis propriè dictæ flores in  
medio lutei, & per ambitū candidi existunt, necesse  
est, vt Buphtalmi etiam flores tales sint, vt scilicet  
candida illorū folia, luteum medium cingant.

Quid multa? Buphtalmi flores ab Anthemidis flo-  
ribus non nisi sola magnitudine differunt: grandio-  
res enim Buphtalmi flores quàm Anthemidis cō-  
spiciuntur,

spiciuntur, reliqua facie quā similimi. Quodd igitur ad colorem attinet, in nullo variant. Iam dictis accedit, quod Serapionis interpres sub Cotulæ nomine Buphthalmū delineat. Denique cōgenere in esse planè herbam Buphthalmum cū Anthemide Dioscoridis tractandi ordo abūdè docet, quū constet illum tres herbas sibi admodū similes, Chamæmelū nēpe, Partheniū, & Buphthalmū, vno in loco describere. Vnde iterū planū fit Buphthalmū esse Cotulam nō foetidam, quod scilicet Chamæmelo prorsus similis sit, excepto duntaxat flore, qui in illa maior est.

## LOCVS.

In campis & circa oppida nascitur.

## TEMPVS

Carpitur Iulio Augustoque mensibus, & durat etiam vsque ad Autumnū medium.

## TEMPERAMENTVM.

Flores Buphthalmi acriores sunt Chamæmeli floribus, ob id illis sunt calidiores.

## VIRE. EX DIOSCORIDE.

Buphthalmi flores cū cerato triti, œdemata & durities discutiūt. Ferunt post exitum à balneo potam, regio morbo correptis coloris bonitatem tractu temporis reddere.

## EX GALENO.

Buphthalmi flores Anthemidis floribus vehementius discutiunt, adeò vt & durities ex cerato mixti sanent.

## EX PLINIO.

Buphthalmos cum cera scirtomata discutit.

## DE BELLIDE. CAP. LIII.

*Bellides nobis Margarite & Pasquettes quodd ad pascha ferè flores hi incipient belis maior cōsolida media vulgò.*

## NOMINA.

ELLIS neq; à Dioscoride, neq; à Galeno;

B nec aliis etiā græcis, quod sciā, descripta est, ideoque Græco nomine destituitur. Latinā

itaque duntaxat appellationem habet, & Bellis siue

i Bellius,

# PLANTARVM HISTORIAE.

Bellis siue Bellius, autore Plinio, nominatur.

## GENERA.

Duorum est generum, maioris & minoris discrimine insignis. Minor Bellis est ea quam officinæ Cōsolidam minorē appellant. Hæc iterū duūm est generum. Quadā enim hortensis & domestica est Bellis, hanc Germani *Monatblumle* / *oder rote blumle* [Gallicè *Des marguerites, ou des Pasquettes*] nominant. Altera sylvestris, quam vulgus herbariorū Primulā vocat, quòd scilicet vere inchoante mox erūpat, Germani autem *Maslieble* / & *KleinZeitlosle* [Gallicè *Petit consyre*] nūcupant. Maiorē officinæ nōnullæ Cōsolidā mediā quòd credatur vulnera glutinare, Germani *Gensblum* [Gallicè *De la consyre*] vocant. Nos aliam Cōsolidam mediam infrā describemus.

## FORMA.

**Minor.** Minor hortensis, sylvestri, præter florem qui rubicundus est, per omnia similis est. Cōstant verò flores ij interdum simplici, interdum multiplici foliorum contextu, vt pictura affabrè ostendit. Sylvestris, Plinio lib. xxvj. cap. v. teste, flore constat albo, aliquatenus rubente, quinquagenis ternis, interdum etiam quinquagenis quinis barbulis circinato, folio pingui, in terra iacente, in rotundum oblongo, leuissimè serrato. Neque obstat quòd Plinius lib. xxj. cap. viij Bellio luteum esse florem tradat, quia non ad ambitum, sed ad discum mediūmve floris, quod sanè luteum est, respexit. Hinc est quòd à quibusdā Plinij locus ita legatur: Luteum & Bellio, vt subaudiatur semen. Maior Bellis procerior assurgit, folio non admodum diuerso, altioribus duntaxat crenaturis laciniato, cauliculis tenuibus, surculosis, cubitū altis, flore priori non dissimili, maiore, paucioribus tantū barbulis, & in vniuersum candidis, medium luteum in orbem concinnè cingentibus.

## LOCVS.

Passim in pratis vterque nascitur Bellius. Iam & in hor-

in hortis feritur, sed flore multiplici, barbularum stipatu denfiore.

## T E M P V S.

Minor primo statim vere apparet, & tota ferè æstate durat. Maior autem in Maio mense floret, quo etiam tempore carpi debet.

## T E M P E R A M E N T V M.

Bellius vterq; calidus & siccus est, id quod ex Plinio colligi potest, qui illorum ad discutiendas strumas vsum esse scribit. Acetosus tamè sapor quem in gustu minor præ se fert, aliquam frigiditatis in ea portionem esse monstrat. Quicquid tamen sit, excicare Bellios euidentissimum est.

## V I R E S.

Quotquot hodie viuunt vulnerariam herbã Bellium esse nouerunt, valetque potissimum in capitis fractura admota. Succus etiam herbæ vtiliter vulneratis bibitur. Laudatur etiam herba ad membrorum resolutionem, quam Græci paralyfin vocant: itémq; ad podagras, ischiada, & aduersus strumas.

## D E B R A T H Y. CAP. LIIII.

## N O M I N A.

*ῥάθυς καὶ βάρυθος* Græcis, Sabina vel Sauina Romanis, *Seuenbaum* Germanis [Gallicè *Sauinier*] dicitur. Officinæ nomen vetus retinuerunt.

## G E N E R A.

Duñ est generum Sabina. Vnum quod hic pictum exhibemus: alterum Tamaricis folia habens.

## F O R M A.

Primi generis Sabina foliis Cupresso similis est, spinosior tamen, graui odore, acris & feruēs. Arbor breuis & in latitudinem magis se fundens & explicans. Topiarius itaq; frutex est, immortali coma virens, patulo fastigio, iuniperi similitudine.



# PLANTARVM HISTORIAE

## LOCVS.

Passim in hortis nascitur.

## TEMPVS.

Quouis tempore colligi potest, potissimum autē autumnō, dum semine prægnaus est.

## TEMPERAMENTVM.

Tertij est ordinis excalescentium & desiccatiū, & ex numero eorum quę vel maximē tenuium sunt partium.

## VIRE. EX DIOSCORIDE.

Prioris foliis nōnulli pro suffitu vtūtur. Vtriusq; folia nomas sistunt. Inflammationes illita mitigāt. Cū melle illita nigritias repurgant, itemq; sordes & carbunculos abstergunt. Cum vino pota sanguinē per vrinam ducunt, fœtumq; excutiunt. Idem apposita & suffita præstant. Miscentur vnguentis excalescentibus, priuatim Gleucino.

## EX GALENO.

Sabina ex numero est fortiter exiccantium, idq; secundū tres qualitates quas in gustu præ se fert similiter Cupresso, nisi quod ea acrior est, & vt sic dicā, magis aromatica, seu odorator. Igitur huius quā modō dixi qualitatis est particeps, nepe acrimoniæ consistentis in calido temperamento, præterea amaritudinis & adstrictionis obscurioris quā in Cupresso. Siquidem quāto magis acrimonia superat, tāto etiam potētius digerit. Itaq; glutinare nequit ob siccitatis & caliditatis robur. Nā vtriusq; illi tantū inest, vt etiā tēdat, & inflammationē afferat. At putredinibus similiter Cupresso accommodari potest, maximē iis quæ maligniores fuerint, & diuturniores. Nam hæc citra noxam medicamenti vehementiam perferunt. Quin & quæ atra sunt reddita, & admodum sordida, ea cum melle expurgat. Carbunculos item soluit. Porro ob essentia partiumque tenuitatē mēses quoq; prouocat, vt si quid aliud. Et sanguinē per vrinas mouet. Fœtū etiā viuētē interficit, & mor

tuum

ruū eiicit. Vnguētis inditur, & potissimū Gleucino, & in multas antidotos iniicitur. Quidā verò etiam Cinnamomi vice duplum eius adiiciunt: est enim extenuandi & digerendi facultatis, si pota fuerit.

## E X P L I N I O.

Sabina à multis in suffitus prothure assumitur. In medicamentis vero duplicato pondere eosdem effectus habere quos cinnamomū traditur. Collectiones minuit, & nomas cōpescit. Illita vlcera purgat. Partus emortuos apposita extrahit & suffitu. Illinitur igni sacro & carbūculis. Cū melle & vino pota, regio morbo medetur. Gallinacci generis pituitas fumo eius herbæ sanari tradunt.

## D E B A T O. C A P. L V.

*Rubus rure.*

## N O M I N A.

ῥῶς Græcis, Rubus aut sentes Latinis vocatur. Aliquibus Mora vaticana, corrupta voce, eius fructus dicuntur, cū dicendū esset mora vacinia. Nā in hodiernum vsque diē Græci mora illa à ῥάτω, ῥάτινα καὶ ῥατίνα cognominant. testis Galenus libro sexto, de compos. medica. secundum locos: cap. primo. Vergilius in Bucolicis vnus literæ immutatione vacinia vocauit, inquit: Alba ligustra cadunt, vacinia nigra leguntur. Eclog. ij. A nostræ ætatis medicis barbaris & Herbariis mora bacci appellantur, cum illis dicendum esset mora bati. Theophrasto libro iij. de plantarū historia, cap. xvij. Chamæbatos, quasi dicas humilis rubus, appellatur. Germanicè Bromber [Gallicè Ronce.]

## F O R M A.

Rubum omnes nouerunt, vbique enim vestibis prætereuntium sese affigit, remoramque viatoribus iniicit. Caulem habet minacibus ac pungētibus spinis & aculeis vestitum. Folia incisuris diuisa, nigricantia ab vno latere, altero candentia. Florem initio rubescensem, dein candidum profert, quo abeū-

i iij

te fru-

## PLANTARVM HISTORIAE.

re fructus exit, qui cū maturuerit moro perſimilis fit nigreſcens, auibus gratus, nec hominibus inſuauis cibis. Ineſt illi ſuccus ſanguineus, & veluti cruore atro manus inſiciens.

### LOCVS.

Paſſim in dumis prouenit Rubus, qui protinus quā paulò accreuit, retro vergit in terram, atque ita radicatur, iterumque ex ſe naſcitur.

### TEMPVS.

Diuerſis temporibus folia, flores & fructus Rubi colliguntur. Folia nanque in vere: flores æſtatis initio, Iunio nimirum & Iulio menſibus: fructus autem ubi iam maturuerit per meſſes & extrema æſtate decerpitur.

### TEMPERAMENTVM.

Rubi folia, germina, flores, fructus & radix qualitate adſtringente participant, eaque nō obſcura. Sed hoc inter ſe differūt, quòd folia potiffimum & recē nata plurimum in ſe habeant aqueæ ſubſtantiæ, parum vero adſtringant. Eadem ratione & germina: Eſt itaque eorum tēperies ex terrea frigida eſſentia, & aquea tepida. Fructus autem, ſi quidem maturus fuerit, non parum habet ſucci temperati calidi, qui dulcis eſt. Proinde eam ob rem, & propter modicam adſtrictionem, eſui non inſuauis eſt. At immaturus à frigida terrea ſubſtantia vincitur, ac proinde acerbus eſt, & exiccatorius. Vterque autem ſiccatus recōditur, validius quā recens deſiccans.

### VIRE. EX DIOSCORIDE.

Rubus adſtringit & deſiccāt. Capillos tingit. Ramorum eius decoctum potum aluum fiſtit, & ſceminarū profluuia cohibet. Preſteris morſui vtile. Gingiuas firmat. Oris vlceribus folia cōmāducata medentur. Cohibēt herpetas, & in capite achoras, oculosque procidentes, condylomata & hæmorrhoidas, illita folia ſanāt. Cardiacis & ſtomachi doloribus tri-  
ta &

ra & imposita subueniūt. Succus ex caulibus, foliisq; eius expressus, & in sole coactus, efficacius omnibus iam dictis medetur. Fructus eius optimè maturi succus, ad oris medicamenta cōuenit. Sistit & aluum in media maturitate comestus. Flos quoque eius in vino potus aluum sistit.

## EX GALENO.

Folia & germina Rubi si mandantur, aphthas & alia oris vlcera sanāt. Quin & alia vulnera glutinare valent. Flos eius eandem fructui immaturo facultatem possidet: vtraque ad dysenterias, & vētris profluvia, eiusq; robur deperditum, & sanguinis expuitiones, idonea remedia. Radix præter adstrictionem non paucam in se habet substantiam tenuē, propter quam etiam in renibus lapides comminuit.

## EX PLINIO.

Nec Rubos ad maleficia tantum genuit natura, ideoq; ex eis mora vel hominibus cibos dedit. Vim habent siccandi, adstringendiq; , gingiuis, tonsillis, genitalibus accommodatissimi. Aduersantur serpentiū sceleratissimis, hæmorrhoidi & presteri, flos & mora. Scorpionum vulnera sine collectionū periculo iungunt. Vrinam ciunt. Caules eorū tunduntur teneri, exprimiturq; succus, mox sole cogitur in crassitudinem mellis, singulari remedio contra mala oris, oculorumq; sanguinem excreātes, anginas, vuluas, sedes, cæliacos, potus aut illitus. Oris quidē vitiis etiam folia commanducata profunt, & vlceribus manantibus, aut quibuscunque in capite illinuntur. Cardiacis vel sic per se imponuntur à mamma sinistra Item stomachi doloribus, oculisq; procidentibus. Instillatur succus eorum & auribus. Sanat tōdylomata cum rosaceo cerato. Calculorum ex vino decoctū præsentaneū est remediū. Item per se in cibo sumpti cymæ modo, aut decocti in vino austero, labantes dentes firmant. Aluum sistunt & profluvia

# PLANTARVM HISTORIAE.

sanguinis. Dysentericis profunt. Siccantur in vmbra, vt cinis crematorũ vuam reprimat. Folia quoque arefacta & contusa, iumentorum vlceribus vtilia traduntur. Mora quæ in iis nascitur, vel efficaciorẽ stomaticen præbuere quàm satiuamorus. Eadẽque cõpositione, vel cũ hypocisthide tantũ & melle bibuntur in cholera, & à cardiacis, & contra araneos. Inter medicamenta quę styptica vocāt, nihil efficacius Rubi mora ferentis radice decocta in vino ad tertias partes, vt colluantur eo oris vlcerata, & sedis foueantur, tantaque vis est vt spongiæ lapidescant.

## DE BALLOTE. CAP. LVI.

*Ballote marrubium foetidum.*

### NOMINA.

*Marrubiũ  
nigrũ cur  
dictum.*

**B** αλλωτὴ, ἢ μέλας πρᾶσιον Græcis, ballote Latinis, Officinis Marrubiũ nigrum, aut Marrubiastrum, aut Prassium foetidum dicitur.

Germanis *schuuariz* Andorn/oder Andorn Vucible [Gallicè *Dumarrubin noir.*] Marrubium à similitudine foliorum, nigrum à caulis colore, qui niger est Marrubij respectu, dicta Ballote est.

### FORMA.

Caules ex se mittit Ballote quadrangulos, nigricantes, subhirsutas, ab vna radice complures. Folia Marrubio similia, maiora tamen, subrotunda, pilosa, per interualla in caule disposita, Apiastro similia, graueolentia, vnde aliqui Apiastrum eam vocarunt. Flores in rotæ speciem caules circumiacent. Theophrastus etiam lib. vj. cap. ij. de historia plantarum, Ballotẽ folio herbido, ferrationi, incisurisq; profundioribus & conspectioribus discreto cõstare scribit. Vnde liquidò cõstat hãc quã pictam damus esse verã Balloten, quòd illa sit herba fruticosa, quadrangulis caulibus assurgens, nigris, hirsutis ferè, folio Marrubij, sed maiore, piloso, cingente per intercapidines

pedines caulem, odore graui, orbiculato florum purpureorū ambitu, qui scapos verticillatim obducunt.

## LOCVS.

Nascitur propter vias, domos, sepes, cœmiteria, & aliis vmbrosis in locis.

## TEMPVS.

Floret in fine Iunij mensis, & initio Iulij, quo sanè tempore carpi commodè potest.

## TEMPERAMENTVM.

Amara & acris est, ideoque calefacit in secundo ordine iam cōpleto, aut tertio remisso: desiccatur autem in tertio.

## VIRE. EX DIOSCORIDE.

Huius folia cum sale illita, canis morfibus medentur. Feruenti cinere flaccescencia, condylomata reprimunt, sordidaque vlcera cum melle purgant.

## EX PAVLO.

Ballote, quod alij Marrubium nigrum dicunt, acris est & abstersorie facultatis. Illitum cum sale canis morfibus medetur.

## EX PLINIO.

Vis eius efficax aduersus canis morsus, ex sale foliis tritis imposita. Item ad condylomata, coctis cinere, in folio oleris. Purgat & sordida vlcera cum melle.

## DE BATRACHIO.

## CAP. LVII.

*Ranunculi omnia hæc genera Gallicis sunt frequentissima in vineis, syluis, paludosis locis.*

## NOMINA.

ατράχιον Græcis, Batrachium & Ranunculus Latinis dicitur. Apuleius Sceleratam nominat. Vulgus medicorum perperam Pedé corui vocat. Sunt etiam qui Flammulam, ab vrendi facultate, appellant. Germani *Hanenfusz*. Batrachio autem siue Ranunculus dicta est haud dubiè, quod limitibus humidis opacisque marginibus ranarum

*Scelerata.*

*Flammula.*

*Ranunculus unde*

*dictus.*

more

more lætetur: aut quòd aquis vbi ranæ degunt potissimum, gaudeat, aut quia inter eius frutices ranæ frequenter inueniatur. Agreste vero Apiū seu Apiastrū, quòd foliis apiū æmuletur. Scelerata, eo quòd comesta noxia sit: vel, quòd magis arridet, quia validi sceleratique mendicantes sibi crura & lacertos hac ipsa dilaniant, quòd possint impudentius stipem extorquere, atq; hac impostura pecuniolā aucupari.

GENERA.

Plura sunt Ranunculi genera, Dioscorides verò & Galenus quatuor potissimum esse tradunt. Primum duplex est: huius enim generis Ranunculus quidam sylvestris est: & hic iterum duabus discriminatur differentiis. Vnus enim luteos flores profert, & Germanis *Vucisser Hanenfusz* dicitur. Alter verò purpureos, qui mihi, quòd sciam, nondum visus est. Quidam autem hortensis, qui nisi cultura accedat prouenire haud solet. Hic itidem duplex est. Vnus qui simplici florum textura constat, Germanicè *Vngesfalter garten hanenfusz*. Alter multiplicem foliorū in floribus compagem obtinet, ideoque Germanis *gesfalter garten hanenfusz* dictus est. Alterum quod à foliorum similitudine quā cum Apij foliis obtinet, à nonnullis *στεινον ἄγριον*, id est, Apiū sylvestre, vel Apiū risus cognominat, Germani *Vuasserhanenfusz* vocant. Tertium genus exiguum est, ob id etiā Germanis *Kleiner Hanenfusz* nominatur. Quartum etiam minimum, germanicè *Vualdhenle* appositissima voce appellatur: est enim inter reliquas herbas quę germanicè Pedes galli vocantur, & minima, & non nisi in sylvis vt plurimum prouenit, adeoque composita voce rectissimè *Vualdhenle* nominatur, quasi dicas minima inter pedes Galli, & in sylvis prognata. Estque duūm generum: vnum quidem lacteo flore, alterum luteo, vt pictura docet. Primum autem quod lacteo flore ornatur, est id quod à Discoride pingitur, germanicè vocatur *Vucisz Vualdhenle*. Alterum,

rerum, das gelb Vualdhenle.

## FORMA.

Primum Ranunculi genus folia Coriandro similia habet, latiora, vel vt Plinius ait, ad maluæ latitudinem accedentia, subalbida & pingua. Florem luteum, interdum purpureum. Caulem non crassum, cubitali altitudine. Radicem paruam, albam, amarā, ad nascentias Ellebori modo habentem. Cæterum effecit cultura, vt qui in limitibus simplici foliorum compage flores oriantur, gemino quodam densoque ac multiplici foliorū stipatu nunc in hortis collucescant, quemadmodum pictura affabrè mōstrat. Alterum genus lanuginosius, vel vt Plinius inquit foliosius, altiore caule, pluribus foliorum incisuris, copiosissimum in Sardinia, acerrimumque, quod iam Apium syluestre nominant. Tertium genus valde paruum, graui odore, flore qui auri speciem refert. Quartum huic simile, flore autē lacteo aut luteo, radice longiore, & modo quodam nodosa, gustu acri.

Primum  
genus.

Alterum.

Tertium.

Quartum.

## LOCVS.

Primum genus Ranunculi syluestris lutei sine cultura circa fluëta, & in limitibus pratisque humidis & vliginosis prouenit. Hortensis verò adhibita cultura in hortis nascitur. Alterū genus secus aquas & fontes gignitur, & apud Sardos copiosissimum. Ea si comedatur, vescientibus neruos cōtrahit, rictuque ora diducit, vt qui mortem oppetunt, velut ridentium facie intereant. Ob id Sardonicus risus in prouerbiū cessit. Et si autem nostra non perinde efficax sit atque ea quæ in Sardinia nascitur, tamen hanc vehementissima etiam erodendi facultate esse præditam, gustus ostendit. Tertium genus in pratis & campestribus passim prouenit. Quartum, vt Germanicum nomen palàm demonstrat, syluis familiare est. Luteū vero in valle supra & infra Bebébusum monasteriū iuxta aquas copiosissimè nascit.

Sardonicus  
risus.

TEM-



# PLANTARVM HISTORIAE.

## TEMPVS.

Primum genus hortensis Ranunculi lutei, statim inter initia Aprilis floret: Maio autem mense disperit, & nusquam subinde conspicitur. Secundum & tertium genus itidem tota æstate inueniri possunt. Quartum in vere, Aprili nimirum mēse, tantum apparet, quo sanè tempore hoc ipso syluæ, luci & nemora scatent, floribusq; eius candicant.

## TEMPERAMENTVM.

Omnium tum radix, tum vniuersa herba vehementer calida & sicca est. Primi tamen generis syluestris lutei, non perinde ac reliquorum acris admodum est facultas.

## VIRES. EX DIOSCORIDE.

Omnium folia & caules teneri si illinantur, exulcerandi, & crustas cum dolore creandi vim habent. Proinde scabros vngues & scabiem tollunt, & stigmata delent, myrmecias, acrochordonas & alopecias modico tempore illitu sanant. Tepido eorundem decocto perniones fouentur. Radix sicca triâque, sternutamenta naribus admota ciet. Dentiû dolores adhibita lenit, eos tamen conterit.

## EX GALENO.

Quatuor habet speciatim Ranunculus differentias. Omnes verò vehementer acrem facultatē possident, adeò vt cū dolore exulcerent. Hac itaque ratione si moderatè vtare, psoras & lepras excoriant, & vngues leprosos diuellunt, ac stigmata discutiunt, & acrochordonas & myrmecias detrahunt. Quin & alopecias iuuant paucò tempore admota. Nam si diutius inhæreant, non excoriatur solum cutis, sed & in crustam vritur. Atque igitur hæc omnia caulis & foliorum sunt opera, si illinantur viridia. Porro radix arefacta sternutatorium est medicamentum similiter aliis quæ valenter desiccant. Sed & dentiû dolores iuuat, vt & eos, vehementer scilicet exiccando,

cando, frangat.

## EX PLINIO.

Omnibus vis caustica, si cruda folia imponantur, pustulasq; ut ignis faciunt. Ideo ad lepras & psoras utuntur, & ad tollenda stigmata, causticisq; omnibus miscent. Alopecii imponunt, celeriter remouentes. Radix in dolore commaducata diutius, rumpit dentes. Eadem sicca concisa, sternutamentum facit. Nostri herbarij strumeam vocant, quoniam medetur strumis, & panis, parte in fumo suspensa.

## DE BRYO. CAP. LVIII.

## NOMINA.

*λύγος* Græcis recentioribus, Lupus salictarius Latinis, Lupulus officinis, vulgò Humulus vocatur. Aliquot Italię rura, ad Græcam appellationem alludentes, Brusculam, quasi Bryon scanfile nominant. Germani *Hopffen*, [Gallicè *Du houblon*.] Græci autem Bryon à Bryoniæ similitudine haud dubiè nominarunt. Lupus verò salictarius, quia subit scanditque salices, & arbuta omnia circūuoluendo se circūplectitur, appellatus est. Hinc quoq; Lupus reptitius nonnullis nominatur.

*Lupulus.*  
*Humulus.*

*Bryon.*

*Lupus salictarius.*

*Lupus reptitius.*

## FORMA.

Caules habet aculeatos, longissimosque. Folia vitis albæ, hispida, & nigriora. Flores cinereos seu cædicates, ac multis exilibus folliculis squamatim compactiles. Radicem subnigram, longam.

## LOCVS.

Passim & copiosè in Germania nostra iuxta vepres & salicta prouenit, ex eaque ceruisiam potum, quo vini vice utuntur, Germani conficiunt. Ideoq; in hunc usum in hortis plantatur.

## TEMPVS.

Augusto mense floret & Septembri.

## TEMPERAMENTVM.

Sunt qui refrigerare Lupulum dicant, alij temperamento medium esse putant. At vtrique, mea quidem

# PLANTARVM HISTORIAE.

dem sententia, falluntur: flores enim quorum potissimum vsus est, calidos & siccos esse, odoris & grauitas, & immodica amaritudo testatur. Antiquus etiā herbarius calidum & siccum in secundo ordine esse tradit. Denique constat radices quoque eius calidas esse.

## VIRE. EX RECENTIORIBVS.

Bilem vtranque detrahit. Abscessus discutit. Puitam in aqua inter cutem per aluum ducit. Succus eius crudus haustus ventrem magis subducit, minus verò obstructions aufert. Coctus verò magis ab obstructions liberat, minusque ventrem subducit. Auribus instillatus eas à putredine vindicat, & à foetore liberat. Radices obstructions tollunt, lienis potissimum & iecoris.

## DE VERONICA. CAP. LIX.

*Veronica utraque hic usi rarissima.*

### NOMINA.

*Veronica* V Eteribus Græcis & Latinis cognita fuerit nec ne hæc herba, nondum constat, Vulfus autem herbariorum hodie Veronicā, Germani Erenbreisz oder Grundheyl, ob mirificam sanandi vlcera & vulnera facultatem, nominant.

### GENERA.

Duū est generum Veronica: vna mas, altera verò foemina. Discrimina earum ex descriptionibus patebunt.

### FORMA.

Veronica mas herba est per terram serpens, cauliculo dodrantali & nonnunquam etiam longiore, rubesciente & lanuginoso, foliis oblongis, nigris, hirsutis & ferratis, floribus in cacumine purpureis, semen in vasculis loculi speciem habentibus, radice tenui. Foemina itidē per terrā serpit caule lanuginoso, foliis rotundis instar herbæ quæ Centūmorbiā & Nūmularia hodie vocatur, minimē ī ambitu incis, paulò q̄ maris viridioribus, floribus in luteo purpureis, semine in vasculis rotundis, radice, vt mas, tenui.

L O.

## LOCVS.

Nascitur incultis & syluestribus locis.

## TEMPVS.

Iunio mense floribus & semine abundat.

## TEMPERAMENTVM.

Amaritudinem quandam & vehementem adstrictionem in gustu præ se fert, vt hinc calidam & siccam esse conicere liceat.

## VIRE S.

Mirificè ad cruenta ac vetera vulnera & vlcera sananda confert. Scabiei denique & omnibus cutis vitis medetur. Ferunt quondam huius herbæ adiuu-  
to Regem Galliæ elephantia morbo correptum, à quodam venatore sanatum esse, cum is ceruum à lupo vulneratum eius herbæ comestione, & assidua in illa volutatione, curasse seipsum animaduertisset. Tumores etiam, in quacunque corporis parte fuerint, potissimum autem in ceruice, discutere potest. Recentiores huius vsum vnicè commendant in febribus pestilentialibus, iecoris & lienis obstructionibus, potissimum vero pulmonis exulcerationibus.

## DE BVLBO SYLVESTR I. CAP. LX.

*Bulbus sylvestris hinc uidetur esse quod leucoium Theophrasto pingitur & nobis iam in hortis frequentius ad nactalem Christianum floret.*

## NOMINA.

**O L B O Z** ἄγριος Græcis, Bulbus sylvestris Latinis. Sunt quibus **Cepa** sylvestris appellatur. Germanicè *Feld, Vuild oder acker Luuibel.* [Gallicè *Vng porriõ.*] Bulbos autè nominant radices suis membranis tunicatas, siue pluribus capitulis coagmentetur, vno folliculo omnes ambiente, siue quadantenus distinctæ separentur.

## FORMA.

Herba est caule dodratali, cauo, foliis porraceis, floribus lilij sinuatim emicantibus, speciosis, sex foliis è calathio stellatim radiatis, ex viridi in luteum

*Cepa syl-  
uestris.*

*Bulbi.*

## PLANTARVM HISTORIAE.

tendentibus, capillo intus croceo, capitulo floribus  
decidentibus triangulari, seminibus pleno, radice  
bulbosa ceu Allium, citra odorem glutinosa.

### LOCVS.

In locis vmbrosis, circáque margines quorundam  
pratorum copiose prouenit. Quare in vallibus non  
procul à Tubinga iuxta monasterium Bebenhu-  
senſe ſitis, & radice montis Austriaci ad pratum te-  
nue vocatum, Bulbus plurimus nascitur.

### TEMPVS.

Per initia veris, Martio & Aprili mensibus erum-  
pit, ac statim subinde euaneſcit. Semen non tantum  
in caulibus, verumetiam iuxta radicem profert.

### TEMPERAMENTVM.

Amara austeráque qualitate præditos inueniet,  
non hunc, sed & alios bulbos, qui gustum exactè cõ-  
suluerit. Proinde hos abstergere simul & glutinare,  
& nimirum etiam exiccare posse, nemini non no-  
tum est.

### VIRES. EX DIOSCORIDE.

Omnes bulbi acres sunt & calefaciunt, venerem-  
que stimulant. Linguâ & tonsillas exasperant. Mul-  
tum nutriunt. Carnes procreant, flatusque faciunt.  
Ad luxata, collisa, furculos, articulorumque dolores  
illiti conducunt. Grangrænis & podagris cum mel-  
le, & per se, hydropicorumque tumoribus & canum  
morsibus prosunt. Cum melle pariter, & pipere tri-  
to illiti, sudores cohibent, & stomachi dolores sedât.  
Furfures & achoras cum nitro tosto exterunt. Sugil-  
lata & varos per se, aut oui luteo purgant, & lenti-  
gines cum melle aut aceto. Fractis auribus cum po-  
lenta, & contusis vnguibus prosunt. Ficos in calidis  
cineribus tosti, & cum mænarum capitibus crema-  
tis appositi, tollunt. Cõbusti verò & Alcyonio per-  
missi vitia cutis in facie, & nigras cicatrices in sole  
illiti emendant. Cum aceto elixi & in cibo sumpti  
adrupta faciunt. Cauere verò eorum in cibo copiâ  
oportet

oportet, quoniam neruofas partes tentant.

## EX GALENO.

Bulbi amaram austeramq; vim manifestam obtinent, quamobrem elanguescens stomachi aliquatenus auiditatem excitant. At verò neq; iis inutiles sunt, quibus è thorace & pulmone pus expuendum erit, quanquam crassiore ac glutinosiore sit corporis substantia: etenim amaritudo crassitudini aduersatur, lenta crassaq; nata incidere. Quapropter bis elixi vberius quidem alūt, sed excreare volētibus reluctabuntur, vtpote omni amaritudine exuti. Tū verò ex aceto, oleo garioq; mistis, esitare satius fuerit: nam ita magis oblectabunt ac nutrient, minusq; inflabunt, & facilius concoquentur. Quidā horū cibo abundè & immodicè vfi, planè seminis auctā copiā, inque venerem se esse promptiores senserunt. Hos quoque homines variè apparant. Non enim solū aqua elixos, verumetiam patinas ex ipsis variè conditas instruunt. Alij quidē in sartagine frigunt, multi in craticula assant. Verū hi multā coctionē haud sustinent, admodum pauca cōtenti. Sunt qui nihil prorsus præcoquant: delectat nāque eos amaritudo ipsa ac austeritas integra, quippe qui amplius ab ea ad cibum alliciantur: quanquam ad huiusmodi illecebram duo aut tres plus satis facient. Si verò liberalius sic apparati sumantur, præsertim vbi, vt mos est, crudiores ingeruntur, amplius cruditatem generabunt. Quidam etiam non probè cocti, inflationes & tormina pariunt. Qui ad hūc modū esitantur, alimentum minimè boni succi procreant. At plurimū decoctorum, aut bis etiam, succus crassior quidem ille erit, cætera verò melior ac alibilior reddetur.

## EX PLINIO.

Bulbi ex aceto & sulphure vulneribus in facie medentur, per se verò triti neruorum contractionem, & ex vino porrigines. Succū cum melle canū moribus. Erasistrato placet cū pice. Sanguinem idem eos  
k sistere

## PLANTARVM HISTORIAE.

sistere tradit illitos cū melle . Alij si è naribus fluat,  
 Coriandrū & farinam adiiciunt . Theodorus & li-  
 chenas ex aceto bulbis curat, & erumpentia in capi-  
 te cum vino austero aut ouo . Et bulbos epiphoris  
 idem illinit, & sic lippitudini medetur. Aequè vitia  
 quæ sunt in facie, eorum rubentes maximè in sole il-  
 litis, cum melle & nitro emendant . Létiginem cum  
 vino, aut cum cumino coctis. Vulneribus quoq; mi-  
 rè profunt per se, aut, vt Damion, ex mulso, si quin-  
 to die soluantur. Iisdem & auriculas fractas curat, &  
 testium pituitas. In articulorum doloribus miscent  
 farinam. In vino cocti illiti ventri, duritiem præcor-  
 diorum emolliunt. Dysentericis in vino ex aqua cœ-  
 lesti temperato dantur. Ad conuulsa intus cum Sil-  
 phio pilulis fabæ magnitudine. Ad sudorē tusi illi-  
 nuntur. Neruis vtilis. Ideo & paralyticis dātur iu-  
 xtā in pedibus. Qui sunt ruffi ex his, citissimè sanāt  
 cum melle & sale. Venerem stimulant. Syluestres in-  
 teraneorū plagas & vitia cū Silphio pilulis deuora-  
 tis sedāt. Et satiuorū semen cōtra phalangia bibitur  
 in vino. Ipsi ex aceto illinūtur cōtra serpētiū ictus.  
 Semen antiqui bibēdū insaniē tibus dabāt. Flos bul-  
 borum tritus erurū maculas varietatēsq; igne factas  
 emēdat. Elixos assis minus vtilis adiciūt esse, & dif-  
 ficilè concoqui ex vi vniuscuiusque naturæ.

### A P P E N D I X.

Hic quem piētū damus Bulbus, facultatē emolliē-  
 di & discutiendi duos tumores habet. Humidis de-  
 nique & depascentibus vlceribus tostus calido cine-  
 re, & cum inelle tritus atque admotus prodest.

### DE VICIO. CAP. LXI.

#### N O M I N A.

Officinas  
 rē error.

B *ῥυϊον* Græcè, Vicia Latinè nominatur. Of-  
 ficinæ nō sine maximo errore ea pro Oro-  
 bo vtuntur. Germani alludentes ad Græ-  
 cam appellationem, *Vuicken* simpliciter, vel cū adie-  
 ctione *zam Vuicken* [Gallicè *De la uesce*] vocāt. Vi-  
 cia au-

cia autē, vt Varroni placet, dicta est à vinciēdō, quōd item vt vitis capreolos habeat, quibus fursūm ver-  
sus serpit. *Vicia uno  
de dicta.*

## FORMA.

Cubitali altitudine surgit, folijs Aphaces, angustioribus tamen, flore Pisi, minutis nigricantibusq; in filiquis seminibus, quorum quidem figura nō rotunda est, sed, similiter lenti, latiuscula.

## LOCVS.

Sicca loca maximē amat, inter autem segetes copiosē prouenit.

## TEMPVS.

Iunio mense floribus & semiue pragnans est.

## TEMPERAMENTVM.

Medium tenet caliditatis & siccitatis, validius tamen siccit, in secundo nimirum ordine.

## VIRE. EX GALENO.

Semina hæc non solū insuauia, sed cōcoctu etiā difficilia, & aluum retinētia. Perspicuū ergo est, quū huiusmodi naturam obtineant, alimoniam quoque quæ ex ipsis in corpus permanat, improbi crassique succi esse, idoneam ad humoris melancholici generationem.

## DE BLITO. CAP. LXII.

*Blitum iam in hortis frequens, uiride, album, frequentius rubrum.*

## NOMINA.

λίττον Græcis, Blitū siue Blitus Latinis voca-

**B** tur. Officinæ hæc herbā cū Beta cōfundūt nō sine magno errore. Germanis Maier [Gallicè

*De la blite, ou espinars*] dicitur. Blitū nomē inde traxit quod iners & fatuum olus esset, sine sapore aut acrimonia vlla. Nam βλίττος stolidos & ignauos Græci dixerūt. Sic hodie græca imitatione socordes, & nullius momenti homines, bliteos appellamus. Ita Plautus in Truculento bliteam meretricem nominauit.

*Officinariū  
error.*

*Blitū unde  
dictum.*

*βλίττοι.*



PLANTARVM HISTORIAE  
FORMA.

Blitum nō pingitur à Dioscoride, sed ab Hermo-  
lao Barbaro, homine non minus docto quàm diligē-  
te, in suo Corollario iis verbis describitur: Blitum e-  
rumpit ocyssimè, foliis betaceis, sine acrimonia fa-  
tuis & insipidis, semine vt Beta corticeo, copioso, ra-  
cemoso, vt Atriplex. radice non vna, non in rectum  
tendente, sed multiplici, obliqua, & proluxa. Ex qui-  
bus vtique verbis omnibus perspicuum fit, herbam  
quam depictam damus esse Blitum. Hæc siquidem  
ocyssimè erumpit, atque in altum tollitur, foliaque  
Betacea prorsus habet. Insipida denique & sine acri-  
monia. Semen eius vt Betæ corticeū, copiosum, ra-  
cematim singulis ramis insidens. Radice non vna ni-  
titur, sed multiplici ac longa, non in rectū, sed obli-  
quum tendente. Rectiorem tamen & magis descri-  
ptioni respōdentē si quispiā protulerit, nō grauabi-  
mur nostram mutare sententiam, vt qui probè per-  
spectū habeamus in iis herbis quæ à Dioscoride nō  
descriptæ sunt, faciliè aliquem in tanta rerū penē  
omnium caligine aberrare posse.

LOCVS.

Et si sponte sua interdum herba hæc proueniat, ta-  
men vt de Blito etiā tradunt, si culto solo semel nata  
fuerit, ipsa se per multa secula seminis deiectione re-  
parat, vt etiā si velis vix possit aboleri, sic semel nata  
pluribus annis restitibili fertilitate prouenit.

TEMPVS.

Floret æstate & autumnō, seminèq; prægnās est.

TEMPERAMENTVM.

Blitum frigidum & humidum in secundo ordine.

VIRES. EX DIOSCORIDE.

Blitū oleris vice in cibū venit. Aluo vtile est, nul-  
lam tamen medicamentosam vim obtinet.

EX GALENO.

Aquosum est olus, ac vt quis nō absurdè dixerit,  
qualitatis expers, & insipidum: quapropter non ex  
solo

solo oleo garoq., sed addito aceto sæpius meliusque assumitur. Nōnihil etiam ad leuigandā aluum momenti affert, verū id ipsum perquam exiguum est, quoniā nulla ipsis aeris nitrosæ adest qualitas, quæ aluum ad excretionem irritare possit. Liquet etiam quod minima ab ipso alimonia in corpus dimanet.

## EX PLINIO.

Blitum iners videtur ac sine sapore aut acrimonia vlla. Vnde cōuiciū fœminis apud Menandrū faciūt mariti. Stomacho inutile est. Ventrē adeò turbat, vt choleram faciat aliquibus. Dicitur tamen aduersus scorpiones potum è vino prodesse, & clauis pedū ilini. Item lieni & temporum dolori ex oleo. Hippocrates menstrua sisti eo cibo putat.

## DE BVNIADÉ. CAP. LXIII.

*Napus buniadis satius nobis Nauet, & eius semē Nauette.*

## NOMINA.

*βυνιάς* Græcis, Romanis Napus, Germanis **B** *Steckrub* [Gallicè *Nauet*, eu *Naueau*] appellatur. Buniadis autē appellationem à tumēte figura quam præ se fert, Græci deduxerunt. Nāque radix Napi buniadis in amplitudinē excrescit, & in rotundum extuberat. Cliuos siquidem, colles, verrucosaq; loca *βυβύς* nominant.

*Napus.*

*Buniadis  
quare di-  
ctus.*

*βυβύς.*

## GENERA.

Napi buniadis, quæ Galenus & alij veteres in Raporum sensum reponunt, duo sunt genera. Vnum satium, quod forma proximè ad Brassicā tertiæ speciei accedit, radicemq; oblōgiore obtinet. Germani huius generis Napos, *Trucken steckruben* nominant: Alterum syluestre, quod foliis suis Erucæ non dissimile est, radice ampliore, & rotundiore. Germanicè *Nasz steckruben* appellantur eius generis Napi.

*Napus Eu-  
nias satis  
uus.*

*Sylvestris*

## FORMA.

Folia habet Rapi, leuiora, Erucæ modo laciniata, caulem cubitalem, interdum altiore, rotundum, flores luteos, Brassicæ proximos, semen in siliquis,

k iij radicem

# PLANTARVM HISTORIAE.

radicem oblongam.

## LOCVS.

Bunias gaudet frigidis locis.

## TEMPERAMENTVM.

Cum easdem quas Rapū vires habeat Bunias, necesse est idem etiam vt obtineat temperamētum. Est itaque Napus bunias in secundo ordine calidus, & in primo humidus.

## VIREs. EX DIOSCORIDE.

Radix Buniadis elixa, flatus creat, minus tamen quā Rapum nutrit. Semen eius potum letalia venena inefficacia reddit. Miscetur antidotis. Radix etiam eius sale conditur.

## EX GALENO.

Easdem quas Rapa vires obtinent. Vide itaque caput de Rapis.

## DE BOTRY. CAP. LXIIII.

Botrys herba hic frequens. diuersa à frutice quē Piment vocamus. Blattaria & uua crispa nobis ignotæ.

## NOMINA.

ὄρυς Græcis, Botrys Latinis appellatur.

**B** Officinis & vulgaribus herbariis incognita. Germanis haud ineptè *Traubenkraut*

[Gallicè *Du Pymēt*] nominabitur. Botrys verò dicta est à semine, quòd racematim ramulis adnascitur.

Botrys un  
de dicta.

## FORMA.

Herba tota est lutea, fruticosa, sparsa, multaq; alarum caua habens. Semen totis ramulis adnascitur. Folia Cichorio similia obtinet, totaq; valde odorata est, ideoq; vestibis apponitur. Ex qua quidē descriptione omnibus manifestū fit, herbam cuius picturam exhibemus esse legitimam Botryn: vniuersa enim herba ad luteum colorem vergit, fruticosa est, & multis stolonibus fusa, foliis Cichorij, odoratis, semine circa ramulos totos in racemos collecto nascente. Quid multa? nulla est prorsus nota, quæ illi non appolitissimè quadret.

## LOCVS.

## LOCVS.

Nascitur circa profluentes aquas & torrentes. In Germania tamen, quod equidem sciam, non nisi facta prouenit.

## TEMPVS

Augusto & Septēbri ad maturitatē maximē peruenit: quibus etiā mensibus, vt Ruellius annotauit, venalis herba per Parisiensem urbē defertur. Odoris enim gratia Galli vestimentis, pānis, & linteis curiose interponunt. Apud Germanos tamen eius herba nulla est gratia, q̃ illis hactenus ignota fuerit.

## TEMPERAMENTVM.

Calidā & siccā esse Botryn amaritudo eius quæ gustui occurrit, facilē monstrat. Item vis eius incidēdi, quæ illi propter calorem, tenuitatemque inest.

## VIRE. EX DIOSCORIDE.

In vino pota orthopnoeas lenit.

## EX PAULO.

Planta est admodū odorata, quæ cum vino pota non nisi recta ceruice spirantibus auxiliatur.

## EX PLINIO.

Medetur orthopnoicis.

DE BARBACAPRI. CAP. LXV.  
NOMINA.

VO nomine veteribus Græcis & Latinis hæc herba vocata sit, nobis nondū cōper- *Hæc herba non est*  
tum est. Neq; enim Pycnocomō est, quod *Pycnocomō*  
à descriptione illius prorsus abhorreat. Quare Bar- *mon.*  
bam caprinam interea donec certius nomen nacti *Barba capri*  
fuerimus, nuncupabimus, à florum nimirum figura, *cur dis*  
quæ caprinam barbam referre videtur. Germanicè *sta.*  
*Vuald geiszbart*/vt eam segregaremus ab altera eius-  
dem nominis, quæ non in syluis, vt hæc ipsa, nasci-  
tur, sed in pratis & senticetis, appellare nobis pla-  
cuit.

## FORMA.

Caulem habet tricubitalē, angulosum, folia Ca-  
k iiij stanæ

## PLANTARVM HISTORIAE.

staneæ aut Corylo similia, in ambitu serrata, flores candidos, exiguos, racematim compactos, instar barbæ canæ dependentes, radicem nigram, lignosam, intus candidam. Flores eius in iulos abeunt.

### LOCVS.

Prouenit in obscuris syluis, & vallibus nonnunquam minus apricis.

### TEMPVS.

Floret Iunio mense, ac subinde semen profert.

### TEMPERAMENTVM.

Calidam & siccam esse hanc herbam facile ex gustuprehenditur: miram enim amaritudinem, in radice potissimum, gustata exhibet.

### VIRES.

Abstergit haud dubie expurgatq;, & quæ in venis est crassitiem incidit. Quamobrem menses ducit, educendôq;, ex thorace & pulmone, puri auxiliatur. Et in summa, siue crassa in eis pituita, siue pus, siue aliud quippiam continetur eiusmodi, expurgat. Hac utiq; ratioe & morbo comitiali cõpetit. Extrinsecus illita & imposita, tumores ex pituita ortos discutit.

### DE BLATTARIA. CAP. LXVI. NOMINA.

VM Græcis authoribus cognita hæc herba

N fuerit, nondum compertum habeo. Plinius certè libro xxij. cap. ix. Blattariam nomi-

*Flattaria unde dicta* minat. Inuenit autem nomen hoc Latinum, à colligendis in se blattis. Ideôq; cõuenientissimo nomine Germanis appellabitur *Schabenkraut* [Gallicè *Herbe uermineuse semblable à Boillon blanc.*]

### FORMA.

cc Plinius loco iam citato Blattariam sic pingit: Blattaria est similis Verbasco herba, quæ sæpe fallit pro ea capta foliis minus cãdidis, cauliculis pluribus, flore luteo. Ex qua pictura satis cõstat, herbam cuius picturam damus esse Blattariam: sic enim Verbascum mentitur, ut pro eo sæpius ab imperitis decerpatur.

Et sunt

Et sunt non pauci herbarij, qui hac similitudine decepti, eam inter Verbasci genera connumerent. Folia tamen, quæ minimè sunt hirsuta & candida, sed potius viridia, faciliè ab hoc errore paulò attentiores reuocare possunt. Plures denique cauliculos habet, flores item luteos, ad Verbasci flores proximè accedentes. Follicullos quoque lini instar, in quibus semen continetur.

## LOCVS.

Nascitur iuxta aquas, & fluminum ripas.

## TEMPVS.

Floret Iunio & Iulio mensibus.

## TEMPERAMENTVM.

Vehemens amaritudo eius satis docet esse calidam & siccam.

## VIRES.

## EX PLINIO.

Hæc abiecta blattas in se contrahit, ideoque Romanæ Blattariam vocant.

## APPENDIX.

Non plura de huius herbæ facultatib. apud probatos autores inuenio, sed haud dubiè si quis ea uti voluerit, eadem quæ alia amara, in corpore nostro efficere potest. Quæ qualia sint, ex capite præcedente faciliè intelliges.

## DE BROMO. CAP. LXVII.

## NOMINA.

*ῥῶμος* Græcè, Avena Latinis ac Officinis, Germanis *Habern* [ Gallicè *Auoyné* ] dicitur.

## FORMA.

Foliis & culmo Tritico similis, geniculis intersecto. In summo verò fructum habet veluti locustas duplici crure diuaticatas, in quo semen includitur. Radicem copiosam.

## LOCVS.

Passim in Germaniæ agris nascitur, ac iumentorum potius quàm hominum pabulum existit.

## TEM.

# PLANTARVM HISTORIAE.

## TEMPVS.

Seritur Martio mense, metitur autem Augusto.

## TEMPERAMENTVM.

Auena vt medicamentū refrigerat, Galeno autore: vt alimentum verò, eodem teste, calefacit sufficenter. Vtroque verò modo exiccat.

## VIRES. EX DIOSCORIDE.

Semen eius haud secus quàm hordeum ad cataplasmata vtile. Plus etiam ex ea fit cohibendæ aluo accommodata. Succus eius in forbitione acceptus, tussientibus prodest.

## EX GALENO.

Auena vt medicamentum similē hordeo vim obtinet. Nam illitum desiccet, & digerit mediocriter, & sine morfu. Nō nihil etiam adstrictionis obtinet, vt ventris profluvia iuuet,

## EX PLINIO.

Semen vtile ad cataplasmata atque hordeum & similia. Prodest tussientibus succus. Auenæ farina in aceto tollit næuos.

## DE VVA CRISPA. CAP. LXVIII. NOMINA.

ETERIBVS ne Græcis & Latinis frut-

Vtex ille cognitus fuerit, me ignorare adhuc ingenuè fateor. Quare cū nomē aliud quo hunc appellaremus in promptu non esset, vulgare & qua omnes hodie herbarij vtuntur nomenclaturam vsurpare voluimus. Vuam autem crispam fruticem hunc dixerunt ab intortis fereque in circulū versis (crispa alij vocant) foliis, & acinis quos producit. Quo etiam respicientes Germani nostri, *Kruszbeer*, oder *Kruselbeer* vocāt. Latinius fortē vva intorta nuncuparetur.

## FORMA.

Frutex est ramulis multis, aculeatus, rectoque spinarum mucrone horridus, foliis intortis ac circinatæ rotunditatis, Apij modo dissectis, flore ex herbido

*Vua crispā cur di-  
cā.*

bido purpurascēte, acinis candicantibus . & splēdescentibus, primum acerbis, à maturitate dulcibus.

Ex iis abundè constare putamus, fruticem hunc cuius picturam exhibemus, non esse priinam, vt nonnulli arbitrantur, Rhamni speciem. Nam etsi cætera respondeant, tamen folia quæ rotunda & minimè oblonga sunt, vt Rhamni, repugnare manifestè videntur. Posset tamen citra aliquod vitæ discriminē Rhamni generibus annumerari, quod scilicet viribus illi similis admodum sit, quas etiam illi suo loco adscribemus.

### LOCVS.

In frutetis & sepibus nascitur, non tamen passim. Nusquam autem copiosius quàm Tubingæ luxuriat, vbi circa omnes ferè sepes sese profundit.

### TEMPVS.

Veris statim initio frutex ille pubet, primum hoc tempore folia, dein flores, ac non diu post acinos seu baccas acerbitate gratas profert.

### TEMPERAMENTVM.

Haud dubiè idem quod Rhamnus temperamentum obtinet. Vt enim hic adstringit & refrigerat, sic etiam illa. Refrigerat autem in primo cōpleto, aut secundo incipiēte, desiccatur verò in secundo.

### VIRES. E DIOSCORIDE.

Folia ignibus sacris & herpetis illita auxiliantur. Fertur & ramos eius foribus & fenestris appositos veneficiorum arcere maleficia. E quibus Dioscoridis verbis satis liquet, Vuam intortam non hoc tantum nomine sepibus apponi vt easdem muniat, atque adeò alienorum ingressum prohibeat, verum etiam vt veneficia ab hortis propulset. Vt hinc quoque colligere liceat, eiusdem cum Rhamno esse facultatis.

### E GALENO.

Herpetes sanat, & erysipelata non magnopere cauida. Porro ad hæc teneris vtendum est foliis.

### DE BAL.



# PLANTARVM HISTORIAE.

## DE BALSAMINE. CAP. LXIX,

*Balsaminæ est in hortis religiosorum S. Germani frequens, Gallus Merueile a mirandis eius effectis, quæ in momordica scribit Pandectarius in fine.*

### NOMINA.

**Q**uo nomine veteribus tum Græcis cū Latinis appellatæ sint hæ plantæ, me ignorare ingenuè fateor. Puto autem illis planè fuisse incognitas, quòd de iis ne verbum quidem apud eosdem scriptum inueniatur. Hodie Balsamines nomine vocant. Causam indicabimus paulò pòst. Germani ad latinam nomenclationem alludentes, *Balsamkraut*, haud (arbitror) ineptè appellabunt.

### GENERA.

**Prima Balsamine.** Duo Balsamines genera damus. Primam, quā nos certioris discriminis gratia marem fecimus, Ligures Padani Balsaminam vocant, Hierosolymitanum pomum Hetruria, Mirabile Gallia, vulgus Italorum Charantiam, quoniam septi modo in hortis fenestrisque per cancellos opere topiario facilè digeratur. Alteram, quam fœminam nominauimus, Itali neutro genere Balsaminum appellant, priori quidè quòd ad fructū attinet similis, nisi quòd minor est, in aliis dissimilis: neque enim foliis, neque etiam floribus respondet. Vtraque planta visu pulcherrima est, vt hoc saltem nomine pingi meruerint. Et si præstet etiam harū habere picturas, vt de iis plura inuestigandi posteris occasio aliqua sit.

### FORMA.

**Primæ.** Prima tenuibus prælongisque flagellis vltro citroque reptantibus euagatur, foliis Vitis albæ seu Bryoniæ, articulationibus, exilibus pampinis ex alarum sinu prodeuntibus, quibus illigantes sese cancellatim vicinis implicat pergulis: flore cucumeris ex albo in luteum languescente, turbinato vtriusque fructu, carnosa cute, & per versus verrucosa, ac rigidioribus bullis intumescente, cucumeris sylvestris pennis

silli similitudine, puniceus maturo color, chartilago intus punicea vel lutea, sanguineusque succus. Pomum maturitate dissilit, inanitasque confracto patet, semina intus pomi formam referentia continēs. Altera caulem habet crassissimum, Portulacæ affimilem, in herbaceo colore rubescentem, Folia Salicis, in ambitu incisus, flores magnos, purpureos, instar Consolidæ hodie regalis vocatæ herbæ caudatos, fructum priori non dissimilem, primo herbaceum, dein pallidum luteumue, pilosum, qui maturitate dissilit, inanitasque confracto apparet, semina intus aliquot lenticulæ ferè figura continentem.

*Alterius.*

## LOCVS.

Non nisi satæ in Germania proueniunt. Sed iam in multorum hortis plantatæ nascuntur.

## TEMPVS.

Floribus & fructibus prægnantes sunt Augusto & Septembri mensibus.

## TEMPERAMENTVM.

Idem quod Telephium temperamentum, potissimum alteram, obtinere arbitror. Quare in secundo ordine inteso, aut certè principio tertij exiccare, nec insigniter calefacere, primo nimirum ordine, est verissimile.

## VIRES.

Ex primi generis Balsamines seminibus oleū exprimitur, ad vulnera, quod in Corollario suo annotauit doctissimus Hermolaus, præcipuum. Nonnulli pomum oleo prius imbutum aliquot dies insolâr, deinde vel fimo, vel terra tantisper obruunt, dum prorsus intabuerit, sic Balsami vires glutinâdis vulneribus adsciscere pollicentur, inde tractum Balsaminæ vocabulum. Quid multa? in vulneribus sanâdis Telephio non inferiores esse coniicio, hincque Balsaminas appellatas. Nos tamen de iis peculiare experientiam nullam habemus. Poterût itaque alij, si lubet, earundem virium facere periculum.

*Balsamine uox una de nata.*

## DE GLY-

PLANTARVM HISTORIAE.  
DE GLYCYRRHIZA. CAP. LXX.  
*Glycyrrhiza Gallis partibus trāspōsitis Rhiza g'yceia,  
Riglice.*

NOMINA.

*Liquiritia  
Glycyrrhiza una  
de dicta.*

Γ

λυκωρῖζα Græcis, Dulcis radix Latinis, Liquiritia officinis, Germanis *Suszbo'tz* [*Gallice Erculisse, ou rigolisse*] dicitur. Nomen tum apud Græcos, tum etiam Latinos à dulcedine, qua radix eius prædita est, inuenisse notius est, quàm vt dici debeat. Theophrastus nono de plantarum historia libro, Scythicam nominauit radicē, quòd in Scythia circa Mæotim paludem plurimum proueniat. Sunt etiam qui *ἄδρι-φορ* vocitent, quòd sitim retenta in ore arceat.

*Scythica  
radix.*

FORMA.

Breuis frutex est, ramos binum cubitorum altitudine spargens, in quibus folia densa, Lentisco similia, pingua, tactuq; glutinosa, Florem fert Hyacintho similem. Fructum pilularum Platani magnitudine, asperiores tamen, siliquas Lentis modo rubescences, breuesque habentem. Radices illi sunt longæ, colore buxæ vt Gentianæ, subacerbæ, sed dulces, quæ Licij modo in succum coguntur & densantur. Hæc delineatio ita Liquiritiæ hodie vocatæ quadrat, vt nulla penitus sit nota quæ in illa non reperiatur. Fruticosa enim est, ramos bicubitales emittens, foliis lentiscinis, densis, pinguibus, tactuque se quaci lentore glutinosi. Flore Hyacinthi, fructu pilularum Platani crassamento, sed asperiores, siliquas Lentis figura, & breues habente. Radicibus prælongis, buxæ colore, & dulcibus.

*Pabenberger  
gensis a*

LOCVS.

*ger Glycyrrhiza  
fœcūdus.  
Ioach. Camerarius.*

Plurima & optima in Cappadocia ac Ponto nascitur. Multa præterea nec ignaua aliquot Germaniæ nostræ locis, Pabēbergēsi præsertim agro, IOACH. CAMERARIJ nostri Camerarij viri doctissimi patria, producit. Et hodie nusquā ferè non feritur in hortis.

ris. His quæ semel cōprehēderit, tam pertinaci fertilitate cohæret, vt vix vnquam possit radicitus extirpari, tam restibili fœcunditate regerminat.

## T E M P V S.

Carpitur Septembre mense, quando semine prægnans est, aut Vergiliarum occasu. Flores suos Iulio mense profert. T E M P E R A M E N T V M.

Natura eius nostræ temperaturæ familiaris est: nam tale monstratum est esse id quod dulce est. Sed quum adstrictio quædam adiuncta sit, vniuersum eius temperamentum quantum ex caliditate & adstrictione est, tepidæ potissimum caliditatis fuerit, quamproximè ad symmetrum temperatūmue accedens. Porro quum etiam dulcis sit, humida quoque sit oportet.

## V I R E S. E X D I O S C O R I D E.

Succus radicis ad arteriæ exasperationes utilis est. oportet autem vt linguæ subditus eliquescat. Ar dori stomachi, & ad iecinoris thoracisq; vitia prodest. Vescicæ scabiem, & renū vitia cum passo potus emendat. Idem eliquatus sitim restinguit. Vulneribus prodest circūlitus. Cōmāducatus stomacho succurrit. Radicū recētium decoctū ad eadē conuenit. Radix vero sicca in puluerem trita, pterygiis commodissimè iuspargitur. E X G A L E N O.

Huius fruticis radicum succus in primis utilis est, similiter vt eius radices dulcis, simulque modicè adstringens. Proinde asperitates lenire potest, non solum in arteria, verumetiam scabra vesica, idque temperaturæ mediocritate. Quoniam autem temperie quoque humidum est quod modicè dulce est, iure sanè sitim arcens medicamentum est, nimirum modicè humidum, simul & natura humana frigidius. Refert Dioscorides, radicem siccam ad leuorē redactam, pterygiorum illitu idoneum esse remedium.

## E X T H E O P H R A S T O.

Dulcis & Scythica radix utilis ad suspiria, & tussim  
siccam,

# PLANTARVM HISTORIAE.

ficcā, atque in totum thoracis laborantis medicamento commoda redditur. Quin & ex melle vlceribus mederi potest. Sitim quoque extinguit, si teneatur in ore. Qua de causa tum ea, tum Hippace, Scythas decem & duodecim dies degere, & vitam prorogare affirmant.

## EX PLINIO.

*Adipson.*

Radicis vsus in subditis decocta ad tertias, cætero ad mellis crassitudinem, aliquando & tusa. E quo genere & vulnerib. imponitur, & faucium vitiis omnibus. Itē voci vtilissimo succo, sicut spissatus est lin guæ subdito: item thoraci & iecinori. In ore habentes sitim non sentiunt: ob id quidam Adipson appellauerunt eam, & hydropicis dedere ne sitirent. Nō parum auxiliij confert iis qui perpetua siti excruciatu: ideo commanducata & stomatice est, & vlceribus oris inspergitur, sæpe & pterygiis. Sanat vesicæ scabiem, renum dolores, condylomata, vlcera genitalium. Dedere eam quidam potui in quartanis, drachmarum duarum pōdere, & pipere, hemina aquæ. Commanducata sanguinem sistit ex vulnere. Sunt qui & calculos ea pelli tradiderunt.

## DE GALEOPSI. CAP. LXXI.

• Galeopsis tibi pingitur nostra cataria.

### NOMINA.

*Scrophularia maior.  
Galeopsis cur dista.*

Γ αλόψις, ἢ γαλιόβλολον Græcè: Galeopsis, Vrtica labeo Latinè, vulgò & officinis Scrophularia maior, Ficaria, Millemorbia & Castrangula dicitur. Germanicè Kraunwurzel, Sauwurzel, grosz feiguwart, Zenkranz. Appositè autem Galeopsis appellatur, nomine ex græco & Latino composito, quod eius flores prorsus galeæ aspectum referant. Aut si græca cum Latinis componi haud possunt, αλόψις cum η & non ι, vt habent multa exemplaria, scribendum erit, vt idem valeat ac mustelæ aspectum referens: flores enim non dissimiles esse capiti illius animalis videntur. Et ita legendū esse Plinius etiam

etiam testatur, qui Galeopsin hanc nominat herbā. Scrophulariam autem à curandis strumis, quas scrophulas vocant recentiores, dixerunt.

## F O R M A.

Totus cum suo caule & foliis frutex Vrticæ similis est, læuiores tamen habet folia, & cū teruntur grauius odorata. Flores illi tenues, & purpurascens. Huius delineationis notæ in vniuersum omnes, nulla prorsus reclamante, herbæ quā vulgus Scrophulariam maiorem nominat, cōueniunt. Frutex enim est qui ad humani corporis ferè longitudinem interdum assurgit, foliaque Vrticæ habet, sed leniora, & quæ trita grauem fundūt odorem. Flores tenues, atque purpurascens. Respondet etiam locus natalis, vt ex sequentibus patebit. Esse autem veterū Galeopsin vulgi Scrophulariam maiorem, præter ea quæ iam diximus, manuscriptus quoque codex euidenter ostēdit, in quo pictura ita Scrophulariam refert, vt nemo sit qui eam non agnoscat. Huc accedit quòd in descriptione, quam ex Dioscoride desumpsit, apertè testatur Scrophulariam maiorem alio nomine dictam esse Galeopsin & Galeobdolon. Neque facultates discrepant, sed vtrarumque similes sunt, adeò vt haud dubiè veterum Galeopsis, recentiorum herbariorum sit Scrophularia maior.

## L O C V S.

Nascitur circa sepes, semitasque, & in arvis ædificiorum passim.

## T E M P V S.

Colligitur Iunio & Iulio mensibus, tum enim potissimum floret.

## T E M P E R A M E N T V M.

Desiccatur, extenuatur, & discutitur, adeoque partium est tenuium, id quod amaritudo quam in gustu præ se fert, satis indicat.

## V I R E S. E X D I O S C O R I D E.

Folia, succus, caulis & semē, duritias, carcinomata, stru-

# PLANTARVM HISTORIAE.

ta, strumas, parotidas & panos difficiunt. Oportet autē bidie cum aceto tepidū cataplasma imponere. Fouentur & decocto eius vtiliter. Ad nomas, gangrænas, & putrescentia cum sale illita profunt.

## EX PAVLO.

Galeopsis, quam alij Galeobdolon appellant, vrtice similis herba est, maiorem tamen læuorem habet, & odorem grauē. Scirrhosos tumores dissipat & emollit. Item ad nomas cataplasmatīs modo illita cōfert.

## EX PLINIO.

Galeopsis folia caulesq̃, duritias & carcinomata sanant ex aceto trita & imposita. Itē strumas, panos & parotidas discutiunt. Ex vsu est & decocto succo fouere. Putrescentia quoque & gangrænas sanas.

## APPENDIX.

Recentiores etiam Scrophulariæ tribuunt facultatem sanandi vlcera putrescentia, & mariscas. Succum eius mederi deformitati faciei iam ferē elephāticę tradunt, vt inde satis constet à Galeopsi non diuersam esse. Semen in expellendis & enecandis lumbricis esse efficax adiiciunt, id quod ab eius amaritudine non abhorret.

## DE GALLIO. CAP. LXXII.

*Gallium à florum pallidorum & odororū copia, florastre dicitur, aliis aspergula minori, quodd aspergilli formam habet.*

## NOMINA.

Γ αλλιον, ἢ γαλλέριον, ἢ γαλάτιον Græcis, Gallio Latinis. Officinis, vt multæ aliæ optimæ herbæ, neglecta & incognita est. Germanis Vnser lieben frauuen Vuez, oder Vual, oder beistro [Gallicè Petit muguet] dicitur. Nomē inuenit ex eo quod vim coagulandi, ac spissandi lactis habeat.

## FORMA.

Ramulos rectos, & folia Aparinæ similima habet.

bet. Florem in summo luteum, tenuem, frequētem, valde odoratum.

## LOCVS.

Nascitur in aruis & humidis palustribusue locis.

## TEMPVS.

Iunio & Iulio potissimum mensibus floret.

## TEMPERAMENTVM.

Gallium siccum est & subacre.

## VIRE. EX DIOSCORIDE.

Flos eius ambustis illinitur, & sanguinis profluvia cohibet. Idem cerato rosaceo miscetur, insolatūque donec albescat, & sic lassitudines recreat. Radix venerem stimulat.

## EX GALENO.

Gallium inde adeo nomen sortitum est suum, quod lac coagulet. Facultatem obtinet exiccatoriā & subacrem. Flos eius sanguinis profluviiis competere videtur, & ambustis mederi. Est autē boni odoris, & coloris lutei.

## DE GLECHONE. CAP. LXXIII.

*Pulegium in sylvis & locis æditis luxuriat.*

## NOMINA.

ῥάχων, ἡ βλήχων Græcè, Pulegium Latinè  
Γ vocatur, Officinæ Latinum nomen retinent.

Germanicè *Poley* [Galicè *du Pouliet*] Blechona autem appellarunt, quod gustatum à pecore cū floret, balatum concitet. Id quod Plinio lib. xx. cap. xiiij. autore, de sylvestri verè dicitur. Pulegium verò, quod eius flos recens incēsus pulices interficiat.

*Blechona*

## GENERA.

Plinius & Apuleius duo Pulegij faciunt genera, alterum fœminam, alterum mare: nec alia ratione differre scribunt, nisi quod mas candidum, fœmina verò purpureum florem habeat. Dioscorides Pulegium masculum, quod satium alio nomine in Di-  
etamni descriptione vocat, duntaxat depingit.

*Satiū Pulegium.*

l ij Sylvestre



# PLANTARVM HISTORIAE

*Syluestre* Syluestre autem secundam Calaminthæ speciem facit, quam Latini propriè Nepetam nominât, vt suo loco dicemus.

## FORMA.

Pulegium mas seu satium, cuius picturam damus, fruticosum affurgit, & ad cubiti altitudinem increfcit, maximè si sit quo sustentetur: foliis Sampſychi, furculis hirsutis, rubicantibus, & per interualla purpureo flore orbiculatim coronatis.

## LOCVS.

Prouenit locis cultis & aquosis: semelque satum diutina durat ætate.

## TEMPVS.

Carpitur dum floribus prægnâs est, id quod Iulio & Augusto mensibus accidit.

## TEMPERAMENTVM.

Pulegium quum acre & subamarum sit, valde tû excalefacit, tum extenuat, ideoque in tertio ordine calidum & siccum esse statuunt.

## VIREs. EX DIOSCORIDE.

Extenuat, calefacit, & concoquit. Potum menses, secûdas, & fœtus trahit. Cum melle & aloë potum, ea quæ circa pulmonem sunt, educit, & conuulsis auxiliatur. Nauſeas stomachique morsus cum posca potum lenit. Atram bilem per aluum educit. Cû vino potum venenatorum morſibus succurrit. Defectos animo cum aceto naribus obiectû recreat. Siccatum & in puluerem tritum crematumque gingiuas firmat. Illitum cum polenta inflammationes omnes mitigat. Podagris per se confert vsquedû rubescat cutis. Cum cerato varos tollit. Lienosis cum sale vtiliter illinitur. Decoctum eius prurigines si eo lauantur sedat. Inflationes, duritias, & conuersiones vuluæ in defeſſionibus iuuat.

## EX GALENO.

Pulegium calefacere abundè magnû est testimonium, quòd illitum rubrificat, & quòd, si quis diutius

tius toleret, exulceret. Extenuare verò satis indicat quum humida, crassa & lenta ex thorace & pulmone excreatu facilia faciat, mensesque moueat.

## EX PLINIO.

Magna societas cum Mentha, ad recreandos defectos animo, Pulegio cum furculis suis in ampullas vitreas aceti vtrisque deiectis. Qua de causa dignior è Pulegio corona vertigini quàm è rosis, cubiculis nostris pronunciata est. Nam & capitis dolores imposita dicitur leuare. Quin & olfactu capita tueri contra frigorum æstusque iniuriam, & à siti traditur: neque æstuarè eos qui duos è Pulegio furculos impositos auribus in sole habeant. Illinitur etiam in dolorib. cum polenta & aceto. Nauseas cum sale & polenta in frigida aqua pota inhibet. Sic & pectoris ac ventris dolorem. Stomachi autem ex aqua ite rosiones sistit, & vomitiones cum aceto & polenta. Intestinorum vitia melle decocta & nitro sanat. Vrinam pellit ex vino, & si aminæum sit, & calculos, & interiores omnes dolores, ex melle & aceto sedat. Menstrua & secundas, vuluas cõuersas corrigit, defunctos partus eiicit. Comitibus in aceto cyathi mensura datur. Si aquæ insalubres bibendæ sunt, tritum inspergitur. Salsitudines corporis si cū vino tradatur minuit. Neruorū causa & in cõtractione, cū sale, aceto & melle cõfricatur opisthotono. Bibitur ad serpentiū ictus decoctum. Ad scorpionum, in vino tritū, maximè quod in siccis nascitur. Ad oris exulcerationes, ad tussim efficax habetur. Flos recentis incesus, pulices necat odore. Xenocrates Pulegij ramum lana inuolutum, in tertianis ante accessionem olfactandum dari, aut stragulis subiici, & ita collocari ægrum, inter remedia tradit.

## EX SIMEONE SETHI.

Pulegium attenuat & calfacit vehemèter, quapropter humida & crassa in thorace, & in pulmone humida & glutinosa iuuat, & vt excreentur efficit. Cū

# PLANTARVM HISTORIAE.

vino albo coctum & potum, calidumque syncerum  
mensēs prouocat. Extrinsecus illitum ischiadicis, &  
aliis partibus frigore affectis auxiliatur.

## DE GENTIANA. CAP. LXXIII.

*Gentiana ex monte Iura huc conuehitur.*

### NOMINA.

*γεντιανή* græcè, Gentiana Latinè appellatur.

Γ Nomen apud omnes officinas retinet. Ger-  
manicè *Entzian*, oder *Bitte wurtz* [gallicè *Genti-  
ane* nominatur. Sic à Gétio Illyriorum rege, qui  
in bello primus eius vires reperit, dicta est.

*Gentiana  
unde dis-  
ta.*

### FORMA.

Folia Gétianæ iuxta radicem erumpunt iuglan-  
di aut Plantagini similia, subrubétia: sed quæ à me-  
dio caule, præsertim autem cacumine prodeunt, bre-  
uioribus incisuris secta sunt. Caulis illi inanis, leuis,  
digiti crassitudine, binum cubitorum altitudine, ge-  
niculis intersectus, ex maioribus interuallis folia  
proferens. Flores eius lutei primum calycibus con-  
clusi, postea intumescētes explicantur. Semen in ca-  
lycibus obtinet latus, leue, glumosum, ad Spondilij  
semen accedens. Radicem mittit longā, similem Ari-  
stolochiæ longæ, crassam, & amaram.

### LOCVS.

Nascitur in altissimis montium cacuminibus, um-  
brosis locis & aquosis. Plurima verò & copiosissima  
sub Alpinis montibus in Illyrio, & in monte *Farren-  
berg* haud procul à Tubinga sito.

### TEMPVS.

Floret æstāte, Iunio potissimum mense, dein Iu-  
lio semen producit.

### TEMPERAMENTVM.

Amaritudo immensa satis monstrat radicem eius  
esse calidam & siccam.

### VIRES. EX DIOSCORIDE.

Gentianæ radix calefactoriā & adstringentē vim  
habet. Venenatorum moribus succurrit duarū dra-  
chmarum

chmarum pondere cum pipere, ruta & vino pota. Succus drachma, laterum doloribus, ex alto cadentibus, ruptis & cōuulsis opitulatur. Hepaticis, stomachicis pota cum aqua subuenit. Radix collyrij modo subdita scetus eiicit. Vulneraria est, imposita ut lycium, vulneribusque sinuatim depascentibus, potissimum succus, medetur. Oculis inflammatione laborantibus illinitur. Pro meconio collyriis acribus miscetur succus. Radix alphas abstergit. Cōtusa radix diebus quinque aqua maceratur, postea in eadē decoquitur, dum aquæ radices superstāt emineant: uel: deinde ubi refrixerit aqua linteolo percollatur, iterumq; decoquitur, dum mellis crassitiem cōtrahat: demum in vase testaceo reconditur.

## EX GALENO.

Radix Gétianæ herbæ admodum efficax est quā opus est extenuatione, purgatione, abstersione, obstructionis liberatione. Nec mirū si hæc possit, quā impensē amara sit.

## EX PLINIO.

Vfus in radice & succo. Radicis natura est excalfactoria, sed prægnantibus non bibenda. Præcipuè aduersus angues duabus drachmis cum pipere & ruta, vini cyathis sex, siue viridis siue sicca pota prodest. Tanta huic vis est, ut iumentis etiam non tussientibus modo, sed ilia quoque trahentibus auxiliatur pota. Stomachum corroborat ex aqua pota. Farina eius ex aqua tepida fabæ magnitudine pota, interaneorum vitiis occurrit. Radix trita vel decocta, à ruptis, conuulsis, & ex alto deiectis potatur.

## DE GLYCYSIDA. GAP. LXXV.

*Pæonia mas & fœmina nobis frequēs, solā pingis fœminā.*

## NOMINA.

Λουσιδί, ἡ πæωνία græcis, Pæonia & Casta herba Latinis dicitur. Nomen Pæoniæ in officinis seruat. Germanis Peon'szblum, König'szblü Gichtuurtz, Benignenrosz, Venedischrosz, Benediclenrosz, Pfingstrosz. [ Gallicè Piuoine ] vocatur.

# PLANTARVM HISTORIAE.

*Glycyfida  
daunæ  
dicta.  
Pæonia  
cur dicta.*

Glycyfida porro dicta est quòd grana mali punici acinis similia habere videatur. Nam fida mali punici grana à Bœotis nominantur. Pæonia ab eius inuētore medicinæ peritissimo, Pæone appellata est.

## GENERA.

*Error her-  
bariorum.*

Duo eius genera sunt, mas & fœmina. Mas in vulgaribus herbariis *Ninienuuriz*, fœmina vero *Peonienblum*, aliisq; nominibus Germanicis paulò antè cōmemoratis nuncupatur. Idem, magno errore, Pæoniam à Pionia differre putant, atque adeo diuersis etiam capitibus, inò & viribus disiungunt. Ferendus tamen is error esset, nisi vtrique etiam herbæ, hoc est, Pæoniæ & Pionia, duplex genus assignarent, marem nimirum & fœminam, cùm tamen sub vna Pæoniæ nomenclatura, vtrunque genus Dioscorides & alij veteres complexi sint.

## FORMA.

Caulis duorum ferè dodrantum altitudine nascitur, multas propagines habens. Mas Iuglandi nuci folia similia obtinet: fœmina vero Smyrni modo diuisa. Summo caule siliquas quasdam Amygdalis similes profert, in quib. quum aperiuntur, grana rubra, multa, exigua, punici mali acinis similia inueniuntur, in medio nigra, purpurea, quinq; aut sex. Radix maris digiti crassitudine, dodrântali vero lōgitudine, gustu adstringens, alba. Fœminæ propagines fobolésue ceu glandes septem aut octo, vt Asphodelus habet. Ex qua siquidem descriptione abundè liquet, Pæoniam quæ passim in hortis nascitur, & cuius hic picturam damus, esse fœminā, quòd eius folia Smyrni modo sint laciniata, & quòd radix septem aut octo veluti glandibus constet. Reliquæ notæ, potissimum quòd in siliquis grana alia rubentia, alia nigra sint, vtrique generi communes existunt.

## I. O C V S.

Nascitur in altissimis montibus, & passim hodie, fœmina potissimum in hortis prouenit.

TEM-

## TEMPVS.

Maio floret mense.

## TEMPERAMENTVM.

Pœonia radicē habet leuiter adstringentē cū quadam dulcedine. Si verò plusculum dentibus mādās, acrimoniam item quāpiam subamarā subesse percipies, id quod in radice etiā nostratis Pœoniæ, quā fœminam esse diximus, deprehendes. Pœoniæ verò in vniuersum temperamentum tenuium est partium, exiccatorium, haud tamē insigniter calidum, sed aut symmetrum, aut paulò calidius.

## VIRES. EX DIOSCORIDE.

Datur radix mulieribus à partu nō purgatis. Cit menses Amygdalæ magnitudine pota. Ventrīs doloribus cū vino pota auxiliatur. Regio morbo correptis prodest, renum ac vesicæ doloribus. Decocta in vino & pota, aluū sistit. Seminīs grana rubra decem aut duodecim pota in vino austero, nigro, rubentem fluxionem sistit. Stomachicis & erosionibus comesta profunt. A pueris pota & comesta, initia calculorum eximunt. Grana nigra nocturnis suppressionibus, ephialtas nominant, vuluæ strangulationibus, & vteri doloribus in aqua mulsa aut vino quindecim pota, opitulantur.

## EE GALENO.

Radix Pœoniæ menses cit ex mulsa Amygdalæ quantitate pota. Sanè tundere eam oportet ac cribare, & sic inspergere. Expurgat etiam iecur obstructum & renes. Sed hæc efficere nata est quā acris & subamara est, quā verò quiddam etiam adstrictiorū obtinet, fluxiones ventris sistit. Oportet autem tūc in austeriorum vinorum quopiam eam decoctam bibere. Est omnino resiccatoria vehementer, vt non desperauerim eam ex collo pueris suspensam, meritò comitialem morbum sanare. Equidem vidi puellum quandoque octo totis mensibus morbo comitiali liberum, ex eo quo gestabat radicem tempore. *Historia.*  
Vbi au-

Vbi autē forte fortuna quod à collo suspensum erat decidisset, protinus morbo correptus est: rursusque suspenso in illius locum alio, inculpatè postea se habuit. Visum verò est mihi satius esse denuò id certioris experientiae gratia detrahere, id quum fecissem, ac puer iterum esset cōuulsus, magnam ac recentem radicis partem ex collo eius suspendimus, ac deinceps prorsum sanus effectus est puer, nec postea cōuulsus. Rationabile itaq; erat aut partes quaspiam à radice defluētes, ac deinde per inspirationē attractas, ita affectos locos curare, aut aërem à radice assidue mutari & alterari. Nam hoc pacto succus Cyrenaicus columellā phlegmone affectā iuuat, & Nigella fricta palām destillatiōes & grauedines desiccant, si quis eam in calidum linteum rarum liget, assidueque calorem ex ea per inspirationē quæ per nares fit, attrahat. Quinetiam si cōpluribus linis, maximè marinæ purpuræ, collo viperæ inieceris, illis viperam præfocaueris, eaq; postea cuiuspiam collo obuinxeris, mirificè profuerit tum tonsillis, tum omnibus iis quæ in collo expullulant.

## EX PLINIO.

Pæonia medetur Faunorum in quiete ludibriis. Rubra grana rubentes menses sistunt quindecim ferè pota in vino nigro. Nigra grana vuluis medetur, ex passio aut vino totidem pota. Radix omnes ventris dolores sedat in vino, aluumque purgat. Sanat opisthotonum, morbum regium, renes, vesicā. Matricem autem & stomachum decocta in vino, aluūq; sistit. Estur etiam contra malum mentis, sed in mendo quatuor drachmæ satis sunt. Grana nigra auxiliantur & suppressionibus nocturnis in vino pota quo dictum est numero. Stomacho verò & erosionibus, & esse ea & illinire prodest. Suppurationes quoque discutiuntur recentes nigro semine, veteres rubro. Vtrūque auxiliatur à serpēte percussis, & pueris cōtra calculos incipiente stranguria.

DE GER A-

## DE GERANIO. CAP. LXXVI.

*Gerania omnia hîc frequentia.*

## NOMINA.

ῥεράνιον Græcè, Geranium Latinè, vulgò  
 & herbariis Rostrum ciconiæ appellatur.

Geranium autem à gruini capitis imagine,  
 quæ summo eius plâtæ capitulo inest, Græcis aptif-  
 sima similitudine dictum est. Sic recentioribus à ci-  
 conia rostri effigie. Rostrû ciconiæ nominatû est.

## GENERA.

Duo Geranii Dioscorides tradit genera. Primû  
 quod longioribus rostris, & in mucronem acumina-  
 tis constat. Hoc hodie officinis & herbariis Acus pa-  
 storis & Muscata, Germanis verò *Storckenschnabel*  
 dicitur. Alterum quod maluæ folia habet, Pes colû-  
 binus vulgò nominatur. Sunt qui turpiter aberran-  
 tes, Amomum esse existimât. Germanicè *Taubenfusz/*  
*oder Schartenkraut* appellatur. Præter hæc duo alia  
 adiecimus genera, inter quæ id quòd tertium ordine  
 est, foliis Artemisiæ tenuifoliæ vel Chærephyllo si-  
 mile existit, herba Roberti & Robertiana à nōn ul-  
 lis, haud dubiè à superstitione aliqua Diui, qua su-  
 perior ætas mirificè imbuta fuit, appellatur, germanicè  
*Ruprechtskraut*. Quartum folia obtinens laci-  
 niata, Germanicè pro certiori discrimine *Kranichs-*  
*halsz* vocari potest. Quintum, quod folia Ranuncu-  
 li habet, gratia Dei nominatur, germanicè *Gottes-*  
*gnad*/ab insigni in sanandis vulneribus effectu. Sex-  
 tum, quod forma quarto generi similitimum est, nec  
 ferè ab illo nisi sola magnitudine foliorum, florum  
 & radicis distat, germanicè *Blutwurtz*/à rubro colore  
 aut mirifica in sistendo sanguinis profluvio facul-  
 tate vocatur.

## FORMA.

Geranium primum caules habet à radice rubêtes,  
 lanuginosos, folia Anemones, diuisuris incisa, flo-  
 res purpureos, & in cacumine caulium fastigia ca-  
 pitulis

*Rostrum  
ciconiæ.**Geraniû  
unde dis-  
tum.**Primum  
genus.**Secûdum.**Amomum  
nō est Pes  
columbi-  
nus.**Tertium.  
Robertia  
na.**Quartum.**Quintum.**Sextum.**Primi.*



# PLANTARVM HISTORIAE.

- pitulis ciconiæ aut gruum cum rostellis lōgitudine  
 acus emicantia. Radicem oblongam & subrotundā  
*Secundi.* dulcēmq̃. Alterum vt præcedens caules tenues,  
 rubētes à radice statim, lanuginososq̃; obtinet, folia  
 maluæ similia, candidiora, flosculos subpurpureos,  
 capitella gruini capitis modo rostrata, radicē tenuē  
 & oblongam. *Tertii.* Tertium caules habet à radice ru-  
 bescentes, lanuginosos, geniculatos, saporis & odo-  
 ris iniucundi, folia Chærephylo aut Artemisiæ te-  
 nuifoliæ similia, flores purpureos, capitella gruini  
 capitis modo rostrata, radicem intus viridem, & ad-  
 stringentem. *Quarti.* Quartum cauliculos itidem vt reli-  
 quia rubentem, lanuginosum, folia laciniata admo-  
 dum, flores purpureos, ex quibus capitella gruini ca-  
 pitis instar rostrata, & in iis semina quinque nascun-  
 tur: radicem intus candidam, extrā subluteam.  
*Quinti.* Quintum reliqua omnia magnitudine excedit,  
 caules emittit oblongos, rotundos, modicē lanugino-  
 sos, à radice statim rubentes, folia Ranunculo simi-  
 lia, flores ferē cæruleos, capitella præcedenti Gera-  
 nio similia, radicem crassam & longam, multis exi-  
 guis radiculis veluti capillamentis quibusdam fi-  
 bratam. *Sexti.* Sextū ramos habet tenues, lanuginosos,  
 folia laciniata, tenuia, flores in summo purpureos,  
 ex quibus, vt in quarto, capitella gruini capitis for-  
 mam referentia proueniunt. Radicem extrā & in-  
 tus rufam.

## LOCVS.

Omnia Geranij genera in incultis proueniūt. Pri-  
 mum passim in campestribus, & nonnunquam inter  
 segetes nascitur. Alterum in colliculis. Tertium in  
 vmbrosis locis & dumetis. Quartum in agrorum li-  
 mitibus, & iuxta sepes. Quintum in pratis. Sextum  
 in locis montosis & saxosis.

## TEMPVS.

Primum statim inter initia veris Aprili mense flo-  
 res suos ostendit, & subinde per integram æstatem.  
 Alterum,

Alterum, tertium, & quartum, Maio mense florent.  
 Quintum Iunio & Iulio mensibus, quemadmodum  
 etiam sextum.

### TEMPERAMENTVM.

Omniũ folia & radices, primo excepto, cuius radix dulcis est, quodammodo, atque adeò discutienti vi prædita, adstringunt ac siccant.

### VIRES. EX DIOSCORIDE.

Radix Geranij primi in vino drachmæ pondere pota, vteri inflationes discutit. Secundum nullum habet in medicina vsum.

### EX PAVLO.

Geranium quod foliis respondet Anemones, radicem habet esculentam, quæ cum vino drachmæ vnius pondere sumpta, vteri inflationes dissoluit. Altera Geranij species in re medica inutilis est.

### EX PLINIO.

Primæ Geranij speciei radix, reficientibus se ab imbecillitate vtilissima. Bibit cõtra phthisin drachma in vini cyathis tribus bis die. Itẽ contra inflationes, quæ & cruda idem præstat. Succus radices auribus medetur. Opisthotonicis semen drachmis quatuor cum pipere & myrrha potum.

### APPENDIX.

Et si secundum Geranij genus à Dioscoride aliisq; nonnullis, tanquam nullius in medicina vsus damnatũ sit, tamen posterior ætas quotidiana experientia in sanandis vulneribus & fistulis, eius ac reliquorum etiam mirum esse effectum comperit: proinde eas herbas his ipsis in potu mirificè cõferre tradũt. Et certè non mirum est earundem vires olim fuisse ignoratas, cum & aliarum multarum plantarum facultates, quas constat esse hodie notissimas, veteribus fuisse incognitas, notius sit quàm vt demonstrari debeat. Antiquus quoque herbarius, prædictorũ Geraniorum folia magnam vim obtinere in glutinandis vulneribus, & articulorum doloribus leniẽdis tra-

# PLANTARVM HISTORIAE.

dis tradit. Primi autem radicem mouendi vrinam facultatem habere ait, ideoq; calculosis, stranguriæ & difficultati vrinæ prodesse. Tertium genus ad oris, mammillarum, pudendorumq; vlcera sananda vnicè conducit. Reliqua similiter ad glutinanda vlcera mirificè profunt. Nullum verò ad sanguinem vnde-  
cūque emanantem compescendum præstantius sex-  
to est: vnde etiam germani, vt comprehensum est,  
Blutwurtz hoc est, sanguinariam radicem appellare  
voluerunt.

## DE GONGYLE. CAP. LXXVII.

Rapum satium Aul. crullianum parisiis cōmendat radice  
tuberosa multum & terra exstante. Rapum sylvestre nobis  
cum Dioscoride Rapontium dicitur.

### NOMINA.

Gongyle  
quare di-  
cta.

οσούλη ἢ γοσούλις græcis, Rapum Latinis &  
Officinis, germanis Ruben [gallicè *Naueau*  
*Rond*] appellatur. Græci autè à figura eius,

quæ plerunque rotūda esse solet, vocabulū detorse-  
runt. Nāq; quòd in rotūditatem coactum est, vel in  
orbem circumagitur, γογγύλιον dixerunt: Rapa verò,  
quod ex terræ rure, quasi ruapa, Varrone teste no-  
minata est.

γογγύλιον.  
Rapa unde  
de.

### GENERA.

Rapi duo sunt genera. Vnum satium, quòd sim-  
pliciter germani Ruben vocāt. Estq; id iterum duūm  
generum. Vnum candidum, quòd germani etiam  
Vucisruben vocant: & alterum rubrum, Rot ruben ii-  
dem appellāt. Alterum sylvestre, quòd vulgus Ra-  
punculum, quasi paruum rapum, germani Rapun-  
zel nominant.

Rapuncu-  
lus.

### FORMA.

Rapū satiuū caule & foliis raphano simile est: flo-  
ribus verò & siliquis, in quibus semen profert, Na-  
pis aut Brassicis. Sylvestre frutex est cubitali altitu-  
dine, ramosum, in summo leue, folia nimirū leuia ha-  
bens.

Sylvestre  
rapum.

bés digitali latitudine, aut maiora. Semen in calyculatis fert filiquis: dehiscētibus verò seminū inuolucris, alia intus capitū specie est filiqua, in qua semina parua nigra sunt, sed quæ fracta intus albicent. Flos eius in purpureū vergit colorem. Radix digitalis ferè est. Quæ delineatio prorsus alludit ad hanc herbam quam vulgus Rapunculum nominat: siquidem cubitalis est, fruticosa, ramosa, folio digitali, nigro in filiquis semine, quod cū frangitur albū intus apparet. Flos etiam purpurei coloris est, radixq; digiti magna ex parte magnitudine constat.

## LOCVS.

Satiuum solum putre & solutum desiderat. Syluestre in aruis nascitur passim.

## TEMPVS.

Satiuū rapum floret æstate, ac siliquatur subinde. Syluestre autem verno quidē tēpore priusquam in caulem attollitur, acetariis frequēter inferi solet, erutum radicitus cum foliis suis iam recens enatis, quo sanè tempore à pueris etiam agnoscitur. Deinceps verò exit in caulem & adolescit, ac Iunio mense flores, ac subinde semina profert.

## TEMPERAMENTVM.

Rapa calida sunt in secundo ordine, & humida in primo.

## VIREs. EX DIOSCORIDE.

Satiui rapī elixa radix nutrit, inflat, carnem flaccidam generat, venerem stimulat. Decocto eius podagræ ac perniones fouentur. Ipsa etiam radix trita illita prodest. Si verò quispiā in excauata radice rosaceum ceratum feruenti cinere liquefecerit, exulceratis pernionibus proficiet. Asparagi eius decocti eduntur ciendē vrinæ accōmodi. Semē in antidota & theriaca, præsertim quæ dolores mitigare possunt, aptè additur. Potū venenis aduersā. Venerē cōcitāt.

Muria

## PLANTARVM HISTORIAE.

Muria conditum, comestum minus nutrit, sed appetentiam excitat. Sylvestre rapum miscetur medicamento quæ ad detergendam faciem reliquumque corpus, ex lupinorum, aut tritici, aut lolij, aut crui farina conficiuntur.

### EX GALENO.

Rapi semen venerem excitat, vtpote spiritum flatuosum procreans. Sic & radix concoctu difficilis est, inflatque & semen generat. Succus ex ea in corpus digestus, temperato crassior est: ideoque si quis vltra modum esitauerit, & maximè si perfectè conficere eam nequeat, crudum succum in venis cogeret. Ad alui deiectionem nec conferre quicquam, nec officere dixeris, potissimum quando bene fuerit percocta, ut quæ longam elixationem requirat, optimaque sit bis decoctione perpeffa. Sin crudior ingeratur, cõcoctioni pertinacius resistet, pariet inflationes, & stomachum infestabit, nonnunquam etiam mordere illum non verebitur.

### EX PLINIO.

Rapo vis medica inest. Perniones feruens impositum sanat. Item frigus pellit è pedibus aqua decoctum. Et ius feruens podagris etiam frigidis medetur. Et crudum tusum cum sale cuicunque vitio pedum. Semen illitum & potum in vino, contra serpentes & toxica salutare esse proditur. A multis verò antidoti vim habere in vino & oleo. Democritus in totum ipsum abdicauit in cibis propter inflationes. Diocles magnis laudibus extulit, etiam venerem stimulari ab eo professus. Item Dionysius: magisque si eruca condiretur. Tosta quoque articulorum dolori cum adipe prodest. Sylvestri ad leuigandam albicadâmue cutem in facie totoque corpore, vtuntur mixta, vrina pari mensura. Eius succus circa messem exceptus, oculos purgat, medetur caliginì admixto lacte mulierum.

### EX SI-

## EX SIMEONE SETHI.

Admodum nutriunt rapa, vrinam ciunt, inflant, genitale semen gignunt, fauces leniunt atque thora cem. Crebrior illorum vsus crassum humorem generat, & obstruções iecoris parit. Ventrem nec sistūt, nec mouent. Si cum aceto & sale edantur, appetentiam excitant. Horum semen tritum & haustum magna copia, venerem suscitāt. Fertur quòd si quis hoc ipsum semen cum Calamintha & Lemnia terra cōmixtum sumat, eo die neque veneno, neque morfu venenati animalis lædi. Appensum inguinum morbis peculiari quapiam proprietate medetur.

DE GINGIDIO. CAP. LXXVIII.  
NOMINA.

*γινγιδιον* græcè, Gingidium Latinè, officinis Chærefolium, germanicè Kerbelkraut [Gallicè *Du cerfueil*] dicitur. Chærefolium autem, græca voce & Latina coalescentibus in vnū nomen, ob id dictum est, quòd foliis luxuriēt. Ne tamen vocabulorum vicinitas aliquam pariat confusionem, imperitoq; lectori nomenclationum similitudo imponat, sciendum est officinarum Chærefolium diuersum esse à Chærefolio Plinij.

## FORMA.

Herba est syluestri Pastinacæ similis, tenuior tantum & amarior. Radicula subcandida, amaricante. Vnde satis liquet herbam quam hodie Chærefoliū nominant, esse Gingidium. Nam erraticæ Pastinacæ folium æmulatur, aliquāto tenuius, radicula subalba, amaricante, floribus candidis, semine in siliquis exiguis oblongo, angusto & acuminato.

## LOCVS.

Passim hodie in hortis colitur.

## TEMPVS

Maiο mense floret, & subinde semen profert.

## TEMPERAMENTVM.

Sicut gustu amaritudinem & adstrictionem præfert, sic

Chærefolium.  
Chærefolium unde dictum.

m j

## PLANTARVM HISTORIAE.

fert, sic temperamento quoque ipso caliditatem & frigiditatem. Secundum verò vtranque qualitatem deficcatorium in secundo ordine est: vnde iterum colligi potest, Chærefolium esse Gingidium, quòd ipsum gustui amarorem & adstrictionē cuiusdamtissimè repræsentet.

### VIREs. EX DIOSCORIDE.

Crudum & coctū olerum modo esui idoneū est. Editur etiam sale conditum seruatumue. Stomacho vtile. Vrinam ciet. Decoctum eius cum vino potum, vesicæ accommodum est.

### EX GALENO.

Estur Scandicis modo. Stomacho mirè vtile siue crudum, siue elixum libeat sumere. Longioris decoctionis impatiens est. Nonnulli ipsum ex garo oleoque esitant. Alij vinum aut acerū adiiciunt, ac multo sic magis stomacho conducit. Cum aceto assumptum, fastidiosos ad cibum inuitat. Perspicuum verò est hanc herbam medicamentum magis esse quàm cibum, quippe quæ & adstrictionis & amaritudinis non obscuræ nec exiguæ particeps est.

### EX PLINIO.

Coctū crudumq; stomachi magna vtilitate estur. Siccat enim ex alto omnes humores eius.

### APPENDIX.

Facultates iam commemoratas etiam Chærefolio suo tribuunt recentiores: scribunt enim mirificè conferre ventriculo, ciendisq; mensibus, & vrinæ in vino decoctum, vt iterū hinc constet à Gingidio non esse diuersum.

### DE GENISTA. CAP. LXXIX. NOMINA.

GENISTA Latinis rei rusticæ scriptoribus & Plinio nominatur. Officinis & barbaram sectantibus medicinam, Genesta &

*Genesta.*

*Cenista*

*unde dicta*

*net*] appellatur. Genistam autem vocant haud dubiè quòd

quòd genu modo flexilis ad nexus sit: vel, vt alijs placet, quia genibus medeatur dolentibus. Alia autem est à Sparto, quòd hoc virgas habeat longas sine folijs, vt suo dicemus loco, illa autem minutis folijs scatet.

*Genista  
nō est eadē  
dem cum  
Sparto.*

## FORMA.

Genista fruticat ramis herbaceis, scabris, folijs minutis scatētibus, flore luteo, apibusq; gratissimo, femine lenticulis haud absimili, quod filiquis innascitur, radice sublutea.

## LOCVS.

Perarida loca amat, ideòq; in syluis &, iuxta syluas nascitur.

## TEMPVS.

Floret Maio & Iunio mense, ac subinde in filiquis hirsutis semen profert.

## TEMPERAMENTVM.

Calefacit & siccāt in altero ordine, id quod amaritudo quam gustata refert, & eius facultates abundè docent.

## VIREs.

## EX PLINIO.

Semen Genistæ purgat Ellebori vice, drachma & dimidia pota in aquæ mulsæ cyathis quatuor ieiunis Ramis similiter cum fronde in aceto maceratis pluribus diebus & tuis, succum dant ischiadicis vtilem, cyathi vnus potu. Quidā marina aqua macerare malunt, & infundere clystere. Perunguntur eodem succo ischiadici, addito oleo. Quidā ad straguriam vtuntur semine. Genista tusa cum axungia, genua dolentia sanat.

## APPENDIX.

Ex iam cōmemoratis verbis perspicuū omnibus fit, Sparto & Genistæ, nō obstante quòd forma nō nihil distent, eandem inesse facultatē: vt enim Spartum pituitam per superna & inferna purgare potest, sic etiam Genista. Hinc adeò fit vt eius seminis

m ij      hodierno



# PLANTARVM HISTORIAE

*oleo ex omnibus destillato* modicum tempore contra podagrā magnus fit vsus. Vrinam etiam amaritudinis ratione mouet, & quia incidendi & extenuandi facultatem habet, lapidē tum in renibus, tum in vesica confringere, vt etiam recentiores tradunt, potest. Strumas denique atque alios tumores discutere posse iidem scribunt.

## DE GENISTELLA. CAP. LXXX.

*Genistella nobis frequens.*

### NOMINA.

*Genistella*

R I O R I non admodum dissimilē herbā

P nonnulli Genistellā vocant, quod scilicet

Genista exilior & humilior sit. Germanicē

appellari potest, *die stechende Ginst*. Alij vocant *Erde*

*pfrymen/oder klein streichblumen*. [Gallicē *petit Genet*.]

Sunt qui non sine magno errore pro Genista vtan-

tur, quum facultatibus diuersis prædita sit. Sunt qui

*Rosmarinus aculeatus.*

Rosmarinum aculeatum nominent, quod eius folia

Rosmarino ferē similia sint.

### FORMA.

Frutex est Libanotidis coronariæ, quam Rosma-

rinum vocant, penē folio, sed rigido ac pungēte, flo-

re luteo, piso non dissimili. semine in exiguis siliquis

rufo, radice sublutea.

### LOCVS.

Nascitur in arenosis locis, secus vias.

### TEMPVS.

Maio mense flores luteos producit, quibus pastæ apes improbum mel conficiunt.

### TEMPERAMENTVM.

Adstringentem cum amaritudine facultatē possidet, ac proinde valenter, simulq; citra mordicitatem exiccantem.

### VIRE S.

Semen eius serpentibus aduersari tradunt. Decoctum foliorum, profluuium menstruorum sistit. Idē etiam potum ventris fluori succurrit. Et vt rem in  
pauca

pauca contraham, idem Genistella, quod Hippuris seu Cauda equina potest.

DE GNAPHALIO. CAP. LXXXI.  
NOMINA.

γαφάλιον græcis, Centunculum aut Centu-

**Γ** ularis herba Latinis nominatur. Officinis ignota. Germanis *Rhurkraut* appellat. Gnaphaliū verò vocata est hæc herba, Galeno autore, à cādidis mollibusq; eius foliis, quibus ἀντιγαφάλιον hoc est, pro tomentis vtuntur. Gnaphalion itaq; dicitur, quasi tomentitia Cētunculum autem dixerūt, quòd centonibus cum tomēto maxima sit cognatio. Germanicam nomenclaturā ab eius facultate aduersus dysenteriam illi inditā esse nemini non notū est.

*Cētūculū.*

*Cētūcula, ris herba.*

*Gnaphalium quare dictum. Cētunculus cur uocata.*

GENERA.

Duūm esse videtur generū: vnū enim paulò latioribus ac cādidiōribus foliis cōstat: alterum verò tenuioribus & minus cādidis, quodq; flores in summitate ac cacumine tantūm profert. Verūm cū forma parum admodum, facultatibus verò nihil distet, nos vna pictura genus vtrunque complexi sumus.

FORMA.

Candida & mollia Gnaphalium obtinet folia, atque adeò tomētitia, floresq; luteos, radicem vero capillatam ac tenuem, vt pictura ipsa monstrat.

LOCVS.

Vulgaris herba vbique scatens Gnaphalium, in locis siccis potissimum, interdum etiam pinguibus proueniens.

TEMPVS.

Iulio & Iulio mensibus floret.

TEMPERAMENTVM.

Adstringit atque adeò exiccat Gnaphalium.

VIREs. EX DIOSCORIDE.

Gnaphalij foliis aliqui pro tomēto vtuntur. Tamen faciunt hæc ipsa in austero vino pota ad dysenteriam.

# PLANTARVM HISTORIAE.

## EX GALENO.

Folia Gnaphalij mediocriter adstringūt, ac proinde quidam id exhibent ex austerorum vinorum quopiam dysentericis.

## EX PLINIO.

Datur in vino austero ad dysenteriam, ventris solutiones, mēsesq; mulierum sistit. Infunditur autem tenasmo. Illinitur & putrescentibus vlcerum.

## DE DIPSACO. CAP. LXXXII.

*Dipsacus sativus & erraticus nobis est.*

## NOMINA.

	<i>ἰϗανος</i> Græcis, Labrum veneris, Carduus <i>ve</i>
<i>Virga pa-</i>	<i>Δ</i> neris latinis, Virga pastoris officinis, & Car
<i>storis.</i>	do fullonum dicitur. Germanis <i>Kartendistel</i>
	<i>Eubenstrel</i> / <i>Vueberkarten</i> [Gallicè <i>Chardon a carder</i> A-
<i>Dipsacus</i>	liis <i>Verge a Fergier</i> , ou <i>Chardon a Foullon</i> .] Dipsaci au-
<i>unde dicta</i>	tem nomē à cōtrario inuenit, quoniā concavo alarū
	sinu rorem vel imbrē recipiat, quo velut ad abigen-
<i>Labrū ue-</i>	das fitis iniurias abutitur. Labri veneris nomenclat-
<i>neris.</i>	tionem à carinato foliorum habitu contraxit, quæ
	se anfractuosa sinuantia ambage, peluis vel lauacri
<i>Virga pa-</i>	speciem constituunt, & intra se humorē nunquā nō
<i>storis.</i>	retinent. Virga pastoris haud dubiē dicta est, ob lō-
	gas virgas, quibus cardui ad poliendos pānos vtilēs
	insident, quas pastores fortē sumunt, & ea parte qua
	possit manu capi aculeis nudant, reliqua autem acu-
<i>Carduus</i>	leata parte gregem ducunt Carduus verò fullonius
<i>fullonius.</i>	cœpit appellari, quòd ea rudes pannos velut echino
	quadam expoliunt, detractisque floccis concinnāt.
<i>Serapiōis</i>	Errat mirum in modum Serapionis interpres, qui
<i>interpres</i>	sub Virgæ pastoris nomine, Polygonon Dioscori-
<i>perstringi</i>	dis delineat.
<i>tur.</i>	

## GENERA.

Duūm est generum. Vnum quod à fullonibus in hortis plantatur, alterum quod sua sponte passim prouenit. Differunt inter se hac quidē ratione, quòd primū folia latiora & profundius in ambitu incisa, flores

flores cādidos, echinatāque capitula magis aculeata habeat: alterum contrā angustiora & minus lacinata folia, flores purpureos, capitulaque minus aculeata obtinet. Nos discriminis illius rationem habētes, primi generis appellauimus *Dipsacum album*, alterius verò *Dipsacum purpureum*, ad florum nimirum respicientes diuersitatem.

## F O R M A.

*Aculeatarum* generis est hæc herba. Caulem habet altum, spinis horrentem, folia caulem amplectentia, lactucæ similia, in singulis geniculis bina, oblonga, aculeis armata, quæ in dorso medio veluti bullas intus & extrā spinosas habēt, concauo quo se in geniculis coniungūt sinu, quo aquæ, rores, & imbres asseruantur, vnde *Dipsaci* quasi sitientis nomē traxit. In cacumine caulis, singulis surculis capitulum vnum echino simile inest, oblongum, aculeatum, quod postquam exaruerit candidum apparet. Dissectum per mediam medullam caput, vermiculos habet. Quod si itaque contempleris eam quam herbarij hodie *Virgam pastoris* & *Carduum fullo-* num nominant herbam, offendes omnes huic notas respondere. Siquidem hæc pastoria virga profert caulem binū cubitorum, imò qui sæpiuscule supra hominis altitudinem increseat, spinis horridum, geniculatum, folia lactucæ, in singulis geniculis bina, prælonga, aculeata, quorum toruli bullantibus turgent spinis, dorsoque nocentibus aculeis rigent, carinato alarum sinu, qui peluis vel labri modo roris & imbris pluuij capax sit. Gnaræ laticis huius auiculæ, cū solis ardentissimus opprimat æstus, huc appellantur ad satianda sitis desideria, illis facta bibendi potestate anfractu liberalem potū ministrante. Scapōrū fastigia echinato minatur vertice, resupina hamulorū flexura, mucronibusque leuiter vncinatis, quibus rude lanificiū asperoductu leuigatur. Singuli echini è rotūdo in oblongū

# PLANTARVM HISTORIAE.

quod antenus turbinantur, inter quorum spicula cādicās aut purpureus emicat flos. His dissectis in medullo vermiculos identidem nobis in autumno quū *Vermiculi in echinis* exiccare incipit licet inuenire. Vermiculus autē albus est, qui per cavitatē echini dimouetur, & in cavitatem transiit. Hyeme etiam eundem videre licebit *nis Dipsacis* antequam præ frigore moriatur. Imò etiā veris initio in quibusdā vermiculi à nobis reperti sunt, partim viui, partim mortui.

## LOCVS.

Nascitur humectis locis, iuxta riuos aquarum & fontes: quapropter nonnulli Dipsacon à Græcis nominatum esse arbitrantur.

## TEMPVS.

Carpitur in æstate, Iunio & Iulio potissimum mensibus.

## TEMPERAMENTVM.

Dipsaci spinæ radix ex secundo ordine exiccantium est, habetque nonnihil abstersorium.

## VIRE. EX DIOSCORIDE.

Huius radix cum vino decocta & tusa vsq; dū cerati crassitudinē accipiat, imposita rimas fistulāsque sedis sanat. Oportet autē medicamentū hoc ærea pixide recondere. Ferūt præterea formicis & verrucis pēsilibus remedio esse. Vermiculi capitis eius in folliculo clausi & collo aut brachio appensi, quartanas sanare produntur.

## EX PLINIO.

Sanat rimas sedis, item fistulas decocta in vino radice vsq; dum sit crassitudo ceræ, vt possit in fistulā mitti. Item verrucas omniū generū. Quidam & alarum, quas modò diximus, succum iis illinunt.

## APPENDIX.

Aliæ facultates quæ à Serapionis interprete & aliis recentioribus illi conceduntur, non sunt genuinæ, sed spurix, & Polygono adscribendæ.

DE DAPH-

## DE DAPHNOIDE. CAP. LXXXIII.

## NOMINA.

αφροδίσ Græcè, Daphnoides Latine nominatur, Officinis & nostræ ætatis herbariis, græcam imitantibus vocem, Laureola. *Laureola.*  
 Germanis zeilant, & zeidelpast. [Gallicè de la Laureolle] nuncupatur. Daphnoides autem & Laureola, à Lauri forma & specie, quam in foliis & fructu *Daphnoides unde dicta.* refert, dicta est.

## FORMA.

Futex est cubitalis, ramos cōplures habēs lori instar flexiles, à medio sursum versus foliosos. Cortex ramos vestiens admodū glutinosus lentusue est. Folia Lauro similia, molliora tamē, tenuiora, nec facile fragilia, os & fauces erodentia, incendientiaque. Flores candidi. Fructus ubi ematuruerit subniger. Radix inutilis. Quæ in vniuersum omnes notæ Laureolæ hodie dictæ conueniunt. Nec obstat quòd *Obiectio nis dissolutio.* Dioscorides suæ Daphnoidi cādidos tribuat flores, cum Laureola purpurascens potius habeat: solet enim color secundum diuersas regiones in eadē sæpe herba mutari, vt fufius in Symphyto maiore dicemus. Et certè nihil incommodi erit si etiā Laureolæ flores quispiam cādidos dixerit, cum albi coloris non minor quàm purpurei in iis portio reluceat. Verisimile quoque est Dioscoridem ab extremo potius colore, quàm medio flores appellare voluisse.

## LOCVS.

Nascitur in montanis & syluestribus locis.

## TEMPVS.

Foret primo statim vere antequam folia erūpūt. Fructum autem autumno profert.

## TEMPERAMENTVM.

Calida est admodum & sicca.

## VIRE. EX DIOSCORIDE.

Ducit per inferna pituitosa siccum aut recens Daphnoidis folium. Vomitus & menses cit. Com-  
 mandu-

# PLANTARVM HISTORIAE.

manducatum capitis pituitas elicit. Sternutamenta  
itidem mouet. Purgant etiam seminis eius pota gra  
na quindecim.

## EX PLINIO.

Daphnoides siue syluestris laurus aluum soluit,  
recēti folio vel arido drachmis tribus cum sale & hy  
dromelite manducata. Pituitas extrahit foliū & vo  
mitus. Stomacho inutile. Sic & baccæ quinæ denæ  
ue purgationis causa sumuntur.

## APPENDIX.

*Officina  
rū error.*

Animaduertendum hoc loco mirum in modum  
errare officinas, propterea quòd foliis Daphnoidis  
pro Mezercon, quæ tamen Græcorum est Chame  
læa diuersa admodum à Daphnoïde, vtatur: & eius  
fructu pro cocco cnidio, quòd fructum Thymelææ  
esse notius est quàm vt demonstrari debeat. Sic in  
manifestissimis cæcutire solent officinæ, pulchrè in  
terim ad eos errores conniuentibus medicis, nō mi  
nus quàm illi rei herbariæ imperitis. Thymelæan  
verò non esse laureolam hodie appellatam herbā,  
ex eo colligi potest, quod hæc ipsa, Dioscoride auto  
re, linum nonnullis nominata sit, non alia quidem  
ratione, quàm quòd satiui lini similitudinem refer  
rat, cui quàm dissimilis laureola sit, nemo nō nouit.  
Sunt etiam qui ad hanc similitudinem respicientes,  
in hodiernū vsque diem linum syluestre appellāt.

*Thyme  
læa nō est  
laureola.*

## DE DRYL. LXXXIII.

### NOMINA.

pūs Græcis, Quercus Latinis & Officinis, Ger  
manis *E ychenbaum* [Gallicè *Vng Chesne*] ap  
pellatur.

### FORMA.

Notissima est arbor Quercus, procera, crassiore  
& asperiore caudice, ramosa, foliis profundè lacinia  
tis. Glandes producit optimas, & grandissimas, gal  
las item & viscum. Radix eius latissimè circumia  
centem terram amplectitur.

### LOCVS.

## LOCVS.

Passim in syluis aliisque locis nascitur.

## TEMPVS.

Vere quidem germinat, sed tardius multis aliis arboribus.

## TEMPERAMENTVM.

Desiccatur, adstringit & excalfacit paulò infra mediam, in genere scilicet eorum quæ tepida sunt.

## VIRE. EX DIOSCORIDE.

Quercus omnis adstrictoriam facultatem habet, præsertim id quod inter corticem & caudicem membranæ simile clauditur: quinetiam membrana putamini glandis subiecta, Decoctum ex iis datur dysentericis & sanguinem excreantibus, & in pessis tritum contra fluxiones mulierum apponitur. Glandes idè possunt. Vrinam ciunt, capitis dolorem, & flatu comestæ pariunt. Resistunt escitæ venenatorum ictibus. Decoctum corticis cum lacte bubulo potum, contra toxica prodest. Crudæ autem tritæ & illitæ inflammationes leniunt. Ad malignas duritias, & malefica vlcera cum adipe suillo salso conueniunt. Galla fructus est quercus. Aliqua omphacitis appellatur, parua quidem, præ se ferens formam in digitis articulorum, solida, nullo foramine peruia. Altera leuis, plana, perforata. Eligi debet omphacitis quæ efficacior est. Vtraque vehementer adstringit. Carnium excrescentias tritæ, fluxiones gingivarum & columellæ, atque in ore aphthas reprimunt. Nucleus earum cauernis dentium inditus, dolores sedat. Crematæ carbonibus donec igne flagrèt, & vino aut aceto, aut oxalme extinctæ, sanguinem reprimunt. Decoctum earum ad infessus vtile, contra vuluæ procidentias, fluxionesque. Capillos denigrat aceto aut aqua maceratæ. Cœliacis, dysentericis, cum vino aut aqua trita conuenienter illinuntur aut bibuntur. Vtiles & obsoniis mixtæ, aut integræ in aqua præcoctæ, in qua aliquid coquendum sit quod ipsis conferat. In summa, galla vtedum quoties opus est adstrictiõe & exiccatiõe.

EX GA-



# PLANTARVM HISTORIAE.

## EX GALENO.

Quercus omnes partes adstrictoriæ facultatis participes sunt: Sed plus tamen quæ in trunci cortice membrana subest, tum quæ sub glandis putamine, ea videlicet quæ fructus carnem conuestit. Quamobrem ad fluxum muliebrem, sanguinis expuitiones, ventrisque diuturnos fluxus, commodâ esse credunt. Maximè verò ea vtuntur decocta. Siquidem ego quandoque glutinasse me vulnus memini securi inflatum, quum nullum ad manum esset medicamentum præter ipsius Quercus folia. Terebam verò in leui saxo, & vulnus cum circumiacentibus locis illinebam. Eandem foliis vim habet & fructus Quercus, eoque medici nonnulli ad incipientes, & crescentes phlegmonas vtuntur. Nam quæ iam vehementes sunt, adstringentibus haud indigent. Galla quæ omphacitis nuncupatur, admodum acerbum est medicamentum, plurimum terrenæ & frigida substantiæ particeps, per quam desiccet & reprimat fluxiones: adhæc constringit contrahitque partes laxas ac lâgidas, omnibusque fluxionum affectibus strenuè resistit. Esto verò tertij in desiccando, secundi autem in refrigerando ordinis. Altera autem galla, flaua, laxa, & magna, exiccat quidem etiam ipsa, sed tanto, quanto acerbæ qualitatis minus est particeps. Cocta itaque ipsa per se, ac deinde trita cataplasma nõ instrenuum est sedis phlegmonarum, ac procidentiarum. Porro coquenda est in aqua, si modica opus sit adstrictione: sin vehemētiore, in vino. Et si augere insuper adstrictionē sit opus, vino etiā vtare austeriore. Denique gallæ combustæ sanguinis reprimendi facultatem acquirunt, ac nimirum etiam calorem & acrimoniam ex vstione assumunt, suntque iis quæ ignem non expertæ fuerint, tū subtiliorum partium, tum maiore desiccandi potestate. Cæterum quum ad sanguinis suppressionem præparare eas voles, carbonibus impositas dū vndequaquē candcant,

*Vsta acrimoniâ assumunt.*

candeant, aceto aut vino extinguere oportebit.

## EX SIMEONE SETHI.

Glandes difficilis sunt coctionis, & valde nutriūt, tardius descendunt, crudosque humores generant proptereaque illarum vsum deuitari præcipimus.

## DE DAUICO. CAP. LXXV.

*Dauci primum genus nobis tantum frequens.*

## NOMINA.

αὔκος Græcè, Daucus Latinè nominatur.

Δ Officinæ aliis & adulterinis herbis sub hoc nomine vtuntur. Germanicas appellationes in generum explicatione indicabimus. *Beruurtz cur diſſa*

## GENERA.

Dioscorides tria Dauci commemorat genera. Primum Creticum daucum vocat. Germanis *Beruurtz*, [Gallicè *Carotte ſauluaige, ou panet ſauluaige*] propter capillatam radicem, aut quia vteri dolorem, qui iisdem *Bermuter* appellatur, sanat. Alterum nomine peculiari caret, foliis *Laſerpitio* ſimile, Germanis *Vueiſz Hirtzuurtz* dicitur. Tertium genus itidè nomine deſtituitur proprio, Germanis autem nonnullis *ſchuurtze Hirtzuurtz* [Gallicè *Ces deux autres, les herbiers appellent aſiniani daucum*] nominat. *Creticus daucus.*

## FORMA.

Creticus daucus folia *Fœniculo* ſimilia habet, minora tamen & tenuiora. Caulem dodrantalè, vni bellam *Coriandro* ſimilem. Flores candidos, & poſt hos ſemen acre, candidum, hirsutum, & in commandando odoratum. Radicem craſſitudine digitali, & longitudine dodrântali. Omnes huius deſcriptionis notæ, herbæ quam *Beruurtz* Germani vocant cōuenire ad vnguem videntur, vna duntaxat excepta: ſiquidem ſemen non eſt hirsutum. Sed quum omnia alia, atque adeò facultates etiam ipſæ reſpondeant, non eſt cur vna hæc nota nos impediat, cur minus Creticum daucum credamus, aut ſaltem Germanicum qui Cretico per omnia reſpondeat. Vel ſi prorsus

# PLANTARVM HISTORIAE.

sus alicui non satisfaciunt, quæ diximus, dicat planè hanc herbam esse Sefeli Creticum, cuius etiam herbæ notæ omnes huic nostræ conueniunt, neque etiã facultates quas similes Dauco cretico habet, discrepant. Alterũ Apio syluestri, vel, vt antea diximus, Laserpitio simile est: aromatum modo odoratum, acre, gustanti odoratum & feruens. Tertium foliis Coriandro assimilatur, flore candido, capite & semine Anethi, i quo umbella erraticæ Pastinacæ similis est, semine oblõgo plenum, sapore vt Cuminũ acri.

## LOCVS.

Primum in petrosis & apricis locis nascitur, nusquã verò in Germania cõpiosius quàm in Martianæ syluæ quibusdam pratis prouenit. Reliqua duo genera in altis montibus gignuntur.

## TEMPVS.

Iunio & Iulio mensibus florent.

## TEMPERAMENTVM.

Semen Dauci admodum calefacit & exiccat. Idẽ etiam, sed minori efficacia, facit herba.

## VIRES. EX DIOSCORIDE.

Omnium Daucorum semen calefaciẽdi vim obtinet. Potum menses, fœtus, & vrinas mouet. Torminibus liberat. Tusiles diutinas lenit. Succurrit phalangiorum moribus cum vino potum. Oedemata illitum discutit. Ex aliis seminis tantum vsus est, ex Cretico radice etiam, quæ cum vino præsertim ad venenata bibitur.

## EX GALENO.

Dauci semen efficax admodum tum mouendæ vrinæ medicamentum, tum prouocandis mensibus. Multum etiam discutere foris impositum valet. Ipsa etiam herba eandem vim obtinet, semine tamen inferiorẽ, nimirum ob aquæ humiditatis misturã.

## EX PLINIO.

Vehementer vrinam impellit. Creticum magis contra serpentes pollet. Bibitur è vino drachma  
yna,

una, datur & quadrupedibus percussis, aduersa phalangio, capitis dolori medetur, tussi subuenit, stranguriæ medetur drachma seminis. Eius radix in vino pota, dysenteriam sistit. Contusis & euerfis potum duobus obolis in mulsi cyathis tribus subuenit, aut si febris adsit in aqua nulla. Menses & secundas potum facilius pellit. Calculos eiicit. Folia omnia tela infixâ corpori extrahunt.

## DE DRACONTIO MAGNO.

## CAP. LXXXVI.

*Dracunculus serpentaria uulgò.*

## NOMINA.

ρακοντία μέλαινα, ἢ δρακόντιον μέλαινα Græcis,

Δ Dracunculus maior Latinis, nonnullis Serpētaria maior dicitur. Officinis ignota herba. [Germani Schlangenkraut [Galli Serpentair, ou Serpentine] vocant. Nomen autem à figura sumpsit: caulis enim glaber, purpureisq̃ue respersus lituris, versicolori facie, corpus anguinum representat & æquat longitudine. Vertex quoq̃, sinuoso oris hiatus linguam exerens cruentam, caput exprimit. Atque hinc est quòd veteribus etiam Romanis Colubrina ac Serpentaria nuncupata sit: vel sic dicta, Plinio autore, quòd è terra ad primas serpentium vernaliones exeat, rursusq̃ue cum iisdem se in terrâ recondat, nec omnino occultata ea appareat serpens.

*Serpentaria maior.  
Dracunculus unde dicta.*

*Colubrina*

## FORMA.

Caulem habet glabrum læuumq̃ue, rectum, bicubitalem, baculi crassitudine, versicolorem, vt angui similis videatur, purpureis etiam maculis abundat. Folia fert Rumicis inflexa, & plicata. Fructum in summo caule racemosum, coloris inter initia cinerea, postea quàm maturuit crocei & punicei. Radicem grandem, rotundam, candidâ, tenui cortice vestitâ. Ex qua delineatione omnibus perspicuû fit, plantam eam cuius picturâ exhibemus, esse Dracunculum maiorem. Simplici enim caule attollitur, binum cubitum

# PLANTARVM HISTORIAE.

cubitū alto, læui glabrōue, recto, baculi crassitudine  
versicoloribus anguiam maculis variegato, purpu-  
reis etiam intercurfantibus lituris, ita vt planè ser-  
pentis habitum coloréque mentiri videatur. In ver-  
tice comofo fōlia prodeunt sēna septenāue. crassiore  
pediculo digitorum modo propendentia, puniceis  
respersa notis, Rumicis primi generis figura. E fo-  
liato scapi fastigio, vagina quædam foris herbacea  
profilit, in mucronem sensim turbinata, velut eru-  
pturi partus inuolucrum, quæ cum dehiscens sese pā-  
dit, purpureum cornu in acumen fastigiatum demō-  
strat. Ea seminis incremento distenta diffilit in ri-  
mam, & tandem elanguescens flaccescit, subarescēs-  
que perit relicto cornu. Cuius imam partem race-  
mosus fructus ambit, acinis primo virentibus, dein  
croceo & puniceo colore rutilantibus. Radix deni-  
que magna, rotunda, alba, tenuique cortice vestita.  
Et in summa, nulla est prorsus nota, quæ reclama-  
re videatur.

## LOCVS.

Nascitur in opacis sepibus.

## TEMPVS.

Carpitur semen cū maturitate nigrescit. Radix  
per messē effoditur, hoc est, Iulio mense, aut inī-  
tio Augusti.

## TEMPERAMENTVM.

Dracunculus acris & amarus est, leuiculamque  
quandam adstrictionem habet, vt calidam & siccā  
esse nullus dubitare possit.

## VIRE. EX DIOSCORIDE.

Radix calefaciendi vim obtinet. Tosta & elixa  
cū melle delicta orthopnoicis, ruptis, conuulsis, tuf-  
sibus, & destillationibus prodest. Pota cum vino ve-  
nerem stimulat. Concisa & ex melle illita, vlcera ma-  
ligna atque phagedænica expurgat, præsertim cum  
vite alba. Ex ea & melle collyria ad fistulas, & fœtus  
euocandos componuntur. Ad vitilignes cum mel-  
le effi-

le efficaciter illinitur. Polypus & carcinomata absumit. Succus eius ad oculorum medicamenta, ite contra nubeculas, albugines, caliginemque utilis est. Odor herbæ radicisque, recēs conceptos abortu vitiat. Idē præstant triginta grana eius in posca pota. Sunt qui eius succum cum oleo aurium doloribus infudere. Quinetiam folia eius, utpote adstringentia, vulneribus recentibus imposuere, in vino autē cocta pernionibus. Ferunt non feriri à vipera eos qui folia manibus affricuerint, aut radicem gestauerint.

## EX GALENO.

Dracuntium quiddam Aro persimile habet, tum foliis, tum radice. Acre etiam est & amarum, tenuiumque partium. Obtinet quoque leuem quandam adstrictionem, quæ quandoquidem cum prædictis duabus qualitatibus, acris scilicet & amara, cōiuncta est, medicamentum factum est, utique maximè efficax. Nam radix viscera omnia expurgat, crassos potissimum & lentos humores extenuans. Optimūque remedium est cōtumacium vlcerum. Expurgat extergetque strenuè tum alia quæ extersionem desiderant, tum alphas cum aceto. Folia quoque, utpote similem facultatem habentia, vlceribus, vulneribusque recens inflatis accommodata sunt, & quanto minus fuerint sicca, tanto magis conglutinant: nā quæ sicciora sunt, viribus sunt acrioribus quàm ut vulneribus conueniant. Creditum est cascum humidum si illis foris tectus reponatur, ob temperaturæ illorum siccitatem, à putredine conseruari. Fructus valétior est, non foliis tantum, sed & radice: proinde & caneros, & polypodas eliquare creditus est. Succus quoque eius vitia oculorum expurgat. Dracōtij radicē bis teruē elixam, quo omnē exuat medicamento sam vim, in cibo interdum Ari modo exhibemus, quum crassi ac glutinosi thoracem pulmonemque infestantes humores fortiore vi expellendi veniunt.

# PLANTARVM HISTORIAE.

## EX PLINIO.

Omnino habentem Dracunculum serpentes fugiunt. Ideo percussis prodesse in potu maiore aiunt: ut & menses, si ferro non attingatur, sistat. Succus eius & aurium dolori prodest. Reliquas facultates in Ari descriptione offendes. Videntur enim veteres Arum cum Dracunculo minori miscuisse.

## APPENDIX.

Hæc est vera Serpentaria quo officinis vtendum erit, & minimè ea quam alio nomine Bistortam vocant. Nam viribus planè ab ea quæ genuina est diffidet, ut suo etiam loco monuimus. Quare non est cur deinceps eandem medicamentis quæ thoraci expurgando adhibentur admisceant medici, sed hanc potius, cuius picturam oculis subiicimus.

## DE DAPHNE ALEXANDRINA.

### CAP. LXXXVII.

*Laurus Alexandrina bislingua & Bonifacia, mihi ex Germania delata uisa est qualis hic pingitur.*

## NOMINA.

*Ἰδαία* Græcis: Laurus Alexandrina, aut Idæa Latinis, officinis Vularia, nonnullis Bonifacia, multis etiam Paganalibus, Germanis *zapsinkraut, haucklatt, & aufsenblatt* dicitur. Theophrastus appellat *ἰπυλλόκαρον*, quod fructum super foliis ferat. Alexandrinā autem laurum dictam putamus, quod Alexander victor ea usus fuerit. Hinc est quod Apuleius hæc Victoriam nominet, quod nimirum victores ea pro Lauro in triumphis & victoriæ signum vterentur: quanquam in eo capite Daphnoïda cum Victoriali confundat. Idæa verò ab Ida monte, quo in loco speciosior & copiosior nascatur.

## FORMA.

Folia Rusco seu Myrto sylvestri similia habet, maiora tamen, molliora & candidiora. Fructum in mediis foliis fert rubentem, Ciceris magnitudine. Ra-

mos

mos spargit à terra dodrantes, & aliquando ampliores Radicem Ruſco ſimilem, maiorem tamen, odoratam, & molliorem. Ex qua ſanè delineatione ſatis perſpicuum fit, eam herbam cuius picturam damus, eſſe Laurum Alexandrinà. Folio ſiquidè Myrti ſylueſtris, ſed vt Plinius lib. xv. cap. xxx. ait, acutiore, molliore, & candidore, fructu inter folia rubro, magnitudine Ciceris, ramulis à terra ſparſis dodrantalibus, radice ſylueſtri, Myrto proxima, odorata & molli.

## LOCVS.

Nascitur in locis montanis, & in Ida monte, vt comprehenſum eſt, ſpecioſiſſima. Nunc adfertur ex inferiore Pannonia, atque in nonnullis hortis plantata prouenit.

## TEMPVS.

Fructum in æſtate in medio folij, in geniculo alterius folij quod maiori ſupernascitur, proſert.

## TEMPERAMENTVM.

Calida & ſicca eſt, id qđ guſtus euidentè mōſtrat. Siquidem guſtantibus acris ſimul & ſubamara eſt.

## VIRE. EX DIOSCORIDE.

Radix eius pota pondere ſenum drachmarum cū dulci vino, diſſiculy parientibus, & ſtillicidio vrinæ laborantibus ſuccurrit. Sanguinè quoque mèſtrum elicit.

## EX GALENO.

Pota tum vrinas, tum meſes prolicit.

## EX PLINIO.

Celeres partus facit, radice pota trium denariorum pondere, in vini dulci cyathis tribus. Secundas etiam pellit mentesque, eodem modo pota.

## APPENDIX.

Recenitores in faucium vlceribus, & humecta ſupra modum columella vtuntur. Hinc eſt quòd nonnulli appèdant hanc herbam pueris, vt nimia illorum humiditas exiccetur.



PLANTARVM HISTORIAE  
DE EPHEMERO NON LETALI.  
CAP. LXXXVIII.

*Ephemerum non lethale quod nonnulli Hemerocallies, alii Liliū conuallium. alii grand Muguet dicunt.*

NOMINA.

*Φύμρον, ἡ ἴρις ἀερία* Græcis, Ephemeron, Iris  
E syluestris Latinis dicitur. Cùm autem Gale-  
no, Paulo, & Dioscoride testibus, duo sint E-  
phemerī genera, alterum, quod Colchicon à natali  
solo dicitur, interficiens, de quo suo loco plura: alte-  
rum quod non letale est, & præcipuo nomine Ephe-  
merum dicitur, hic de secundo, nempe non interfi-  
ciente, nobis sermo duntaxat erit. Ephemerum au-  
tem nominatū est, non quod eadem die iugulet (nul-  
la enim ei vis mortifera inest) sed quòd flos illius cō-  
festim marcescat, nec longius vno & altero die com-  
moretur. Vulgus & officinæ Liliū conualliū, quod  
in opacis & lucis nascatur, appellant. Germani *May*  
*enblumle* [Gallicè *du Muguet*.]

FORMA.

Caulem & folia Lilio similia habet, tenuiora ta-  
men. Flores cādidos amaroque. Fructum mollem.  
Radicem vnā digitali crassitudine, longā, adstrin-  
gentem, odoratam. Quæ siquidē delineatio ita her-  
bæ illi quam vulgus Liliū conualliū nominat, cō-  
uenit, vt nulla prorsus in ea sit nota, quæ ei non re-  
spondeat. Caulem enim & folia Liliij habet, sed te-  
nuiora. Flores candidos & suauiter olentes, gustu a-  
maros. Fructum mollem, colore puniceum, asparagi  
fructui non dissimilem. Radicem singularem digiti  
minimi crassitudine, longam, adstringentem & odo-  
ratam. Nec obstat quòd nunquā aut rarissimè apud  
nos reperiatur radix quæ minimi digiti crassitudi-  
nem æquet. Dioscorides enim cū alicui herbę aut  
radici mensuram tribuit, id facit vt maiori parti in-  
diuiduorum illius speciei quadret, nec adeo statam  
mensuram assignat, quin quandoque infra aut su-  
pra

pra hanc esse possit. Cui hoc etiam accedit, quòd magnitudo secundum diuersas regiones in vna eademque herba sæpe variatur, ita vt nihil mirum sit radices nostri Ephemeris, paulò quàm illius quas Dioscorides vidit, minores esse.

## LOCVS.

Nascitur in syluis & vmbrosis locis.

## TEMPVS.

In Maio mense flores illius magna copia erūpūt, ac mox iterum euanescent atque decidunt. Deinde Iulio mense fructus profertur Asparago haud dissimilis, vt dictum est.

## TEMPERAMENTVM.

Mistæ est temperaturæ, Galeno teste, nempe repellentis & discutientis, quia scilicet radix adstringit, floresque amari sunt.

## VIRE. EX DIOSCORIDE.

Huius radix in dentium doloribus remedio est, si decocto eius colluuntur. Folia in vino decocta & illita, ædemata & tubercula, quæ nihil adhuc puris contraxerunt, discutiant.  $\pi\upsilon\rho\sigma$  enim & non  $\upsilon\rho\rho$  legendum, vt ex Galeno liquet.

## EX GALENO.

Ephemerum nō illud letale, quod etiam Colchicum nominant, sed alterum, quod & Irin agrestem vocant, folia & caulem Lilio similem obtinet, radicem oblongam, non rotundam ceu Colchicum: digiti autem potissimum crassitudine est, adstringens & boni odoris. Ex quibus palàm fit quòd mistæ sit facultatis, nempe repellentis, & halitu digerentis. Testificantur verò id quæ particulatim addit opera. Siquidem non inefficaciter radix eius in dentium doloribus colluitur. Folia tuberculorum tum augmento, tum vigori congruunt. Oportet autem in vino decocta prius quàm pus moueas illinere.

## EX PLINIO.

Radicem vnā digiti crassitudine obtinet, den-  
n iij                      tibus

# PLANTARVM HISTORIAE.

tibus præcipuam concisam in aceto, decoctamque vt tepido colluantur. Et ipsa etiam radix mobiles sistit,cauis & exesis imprimitur.

## APPENDIX.

Recentiores roborare cor,iecur,cerebrumque tradūt. Hinc est quòd eius succum aut decoctum syn-  
copa, vertigine, morboque comitiali correptis, atton-  
nitis, & phreneticis exhibeant Cæterum incipien-  
ti elephantia, ne latius serpat, & altius radices agat,  
viam præcludere scribunt. Ocularij medici ad ocu-  
lorum caligines discutiendas eo etiam vtuntur.

## DE ELENIO. CAP. LXXXIX.

*Elenium vulgo cum Latinis Enula Campana.*

## NOMINA.

*Enula cā-  
pana.  
Elenium  
de dictā.*

**E**λενιον Græcis, Elenium & Inula Latinis, offi-  
cinis Enula, rusticis Campana, vulgo iunctis  
vtrisque vocabulis Enula campana dicitur.  
Germanis Alant, Elenium autem ab Helenæ lachry-  
mis, è quibus natum fabulantur, quidam dictum es-  
se volunt. Alij quoniam contra serpentes ex eo pri-  
mum ab Helena remedium inuentum sit.

## FORMA.

*Obiectio  
diluatur.  
Marcel-  
lus Florē-  
tinus.*

Caulem ex se mittit Elenium crassum, hirsutum,  
cubitalem, & aliquando maiorem (interdum enim  
iustam hominis staturā altitudine æquat) angulo-  
sumque. Huic supernè lutei flores insident, & in his  
semen Verbasco simile, tactu pruritum excitans. Fo-  
lia angustifolio Verbasco similia obtinet, lanugino-  
siora tantum & oblonga. Radicem subruffam, odo-  
ratam, magnam, subacrem, ex qua ad consitionem  
Liliorum aut Ari instar, pingues propagines appē-  
dicæ sue auferuntur. Hæ siquidem notæ Enulæ cam-  
panæ vulgo dictæ pulchrè quadrant, neque obstat  
quòd non in cunctis Græcis exemplaribus omnes  
illæ habeantur, cum in nonnullis, iisque probatissi-  
mis saltem legantur. Sic Marcellus Virgilius Flo-  
rentinus in suis quos ædedit in Dioscoridem com-  
mentariis

mentariis testatur, sibi visum esse antiquissimum ac probatissimum codicem, in quo adhuc omnes seruatur. Et certè nihil absurdi commitemus, si nonnullas Dioscoridem notas subtriciuisse dicamus, cum euidentiissimum sit Inulam non passim vna forma præditam nasci, quâdo, eodem Dioscoride teste, in quibusdam locis caulem haud emittat: in irriguis denique procerior & elegatior, quàm in siccioribus proueniat. Huc accedit quòd aliàs sæpe notas etiâ admodum necessarias prætermittat.

## L O C V S.

Nascitur môtanis, vmbrosis, & siccis locis. In hortis etiam passim hodie plantatur.

## T E M P V S.

Radix æstate effoditur, & concisa siccatur. Floret Iulio mense.

## T E M P E R A M E N T V M.

Elenij radix nõ primo statim occurru excalescit, ac proinde non dicenda est calida & sicca exactè, seu mel & piper albû, sed cû recremētio humore.

## V I R E S. E X D I O S C O R I D E.

Radicis Elenij decoctum potum, vrinam & menses ducit. Ipsa deniq; in eclegmate cum melle sumpta, tussi, orthopnœæ, rupturis, conuulsionibus, inflammationibus, venenatorum moribus prodest, calefaciendi vi quâ in vniuersum habet. Folia eius in vino cocta ischiadicis vtiliter illinuntur. Radix etiâ Elenij in passo condita, stomacho utilis est. Siquidè salgamarij paululum siccata eam, mox decoctam, frigida aqua demergunt, postremò in defrutum cōiectam ad vsum recondunt. Ea trita & pota sanguinem excreantibus auxiliatur.

## E X G A L E N O.

Elenij radix maximè utilis est. Eclegmatis quæ faciunt ad educendos lentos & crassos qui sunt in thorace & pulmone humores commodè miscetur. Rubrificant quoque ea partes frigidis & diuturnis

# PLANTARVM HISTORIAE.

vexatas affectibus, cuiusmodi sunt nonnullæ cōxarum passionēs, ischiadas vocant, & exiguæ assiduæ quæ quorundam articulorum præ humiditate luxationes.

EX PLINIO.

*Superstitioniosum.*

Inula à ieiunis commanducata dētes, confirmat, si vt eruta est, terram non attingat. Condita tussim emendat. Radicis verò decoctæ succus tineas pellit. Siccata autem in vmbra farina tusa, & conuulsis, & inflationibus, & arteriis medetur. Venenatorum morsus abigit. Folia ex vino lumborum dolori illinuntur.

## DE EUPATORIO. CAP. XC.

*Eupatorum Agrimonia.*

### NOMINA.

*Agrimonia.*

Εὐπατόριον, ἡ ἑπατόριον Græcè, Eupatorium & Hepatorium Latinè, officinis Agrimonia dicitur. Germanis *Odeimerig*, *Bruchwurtz*. [Gal-

*Eupatoriū*

licè *de Lempatoire, ou aigre moine*.] Eupatorium ab Eupatore rege, qui illam primus inuenit, nominatam esse volunt Hepatorium verò quoniam iecori præcipuè medeatur.

*Hepatorium.*

### FORMA.

Fruticosa est herba, vnum, interdum alterum etiā scapum efferens, tenuem, lignosum, rectum, nigrū, hirsutum, cubitalem, aut etiam maiorem. Folia per interualla partibus potissimum incisa quinque, & aliquādo pluribus, Quinque folij vel Cannabis potius foliis similia, nigricantia, & serræ modo in extremitatibus incisa. Semē à medio caule enascit, deorsum inclinatum, hirsutum, adeò vt siccatum vestibus hæreat. Hæ delineationes adamussim, nulla reclamante nota, herbæ quam vulgus & officinæ vocant Arimonia conueniunt. Quapropter hæc verum & genuinum esse Eupatorium faciliè deprehendet, qui singulas descriptionis partes diligēter expēdet Siquidem Agrimonia fruticosa est herba, scapum vnum aut alterum obtinens, lignosum, tenuē, rectum, nigricantē, hirsutum, cubitalem vel maiusculum.

*Agrimonia est verum Eupatorium.*

iufculum . Folia ex interuallis Cannabina , aut Quinque folio fimilia, quinque partita vel plurifariam incifa, per ambitum ferrata. E medio caule ſemen erumpit deorſum ſpectans. ſubhirsutum, vt reſſicatū veſtibus adhæreſcat. Proinde præfraſta quadam ac immedicabili cæcitate captos eſſe eos iudico, qui hoc ipſum hodie non animaduertunt.

## LOCVS.

Nafcitur paſſim locis mōtoſis, campeſtribus etiā, pratis nempe, & circa ſepes.

## TEMPVS.

Carpitur in æſtate, dum floribus abundat.

## TEMPERAMENTVM.

Eupatorium herba tenuium partium , incidendi extergendiſque facultatem citra manifeſtam caliditatem obtinet. Ineſt ei & adſtriſtio modica.

## VIRE. EX DIOSCORIDE.

Contrita huius folia & cum veteri ſuillo adipe impoſita, vlceribus difficilè cicatricem contrahentibus medentur. Semen aut herba in vino pota, dyſentericis, iecinoroſis, & ſerpentiū morſibus auxiliatur.

## EX GALENO.

Obſtruſtiones iecoris expurgat, & robur huic viſceri addit.

## EX PLINIO.

Semē dyſentericis in vino potū auxiliatur vnicè.

## DE EUPHRASIA. CAP. XCI.

## NOMINA.

A VD dubiè Euphraſiæ herbæ nomen ē

H Græcæ linguæ imperitis pharmacopolis deprauatum eſt, cum olim *ευφροσύνη* dicta *ευφροσύνη* ſit, quòd nimirum oculos, quorum caliginem diſcutit, deleſtet. Ad quòd nomen Germani noſtri pulchrè alludentes *Eugentroſt*/hoc eſt, oculorum ſolatiū appellant. Nonnulli hac quoque ratione moti ophthalmicam & oculariam nominant. Officinæ, vt ſemina, rē in omnibus aliis herbis, corruptam vocem retinētes, Euphraſiam vocant. Etſi autem herba hæc Græco &

# PLANTARVM HISTORIAE.

co & eleganti nomine donata sit, nihil tamé de ea, quòd sciam, apud veteres Græcos & Latinos, nempè Dioscoridem, Plinium, Galenum, adde etiam recentiores, Aëtium, Paulum, & Actuarius scriptum reperitur. Cùm verò appellatio ipsa Græcam testetur originem, videtur sanè à Buglossò veterum mutata & desumpta esse. Vt enim hoc in vinum coniectū animi læticiam parit, atque adeò *ὑψόσσυρον* dictum est, ita etiā illa quia oculos iuuat & delectat, *ὑψόσσυρον* appellari cœpit. Quam subinde vocem imperiti linguæ, vt diximus, deprauantes, in Euphrasiam verterunt.

## FORMA.

*Hermolaus  
us Barba-  
rus.*

Herba est parua, palmæ vnus longitudine, Hysopo similis, cauliculis purpureis foliis exiguis, per ambitum serratis, flosculis albicantibus, radice exigua & inutili. Nec obstat quòd Hermolaus, immensa eruditionis vir, libro tertio, capite decimooctauo sui Corollarij, luteolos esse dicit: is enim ad partem duntaxat florum respexit, quæ lutea esse euidenter apparet. Certè si flores Euphrasie exquisitè cōsideres, neq; prorsus luteos, neq; in vniuersum etiā candidos esse deprehendes: tribus enim coloribus, nèpe purpureo, candido & luteo, vt pictura ipsa ostendit, maculati sunt. Quum verò potior florum pars candido colore constet, factum est vt fermè omnes herbam hanc depingentes, albos illi assignarint flores, nobis autem hos candicantes dicere placuit.

## LOCVS.

Nascitur in apricis collibus, & pratis ferè oībus.

## TEMPVS

Inter autumnī initia magna copia erumpit.

## TEMPERAMENTVM.

Quas particulatim facultates obtinet, abundè docent calidam & siccam esse herbam.

## VIRES.

Vtūtur ea ad oculorū caligines & suffusiones vel  
per se

per se imposita, vel ex vino decocta. Memoriā etiā oculorūq; aciem redacta in puluerem, & in vino albo pota, mirificè roborat, amissamq; reparat.

## DE ELELISPACHO. CAP. XCII.

*Salvia minor franca nobis dicitur.*

## NOMINA.

ἡλίσφακος Græcis, Salvia Romanis & officinis, Germanis *S. lbej* appellatur. Porro cum ipsa herba semper retorrída & exucca videatur, factum est, ut Græcis Elelispachon, quasi in tabem redacta, vel in syderationem flaccescens dicta sit, ἡλίςφα & σπάκος vocibus in vnam coalescentibus appellationem. Est autem σπάκος, seu potius σπάκιος, malum in plantis quum per æstatem & ardentissimum canis æstus vi solis altius penetrante, humorēque quo nutriuntur deficiente, languent & arescunt. Latini syderationem nominant. Salvia autem dicta latinis, quòd ad multa, præsertim ad fecunditatem, salutaris sit.

*Elelispachon dicta.*

*σπάκιος.*

*Salvia curuocata.*

## GENERA.

Duo sunt Salviæ genera, quemadmodum etiam plebeij abundè nouerunt. Vnū quod priuatim Elelispachon dicitur, squalidius folio & scabrius, lacunosa facie præasperum, multo latius, quasi cultum senserit, adeò ut domestica aut hortensis Salvia dici possit. Nos euidētiori distinctione vsi, Saluium maiorem nominauimus. Germanis etiam *groß oder breyt Salbey* [Gallicè *de la Saulge*] vocatur. Alterum folio læuius & contractius, quasi syluestrem ob id referat figurā, syluestris Salvia appellari potest, minus etiam squalore obsitum est. Nos Saluiam minorem diximus. Germani *creutz Salbey* / oder *klein Salbey* / oder *spitz Salbey* / ed. l. *Salbey* [Gallicè *De la Saulge franche*] nominant. Dioscorides vtrunque genus sub vno Elelispachi nomine complexus est, quòd scilicet facultate nihil distent, sed idē prorsus efficiāt.

*Salvia maior.*

*Salvia minor.*

F O R -



# PLANTARVM HISTORIAE.

## FORMA.

Frutex est oblongus, ramosus, quadrangulas & cã-  
didas virgas habens. Folia mali Cotonei effigie, ob-  
longiora tamen, asperiora, & crassiora, quæ sensim  
attritarum vestium modo hirsuta, subalbida, vehem-  
enter odorata, sed virosa sunt. Semen in summis  
caulibus sylvestri Ormino simile gerit. Hæc descri-  
ptio, nulla prorsus reclamante nota, cum herba quã  
Saluiam vulgò vocant quadrat: nanque ea fruticosa  
est, rugosis foliis, extritarum latenter vestium aspe-  
ritatem scabritiãque referentibus, incanis, vehemẽ-  
ter odoratis, purpureo in spica flore, in aquilini ro-  
stri speciem falcato, semine sylvestris Ormini, vt pi-  
ctura graphicè monstrat.

## LOCVS.

Nascitur in locis asperis, & vtrunque genus ho-  
die passim in hortis inuenitur.

## TEMPVS.

Carpitur in Iunio & Iulio mensibus, quando ni-  
mirum floribus & semine prægnans est.

## TEMPERAMENTVM.

Elelisphacos euidenter excalfacit, ac leuiter ad-  
stringit.

## VIRE. EX DIOSCORIDE.

Foliorum ramorumque decoctum potum vrinam  
cit, menses foetusque extrahit. Pastinacæ marinæ icti-  
bus auxiliatur. Capillos denigrat. Vulneribus her-  
ba utilis est, sanguinemque cõpescit. Ferina tetræue  
vlcera purgat. Pudendorum pruritus foliorũ & ra-  
morum decoctũ cum vino, si eo abluantur, sedat.

## EX AETIO.

Tradunt quidam suffitam Saluiam menses immo-  
deratè fluentes, & omnino muliebri profluuium cõ-  
pescere. Agrippa sacram herbam vocauit, quam præ-  
gnantes mulieres, si fluidæ laxæque fuerint, vtilissi-  
mè comedunt: continet enim conceptum vitalemq;  
reddit: ac si succi huius heminam cum modico sale  
quarto

quarto à secubitu die mulier potauerit, deinde viro  
 misceatur, pròculdubio concipiet. Aiunt in quodā  
 Aegypti loco post sēuas pestilentias ab his qui su-  
 persunt, ad eum succū bibendum mulieres cogi, plu-  
 rimosq; inde produci fœtus. Dato, inquit Orpheus,  
 sanguinem expuentibus succi Saluix cyathos duos,  
 ieiunis cum melle bibendos, & sanguis ilico cohibe-  
 tur. Tabidis pilulæ in hunc modum parantur. Spi-  
 cē nardi, Zingiberis singul. drach. ij. seminis Saluix  
 assati triti & cribrati drach. viij. Piperis longi drach.  
 xij. cum succo Saluix pilulas conficito, & mane ieu-  
 nis drachmam vnā exhibeto, eodēq; modo in ve-  
 spere, ac postea aquæ puræ quippiam propinato.

Pilulæ.

## EX PLINIO.

Menses Saluia cit & vrinas. Pastinacæ marinæ i-  
 ctus sanat. Torporem autem inducit percusso loco.  
 Bibitur cum Absinthio ad dysenteriam. Cum vino  
 eadem commorantes menses trahit. Abundantes si-  
 stit decocto eius potō. Per se imposita vulnerū san-  
 guinem cohibet. Sanat & serpentium morsus. Et si  
 in vino decoquatur, pruritus testium sedat. Partus  
 emortuos apposita extrahit, item vermes aurium.  
 Ad tussim laterisq; dolores bibitur. Cōtra scorpio-  
 nes eadem & dracones marinos efficax. Contra ser-  
 pentes quoque ex oleo perungi ea prodest.

## DE SERPYLLO. CAP. XCIII.

*Serpillum nobis Serpolet.*

## NOMINA.

στυλλόν Græcè, Serpyllum Latinè. Offici-  
 E cinæ latinum nomen retinuerunt. Germa-  
 nicè *Quendel/ Kinlin/ Hunerkol* [Gallicè *Du*  
*Serpolet*] appellatur. Serpyllum autem, vt autor est *Serpyllū*  
 Varro, ab eo quòd serpat tam Græcis quàm Latinis *unde dictū*  
 dictum est, quoniā si qua eius particula terrā attin-  
 git, inibi radices demittit. Est enim vt Theophras-  
 tus libro sexto de plantarum historia, capite septi-  
 mo ait, proprium quoddam eius ramulorum incre-  
 mentum,

# PLANTARVM HISTORIAE.

mentum, quippe cū possit in quātā voluerit quispīam longitudinem trahi, adiecto illi pedamento aliquo, aut si prope sepes plantetur, aut ex altiore loco aliquo deorsum demittatur: sic enim in longum protrahuntur: & ab hac plantæ in ramulis eius natura, quòd in longum serpit, Græci & Latini peculiariter Serpyllum nominauerunt.

## GENER A.

*Serpyllū hortense.* Duo eius genera. Hortense, quod germanicè *heymischer Quendel* dicitur. Syluestre, quod priuatim Zygis vocatur, quòd fortè eo iugarentur vites *zuyt* enim Græcis interdū idē q̃ Latinis ligare & vincire significat. Germanicè simpliciter *Quendel* dicitur. Nos sylvestris tantū Serpylli picturā damus.

## FORM A.

*Hortense.* Hortense nō dissimile est Origano, potissimum quòd ad folia & ramulos ipsos attinet, quos candidiores tantū habet, odore tamen prorsus Sampsychum repræsentat. Repit humi, & in rectū nō attollitur. Syluestre contrā humi non serpit, sed rectum exilibus ramulis & lignosis attollitur, Rutæ folijs plenius, angustioribus tamen. Flosculos habet subpurpleos, gūstu acres, odore iucundo, radicem multifidam. Plinius secus quā Dioscorides hortense serpyllum nequaquā, syluestre verò humi serpere asserit, adeo vt subesse in hoc mendam verisimile sit: res enim ipsa & viuæ herbarum imagines satis testantur. Dioscoridis sententiam esse veriore. Dioscoridi subscribit Aëtius. Neque mirum est magis humi reptare cultum, quòd infirmius humoris copia est, atque adeò ramis inualidioribus stare nequit, quā syluestre, quod illo rigidius ac lignosius existit.

## LOCVS.

Hortense non nisi satū prouenit, & Columella teste, neq; pinguem, neq; stercoreatum, sed aprium locum desiderat, vt quod macerrimo solo nascatur. Syluestre autem in petris, collibus, & montibus plerisque

risque copiosissimè nascitur, ita vt eo quasi vestiri videantur.

## T E M P V S.

Syluestre tota estate floret, hortense autem Iunio & Iulio mensibus.

## T E M P E R A M E N T V M.

Serpyllum gustu acre est, ob id calidum valde, ita vt menses & vrinam moueat.

## V I R E S. E X D I O S C O R I D E.

Syluestre efficacius & maiori calefaciendi vi quàm hortense, atque ad vsum medicinæ aptius. Menses trahit, & vrinam cit potum, Torminibus, ruptis, conuulsis, iecinoris inflammationibus auxiliatur. Aduersus reptilia potum & illitum. Capitis dolores sedat coctum adiecto rosaceo, & aceto madefactum. Maximè verò lethargo & phrenitidi conuenit. Sanguinis vomitum sedat succus eius quatuor drachmis cum aceto potus.

## E X A E T I O.

Serpyllū ita calefacit vt menses & vrinam ducat. Huius genus duplex. Syluestre efficacius calidiúsque hortensi, atque omnino vsus eius in medicina præferatur. Prodest torminibus, conuulsionibus, rupturis, inflammationibus iecinoris, reptilibusque. Potum ac illitum capitis dolores sedat. Madefactum autem aceto ac decoctum admixto rosaceo lethargicis, & diutinam phrenitim patientibus summopere congruit. Præterea drachmæ vnius pondere ex aceto bibitū, sanguinis eiectione compescit.

## E X P L I N I O.

Aduersus serpentes efficax, maximè Cenchrin & Scolopédras terrestres ac marinas & scorpiones, decoctis in vino ramis foliisque. Fugat & odore, cominus si vratur, & contra marinorum venena præcipuè valet. Capitis doloribus decoctum in aceto illinitur téporibus, ac fronti cum rosaceo. Item phreneticis, lethargicis, contra tormina & iecinorū dolores. Folia obolis quatuor dantur ad lienem ex aceto.

Ad cruē-

# PLANTARVM HISTORIAE.

Ad cruentas excreationes teritur in cyathis duobus aceti & mellis.

## EX PLINIO VALERIANO.

Serpyllum calidum, simul nobis vtile medicinæ vsus ostendit. Capitis dolores coctum ex aceto & ro sacco tempori ac fronti illitum mitigat. Serpentes & omnia animalia venenata adustum nidore repellit, ideo & messoribus in cibo miscetur, vt si fatigatos fortè somnus oppresserit, tutè quiescant contra animalia quæ hoc tempore venenatis hausibus sæuire consueuerunt. Contusi puluis ex scrupulis xij. in aqua datus tormina emendat, vrinæ difficultates resoluit, lienis quoque iniuriæ idem puluis ex aceto mixtus occurrit. Nec minus cruentis excreationibus subuenit, ex duobus cyathis mellis & aceto temperatur.

## DE ELYMO. CAP. XCIII.

*Panicum nomen retinet.*

### NOMINA.

*λυσ* Græcis, Panicum Latinis, Germanis

E *Heydelpsenich/oder Fenich* [Gallicè *Du Panir semblable au Millet*] dicitur. Panicum autem

*Panicum  
de dictum.*

à paniculis in quibus semē est, Latini appellauerūt.

### FORMA.

Milij similitudine profilit, denis vt plerimum foliis luxurians, culmo penè in surculum extenuato, nutante, rubido panicularum fastigio, prædensis acceruatogrannis, aliàs purpureis, aliàs rufis, nigris aliàs, item & candidis.

### LOCVS.

Satum facilè quouis ferè loco prouenit, leuem autem & solutam terrā potissimum desiderat. Nec in sabuloso duntaxat solo, sed in arena quoque nascitur, modo humidū cælum, vel rigū solū sortiatur.

### TEMPVS.

Quadragesimo die postquam satum est absolui, vt omnia æstiuā, inter omnes conuenit. Quocunque igitur

igitur tempore satum fuerit, vbi semine prægnans erit, tum carpendum venit.

## TEMPERAMENTVM.

Refrigerat & exiccat, præsertim si foris illinatur.

## VIRES. EX DIOSCORIDE.

Milij similitudinem refert, eodemq; modo in panes defingitur. & ad idem accommodatum est, minus tamen quàm Milium nutrit & adstringit.

## EX GALENO.

Panicum facultate pauci nutrimenti, & exiccatoria. Sistit quoque non nihil vëtris fluxus, ceu ipsum etiam Milium. Panis itaque eius exigui est alimenti & refrigerans. Cõstat insuper præaridum & instar arenæ aut cineris friabilem esse: caret enim penitus pinguedine & lentore. Iure igitur aluum humentẽ desiccet. Agricolaë farina huius cocta admisto adipè suillo & oleo vescuntur. Panicum in omnibus Milio cedit insuauius esu, concoctu difficilius, vëtrẽque magis coërcet, minusque nutrit Huius farinã interdũ cũ lacte coctam, rustici veluti triticeam esunt. Clarumque est id edulij tanto quàm illud per se solum assumptum melius esse, quanto lac huius seminis natura ad boni succi procreationem, aliaque omnia eminentius habetur. Dico autem alia omnia, concoctionem, ventris subductionem, in totum corpus distributionem, adeoque ipsam in edendo suauitatem & voluptatem. Hoc nanque semẽ nulla gratia aut iucunditate commendatur.

## EX PLINIO.

Panicum Diocles medicus mel frugum appellauit. Effectus habet quos Milium. In vino potu prodest dysentericis. Similiter iis quæ vaporanda sunt exalcraftum imponitur. Sistit aluum in lacte caprino decoctum, & bis die haustum. Sic prodest & ad tormina.

# PLANTARVM HISTORIAE.

## DE ERICA. CAP. XCV.

*Erica Brujere.*

### NOMINA.

*ἑρική* Græcis, Erica Latinis, *Heyd* Germanis [*Gallicè Briere*] dicitur. Officinis inusitata.

### FORMA.

Erica fruticosa arbor est, Tamarici similis, multo tamen breuior. Eius flore vtentes apes, reprobum mel conficiunt. Plinius lib. xxiiij. cap. ix. fruticem esse scribit non multum à Tamarice differentem, colore Rosimarini, & penè folio. Id quod verè de ea Erica, cuius nos dicturâ damus, dicitur. Theophrastus etiam Rosmarino similem Ericam facit. Habet flores in candido purpureos.

### LOCVS.

In montibus & syluis locisque arenosis nascitur.

### TEMPVS.

Autumno floret sola ferè in syluis.

### TEMPERAMENTVM.

Calida & sicca est Erica, id quod in gustu amaritudo satis docet.

### VIREs. EX DIOSCORIDE.

Ericæ coma & flores illita serpentium moribus medentur.

### EX GALENO.

Discutiendi facultate prædita est Erica: flore eius potissimum & foliis vtendum.

### EX PLINIO.

Ericen aduersari serpentibus tradunt.

### APPENDIX.

Recentiores herbarij præter iam commemoratas, alias facultates addunt, nimirum florum decoctum lumborum ac ventris dolores lenire posse. Succum ex foliis floribusq; elicatum, oculis imbecillibus guttatim instillatum, aut foris inunctum conferre.

### DE ERYSIMO. CAP. XCVI.

*Erysimū* in fossis huius partis urbis luxuriat prope solum.

### NOMI-

## NOMINA.

*ῥῆτιμον* Græcè, Irion Latine vocatur. Offi-  
 cinis nostris incognita. Vulgares herbarij  
 non ineptè Sinapin syluestrem, nonnulli e-  
 tiam Rapistrum, Germani *Hederich* & *Vuilden senff*  
 [Gallicè *Velar*, ou *de la Tortelle*] appellât. Sût qui per  
 peram, eo quòd gustu Erucam imitatur, syluestrem  
 Erucam nominât. Alia enim est Eruca syluestris ab  
 ea quam Rapistrum nominant herba, vt suo loco di-  
 cemus. Erysimon quidam ἀπὸ τοῦ ἑρμικῆ nomē mu-  
 tuatum esse credunt, id est, à multiplici foliorum se-  
 ctione: nam Erucæ modo laciniata conspiciuntur.  
 Alij ab oleris præstantia dictum volunt, quasi ἑρ-  
 τιμον, quod est præciosum & nobile. Mihi ἀπὸ ἑρμικῆ  
 potius dictum esse videtur, quòd ob suam calidita-  
 tem maxima trahendi facultate prædita sit. Latini  
 autem Irionem ab irruendo dixerunt, quòd ignea  
 vi, & feruido sapore irruat in gustum.

*Rapistrum*  
 nō est syl-  
 uestris Er-  
 uca.  
*Erysimon*  
 unde di-  
 ctum.  
*Irion* quae  
 re vocata.

## FORMA.

Folia habet syluestri Erucæ similia, caules lori mo-  
 do flexiles, flores luteos. In cacumine siliquas corni-  
 culorū figura, vt Fœnigræci graciles in quibus semi-  
 na cōtinētur parua, Nasturtio similia, gustu feruido  
 Hæ vtiq; notæ in vniuersum omnes, herbæ illi quā  
 pictam hīc exhibemus adamussim quadrant.

## LOCVS.

Nascitur passim prope vrbes, domorum areas, ru-  
 dera & hortos.

## TEMPVS.

Per integram æstatem floret, autumno autem se-  
 men in siliquis profert.

## TEMPERAMENTVM.

Semen Erysimi haud secus quàm Nasturtij calfa-  
 cit & exiccat. Herba etiam ipsa arefacta similem se-  
 mini vim obtinet. Humida tamen ac viridis, multo  
 semine inferior est.

• ij

VIRES.



# PLANTARVM HISTORIAE

## VIRE. EX DIOSCORIDE.

Erysimi semen thoracis fluxionibus purulentis, tussientibus, regio morbo, coxendicum doloribus linctum cum melle confert. Bibitur etiam contra letalia venena. Ex aqua aut melle illitum, occultis carcinomatibus, duritiis, parotidibus, testium ac mammarum inflammationibus prodest. In vniuersum extenuat & calefacit. Mitius ad eclegmata fiet, si aqua madescat & torreatur, aut linteolo illigatum circumlita pasta perassetur.

## EX GALENO.

Irionis semen sicut gustu Nasturtio simile apparet, ita facultate igneum est & excalescentium. Porro ubi in eclegmate uti ex usu est, praestat aqua premaceratum torrere, aut linteolo illigatum subindeque crustae pistoriae inuolutum affare. Vtile est cum eclegmatis ad promouendas crassorum lentorumque in thorace & pulmone humorum expuitiones. Quin & parotidas induratas, atque duritias mammarum & testiculorum veteres inuat. Refert Dioscorides, quod cum aqua & melle illitum, occultis proficit canceris.

## EX PLINIO.

Vtilissimum tussientibus cum melle, & in thoracis purulentis excreationibus. Datur & regio morbo, & lumborum vitiis, pleuriticis, torminibus, coeliacis. Illinitur verò parotidum & carcinomatum malis. Testium ardoribus ex aqua, aliàs ex melle. Infantibus quoque vtilissimum. Item sedis vitiis & articulariis morbis cum melle & fico. Contra venena etiam efficax potum. Medetur & suspiriosis. Item fistulis cum axungia veteri, ne intus addatur.

## DE HELXINE CISSAMPELO.

### CAP. XCVII.

*Helxine Cissampelos à ligando lizet & lizeron.*

### NOMINA.

ἑλίκη κισσάμπελος Græcis, Helxine cissampelos & Conuoluulus Latinis nominantur. Vulgus her-

gus herbariorum & officinæ, Volubilem mediam & Vitealē appellāt, Germani *Mitteluinden* / oder *Vuein-gartenuinde* [Gallicè *Câpanette*, ou *Vitreole* / aliis *lizet*] Rectè aut cissampelos dicitur: in vineis enim potissimū nascitur, & folio hederaceo. Cōuoluulus verò, q̄ crebra reuolutione vicinos frutices & herbas implicet.

## FORMA.

Folia habet Hederæ similia, minora tamen. Ramulos exiguos circumplectentes quodcunq; contigerint. Folia deniq; eius scansili ordine alterna subeunt. Flores primum candidos Lilij effigie, dein in puniceum vergentes, profert. Semen angulosum in folliculis acinorum specie.

## LOCVS.

In vineis nascitur, vnde etiā ei appellatio Cissampeli, vt diximus, indita est.

## TEMPVS.

Aestate, potissimum autem Iulio & Augusto mē-sibus, floret.

## TEMPERAMENTVM.

Calidam esse ex viribus quas illi veteres tribuūt, facile coniciere licebit.

## VIRE. EX DIOSCORIDE.

Succus folorum eius potus, aluum subducendi facultatem obtinet.

## EX GALENO.

Helxine, quæ & Cissampelos nuncupatur, digerendi facultatem habet.

## DE HEPTAPHYLLO. CAP. XCVIII.

Heptaphyllum tormentilla quāuis & vulgare pentaphyllum sæpe cum foliis septem inuenitur, ut *Tormētilla* cum quinque.

## NOMINA.

πτάφυλλον Græcè, Septifolium Latinè, vul-  
E gò Tormentilla nominatur. Sunt ex re-  
centioribus qui perperam Bistortam vo-  
cent. Germanicè *Tormentill* / *Rotheil Vurtz* [Gallicè  
*Tormentille*] appellatur. Heptaphyllon autē à septe-  
o iij nario

Vitealis.

Cissampelos

los quare

dicitur.

Conuolu-

uulus.

Tormen-

tilla.

Hepta-

phyllon

# PLANTARVM HISTORIAE.

nario foliorum numero dicta est.

## FORMA.

*Tormentilla non  
est Quinquefo-  
lium.*

Quinquefolio similima est, nisi quòd septem nõ quinque habet folia, vtrinque lanuginosa, exigua, parua, serrata, caulem certis ferè interstitiis ambientia, flores luteos, radicem puniceam ac modicè intortâ. Ex hac descriptione omnibus constare puto, herbâ nostris Tormentillam dictam, non esse Dioscoridis Quinquefolium. Hoc enim, ut reliqua omittam, radicem non intortam, sed rectam & oblôgam habet. Plinius etiâ lib. xxv. capite ix. herbâ Quinquefoliû incipere & desinere cum vite scribit. Tormétilla autem non maturè prouenit, sed cum vites iam florét. Accedit quòd hæc in montosis & syluestribus inculcisque. hoc verò pratis, cultis & aquosis in locis potius prouenit. Apuleius etiam vtranque herbâ scorsim describit.

## LOCVS.

Nascitur montosis, vt diximus, locis ac syluis.

## TEMPVS.

Serò ac cum iam vites florent, herbâ hæc apparere incipit.

## TEMPERAMENTVM.

Recentiores iudicant hanc herbam in tertio ordine frigidam & siccam esse. Cæterum non esse frigidam, potissimum in tertio ordine facultates eius abundè declarant. Gustus etiam adstrictionem illâ tâta frigiditate prorsus carere palàm ostédit. Quare cum easdè quas Quinquefoliû facultates habeat, idè etiam temperamentum obtineat necesse est. Erit itaque radix desiccatoria ex tertio ordine, nullatenus tamen manifesta caliditate participans.

## VIRESEXAPVLEIO.

Heptaphyllo herba trita & cû oleo mixta, pedes perunges, & tertio die dolorem tollit.

## EXRECENTIORIBVS.

Facultatem obtinet glutinandi vulnera. Farina herbæ

herbæ vel radicis ex succo Plantaginis propinatur in difficultate urinæ. Eadem respersu vulnera ad cicatricem perducit. Cum albo oui subacta & figlino decocta, datur cholericis. Foliorum vis deploratis fistulis instillatur, neque non oculis ad discutiendas tuberculas. Ad putrescentia oris vlcera herba & radix commanducata, & in ore retenta valent. Herpetas, strumas, duritias, tumores, aneurismatâque sanat. Et vt antea diximus, facultates ferè easdè quas Quinquefolium obtinet. Quapropter venenis resistit, dysenterias, & omnes sanguinis eruptiones compescit.

## DE ERUCA. CAP. XCIX.

*Eruca nobis Roquette.*

## NOMINA.

*Ευζωμος* Græcis, Eruca Latinis, officinæ Latini nomē retinuerūt, Germanis *Vueisz senff* [Gallicè *de la Roquette*] appellatur.

Euzomos autem Græcis, quoniam iura commēder, habeatque in eisdem peculiarem gratiam dicta est. Eruca verò ideo nominatam volunt quòd erodat: hæc enim vbi degustaueris, os & linguam satis acriter vellicat.

## GENERA.

Duplex est Eruca. Vna hortensis seu satiuâ, quæ Germanis *zam Vueisz senff* dicitur. Altera sylvestris iisdem *Vuilder Vueisz senff* appellatur.

## FORMA.

Sesquipedali thyrso confurgit satiuâ, folio longo, angustoque, in profundas sed rariores crenas laciniato, gustu præter modum acris, floribus pallidioribus, semine in siliquis rapi, vel sinapi, firmo, radice candida. Sylvestris folio satiuæ simili, strictiore tamen & minore, flore luteo.

## LOCVS.

Satiua in hortis nascit. Sylvestris Hispaniæ familiaris.

## PLANTARVM HISTORIAE.

liaris: prope tamen aquas prouenit magna copia. Quæ autem apud nos creditur esse syluestris Eruca, ea non est, sed Erysimon, de qua quidem herba suo in loco abundè scripsimus.

### TEMPVS.

Satiua tota æstate floret: syluestris autè circa Calendas Iunij potissimum erumpit. alio enim tempore vix reperitur.

### TEMPERAMENTVM.

Temperamentum Erucæ idem cum temperamento Erysimi.

### VIRES. EX DIOSCORIDE.

Cruda Eruca satiua largius comesta venerem stimulat. Idem potest semen eius, quod vrinam cit, coctionem adiuvat, aluumq; bonū efficit. Vtuntur semine ad condimenta. Quod vt plurimo tēpore feruetur, aceto vel lacte maceratum, & in pastillos digestum recōdunt. Syluestris semine homines in Hispania sinapis vice vtuntur. Est autem ad ducendam vrinam efficacior, & multo quàm satiua acrior.

### EX GALENO.

Olus hoc per quā manifestè calefacit, adeò vt nō facilè solū absque iunctis Lactucæ foliis edatur. Quinetiam genitale semen augere creditur, & in venerē stimulos addere. Caput magis dolore afficiet si solum edatur.

### EX PAVLO.

Eruca tēperamēto Erysimi similis, flatulenta est, ob quod ad venerē instigat. Semen eius vrinā quoque mouet. Ceterū syluestris domestica valentior est.

### EX PLINIO.

Eruca diuersæ est quàm Lactuca naturæ: cōcitatrix veneris: idcirco iūgitur illi ferè ī cibis, vt nimio frigori par feruor immixtus tēperamentū æquet. Eius semen scorpionū venenis & muris aranei ineditur. Bestiolas omnes innascētes corpori arcet. Vitiā cutis in facie cum melle illitum. Lētigines ex aceto.

Cicatrices

Cicatrices nigras traducit ad candorem cum felle bubulo. Aiunt verbera subituris potum ex vino, dū ritiam quandam contra sensum induere. In condiēdis opsoniis tanta est suauitas, vt Græci euzomon appellauerint. Putant subtrita Eruca si foueantur oculi, claritatem restitui. Tussim infantium sedari. Radix eius in aqua decocta, fracta ossa extrahit. Tria folia syluestris Erucę sinistra manu decerpta, & trita in aqua mulsa, si bibantur, venerē stimulat.

## DE EVPATORIO ADVLTERINO.

## CAP. C.

*Eupatoriū adult rinū quod hactenus officinæ celebratū.*

## NOMINA.

VM herba hæc veteribus Græcis & Latinis cognita fuerit, & quo nomine ab iisdem appellata sit, mihi nondum constare ingenuè fateor. Officinæ tamen ferè omnes pro Eupatorio vero, cū tamen non sit, haud sine magno errore vtuntur. Hinc cū nomen aliud non esset quo illam appellaremus, Eupatorium adulterinum nominare placuit. Germanicè *Kunigundkraut*, hoc est, herba S. Kunigundis vocatur, & *Vuasserdost*, [Gallice *Curaige*] ab Origani similitudine, & quòd iuxta aquas proueniat. Aliis *Hirtzenkleee*, quòd vulnerati cerui sibi hac medeantur herba.

## FORMA.

Caulem ædit rotundum, purpureum, geniculatū, solidum & hirsutum, circa quem alæ panduntur, folia longa, Canabinis ferè similia, amaraque. Flores in summo paruos coaceruatos, in candido purpura scentes, tandem in pappos tenues abeuntes. Radicem multis fibris capillatam & inutilē. Errant haud dubiè qui herbam hanc Dioscoridis Hydropiper esse putant. Nam etsi ferè tota eius herbæ facies, floribus demptis, Hydropiperis delineationi respondeat, tamen quia nulla prorsus piperis in foliis aut floribus acrimonia apparet, non est cur Hydropiper.

per

# PLANTARVM HISTORIAE.

per dici possit aut mereatur.

## LOCVS.

In fluminū ripis, alii-que locis humidis nascitur, potissimum verò iuxta residues aquas, aut tardo fluxu prorepentes.

## TEMPVS.

Iulio & Augusto mensibus floret.

## TEMPERAMENTVM.

Gustu vehementer amara est, vt calidam & siccā esse in secundo ordine, aut in medio tertij non sit dubium.

## VIR ES.

Haud dubiè herba hæc abstergit, expurgat-que, & quæ in venis est crassitiem incidit: quamobrem mēies & vrinas mouet, educēdo-que ex thorace pulmone-que puri auxiliatur, alias-que facultates amari saporis, quas recēset Galenus lib. iij. de Simp. med. facul. cap. xvij. obtinet. Potest itaque obstructions iccoris & lienis aliarum-que partium corporis soluere. Ex recentioribus sunt qui hanc Vulnerariam esse tradunt, neque temerè: id ipsum enim posse, siccitas eius testatur. Suffitum præterea eius herbæ venenatas fugare feras iidem scribunt. Evidentissimū verò est hanc etiam contra venena esse admodum efficacem.

## DE EREBINTHO. CAP. CI.

### NOMINA.

*ερίβινθος* Græcè, Cicer Latinæ, officinæ Latini-  
E num nomen retinuerunt, Germanicè *zysferrn*  
[Gallicè *pois cices*.] nominatur.

### GENERA.

Tria præcipua sunt Cicerum genera, album, rufum & nigrum. Nos ex iis tribus nigri tantum picturam damus. Differunt potissimum in floribus: hoc enim vt cernis purpureos, album verò candidos flores producit.

### FORMA.

Cicer satiuū caule est lignoso, obliquo, foliis exiguis, multis, circinatis, flore albo vel purpureo, siliquis,

quis rotūdis, radice tenui & nō admodum longa.

## LOCVS.

Pullo crassoq̃ue solo gaudet. **TEMPVS.**  
Floret Iunio & Iulio mensibus, atque subinde in  
iquis semen producit.

## TEMPERAMENTVM.

Calidum & siccum est primo in ordine,

## VIRE. EX DIOSCORIDE.

Cicer satium bonam facit aluum, vrinam cit, inflationes parit, cutis colorem cōmendat, menses & fœtus educit, lac̃ auget. Cum Eruo decoctum illinitur ad inflammationes testiu & myrmecias. Ad scabiem, acoras, impetigines, vlcera concrementia & maligna, cum hordeo & melle. Alterum genus arietinum nominatur. Vtrunque cit vrinas, dato cum Rosmarino contra regium morbum & cutē subeūtes aquas eorum decocto. Lædunt autem vesicā exulceratā & renes. Contra myrmecias & acrochordonas iubent aliqui noua luna singula earum capita eminentiāsue singulis Ciceribus tangere, deligataq; in linteolo semina illa post se abiicere, vt acrochordones decidant.

## EX GALENO.

Cicer legumē est flatuosum quod nutrire potest, aluo mouēdæ habile, ciendæ vrinæ idoneū, & semini generādo aptū. Prolicit verò & menses. Porro qđ vocatur arietinū, cæteris efficacius vrinā prouocat. Decoctū eius calculos renū confringit. Reliquū autē Cicerū genus quod Orobixū vocant, eadē vi pollet, puta attrahēdi, digerēdi, incidēdi, extergēdi. Lienē & iecur, & renes expurgant, scabiesq̃ue & impetigines extergūt. Parotidas & testes induratos discutunt. Maligna etiam vlcera cum melle sanant.

## EX SIMEONE ANTIOCHENO.

Cicera difficulter cōcoquantur & excrementa gi-  
gnunt. Venerē stimulant, magisque quā̃ fabæ nutriunt, obstructions tollunt, & menses educunt.

Hahent



# PLANTARVM HISTORIAE.

Habent falsam simul & dulcem qualitatem, & ob saluginem ventrem mouent, propter dulcedinem autem vrinam. Inflationes quoque faciunt, & lac gignunt, extergendique facultatem obtinent. Nigra medicamentosam vim habent: vrinam enim vehementissimè mouent, & calculos renum & vesicæ frangunt. Nullum verò legumen sic vt Cicera, præcipuè autem nigra & parua, lapides frangere potest. Id verò magis eius ius, quàm tamè vesicæ morbis supra cetera legumina officit. Cicera verò rubra calidiora & crassiorum sunt partium quàm alba. Omnia autem vrinam ducunt. Madefacta nocte vna in aqua & sumpta, lumbricos eiiciunt, sed qui vtiuntur, sex ieiunet horas oportet. Imposita vt cataplasma parotidibus, molliunt & discutunt tumorem. Farina horum aceto subacta, & scabiosis inuncta prodest. Ius eorundem ictericos iuuat, & vrinam albam reddit. Oportet verò iis neque ante cibum, neque post vti, sed in medio.

## DE ECHIO. CAP. CII.

*Echion in uis frequens agro Pharrhisino.*

### NOMINA.

ἔχιν, ἡ ἀλκυβιάδιον Græcis, Echion & Alci-  
E biacum Latinis dicitur. Officinis ignotum.

Vulgares herbarij syluestre Buglossum nominant, quos sequentes Germani *Vuuld Ochsenzungen*.  
[Gallicè *Pois cices*.] appellant. Echion autem dictum volunt, quod contra ferarum ictus sit utile. Alij quod florescit capitulis viperæ similibus. Rectius Dioscorides, quod semina viperino capiti similia habeat.

### FORMA.

Folia obtinet oblonga, aspera, tenuia, Anchusæ proxima, minora tamen & pinguis. Habet & aculeos exiles foliis adiacentes. Cauliculos tenues multos, & vtrinque foliola tenuia, pennata, nigra, minora proportionem ad cacumen caulis. Iuxta folia flores purpureos, in quibus semen est viperino capiti simile. Radix digito exilior, subnigra. Ex qua sanè delineat-

*Buglossum syluestre.  
Echion quare dictum.*

delineatione sole clarius fit, herbam cuius picturā hīc exhibemus esse Echion. Folia enim habet prælonga, hirsuta, tenuia, ad Anchusam accedentia, minora tamen pinguique, tenuibus spinis horridula, cauliculos tenues, numerosos, minutaq; folia utroque latere dependentia, nigra, in summo caule minuscula, inter quæ purpurei flores emicant, in quibus semina viperarū capitulis similia insident, à ceruice paulatim in rostellum extenuata, tumidiore superna parte, in qua quædam prominulæ quasi sedes oculorum apparent, id quod ego hisce oculis nō semel, sed iterum atque iterum conspexi. Radix digito tenuior nigricat. **LOCVS.**

Vbique ferè ad itinera, & in asperis locis nascit̃.

**TEMPVS.**

Iunio mense floret.

**TEMPERAMENTVM.**

Calidum esse citra tamen insignem siccitatem inde coniicitur, quòd lactis procreatricem facultatem obtinet. Medicamenta enim, Galeno libro quinto, capite vigesimo de Simpl. med. facul. teste, quia pituitosos humores calefacientia in sanguinem vertunt, lac procreare solent.

**VIRE. EX DIOSCORIDE.**

Radix non solum iis qui à serpētibus morfi sunt succurrit pota cum vino, verum etiam præsumentes eam ne feriantur facit. Idem præstant folia & semen. Sedat etiam dolores lumborum, & cum vino aut sorbitione sumpta lac pròritat.

**EX PAVLO.**

Echion spinosa herba est, quæ non modo à serpēte commorfiis cum vino pota auxiliatur, sed præsumentes quoque percuti non patitur.

**DE ELEOSELINO. CAP. CIII.**

**NOMINA.**

λίσσιλον, ἢ ὑδρὸς λίον Græcis, Apium palustre & rusticū Latinis, Germanis *Vuasser epff*,  
oder

# P LANTARVM HISTORIAE.

oder Eppich, oder bauren eppich [Gallicè *de Lache, ou es-grun persil*] nominatur. Sic dictum Græcis, quòd in paludibus & aquosis locis proueniat.

## FORMA.

Apio satiuo maius est, caule tenero, concauo, folio molli, raro nec hirsuto, simile Apio sapore, odore, floribus, semine & radice.

## LOCVS.

Nascitur in paludibus & aquosis locis.

## TEMPVS.

Iulio mense floribus & semine prægnans est.

## TEMPERAMENTVM.

Idem quod Apium satiuum tēperamētū obtinet.

## VIRES EX DIOSCORIDE.

Eadem omnia quæ satiuum potest.

## EX PLINIO.

Eleoscelino vis priuata contra araneas.

## DE ELLEBORO ALBO. CAP. CIIII.

*Ellebori radice nobis sola cogniti, noster enim elleborine quædam uerius fuerit.*

## NOMINA.

<i>Elleborus</i>	E	ἀλῆβορος λευκός Græcis, Elleborus cādīdus &
<i>cur dictus</i>		Veratrum albū Latinis, officinis pariter La-
<i>Albus</i>		tiqis Elleborus albus, Germanis <i>Vuerfz niesz-</i>
<i>quare cor</i>	<i>uurtz</i>	[Gallicè <i>Ellebore, blanche,</i> ] appellatur. Ellebo-
<i>gnominat</i>		ron autem Græci dictum volunt, quòd cibum cor-
<i>tur.</i>		poris eripiat. Album à radice vocarunt, quæ nigri
		respectu candida est.

## FORMA.

Plantagini similia folia obtinet, aut Betæ syluestris, breuiora tamen, nigriora, & colore rubentia. Caulē palmi altitudine, cauum, quum sicari incœperit corticibus seu tunicis inuolutum. Radices illi subsunt numerosæ, tenues, ab exiguo & oblongo capite ceparum modo prodeuntes. Quod autē Dioscorides dicit colore rubere folia, id de costis eorum intelligendum erit.

## LOCVS.

Nascitur in montanis locis frigidis & asperis.

## TEMPVS.

Radices eius per mensem legendæ sunt.

## TEMPERAMENTVM.

In tertio ordine est excalefacientiũ & exiccantiũ.

## VIRESEXDIOSCORIDE.

Optimus habetur qui mediocriter extensus est & albus, fragilis, carnosus, nõ acuminatus, iuncus-  
q; aut quum frangitur puluerulentus, exilem inter-  
riorem medullam habens, gustu non admodum fer-  
uens, neq; saluam confertim ciens. Huiusmodi  
autem strangulat. Purgat vomitionib. varia educēs.  
Miscetur collyriis, quæ claritati oculorum officien-  
tia purgare possunt. Menses ducit, & fœtus in vtero  
appositus enecat. Sternutamenta cit, & mures inter-  
ficit, cum melle & polenta subactum. Carnes simul  
coctum minuit. Datur ieiunis per se & cum Sesamo,  
aut Prisanæ succo, aut Alicæ, aut mulsæ, aut pulce,  
aut lenticula, aut alia sorbitione. Pani compinsitur  
& torretur. Apparatus & victus ratio ab iis tradita  
est, qui de ratione & modo dandi eius, dicato priua-  
tim opere, scripserunt. Potissimum autem Philonidi  
Siculo ab Enna subscribimus. Longum enim esset ei  
qui de medica materia agit, curâdi quoq; rationem  
docere. Dant autem aliqui cum copiosa sorbitione,  
aut succo multo, aut modicum cibum dari præci-  
pientes, statim Elleborum offerunt, præsertim iis in  
quibus suspecta timédâue erit strangulatio, aut cor-  
poris imbecillitas imminet: tuto enim ea sic peragi-  
tur purgatio, quòd non intempestiuè medicamen-  
tum corporibus cibo munitis accedat. Sedi etiã ba-  
lani ex Elleboro subditæ cum aceto, vomitiones e-  
liciunt.

## EXGALENO.

Elleborus extergentis simul & excalefacientis fa-  
cultatis est. Quamobrem ad alphas, impetigines,  
scabies, leprasq; accommodus est. Quinetiam si in  
fistu-

fistulam callo induratâ infundatur duobus tribus-  
ue diebus, callum detrahit. Dentibus si cû aceto col-  
luantur prodest.

## EX PLINIO.

Candidum veratrum vomitione, causasque mor-  
borum extrahit: quondam terribile, postea tâ pro-  
miscuum, vt plerique studiorum gratia ad prouidē-  
da acrius quæ commentabantur, sæpius sumptitau-  
rint. Carneadem responsurum Zenonis libris: Dru-  
sum quoque apud nos, tribunorum popularium cla-  
rissimum, cui ante omnis plebs adstās plaussit, opti-  
mates verò bellum Marficum imputauere, constat  
hoc medicamento liberatū comitali morbo in An-  
ticyra insula. Ibi enim tutissimè sumitur, quoniam  
vt diximus, Sesamoïdes admiscet. Italia veratrum  
vocat. Farina eius per se & mixta radiculę qua lanas  
diximus lauari, sternutamētum facit, somnumque.  
Leguntur autem tenuissimæ radices breuesque ac  
veluti decurtatæ etiam hæ. Nā summa quæ est cras-  
sissima, cepis similis, canibus tantum datur purga-  
tionis causa. Antiqui radicem corticemque carno-  
sissimum eligebant, quò tenuior eximeretur medul-  
la. Hanc humidis spongiis opertam turgescentē-  
que, in longitudinem fidebant. Deinde fila in vm-  
bra siccabant, iis vtentes. Nunc ramulos ipsos à ra-  
dice sua grauissimi corticis, ita dantes. Optimum  
quod acre gustu, feruensque in frangendo puluerē  
emittit. Optimum præterea quod celerrimè mouet  
sternutamenta, sed multo terribilius nigro, præci-  
puè si quis apparatus poturorum apud antiquos  
legat, contra horrores, strangulatus, intempestiuas  
sonni vires, singultus infinitos, aut sternutamenta,  
stomachi dissolutiones, tardiores vomitus aut lon-  
ginquiores, exiguos aut nimios. Sed antiquorum vi-  
tium erat, quòd propter hos metus parcius dabant,  
cùm celerius erumpat, quo largius sumitur. Themis-  
son binas non amplius drachmas donauit. Sequētes  
& qua-

& quaternas dedere, claro Herophili præconio, qui Elleborum fortissimi ducis similitudini æquabat. Cōcitatis enim intus omnibus, ipsum in primis exire. Præterea mirum inuentum est, quòd incisum forficulis, cortex remanet. Hoc inanito, medulla cadit. Hęc in nimia purgatione data, vomitiones sistit. Caue dum est scēlici quoque cura, ne nubilo detur die, quippe impatibiles cruciatus existunt. Nam æstate potius quàm hyeme dandum, nō est in dubio. Corpus septem diebus præparandum cibis acribus, abstinentia vini, quarto & tertio die vomitionibus, pridie cœnæ abstinentia. Album ē dulci datur, aptissimè verò in lacte aut pulte. Nuper inuenere dissectis raphanis inserere Elleborum, rursusq; comprimere raphanos, vt transeat vis, atq; eo lenimento dare. Reddi post quatuor ferè horas incipit. Totum opus septenis peragitur horis. Medetur in morbis comitialibus, vertigini, melancholicis, infantiētibus, lymphaticis, elephātiæ albæ, lepris, tetano, tremulis, podagricis, hydropicis, incipientibusq; tympanicis, stomachicis, spasticis, clinicis, ischiadicis, quartanis quæ aliter non desinant, tussī veteri, inflammationibus, torminibus redeuntib. Vetant dari senibus & pueris. Item mollibus & fœminei corporis animæque exilibus, aut teneris, & fœminis minus quàm viris. Item timidis, aut si exulcerata sint præcordia, vel tu meant, minimeq; sanguinem excreantibus, uel latere uel faucibus. Medetur extra corpus eruptionibus, pituitæ cum axungia illitum. Item suppurationi veteri. Mures polenta admixtum necat. Muscæ quoq; necantur albo trito, & cum lacte sparso. Eodem & phthiriasis emendatur.

## DE ELLEBORO NIGRO

## AD VLT ERINO CAP. CV.

## • NOMINA.

H E R B A M hanc cuius picturam damus non esse verum Elleborum faciliè cōstabit,

p si eam

*Elleborus  
niger ad-  
ulterinus  
cur dictus*

# PLANTARVM HISTORIAE.

ſi eam ad deſcriptionem referas. Verùm quum magna pars hodie medicorum pro Elleboro nigro, neque tamen citra ſummã efficacitatem, vtatur, adulterinum nigrum Elleborum appellare placuit. Germanis *Chriſtuurtz* dicitur, non alio ſanè nomine quàm quòd circa ſeruatoris noſtri *CHRIſTI* natalẽ diem flores, modo calido in loco ſita ſit herba, producat. Cæterum etſi genuinus Elleborus non ſit, tamen non admodum ab illo abludit deſcriptio, nec viribus multo inferior eſt, vt in alterius inopia huius vsus citra errorem eſſe poſſit.

## GENER A.

Duo eius eſſe genera deprehendimus. Vnũ quod officinæ hodie Elleborum nigrum, Germani verò *Chriſtuurtz*, vt diximus, nominant. Nos certioris diſcriminis cauſa, Elleborum nigrum adulterinum *Hortẽſis*. hortenſem appellauimus, quòd ſcilicet ſua ſponte, & niſi plantatum ſit, in hortis non proneuiat. Alterum quòd ſylueſtre ſit, & ſponte ſua naſcitur, Elleborum nigrum adulterinum ſylueſtrem nuncupauimus. Germanis *Leuſzkraut* dicitur.

## FORM A.

Hortenſis caulem, vel potius pediculũ habet oblongum & foliis nudum, niſi in ſummo, vbi folia oblonga, anguſta, pluribuſque diuiſuris incifa, atque adeò in ambitu ſerrata producit. Florem habet herbacei coloris. Radices tenues, nigras, veluti à capitulo ceparum pendentes. Sylueſtris priori non admodum diſſimilis eſt, niſi quia caulem obtinet craſſiorem, foliaque minora. Florem etiam etſi herbaceum habeat, tamen è medio eius, folliculi, aut ſiliquæ duæ aut tres, in quibus ſemen eſt, exeunt.

## LOCVS.

Hortẽſis, vt dictum eſt, paſſim in hortis nũc proneuit: ſylueſtris in montibus aſperis, lapidoſis ac ſublimibus.

## TEMPVS.

## TEMPVS.

Hortensishyeme, circa CHRISTI nimirum natalem, vt comprehensum est, floret. Syluestris autem vere & initio æstatis.

## TEMPERAMENTVM.

Quum experientia testetur Elleborum nigrū ad-  
ulterinum, potissimum hortensem, eandem quā ge-  
nuinus habere facultatem, idem etiam obtineat tem-  
peramētum necesse est. Calidus itaque & siccus in  
tertio ordine erit.

## VIRE S.

Purgat perinde atque genuinus inferiorem ven-  
trem, pituitam & dauam bilem ducens. Prodest co-  
mitiali morbo laborantibus, melancholicis, insaniē-  
tibus, articulorum doloribus correptis, & resolutis.  
Menses in pēso subditis trahit. Fœtus necat. Porro  
cū illis etiam insit extergendi vis, alphos, impeti-  
gines, scabiem, leprasque curant. Erodentibus me-  
dicamentis commiscetur. Ideoque syluestris non  
temere, quòd pediculos interficiat, *LeusZkraut* Ger-  
manis meis dicitur. Non verò pediculos tantum, ve-  
rum etiam oues & alia animantia comestus necat.

## DE HELXINE. CAP. CVI.

*Helxine Parietaria nobis.*

## NOMINA.

Ἥλινη, ἢ περιλίχιον Græcè, Helxine & Vrceo-  
E laris Latinè nominatur. Officinæ vocant Pa-  
rietariam, & dempta vna litera Paritariam.

Vulgus Muralium & Muralem. Germani *Tagund Helxine*  
*nacht*, *S. Peterskraut*, oder *GlasZkraut*. [Gallicè *Parietaria* unde dicitur  
*taire*.] Helxine autem ab aspero semine quòd tenaci-  
nexu vestibis adhæret, dicta est. Perdicium verò, quòd  
ea perdices præcipuè vescantur. Vrceolaris autem,  
quòd detergēdis vitreis, vrceolis vasisq; efficax sit.  
Muralis & Parietaria, quòd muros ac parietes nata  
les locos sibi fecerit.

FORMA. *Parietaria*

Cauliculos habet tenues, subrubentes, folia Mer-  
curiali



## PLANTARVM HISTORIAE

curiali similia, hirsuta, circa caules veluti exigua semina, aspera, vestibis adhærentia. Hæc sanè pictura sic plantæ illi respondet, vt nulla prorsus sit nota quæ illi non adamussim conueniat. Est enim fruticosa, cubitalis, cauliculis tenuibus, leniter rubescentibus, foliis Mercurialis herbæ, hirsutis, floribus purpureis minutissimis, exili per ambitum eius semine, aspero, vestibis adhærente, radice subrubra, fibris capillata.

### LOCVS.

Nascitur in sepibus, muris, maceriis, parietibus & vinetis. Nunc in hortis etiam plantata prouenit.

### TEMPVS.

Iulio mense floret.

### TEMPERAMENTVM.

Facultas Perdicio inest abstergerendi & constringendi cum humiditate subfrigida.

### VIRES. EX DIOSCORIDE.

• Folia refrigerandi constringendiq; vim obtinēt. Quare illita sacros ignes sanant, condylomata, adusta, incipientes panos, inflammationes omnes, & œdemata. Succus eius cerussæ mixtus, ignibus sacris & iis quæ serpunt malis vtiliter illinitur. Inungitur podagris cū cerato Cyprino, vel seuo hircino. Diuturnas tusses adiuuat, cyathi mēsurā absorptus. Contra inflammatas tōsillas gargarissatus & illitus prodest. Auriū quoq; dolores cū rosaceo infusus iuuat.

### EX GALENO.

Vim habet abstergerendi & paulatim constringendi ac refrigerandi. Quare phlegmonas omnes inter initia, & in augmēto vsq; ad statum sanat, maximè calidas. Quinetiam incipientib. phygethliis cataplasmatitis ritu illinitur. Succus quoq; eius ad dolores phlegmonosos mediocriter profuerit. Gargarizandum item nonnulli exhibent ad paristhmia. Aliqui etiam medicorum iis qui diutina tussī vexantur, illam exhibuerunt. Certè euidens extergendi experimentum

experimentum præbet & in vasis vitreis.

## EX AETIO.

Exerit alopecias & impetigines priuatim assidue illita. Sedis hæmorrhoidas aperit, fistulis medetur, & sinus cohibet trita & cum modico sale apposita.

## EX PLINIO.

Hæc inficit lanas, sanat ignes sacros, tumores, collectionesque omnes & adusta. Panos succus eius cum psimmythio, & guttura incipientia turgescere. Item veterem tussim cyatho hausto. Et omnia in humido. Sicut tonsillas & varices cum rosaceo. Imponitur & podagris cum caprino seu ceraque Cypria.

## APPENDIX.

Monendi sunt hoc loco medici ut rectum Helxines usum discant. Nam hætenus non recte eam in frigidis vitiis pro fomenio vsurparunt, cum refrigerandi constringendi que vim habeat. Cæterum cum abstergendi quoque illi facultas insit, potest etiam calculosis, & iis qui difficultate urinæ laborant exhiberi, potissimum si aliquid consimilem facultatem obtinens ei admisceatur. Sic Aëtius sedis hæmorrhoidas aperire tradit, si trita cum sale, cui etiã abstergendi vis inest, apponatur. Quare qui calculosis hanc herbam propinant, curēt ut aliquid quod abstergendi facultatem habeat, commisceant.

## DE ERYTHRODANO.

## CAP. CVII.

*Rubia sativa nobis Garance, & sylvestris frequens.*

## NOMINA.

*rubropodagrop* Græcè, Rubia latinè vocatur. Rubia  
 E Officinæ Rubeam tinctorum appellant. cur vocat  
 Germanicè Rote [Gallicè *Garance*] nomina ta.  
 tur. A rubore radices, quo lanæ & coria tinguntur, factum illi utrunque nomen est.

## GENERA.

Dioscoridi & aliis duo Rubiæ sunt genera. Altera enim sativa est, altera verò sponte provenit, & Sativa  
 p*ij* sylvestris

## PLANTARVM HISTORIAE.

syluestris existit: nec esse videtur alia quàm quæ à nostris Stellaria vocatur.

### FORMA.

Caules satiuæ quadranguli, longi, asperi, similes Aparinæ, multo tamen maiores robustioresque, folia per intervalla in singulis geniculis habentes, stellarum modo in orbem circumiacentia. Fructus rotundus, per initia viridis, mox ruber, postea cum maturuit niger. Radix tenuis, longa, rubra. Syluestris itidem caules quadrangulos, ut diximus, emittit, folia per intervalla in singulis geniculis stellarum instar in orbem circumiacentia, flores candidos, radicem tenuem, longam & rubram, adeò ut suo colore tingere etiam videatur.

### LOCVS.

Nascitur in plerisque nunc Germaniæ locis, agro potissimum Argentoracensi & Spirensi. Seritur autem propter emolumentum quod ex ea quæstuosissimum sentitur.

### TEMPVS.

Aestate colligitur fructus, & subinde etiam effoditur radix.

### TEMPERAMENTVM.

Calida est in secundo ordine, & sicca in tertio.

### VIRE. EX DIOSCORIDE.

Radix urinam ciet, qua de causa regio morbo laborantibus cum aqua multa auxiliatur: item ischiadicais & resolutis. Urinam multâ & crassam ducit, nonnunquam etiam sanguinem. Bibentes quidem quotidie lauari oportet, & excrementorum quæ redduntur differentiam spectare. Aduersus venenatorum morsus succum cum foliis bibere prodest. Semen ex oxymelite potum, lienem absomit. Apposita radix, foetus, menses, & secundas trahit. Albas vitilignes ex aceto illita sanat.

### EX GALENO.

Rubia tinctorû radix acerba & gustu amara est.

Itaque

Itaque quæcunque agere diximus vbi eiusmodi co-  
tuerint qualitates, ea omnia in hac radice luculen-  
ter cōspicies: quippe quum & lienem & iecur expur-  
get, & vrinam crassam copiosamque, ac nonnunquā  
etiam sanguinolētam moueat. Quin & menses ciet,  
ac mediocriter quæ extersionem postulant, exter-  
git: proinde vitiliginēs albas cum aceto illita iuuat.  
Sunt qui eam ischiadicis & resolutis in potu cū me-  
licrato exhibeant.

## EX PLINIO.

Erythrodanum, quam nos Rubiā vocamus, qua  
tinguntur lanæ, pellesque perficiuntur, in medicina  
vrinam cit, morbum regium sanat ex aqua mulsā, &  
lichenas ex aceto illita: & ischiadicos & paralyticos,  
ita vt bibentes lauentur quotidie. Radix semenque  
trahunt menses, aluum sistunt, & collectiones discu-  
tiunt. Contra serpentes rami cum foliis imponun-  
tur. Folia & capillum tingunt. Inuenio apud quos-  
dam morbum regium sanari hoc frutice, etiam si ad-  
alligatus spectetur tantum.

DE ZEA. CAP. CVIII.

*Zea spelta nobis.*

## NOMINA.

τῖα Græcis, Zea & Semen Latinis, vulgo & *Semē cur-*

Z Italis Spelta dicitur. [Gallicè de l'espeautre] *dicta zea*

Semen autem Latini à præstantia frugis ap-  
pellantur. Hinc est quòd Homerus etiam hanc cele-  
brauerit dicens, *ἐὶσι δ' ὡρὸς ἄρσρα*. Quibus sanè verbis *ἐὶσι δ' ὡρὸς*  
innuit aruum Zeam Largiens, nō vt nonnulli arbi-  
trantur quòd vitam donet, Plinio autore. *ἄρσρα*

## GENVS.

Duo Zeæ Dioscorides facit genera. Vnum cuius  
grana in singulis tunicis seu glumis gemina, quod  
Græcis eā ob causam *δίκοκκος* cognominatur. Ger-  
manis hoc genus Speltz, oder Dinckelkorn vocat. A te *δίκοκκος*  
rum simplicis est grani, & Germanicè nominatur.  
*Einkorn, oder S. Peters Korn.*

## FORMA.

# PLANTARVM HISTORIAE.

## FORMA.

*Primum  
genus.  
Alterum.*

Primum genus culmo, geniculis & spica tritico simile est, duobusque vtriculis iunctis duo grana simul fert. Alterum culmo & spica est breuioribus, grana singula in singulis tunicis duplici ordine seu versu dispositis proferens, ac in summitate aristis suis planè hordeum refert.

## LOCVS.

Lætum pingueq; solum desiderat.

## TEMPVS.

Iunio mense floret, Iulio autem maturitatem consequitur.

## TEMPERAMENTVM.

Zea media quodammodo est inter triticum & hordeum, quatenus ad calefaciendi & refrigerandi facultatem attinet, placidè verò exiccat.

## VIRE. EX DIOSCORIDE.

Zea magis nutrit quàm hordeum. Ori suavis est. Digesta in panificia minus quàm triticum alit.

## EX GALENO.

Zea vniuersa sua facultate quodammodo in medio est tritici & hordei: itaque ex illis cognoscatur.

## EX PLINIO.

Zea farina efficacior hordeacea videtur, trimestris mollior. Ex vino rubro ad scorpionum ictus tepida, & sanguinem excreantibus. Item arteriæ. Tussis cum caprino seuo aut butyro. Ex Fœnogræco mollissima omnium. Vlcera manantia sanat, & furfures corporis, stomachi dolores, pedes & mammas cum vino & nitro cocta.

## EX SIMEONE SETHI.

Zea facultatem habet proximam tritico. Est verò facilis concoctionis, bonique succi: ad hæc etiam emplastica existit.

## DE ERIGERONTE CAP. CIX.

*Senecio nobis senecion,*

## NOMINA.

## NOMINA.

*πρυτταν* Græcis, Senetio Latinis, officinis in-  
 H usitata, Germanis *Grindtkraut* [Gallicè *du Se-*  
*nesson*] dicitur. Græcis autem *Erigeron* qua- *Erigeron*  
 si vernus senex nominatur, seu citò vel vere senescēs *cur dicta.*  
 quod celeriter in pappum & lanuginem abeat. Ita-  
 que compositione nominis, tempus simul quo florer,  
 & floris mox deflorescentis euentum, indicare vo-  
 luerunt Græci, vt quo tempore quærenda, & qui-  
 bus notis inuenienda esset, omnes scirent. Non igitur  
 senectutis ratio aliqua in ea est, sed canescentes  
 humani capilli modo post florem eius pappi, vt à se-  
 nectute denominaretur, effecerunt. Eam etiam ob  
 causam Romani Senetionem illam vocauerunt. *Senetio.*

## FORMA.

Herba est cauliculo cubitali, subrubro, foliis con-  
 tinuis, in extremitatibus Erucæ modo incisuris diui-  
 sis, sed minoribus multo: floribus luteis, celeriter  
 scissis dehiscenribus, & in pappos deflorescenti-  
 bus: vnde & *Erigeron* dicta est, quòd vere scilicet  
 capilli modo flores canescant. Radice inutili. Om-  
 nes hæ Dioscoridis notæ, herbæ quam Germani  
*Creutzurtz* & *Grindtkraut* nominant, respondere de-  
 prehenduntur. Siquidem cauliculus est illi cubita-  
 lis, subruber, folia continua habens, per extrema-  
 tes Erucæ instar laciniosa, minora tamen. Flores lu-  
 tei, qui scissi statim in lanuginem abeunt. Errant to-  
 to cælo pui Senetionem Nasturtium esse garriunt. *Senetio nō*  
*est Nas*

## LOCVS.

Nascitur passim in sepibus, & circum oppida.

*sturtium.*

## TEMPVS.

Vere erumpit, quo etiam tempore, vt dictum est,  
 canescit, & durat ferè tota æstate eius herbæ pro-  
 uentus.

## TEMPERAMENTVM.

*Erigeron*, Paulo Aegineta autore, mixtâ tépera-  
 turâ obtinet: refrigerat enim & modicè discutit.

## VIRE S.

# PLANTARVM HISTORIAE.

## VIREs. EX DIOSCORIDE.

Folia cū floribus refrigerandi vim obtinent, quapropter cum exiguo vino, aut per se illita folia, testium sedisq; inflammationes sanant. Cum manna, tum reliquis vulneribus, tum neruorum quoque medentur. Idem præstāt pappi per se ex aceto illiti, verum recentes eptoti strangulant. Totus autem caulis in aqua decoctus, & cum passo potus, stomachi dolores à bili contractos persanat.

## EX PLINIO.

Lanugo eius cū croco & exiguo aquæ frigidaë triquet illinit epiphoris. Tosta cū mica salis strumis. Eriгеро quoque cum farina thuris & vino dulci, testium inflammationes sanat.

## DE HEDYOSMO. CAP. CX.

*Mentha nobis nomen retinet, & Balsamum quoque dicitur multiplex.*

## NOMINA.

*ἡδύσμος, ἢ μίνθη* Græcè, Menta Latinè dicitur. Officinæ nomen Latinum retinuerunt. Germanicè Muntz [Gallicè *de la Mente*] vocatur. Hedyosinon Græci, quòd suauem spiret odorem nominauerunt. Menta autem dicta est, quòd odore suo mentem excitet, aut quod grato, ut ait Plinius, odore mentes percurrat.

## GENERA.

Mentē in vniuersum duo sunt genera. Vna enim satiuæ & hortensis est: altera sylvestris & fera. Satiuæ iterum quatuor præcipua sunt genera. Vna est quæ Germani *Deymen* simpliciter, vel *krausz Deymen* vocāt. Altera, quam iidem *krausz Balsam*. Tertia, quæ iisdem *Balsammuntz* appellatur, & *Vnser Frauen muntz* / *soder spitiz muntz*: à nostræ ætatis herbariis Romana vel Saracenica. Quartam Germani quidam *Heritzkraut* / nonnulli *Balsamkraut* vocāt. Per me tamē licebit has species, quādoquidē facultatibus similes sint,

sint, vt cuius placuerit nominare. Nobis autem vt certius discernerentur prædictis nominibus appellare placuit. Syluestris, quæ Latinis Mentastrum vocatur, & vulgò equina Méta, Germanicè *Roszmuntz* / *Vuilder Balsamjoder Vuildmuntz* dicitur. Nō ignoramus plures esse Mentæ species, nos tamen eas duntaxat quas vidimus, pictas exhibemus.

## FORMA.

Satiua prima caulem habet quadrangulum, à radice lentè punicantem, & lanugine pubescentem, folium ferè rotundum, serratum, molle & odoratum, flosculos purpureos internodia geniculatim coronantes, verticillato semper ambitu. Altera priori per omnia similis est, nisi quòd illi subpurpureus flos circa cauliculorum fastigia spicatur. Tertia folio longiore & acutiore constat, flosculis purpureis coliculorum cacuminibus spicatim insidentibus. Quarta itidem longioribus foliis est, floribusque purpureis internodia geniculatim, haud secus quàm in prima, caules coronantibus. Mentastrum verò foliis lanugine canescentibus, atque hirsutioribus, Sisymbrio procerius, odore magis viroso, flosculis spicatim coliculorum fastigia coronantibus.

## LOCVS.

Satiuæ passim in hortis proueniunt. Amant apri- cum locum, non pinguem, non stercoratum humidis facilius adolefcunt. Syluestris autem, quæ Mentastrum alio nomine appellatur, vliginosis gaudet locis, passimque irrigua hoc Mentastro pubent.

## TEMPVS.

Florent omnes mense Augusto.

## TEMPERAMENTVM.

Vtraque, tam hortensis scilicet quàm syluestris, gustu acris, & facultate calida est, ex tertio ordine excalesciētium. Infirmior tamen est hortēsis, minusque calefacit. Exicat autem in secundo ordine: illi enim  
ex cultu-



## PLANTARVM HISTORIAE.

**EX** cultura aliquid humiditatis accedit.

### VIRE. EX DIOSCORIDE.

Calefaciendi, adstringendi atque exiccandi vim habet Menta hortēsis. Proinde sanguinem sistit succus eius cum aceto potus. Lumbricos rotundos enecat. Venerem concitat. Singultus, vomitiones, choleramque sedant duo aut terni furculi cum acidi granati succo poti. Cum polenta illita abscessus discutit. Imposita fronti, capitis dolores mitigat. Mammæ quæ tenduntur, aut lacte turgent, compescit. Cū sale canum morfibus illinitur. Aurium doloribus eius succus cum aqua mulsa subuenit. Mulieribus ante coitum admota, conceptioni resistit. Linguae scabritiem confricata leuigat. Lac coire densarique in caseum nō sinit, immersis in eo foliis. In summa, stomacho utilis est, & in condimentis peculiarem vsum habet. Sylvestris in sanitate deterioris vsus est quàm fatiua.

### EX GALENO.

Menta fatiua ad venerem mediocriter excitat, id quod omnibus inest, quæ humiditate semicocta & flatuosa participant. Deniq; in abscessibus aliqui eā cum polenta imponunt. Habet etiam quiddam amarum in se & acerbum: illo quidem lumbricos interficit, acerbitate verò si cum oxycrato bibatur, recentes sanguinis excreationes reprimat. Substantia est, vt si qua alia herba tenuium partium. Aëtius addit, potum eius decoctum tribus seriatim diebus, colicos omnino sanare.

### EX PLINIO.

Mentē hortensis odor animum excitat, & sapor auditatem in cibis: ideo in mammarum mixtura familiaris ipsæ accessere, vt coire densarique lac non patiantur. Quare lactis potionibus additur, ne huius coagulati potu strangulentur. Data in aqua & mulso, eadem vi resistere & generationi creditur, cohibendo genitalia densari. Acquē maribus & fœminis san-

nis sanguinem sistit, & purgationes fœminarum inhibet. Cum amylo ex aqua pota, cœliacorum impetus. Syriatiō & vomicas vuluę curauit. Ille & iecinorum vitia ternis obolis ex mulso datis. Item sanguinem ex creantibus in sorbitionem. Vlcerata in capite infantium mirè sanat. Arterias humidas siccatur, siccata adstringit, pituitas corruptas purgat in mulso & aqua, Voci succus sub certamine vtilis duntaxat, qui & gargarisatur vna tumente, adiecta ruta & coriandro ex lacte. Vtilis & contra tonsillas cum alumine, linguę asperę cum melle. Ad conuulsa intus per se, vitiisq̃ue pulmonis. Singultus & vomitus sistit cum succo granati, vt Democritus mōstrat. Recentis succus narium vitia \* spiritu subducto emendat. Ipsa trita choleras in aceto quidem pota. Sanguinis fluxiones intus, Ileum etiam imposita cum polenta, & si mammę tendantur. Illinitur & temporibus in capitis dolore. Sumitur & contra scolopendras, & scorpiones marinos, & ad serpentes. Epiphoris illinitur, & omnibus in capite eruptionibus, item sedis vitiis. Impetigines quoque, vel si teneatur tantum, prohibet. Auribus cū mulso instillatur. Aiunt & lieni mederi eam in horto gustatam, ita ne vellatur. Aridę quoque farinam tribus digitis apprehensam, & stomachi dolorem sedare in aqua, & similiter aspersa in potionem, ventris animalia pellere.

\* Alias fr-  
ritus sub-  
ductos.

## APPENDIX.

Animaduertendum, ea quę Plinius Mentastrō tribuit, Calaminthę deberi, vt satis liquet Dioscoridem legenti. Neque sanè mirum, quādoquidem auctores societate quę est inter Mentam, Mentastrum & Nepetā decepti, tū species, tū nomina cōfundūt.

## APPENDIX ALTERA.

Cæterum appendicis etiam vice hic annotandum erit, Aristotelem sectione xx. proble. secundo, cū asserit Mentam refrigerare posse corpora, non pugnare cum Galeno aliisque medicis qui illam esse calidam

# P L A N T A R V M H I S T O R I A E .

calidam affirmant. Per se nanque calida est Mentas  
at quia esa libidinē proritat, & hæc cū immodica  
fuerit corporis vires deiicit, atque adeò animum &  
corpus refrigerat, ideo eam ex accidēte, quia vide-  
licet vt in venerem immodicè ruamus efficit, refri-  
gerare dixit Aristoteles.

## E X S I M E O N E S E T H I .

Iuuat iccur frigidum, & ventrem corroborat ac  
stomachum, coctionem facit, vomitum sedat & sin-  
gultum. Prodest etiam ad cordis morsus, & appeti-  
tionem suscitatur. Flatus discutit, & lumbricos interi-  
mit, potissimum syluestris Mentæ ius. Venerem sti-  
mulat, & iecinoris obstructions tollit. Verū hoc  
vesci ad satietatem non oportet, quoniam sanguinē  
extenuat, & serosum facit, & ipsum in flauam bilem  
mutat: dein efficit vt sanguis qui maximè est tenuiū  
partium discutatur, & crassus ac melancholicus re-  
linquatur, atque idcirco oportet biliosos ab ea absti-  
nere. Contrita cum sale, & morsui rabiosi canis im-  
posita medicamentum fit salubre. Arida verò trita,  
& post cibum sumpta, ad concoctionem facit, & lie-  
nosos iuuat. Cum vino pota difficulter parienti suc-  
currit. Ferunt etiam quod mansa lippienti imposi-  
ta, fiat remedium: quòdque eius decoctum absorptū,  
confestim sanguinem è faucibus eiiciētes sanet. Hu-  
ius semen ventrem purgat, & pulmonem lædit.

## D E H E M I O N I T I D E . C A P . C X I .

*Hemionitis tua ē Dioscoridis phyllitis, uulgaris scolopēdria.*

### N O M I N A .

*μῶνιτις, ἡ σπλάνιον* Græcis, Hemionitis Latī  
nis, Plinio Teucrion, officinis & herbariis  
Scolopendria & Lingua ceruina, Germanis  
*Hirszung* [Gallicè *Langue de Cerf*] nominatur. Alia  
tamen est à Dioscoridis Scolopendrio, quæ Asple-  
nō alio noīe dicitur.

### F O R M A .

Foliū Dracūculo simile profert, lunatū. Radices  
verò illi multæ subsunt, tenues. Neq; caulē, neq; se-  
men,

*Scolopen-  
dria offi-  
cinarum.*

mē, neq; florē fert. Ex qua descriptione satis liquet, eā herbā quā vulgus Scolopēdriā vocat, esse Hemionitin, quōd tota illi dioscoridis pictura, nulla reclamāte nota, cōueniat. Sūt enim illi folia Dracūuli seu Ari, instar lunę corniculātis falcata. Etsi enim interdū ī altū surgāt, tamē inter initia potissimū incurua, & lunæ crescētis modo falcata sunt. Radicibus etiā cohæret multis exilibus, nūquā florescēs, nec caulē, nec semē proferēs. Nō esse autē Phyllitim in primis folia docēt, quæ in ea sunt recta, & minimē sicut in Lingua ceruina lunata. Dein in tergo veluti vermiculi, qui in Phyllitide pēsiles, in Lingua ceruina autē sessiles & nequaquā propēdētes sed liratim digesti sunt, Tercio natales ipsi: Phyllitis enim in vmbrosis opacisue, & hortis nascitur, Scolopendria verō seu Hemionitis in petrosis. Quarto, quod me omniū maximē mouet, Phyllitidi nulla prorsus lienē liquandi facultas inest, quā tamē Scolopēdriæ vulgari adesse, præter cōmunē cōsensum, quotidiana etiā experimēta demonstrāt. His itaq; de causis Phyllitis, Scolopendria vulgaris esse aut dici nō debet. Dato enim quōd descriptio p omnia cōueniret, facultates tamē ipsæ, quę diuersæ sunt, aliā à Scolopēdria esse manifestē docerēt.

*Scolopendria est Hemionitis.*

*Scolopendria non est Phyllitis.*

#### LOCVS.

Nascitur locis vmbrosis, mōtosis, ac petrosis, copiosissimē autē iuxta mōtē haud procul à Tubinga sitū, quē Germanico vocabulo *Farnberg* nomināt, prouenire solet. Nunc passim in hortis habetur.

#### TEMPVS.

Aestate vsque ad autumnum abundē nascitur.

#### TEMPERAMENTVM.

Adstrīgēs simul & parū amara est, vnde credibile est in primo ordine esse calidā, & in secūdo siccam.

#### VIRES. EX DIOSCORIDE.

Herba gustu adstringit. Hæc antē cū aceto pota lienē liquat.

#### EX GALENO.

Hemionitis simul & adstrictionē & amaritudinē possidet.

# PLANTARVM HISTORIAE.

possidet:quãobré cū aceto pota,lienosis auxilio est\*

EX PLINIO.

Medetur lienibus.Constatque sic inuentum:cūm  
exta super eam proiecta essent,fertur adhæsisse lie-  
ni,cumque exinanisse. Ob id à quibusdam Spleniō  
vocatur.Narrant sues qui radicem eius edunt, sine  
splene inueniri.

Splenion  
unde di-  
ctum.

DE ERYNGIO. CAP. CXII.

NOMINA.

Iringus.  
Centumca-  
pita.

Serapiōis  
Centumca-  
pita est  
Aster.

ῥύγγιον Græcis, Eryngiū Latinis, officinis  
H corrupto vocabulo Iringus vocatur. Ple-  
rique etiā Cētūcapita nomināt, à numero  
nimirum capitum quæ in summo obtiner.Plinij ta-  
men Centumcapita, ab Eryngio est diuersa,vt etiā  
Serapionis.Si quis enim diligenter eius descriptio-  
nem excutiat,eam planè esse deprehēdet,quæ Dio-  
scoridī Aster Atticus & Inguinalis appellat.Vtrius-  
que enim picturæ sic sibi respondent,vt planè vna  
esse herba videatur.Germanis Eryngium nomina-  
tur *Mansztreu / Brachendistel / & Raddistel* [Gallicè  
*Chardon nomme cent testes.*]

FORMA.

In genere aculeatarum stirpium est Eryngium,  
cuius folia initio sale condita olerum modo come-  
duntur. Sunt autem lata,& in ambitu aspera,gustu  
odorata. Quum verò adolefcunt,in multis caulium  
eminentiis spinis aculeantur: in quorum summi ta-  
tibus globosa capita, durarum acutissimarumq; spi-  
narum ambitu stellæ instar circumuallantur,quorū  
color modo viridis aut cādidus, interdum cæruleus  
inuenit.Radix illi oblōga,lata,foris nigra,intus al-  
ba,pollicis crassitudine,& odorata.E qua nimirū de  
lineatione oībus perspicuū fit, spinam cuius pictu-  
ram nūc exhibemus, esse Eryngium:aculeatis enim  
foliis & per extrema spinosis conspicitur, odoratis,  
caule cubitali,in cuius vertice coacta in globum ca-  
pitula, durorum & acutissimorum spiculorū vallo,  
stellæ

stellæ instar radiantur, quorum color in pubertate viridis, adultę cœruleus flaccescēti cādidus conspicitur: radice pollicari, intus candida, foris nigra, sed odorata.

## LOCVS.

Nascitur in campestribus & asperis locis. Prope Argentoratum eius magna est copia.

## TEMPVS.

Colligi hęc quidā, vt Plinius tradit, cū sol Cancrī hospitium tenet, hoc est, sub solstitio, iussere.

## TEMPERAMENTVM.

Eryngium caliditate aut parum aut nihil ea quę moderata & temperata sunt superat. Siccitatem vero in tenui essentia cōsistentē non exiguam obtinet.

## VIRE. EX DIOSCORIDE.

Vim habet calefactoriā radix. Pota menses & vrinę pellit. Tormina & inflationes discutit. Cum vino iccinorosis, venenatorum moribus, & iis qui letiferum hauserunt succurrit. Bibitur aduersus plura cum Staphylini semine pōdere drachmę vnus. Appensa & illita tubercula discutere proditur. Radix cum hydromelite pota, opisthotonocis & comitialibus medetur.

## EX AETIO.

Potū radici decoctū colicis medetur. Mulso addito calculos, stillicidia, difficultates vrinę, & renū vitia sanat: quod per quindecim iugiter dies, & ieiunos, & in lectū ituros bibere oportet. Quod si cū eo Sium quoque decoxeris, magis proficies. Affirmabat quidam assiduo Eryngij vsu, nunquam postea minxisse calculos, cū prius eo morbo frequentissimē vexaretur.

## EX PLINIO.

Clara in primis aculeatarū Eryngiō est, cōtra serpētes & venenata omnia nascēs. Aduersus ictus morfusq; radix eius bibitur drachmę pōdere ī vino: aut si plerūq; tales iniurias comitatur febris, ex aqua. Illinitur plagis, peculiariter efficax cōtra cheriſydros

q ac ranas.

# PLANTARVM HISTORIAE.

ac ranas. Omnibus verò cōtra toxica & aconita effi-  
caciorem Heraclides medicus, in iure anseris deco-  
ctam, arbitrat. Apollodorus aduersus toxica cum  
rana decoquit, cæteri in aqua.

## DE THRIDACE. CAP. CXIII.

### NOMINA.

⊙ *ρίσλαξ* Græcè, *Lactuca* Latinè: officinæ Latini  
num nomē retinuerunt: Germanicè *Lattich*  
*oder Lactuck* [Gallicè *Vne Laitue*] nomina-  
*Lactuca* tur. Dicta autē *Lactuca* est, quod copia lactis, quod  
*unde dicta* credebatur leniter mouere ventrem, exuberet: vnde  
apud veteres in primis epulis veniebat, quod Mar-  
tialis etiam iis testatur verbis:

Prima tibi dabit vètri *Lactuca* mouédo Vtilis.

### GENERA.

*Lactuca* primū in satiuam & syluestrē deducitur.  
Satiuæ tria sunt genera, crispa nimirum, rotunda, &  
capitata. Nos vna icone duo complexi sumus gene-  
*Crispa Lac-* ra. Folium enim quod statim à radice erūpit, eā *tuca.* *Lac-*  
*tuca* refert quæ Latinis crispa, à foliis crispissimis,  
Germanis *krauser Lattich* appellatur. Columella lib.  
xj. cap. iij. Cecilianam & Beticā à regiōibus in qui-  
*Rotunda.* bus crescit, uominat. Reliqua folia eam quæ Rotū-  
da à foliis rotundis vocatur, præ se ferunt. Germa-  
nicè *breiter Lattich* nominatur. Tertiij generis *Lac-*  
*Capitata.* tuca, quæ Capitata dicitur, à folijs suis, quæ vbi parū  
à terra attolluntur, mālī cuiusdam speciem rotundā  
obtinēt, & instar Brassicæ capitatae, in capitis ferē  
formam extuberant. Germanis *grosser Lattich* / vel  
*Vueisser Lattich* à semine candido nominatur. Sylue-  
stris *Lactuca* satiuæ opponitur, spōte enim sua in ar-  
uīs nascitur. Germanis *Vuilder Lattich* nuncupatur.

### FORMA.

Satiua prima, cuius imaginem hīc damus, folia  
Intybo satiuo haud dissimilia habet, in rectumque  
surgit,

furgit, caulibus in summo brachiatum, in quorum cacumine flores sunt lutei. Altera foliis, quæ crispa admodum sunt, duntaxat à priori variat, aliàs per omnia similis. Sic etiam capitata non nisi foliis suis, idque dum paululum creuerunt, à prioribus differt. Ideoque duabus picturis, quæ omnes referunt, contenti fuimus. Sylvestris similis est sativæ Lactucæ, *Lactuca sylvestris* radice tamen brevior, proceriore caule, candidioribus foliis, gracilioribusque, asperioribus, & gustu amaris, quæ ut addidit Theophrastus, ubi còsummata sunt, aculeantur. Ex qua delineatione abundè còstat, Lactucam sylvestrem esse eam herbam quæ passim nunc ab officinis & herbariis, nò sine magno errore, Endiuvia dicitur. Ea enim in aruis & vinearum *Officinarum error.* limitibus sponte nascitur, folio Lactucæ, & cum adoleuit per oras aculeato, & laciniatim serrato, caulibus bicubitali proceritate consurgentibus, spinulis inhorrescentibus, quibus succus inest lacteus, amarusque, flore ut Lactuca sativa luteo. Desinant itaque deinceps ea herba pro Endiuvia uti medici, si modo rectè consultum ægris cupiunt.

## L O C V S.

Sativa in hortis provenit. Sylvestris in aruis & vinearum hortorumque maceris sua sponte nascitur.

## T E M P V S.

Florent Julio mense, atque subinde semen proferunt.

## T E M P E R A M E N T V M.

Lactuca sativa humidum est frigidumque olus, non tamen extremè: siquidem edendo non foret: verum maximè secundum aquæ, ut sic dicam, fontanæ frigiditatem. Simeon Sethi frigidam & humidam in tertio ordine statuit. Sylvestris autem minus refrigerat & humectat.

## V I R E S. E X D I O S C O R I D E.

Sativa Lactuca stomacho accommodata est, refrigerat,

q ij.



gerat, somnū conciliat, aluum mollit, lactis abundantiam facit. Elixā magis alit. Illota autem comesta stomachicis prodest. Semen eius potum venerē assidue somniantibus opitulatur, & concubitum arcet. Ipsae tamen frequentiores in cibo, claritati oculorū officiunt. Condiūtur muria. Quum in caulem prodierunt, vim quandam nanciscuntur succo aut lacti sylvestris Lactūcae similem. Sylvestris viribus in totū Papaueri similis est, vnde aliqui eius succū Meconio permiscuerunt. Aquosa per aluum purgat potus in postea liquor obolorum duorum pōdere. Exterit argēma & caliginē. Cum lacte muliebri inuncta ad ambusta prodest. In vniuersum soporifera est & dolorem leuat. Menses trahit. Contra scorpionū iētus, & phalangiorum morsus bibitur. Semen haud secus quā fatiū libidinum imaginationes in somno, ac venerem arcet. Succus ad eadem valet, sed viribus infirmior. Reponitur succus eius in fictili vase, antea, vt in aliis liquaminibus moris est, insolatus.

EX GALENO.

Lactuca ad calidas phlegmonas accōmoda est, & ad parua & leuia erysipelata, maioribus tamen satisfacere minimē idonea est. Est etiā edulū sitim arcens. Semen potū genituræ profluuiū cohibet: quāobrem etiam iis qui libidinosis somniis vexātur, datur. Sic & sylvestres Lactūcae semen. Cuius quoque succus colligitur, argēma & caliginem expurgans. Ad adustiones cū lacte mulierū inūgitur. Omnibus aliis oleribus paucissimū sanguinē & vitiosum generantibus, ex sola lactuca nō multus quidem, nec vitiosus, haud tamen omni ex parte laudabilis gignitur. Vt plurimum cruda ipsa vescuntur. Aestate autem cū in semen iam proruptura est, in aqua dulci præcoquentes, cum oleo, garo & aceto assumūt, aut cum aliquo ex condimentis, opsoniisue, præsertim iis quæ caseo constant. Plerique etiā antequam excaulescat,

caulescat, in aqua elixa vtūtur: vti ego iam facio, ex quo dentes mihi deteriores esse cōperūt. Nam amicus quidam meus, quum olere hoc à longo tempore me vt familiari cibo vsū fuisse sciret, videretq; pōst mandi à me citra magnam molestiam non posse, cōtūx rationē indicauit. In iuuentute enim, quoniā assiduo os ventriculi bile efferuescebat, æstus moderandi gratia Lactucis utebar. Quum autē ad prouectam ætatem peruenissem, olus hoc contra quā in iuuentute somnum iam studio & industria accersenti mihi, auxilio fuit: quippe qui etiamnum iuuenis vigiliis dedita opera me assuescebam declinante iā ætate, ipsa ex se in somni, grauius hoc incommodo molestabar. Aduersus quod vnicum mihi presentissimum remediū Lactuca vespere cōmanducata semper fuit. Frigidum ergo humidūq; succum profert, haud quaquam tamen vitiosum. Itaq; sicut alia olea à iusta cōcoctione nō excidit, neq; aluū cohibet, vti neq; impellit. Atq; hæc illi nō immeritō accidūt, quū nec austera, nec acerba sit, quibus facultatibus in vniuersum aluus sistitur, quēadmodū à salsis, acribus, & omnino abstergēdi vim habentibus ad excrationem concitatur, quorum nihil Lactucæ inest.

## EX PLINIO.

Est quidē natura omnibus refrigeratrix, & ideo æstate grata à stomacho fastidium auferunt, cibiq; appetentiam faciunt. Diuus certē Augustus Lactuca cōseruatus in ægritudine fertur, prudētia Musæ medici, cum priores eam ob religionem minimē cōmanducarent, in tantū recepta commendatione, vt seruari etiam in alienos menses eas oxymelite receptum sit. Venerem inhihent, æstum refrigerant, somnumque faciunt. Cruditatem ipsæ nequaquam faciūt, nec vlla res maiorem in cibis auiditatem incitat inhibetq;. Ambustis profunt recentibus, priusquam pustulæ frant, cum sale illitæ. Vlcera etiā quæ serpunt, coërcent initio cū aphronitro, mox in vino

q iij trita.

# PLANTARVM HISTORIAE.

tritæ. Igni sacro illinuntur. Conuulsa & luxata caulibus tritis cū polenta ex aqua frigida leniunt. Eruptiones papularum ex vino & polenta. In cholera quoq; coctas patellis dederunt, ad quod vtilissimæ quammaximī caulis & amaræ. Quidam lacte infundunt. Deferuefacti ij caules & stomacho vtilissimi tradūtur, sicut somno, & satiua maximè Lactuca, & amara lactēsq; , quam Miconidem vocauimus. Hoc lac & oculorum claritati cum muliebri lacte vtilissimum esse præcipitur, dum tempestiuè capiti inunguntur. Semē satiuarum contra scorpiones dari Semine trito ex vino poto & libidinum imaginatiōes in somno compesci. Tentantes aquas non nocere Lactucae edentibus. Quidam tamen frequentiores in cibo officere claritati oculorum tradiderunt.

## DE THYMBRA. CAP. CXIIII.

. *Satureia nomen retinet Sarriete.*

### NOMINA.

ῥυμβρα Græcis, Thymbra. Cunilaque Latinis, Kunel Germanis [Gallicè *de la Sarriete*] appellatur.

### GENERA.

- Hortensis.* Thymbrae seu Cunilæ duæ sunt species. Vna hortensis seu satiua, quæ quia minori est acrimonia, in cōdimentario genere eduliis cōcoquitur: hinc à saturādo Satureia dici cœpit. Alij tamen à Satyris nomen traxisse putāt, quòd scilicet marcescētes coitus stimulet. Germanicè *Saturon/Hunerful/Ioseplen/ Zuui-bel oder Gartenhyssop: der Sergenkraut* nominatur. Altera agrestis siue rustica Cunila est, quæ peculiariter Thymbra nuncupatur.
- Satureia unde dicta*
- Sylvestris*

### FORMA.

- Thymbra similis est Thymo, sed minor atq; tene rior, ferens spicam floribus plenam, coloris viridis.
- Satureia.* Satureia pedali altitudine surgit, fruticosa, furculosis vtrinque cauliculis, folio Hyssopi, flosculis per interval-

interualla ex purpura candicantibus, odore saporeque gratissimo.

LOCVS.

Thymbra in tenui solo, & asperis locis nascitur. Satureia in hortis seritur passim.

TEMPVS.

Aestate vtraque Cunila floret.

TEMPERAMENTVM.

Thymbra calida & sicca in tertio ordine.

VIREES. EX DIOSCORIDE.

Thymbra eadem quæ Thymus præstat si consimiliter sumatur. Vtilis etiam in sanitate eius vsus. Est etiam satiuæ Thymbra in cunctis syluestri minor: ad cibum verò vtilior, propterea quod non adeo efficax illi sit acrimonia.

EX PAVLO.

Thymbra syluestris eadem quæ Thymus præstat. Hortensis autem omnibus quidem imbecillior, sed ad cibum laudatior.

EX PLINIO.

Nusquam vtrunque Thymbræ genus additur, quippe similis effectus.

EX HERBARIO ANTIQVO.

Farina eius ex vino pota, medetur pulmonis, thoracis, & vesicæ vitiiis. Ciet vrinas, menses pellit. Herba ipsa cum floribus Lethargicos excitat calfactu, aut coronæ modo capiti imposita. Succus cum rosaceo auribus infunditur. Cum triticea farina coxendicibus illinitur. Satureiæ vsus marcescentes coitus stimulat, quare à Satyris traxisse nomen putat. Stomachi concoctiones adiuuat, fastigia discutit, hebetes oculos exacuit.

DE THLASPI. CAP. CXV.

Thlaspi nobis frequens.

NOMINA.

- ⊙ λάσπι, ἢ θλασπίδιον, ἢ σίνησι ἄκριον Græcis dicitur: Thlaspi, Capsella, & Scâdulaceû Latiniis. [Gallicè *Senene sauluaige*] Sunt huius  
q iiii] temporis

# PLANTARVM HISTORIAE.

**Nasturtiū** temporis herbarij qui Nasturtium tectorum, & Si-  
**tectorum.** napi rusticum, quòd digitis friatum sinapim subole-  
**Sinapi ru-** at, appellent. A lijs Bursam pastoris vocant, non sanè  
**sticum.** quòd sit reuera eius herbe species, sed quòd ad for-  
**Bursa pa-** mam illius quamproximè accedat. Sic antiquo her-  
**storis.** bario Bursam pastoris appellare Thlaspin placuit.  
**Thlaspi un-** Thlaspi autem Græcis à fructus forma dictum est,  
**de dictum.** qui Nasturtio similis est, sed latior, & velut infra-  
 ctus & contusus. *ἐλάσθα* enim iisdem contūdi est &  
 infringi, infringendoq; quod globosum tumidumue  
 erat malleo, lapide, pedēue cum dilatatiōe exæ-  
 quare.

## GENERA.

Duo Thlaspis genera damus. Vnum latioribus fo-  
 liis, quod ad Dioscoridis descriptionem proximè ac-  
 cedit. Hoc Germanicè *Baurnsenff/oder Kresz* nomi-  
 natur. Alterum foliis angustioribus cōstat, & Ger-  
 manicè *Besemkraut* quòd scoparum vices suppleat,  
 vocatur. Quare si quispiam hæc duo genera ab inui-  
 cem distinguere certis appellationibus voluerit, pri-  
 mum Thlaspi maius aut latifolium, alterum verò  
 minus aut angustifolium appellet. Dioscorides etiā  
 duo Thlaspios genera facit, vnum latifolium, alte-  
 rum angustifolium.

## FORMA.

Herbula est angustis foliis ad digiti longitudinē,  
 in terram versis, ī extremitatibus incisis, subpingui-  
 bus. Caulem tenuem, duorum dodrantum emittit,  
 adnascētes sibi paucos ramulos habentē, & per totū  
 eius ambitum fructus est in summo modicè latus, in  
 quo semen exiguum Nasturtio simile, disci figura,  
 veluti conquassatum, vnde & nomen inuenit. Florē  
 obtinet album, semenque acre. Ex ea sanè descriptio  
 ne satis constat, herbam hanc quam pictam damus  
 esse Thlaspin, angusta enim folia habet, potissimū  
 suprema eius parte, digitali longitudine, in terram  
 se con-

se conuertentia, per extrema leniter incisa, caulem duum dodrantum, agnatis in eo paucis calycibus, breui pediculo nitentibus, quadam ligularum vel cochleariorum effigie, in quibus semen continetur Nasturtio simile, sed latius & veluti conuassatum, quod accerrimi esse gustus deprehenditur, ita vt mās sinapis modo, os & linguam vellicet.

## LOCVS.

In fossis, semitis, & sepibus prouenit.

## TEMPVS.

Maio & Iunio mensibus floribus & semine prægnans inuenitur.

## TEMPERAMENTVM.

Semen calfacit & exiccat in quarto ordine.

## VIRE. EX DIOSCORIDE.

Calefacit, bilem per superna & inferna purgat acetabuli mensura potum. Ischiadicis in clystere infunditur. Potum sanguinem ducit, & interiores abscessus rumpit, menses cit, & fœtus necat.

## EX PAULO.

Semen Thlaspi facultatem habet acrem, adeò vt internos abscessus potum disrumpat. Menses cit, & fœtus enecat. Per sedem infusum sanguinolenta euacuans ischiadibus prodest. Potest enim alioqui tum supernè, tum infernè biliosos vacuare humores acetabuli mensura epotum. Infunditur & contra coxëdicum dolores. Quinetiam potum sanguinem trahit, & internos abscessus rumpit.

## EX GALENO.

Thlaspi semē facultate acra est, adeò vt internos abscessus potum rumpat. Menses mouet, & fœtus necat. Per sedē infusum sanguinolenta euacuans ischiadibus prodest. Est enim alioqui tum infernè, tum supernè biliosorum humorum euacuatorium, acetabuli mensura potum.

## EX PLINIO.

Semen asperi gustus, bilem & pituitam vtrinque extrahit.

# PLANTARVM HISTORIAE.

extrahit. Modus sumendi acetabuli mensura. Prodest & ischiadicis infusum, donec sanguinem extrahat. Menses quoque cit, sed partus necat.

## DE THERMIS. CAP. CXVI. ; NOMINA.

- ἕρμιος ἡμερος Græcis, Lupinus satius Latinis:  
⊙ officinæ Latinum nomen retinuerunt: Germanis Feigbon [Gallicè Lupin.] appellatur.

## FORMA.

Vnicum caulem obtinet Lupinus, folium quinquefariam aut septifariam dissectum, florem candidum, siliquas in quibus quina senâue intus grana, dura, lata, rufaâque continentur. Radicem luteam capillamentis fibratam.

## LOCVS.

Exilem amat terram, arenosam & rubricam præcipuè. Limoso agro non exit, culturâq; reformidat.

## TEMPVS.

Ter floret, primum Maio, deinde Iunio, & tertio Iulio mense. Post vnumquemque florem siliquas producit.

## TEMPERAMENTVM.

Immensa amaritudo euidèter calidum & siccum esse monstrat.

## VIRES. EX DIOSCORIDE.

Farina eius cum melle lincta lumbricos pellit. Ipsi quoque macerati, & amari adhuc comesti idem efficiunt. Decoctum eorundem cum Ruta & Pipere potum idem facit: vnde & lienosis prodest. Eodem gangrænas, vlcera tetra, incipientè scabiem, alphos, maculas, exanthemata, & achoras perfundere vtile. Menses & fœtus idem decoctû cum myrrha & melle subditum trahit. Farina eorum cutem liuoremq; expurgat. Inflammationes cum polenta & aqua mitigat. Ischiades & tubercula cum aceto lenit. In aceto cocta & illita strumas dissipat, & carbunculos rumpit. Decocti pluuiali aqua donec in succum lique-  
scant

scant faciem abstergūt. Cum radice nigri Chamæleonis ouium scabiei medētur, si tepido decocto abluantur. Radix cum aqua cocta & pota cit' vrinā. Vbi autem edulcati fuerint, triti cum aceto & poti stomachi fastidium leniunt, & cibi auiditatem excitant.

## EX GALENO.

Lupinus editur coctus, multis antè diebus maceratione in aqua amaritudinem deponens, fitq; tunc nutrimentum crassi succi. Cæterum vt medicamen ita præparatus ex genere est emplasticorū. Qui verò natiuam amaritudinem habet, huic extergendi & dirigendi vis inest. Lumbricos occidit illitus, & cum melle linctus, aut cū posca potus. Quin & decoctum eius lumbricos eiicere potest. Foris identidem perfusum, alphos, achoras, exanthemata, scabies, gangrænas, vlceraque maligna iuuat, partim extergendo, partim digerendo, citraque mordacitatem siccando. Expurgat iecur & lienē cum Ruta & Pipere suauitatis gratia assumptum. Elicit menses ac foetum cum myrrha & melle adpositum. Porro Lupinorum etiam farina sine mordacitate digerit: nec enim liuida tantum, sed & strumas & tubercula curat: atqui tunc in aceto, aut oxymelite, aut posca hanc decoquere oportet, pro laborantis nimirum temperamento, & affectus diuersitate, quod ex usu est inueniendo. Digerit item quæ liuida sunt, & quæcunque modo dictum est præstare decoctum, eadem omnia efficit & farina. Sunt verò etiam qui Ischiadicis cataplasmatibus modo illinunt.

## EX PLINIO.

Ex omnibus quæ eduntur sicco nulli minus ponderis est, nec plus vtilitatis. Mitescunt cinere aut aqua calidis. Colorem hominis frequentiores in cibo exhilarant. Amari contra aspidas valent. Vlcerata, aridi decorticatiq; triti, supposito linteolo, ad viuum corpus redigunt. Serumas, parotidas in aceto cocti



# PLANTARVM HISTORIAE.

cocti discentiunt. Succus decoctorum cum ruta & pere, vel in febris datur ad ventris animalia pellenda, minoribus trigita annorū. Pueris verò impositi in ventrem ieiunis profunt. Et alio genere tosti, & in defruto poti, vel ex melle sumpti. Idem auiditatem cibi faciunt, fastidium detrahunt. Farina eorum aceto subacta, papulas pruritusque in balneis illita cohibet, & per se siccata vlcera. Liores emendat. Inflammationes cum polenta sedat. Si ad mellis crassitudinem decoquantur, vitiliginis nigras & lepras emendant. Rumpunt carbunculos impositi, panos & strumas minuunt, aut maturant. Cocti e. aceto cicatricibus candidum colorem reddūt Si vero cocti in aqua decoquantur, succus ille smegma fit, quo solent fouere gangrænas, eruptiones pituitæ, vlcera manantia, vtilissimum. Expedit ad lienem bibere, & cum melle menstruis hærentibus, Lieni crudi cū fico sicca triti ex aceto imponuntur. Radix quoque in aqua decocta, vrinas pellit. Medentur pecori cū Chamæleonte herba decocti, aqua in potum collata. Sanant & scabiem quadrupedum omnium in amurca decocti, vtroque liquore postea mixto. Fumus crematorum culices necat.

## DE IO. CAP. CXVII.

*Viola purpurea aut nigra nobis Martia & quadragesimalis quòd iunc ferè floreat.*

### NOMINA.

*Ion quare dicta.* I ἰὼν πορφυρεῖν Græcis, Viola muraria vel purpurea Latinis, *blauu Veiel* oder *Mertzen uiolen* Germanis [*Gallicè Violette de Mars*] dicitur. Officinæ simpliciter Violam nominant. Nicander Ion Græcis dictam credit, quòd Nymphæ quædam Ionix, florem illum Ioui primum dedere muneri. Alij Græci Ion vocatum putant, quòd cū Io in vaccam à Ioue conuersa esset, terra florem illum pabulo bouis eius fuderit. Latini quoque detrita & litera, Violam quasi vitulam imitatione Græca videri pos-

*Viola unius  
de vocat  
ta.*

ri possunt appellasse.

### FORMA.

Foliū habet minus tenuiusque quàm Hedera, nigrius tamen nec dissimile. Cauliculus statim à radice medius profilit, in quo flosculus suauiter olens, purpureus. Humilis præterea est, statimque à numerosa radice orbiculata folia sine ramis exeūt. Semē quoque minutum in folliculis vasculisue rotundis, vt pictura indicat, extrema ferè æstate producit.

### LOCVS.

Nascitur in opacis & asperis locis, ad radices maximè murorum, hortorum marginibus, & sepibus.

### TEMPVS.

Viret hæc perpetuò, Theophrasto teste, si cultus adhibeatur: tamen vere, & Martio mense floret, quo potissimum tempore colligi flores eiusdem debent. Semina vero in æstate, vt dictum est.

### TEMPERAMENTVM.

Violæ folia aqueam & subfrigidam substantiam superantem possident. Frigidæ autē sunt primo ordine, humidæ vero secundo.

### VIRESEXDIOSCORIDE.

Refrigerandi vim obtinet. Folia eius per se & cū polenta illita, stomacho æstuanti, oculorum inflammationibus, sedisque procidentis auxiliantur. Præterea id quod in flore purpureum est cum aqua potum, angina correptis, & puerorū comitialibus morderi affirmant.

### EXGALENO.

Folia per se, aut cum polenta illita, calidas phlegmonas mitigant. Imponuntur & ori ventriculi æstuanti, & oculis.

### EXPLINIO.

Purpureæ violæ refrigerant. Contra inflammationes illinuntur stomacho ardenti. Imponuntur & capiti in frōte. Oculorum priuatim epiphoris, & sede procidente, vuluæ. Et contra suppurationes.

Crapulam

## PLANTARVM HISTORIAE.

Crapulam & grauedines capitis impositis coronis olfactuue discutiūt. Anginas ex aqua potę. Id quod purpureum est ex iis comitialibus medetur, maxime pueris, in aqua potum. Semen scorpionibus aduersatur.

### EX SIMEONE SETHI.

Profunt ad intestinorum dolores, cor vero offendunt. Dolores capitis qui fiunt à flaua bile sopiunt potę & odoratę. Ventriculum irritant, & flauam in eo inuentam bilem. Caput siccum humectant, calidumque refrigerant suo odoratu. Somnū inducunt. Humida capita destillationibus obnoxia reddunt.

### DE VIOLA MATRONALI. CAP. CXVIII.

*Violę matronalis tibi pistio dicitur, nobis Bachares uidetur.*

#### NOMINA.

Eteribus Gręcis & Latinis cognitę fuerint  
V nec ne Violę quę hodie, quod eas matronę colere soleant, matronales vocantur, nondū compertum habemus. Quare vulgari & vsitato nomine, donec rectius inuentum fuerit, utemur. Germanicę, quod rarę adhuc in Germania dum ista scriberemus fuerint, *Vuelschueiel* appellare volumus, ut nimirum hac nomenclatura à Leucoiis, de quibus suo dicemus loco, segregaremus. Possent etiam haud ineptę *Frauenueiel*, ad imitationem Latini nominis appellari.

#### GENERA.

Tria Violarum matronalium damus genera. Primi enim generis candida est, alterius punicea, tertij purpurea: nec differre admodum nisi solis floribus videntur.

#### FORMA.

Fruticosa est herba, cubitali altitudine, ramosa, caule & foliis lanuginosis, oblōgis, angustis, mollibus ac canescētibus, floribus aut albis, aut puniceis, aut purpureis quadrifoliis, semine in oblōgis siliquis lato ac tenui, radice longa, lignosa, subrufa & acri.

#### LOCVS.

## LOCVS.

In hortis & cultis locis proueniunt.

## TEMPVS.

Iulio & Augusto mensibus florent.

## TEMPERAMENTVM.

Admodum calidas esse sapor foliorum & radicis, qui acris est, abundè docet. Humiditatè autem multam, Galeno lib. 4. cap. 18. de simpli. medi. facul. teste, eo quòd amaræ non sint, admistam habent.

## VIRÈS.

Incidendi & digerendi per halitum vim obtinèt. Ideoq̃ue radix aut folia decocta in aqua, conuulsis, difficultate spirandi laborantibus, & veteri tussi auxiliantur. Vrinâ & mentes ducunt, sudoresq̃ue ciedī facultatem habent.

## DE IRIDE, CAP. CXIX.

## NOMINA.

<sup>915</sup> Græcis, Iris Latinis appellatur: officinis  
I suam appellationē retinuit. Germanis *blau*  
*Gilgen*, *blau Schuuertel*, *Veisluurtz* [Gallicè  
*du glaieul*, ou de la flambe] dicitur. A cœlestis arcus si  
militudine, quam flores eius repræsentant, vt paulò  
pòst dicemus, nomen accepit Iris. Sunt qui non si-  
ne pudendo errore aliam assignent herbam recto,  
aliam casui paterno, ita vt Iris ab Ireos, tanquā pur-  
pureus color à niueo, distingui putet imperitis her-  
bariis. Promanasse autē hunc errorem ex Græca vo-  
ce *λίριον*, qua Liliū, quod candidos profert flo-  
res, genti illi significatur, parum per vnus literæ  
abiectionem deprauata, verisimile est. Primam nā-  
que literam abiicientes, vltimam verò in *σ* vertētes,  
*ίριος* dixerunt pro *λίριον*. Sed hæc opinio indigna  
est quæ explodatur, cū Dioscoridem & alios ve-  
teres omnes seorsim de Iride & Lyrio siue Lilio a-  
gere constet.

*Iris unde  
dicta.*

*Causa vul-  
garis er-  
roris.*

## FORMA.

# PLANTARVM HISTORIAE.

## FORMA.

Folia Gladiolo similia fert, maiora tamen, latiora & pinguiora. Flores in caule æqualibus inuicem spatiis distantes, inflexi, varij. Aut enim candidi, aut virides, aut lutei, aut purpurei, aut cœrulei conspiciuntur. Vnde ob hanc varietatem arcui cœlesti assimilata est. Radices subsunt geniculatæ, solidæ, odoratæ: quæ simulatque fuerint dissectæ, siccat in umbra, & filo traiectæ recoduntur. Hæc Dioscoridis pictura tota huic herbari, quam Irim hodie herbarij & officinæ vocant, suffragatur. Siquidem ea radicibus nititur solidis, geniculatis & odoratis, adeo ut violarum purpurearum odoré prorsus referre videatur, & hoc nomine à Germanis nostris *Veiel-  
uutz*, hoc est, *Violacea radix*, sit appellata. Folia Gladioli faciem simulant, maiora duntaxat, latiora & pinguiora. Caule recto sesquipedali, è cuius fastigiis pari interuacante spatio flores erumpunt, inflexis mutuò foliorum labris, qui nitent varia colorum mistura, instar cœlestis arcus. Quemadmodum enim aquarius ille arcus, qui est imago malè expressi folis, caua nube recepta, varios mentitur colores, sicut cœruleas, virides, luteas, purpureasque lineas ducat, ita cauo calyculi sinu versicolores lituras flores ostendunt, qua diuersa specie cœlestem æmulantur arcum. Falluntur itaque qui in toto floris ambitu huiusmodi varietatem perquirunt, cum inflexa foliorum labra vel purpureus, vel cœruleus semper color inficiat.

## LOCVS.

Passim in hortis & maceris vincarum puenit. Laudatissima tamē est quæ in Illyrio & Macedonia nascitur, & melior inter has quæ densa & breui radice constat, quæq; frangenti contumax est, colore subruffa, admodum odorata, gustuque feruida.

## TEMPVS.

Floret vere, Maio potissimum mense, quo sanè tempore

pore flores colligi debent. Radices autem suo tempore, hoc est, autumno.

## TEMPERAMENTVM.

Iris in altero calefacit ordine, in tertio autē desiccatur. Abstergit quoque & maturat.

## VIRĒS. EX DIOSCORIDE.

Irides omnes calefaciendi extenuādiq̃ue vim ob-  
tinent. Contra tussim efficaces, humoresq̃ue non fa-  
cilē excreabiles extenuant. Biles ex hydromelite  
drachmarum septem pondere potæ purgant. Som-  
num cōciliant. Lachrymas cient. Torminibus me-  
dentur. Cum aceto potæ venenatorū morsibus, lie-  
nosis, conuulsis, refrigeratis, rigētibus, & quibus ge-  
nitura effluit, auxiliatur. Menfes cum vino potæ du-  
cunt. Decoctum earum ad muliebria fomenta vtile,  
molliens aperiensq̃ue locos. Ischiadicis infunditur.  
Fistulas & sinus carne explent. Quinetiam glandis  
modo cum melle appositæ, fœtus extrahunt. Stru-  
mas veteresq̃ue durities coctæ & illitæ emolliunt.  
Aridæ vlcera explent, & cum melle purgant. Nuda  
ta ossa carne operiunt. Doloribus capitis cum aceto  
& rosaceo vtiliter illiuntur. Lentigines, cutis in fa-  
cie vitia cum Elleboro albo, & duabus mellis parti-  
bus illitæ emēdant. Pessis, malagmatis & acopis mi-  
scentur. In vniuersum magni vsus sunt.

## EX PAVLO.

Iris tussī vtilis. Humores in thorace nō facilē ex-  
creabiles extenuat. Torminibus medetur, vlceraq̃;  
sordida expurgat. Cum mulsā pota aluum ducit.

## EX PLINIO.

Infantibus eam circumligari salutare est. Dentiē-  
tibus præcipua est & tussientibus, tinearūmque vitio  
laborantib. instillari. Cæterū vlcera purgat, capi-  
tis præcipuē, suppurationes veteres. Aluum soluit  
duabus drachmis cum melle. Tussim, Tormina, in-  
flationes, pota. Lienes ex aceto. Contra serpentium  
& araneorum morsus, ex posca valet. Contra scor-  
piones,

# PLANTARVM HISTORIAE.

piones,duarum drachmarum pondere in pane vel aqua sumitur. Contra canum morsus ex oleo imponitur. Et contra perfrictiones. Sic & neruorum doloribus. Lumbis verò & coxendicibus cum resina illinitur. Vis ei concalfactoria. Naribus subdita, sterutamenta mouet, caputque purgat. Dolori capitis cum Cotoneis mális aut Strutheis illinitur. Crapulas quoque & orthopnœas discutit. Vomitiones cit, duobus obolis sumpta. Ossa fracta extrahit, imposita cum melle. Ad paronychias farina eius vtuntur. Halitus oris commanducata abolet, alarumque vitia. Succo duritias omnes emollit. Somnum conciliat, sed genituras consumit. Sedis rimas & condylomata, omniaque in corpore excreſcentia sanat.

## DE HIERACEO. CAP. CXX.

*Hieraceum utrunque hic frequens.*

### NOMINA.

ἱέρακιν, ἡ σονχίτης Græcis, Hieraceum Latini

I nis dicitur: officinis inusitatum. Germanicè,

quum aliud nomen expiscari non potuerimus, *Habichkraut* [Gallicè *Cichoree iaulne*] appellaui-

mus, ad Græcam alludentes appellationem: neque enim alia ratione Græci hanc herbam Hieraceum

*Hieraceum  
unde dictum.*

nominarunt, nisi quòd accipitres, quos illi ἱέρακας dicunt, scalpendo eam, succoque oculos tingen-

*Sonchites.*

do, obscuritatem cum sensere discutiant. Sonchites autem dicta est, quòd Soncho non admodum dissi-

milis sit, maximè quòd ad eius circumferentiam & extremam partem, in qua caules & flores sunt, attinet.

Hæc enim & illa concauo, & lacteum succum emittente caule, luteisque floribus est. Apulcius La-

*Lactuca  
syluatica.*

ctucam syluaticam appellat. Plinius quoque libro vigesimo, cap. septimo, vt alij omnes ferè, in Lactucarum sponte nascentium numero, propter similitudinem, Hieraceon hoc habet. Quàm autem inuicè

similes sint Hieraceum & Lactuca syluestris, vtriusque icones & effigies collatæ monstrabunt.

GENERA.

GENERA.

## G E N E R A.

Hieracij duo sunt genera, maius nimirum & minus. Maius Germanicè *grefz Habichkraut*, minus autem *klein Habichkraut* nominatur.

## F O R M A.

Hieraceum maius caulem habet asperum, modicè rubentem, spinosum, concauum. Folia per interualla rariusculè diuisa, Soncho per circumferentiâ similia. Flores in oblongis capitulis luteos. Quæ designatio prorsus hanc quam pictam damus herbam exprimit. Siquidem caulem emittit scabrum, subrubrum, spinulis horrentem, cauum, folia ex interuallis & rarò laciniata, Sonchi foliis non dissimilia. Flores in longiusculis capitulis luteos. Minus Hieraceum folia ex interuallis per ambitum diuisuris scissa obtinet. Caules de se emittit cauos, teneros & virides, in quibus flores lutei circulum circumscribentes. Quæ itidem notæ omnes herbæ illi, cuius picturam exhibemus, conueniunt.

*Hieraceū  
maius.*

*Hieraceū  
minus.*

## L O C V S.

Vtrunque in quibusdam pratis prouenit.

## T E M P V S.

In fine Iulij mensis, & per vniuersum Augustum floret Hieraceū. Succus eius capitur per menses inciso caule.

## T E M P E R A M E N T V M.

Maius Hieraceum planè Sonchi temperamento constare videtur, refrigerat itaque & mediocris adstrictionis est particeps. Minus in gustu paulò maiorem amaritudinem refert.

## V I R E S. E X D I O S C O R I D E.

Vim habet Hieraceum maius refrigerandi, & modicè adstringendi, ideoque æstuantis stomacho, & inflammationibus illitum prodest. Succus erosionē eiusdem in sorbitione mitigat. Herba ipsa cum radice illira scorpionum ictibus auxiliatur. Minus fauultates habet superiori eādem.

rij

EX PLI-



# PLANTARVM HISTORIAE

## EX PLINIO.

Succus sanat omnia oculorū vitia cum lacte mulierum. Arcet nubeculas, cicatrices, adustionesque omnes, præcipuè caligines. Imponitur etiam oculis in lana contra epiphoras. Idem succus aluum purgat, in posca potus ad duos obolos. Serpētium ictibus medetur in vino potus. Et folia tosta, thyrsique triti ex aceto bibuntur. Vulneri illinuntur, maximè contra scorpionum ictus. Verum contra phalāgia, commixto vino ex aceto.

## APPENDIX.

Sunt qui tantā inesse huic herbæ vim contra oculorum vitia credant, vt radicem etiam à collo suspensam caliginem oculorum sanare posse dicant.

## DE HIPPVRI. CAP. CXXI.

*Hippuris cauda equina uulgo, multiplex etiam nobis est.*

## NOMINA.

*Equisetū.*

ἰσώδους Græcis, Equisetū, herba aut salix e-

*Cauda equina.*

I quinalis Latinis, recentioribus herbariis verbum verbo reddentibus, Cauda equina, Germanis Roszschuuätz, Pferdschuuätz, Roszuuadel, Ratz, enuuedel, Kaizenzagel, Kantenkraut, Schaffthouu [Gallice *Queue de Cheval*] nominatur. Nomen tam Græcū

*Hippuris  
cur dicta.*

quàm Latinum à caudæ equinæ imagine, quam comæ illius præ se ferunt, accepit.

## GENERA.

*Asprella.*

Eius duo sunt genera. Vnum longius, quod nonnulli ætatis nostræ herbarij ab asperitate quam obtinet Asprellam vocant. Hinc est quod materiarij fabri ligneam pectinum & aliorum minorum operum ruditatem huius herbæ scabritia in nitorē expoliant. Germanicè *groß Roseschuuantz* dicitur. Alterum breuius est, ad abstergenda vasa aptum. Germani *klein Roszschuuantz* appellant.

## FORMA.

Primū Equiseti genus cauliculos habet inanes, leniter

leniter rubentes, subasperos, solidos, geniculis qui inuicem inferuntur dissectos, in quibus folia iūcea, crebra, & tenuia. In altitudinem adsurgit, scandendo proximas stipites comis circūfusa dependet multis, nigris vt equorum cauda. Radix illi est lignosa, dura. Alterū comas per intervalla habet breuiiores, candidiores & molliores.

## LOCVS.

Longius Equisetum in aquosis locis & scrobibus prouenit, nec eo in fossis propè aquas & vmbrosis locis alia planta frequentior est, vt hoc nomine χαρὰ χαρὰ  
 ῥάδραρον Græcis dictum sit. Neque enim χαρὰδρα δραρον.  
 aliud est illis nisi terræ rima & fissura. ἱφύδραρον etiā ἱφύδραρον  
 non alia ratione, quàm quòd in aquosis producere tur, nominauerunt. Alterū in pratis inuenitur, nec  
 scè frequentius occurrit, inuisa fœnifecis.

## TEMPVS.

Vtrunque æstate suis in locis copiose prouenit.

## TEMPERAMENTVM.

Adstringentem cum amaritudine facultatem, ac proinde valenter simulq; citra mordicationem exiccantem, obtinet.

## VIRES. EX DIOSCORIDE.

Herba ipsa adstringit, quapropter succus eius sanguinem ex naribus erumpentem sistit. Dysentericis cum vino potus confert. Vrinam cit. Folia cruenta vulnera glutinant trita & inspersa. Herba & radix ruffientibus, orthopnoïcis, ruptisq; succurrit. Quinetiam intestinorum diuisiones, vesicæ dissectionē, & intestinorum ramicem coalescere cogiq; folia in aqua pota feruntur.

## EX GALENO.

Vulnera maxima conglutinat, etiam si præfectos esse nervos contingat: præterea intestinorum rami-  
 ces cogit. Cæterum ad sanguinis resectionem, ad fluxum muliebrem, potissimum rubrum, ad dysente-  
 rias,

# PLANTARVM HISTORIAE.

rias, & ad alia ventris profluvia generosum est medicamentum herba ipsa aut ex aqua, aut ex vino epota. Sunt qui de ea scriptum reliquerunt, quod nonnunquam etiam vesicae, & tenuium intestinorum vulnera succus ipsius sanauerit. Prodest etiam profluvio sanguinis ex naribus, tum fluxu obnoxii in ventre affectibus ex austerorum quopiam vinorum potus, ac si febre teneatur ex aqua.

## EX PLINIO.

Vis eius spissare corpora. Succus sanguinem è naribus fluentem inclusus sistit, item aluum. Medetur dysentericis in vino dulci potus cyathis tribus. Vrinam cit. Tussim, orthopnoeam sanat: item rupta, & quae serpunt. Intestinis & vesicae folia bibuntur. Enterocælen cohibet.

## DE HIBERIDE. CAP. CXXII.

*Hiberis in pratis frequens.*

### NOMINA.

*Ἰβηρίς, ἢ καρδαμάντις, ἢ ἀγριοκάρδαμον* Græcis,

I cis, Galeno & Paulo alio nomine Lepidion:

*Nasturtij agere.*

Hiberis, Nasturtium agreste Latinis appellatur. Officinis nostris incognita. Germanis *Gauchblum*, [Gallicè *Passeraige sauvage*] non alia ratione quàm quod plerosque qui in illius notitiam nondum peruenerunt, infatuet. Potest etiam commodè dici *Vuilder Kresz*. Cardamantice, & Agriocardamum Græcis appellata, quod radici odor insit Nasturtij: vel quod eius folia partim Nasturtio aquatico, quod à Dioscoride *Sisymbrium cardamine* dicitur, partim etiam hortensi, quod *Cardamon* Græcis nominatur, similia sint: vel quod gustu Nasturtium referat.

*Agriocardamum cur dista.*

### FORMA.

Folia Nasturtio similia habet, verno tempore virentia, cubitali longitudine, aut minore, flore lacteo, radicibus duabus, sed vna apud nos frequentius, nititur, odore Nasturtij quàm acerrimo. Ex qua nimium descriptione omnibus perspicuum fit, herbam cuius

cuius picturam exhibemus esse Hiberida: caulem enim cubitalem obtinet, foliaque Nasturtio similia. Quæ enim à radice statim exeunt, aquatici, quæ verò in supremo caule emicant hortensis Nasturtij folia referunt. Verno quoque tēpore virent, flos denique lacteus est, hoc est, in albo purpurascens: hunc enim Dioscoridem vocare lacteum florem, satis testatur quarta Ranunculi species, cuius etiā florem, qui colore huic similis est, lacteum esse scribit. Semen quoque in siliquulis tam exiguum producit, vt, Plinio etiam teste, vix aspici possit: radicem autem exilem atque acrem, cui inest Nasturtij odor.

## LOCVS.

Nascitur incultis locis, circa itinera & prata.

## TEMPVS.

Verno tempore apparet, Aprili potissimum mense & Maio, duratque ad æstatis initia, quo potissimum tempore lacteum florē fundit: initio enim purpureo colore maculatus videtur: efficaciorēque vsum obtinet, quod tum semen etiam in siliquulis proferat.

## TEMPERAMENTVM.

Ex quarto est ordine calefacientium, vt Nasturtium, minus tamen eo deficcet.

## VIRESEXDIOSCORIDE.

Radix calefacit & adurit. Vtilis est ad coxendicis dolores cum suillo adipe salso, emplastri modo quaternis horis illita. Deinde in balneum descendatur, & oleo cum lana locus perungatur.

## EXGALENO.

Similis Nasturtio tum odore, tum gustu, tum viribus.

## EXPLINIO.

Coxendicibus & articulis omnibus cum axūgia modica vtilissima, vis plurimū quaternis horis, tēminis minus dimidio adalligata, vt dein in balneū descendatur in calidam, & postea oleo & vino

r iij

corpus

# PLANTARVM HISTORIAE.

corpus perungatur, diebusque vicienis interpositis idē fiat, si qua admonitio doloris supersit. Hoc modo rheumatismos omnes sanat occultos. Imponitur in ipsa inflammatione, sed imminuta. Ad alligata capiti cum Quinquefolio, epiphoras & si quā in oculis vitia sunt, emendat.

## APPENDIX.

Recentiores herbarij eius herbæ cuius picturam damus vsum probant cōtra pediculos, si lixiuio incoquatur. Vnde colligere licebit, eam exiccandi & ex alto euocandi trahendique facultatem, haud secus atque Nasturtium aut Sinapi, habere. Nam, Galeno lib. j. de composit. med. secundum locos, cap. vij. teste, medicamēta quæ phthiriasi medentur, necessariò exiccant atque ex alto trahunt. Vt iterum euidētissimum sit hanc herbam, eo quod Nasturtij facultates obtineat, esse veram Hiberida, nō obstante quod rarò aut nunquam duabus, sed vna potius & exili nitatur radice.

## DE HIPPOSELINO. CAP. CXXIII.

### NOMINA.

Officina- rū error.	<p>ππερίλινον Græcis, Olus atrum Latinis dicitur: officinæ eius semine perperam pro Petroselino macedonico vtunt. Germanis <i>groß Eppich</i>, oder <i>groß Eppich</i> [ Gallicè <i>ache, ou hache</i> ] appellatur. Hipposelinon autem à magnitudine dictū est: siquidem Græci magnis &amp; amplis rebus hippos præponere solent, adeò vt Hipposelinū Latinis nihil aliud nisi grande Apium sit. Olus autem atrum vel pullum à foliis, quæ atro colore nitent, appellatum esse videtur.</p>
------------------------	--

### FORMA.

Maius est hortensi Apio, caule cauo, alto, tenero, veluti lineas habente, foliis latioribus, subpuniceis, Libanotidis coma, plena flore, in corymbos antequam defloreat congesta, semine nigro, oblongo, solido,

solido, acri, odorato, radice odorata, intus candida, ori grata, pro caulis magnitudine nō admodum densa. Porro ne mireris quod picturæ non ex omni parte respondeat descriptio: neque enim Hipposelinū integrum, & quod ad perfectam peruenit ætatē, floresq; & semen produxit, damus, sed id tantū quod primo erumpit. Radicem itaque tantū & folia depingi curauimus, vt quæ Oleris atri, cuius sæpe fit apud Dioscoridem mentio, forma, saltem in foliis & radice, esset, cerneret. Annitemur tamen vt aliquādo integram eius herbæ picturam exhibeamus.

## LOCVS.

Nascitur in vmbrosis, & iuxta paludes.

## TEMPVS.

Satum tardè prouenit, ideoq; factum vt integrè depictum dare nobis haud licuerit. Floret, Plinio teste, æstate.

## TEMPERAMENTVM.

Calidum est in secundo ordine, vt Apium, & siccum in medio tertij.

## VIRE. EX DIOSCORIDE.

Estur olerum modo ceu Apium. Radix etiam cocta & cruda estur. Quinetiam folia & caules cocti manduntur, & per se aut cum piscibus præparatur. Crudaque ad salgama condiuntur. Semē potum irmulso menses ducit. Rigore concussos calfacit potum & illitum. Vrinæ stillicidio auxiliatur. Radix eadem præstat.

## EX GALENO.

Hipposelini similis Apio vis est, validior tamen. Mēsiū autē & urinae ciendæ potissimum facultatem habet, vt liquet ex capite eiusdem de Smyrnio.

## EX PLINIO.

Olus atrum quod Hipposelinum vocant, aduersatur scorpionibus. Poto semine torminibus interaneis medetur. Itemque difficultatibus urinae semen eius decoctum ex mulso potum. Radix eius in vino decocta

# PLANTARVM HISTORIAE.

decocta calculos pellit, & lumborum ac lateris dolores. Canis rabiosi morsibus potū & illitū medetur.

DE IXO. CAP. CXXIIII.

NOMINA.

I ξός Græcis, Viscum Latinis & officinis, Germanis Mistel/oder Affolter [Gallicè du Guy, ou de la Glu] nominatur.

FORMA.

Planta est fruticosa. lenta, semper virēs, intus porracei coloris, extrā subflaua, folijs buxi, acinis exiguis, sine flore.

LOCVS.

Nunquam in terra, sed semper in arbore, quercu præsertim, piro, mâloque prouenit.

TEMPVS.

Autumni initio cum suis acinis decerpitur.

TEMPERAMENTVM.

Calefacit cum acrimonia: ex plurima enim aëria & aquea, paucissima terrena substantia constat. Igitur acrimonia in eo amaritudinem excellit.

VIRES. EX DIOSCORIDE.

Discutit, emollit, attrahit: tubercula, parotidas, ceterosque abscessus cum resina & pari cera mixtum, maturat. Epinyctidas in splenio curat. Cum thure antiqua vlcera, & malignos abscessus mollit. Lienis cum calce, aut gagate lapide, aut asio coctum & impositum minuit. Cum auripigmento aut sandaracho illitum, vngues extrahit. Mixtum cum calce & face, vim suam intendit.

EX GALENO.

Valenter ex alto humores extrahit: nec tenues tantum, sed & crassiores eosque diffundit ac digerit. Est autem ex eorum genere quæ non protinus admodum calfaciunt, sed quæ tempus requirunt, velut Thapsia.

DE ISATIDE. CAP. CXXV.

*Isatis sylvestris nobis Guesde.*

NOMI-

## NOMINA.

ἰσάτις Græcis, Isatis Latinis vocatur. Gallis,  
 I vt in cōmentariis suis testatur Cæsar, Gla-  
 stum olim dicebatur, nūc Guadum. Germa-  
 nis autem ad hoc nomen alludentibus, *Vueydt* [Gal-  
 licè *du Cuesde, ou Paste!*] nominatur. Arabibus Nil,  
 Nilech, & Indicum, vt lib. j. Paradox. cap. vigesimo-  
 sexto monstrauius. Barbari deprauata voce Osa-  
 tim appellant.

*Guadum.**Nilech.**Indicum.**Osis.*

## GENERA.

Duo Isatidis sunt genera. Vna enim satina, qua  
 tingendis lanis infectores vtuntur. Altera verò syl-  
 uestris, qua lanarum infectores haud vtuntur. Prio-  
 rem Germani simpliciter *Vueydt*/alteram verò cum  
 adiectione *Vuild Vueydt* nominant.

## FORMA.

Satina folia habet, Plātagini similia, sed pinguior-  
 ra, nigrioraque, caulem duobus cubitis altiorē. Hæc  
 Dioscorides, qui reliquas notas, quæ syluestri simi-  
 les per omnia sunt, commemorare noluit. Ex sylue-  
 stris tamen effigie facilè quales sint æstimare pote-  
 ris, hæc enim teste Dioscoride, satinae similis est, fo-  
 lia tamen maiora obtinet, ad Lactuca folia accedē-  
 tia: caules etiam tenuiores, multifidos, rubicātes, qui  
 in cacumine folliculos linguarum figura multos de-  
 pendentibus habent, in quibus semen. Flos ei luteus  
 & tenuis,

*Satina.**Syluestris*

## LOCVS

Isatis satina copiosè in Germania prouenit præ-  
 fertim agro Erphordiano, cui magnum quæstū ad-  
 fert. Viridem enim herbam trusatilibus molis pre-  
 mūt, vt herbaccā saniem excludant: dein abactō li-  
 quore digerūt in magnos globos, quos tabulatis cō-  
 putrescere in æstate feruēte sinunt. Hos cortinis in-  
 sectoria coquunt officinae, & laneos pannos, ac vel-  
 lera demergunt, vt cœruleum imbibant colorem.  
 Syluestris sua spōte in quibusdam Germaniæ locis  
 nascitur,



## PLANTARVM HISTORIAE.

nascitur, vt Tubingæ, vbi omnes vinearum maces hæc herba septæ videntur.

### TEMPVS.

Maio & Iunio mense florent, ac subinde semen proferunt.

### TEMPERAMENTVM.

Isatis satiuæ valenter ad nodum exiccantis, nondū tamen mordētis facultatis est. amara enim simul atque adstringens existit. Sylvestris verò acre quiddā tum gustu, tum actione præfert: proinde valentius quàm satiuæ desiccat.

### VIRE S. EX DIOSCORIDE.

Isatidis satiuæ folia omnia œdemata & tubercula illita discutere possunt. Cruēta vulnera glutināt. Sanguinis profluvia sistunt. Vlcera phagedænica, herpetas, erysipelata, & putrescentia sanant. Sylvestris eadem quæ satiuæ potest. Lienosis etiam pota & illita auxiliatur.

### EX GALENO.

Satiua magna vlcera durorum corporū glutinat, etiam si in capitibus musculorum fuerint, & sanguinis profluvio laborātibus partibus vtiliter illinitur. Tumores œdematodos mirificè discutit, simul & reprimat, omnibusque vlcerebus malignis mirabiliter resistit, etiam si putrescant, etiam si erodantur. Quòd si quando laborantis natura validior appareat, foliis eius tritis aut panem, aut hordeaceam farinam, aut triticeam, aut polentam, pro vincēte in vnoquoque affectu, miscere oportebit. Sylvestris verò potentissimè humidis putredinibus obstitit, ad cætera verò iam comprehēsa deterior: immoderatus enim & cum mordacitate desiccat, talia nanque irritantur hoc pacto, & phlegmone grauari incipiunt. Cæterum ob facultatis robur lienosis quoque utilis est, quum altera prodesse nondum possit.

### EX PLINIO.

Isatidis folia trita cum polenta, vulneribus pro-  
funt.

sunt. Sanguinem sistit. Phagedænas & putrescentia  
 vlcera, & quæ serpunt, sanat. Item tumores ante sup-  
 purationem. Contra ignem sacrum, radice vel foliis  
 prodest, vel ad lienes pota.

## DE ITEA. CAP. CXXVI.

## NOMINA.

ῖτα Græcis, Salix Latinis, Vuiden/oder Felber

I Germanis [Gallicè *Saulx*] appellatur. Salix verò à saliendo dicta est, quòd ea cele-  
 ritate crescat, vt quasi salire videatur. Sic etiam Itea  
 quasi Salicem vocauerunt Græci.

*Salix eur,*  
*dist.*

*Itea unde*  
*uocata.*

## GENERA.

Tria Salicis genera Theophrastus libro. iij. capi.  
 xij. de historia plantarum recēset. Primam nigram  
 nominari dicit, quòd nigro aut puniceo cortice ob-  
 ducta sit. Secundam candidam, quod cādido obdu-  
 catur cortice. Tertiam coactæ breuitatis ac pumilā,  
 Helicen Arcadibus appellari scribit. Plinius etiam  
 lib. xvij. cap. xxv. tria Salicis nomina commemo-  
 rat: Viminalem, eandemque purpuream: Vitellinā  
 à colore luteo, graciliorem priore: Gallicam, quæ sit  
 tenuissima. Lucius Columella lib. iij. cap. xxx. eius-  
 dem quoque tria facit genera, Græcam, Gallicam, &  
 Sabinam, quam etiam Amerinam vocari à plurimis  
 scribit. Græcam flauī coloris, Gallicam obsoleti pur-  
 purei, tenuissimique viminis, Sabinā gracilibus vir-  
 gis atque rutilibus esse asserit. Quæ sanè singula pul-  
 chrè cum iis quæ Theophrastus tradit, conuenire  
 videntur. Nam primam Salicis speciem, quā Theo-  
 phrastus nigram aut puniceam vocat, Plinius Vimi-  
 nalem, Columella verò Sabinam & Amerinam ap-  
 pellat, Germani *rot Vuiden* nominant. Secundā spe-  
 ciem, quam Theophrastus candidam, Plinius Vitel-  
 linam, Columella autem Græcam vocat, Germani  
*geel Vuiden*. Tertiam, quæ Theophrasto Helix di-  
 citur, Plinius & Columella Gallicam appellāt, Ger-  
 mani verò à tenuitate *klein Vuiden*.

*Salix ni*  
*gra.*

*Candida.*

*Pumila.*

*Viminalis.*

*Vitellina.*

*Gallica.*

*Græca.*

*Sabina.*

*Prima Sal*  
*icis spe*  
*cies.*

*Secunda.*

*Tertia.*

# PLANTARVM HISTORIAE.

## FORMA.

Salix breui caudice confurgit, ramis longis, è trūco extremo veluti à capite prodeuntibus, lentis, flexilibus: foliis longis, subtus incanis, supernè virentibus: flore seu nucamento squamatim compactili, lanuginoso, propèdente, fructu qui facilè ante maturitatem euanescat.

## LOCVS.

Aquosis lætatur, ideoq̃ue auctu perquam facilis.

## TEMPVS.

Floret primo statim vere. Ocyssimè amittit fructum, antè quàm omnino maturitatem sentiat, ob id dicta Homero ὠλίσιαρπος, hoc est, frugiperda. Odyss. κ. vbi sic canit: μακρὰ τ' αἵταιροι καὶ ἰταὶ ὠλίσιαρποι. Fructum siquidem fert, Plinio auctore, abeuntem in araneam antequam percoquatur.

## TEMPERAMENTVM.

Salicis tum folia, tum flores, citra mordacitatem exiccantis sunt facultatis, ac modicè adstringunt. Cortex tamen eius siccior.

## VIRE. EX DIOSCORIDE.

Adstringunt Salicis folia, fructus, cortex & succus. Folia trita cum exiguo pipere & vino pota ileosis conueniunt. Per se etiam cum aqua sumpta, præstant mulieribus ne concipiant. Fructus potus sanguinem expuentibus prodest. Cortex eadè præstat. Vstus & cum aceto subactus, clauos & callos illitus tollit. Ex foliis & cortice succus in putamine mâli punici cum rosaceo calfactus, aurium doloribus auxiliatur. Decocto eorum podagras foueri optimū. Furfures exterit. Excipitur etiā è Salice succus exciso cūm floret cortice: in interiore enim eius parte concretus inuenitur. Vim autem habet exterendi quæcunque pupillæ claritati obstant.

## EX GALENO.

Salicis foliis, ad cruenti vulneris glutinationem quis vti posset. Verūm floribus eius maximè propè  
omnes

omnes vtuntur medici ad exiccantis emplastri preparationē: est enim vis eorum desiccatoria: habet etiam quandam adstrictionem. Sunt qui succum ex ea expressum, medicamen seruent mordacitatis expers & exiccatoriū, ad multas res vtile. Haud enim inuenias quid ad plures res vtilius medicamento citra mordacitatem exiccante, quod paulum etiā adstringat. Porro arboris cortex similem facultatem obtinet, tum floribus, tum foliis, nisi quod temperatura sit siccioris, velut omnes cortices. Sed hūc quidam comburunt, eiūsque cinere vtuntur ad ea omnia quæ valenter desiccare oportet. Nā clauos quos vocant, callos, myrmeciasque tollunt, aceto ipsum macerantes acri. Nonnulli autem dum floret Salix, corticem eius incidunt, & succum quendam colligunt, vtunturq; ad ea quæ pupillas obfuscant, extergente videlicet simūlq; tenuium partium medicamine. Vtri verò illo ad multa alia quis posset, siquidem talis sit.

## EX PLINIO.

Salicis fructus ante maturitatem in araneam abit. Sed si prius colligatur, sanguinem reiciētibus prodest. Corticis ē ramis primis cinis, clauum & callum aqua mixta sanat. Vitia cutis in facie emendat, magis admixto succo suo. Est autem hic trium generū. Vnum arbor ipsa exudat gummi modo. Alterū manat in plaga cū floret, exciso cortice triū digitorū magnitudine. Hic ad purganda quæ obstant oculis, item ad spissanda quæ opus sunt, ciēdāque vrinā, & ad omnes collectiones intus extrahendas. Tertius succus est detruncatione ramorū à falce destillans. Ex iis aliquis cum rosaceo in calyce māli punici calfactus, auribus infunditur: vel folia cocta, & cum cera trita imponuntur. Item podagricis. Cortice & foliis in vino decoctis fouere neruos vtilissimum. Flos tritus cum foliis fursures purgat in facie.

Folia

## PLANTARVM HISTORIAE.

Folia trita & pota intemperantiâ libidinis coërcēt  
atque in totum auferunt vsum sæpius sumpta.

DE CAPNO. CAP. CXXVII.

### NOMINA.

ἄσπυς Græcis, Fumaria Latinis: officinis Fu-  
K mus terræ, Germanis *Erdtrauch* / *Dauben-*  
kropff / *Katzenkorbel* [Gallicè *Fumeterre*, ou  
pied de Geline] appellatur. Fumaria verò hæc herba  
dicta est, propterea quòd succus eius oculis inditus,  
veluti fumus lachrymas mouet, oculosq; mordicat.

### FORMA.

Fruticosa herbula est, Coriandro similis, tenera ad-  
modum: foliis cãdidioribus, cineracei coloris, vndi-  
que numerosis: flore purpureo.

### LOCVS.

Nascitur in segetibus hordeaceis, hortis, vineis,  
sepibus, & maceriis, aliisque locis incultis atque  
pinguibus.

### TEMPVS.

Carpitur in fine Maij mensis & Septembris.

### TEMPERAMENTVM.

Capnos calida & sicca in secũdo esse videtur ordi-  
ne, id quod ex gustu patet: acris enim & amara est.

### VIREs. EX DIOSCORIDE.

Huius succus acris est, visum acuit, lachrymas du-  
cit, vnde & nomen traxit. Illitus cum gummi dupli-  
ces palpebrarum pilos renasci non finit. Comman-  
ducata herba biliosam vrinam trahit,

### EX GALENO.

Capnos acris simul & amaræ qualitatē est parti-  
ceps, nec tamen planè expers est acerbæ. Quamobrẽ  
biliosam vrinam multam prouocat, sanatque iecino-  
ris obstructions & debilitates. Succus eius oculorũ  
aciem acuit, non parum lachrymarum trahens, ve-  
luti ipse fumus: nam hinc ei appellatio indita. Ple-  
beius quidam ea vti solebat ad stomachum roborã-  
dum, vnâque ventrem lubricandum. Siquidem her-  
bam pri-

ham primū deficcata cōdebat: dein cum vti volebat subductionis quidem gratia melicrato inspergebat: roborandi verò causa, vino nimirum diluto.

## EX PLINIO.

Claritatē facit inūctis oculis, delachrymationēq; ceu fumus vnde nomen accepit. Eadem euulsas palpebras renasci prohibet. Bilem per vrinam trahit.

## DE CICI. CAP. CXXVIII.

## NOMINA.

Ῥικινός, ἢ κρότων Græcis, Ricinus Latinis, Mauritanis Kerua, officinis nonnullis Cataputia *Cherua.*  
 maior, quibusdam etiam Pentadactylon & *Cataputia*  
 Palma Christi, quòd scilicet eius folia in humanæ *maior.*  
 manus effigiem articulentur: Germanis *Vunderbaum* /  
*oder Creutzbaum* dicitur. Croton autem & Ricinus à *Croton &*  
 similitudine animalis, quod semē eius referre vide- *Ricinus*  
 tur, nominata est. Sunt enim Græcis κρότωνις, & La- *unde dicta*  
 tinis Ricini, insecta animantia, quæ canibus præfer *κρότωνις.*  
 tim adhærent, quibus cibi nullus exitus est, colore  
 liuido, nullis discretis membris, in globum continuè  
 crescentia, donec plenius saginata, post aliquot dies  
 sponte sua decidant. Hinc est quod à Germanis no-  
 stris *Zeckenkorner* nominentur.

## FORMA.

Arbor est parvæ fici magnitudine, folia Platano  
 similia habens, maiora tamen, læuiora & nigriora.  
 Caudices verò & ramos arundinis modo concavos.  
 Semen in vuis racemisue asperis, quòd cortice nuda-  
 tum, Ricino animali simile est. Quæ descriptio ita  
 picturæ quadrat, vt nihil magis.

## LOCVS.

Nascitur nusquā in Germania nostra, nisi satum  
 fuerit. Satum autem semel copiosè prouenit. Sine  
 difficultate etiam passim iam in hortis prouenit.

## TEMPVS.

Carpitur Autumno dum semine abundat.

f TEMPE.

# PLANTARVM HISTORIAE.

## TEMPERAMENTVM.

Ricinus in secundo vel summum tertio ordine calefacientium & siccantium esse apparet.

## VIRES. EX DIOSCORIDE.

*Oleū Ricini.* Ex semine Ricini oleū nomīne Ricinū exprimitur, ad edendū minimè aptū: alioquin tamē lucernis & emplastris vtile. Grana triginta numero putaminibus purgata, trita & pota, pituitam, bilē, & aquā per aluum deiciūt. Vomitiones etiā mouēt. Est verò iniucūda admodū & laboriosa huiusmodi purgatio: stomachū enim validè subuertit. Tusa & illita varos, maculasque sole contractas purgant. Folia trita cum polenta, oculorū œdemata & inflamationes sedant, mammasque turgentes cohibent. Per se aut cum aceto illita, ignes sacros restinguunt.

## EX GALENO.

Semen Ricini, quod etiā purgat, extergendi & digerendi facultatem obtinet. Sic verò & foliū, sed vnde quaque debilius. Oleū quod ex semine cōficitur, tum calidius, tū tenuiorum partium, quàm est oleū commune, ac proinde quoque digerit.

## DE CIRSIO. CAP. CXXIX.

*Circium Buglossum.*

## NOMINA.

*Buglossa.* *ἰσθίον* Græcè, Spina mollis, Buglossum  
*Cirsio curdista.* *Κ* magnum Latinè nominatur: officinæ, necnon herbarij Buglossam vel Linguam bouis vocant. Cirsion autem eò quòd varices, quos Græci *κίρσις* nominant, sanet, dicta est. Germanis *OchsenZung* [Gallicè *Buglose*, ou, *langue de Beuf*] appellatur.

## GENERA.

Nos duo damus genera, quorum vnum Germanicum, alterum verò Italicum est, in quo omnia sunt maiora.

FOR.

## FORMA.

Caulis est tener, duum cubitorum, triangularis. Ab inferiore parte foliolis rosaceorum figura, angulos spinosos per interualla, sed molles habentibus. Folia Buglossa similia, modicè hirsuta, longiora, albicantia, extremitatibus aculeata obtinet. Cacumen in caule orbiculatum, hirsutum, in quo capitula in summo purpurea, quæ in lanugines euanescunt. Hæc sanè descriptio satis mōstrat, Cirsion esse Buglossam hodie vocatam, cum ei delineationes omnes, nulla ferè reclamante nota, conueniant. Siquidem caulis ei tener, bicubitalis, triangularis, spinosis per interualla angulis, sed mollibus & innoxiiis aculeis. Folia Buglossa similia, longiora tamen aut lege μικρότερα, hoc est, minora, cum Plinio: subcandida, leniter hirsuta, in extremis partibus aculeata. Cacumen quoque caulis circinatum, hirsutum, in quo capitula purpurea. Et si vero reliqua omnia conueniant, tamen capitula purpurea non abeunt in pappos neque in nostra, neque in Italica.

*Buglossa  
nostra.*

*Locus Dioscoridis  
emendatur.*

## LOCVS.

Producitur locis cultis & incultis, arenosis potissimum & petrosis. Italicum etiam hodie in multis hortis magna copia nascitur.

## TEMPVS.

Carpitur Iunio & Iulio mensibus.

## TEMPERAMENTVM.

In primo calefacere & humectare ordine apparet.

## VIREs. EX DIOSCORIDE.

Radice[m] Cirsij laboranti loco adalligatam, dolores varicum sedare Andreas scripsit.

## EX PLINIO.

Hanc herbam radicemue eius adalligatam, dolores varicum sanare tradunt.

f ij

APPEN-



# PLANTARVM HISTORIAE

## APPENDIX.

Non plures iam commemoratis facultates Cirsio, Dioscorides & veteres alij tribuunt. Videant igitur nostræ ætatis medici, ne temere Buglossæ saxeas quas non obtinet vires adscribant.

### DE CORIANO. CAP. XXX.

*Coriandrū nobis frequēs, odore dū uiret stercoris humani.*

*ὄριον, ἢ κορίαννον* Græcis: Corion seu Coriannon Latinis, vulgò & officinis Coriandrum, Germanis, qui latinam seu officinarum appellationem imitatur, *Coriander* [Gallicè *Coriandre*] nominatur. Corio nomē fecisse cimices verisimile est, quos folia & caules eius olent: *κόρις* enim Græcis insecti id genus est, quod Latinis cimex dicitur.

*Coriandrū.*

*Corio quare uocatur.  
κόρις.*

### FORMA.

Caulis Corianno exilis, sesquicubitalis, ramosus. Folium dum primum erumpit Adianti, dein Fumariæ, odore graui. Flores candidos. Semen rotundū ac nudum, firmum & diutinum. Radicem breuiusculam, ligneam, neque admodum fibratam.

### LOCVS.

Amat terrā pingué, Palladio teste, sed & macro solo nascitur. Nunquam autem nisi satum prouenit.

### TEMPVS.

Autumno dum semine prægnans est carpitur.

### TEMPERAMENTVM.

Coriandri temperamentum minimè frigidum ac simplex est, sed variè coalitum & compositum. Est enim copiosæ quidem amaritudinis particeps, quæ in tenui simul ac terrestri substantia fundatur: sed & aquosæ humiditatis tepidæ ei non parum inest. Habet etiam adstrictionis non nihil, sicut paulò post ex Galeni verbis clarius innotescet.

### VIRE. EX DIOSCORIDE.

*Hæc Dioscoridis* Vim refrigeratorem habet Coriandrum, vnde illitum cum pane aut polenta erysipelatis, & herpetibus

tibus, medetur. Epinyctidas, testium inflammationes, carbunculosque cum melle & uua passa sanat. Cum lomento strumas & tubercula discutit. Lumbricos semen cum passo potum pellit, genituraunque augeat. Largius tamen sumptum, mentem non sine periculo mouet, quapropter copiosiorē & continuum eius usum cauere oportet. Succus cum cerussa, aut argenti spuma, necnon aceto & rosaceo illitus, arduentes in summa cute inflammationes iuuat.

## EX · GALENO.

Coriannon siue Corion, aut utcumque vocare lubet. Vetusiores Græci Coriānon nominabāt, ac recentiores omnes medici Corion appellant, sicut & Dioscorides refrigeratoriā esse herbam dicitās, sed perperā. Siquidem ex contrariis cōstat facultatibus, plurimum habens amaræ essentia, quam ostēdimus esse tenuium partium, & terrenam, nec modicum etiam aqueæ humiditatis obtinētem, quæ est facultatis tepidæ. Habet autem & adstrictionis pauxillum. Ex quibus omnibus variè quidem agit ea quæ scribit Dioscorides, & non tantum ex refrigeratione. Cæterum ego cuiusque particulatim actionis causam enarrabo, tametsi propositum fuerat mei vnus duntaxat hoc in libro sententiā expromere. Sed fortè nihil obstabit, imò si verum fatendum est, proderit nonnihil superiores methodos, quæ in paucis medicamentis sunt dictæ, hunc in modum repetere. Primum ergo non Dioscorides tantum, sed & alij complures medicorum indeterminatè, & citra limitationem de morbis pronunciāt, sicut sanè hac quoque tempestate non paucos reperias medicos insignes, præter alia, hac in re maximè hallucinantes. Interdum enim atra, liuida, frigidæque reddita parte quæ erysipelas habuit, nec amplius refrigerantia poscente medicamenta, ceu antea, sed ea quæ infixum parti præter naturā humorem euacuent, ij tamen refrigerare perseuerant. Aliquādo autē ad di-

*uerba pau-  
lo post Ga-  
lenus exi-  
bulat.*

*Dioscori-  
des repre-  
henditur.*

gerentia quidem transeunt, cæterum erysipelas fanare dicunt. Et sanè scribunt incipientibus etiamnũ & crescentibus erysipelatis alia conuenire medicamenta, aliaque declinantibus. Verũ res ita non habet. Neq; enim erysipelas etiam vocari debet posteaquam inflammatio eius & feruor, ac biliosum illud abierint: neq; quæ facultate sunt frigida, neque quæ illa sanant, remedio esse putandum est, sed velut si vel initio protinus aut percussis, aut alia de causa quauis tumor in parte quapiam aut liuidus, aut niger extiterit, cum frigidum esse affectum existimabis, & quæ digerant ex calfaciantq; , poscere: ad eundem modum si calida affectio in frigidam reciderit, negligenda quidem prior est, sed secunda alio nomine appellanda. Aut si displicet nominis mutatio, saltem sicut aliqui alia scribũt principij, alia declinationis remedia, haud frigida esse autumantes declinationis remedia, concedendum sanè est, si cui ita placet, vt talis affectio etiam erysipelas vocetur: sed eã etiam calidam dicere vbi iam refrigerata est, id verò neutiquam concedendum. Itaque ne quod tunc ei auxilio est, refrigeratorium esse credamus, sicut Dioscorides Coriannon, quod, vt ipse ait, cum pane aut polëta illitum, erysipelas sanet. Nam quod exquisitum est erysipelas, & iam vtique inflammatum & flauum est, nequaquam cum pane sanabit Coriannon, sed illud quod iam refrigeratum est. Proinde nos superioribus voluminibus, quum determinata ac definita experientia cuiusque medicamenti facultatem explorandam censuimus, quam maximè fieri posset simplicissimum eligi affectum consulimus. At pleriq; medici, neq; quodd vel plurimi morborum protinus ab initio compositi inuadant, norũt, neq; quodd alius affectus sit erysipelas exactum, alius verò is qui vocatur ab omnibus nobis vřitatè, vt à veteribus quoque, phlegmone. Alij autem inter hos medij plurimi, partim vt sic dicam erysi-  
pelata

lata phlegmonode, partim phlegmonæ erysipelato-  
des. Ac inuenias nonnunquam vbi neutrum vin-  
cat, sed ad vnguem paria sint. Quinetiam nonnun-  
quam œdematodes esse erysipelas conspicitur, sicut  
aliud scirrhomodes, vt compositorum morborum haud  
paruus aceruetur numerus. De quibus copiosius cū  
alibi disseruimus, tum in libris de curandi ratione. *L. b. xliii.*  
Dicetur autem & nunc, quoad saltem eorum me-  
minisse necesse est, quod exactum erysipelas haud  
vnquā ab antedicto cataplasmate curari possit. Vo- *Exquisitū*  
co autem exactum, quū à biliosa fluxione pars im- *erysipelas*  
pleta fuerit. Porro quod longè à refrigeratione ab-  
sit Coriandrum, vel ex iis quæ ipse scripsit Diosco-  
rides discere licet, Nam strumas, inquit, cum lomen-  
to discutit. Quod verò nullum refrigerantium me-  
dicamentorum idoneum sit discutiendis strumis, vel  
ipsum Dioscoridem non dubitare arbitror, vt qui  
sexcenta scripserit medicamenta strumas sanare po-  
tentia, quæ omnia temperie calida, & actionibus  
digerentia esse confessus est. Haftenus Galenus: cu-  
ius quidem, etsi proluxa sint, verba ideo recensere  
placuit, vt vulgi & nonnullorum etiam medicorum  
errorem detegeremus, qui præter veritatem Corian-  
dri téperamētū esse frigidū asserūt. Deniq; vt ex hoc  
loco discerēt studiosi, q̄ periculosum sit Dioscoridis  
ac aliorū veterū scripta sine limitatione sequi. Ad- *Periculo-  
sum Dio-  
scoridis  
scripta si-  
ne limita-  
tione le-  
gere.*  
monitos quoq; lectores esse volumus, hoc caput ex  
corū esse nūero, ī quo Galenus à Dioscoride differtit.

EX PLINIO VALERIA-  
NO MEDICO.

Nō dubitāter Coriādro refrigeratrix potestas da-  
tur, non tamen simplex, vt prudentissimè Galeno vi-  
detur, sed cui quædam portio austeritatis immixta  
sit, inde quod quædam ex eo vitia curātur, quæ nū-  
quā omnino curaret, si sola virtute frigida niteretur.  
Cū melle & vua passā tritū & impositū, oēs tumores  
collectionesq̄ue compefcit. Præcipuè tamen isto  
s iij genere

## PLANTARVM HISTORIAE.

genere medicaminis doloribus testium subuenitur. Succo m̃ali granatī & oleo in potione permixtum, animalia interaneis innata persequitur. Semen ex aqua potum solutionem ventris stringit. Scriptum à multis legitur tria Coriandri grana tertianas excludere antè accessionem si fuerint deuorata. Iisdem quoque repellendis efficax est ipsum Coriādrum ante solis ortum ignorantī ceruicali viride subiectum. Mirum est quod Xenocrates tradit, si vnum seminis granum sc̃mina biberit, vno die mēstrua cōtineri, biduo si duo, & totidem diebus quot grana sumpserit.

Eadem ferè sunt quæ alter Plinius lib. naturalis histo. xx. cap. xx. scribit, ideoque omittere placuit. Tantùm addit, Marcum Varronem putare Coriandro subtrito cum aceto, carnem incorruptam æstate seruari,

### APPENDIX.

Non transeundum silentio erit quod Dioscorides hic diligenter monet, Coriandri copiosum & continuū vsum esse fugiendum. Ideoque errare vehementer recentiores medicos, qui eo tam frequenter, potissimum ad caput roborandum, cui insensissimū est, vtuntur, manifestius est quàm vt probatione indigeat. A quo sanè errore vel id saltem reuocare eos deberet, quòd idem Dioscorides, libro sexto, Coriādrum inter venena connumeret.

### EX SIMEONE SETHI.

Stomacho bonum est, & eundem corroborat. Cibus in ventriculo donec probè concoquantur retinet. Tostum igne ventrē sistit. Prodest ad phlegmonas & calidas temperaturas. Sanguinis profluium potum, & si imponatur, compescit. Cum vino potū, lumbricos educit: immodicus tamen eius vsus delirium facit, Huius etiam succus potus venenum est & occidit. Qui enim hunc bibunt, muti fiunt, & desipiunt.

DE CAS-

## DE CASSVTHA CAP. CXXXI.

Cassuta si thymo inna scitur arabum est Epithymū, nobis in satoreia, hyssopo & maiorana est sæpe uisa omnino eadem, nec genere ab hac uariare uidetur quæ in lino, orobo, lente, uicia etiam luxuria: i solet. Ea omnis primū radiculis nititur, quæ tum arescunt & uanescent quando primum à plāta cui inuoluitur cirris suis alienum depascitur alimentum.

## NOMINA.

ασσύθα recentioribus Græcis: Cassuta, y lite-

K ra in u transeunte, vt sæpè fieri solet, Latinis appellatur: officinis & herbariis nostræ ar-

tis hinc deflexa quadam pristini nominis umbra,

Cuscutha dicitur, cum primum Cassutha, dein con-

uersa Cuscutha, postremo Cuscutha cœperit appel-

lari. Sunt qui podagram lini vocant, quod quasi cō-

pedibus id cui insed erit illiget, nec vinctum eo fa-

cilè possit extricari. Germanis Filtzkraut, oder Flach-

szseiden, oder Todtern [Gallicè Goutte de lin, ou agoure

de lin] dicitur. Errant qui Dioscoridis Androsacen

esse putant, cum veteres Græci, quod sciam, de Cu-

scutha hodie dicta, nihil memoriæ prodiderunt. Pli-

nus tamen lib. xvj. cap. vltimo, eius videtur memi-

nisse iis verbis: Est & in Syria herba quæ vocatur

Cassythas, non tantum arboribus, sed ipsis etiā spi-

nis circumuoluens sese: Cassithas enim legendū nō

Cadytas: sic enim codices aliquot Pliniani, vt in

suis annotationibus doctissimus Hermolaus admo-

net, iiq̃ue emendatiores, habent. Iam igitur memo-

ria Plinij Cassytas herba suo nomine Syriaco vene-

rat in Latium, quod multis postea seculis vsurpan-

tes tam Pœni quàm Arabes, suis scriptis protriue-

runt. Quod autem Plinius sine spiritu protulit, id li-

brariorum culpa factum esse suspicor, qui inuertē-

tes mutarunt Cassythas in Cassytas.

## FORMA.

Herbosis fruticibus adnascitur, earum adminicu-

losulta: radice nulla, sed velut ab alarū sinu p̃deūte

circo

Podagra  
lini.

Androsace non est  
Cassutha.

Plinii lor  
cus emen  
datus.

## PLANTARVM HISTORIAE.

cirro capillamentoue miræ longitudinis, statim ab eius ortu sese ramulis conuolvente. Quæ iam, veluti clauiculis nixa, sensim proserpens herbarum fastigia scandens, & crebris volutionibus opere topiario per vertices rotata, comas herbarum complectitur: tam volubilis illi natura est. Foliis vidua cernitur. Floré fundit album, semine quoque scatet tenui. Cirri dilutior rutilant purpura, nonnunquâ ex rubro rufescunt, fidibus lyrarum crassitie pares.

### L O C V S.

Non in terra, sed in herbis arboribusque passim nascitur Cassytha, quas tam spisso sæpius irretit cōtextu, vt tentorij modo herbosum cespitē à sole vindicet. Nonnunquam cacuminibus impendens stirpes humi deturbat, propriamque parentem suis laqueis strangulat, aut continuò materni alimenti suctu perducit ad tabem.

### T E M P V S.

Aestate, Iulio potissimum & Augusto mensibus, maximus illius in Germania prouentus esse solet: hoc enim tempore tâta eius est luxuria, vt mole sua stirpes oneratæ ferè procumbere videantur.

### T E M P E R A M E N T V M.

In primo calefacientium abscessu seu ordine, & desiccantium secundo statuendum: quandam enim resipit amaritudinem.

### V I R E S.

Abstergendi naturam obtinet, & cum quadâ adstrictione roborandi facultate prædita est. Iecinoris impedimēta laxat, infarcti & obstruati lienis expedit vitia, venas pituitosis atque biliosis exonerat humoribus, pellit vrinam. Regio morbo subuenit, qui iccinoris obstructionibus cōtrahitur. Febribus iis auxiliatur, quæ pueros malè habet: sed vsu nimio stomachum sua astringitione grauat: verum noxa tollitur, si Anisi momētum adiciatur. Natura eius flammam bilem per aluum exigere, sed efficaciorē cum

Abſinthio

Abſinthio præbet effectū . Hæ quidem ex Pœnorū ac Arabum ſententia facultates Caſſuthæ tribuunt, qui vtiq̃ue vires illius longè magis gliſcere pollicetur, ſi parentis ingenium ei patrocinetur . Hinc eſt quòd hanc forſitan veteres Græci, quamuis triuialem, eo nomine ſubtulerunt, quòd natiuas ſue merito parentis dotes adſciuiſſet, è ſinu cuius vernaculum ebibens humorem aleretur . Nam vt teſtatū iidē Arabicæ factionis medici reliquerunt, ſi calidæ inſidet herbæ arboriue, calidam ſortietur facultatem, & ſi decubuerit frigidæ, vim ſibi frigidā vendicabit.

## DE CESTRO. CAP. CXXXII.

*Betonica betoine, Sylueſtris autem duplex nobis armori: dicitur, tunica & tunici ablata prima ſyllaba, & oīn u corrupta officinis, altilis autem nobis ocellus culet dicitur.*

## NOMINA.

ἑστρον Græcè, Betonica ſeu Vetonica Latine: in officinis antiquum nomen retinuit, *Braunbetonick* Germanicè [*Gallicè Betoine, eu de la Betoesne*] appellatur. A varietate autem & copia remediorum, Cestron à Græcis dicta eſt: hac ſiquidē voce opus interpunctū, acūe pictum nominare. Libri etiam à varietate ſubiecti, ab aliquot Græcis hoc titulo inſcripti ſunt. Plinius quoque aliquando Ebur ceſtrum, id eſt, picturatum dixit. Betonica verò ab inuentoribus Vetonibus, Hiſpaniæ populis, nominata eſt.

*Cestro un  
de dicta*

*Betonica.*

## FORMA.

Herba eſt caulem tenuem obtinens, cubiti altitudine, aut maiorem, quadrangulum. Folia lōga, mollia, quernis ſimilia, per ambitum incifuris diuiſa, odorata, propè radicem maiora. In ſummo cauliū ſemen veluti Thymbræ ſpicatum ineſt. Radices ſunt tenues vt Ellebori.

## LOCVS.

Nafeitur in pratis, ſyluis, mōroſis, frigidis & opacis locis, ideoq̃ue Græcis *ψυχότροπον* vocata eſt.

## TEMPVS.



# PLANTARVM HISTORIAE.

## TEMPVS.

In Maio & Iunio mensibus floribus abundat.

## TEMPERAMENTVM.

Calida & sicca in primo ordine completo, aut in medio secundi.

## VIRES. EX DIOSCORIDE.

Folia Betonicæ carpuntur & siccantur plurimos ad vsus. Radices cum hydromelite potę, pituitosam vomitionem eliciunt. Folia dantur ruptis, conuulsis, vuluæ affectionibus, & eiusdem strangulationibus. drachmæ vnius pōdere cū hydromelite. Ternę in vini sextariis duobus contra serpentium morsus ebibuntur. Herba ipsa illita venenatorum moribus prodest. Aduersus etiam venena drachma ex vino pota conuenit. Hęc si quis pręsumperit, letale haustum venenū nihil nocebit. Vrinam cit. Aluū subducit. Medetur comitialibus & furiosis cū aqua pota. Iecinoris & lienis vitiis drachmæ pondere cum aceto mulso pota succurrit. Concoctionem adiuuat, si quis à cœna eam fabæ magnitudine cum melle cocto deuorauerit. Eodem modo & acida rustantibus propinatur. Stomachicis eam māducare, & succum deuorare proderit, si postea dilutū vino sorbeatur. Datur sanguinem excreantibus trium obolorum pondere cum diluti vini cyatho vno. Ischiadicis, renum & vesicæ doloribus ex aqua. Hydropicis autē binis drachmis, febrientibus cum hydromelite, non febricitantibus cum mulso Regio morbo laborantes recreat. Mentes ducit drachmæ pondere cum vino pota. Aluum purgant drachmæ quatuor cum hydromelitis cyathis decem potæ. Cum melle tabidis, purulentis auxiliatur. Folia cū inaruerint tria ad hos effectus fictili vase reponuntur.

## EX GALENO.

Vim habet incidendi, vt gustus indicat. Amariuscula enim est, & subacris ipsa herba, id quod & particulatim edita ostendit actio. Nam consistentes in renibus

renibus lapides rumpit, & pulmonem & thoracem  
& iecur expurgat, abstergitq; . Menſes mouet, & co-  
mitialibus prodeſt. Rupta atque conuulſa curat, &  
omnibus beſtiarũ morſibus illita vlceri auxiliatur.  
Acidum ruſtantibus & iſchiadicis bibita ſuccurrit.

## EX PLINIO.

Morſibus ſerpentum imponitur Betonica præci-  
puè, cui vis tanta perhibetur, vt incluſæ circulo eius  
ſerpentes, ipſæ ſeſe interimant flagellando . Datur  
& ad iſtus ſemen eius denarij pondere cum tribus  
cyathis vini, vel farina drachmis tribus ſextario a-  
quæ imponitur. Obolis tribus in aqua, contra puru-  
lentas, contraque cruentas excreationes facit. Faci-  
les præſtat vomitiones radix eius Ellebori, modo  
quatuor drachmis in paſſo aut mulſo . Iſchiadicos  
dolores & ſpinæ leuat eiufdem farina ex aqua mul-  
ſa. Aluum ſoluit drachmis quatuor, in hydromelitis  
cyathis nouem. Folia ſiccantur in farinam plurimos  
ad vſus. Fit vinum ex ea & acetum, ſtomacho & cla-  
ritati oculorum. Paralyſin ſanare dicitur. Eadẽ tor-  
pentibus membris prodeſt. Ad lateris & pectoris  
dolores farina eius bibitur.

## DE BETONICA ALTERA.

## • CAP. CXXXIII.

## NOMINA.

V A S eſſe Betonice ſpecies præter Paulum  
D Aeginetam lib. vii. Plinius etiam lib. xxv. ca.  
viii. abundè docet : & in aliquibus Dioſcori-  
dis codicibus huius quoque ſecundæ Betonice mē-  
tio fit. Hanc itaque poſtერიorein, tam officinæ quàm  
herbarij medici Tunicā, detractis à Betonica dua-  
bus literis prioribus, nominant. Germanis *Grafzblw*  
*men & Negelblumen*, quòd flores eius garyophyllo-  
rum odorem referant, appellare placuit.

Herba Tu-  
nica.

## GENERA.

Duũ eſt generum. Vna ſiquidem ſylueſtris eſt, *Sylueſ-*  
quã Germani *Vuld Negelblumen*, hoc eſt, ſylueſtrem *ſtris*  
Garyo-

# PLANTARVM HISTORIAE.

*Altilis.*

Garyophyllæ, & Dödernegele, Feldtnegele, & Blutsz  
ropffle [Gallicè *Des armoiries.*] Altera altilis est, quæ  
alio nomīe Betonica seu Vetonica coronaria, quod  
illius in coronis nimius vsus sit, dicūt. Germani *hey-*  
*mischnegelblumen* [Gallicè *des euilletz*] quasi domi  
natam Garyophylleam appellant.

## FORMA.

*Sylue-*  
*stris Beto-*  
*nica.*

*Altilis seu*  
*coronaria*  
*Betonica.*

Specie multum à priore Betonica differt. Radicē  
enim totam rubram, odoratamque habet. Folia por  
racea, oblonga, stamine quo medium diuiditur pun  
niceo ac rubente, cum recto calamo triangula, flor  
ibus in vertice purpureis. Hęc Dioscoridis delinea  
tio vtrique generi communis est: priuatim tamē syl  
uestris Betonica herba fruticosa est, foliis porri, ob  
longis, angustis, per extremum mucronatis, cæsis,  
concoloribus calamis, teretibus, geniculatis, cubita  
libus, floribus speciosis, simplicibus, qui quinis, se  
nī sue foliis cōstāt, lentē fimbriatis, magna ex par  
te purpureis, quamuis & interdum niuei conspiciā  
tur. Altilis seu coronaria, foliis est porraceis, oblon  
gis, per extremum mucronatis, concoloratu cæsis,  
teretibus cauliculis sesquicubitalibus, geniculatis,  
coeuntibus pyxidatim internodiis, floribus omniū  
speciosissimis, Garyophyllorum odoratu, sed longē  
suauissimo, quandoquidem alius cocco rutilat, alius  
saturata nitet purpura, alius candido, alius emacu  
lato blanditur colore, alius versicolore variatur cō  
mistu. Omnibus teres longiusculusque calyx specta  
tur, orbiculo superiorū dēticulatus, à quo quina se  
nāue folia prodeūt, lentē quidem fimbriata. Non  
nulli tamen flores frequentiore coma stipantur, ge  
minis vtrinque emicantibus stamineis apicibus.

## LOCVS.

Syluestris in pratis, montibus, nitidisq; locis na  
scitur. Coronaria verò passim in fctilibus vasis ali  
tur, neque facilē ædes inuenies, ante quas non expo  
sitam intuearis.

## TEMPVS.

## TEMPVS.

In æstate vtriusque magna est copia. Coronaria tamen longiori tempore durat, atque æstiuas, autumnales, hyemalesque struit coronas.

## TEMPERAMENTVM.

Calidam & siccā esse tum amaritudo, tum odor & alia multa declarant.

## VIRES. EX DIOSCORIDE.

Animas hominum & corpora custodit. Contra nocturnas peregrinationes, loca insidiosa, & difficiles somnos commendatur. In totum, ad omnem mendendi rationem celebrata. Recens trita vulneribus capitis indita dolorem finit. Vulnera glutinat. Fracta ossa extrahit, & hoc quotidie efficit, donec per se nescat. Dolori capitis medet, si decocta ea ex aqua caput perfundatur. aut temporibus cum bitumine illinatur, aut radix eiusdem suffiatur.

## EX INCERTO.

Farina eius tam aduersus toxica quàm serpentū & scorpionum ictus ex albo vino bibitur. Quartanæ reliquarumque febrium horrores discutit. Comitibus opitulatur sub ipsam accessionem propinata. Eadem per se carcinomatis inspergitur, quæ tamen præstiterit herbæ succo prius abluisse. Estur contra ventris tænias. Succus pestis arcet contagia, atq; etiā haustus, si iam morbus inuaserit, liberat. Fic ex flore oleum ad canis rabiosi morsus, ad fistulas & parotidas, quibus illitu medetur. Visus aciem exacuit. Ieiuno sumpta dolorem dentium sedat, iure decocti colluto ore. Discutit grauedines. Partum, qui sine febre sit, accelerat. Neruorum vulneribus imponitur. Præsumpta ebrietatem arcet. Intertriginem in itinere faciūdo non sentient, qui ex vino biberint. Fastidia cū aceto mulso discutit. Iis qui ex morbis sese recolligunt, aluum ex aqua calida deiicit. Vomitiones cohibet. Dolores podagræ ac inflationes ventris sedat. Venena rabiosi canis morsu impressa elicit

# PLANTARVM HISTORIAE.

elicit plagæ diutius illigata.

## APPENDIX.

Recentiores syluestris Betonicæ succum mirificè commendant in atterendo & educendo calculo, & medendis comitialibus. Altilis autè radicem contra pestis contagia vtilem esse tradunt. Hanc ob causam ex floribus etiam eiusdem, medicamentum conficiunt, quod Conseruam hodie vocant, quod ad eundem vsum adhibent.

### DE COLCHICO. CAP. CXXXIII.

Colchicon à necandis canibus nobis tuchien. Ephemerum non lethale nobis lilium conuallium & grand muguet.

#### NOMINA.

*Hermodylus.* **K** ολχικόν, ἢ ἐφήμερον, Græcis, Bulbus agrestis Latinis, officinis & herbariis Hermodylus dicitur. Germanis *Zeitlosen* [Gallicè *Mort au chien*] Colchicum à Colchide veneni ferace, in qua nascitur, nomen desumpsit. Dictum verò est Ephemerum, quoniam vno die sumptum interficiat, atque adeo ab altero Ephemero, quod minimè letale est, & de quo suo loco diximus, non solum figura, verumetiam facultatibus differt. Et si verò Ephemerum Colchicum etiam significet, tamen præcipuè id Ephemerum quòd veneno caret, hoc nomine intelligitur.

#### FORMA.

Autumni exitu florem subcandidum, crocino similem profert. Post florem folia Bulbo similia, pinguiora tamen. Caulem palmo altum, rufum ferentem semen. Radicem habentem corticem in nigro rufescentem, quæ cortice suo nudata, alba, tenera, succo plena, & dulcis inuenitur. Habet Bulbus eius in medio rimam fissuramue vnde flos erumpit. Huius descriptionis in vniuersam notæ omnes ita Hermodylo nostro conueniunt, vt nemo, nisi Tiresia cæcior sit, Dioscoridis esse Colchicum ambigere possit. Exitu enim autumnii in pratis florem ædè albican-

albicantem, croci floribus similē. Posterius, Februario nimirum mense & primo statim vere, folia Bulbi, sed pinguiora. Caulem palmeum ferentem semē rufum. Radicem cortice in nigro, colore rufescente, quæ decorticata cādicat, teneraque, succo plena, & dulcis apparet. Bulbus etiam eiusdem diuisionē in medio obtinet, ex qua flos erūpit, vt pictura exquisitē tibi monstrat. His accedit, qđ Serapio Arabs sub nomine Hermodactyli, Dioscoridis Colchicon prorsus depingat. Alium tamē esse à nostro Hermodactylo illum putamus, quem Aëtius, Paulus Aegineta lib. vij. & Actuarius peculiariter & priuatim articulorum doloribus conducere scribunt. Paulus enim separatim tanquam diuersorum mētionem fecit, & de Colchico & Ephemero diuersa ab Hermodactylo capita constituit.

*Hermoda-  
ctylus ver-  
centiorum  
Græcorū.*

## L O C V S.

Magnus Colchici in Messenia, & apud Colchos prouētus. Nasцитur & passim in omnibus pratis Germaniæ nostræ.

## T E M P V S.

Flores in Autumni exitu, vt diximus, apparent. Folia autem post flores generantur, & primo statim vere è terra erumpunt. Semen in æstate Iunio potissimum mense producitur.

## T E M P E R A M E N T V M.

Calidum & siccum nonnulli Colchicum in secundo ordine, seu à medio recessu statuunt.

## V I R E S. E X D I O S C O R I D E.

Radix eius comesta fungorū modo strangulādo enecat. Hanc autē depinximus, ne pro Bulbo deuorata aliquē lateat. Mirum est enim quantum ignaros propter suauitatem inuitet. Hæc Dioscorides. Proinde satis liquet Hermodactyli huius nostri vsum minimē tutum esse: venenum enim est, & vsque ad sanguinis excretionem per inferna subducit. Eius tamen, radice potissimum & foliorum, ad ene-

t candos

## PLANTARVM HISTORIAE.

candos ac abigendos pediculos vsus esse potest.

### REMEDIA CONTRA COLCHICVM.

Remedio sunt edentibus quęcunque contra fungos opem ferunt. Bubulum etiam lac potum, adeo vt quoties hoc affuerit, nullum præterea quærendū præsidium sit.

#### EX PAVLO.

Ephemerum, quod nonnulli Colchicon, eò quod in Colchide nascatur, vocant, aut Bulbum agrestē, epotum protinus totum corpus prurire facit, velut urtica & scilla tactum irritatumq; interiora erodit, stomachum vrit cum ponderosa grauitate. Inualecente autem malo, cruenta strigmentis mista per anum egeruntur. Succurrandum, vt Salamandram, vomitionibus & clysteribus. Sed antequam vires sibi adfiscat venenum, dari debet foliorum quercus, aut glandium, aut malicorij, aut serpylli decoctum cum lacte bibendum: aut Polygonij succus, aut surculorum vitis, aut rubi, aut tenerarum ferularū medullæ, aut myrti cum vino. Benefacit etiam castanearum interior tunica, si cū aliquo è succis, quos prædiximus, assumatur. Origanum quoque cum lixiua potum, in idem efficax est. Adeo verò exactū præsidium est lac vaccinum calidum potum, & simul in ore contentum, vt hoc præsentē nullum aliud desideretur.

### DE CLEMATIDE DAPHNOIDE. CAP. CXXXV.

*Clematis nobis Peruinca dicitur.*

#### NOMINA.

κλήματις δαφνοειδής Græcis, Clematis Daphnoïdes Latinis, Peruinca officinis, Vinca

peruinca vulgò nominatur. Germanis, eò

Clematis quod semper vireat, Yngrun, vel Syngrun, [Gallicè unde dicta Du Lifferon.] Clematida Græci, quoniam κλήματα, hoc est, sarmenta seu viticulas per terram spargat, dixerunt. Daphnoïda verò à foliorum Lauri, quam eius

eius folia habent figura. Plinius lib. xxiiij. cap. xv. Clematida Aegyptiam nominat : libro autem xxi. cap. xi. Vincamperuincam, alioq; nomine Chamæ- *Chamæ*  
daphnen dici tradit, quod scilicet humilis videatur *daphne.*  
Laurus, vt nomen sonat. Non est autem cur eâ Chamædaphnen putes, quæ Romanis Laureola aut Laurago dicta est, hæc enim à Vincamperuincia genere & facultatibus diuersa est, & seorsim illam Chamædaphnen depingit Plinius lib. xxiiij. cap. xv. vt hinc manifestissimum sit Plinio duplicem esse Chamædaphnen. Vnam quam sic appellant Dioscorides, *Plinio du-*  
Galenus, & alij Græci. Alteram quam priuatim Vin- *plex Cha-*  
camperuincam alio nomine vocat Plinius. Sic autē, *mædaph-*  
quod humi serpat, & se in modum funiculi porrigat *ne.*  
vicina quæque vinciens, appellat.

## FORMA.

Sarmenta oblonga habet, iuncæ crassitudinis. Folium exiguum, Lauro figura & colore simile, multo tamen minus. Iam si quis imaginem & effigiem Clematidis daphnoïdis exquisitus exploret, ea deprehendetur esse quæ hodie vulgò Vincamperuincia *Vincamper*  
nominatur. Hæc enim humiles & graciles spargit *uin.*  
iuncos, foliaq; Lauri figura & colore obtinet, multo tamen minora: flore hyacinthino seu in purpurâ cœruleo, inodoro, rotundo, foliis quinque sed continuis distincto. Ea etiam, vt Plinius ait, semper vi-  
ret, in modum lineæ foliis geniculatim circumdata.  
Hybernas sua perpetua fronde texit coronas.

## LOCVS.

Gignitur pingui, vmbroso, lætoq; solo, sed iuculoso, in agrorum vinearumq; marginibus.

## TEMPVS.

Hæc etsi nunquam non virescat, vere tamen duntaxat florescere videtur, Martio potissimum mense & Aprili.

## TEMPERAMENTVM.

Siccitas in Clematide, Paulo Aegineta teste, cæ-  
t ij teris



## PLANTARVM HISTORIAE

teris qualitatibus præualet. Id quod gustus etiam ostendit; gustanti enim adstrictionem quandam & amarorem habere videtur. Adstringit autem modicè, sed fortiter amara est. Siccat itaque, at citra mordicationem.

### VIRE. EX DIOSCORIDE.

Huius caules ac folia in vino pota, alui profluvia & dysenterias finiunt. Vteri dolores cum lacte & rosaceo, aut cyprino in pessa apposita sanant. Commanducata dentium dolorem mitigant. Venenatorum moribus imposita prosunt. Feruntur & aspidû moribus cum aceto pota auxiliari.

### EX GALENO.

Clematis daphnoïdes nequaquam est exulceratoria, neque acris, imò alui profluuiis & dysenteriis cum vino pota prodest, dentiumque dolores mansa mitigat. Vteri doloribus in pessa admodû vsui est, tantû abest vt vrat aut vlceret.

### EX PAULO.

Clematis quibusdam Daphnoïdes, aliis Myrsinoïdes, nonnullis Polygonoïdes, sarmenta habet prælonga, crassitudine iunci, foliû verò Lauri. Siccandi facultate pollet, qua alui fluores, difficultates intestinorum, & dentium dolores finit. Contra venenatorum morbus prodest.

### APPENDIX.

Iam commemoratæ facultates satis ostêdunt Clematida daphnoïda esse Vincamperuinca: nam codex antiquus manuscriptus, quem in rebus dubiis lubens cito & sequor, easdem prorsus vires Peruinca tribuit. Sanguinis enim è naribus profluuium mirum in modum prodesse tradit. Item iis qui sanguinem vomunt aut spuunt. In summa omnem sanguinis fluxum folia eius sistere asserit, ita vt euidentissimum sit Peruinca officinarum eandem esse cum Clematide hac nostra. Quibus etiam accedit pictura & descriptio eiusdem, quæ vtraque adamussimæ  
Peruinca

Peruinca nostræ respondent.

DE CARDAMO. CAP. CXXXVI.

*Cardamum id est nasturtium na bonensibus nascitur, à naribus torquendis dicitur nobis cresson alenois.*

NOMINA.

ἐρδαμου Græcè, Nasturtium satium Latine dicitur. Officinis Latinum nomen retinuit. Barbari nostræ ætatis herbarij Cressonem hortensem vocant. Germanicè *GartenkresZ* [Gallicè *Cresson alenois, ou nasfort*] dicitur. Cardamū verò Græcis nonnulli dictum esse arbitratur, ἀπὸ τῆς καρδίας, quod cor foueat, & in syncope illa, quam Cardiacam nominant, plurimum valeat. Alij diuersa ratione vsi, sic dictum quod caput edomet, quasi καρὴδαμου, putant. Nam arcem mentis obsidens suo ferit acremento, & ignea vi præditum caput tentat. Sunt è Græcis qui παρὰ τὸ κόρας μάγν, id est, quod pupillas oculorum coeuntibus vnà palpebris abscondat, ita dici censeāt. Nam luminibus admotum subinde cogit connuere. A quo, vt volunt, euentu καρδαμύτταιν verbum declinarunt, quod connuere nostra lingua dicimus. Nasturtium autem appellatum est, Varrone & Plinio testibus, à naribus torquendis, quod odore & seminis acrimonia sternutamenta prouocet.

*Cressio  
hortensis.  
Cardamū  
unde dictum.*

*καρδαμύτταιν.  
Nasturtium  
quare appellatum.*

FORMA.

Nasturtium caulibus assurgit sesquipedalibus, statim à radice minorum foliorum pediculo, floribus candidis, semine per ramorum latera copioso, firmo, calyculis orbicularibus cōtento, acri sapore.

LOCVS.

Passim in hortis satum prouenit.

TEMPVS.

Floret æstate, Iunio potissimum mense. Sequenti tempore semine prægnans est.

TEMPERAMENTVM.

Nasturtij semē calefacit & desiccet ordine quar-

t iij to.

## PLANTARVM HISTORIAE.

to. Herba quoque sicca similem semini facultatem possidet. Humida autem adhuc & viridis propter aqueę humiditatis admistionem multò inferior est, adeoq; sic mordacitas eius moderata est, vt eum pane ea vti liceat ceu opsonio.

### VIRES. EX DIOSCORIDE.

Omniũ semen calefacit, acre est, & stomacho inimicum. Aluum turbat. Lumbricos pellit. Lienẽ imminuit. Fœtus in vtero enecat. Menses cit. Venerem excitat. Sinapis & Erucę semini simile est. Lepras & impetigines abstergit. Lienem illitum cum melle extenuat & reprimat, & fauos expurgat. Sorbitionibus incoctũ ea quę in thorace sunt educit. Potũ serpentibus aduersatur. Suffitu easdem fugat. Capillos deciduos continet. Carbunculos rumpit ad suppurationem ducens. Ischiadiceis cum polenta & aceto illitũ confert. Oedemata & inflammationes discutit. Furunculos cum muria illitum ad suppurationes ducit. Herba omnia eadem, sed minore effectu, potest.

### EX GALENO.

Nasturtij semen adurentis est facultatis particeps sicut Sinapi. Proinde coxendicis & capitis dolores, atque adeò quodcunque rubrificationem postulat, eo perinde atq; Sinapi excalefaciunt. miscetur quoque remediis quę exhibentur asthmaticis, tanquam id quòd crassos humores valenter incidere valet, velut & Sinapi. Nam per omnia ei simile est.

### EX PLINIO.

Nasturtium Venerem stimulat, animum exacuit, aluum purgat. Detrahit bilem potum in aqua decē denariorum pondo. Cum lomento strumis illitum, opertumq; Brassica, præclarè medetur. Capitis vitia purgat, visum clarificat. Commotas mentes sedat ex aceto sumptum. Lienem ex vino potum, vel cum fico extenuat. Tussim ex melle, si quotidie ieiuni sumant. Semen ex vino omnia intestinorum animalia expel-

expellit, efficacius addito Mentaſtro. Prodeſt & cōtra ſuſpiria cum Origano & vino dulci Peſtoris doloribus decoctum in lacte caprino. Panos diſcutit cum pice, extrahitque corpori aculeos. Et maculas illitum ex aceto, Cōtra carcinomata adiicitur ouorum album. Et lienibus illinitur ex aceto. Infantibus verò è melle vtiliſſimè. Seſtius adiicit hoc ſerpentes fugare, ſcorpionibus reſiſtere. Capitis dolores contritum & alopecias emendare addito Sinaſpi: grauitatem aurium trito impoſito auribus cum ſico. Dentium dolores infuſo in aures ſucco. Porriginem & vlcera capitis cum adipe anſerino. Furunculos concoquit cum fermento. Carbūculos ad ſupurationem perducit & rumpit. Phagedænas vlcerum expurgat cum melle. Coxendicibus & lumbis cum polenta ex aceto illinitur. Item licheni & vnguibus ſcabris. quippe natura eius cauſtica eſt.

## DE CRINO. CAP. CXXXVII.

*Lilium nomen retinet. Eſt nobis & Lilium rubrum, vulgè dictum à ſoris colore in ſlauum inclinante, radice bulbosa, ſed crocea quod h c croceum vocat.*

## NOMINA.

*λίον, ῥοζέ, λίλιον* Græcis, Lilium ſine Iunonis roſa Latinis, Liliū albū officinis, *Vucisz Lilgen, oder Gilgen* Germanis, [*Gallicè Du lis*] dicitur. Veteres Græcorum poëtæ fingunt è Iunonis lacte reſperſa terra natum Lilium. Nanque cum Hercules puer, quem ex Alcimene ſuſtulerat Iunonem pater, Iunonis dormientis vberibus admotus eſſet, & lacte ſe repleſſet, poſt ſuctum digreſſus mamma lacte copioſè profluxit. Quod i cœlo à puero vago & incerto ſuctu perfuſum eſt, lacteam effecit viâ: quod humi ſparſum eſt, Lilium lacteo flore nitentem creauit, vnde roſa Iunonis dictum.

## FORMA.

Lilium caule ſimplici, raro duplici, tricubitali, comæſo, foliis longis, Satyrij effigie, ex herbaceo nitenti-

# PLANTARVM HISTORIAE.

tentibus, flore eximij cādoris, foliis foris striatis, & ab angustis in latitudinē se paulatim laxātibus, forma calathi, resupinis per ambitum labris, luteis emicantibus ex fundo calycis apicibus, alterius quā flos odoris, constat. Flos ille languido semper collo est, non sufficiente capitis oneri. Radix bulbosa. Hęc descriptio planē huic Lilio cōuenit, quod hodie candidū vocamus. Nos alterius etiam generis picturam adiecimus, quod Crocēū appellauimus, à flore eius, qui non, vt in priore, cādidus, sed croceus est. Folia quoque eius angustiora sunt quā prioris, aliās simile, vt pictura luculenter ostendit.

## LOCVS.

Passim apud nos in hortis prouenit.

## TEMPVS.

Floret initio mensis Iunij.

## TEMPERAMENTVM.

Lilij flos temperaturam mistam obtinet, partim ex tenui, partim ex terrena essentia, ex qua vtique in gustu amaritudinem habet, partim ex aquea, cāque temperata. Radix autem & folia primi ordinis sunt exiccantium & abstergētium. Plus tamen inest abstergentis facultatis in radice quā in foliis.

## VIREs. EX DIOSCORIDE.

Ex Lilij flore vnguentum fit quod ab aliis Lirinum, ab aliis Sufinū appellatur, ad emolliendos ueruos, priuatimque vuluarum durities aptū. Folia herbæ illita, serpentium moribus subueniunt. Feruescētā ambustis profunt, Eadem in aceto condīta vulneribus opitulantur. Succus foliorum cum aceto & melle in aereo vase coctus, contra vetusta vlcera, & recentia vulnera medicamētum fit. Radix assa, aut cum rosaceo trita ambustis medetur, vuluam emollit, menstrua ducit, & vlceribus cicatricem inducit. Cum melle subacta neruorum præcisionibus & luxatis auxiliatur. Alphos, lepras, furfuresq, emēdat. Achores abstergit, faciemque emendat & erugat.

Testiculo-

*Lirinum  
oleum.*

Testiculorum inflammationes trita cum aceto, aut Hyofcyami foliis, & farina triticea demulcet. Semē contra serpentū morsus potum valet. Illinuntur facris ignibus semen & folia cum vino trita.

## EX GALENO.

Quod ex flore Lilij conficitur oleum & vnguentum, citra mordicationem digerendi simulq; emolliendi facultatem obtinet. Vnde fit vt vteri duritiibus sit aptissimum. Porro radix foliaque per se trita desiccant, & absterunt, & digerunt moderatē: proinde quoq; ambustis competunt: siquidem hęc quoque moderatē desiccantem extergentemque facultatem postulāt. Radicem ergo assam tostāmue, ac deinde cum rosaceo contritam, ambustis quoad obducatur cicatrix imponunt: quippe cū alioqui & aliorum vlcerum omnium bonum sit inducendæ cicatrici remedium. Quinetiam vteros emollit, mensesque prouocat. Folia verò præcoquentes, & ipsa ad obductam vsque cicatricem imponunt, non in ambustionibus dūtaxat, sed aliis quoque vulneribus. Sed sunt qui aceto ea condiētes ad vulnera suo tempore vtantur. Quum alphos, aut pforam, aut lepram, aut achoras, aut aliquid id genus extergere volumus, commiscemus illi aliquid aliorum medicamentorum validius extergentium, cuiusmodi mel est. Cæterum si id moderatē illi ac cōuenienter admisceatur, & ad neruorum diuisiones competit, & ad alia vniuersa quæ valēter exiccati postulāt absq; morfu. Imposuimus verò etiam quandoque & foliorum succum cum aceto & melle coctū. Quinque partibus succi plus vtroque erat, atque insigne medicamen ad omnia ea quæ exiccati postulāt absque morfu fuit, ceu vulnera omnia ingentia, & maximē quæ in capitibus musculorum eueniunt, & quæcunque humida flaccidæue, diuturna & ægrē ad cicatricem perducūtur.

## EX PLINIO.

Lilij radices multis modis florem suum nobilitauerunt,

# PLANTARVM HISTORIAE.

uerunt, contra serpētium iētus ex vino potæ, & cōtra fungorum venena. Propter clauos pedum in vino decoquuntur, triduoque non soluuntur. Cum adipe aut oleo decoctæ pilos adustis reddūt. E mulfopotæ inutilem sanguinem cum aluo trahunt. Lienī & ruptis & vulsis prosunt. Et menstruis fœminarum in vino decoctæ. Impositæque cum melle nervis præcisis medentur. Lichenas, lepras & furfures in facie emendant. Erugant corpora. Folia in aceto cocta vulneribus imponuntur Epiphoris testium in melle cum Hyoscyamo & farina tritici. Semen ilinitur igni sacro. Flos & folia vlcerum vetustati imponūtur. Succus qui flore expressus est, ab aliis mel, ab aliis syrium vocatur, ad emolliendas vuluas utilis. Sudores mouet, supputationes concoquit.

## EX SIMEONE SETHI.

Odoratum frigido capiti prodest. Oleum verò quod ex ipso paratur, vim habet discutiēdi & emolliendi. Huius autem radice quidam vtuntur ad vulnerum sanationem.

## DE CUCURBITA SATIVA.

### CAP. CXXXVIII.

*Cucurbitalata longa & minor quæ nobis lagenosa dicitur, est frequens.*

## NOMINA.

καλὸκύθα ἰσώδιμος Græcis, Cucurbita La-

**K** tinis vocatur: Officinæ latinum nomen retinuerunt, Germanis Kurlsz [Gallicè Vne

καλὸκύ- **Courge.**] Græci ex aduerso vocabulum imposuere,  
θα quare καλὸκύθην nominantes, quòd scilicet pumili breuēs-  
nominata. que sint partus, quos ipsa passim enititur, cū tamen  
Cucurbita videantur superare. Cucurbitam verò Latini à con-  
cur dista. curuatu haud dubiè dixerunt, quòd faciliè si quid  
obstiterit aut fuerit impedimento quo minus extē-  
datur, incuruescat.

## GENE-

## G E N E R A.

Plinius lib. xix. cap. v. duo satiuæ Cucurbitæ genera facit. Vnam camerariam vocatam, quæ facili & admodum flexibili ramorum curuitate, tecta, pergulas & testudines operit. Alteram plebeiam, quæ scilicet suis flagellis humi repit. Nos ad formam respicientes tria eiusdem genera fecimus. Vnam maiorem, altera verò minorem. Maiorem vocauimus sic à floribus & fructu, quos maiores habet. Minorem contrà, quæ prædicta minora obtinet. Tertiã lōgiorem, à fructu oblongiore diximus.

## F O R M A.

Cucurbita amplexicaulis est, reptantibus flagellis in altum scandens, in ramosque vitis modo se diffundit: tamen ob caulis infirmitatem, humi spargitur, ni propius adsit cui caducus innitatur: folio rotundo, Personatiæ aut Asari foliis haud dissimili: flore candido, fructu coloris herbacei primum, flauipaulò post, pyri forma turbinato, qui aut in longum prorogatur, aut in orbem collectus intumescit, aut in breue crassamentum cogitur. Cortex recenti tener, inueterato durus, quo carne prius exinanito peregrè proficiscentes vrceorum vice frequenter vtuntur in eo vina condentes, quo per iter se à fitis iniuria vindicare possint.

## L O C V S.

Amat rigua & aquosa loca Cucurbita, nec nisi facta prouenit.

## T E M P V S.

Tardius in Germania ob soli frigiditatem fructus Cucurbitæ maturescit, ideoque vix ante exactum autumnum maturum eius fructum inuenies. Cibus autè quotidianus, donec lignescat, esse potest.

## T E M P E R A M E N T V M.

Cucurbita frigida humidæque temperaturæ est, vtraque qualitate secundi ordinis.

## V I R E S.



## PLANTARVM HISTORIAE.

### VIREs. EX DIOSCORIDE.

Cucurbita cruda trita & illita, œdemata, abscessusque mitigat. Ramenta eius infantibus contra capitis ardorem, quam siriasin vocant, in fincipite vtiliter illinuntur. Oculorum inflammationes, podagrasque similiter iuuant. Succus è ramentis contusis per se, & cum rosaceo instillatus, aurium doloribus auxiliatur. Aduersiones cutis inunctus adiuuat. Totius Cucurbitæ elixæ & expressæ succus cū exiguo melle & nitro potus, aluū leniter soluit. Si quis in Cucurbitam crudam excauatā vinum infundat, & sub dio habeat, temperatumque ieiunus bibat, aluum leniter molliet.

### EX GALENO.

Succus ramentorum Cucurbitæ ad aurium dolores cum phlegmone iunctos, cum rosaceo vtentibus prodest. Sictota quoque illita calidas phlegmonas mediocriter refrigerat. Comesta humida est, & sitim arcet. Cruda cibo insuauis est, stomacho perniciofa, & concoctu planè inexpugnabilis, adeò vt quis alterius cibi inopia ingerere eam compellatur, ceu quidam iam ausus est, pondus cum algore ventriculo incumbere sit sensurus, stomachumque euerget, & ad vomitionem concitabit, quæ vna cum ab vrgentibus symptomatis liberare potest. Hanc igitur, aliaque ex fugacibus complura, aut mox quam elixata est, aut frictam in sartagine, aut assam omnes homines esse consueuerunt. Ipsa quantum in se est, humidum frigidumque corpori alimentum præbet, ac id ipsum ea de causa exiguum, sed leniter per aluū subit, cum ob suæ substantiæ lubricitatem, tum ob communem omnium humidorum ciborum rationē, qui scilicet citra adstrictiones tales sunt. Nec sanè infœliciter concoquitur, modo nō anteuertat corruptio. Plura lib. ij. de aliment. facul. Galenus.

### EX PLINIO VALERIANO.

Vetères medici de Cucurbita ita senserunt, vt eā  
aquam

aquam dicerent coagulatam. Galenus humidæ putat virtutis & frigidæ, idque ex eo probat, quod ipsa in cibo sumpta stomachum relaxat, bibendi desideria non excitat. Cætera etiam in Cucurbita talia, vt apertè frigidæ potestatis exempla demonstret. Crudæ & tritæ leniunt omnem tumorem. In cibo sumptæ molliunt ventrem. Succus earum, vt Galenus ait, ad compescendum velociter auriculæ dolorem tepesfactus infunditur. Idem succus & dolorem dētiū mitigat, si diutius in ore teneatur. Sed & rosaceo mixtus, & vnctioni corporis admotus, febriū restinguit ardores. Cinis aridæ corticis efficaciter potest combusta sanare. Eūdem cinerem didicimus ab expertis vulnera in verretro iam in putredinem versa purgare, & ad cicatricem vsque perducere. Semini sicco illa vis traditur, vt in puluerē tusum & inspersum impleat vulnera quę cauata sunt. Quidam illud in vino bibendum dedere, vt solutiones alui fluentis inhiheret. Viticulæ quoque Cucurbitę iam senescentes cum passio & aceto dysentericis datæ, miro modo faucia intestina componunt.

## EX SIMEONE SETHI.

Concoctu facilis, bonique succi est, & admodum nutrit. Sitim sedat, vrinam cit, & vētrem mouet. Calidis & siccis temperaturis prodest, & inflammationes ventris & iccoris sedat. Pituitosos autem lædit, colicosque affectus. Si malos humores assequitur, ab iis corrumpitur, & malum succum generat. Semen genitale minuit, & Veneris appetentiam extinguit. Sanguis ex ea procreatus, consistentia tenuis est. Thoraci, pulmoni & vesicæ prodest. Succus ramentorum eius cum rosaceo impositus, ad aures inflammatione laborantes confert. Integra verò illita, calidas inflammationes refrigerat.

## DE COLOCYNTHIDE.

## CAP. CXXXIX.

*Colocynthis nomen retinet nobis.*

NOMI-

# PLANTARVM HISTORIAE.

## NOMINA.

*Coloquintida.* K *ολοκυνθίς* Græcis, syluestris Cucurbita Latinis, Coloquintida barbaris & officinis, Germanis *Vulder Kurbisz* / vel *Coloquint* [Gallicè *des Coloquintes*] appellatur. Sic autem nominata est, quasi parua Cucurbita. Nam si eius fructum satius contuleris, quantitate longè minor erit, ac pilæ forma in orbem coactus.

## FORMA.

Viticulas foliaque per terram strata emittit, satius Cucumeri, ei nimirum quem Citrulū hodie officinæ vocant, similia, diuisuris scissa, fructum rotundum, mediocri pilæ similem, vehementer amarum, fungosa candidaque intus medulla: flores, quod Dioscorides omisit, pallescētes ac luteos, Cucumeri iam nominato similes.

## LOCVS.

In Germania sua sponte non nascitur, fata tamen prouenit, sed rarissimè perfectionem attingit, quod frigidior sit eius terra quàm quod in ea fructū proferre possit. In orientalibus enim & calidioribus locis nata ad nos defertur.

## TEMPVS.

Eius flores in fine ferè æstatis, fructus autem extremo autumnō apparent, qui primum quidem herbacei, mox pallidi fiunt. Legendi verò sunt cum cœperint in pallidiorem colorem demutari. Et durat integris natura & viribus ad quinque annos.

## TEMPERAMENTVM.

Calefacit & desiccāt in tertio ordine.

## VIRES. EX DIOSCORIDE.

Medulla fructus purgandi vim habet, quatuor obolorum pondere cum mulsā aqua sumpta, & cum nitro, myrrha & melle coacta in catapotium. Arsectæ pilæ tritæ, vtiliter miscentur clysteribus ischiadicorum, resolutionis neruorum, & colico dolore affectorum, pituitam, bilem & strigmenta, interdum etiam

etiam cruenta educentes. Appositæ foetus enecant. Dentium dolores, si quis repurget hanc, & luto oblinat, & in aceto nitroque inferuescat, & ad colluendos dentes det, tollit. Si verò quis aquam mulsam aut passum in ea decoxerit, & sub dio refrigeratum bibendum dederit, crassos humores & strigmenta purgat Stomacho supra modum aduersatur. Sedi etiam ex ea balani subiiciuntur, ad excrementa eiicienda. Quinetiam virentis succo, ischiadici vtiliter perfricantur.

## EX GALENO.

Colocynthis gustu amara est. Sed quæ amarissimo dū potatur adsunt opera medicamento, ea euidēter efficere nequit, ob purgatoriam facultatem quā validam in se continet, nimirum cum iis quæ expurgat, per aluum & ipsa excerni præuertēs. Viridis ipsius succus intritus ischiadicis prodest.

## EX PLINIO.

Herbacea arefacta per se inanit aluū. Infusa quoque elysteribus intestinorum omnium vitiis medetur, & renum, & lumborum, & paralyti eiecto semine. Aqua mulsā ī ea decoquitur ad dimidias, sic tussienti infunditur obolis quatuor. Prodest & stomacho, farinæ aridæ pilulis cū decocto melle sumptis. In morbo verò regio vtiliter semina eius insumuntur, & protinus aqua mulsā. Carnes eius cum absinthio & sale dentium dolorem tollunt. Succus verò cum aceto calefactus mobiles sistit. Itē spinæ & lumborum ac coxarum dolores, cum oleo si infricetur. Præterea, mirum dictū, semina eius si fuerint parū numero adalligata febribus, sanare dicuntur quas Græci periodicas vocant.

## DE COTONEA MALO.

## CAP. CXL.

## NOMI

# PLANTARVM HISTORIAE.

## NOMINA.

*υδωνία μύλια*, Græcis, Mâlus Cotonea & Cydonia Latinis, officinis Cîtonia, Germanis *Kuttenbaum* [Gallicè *Vne Coingnacièrè*] nominatur. Cydoniam verò Græci à Cydone Crète opido, vnde primum aduecta est, dixerunt. Cotonea verò à Sidonte Corinthi vico nominata est. Sunt tamen qui sic vocatâ velint, quòd mâla eius lana quadam tegi videantur, quæ cotton dicitur. Atqui in re non admodum magni momenti, parum refert vtrâ amplectaris sententiam.

*Cydonia  
unde di-  
cta.  
Cotonea.*

## GENERA.

Cotoneæ arboris mâla Dioscoride & Galeno auctoribus duûm sunt generum. Alia enim minora, rotunda, odoratioresque sunt, quæ vera Cotonea appellantur. Alia autem maiora, dulciora, ac minus acerba, Galeno in fine libri sexti de tuenda sanitate teste, Struthea nuncupantur.

*Struthea.*

## FORMA.

Arbor notior est quàm vt debeat repræsentari. Mâlo vulgari haud dissimilis est, nisi quòd infra magnitudinem illius subsidet, fructu scilicet incuruatos deprimente ramos, prohibenteque parentem crescere. Folium quoque eius angustius à terra albicat. Poma tenui lanugine pubescunt, & incisuris crispantur, vt pictura affabrè ostendit.

## LOCVS.

In cultis & hortis prouenit. Locum tamen peculiariter & frigidum & humidum desiderat. Si in calido statuitur assidua irrigatione illi succurri opus est: fert tamen mediocris situs, inter frigoris & caloris naturam, statum. Planis & decliuibus gaudet.

## TEMPVS.

Autumno poma eius maturescunt.

## TEMPERAMENTVM.

Mâla Cotonea frigido & terrestri temperamento donata sunt, propterque vincentem adstrictionem minus

minus cæteris mális húmida exístunt. Frígida itaq;  
sunt primo ordine, & sicca secundo.

### VIREs. EX DIOSCORIDE.

Cotonea stomacho accómmodata sunt, vrinam mo-  
uent. Tosta mitiora fiunt. Cæliacis, dysentericis, pu-  
rulenta excreantibus, cholericis prosunt, præfertim  
cruda. Maceratorum liquor potus stomachi atq; al-  
ui fluxionibus opitulatur. Succus crudorum assump-  
tus orthopnoëcis auxilio est. Decocto eorum sedes  
& vulvæ procidentes proluuntur. Quæ melle con-  
diuntur, vrinam cient, mel autem naturâ eorum in-  
ducit: quippe adstringens & conspissans obstruënsue  
fit. Quæ autem cum melle coquuntur, stomacho vti-  
lia sunt, & gustu iucunda, minus autem cōstringūt.  
Cruda cataplasmatibus miscentur ad cohibendam al-  
uum, cōtrâque stomachi subuersionem & ardorem,  
mammarum inflammationes, lienes induratos & cō-  
dylomata. Fit vinum ex iis tuis & expressis, sed quo  
perduret, sedecim sextariis succi, vnus mellis adiici-  
tur, alioqui acefcit. Prodest autem ad omnia quæ di-  
cta sunt. Vnguentum etiam ex ipsis cōficitur, quod

*Vnguentū  
Melinum.*

Melinum appellatur, quo vtimur quando adstringē-  
ti oleo opus est. Eligi oportet vera, quæ parua, rotū-  
da & odorata sunt. Struthea autē vocata & magna,  
minus vtilia. Flos & viridis & siccus cataplasmatibus  
vtilis, iis potissimum quæ adstrictionem desiderant  
conueniēs. Inflammationibus oculorum, sanguinis  
reiectionibus, alui fluxionibus, mensiumque impe-  
tui cum vino potus prodest.

### EX GALENO.

Eximiū quid Cotonea præ aliis mális possident:  
nā & plus adstringunt, & durabilē succum habent, si  
cocta cum melle asseruare quis cupiat. Alicum suc-  
cus repositus acefcit, vtpote frigida humiditate mul-  
ta redundans. Strutheorum quoque succus perenna-  
re potest vbi rectē fuerit preparatus, quēadmodū &  
Cotoneorum: verū hic minus suavis & iucundus

v

est, max

## PLANTARVM HISTORIAE.

est, maximeq; adstringit, ita vt huius quoque aliquādo vsus sit idoneus ad ventris maiorem in modum dissoluti robur restituendum.

### EX PLINIO.

Cotonea cocta suauiora. Cruda tamen dūtaxat matura, prosunt sanguinē excreantibus, ac dysentericis, cholericis, cœliacis. Non idem possunt decocta, qm̄ amittūt cōstringentem illā vim succi. Imponūtur & pectori in febris ardoribus, & tū decoquuntur in aqua, ad eadē quæ supra scripta sunt. Ad stomachi autem dolores cruda decoctæue cerati modo imponūtur. Lanugo eorū carbūculos sanat, cocta in vino, & illita cū cera. Alopeciis capillū reddūt. Quæ ex iis cruda in melle cōdiūtur, vrinā mouēt. Mellis autem suauitati multū adiiciūt, stomachoq; id vtilius faciunt. Quæ verò in melle codiūtur cocta, quidā ad stomachi vitia trita cū rosaceo foliis decoctis dant pro cibo. Succus crudorū lienibus, orthopnoicis, hydropicis prodest. Itē māmīs, cōdylomatis, varicibus. Flos & viridis & siccus, inflāmationib; oculorū, excreatiōibus sanguinis, mensibus mulierū. Fit & succus ex iis mitis, cū vino dulci tusus, vtilis & cœliacis & iecinori. Decocto quoq; eorū fouētur, si procidant vuluæ & interanea. Fit & oleum ex iis, quod Melinū vocauimus, quoties non fuerint in humidis nata. Minus vtilia Struthea, quamuis cognata.

### EX SIMEONE SETHI.

Stomachū adstringunt & corroborant, & ante cibum sumpta ventrem cohibent, vrinam prouocant. Si ad satietatem edantur, difficulter concoquuntur. Dulcia minus adstringunt, acida verò magis, vomitumq; compescunt. Post cibum sumpta ventrē mouent: sed quibus est imbecilla facultas ventris retentrix, & excretrix valida, plus cibi accipiant. Mansa à potu vini vaporē in caput distribui prohibent. Si qua prægna, vt fertur, crebrius hæc comedat, puerum industrium & versutum pariet.

DE CA.

DE CASTANEA. CAP. CXL I.  
NOMINA

ἀστάννα, ἢ διὸς βέλανος, ἢ σαρδιανὰ βάλανος,  
 K ἢ λόπιμον Græcis: Castanea, Sardiniana glās,  
 Iouis glās, Nuxq; castanea Latinis appella-  
 tur. Germanis nostris *Castani* vel *Kesten* [Gallicè *Cha-  
 staignier*] vocantur. Castaneæ autem à Castano Ma-  
 gnetiæ oppido, vnde primum aduectæ sunt, nomina  
 tas esse constat. Sardinianæ verò glandes, quoniam in  
 Sardinia optimæ nascantur.

*Castaneæ  
 unde dis-  
 tiæ.  
 Sardinianæ  
 glandes.*

## FORMA.

Arbor est vulgò cognita, Iugladi haud quaquam  
 dissimilis, folio tātum venosiore & fimbriato. Nux  
 quā producit intus solida, & plurimū plana, triplici  
 tegminis ambitu septa, membrana primum amara,  
 mox lento cortice, demum echinato calyce.

## LOCVS.

Puram & resolutā terrā desiderat, opacòq; & se-  
 ptentrionali cliuo lætatur. Montes & valles diligit.  
 In plerisq; Germaniæ locis copiosissima prouenit.

## TEMPVS.

Ineunte vere germinat, seriusq; Vergiliarum oc-  
 casu fructificat.

## TEMPERAMENTVM.

Adstringit & exiccat Castanea haud secus q̃ aliæ  
 glādes. Calida verò & sicca est primo ordine.

## VIREs. EX DIOSCORIDE.

Castaneæ adstringunt, eademq; quæ glādes pos-  
 sunt. Potissimum autem quæ inter carnem & corti-  
 cem membrana est. Caro his qui Ephemerum, hoc  
 est, Colchicon, biberunt, accommodata est.

## EX GALENO.

Castaneæ inter omnes glandes principatū tenēt,  
 solæque syluestrium fructuum alimentum memo-  
 rabile corporibus præbent.

## EX PLINIO.

Castaneæ vehementer sistunt stomachi & ven-  
 tris flu-



## PLANTARVM HISTORIAE

tris fluxiones, sanguinem excreantibus profunt, carnes alunt.

### EX PLINIO VALERIANO.

Castaneæ ex omnibus fortissimum quidem cibum corpori præstant, sed qui difficilè concoquatur. Coctæ autem in carbonibus, vel in fictili vase sicco assatæ, & cum melle ieiunis datæ, tussietibus profunt. Aqua in qua cum suo cortice decoquuntur, cœliacis, dysentericis, sanguinèq; excreantibus bibèda haud inutiliter propinatur. Interior membrana quæ corticem fructumque discernit, ad tertiam partem decocta in aqua & potui oblata, mirè aluum fluentem refrenat, adeò vt Dioscorides putet etiam cathartico dato, per hanc portionem iri obuiam posse, si plusquam necesse sit, purget.

### EX SIMÉONE SETHI.

Copiosum corpori alimentum præbent, tardè transeunt, & difficulter coquuntur. Crassum humorem, capitis dolorem, & flatus efficiunt, ventremque sistunt. Si torreantur, aut siccentur, multum nocu-  
menti deponunt.

### APPENDIX.

Capitis dolores creât. Inflationes pariût, cõcoctu difficiles. Tostæ tamen crudis innocentiores sunt. Arefactæ multû noxæ remittût. Tritæ cû melle & sale rabiosorum canû moribus inponûtur. Mâmarû duritias discutiunt, cum hordeaceo polline & aceto impositæ, iisq; vino maceratis, & cum farina subactis, pelli vice vtuntur ad suppressendos menses.

### DE CARYO BASILICO.

#### CAP. CXLII.

#### NOMINA.

ῥυον βασιλικόν Græcis, Regia nux & Persica, Iuglansq; Latinis: officinis Nux simpliciter, Germanis *Vuelschnusz* [Gallicè *Noix*].

*Carydun* appellatur. Κάρυον autè Græcis à capitis grauedine de Græci vocatâ esse notissimû est. Nâ folia arboris huius gra-  
uem ex-

uē expirant halitū, virēsque eius in cerebrum penetrant, atq; adeò eos sopore tentans lædit qui sub arbore decubuerint. Basilicā verò, Regiāmue & Persicā, eò quòd è Perside primum in Græciam à regibus delata sit, dictam esse constat. Juglandem à iu-  
uando & glande nominatam existimant.

*appellat  
runt.*

*Basilica et*

*Persica*

*cur dicta.*

*juglans.*

## F O R M A.

Arbor est prægrādis, multis prælōgisq; nixa radicibus, procero caudice, multis summatim ramis ingētibus brachiato, ad binūm ternūmque cubitorū cōplexus sæpius crassescēte, cortice hiulco, & in rimas altas dehiscēte, folijs latis, oblōgis, è iucūdo grauiter subolentibus, patulāq; iaculātibus vmbrā & insalubrē, per autumnū deciduis. Verni tēporis initio veluti quodā gestiēte foliorū cōceptu, panicula prælōga, collo squamatim cōpactili protracta, ordine nucis pineæ protuberat, dehiscitq;. Flauescēs statim q̄ frondem facere cœpit, nutans caducāq; prolabitur. Tum super ramenti huius pediculū flos erūpit, totidēmq; calyculacea tegumenta quot flores petiolo cōtrahuntur, singulīq; iis singulæ includuntur nuce, multis munitæ inuolucris, primū herbaceo cortice, mox ligneo putamine, dein tenui tunica. Crispi intus nuclei quadripartitò digeruntur, lignosa intercedente membrana.

*Vmbra iu  
glādis ar  
boris insa  
lubris.*

## L O C V S.

Montibus lætatur, aquāsque odit. Passim in omnibus ferè Germaniæ hortis prouenit.

## T E M P V S.

Germinat post afflatum Fauonij, nō cacumine, vt maxima pars arborum, sed lateribus impulso priore pullulo. Fructificat autumnō.

## T E M P E R A M E N T V M.

Huius temperamentum ex virium enarratione patebit. Virides verò nuce primo ordine siccæ, secundo verò calidæ censentur.

v iij

V I R E S.

# PLANTARVM HISTORIAE.

## VIRES. EX DIOSCORIDE.

Nuces iuglandes difficiles cōcoctu, stomacho in-  
utiles, bilem augent, capitis dolorem faciunt, tussie-  
tibus inimicæ. Ad vomitiones ieiunis in cibo vtilis.  
Præsumptæ & à cibo comestæ cū caricis & ruta le-  
talibus venenis aduersantur. Largius esitate latos lū-  
bricos pellunt. Illinuntur mammarū inflāmatiōi,  
abscessibus, luxatisq; cum exiguo melle & ruta. Cū  
cepa verò, sale & melle, canis hominisq; morfui con-  
ferunt. Tormina cum putamine suo crematæ & vm-  
bilico admotæ sedāt. Cortex cōbustus, tritūsq; in  
vino & oleo, infantibus inunctus capillos elegantes  
efficit, alopeciāsq; replet. Sistit menses crematū tri-  
tumq; & cum vino admotum quod intra nuces clau-  
ditur. Vetustarum autem nucum nuclei illiti, gan-  
grænas, carbunculos, ægilopas & alopecias cōman-  
ducati & impositi celeriter sanant. Fit etiā ex iis cō-  
tufis & expressis oleum. Recentes nuces stomacho  
minus nocēt, dulciores enim sunt. Quam ob causam  
alliis miscentur, vt acrimoniam auferant. Illitu liuo-  
res quoque tollunt.

## EX GALENO.

Arbor tum in germinibus, tū in foliis adstrictio-  
nem quandam possidet. Cæterū euidentem & plu-  
rimam in nucis putamine recenti & sicco: proinde  
eo fullones quoque vtuntur. At nos ea exprimētes,  
succo similiter vt mororum & ruborum decocto in  
melle, vt stomatico medicamento vtimur, & ad om-  
nia reliqua ad quæ modo dicti succi cōueniūt. Por-  
rò nucis ipsius quod edendo est, oleosum est & te-  
nuium partium, ideoq; etiam facile ¶ exprimitur: &  
quo diutius reconditum fuerit, magis tale efficitur.  
Quamobrem oleum ex eo inueterato exprimere li-  
cet: tunc sanè admodum discutiens fit, vt eo nonnulli  
gangrænas, & carbūculos, & ægilopas sanēt: nonnulli  
verò etiam ad nervos vulneratos vtuntur. Cæterū  
si recens sit adstringentis nonnihil qualitatis quo-  
que ob-

¶ Alijs  
ἐκχολού-  
ται, in bi-  
lem uerti-  
tur.

que obtinet. At quod imperfectum est etiā dum, & nōdum siccum, veluti reliqui fructus omnes qui virides sunt, plenum est semicoctæ humiditatis. Cortex tamē eius vbi inaruit, tenuium partium & excicatorium est medicamentum, morsus expers.

## EX PLINIO.

Arborum ipsarum foliorūq; vires, in cerebrū penetrant, hocq; minore momento, sed in cibis nuclei faciūt. Sunt autē recentes iucundiores, siccæ vnguiuosiores, & stomacho inutiles, difficiles cōcoctū, dolorem capitis inferentes, tussientibus inimicæ, & vomituris ieiunis aptæ in tenasmo solo: trahunt enim pituitam. Eadem præsumptæ venena hebetāt. Item anginam cum ruta & oleo. Item aduersantur cepis, leniuntq; earum saporem. Aurium inflammationi imponuntur cum mellis exiguo. Item cum ruta mammis & luxatis. Cum cepa autem & sale & melle, canis hominīsq; morsui. Putamine nucis iuglandis, dens cauus inuritur. Putamen combustum tritūmq; in oleo aut vino, infantium capite peruncto, nutrit capillum: & ad alopecias sic vtuntur. Quo plures quis nuces ederit, hoc facilius tineas pellit. Et quæ perueteres sunt nuces, gangrænis & carbunculis medētur. Item sugillatis. Cortex iuglandium lichenum vitio & dysentericis prodest. Folia trita cum aceto, aurium dolori. In sanctuariis Mithridatis maximi Regis deuicti, Cn. Pompeius inuenit in peculiari commentario ipsius manu compositionem antidoti, duabus nucibus siccis, Item ficis totidem, & rutæ foliis viginti simul tritis, addito salis grano: & qui hoc ieiunus sumat, nullum venenum nociturum illo die. Contra rabiosi quoque canis morsus, nuclei à ieiuno homine commanducati illiriq; præsentī remedio esse dicuntur.

## EX PLINIO VALERIANO.

Nux viridis, vtpote adhuc aquatioris humoris, styptica & frigida virtute censetur. Potest de-  
v iiii nique

nique & stomacho aliquid vigoris acquirere, & ventrem cū garo sumpta mollire. Nuces autē siccae, duræ, cū caricis duabus, & viginti rutæ foliis addito salis grano simul conteruntur, nullisq; venenis opprimi poterit ea die quisquis ieiunus accepit. Inter Calendas & Idus Iulij centum numero nuces statim ut arbori demptæ sunt, cortice adhærente quasiuntur: his admiscuntur aluminis scissi libræ tres, & in nouo fictili vase ponuntur: super hæc infunduntur olei boni libræ tres, & diligenter in loco neque humido, neque nimium sicco obruuntur, post nonaginta dies dabunt oleum, quod fluentium capillorum damna restituit.

## EX SIMEONE SETHI.

Virides ventrem mouent, quamobrem quidam ante cibum cum sapo comedunt. Facilius etiam quam amygdalæ concoquuntur, Aridæ in ore inflammationes & plagas efficiunt. Stomacho meliores fiunt, si cum caricis edantur. Ferunt etiam eum qui nuces cum caricis & ruta ante reliquos cibos esitauerit, non magnopere à venenatis medicamentis lædi. Concoquuntur facilè nuces in frigidis ventriculis, in calidis verò in bilem magis mutantur. Faucium & capitis dolorem afferunt, & tusses augment. Ante alios cibos sumptæ, vomitum adiuuant. Ad satietatem comestas, lumbricos educere scimus. Ad dentium pruritum vtilis sunt.

## DE CALTHA. CAP. CXLIII.

*Caltha seu calêdula nobis Soulsie à solsequo dicitur, quod nos cum solis ortu aperitur, & occasu clauditur.*

## NOMINA.

VO nomine Græci plātam hanc appellaue-

**Q**rint, fateor ingenuè mihi nondum cōstare.

Latinis autē dicta videtur Caltha vel Cal-

*Calêdula* thula, quam vocem deinde corrumpentes officinæ,  
*quare di-* in Calendulam immutarunt. Quanquam verissi-  
*sta.* mile etiam sit, sic nominatam esse, quod omnibus  
 mensum

mensium Calēdis fruticare comperiatur. Atq; hinc fit quòd nonnulli florem omnium mensium appellant. Germani *Ringelblumen*, [Gallicè *Soulsie*] vocant, ab intorto, & in circulum acto semine.

*Flos omnium mēsu.*

## F O R M A.

Herba est fruticosa, caule dodrantali, lignoso, foliis longiusculis, in angustum desinentibus, floribus speciosis. croceis luteisque, non ingrati, quamuis grauius odoris, qua dote in coronamenta venit: semine, cuius vagina scorpionis caudā imitatur: radice simplici, multo capillitio fibrata. Cur autem hanc herbam *Caltham* esse credā, facit inprimis *Plinius*, qui lib. xxi. cap. vi. *Caltham* odore grauem esse scribit. Dein *Virgilius* qui *Aegloga* secunda sic canit: *Mollia luteola pingit vacinia Caltha. Luteolam à luteo florum haud dubiè colore, nominans.*

## L O C V S.

Prouenit in cultis, atque vix hortum inuenies in quo copiosè nascatur.

## T E M P V S.

Singulis ferè mensium Calendis, vt diximus, florere deprehenditur, Maio incipiens mense: Magis autem autumnò eiusdem emicant flores.

## T E M P E R A M E N T V M.

Calidam & siccam esse statuunt, neque id immeritò, quandoquidem dulcedine modica cum amaritudine coniuncta participet.

## V I R E S. E X R E C E N T I O R I B V S.

Herba ipsa adhibetur condimentis & acetariis. Flos ex vino potus ciet menses: item herbæ succus, quo in dentium dolore os præsentaneo remedio colluitur. Non parum etiam eius flos ad flauos reddendos capillos conducit. Idem, perinde atque ipsa herba, secundas educit mirificè, si aridus suffitibus admotus fuerit:

## D E C A.

# PLANTARVM HISTORIAE.

## DE CARYOPHYLLATA.

### CAP. CXLIIII.

*Caryophyllata* quoddam radix siccata *Caryophylum* olet, nobis Sana munda ab effectis uocatur, acetariis etiam folio ex petita herba.

#### NOMINA.

*Caryo-  
phyllata*  
nō est *Lagopus*.

**Q** VALITER Græcis & antiquis Latinis scriptoribus hæc herba nominata sit, nondū compertum habeo. Cur enim Dioscoridis Lagopum non esse credam, etsi paniculum pedi leporino prorsus similem habeat, facit quod in manuscripto & peruetusto herbario seorsim descriptam & depictam utranque herbam viderim. Pictura autem Lagopi longè aliam herbam, quæ in segetibus nascitur, quàm sit *Caryophyllata*, exprimit: de qua suo loco dicemus. Neque desunt qui herbam hanc de qua agimus, Geum Plinio dictam velint, quorū certè sententia periculo vacat, quod eadem facultas utrisq; radicibus sit. Sed ad institutum reuertamur. Herbā quā recētiore Latini *Caryophyllatā*, ab odoris suauitate quā radices de se præbent, nomināt, vulgus herbam *Benedictā*, à diuina sua efficacia, & *Sanamundam* appellant. Germani *Benedictenwurtz*. [*Galli L'herbe benoitte.*]

*Benedicta  
Sanamunda.*

#### GENERA.

*Caryo-  
phyllata  
hortensis.*

*Caryo-  
phyllata  
sylvestris.*

Duo esse eius herbæ genera animaduerti, non tamen multum à se dissidentia. Primum genus *Caryophyllatam* hortensem vocauimus, cui ex cultura aliqua teneritas accedit in foliis, floribus & paniculis. Flos huic paulò minor & pallidior quàm sylvestri. Germanicè *Garten, oder heymisch Benedictenwurtz* appellari potest. Alterū huius herbæ genus *Caryophyllatā* sylvestrē diximus, quod scilicet citra culturam proueniat. Flores eius multò maiores, magisque ad croci colorem accedunt. Germanicè *Vuila Benedictenwurtz* nominari commodè potest. Dissidentiam tamen nemo rectius quàm ipsa pictura demonstrabit.

FOR.

## FORMA.

Caulis illi sesquicubitalis, geniculatus, angustus, terna è pediculo longo folia articulatim exeuntia, per ambitum serrata, bina etiam prioribus minora, singula genicula cingunt. E medio alarum sinu ramuli funduntur tenues, quibus in summis flos luteus emicat, quo succusso caput extuberat circinatis acinulis cumulatè stipatum, quasi rudimentum eluceat naturæ fragum inchoantis. Radix multis luteis capillamentis fibrata, Caryophyllon olet.

## LOCVS.

Primum in hortis plantatum prouenit. Alterum in montanis, opacis, & iuxta sepes nascitur.

## TEMPVS.

Floret Maio & Iunio mensibus.

## TEMPERAMENTVM.

Recentiores, & peruetustus etiam herbarius, calidam & siccam esse in secundo ordine statuunt. Folia sanè in gustu non mediocrem adstrictionem ostendunt. Radix itidem haud paruam adstrictione obtinet.

## VIRE. EX RECENTIORIBVS.

Radix eius luto & sordibus eluta ficcatur, & imbre aceti respersa arcas & vestes iucundo commendat odore. Decoctum huius sumitur ad perficiendas concoctiones, sedandòsque coli dolores. Radix eius pectoris laterisq, dolores & cruditates iucundo sapore discutit. Manuscriptus herbarius facultatè habere dissoluendi, digerendi, & obstructions tollendi scribit. Fomentum item ex vino decoctionis eius menses ciere. Contra venena tritam cum vino sumptam valere. Concoctionem præterea roborare, dolorem ventriculi & intestinorum à frigidityte aut flatibus ortum, decoctam in vino sanare ait. Mirificè etiam ad interna vulnera huius herbæ decoctum confert. Externa verò ex ea collui debent.

## DE GEN.



PLANTARVM HISTORIAE.  
DE CENTAVRIO MINO-  
RE. CAP. CXLV.

*Centaurium paruum nomen nobis retinet, Centore.*

NOMINA.

ενταύριον μικρόν, ἢ λιμνήσιον, καὶ λιμναῖον Græ-  
**K** cis, Febrifuga & Fel terræ Latinis, officinis  
Centauria minor, Germanis Klein Tausendt  
guldenkraut, Fieberkraut, Erdtgall, & Biberkraut, [Gal-  
*Centauriū* lis Centaure, ou Fiel de terre] appellatur. Centauri-  
*ande di,* um, quòd ea curatus dicitur Chiron Centaurus, cū  
*flum.* Herculis excepti hospitio pertractanti arma sagitta  
*Limnesū.* excidisset in pedem. Limnesion & Limnæum, quòd  
secundum aquarum scatebras ac paludes, quas Græ-  
*Febrifuga* ci λίμνες dicunt, nascatur. Febrifuga, eò quòd febres  
*Fel terræ* fugat, & procul è corpore pellat. Fel terræ, ob sum-  
mam quam habet amaritudinem.

FORMA.

Herba est Hyperico Origanoue similis, caulem  
habens altitudine supra dodrantem, angulosum.  
Flores in puniceo colore subpurpurascētes, ad Lych-  
nidis flores accedentes. Foliis parvis & oblongis ve-  
luti Rutæ, Semen tritico simile. Radicem exiguam,  
inutilem & leuem.

LOCVS.

Propter lacus & rigua loca, Dioscoride autore,  
nascitur. Apuleio vērò teste in solidis & fortibus  
quoque locis prouenit, id quod non raro in Germa-  
nia nostra accidere compertum habeo.

TEMPVS.

Floret æstate & autumno, quo maximè tempore,  
quia semine est prægnans, colligitur.

TEMPERAMENTVM.

In foliis & floribus vincit qualitas amara paulu-  
lum obtinens adstrictionis, atque propter eiusmodi  
temperamentum admodum exiccatorium est medi-  
camentum, expers mordacitatis.

VIRES

## VIREs. EX DIOSCORIDE.

Herba ipsa adhuc virens tusa & illita vulnera glutinat. Vlcera vetera purgat, & cicatrice obducit. Biliofa & crassa per aluum ducit. Decoctum eiusdem ischiadicis commodè infunditur, sanguiné educens, & à dolore leuās. Succus ad oculorū medicamenta perutilis, cum melle quæ pupillas obtenebrant expurgans. In pello admotus menses ac fœtus educit. Priuatim potus neruorum affectibus succurrit.

## EX GALENO.

Centaury minoris radix prorsus inefficax est. Ramis verò & potissimum folia quæ in iis sunt atq; flores, vtiliora. Vlcera magna herba ipsa adhuc recens illita glutinat. Vetera quoque & quæ ægrè ad cicatricem perducì possunt eodem modo vtentibus cicatrice obducuntur. Arefacta glutinatoriis & deficcatoriis miscetur facultabus, iis videlicet quæ sinus & fistulas sanare sunt natæ, & veteres durities emollire. tum vlcera maligna sanare. Miscetur etiam iis quæ rheumaticis affectibus medentur, in quibus ea medicamenta optima sunt quæ vehementer deficcantia cum quadam adstrictione nullā habent mordacitatem. Decoctum herbæ quidam Ischiadicis infundunt, ceu biliofa ac crassa ducens: nam & talia purgat. Quanquam quum adeò vehementer operabitur vt cruenta euacuet, tunc magis proderit. Succus porrò eius quum adsimilis sit facultatis, hoc est, exiccatoriæ & abstersoriæ, & reliqua iam dicta pulchrè efficere potest. Cum melle etiam oculis illinitur, mensesque & fœtum appositus in pello euocat. Sunt qui ipsum præbeant & iis quibus nerui affecti sunt, vt qui euacuet & deficcet innoxie quæ impleta sunt. Optimum etiam medicamentum est ad iecinoris obstructions soluendas. Bonum quoque lieni indurato foris impositū, & nihilo secius si quis bibere sustinuerit.

# PLANTARVM HISTORIAE.

## EX PLINIO.

Purgat aluum succus Centaurij minoris drachma in hemina aquæ cum exiguo salis & aceti, bilémque detrahit.

## DE CYAMO. CAP. CXLVI.

### NOMINA.

*ὕαμος* Græcis, Faba Latinis dicitur. Officinæ  
K Latinum nomen retinent. Germanis *Bonen*,  
[Gallis *Vne Febue*] appellatur.

### FORMA.

Sola Faba inter legumina sine adminiculo nititur, folio carnosio, Portulacæ simili, flore cristato, versicolore, partim albo partim purpureo, atris quibusdā maculis notato, quas M. Varro lugubres vocat literas: siliqua plerumque semipedali, fructu intus lato humani vngis effigie, colore non simplici, sed aut fuluo, aut nigro, iam verò etiam herbaceo & coccineo: radice singulari, lignosa, & capillata fibris. Quæ hic à quibusdā, quasi nostra non esset vera Faba, afferuntur argumenta, non tanti momenti sunt ut consultatione indigeant: constat enim nostram, eas quas veteres illi adscripserunt, habere notas & facultates. Non tamen negamus in diuersis terris maiorem aut minorem produci posse.

### LOCVS.

Passim in hortis sata prouenit. Latatur loco pinguisimo & stercoreato.

### TEMPVS.

Floret æstate.

### TEMPERAMENTVM.

Faba in refrigerando & exiccando ad mediā temperaturam propinquissimè accedit. Est itaque frigida & sicca in primo ordine.

### VIREs. EX DIOSCORIDE.

Spirituosa, inflans, concoctu pertinax, insomnia tumultuosa faciens. Tussi tamen confert, carnesque generat.

generat. Decocta in posca, & cum cortice comesta, dysenterias & cœliacas fluxiones sistit. Vtilis contra vomitiones in cibo sumpta. Minus inflat priore aqua in decoctione effusa. Viridis magis stomacho nocet, plusque inflat. Farina eius per se & cum polenta illita, ex plaga inflammationes mitigat, & cicatrices ad reliqui corporis colorem reducit. Mammis in quibus lac in grumos cogitur, & inflammatione laborantibus auxiliatur, lacq; extinguit. Cum melle & scængræci farina furunculos, parotidas, ac sugillata oculorum discutit. Cum rosa, thure, & oui albo, procidentes oculos, staphylomata & œdemata comescit. Macerata in vino suffusiones & ictus oculorum sanat. Ad sistendas fluxiones sine cortice commanducata fronti imponitur testium inflammationes in vino decocta sanat. Puerorum pubi illita diu impuberes seruat. Alphos exterit. Euulsos pilos vt non nutriantur & graciles fiant, cortices illiti efficiunt. Cû polêta, alumine & oleo veteri illiti strumas discutunt. Decoctum illorum lanas tingit. Factas ab hirundinibus sanguinis eruptiones, cortice ablato, Faba qua parte cohæret diuisa, si dimidia apponatur, comescit.

## EX GALENO.

Caro Fabæ paulum quid abstergentis facultatis continet, sicut cortex adstringentis: idcirco medicorum nonnulli totam Fabam cum polenta decoctam dysentericis, cœliacis & vomentibus exhibuerunt. Porro vt edulium flatulenta est, & coctu difficilis, vt si quid aliud. Excreationibus quidem ex thorace & pulmone idonea. Vt medicamentum verò foris imposita sine molestia exiccat. In podagricis ea sæpe numero vsi sumus ex aqua decocta, deinceps adipè suillum admiscentes. Ad neruorum tum contusiones, tum vulnerationes, farinam eius cû oxymelte imposuimus. Ad eos qui ex ictu iâ phlegmone occupabantur,

# PLANTARVM HISTORIAE.

cupabantur, cum polenta. Sed & testium & mammarum bonum est cataplasma. Nam hæ partes cum phlegmone tenentur, moderatè refrigerari amant, maximè cum mammæ ex lacte in ipsis cōcreto phlegmonen patiantur. Quin lac quoque ab eo cataplasmate extinguitur, sicut puerorum pubes farina fabacea illita plurimo tempore glabra permanet. Manifestè fabacea farina cutis sordes detergere conspicitur, quod intelligentes mangones, ac mulierculæ, in balnels quotidie hac vtuntur. Illinunt præterea & hac faciem quemadmodum ptisana: nam quæ in summa cute eminent lentes exerit, & maculas velut ex sole contractas.

## EX PLINIO.

Faba hebetare sensus existimata, insomnia quoque facere. Solida fricta, feruensq; in acri aceto coniecta, torminibus medetur. In cibo fressa, & cum alio cocta, contra deploratas tusses suppurationesq; pectorum, quotidiano cibo sumitur: & commendata ieiuno ore, etiam ad furunculos maturandos discutiendosue imponitur, & vino decocta ad testium tumores & genitalium. Lomento quoq; ex aceto decocto, tumores maturat atque aperit. Item liuoribus, combustis medetur. Voci etiam prodesse, autor est M. Varro. Fabalium etiam siliquarum cinis, ad coxendices, & ad neruorum veteres dolores, cum adipis suilli vetustate prodest. Et per se cortices decocti ad tertias sistunt aluum.

## DE CONSOLIDA MEDIA.

### CAP. CXLVII.

*Quam hic dat Consolidam mediam vulncribus glutinandis aptissimam, nouimus à media nobis dicta diuersissimam.*

### NOMINA.

INTER multas alias herbas quibus vul-

**I** nera glutinandi facultas inest, & hæc cuius picturam damus connumeratur. Hinc est

*Consolida  
media.*

quòd vulgus herbariorum illam Consolidam mediā nomi-

nominet. Qua etiam appellatione nos vti voluimus quòd nobis, quo nomine veteribus Græcis aut Latinis appellata sit, nondum constaret. Rectius tamē Solidago diceretur. Germanis *Gulde guntzel* nuncupatur.

## FORMA.

Caulē habet quadrangulū, lanuginosum, ex quo per intervalla folia bina ex singulis geniculis in extremitatibus laciniata, Menthæ similia emicāt. A medio caulis ad fastigium vsque ex singulis foliorum alis, flores sex aut septem in purpureo cœrulei exeunt. Radix illi subest lignosa, quæ multas à se exiguas radices capillamentorum instar per terram latē serpentes propagat.

## LOCVS.

Passim in pratis nascitur.

## TEMPVS.

Floret copiosē Maio mense.

## TEMPERAMENTVM.

Gustu adstringit & amara est, vt calidam & siccā esse nemo dubitare possit.

## VIRÆS.

Vulnera glutinat. Sanguinis grumos ex casu, vel contusionibus coactos in corpore difficit & dissoluit. Præfens remedium est aphthis & vlceribus in ore serpentibus. Decoctum eius tumoribus illitum eos dissipat. Vfus etiam eius ad intertrignes, vlcera pudendorū, & intestinorū exulcerationes prodest.

## DE CANNABE. CAP. CXLVIII.

## NOMINA.

Κανναβις Græcis, Cannabis Latinis, Barbaris & vulgò Canapus dicitur, Germanis autem *Hanff* [Gallis *Du Chanvre.*]

## GENERA.

Cannabis duo sunt genera. Vnā enim sativa est, quam Græci *σχαινός πορον*, quòd magni in vita vsus *σχαινός πορον* sit ad robustissimos iunes texendos. Germanis *Za-φον*.

# PLANTARVM HISTORIAE.

*merhanff* dicitur. Altera syluestris, quam Latini Terminalalem vocant, Germani *Vuildenhanff*.

## FORMA.

*Satiua Cā* Satiua Cannabis folia fert fraxino similia, grauis  
*nabis.* odoris, caules longos, inanesque, semen rotundum.  
*Syluestris* Syluestris verò virgas fundit Altheæ similes, nigriores, asperiores & minores, cubitali altitudine. Folia satiuae similia, asperiora & nigriora. Flores subrubros, Lychnidi similes. Semen & radicem Altheæ similia. Eius effigiem videre nobis nondum licuit.

## LOCVS.

Satiua in locis cultis sata prouenit. Syluestris in syluis & asperis locis, Apuleiôq; teste, iuxta semitas & sepes nascitur.

## TEMPVS.

Herba ad vsus medicos carpitur dum maximè vi-  
ret. Semen autem eius, Plinio autore. cum maturum  
est, id quod prope autumnæ æquinoctium accidit.

## TEMPERAMENTVM.

Admodum calefacit & exiccat.

## VIRE. EX DIOSCORIDE.

Satiuae maiori copia sumptum genituram extin-  
git, Ex viridi autem succus expressus, contra aurium  
dolores vtiliter instillatur. Syluestris radix decocta  
illitaque, inflammationes mitigat. Tumores discuti-  
tit, & callos dissicit. Huius cortex texendis funibus  
vtilis est.

## EX GALENO.

Cannabis semen flatus extinguit, adeoque desic-  
cat, vt si plusculum edatur genituram exiccet. Sunt  
qui ex viridi succum exprimentes, ad aurium dolo-  
res ab obstructione, vt mihi videtur, natos vtuntur.  
Semen etiam Cannabinum difficulter concoquitur,  
stomacho & capiti aduersatur, prauosque humores  
creat. Admodum excalfacit, ideoque caput æstuoso  
ac medicamentofo halitu sursum misso tentat.

## EX PLINIO.

Semen Cannabis extinguere genituram virorum  
dicitur.

dicatur. Succus ex eo vermiculos auriū, & quodcunque animal intrauerit, eiicit, sed cum dolore capitis. Tantaq; vis ei est, vt aque infusa, coagulare dicatur, & ideo iumentorum aluo succurrit pota in aqua. Radix contractos articulos emollit in aqua cocta. Item podagras & similes impetus. Ambustis cruda illinitur, sed sæpius mutatur priusquam areseat.

## EX SIMEONE SETHI.

Semen Cannabis cōestum idem nocuentū quod Coriandrū affert: immodicè enim si estur, vt illud, delirium facit. Folia verò arida pota, veluti farina, aut magis pro potione hæc farina exiccata, ebrietatem quandam hospitalem facit, & quæ ab hauriente non sentiat. Apud Arabas enim pinfitur, subigitur pro vino, & inebriat. Desiccatur verò semen genitale vt Caphura.

## APPENDIX.

Quum ex iam dictis constet Cannabinum semen caput facilè tentare, atque adeo lædere, imprudenter faciunt, qui vulgi errorem sequentes, in morbis, iisq; maximis, capitis ex hoc semine confecta iuscula ægrotantibus magno eorum malo exhibent.

## DE CARDIACA. CAP. CXLIX.

Cardiaca nobis Agria palma, haud scio qua ratione dicitur, nisi fortè à rudi foliorū fissura tanquā in digitos, à qua sed perfectiore ricinus, uulgo etiā Palma Christi nuncupatur: Amara sorba in hortis sponte sua passim luxurians.

## NOMINA.

VO nomine herba hæc veteribus sit appellata, nondū nobis constat. Nostri tamē tēporis herbarij Cardiacā vocant. Germani Hertzgsspan, oder Hertzgssper. Cardiaca verò lianddubiè à recetiorib. nominata est, quòd cordis palpitationi, quā illi perperam καρδιακὴν appellāt, mirificè cōferre videatur. Alia est hæc à Ballote, de qua suo loco diximus.

## FORMA.

Cardiaca caulem ex se mittit quadrangulum, geniculatum, nigrum: folia laciniata, nigra, per inter-



# PLANTARVM HISTORIAE

ualla in caule ex singulis geniculis prodeuntia: flores in candido purpureos orbiculato ambitu caules circumiacentes: radicem luteam, intortā, capillamentis fibratā.

LOCVS.

Passim in rudibus & circa sepes nascitur.

TEMPVS.

Iulio mense floribus abundat.

TEMPERAMENTVM.

Amara admodum existit, vt hoc nomine calidam esse in secundo ordine, & siccam in tertio constet.

VIRE.

Recentiores rectè contra cordis palpitationem, conuulsionem, & resolutionem conducere tradunt: potest enim quum amara sit herba, sua caliditate & siccitate crassos humores qui in venis & aliis partibus, neruosis potissimum, sunt, incidere, extenuare, & discutere. Hac etiam ratione morbo comitiali confert, vrinas mouet, & menstrua educit, aliasque facultates quas Galenus lib. iij. de Simp. med. facul. cap. xvij. amaris tribuit, obtinet.

DE CARO. CAP. CL.

NOMINA.

*Carui.* K *αῖος* Græcis, Caron vel Careū Latinis, officinis Carui nominatur. Germanis *Matkumich*, oder *Vuysenkumel*, [Gallis *Des Carot-Careū* *unt* *tes*] dicitur. A Caria fortè regione, in qua laudatissimum nascitur, appellationem accepit.

FORMA.

Caules emittit quadrangulos ab vna radice multos, folia Staphylini, flores candidos, & in caulium summo semen angulosum ac copiosum, radicem oblongam & luteam.

LOCVS.

Passim in pratis Germaniæ nostræ provenit. Optimum tamen est quod in Caria, vt diximus, nascitur.

TEMPVS.

Iunio mense floribus & semine prægnans est.

TEM-

## TEMPERAMENTVM.

Cari semen calfacit & exiccat tertio quodammo-  
do ordine, moderatè acrem qualitatē possidens.

## VIRE. EX DIOSCORIDE.

Semen Cari calfacit, vrinam cit, Stomacho & ori  
gratū accōmodūmq; Cōcoctiones adiuuat. Antido-  
tis & oxyporis vtiliter miscetur, Aniso proportione  
respondens. Radix elixa Pastinacæ syluestris modo  
edendo est. EX GALENO.

Flatus extinguit & vrinā ciet, non semen tantū,  
sed & planta.

DE CARYO PONTICO. CAP. CLI.  
NOMINA.

ἀρύα ποντικά, ἡ λιπτοκάρυα Græcis: Auellanae.  
K lanæ nuces, & Prænestinæ Latinis, Haselnusz  
Germanis, [Gallis Noysette, ou Aueline] no-  
mina eū. Ponticæ autem vocantur, quòd in Asiam  
Græciamquæ è Ponto venerunt. Paruæ, quòd Iugla-  
dibus minores sint. Pōticæ quæ  
re uocatæ  
Paruæ.

## GENERA.

Duo eius sunt fastigia. Vna enī est syluestris, quā  
priuatim Germani nostri Haselnusz nominant. Al-  
tera verò vrbana seu domestica, quā iidem Rotnusz,  
eder Rurnusz appellant.

## FORMA.

Corylus arbor in qua Auellana nux prouenit,  
caudice est multis internè stolonibus fruticante, su-  
pernè ramis brachiato, virgis brenibus, sine alarum  
finu enodibus, crassiq; nonnullis, foliis ab vna par-  
te nigris, altera verò subalbis, per ambitum serratis,  
materia admodum lenta, cortice summo tenui, pin-  
gui, maculis albis vario, medulla tenui & flaua. Non  
flore, sed floris vice quidam in eo peculiares cōpa-  
ctili callo racematim cohærentes, & veluti prælōgi  
vermes singulari pediculo penfiles iuli erūpunt, qui  
ineunte vere dehiscunt ac defluūt cū folia profiliūt,  
ac tū calyculacea tegumenta totidē summatim fim-  
briata

Corylus.

Iuli.

## PLANTARVM HISTORIAE.

Domestica.  
ca.

briata, quot iuli supra pediculum exeunt, eorūq; singulis nuces singulæ insunt. Domestica non differt à sylvestri, nisi quòd eius foliū maius, & caudex procerior, melior fructus, rubra membrana inclusus.

### LOCVS.

Gaudet argillosis & vliginosis locis: nascitur itaque in plano. Nemora etiam & montes Corylis vestiantur.

### TEMPVS.

Autumno leguntur Auellanæ nuces.

### TEMPERAMENTVM.

Tum cortex, tum planta, tum fructus gustanti austerior quàm Iuglans apparet, plus itaq; habet essentiae terrestris & frigidae. Simeon Sethi calidas & humidas esse Auellanas asserit.

### VIRES. EX DIOSCORIDE.

Stomacho aduersantur Auellanæ. Tritæ in aqua mulsa, & potæ veterem tussim sanant. Tostæ verò & cum exiguo pipere comestæ destillationem maturan. Totæ crematæ, tritæ cum axungia aut seuo vrsino & inunctæ, alopecias explent. Ferunt aliqui vsta earum putamina, & in puluerè redacta cum oleo cefiorum oculorū pupillas infantibus denigrare, peruso syncipite.

### EX GALENO.

Valentiores sunt Auellanæ quàm Iuglandes: nam densior strictiorq; his est substantia, ac minus oleosa. Cætera magnæ nuci similia sunt.

### EX AETIO.

Auellana, quæ & Nux pontica nuncupatur, quòd in Euxino ponto frequens sit, præter quod frigidior, austerior, terrestriorq; est, in reliquis Iuglandi assimilatur. Comesta dolorem capitis inuehit.

### EX SIMEONE SETHI.

Magis nutrit quàm Iuglandes nuces, difficiliusque concoquuntur. Inflationes faciunt, & vt quidā aiunt, ieiunum intestinū lædunt. Facilius autē concoquuntur, minusq; ventrè sistunt, si interior earum cortex

cortex abiiciatur. Dicitur quòd si quis ante reliquos cibos cum ruta sumpserit, huic neq; morsus, neq; venena officere illo die posse, & scorpiones ab ipso fugere. Sumptæ cum caricis, iam à scorpione iectos iuant. Ad aciditatem à nigro humore exiccatam omnino confert.

## DE CENTVM MORBIA.

## CAP. CLII.

*An hæc Centummorbia sit vulgò dictum & putatum gra-  
men Parnasi explora.*

## NOMINA.

VIC herbæ, vt aliis multis, nomé aliud im-

H ponere non licuit, quàm, quo vulgò hodie ap-  
pellari solet, Centummorbiæ. Sic autem haud *Centum-*  
dubiè à chirurgis, qui illa quotidie vtuntur, à mirifi- *morbiam*  
ca sua quam in plurimis vlceribus medendis obtinet *de dicta.*  
facultate, dicta est. Sunt qui à foliorum similitudine,  
quæ nummi speciem referunt, Nummulariâ vocant. *Nummu-*  
A nonnullis Hirundinaria, quòd passim terræ hiru- *laria,*  
dinis instar affixa sit, dicitur. Nec desunt qui Serpē-  
tariâ appellent, quòd cōpertū sit serpentes hac her-  
ba si vulnerentur sibi mederi. Germanicè Egelkraut,  
oder Klein Naterzung, oder Pfennigkraut nominatur.

## FORMA.

Serpit per terram, exiguisq; radiculis è coliculis  
latis prodeuntibus nititur. Folia habet ex utroque  
caulis latere rotunda, pinguiâque: flores luteos.

## LOCVS.

Prouenit in locis humidis, potissimum verò circa  
fluenta.

## TEMPVS.

Maior mense apparet, Iulio autem floret.

## TEMPERAMENTVM.

Gustu admodum adstringit, vt hinc constet secun-  
di aut tertij ordinis exiccantium esse herbam.

## VIRE S.

Huius flores & folia trita adeò desiccant adstrin-  
gūtq; vt quæuis vlcera glutinare valeāt. Ideoq; pota

# PLANTARVM HISTORIAE.

eum vino dysenterias, ventris imbecillitates fluxusq;  
ac humiditates sanant. Cataplasmatibus ritu illita vl-  
cerú putredinosa iuuât. Profunt etiâ ad sanguinis re-  
iectiões, profluuia muliebria, & ad omnia interanea  
vulnera & vlcera, potissimum pulmonis. Externis e-  
tiam vlceribus summè confert, si vino in quo herba  
hæc decocta est, lauentur atque abstergantur.

## DE COCCIMELEA. CAP. CLIII.

### NOMINA.

*κυκμιμλία* Græcis, Prunus Latinis & offici-  
nis, Germanis eius arboris fructus *Pflaumen*,  
*oder Prumen*, [Gallis *Vng Prunier*] dicuntur.

### GENERA.

*Satiua* Duo sanè prunorum habentur genera. Vnum sa-  
*Panna.* tiuorum, in quo genere sunt nigra, candicantia, ver-  
ficoloria, cerea, hoc est, ex candido in luteum pallef-  
centia, purpurea, Damascena, & si qua sunt alia. Al-  
rerum syluestrium, quæ Galeno lib. ij. de alimento-  
rum facultatib. ἀγριοκυκμιμλία, & in Asia προῦμνα,  
*Pruncola.* Pruncola siue Prunula vulgò nominantur, Germa-  
nicè *Schlehen*. Caue eorum amplectaris sententiam,  
qui Poterium esse putant: neq; enim facultates, neq;  
notæ Prunulis respondent.

### FORMA.

Prunus arbor est radicibus summo cespite vagan-  
tibus paucis, caudice subrecto, scabro, multis bra-  
chiato ramis, folio ex oblôgo ferè rotundo, per oras  
minutim serrato, flore cádido, foliato, pomo, carne,  
cutèq; vestito, ossè intus duro in quo nucleus inclu-  
ditur.

### LOCVS.

Satiua Prunus in hortis nascitur. Damascena in  
Damasco Syriæ, à quo cognominata sunt. Syluestris  
autem passim in sepibus reperitur.

### TEMPVS.

Satiua in æstate poma sua profert, syluestris au-  
tem autumnò.

TEM-

## TEMPERAMENTVM.

Satiuæ pruni fructus mediocriter humectant & refrigerant. Syluestris adstringunt, vt fusius ex eorundem facultatibus innotescet.

## VIREs. EX DIOSCORIDE.

Eius pomum estur, stomacho tamen aduersatur. Aluum mollit. Syriaca autem pruna, & præsertim in Damasco genita, exiccata stomacho vtilia sunt, & aluum cohibent. Folia in vino decocta & gargarissata columellam, gingiuas, & tonsillas fluxione laborantes reprimunt. Præstant idem & syluestrium Prunorum fructus cum maturuerunt siccati. Cum sapa decocti stomacho vtiliores, & ad cohibendam aluum aptiores redduntur. Gummi Prunorum glutinat. Potum in vino calculos conterit. Ex aceto illitum, impetigines infantium sanat.

## EX GALENO.

Pruni fructus ventrem subducit, recens quidem plus, aridus verò minus. Cæterum Dioscorides, haud scio cur, Pruna Damascena siccata ventrem sistere ait, quum tamen & ipsa palam etiam subducant, minus tamen iis quæ importantur ex Iberia. Damascena quidem magis adstringunt: at quæ Iberia fert, dulciora sunt. Quin & ipsæ arbores fructibus proportionem respondent: minus enim astringunt quæ in Iberia nascuntur, magis verò quæ Damasci. Porro vt in summa dicam, quarum in foliis aut germinibus adstrictio quædam inesse apparet manifesta, iis decoctis phlegmonæ in columella aut tonsillis existentes colluuntur. Syluestrium fructus euidenter adstrictorius est, ventremque sistit. Gummi autem arboris sunt qui dicant cum vino potum lapides confringere, cum aceto verò puerorum sanare impetigines. Ac si id præstat, clarum est incidendi tenuandique illi facultatem inesse. Rarò fructum hunc austerum aut acidum, aut omnino iniucundum inuenias, vbi exactam maturitatem fuerit affecutus. Priusquam enim

## PLANTARVM HISTORIAE.

enim eò perueniat, nullus est fermè qui nō acoreo,  
aut acerbitem præ se ferat: est qui & amaritudinē.  
Proinde ex hoc fructu minimum alimenti corpus  
accipit. Verū quum humectare & refrigerare me-  
diocriter ventrem statuemus, vtilis erit: quem sub-  
ducit humiditatis & lentoris sui gratia. Prunis por-  
rò æquē ac ficibus cōcessum est, vt vel exiccata vti-  
lia permaneāt. Damascenis prima laus bonitatis ma-  
gna hominum opinione defertur. Proxima iis quæ  
in Iberia & Hispania proueniunt. Probatissima in  
Damascenis sunt, quæ cū mediocri adstrictione ma-  
gna laxaque sunt. At parua, dura, acerbāque, & in ci-  
bo permolesta, & ventri subducendo minus idonea,  
cui officio Iberica maximè conueniunt. In melicra-  
to plus mellis habente, abundè ventrem molliunt,  
etiā si sola comedantur, & multo magis si melicra-  
tum ipsum subforbeatur.

### EX PLINIO.

Pruni folia decocta tonsillis, gingiuis, vuæ pro-  
sunt in vino decocta, & subinde ore colluto. Ipsa  
Pruna aluum molliunt. Syluestrium quidem Pru-  
norum bacca, vel è radice cortex, in vino austero si  
decoquatur, ita vt triens ex hemina supersit, aluum  
& tormina sistunt. Satis est singulos cyathos deco-  
cti sumi. Et in iis & satiuis Prunis est limus arborū,  
quem Græci Lichena appellant, rhagadiis & cōdy-  
lomatis mirè vtilis.

### DE CONIO. CAP. CLIIII.

*Cicuta nobis est maior, cuius caule cauo quod bibant rustici,  
ei, bibeul dicitur: Gall. Cigue. Alia est minor, odore nō ingrato,  
tenera multū, Cætera priori similis quæ arbore scit terra pin-  
gui.*

### NOMINA.

ὠνυον græcè, Cicuta Latinis & officinis, Ger-  
manis Vutzerling / Vundtscherling / Schirling /  
oder Vuterich / [Gallicè Cigue] quasi tyrannus  
dicitur, quod scilicet hominem interficiat: si intra  
corpus sumatur. Hinc est quod Athenienses eius suc-  
co in

co in interimendo sapientissimo philosopho Socrate, quem falsò Anytus & Melytus quasi parum rectè de Diis sentiret, accusarunt, vñ sunt.

## F O R M A.

Caulem profert geniculatū Fœniculi modo, magnum. Folia ferulæ, vel, vt Plinius ait, Coriandro similia, angustiora tamen & graucolentia. In cacuminibus adnascentes ramulos & vmbellâ. Florem subalbum, semen Aniso simile, albidius tamen. Radicē concauam nec profundam.

## L O C V S.

Passim in pratis, locis incultis, & vmbrosis nascit̃.

## T E M P V S.

Iulio mense flores & semina profert.

## T E M P E R A M E N T V M.

Summam habet refrigerandi vim Cicuta, atque adeò venenum est.

## V I R E S. E X D I O S C O R I D E

Inter letalia cõnumeratur Cicuta, sua frigiditate enecans. Remedio est meraci vini potus. Succus exprimitur ex eius cacuminibus contusis, priusquam semē & coma areseat, expressusq; iñ sole desatur. Multus aridi ad medēdi rationē vsus est. Miscetur vtiliter collyriis, quæ leuandi doloris gratia adhibētur. Herpetas & erysipelata illitus restinguit. Herba cū coma trita & testibus circumlita, libidinum in somno imaginationibus auxiliatur, sed genitalia illita resoluit, languidâque reddit. Lac extinguit, mammas in virginitate increescere prohibet. Puerorum testiculos tabescere facit.

## E X P L I N I O.

Cicuta venenum est, publica Atheniensium pœna inuisa, ad multa tamē vsus non omittēdi. Semini & foliis refrigeratoria vis, quæ si enecat, incipiūt algere ab extremitatib. corporis. Remedio est, priusquā perueniat ad vitalia, vini natura excafactoria. Sed in vino pota, irremediabilis existimatur. Succus  
exprimi-



# PLANTARVM HISTORIAE.

exprimitur foliis floribusque: tunc enim maximè tēpestius est & melior. Semine trito expressus, & sole densatus in pastillos, necat sanguinem spissando. Hæc altera vis. Et ideo sic necatorum maculæ in corporibus apparēt. Ad dissoluenda medicamenta vtūtur illo pro aqua. Fit ex eo ad refrigerandum malagma. Præcipuus tamen est ad cohibendas epiphoras æstiuas, oculorumque dolores sedandos circumlitus. Miscetur collyriis, & alios omnes rheumatismos cohibet. Folia quoque tumorem omnem dolo-remque & epiphoras sedant. Anaxilaus autor est, mammas à virginitate illitas, semper staturas. Quod certum est, lac puerperarū mammiis imposita extinguit, venerēq; testibus circa pubertatem illita.

## DE CYNOGLOSSO OFFICINARVM. CAP. CLV. NOMINA.

*Lingua ca-  
nina.*

Κυνόγλωσσον Græcè, Latinè *Lingua canina*: officinæ Græcam appellationem retinuerūt, Germanicè *Hundsz Zung* [Gallicè *Langue de Chien*] appellatur. Animaduertendum tamen nos non temerè adiecisse officinarum: neque enim Dioscoridis damus Caninam linguam, quæ vidua caule est, & viribus etiam ab hac nostra diuersa.

*Dioscori-  
dis Cyno-  
glosson.*

## FORMA.

Caulem obtinet cubitalem, & interdum longiorem, hispidum, furculosum: folia angusta, prælonga & lanuginosa, non venosa, molliāque: florem primū purpureum, dein cœruleum, stamina habentem purpurea: radicem oblongam, & profundè terram penetrantem.

## LOCVS.

Passim circa itinera prouenit.

## TEMPVS.

Iunio & Iulio mensibus floret.

## TEMPERAMENTVM.

Recentiores herbarij frigidam & siccam esse statuunt in ordine secundo.

## VIRE S.

## VIRE S.

Oris & aliis maleficis vlceribus medetur. Dysenteria etiam prodest. Debet itaque illius herba vsus esse in omnibus vlceribus, vulneribus, scabie Hispanica, & similibus morbis. Auxiliatur etiam gonorrhoeae & destillationibus: atque hinc est quod catapottiorum compositioni, quorum nomenclatura est ad omnes morbos catarrhi, aut de Cynoglossa, admisceatur.

*Catapottia  
de Cynoglossa.*

## DE CNICO. CAP. CLVI.

## NOMINA.

*vikos* Graecè, Cnicus & Cnecus Latinè nominatur. Officinæ Cartamū & Crocū hortensem appellāt. Germani *Vuilden garten-saffran* [Gallicè *Safran saulage*] ad differentiā Atractylidis, de qua suprà dictum est.

*Cartamus.  
Crocus  
hortensis.*

## FORMA.

Folia habet oblonga, incisuris diuisa, aspera, aculeata. Caules cubitales, in quibus capita oliuæ magnitudine. Florem similem Croco, semen candidum & rufum, oblongum, angulosum.

## LOCVS.

Nascitur in hortis & agris satus.

## TEMPVS.

Floret Iulio & Augusto mensibus, ac subinde semen etiam profert.

## TEMPERAMENTVM.

Tertij est ordinis excalefacientium eius semen, si quis foris eo vti volet.

## VIRE S. EX DIOSCORIDE.

Huius flore vtuntur in opsoniis. Semen tunditur & ex eo exprimitur succus, qui cū hydromelite aut gallinaceo iure datus aluum purgat. Stomacho tamen aduersatur. Fiunt etiam placenta quæ aluum emolliunt, si succus eius amygdalis, nitro, aniso, & melli cocto misceatur. Oportet autem ante cœnam in partes quatuor diuisas Iuglandis nucis quātitate duas

# PLANTARVM HISTORIAE.

te duas aut tres sumere. Eas hoc modo conficere oportet. Sumatur Cnici cādidi sextarius, amygdalarum tostarum & decorticatarum cyathi tres, anisi sextarius vnus, aphronitri drachma vna, caricarum triginta carnes. Seminij succus lac cogit, & ad soluendum aluum efficacius efficit.

## EX GALENO.

Cnici semine duntaxat ad purgationes vtimur.

## DE CENCHRO. CAP. CLVII.

### NOMINA.

*Miliū unde dictum* K *Ἰνχος* Græcis, Miliū Latinis & officinis, Germanis *Hirsz* [Gallicè *du Mil, ou du Millet*] appellatur. Nomen, Festo autore, à miliaria summa deriuatum.

### FORMA.

Frumenti genus stipula cubito altiore, geniculata, folio arundinaceo, semine in iuba tereti & pendulo, folliculo concluso, radice numerosa, capillata, ac multiplici fruticante culmo.

### LOCVS.

Satum in aruis prouenit. In frigido & aquoso solo prius ferendum, postea in calido præcipiūt. Gaudet solo limoso vliginosoque.

### TEMPVS.

Augusto mense demetendum.

### TEMPERAMENTVM.

Miliū primo ordine refrigerat, exiccat autem tertio exoluto, aut certè secundo intenso. Paululum etiam tenuium est partium.

### VIRES. EX DIOSCORIDE.

Minus cæteris frugibus alit. In panes autem coactum, aut tanquam puls confectum aluum sistit, vrinam autē mouet. Tostū verò saccis inditū & fomēti loco appositū, torminibus & aliis doloribus auxilio est.

### EX GALENO.

Miliū vt ferculum comestū inter omnia frumēta edulia minimum nutrimenti confert. Sed & ventrem

ventrem deficcet. Porro foris impositum in sacculis idoneum est fomentū iis quæ citra morsum exiccari postulant. Cataplasmatibus etiam modo illitum exicare potest, attamen admodum friabile est, proinde difficilis est eius in cataplasmatibus usus. Panis *Panis ex milio* ex milio exigui est alimenti & refrigerantis. Cōstat insuper præaridum & instar arenulæ aut cineris friabilem esse: caret enim penitus glutinoso pingui: iure itaque aluum humentem deficcet. Milium tamē ad omnia panico præstantius, nam & suauius editur, facilius concoquitur, ventremque minus cohibet, ac magis nutrit. Huius farinam lacti incoctam estant, veluti triticeam agricolæ: clarumque est id edulij tanto quàm illa quæ per se sola sumuntur melius esse, quanto lac milij natura ad boni succi procreationem, aliâque omnia eminentius habetur. Dico autem alia omnia, cōcoctionem, ventris subductionē, in totum corpus distributionem, adeoque ipsam in edendo suauitatem ac voluptatem.

## FX PLINIO.

Milio sistitur aluus, discutiuntur tormina, in quæ usum torretur antè. Neruorum doloribus & aliis feruens in sacco ponitur, neque aliud vtilius, quoniam leuissimum molliissimumque est, & caloris capacissimum. Itaque talis usus eius est ad omnia quibus calor profuturus est. Farina eius cum pice liquida serpentium & multipedæ plagis imponitur.

## EX SIMEONE SETHI.

Difficulter concoquitur, ventrem sistit parumque nutrit. Iuuat eos qui refrigeratione & exiccatione ventriculi indigent. Sumptum cum lacte, vel amygdala thassia facilius concoquitur, & humidius fit.

## DE CRAMBE SATIVA.

## CAP. CLVIII.

Brassica nobis à caule insigni & arboreo caulis dicitur. Ea nobis multiplex magis est quàm quæ hic scribitur & pingitur.

NOMI.

# PLANTARVM HISTORIAE.

## NOMINA.

**K** ράμνη ἡμερος Græcè, Brassica sativa Latinè,  
officinis & vulgò Caulis, Germanicè Kol  
[Gallicè *Des Chauls*] appellatur. Cràbe Græ-  
cis dicta censetur quasi κοράμβη, quòd pupillas ocu-  
lorum, quas Græci κόρας vocant, obtundat, hebetet-  
que. In qua certè sententia fuisse Columellam hoc  
eius de cultu hortorum carmen testatur:

*Nunc ueniat quamuis oculis inimica Corambe.*

Attici integro nomine κοράμβη protulerunt, alio  
sed potiore etymī sensu, quasi κορῶ ἄμβῃ, vel rectius  
ἐντίβῃ, id est, crapulæ satietatiq̃ue contraueniat. Nā  
vino aduersatur, vt inimica vitibus. Antecedens in  
cibis ebrietatem arcer, & postea sumpta crapulam  
discurit.

## GENERA.

Et si plurima sint Brassicæ genera, vt ex veteribus  
rei rusticæ scriptoribus liquet, quatuor tamen dun-  
taxat, quæ hodie vsitatæ sunt, producemus: quarum

**Brassica**  
**leuis.** vna Græcis λεία, hoc est, leuis nominatur, gradibus  
& latis foliis, caule magno: Germanis *breiter oder*  
*grosser Kol* vocatur. Altera crispa, quæ à similitudine

**Apiana.** apij σελινόειδης, id est, Apiana nuncupatur. Vulgò  
crispus caulis, Germanicè *krauser Kol*. Tertia pro-

**Crambre.** priè vocatur Crambe, minutioribus caulibus, & te-  
nuioribus foliis, flore luteo, Germanicè *kleiner Kol*,  
vt ab aliis discernatur, nominari potest, aut simpli-

**Capitata.** citer & sine adiectione Kol. Quarta sessilis est, folio  
& capite patula. Vulgus caputos caules, quasi capi-  
tulos appellat, quoniam in capitis formam extu-  
berant. Folia enim horum in orbem glomerātur, ex-  
terius callosa & p̃er ambitum rugata, multis intus  
carinarum voluminibus, externis semper interiora  
ecomplectentibus. Huc alludentes Germani *Cappisz-*  
*kraut* vocant. Nonnulli à candore foliorum Brassi-  
cam albam, & caules albos appellare maluerūt. Hoc  
genere Brassicæ in plerisque Germaniæ partibus,  
Boioaria

Boioaria potissimum, per integrum anni curriculū  
quotidie viciant, quòd illic eius prouentus sit  
vberimus.

## FORMA.

Caule est Brassica leuiter rubēte, crasso, folio præ  
grandi, carnosio, ex cæsis candicante, in latus vtrin-  
que diffuso, prominulis venarū toris fruticāte, cyma  
patula, flore tum luteo, tum albo, semine in siliquis.

## LOCVS.

In hortis hodie passim proueniunt Brassicæ. Fri-  
gidis verò & pluuiis regionibus positio earundem  
optima.

## TEMPVS.

Augusto mense potissimum florēt, ac subinde se-  
men etiam proferunt.

## TEMPERAMENTVM.

Brassica tum māducata, tum foris imposita exic-  
cat. Sicca verò & calida primo ordine.

## VIREs. EX DIOSCORIDE.

Brassica satiuā aluo est idonea, si leuiter feruefa-  
cta edatur. Percocta verò aluum sistit, & multo ma-  
gis bis cocta, & in lixiuio decocta. Aestiuā stoma-  
cho nocet & acrior est. In Aegypto propter amari-  
tudinē nō estur. Obscuritate visus laborātibus &  
tremulis comesta auxiliatur. A cibo sumpta ex cra-  
pula & vino noxas restinguit. Cyma eius stomacho  
vtilior, sed acrior, & ad ciēdā vrinā validior. Cōdita  
sale stomacho inimica est, aluūq; cōturbat. Crudus  
eius succus cū iride & nitro deuoratus aluū mollit.  
Cū vino potus viperarū moribus succurrit. Cū Fœ-  
nigræci farina, podagricis & articularū dolorib. cor-  
reptis, vlceribusque sordidis & vetustis illitus pro-  
dest. Caput purgat per se naribus infusus. Mēses du-  
cit cū loliacea farina inditus. Folia per se aut cū po-  
lêta trita, omnibus inflātionibus & œdematis cō-  
ferūt. Erysipelatis, epinyctidis & lepris medent. Cū  
sale carbūculos rūpūt. Capillorū in capite defluxum  
retinent. Cocta autem & melli mixta gāgænarum  
y pascenti-

## PLANTARVM HISTORIAE.

pascētibus malis opitulatur. Cruda ex aceto comesta lienosis profunt. Mansa verò deuorato succo vocem amissam restituūt: Decoctum eius potum, aluū & menses mouet. Flos post conceptionem in pello subditus sterilitatem facit. Semē eius præsertim quæ in Aegypto nascitur, potum lumbricos pellit. In antidota cœliacorū additur, Faciem lentiginesque expurgat. Cauliculi virides cum radice cremati, & adipe porci vetusto excepti, diuturnos laterum dolores impositi mitigant.

### EX GALENO.

Brassica esculenta desiccandi vim habet tum esca, tum foris imposita, non tamen etiā admodum acré. Alioqui & vlcera glutinat, & maligna vlcera sanat. Præterea phlegmonas iam induratas, ac ægrè solubiles, & id genus quoque erysipelata. Eadem facultate epinyctidas & herpes sanat. Habet quiddam etiam in se abstersorium, quo lepras curat. Porro semen eius potum lumbricos interficit, maximè Brassicæ Aegyptiæ, quāto ea scilicet temperatura siccior est. Sanè amaræ qualitatis particeps semen est, sicut videlicet omnia alia medicamenta quæ ad lumbricos idonea sunt. Secundum eandem facultatē epheidas, lentigines, & quæcūque alia modicam abstersionem postulant, adiuuat. Caules Brassicæ combusti, cineres efficiūt admodum desiccantes, vt videlicet iam & adurentem vim participēt. Hac ratione cū veterem adipem cōmiscētes, ad inueteratos laterū dolores, & si quid eius fuerit generis, adhibent. Nā valenter digerens medicamentum efficitur. Brassicæ quoque succus purgandi quandam vim obtinet: contrā solidum eius corpus siccitatis ratione cohibere magis quā incitare deiectionem potest. Proinde quum expellere alui excrementa propositum erit, alieno in quo elixa vnā cum aqua fuit, propius admoto, ipsam eximere confestim, vasculóq; in quo paratur, oleum cum garo iniicere oportebit. At humentem

mentem aluum siccare volentes, quum mediocriter bulliisse videbitur, priore aqua effusa repentè aliam calentem injicimus, ac ita rursus in ea discoquimus vsque dum tenera flaccidâque euaserit.

## EX PLINIO.

Cato crispam maximè probat, dein leuem grandibus foliis, caule magno. Prodesse tradit capitis doloribus, oculorû caligini, scintillationibusq; , vel stomachi doloribus, crudam ex aceto & melle, coriandro, ruta, mentha, laseris radícula, sumptam acetabulis duobus matutino. Tantamq; esse vim, vt qui terant hæc validiores fieri se sentiant. Ergo vel cum vino tritam, sorbendam, vel ex olei intinctu fumdâ. Podagræ autè, morbisq; articulariis illini cum rutæ, coriandri & salis mica, hordei farina. Aqua quoque eius decocta, neruos articulosq; mirè iuuari. Si foueantur vulnera & recentia & vetera, etiam carcinomata, quæ nullis aliis medicamētis sanari possūt. Fouerî prius aqua calida iubet, & bis die tritam, imponi. Sic etiâ fistulas eluxatas, & tumores reuocari, quæque discuti opus sit. Insomnia etiam, vigiliasq; tollere decoctam, si ieiuni edant quamplurimam ex oleo & sale. Tormina, si decocta iterû decoquatur, addito oleo & sale, cumino, polenta. Si ita sumatur sine pane, magis profutura. Inter reliqua bilè detrahit per vinum nigrum pota. Quin & vrinam eius qui Brassicam esitauerit, asseruari iubet, calefactâq; neruis remedio esse. Auribus quoque ex vino succû Brassicæ tepidum instillari suadet. Idque etiam tarditari audiētium prodesse asseuerat. Et impetigines eadem sanari sine vlcere. Græci biles detrahère non percoctam putant. Item aluum soluere, eandemque bis coctam sistere. Vino aduersari, vt inimicam vitibus. Antecedente in cibis cauere ebrietatem. Postea sumpta crapulam discuti. Hunc cibum & oculorum claritati conferre multum, succo verò crudæ angulis vñ tantum tactis cum Attico melle, plurimum,



Hippocrates cœliacis, dysentericis bis coctam cum sale dari iubet. Item ad tenasmon, & renum causas. Lactis quoq; vbertatem puerperis hoc cibo fieri iudicans, & purgationem fœminis. Crudus quidē calis si edatur. Partus quoq; emortuos pelli. Inuenio & à podagra liberatos edēdo eam, decoctæq; ius bibendo. Hoc & cardiacis datum & comitialibus morbis addito sale. Itē spleneticis in vino albo per dies quadraginta. Cōtra verò singultus coriandro, & anetho, & melle, ac pipere, & aceto. Illitam quoq; prodesse inflationibus stomachi. Item serpentiū ictibus, & sordidis vlceribus & vetustis, vel ipsam aquam cū hordeacea farina. Succū ex aceto, vel cū Fœnogræco. Sic aliqui & articulis, podagrisq; imponūt. Epinyctidas ac quicquid aliud serpit in corpore, imposta leuat. Item repentinas caligines: has & si mādītur ex aceto. Sugillata verò & alios liuores pura illita. Lepras & p̄foras cum alumine rotundo ex aceto. Sic & fluētes capillos retinet. Epicharmus testiū & genitalium malis hanc vtilissimē imponi asserit: Efficacius eandem cum faba trita. Item conuulsis cū ruta. Et muris aranei morsus, foliorum aridorum farina alterutra parte exinanit. Stirpiū Brassicæ aridorum cinis, inter caustica intelligitur. Ad coxendicum dolores cū adipe peructusto. Plura de Brassicę viribus vide apud Catonē de re rustica, cap. clvij.

EX SIMEONE SETHI.

Malum & melancholicum succum procreat. Visum hebetat, & somnum per contraria insomnia interturbat. Sucus eius aliquatenus purgat: corpus verò eius ventrem sistit. Quapropter in quibus humectam aluum exiccare volumus, ipsam modicē decoquentes, aquāmque primam abiiciētes, cōfestim alteri aquæ feruenti indimus: nihil enim neque aëris, neque frigidæ aquæ quod bis coquitur, tāgere debet. Aestiuā Brassica peioris succi est quā hyberna. Cit verò yrinam, lumbricos interficit, &  
iis qui

iis qui ex vino crapula laborant auxiliatur. Fertur autem quòd ab humiditate ortam hebetudinem sanat. Cocta cum pingui carne, plurimum noxæ atque vitij amittit. Flos eius proprietate quadam semen genitale corrumpit, vtero impositus, & mulieres concipere prohibet. Pulmonem lædit. Tradunt quoque si ante alios cibos assumpta fuerit, ebrietatem arce-  
re. Et quòd eius succus cum melle sumptus, magnificè defectiones vocis iuuat. Vulneribus imposita, ea conglutinat, & malefica vlcera, & induratas inflammationes sanat.

## DE CRUCIATA. CAP. CLIX.

*Cruciatam habemus aliã à foliorum quatuor, situs in crucis formam, flore pallido, diuerso, enterocelis efficacem.*

## NOMINA.

VO nomine veteres hanc herbam appellauerint, nondum compertum habeo. Neque enim Isatis est; quam vulgus Saponariam vocat, vt suo loco docebimus, idèoque nomen quo illam nominaremus singendum fuit. Ad imitationem autem Germanicę nomenclaturę Cruciatam diximus, quòd eius radix in modum crucis trās fossa sit. Vt hoc etiam nomine Gręcè σαπώτερος dici posset. Germanicè Creutzwurtz / Sperenstich / & Madelgeer [Gallicè La Cruciate] nuncupatur.

*Cruciatæ  
cur dista.  
σαπώτερος.*

## FORMA.

Caulem rotundum obtinet, dodrātalem, in summo rubentem, alas multas habentem, è quibus singulis bina folia crassa, angusta & oblonga, floresque orbiculatim purpurei è siliquis coloris herbacei prodeunt. Radicem albam, longam, crucis instar ab utroque latere perforatam, à qua illi nomen inditum est.

## LOCVS.

Nascitur locis incultis.

## TEMPVS.

Floret Iulio mense.

y iij

TEMPE-

# PLANTARVM HISTORIAE.

## TEMPERAMENTVM.

Admodum amara est, vnde facilè colligere licet calidam & siccam esse.

## VIR ES.

Recentiores eius esse magnum contra pestilentiae venena vsum tradunt. Item quòd ea quæ in thorace sunt educere valeat. Quæ sanè singula præstare posse, amarus sapor qui illi inest abundè docet. Abstergūt enim expurgantq; amara, & quæ in venis est crassitiem incidunt, Galeno libro quarto de simpl. medicamentorum facultatibus cap. decimoseptimo, autore. Quamobrem menses etiam mouet, comitiali morbo competit, & alia quæ amaris ab eodem tribuuntur, præstare potest. Vulneribus etiam glutinandis mirificè conducit.

## DE CISSO. CAP. CLX.

### NOMINA.

*Cissos cur  
nominata.* K *ισσος* Cræcè, Hedera Latinè, *Epheuu* Germanicè [*Gallicè du Lierre*] dicitur. Athenienses Bacchum appellarunt Citton, quo nomine rigens Hedera quæ sine adminiculo stat, sola omnium generum ob id vocata est cissos: è diuerso nūquam nisi repens humi Chamæcissos. Sic Dionysia, hoc est, Bacchica nominata est à Baccho, qui primus ex Indis in Græciam Hederam asportauit: vel quòd in tutela eius fuerit. Nam vt ille iuuenis semper, ita hæc viret, Nec secus omnia, sicut ille mentes hominum, illigat. Hedera verò dicta est, quòd vetustis parietibus hæreat: vel potius quia ædita petat, & altè diuagetur: vel quia id cui adhæserit, edat atque corrumpat.

### GENERA.

*Candida.* Plurimas, Dioscoride autore, sigillatim habet species, sed maximè generales tantum tres. Candida enim quædam dicitur, eo quòd candidum fert fructum: hæc foemina à Plinio vocatur. Germanis *Vueisser Epheuu* nominari commodè potest. Altera nigra,

nigra, quæ nigrum producit fructû: hæc Plinio mas *Nigra*  
 nominatur. Germanii *schuuartzer Epheuu*. Hæc etiam  
 parietibus obrepit, murisq; pertinacius hæret quàm  
 vt possit abire, hinc *Maurepheuu* Germanis vocatur,  
 & *Baumepheuu* quòd scilicet arbores suo complexu  
 strangulet. Tertia priuatim *Helix*, id est, clauicula, *Helix*.  
 & *hederula* nūcupatur. Germanis *klein Epheuu* oder  
*Erdepheuu*.

## FORMA.

Nigra, quæ in Germania nostra prouenit, arbo- *Nigra*  
 res & parietes radicosis amplectitur brachiis, in to-  
 tum fruticosa, folia primùm cùm pubescit angulosa,  
 complurimum in triangulam faciem exeuntia ha-  
 bens. Vetustiori rotundantur, pingua, dura, immor-  
 tali virore: flore exili, vitigineo, non inodoro: baccis  
 primum herbaceis, mox atris, & nonnunquam cro-  
 ceis, longiori pediculo in vix modum dependen-  
 tibus, sparsioribus racemis non in globum candidæ  
 modo coeuntibus, sed in acinos discretis. Radice  
 numerosa, densa, flexuosa, cõtorta, ac surculosa, nec  
 admodum profunda. Candida inter media folia e- *Candidæ*  
 mittit brachia, quibus arbores complectitur, ma-  
 ximè ramosa & robusta, corymbis, hoc est, racemis  
 in orbem circumactis, aut folio albicat. *Helix* quan *Helix*  
 tumuis diu viuat, Theophrasto autore, nunquam  
 fert fructum, adeoq; sterilitate à cæteris distat. Par-  
 ua tenuiâue huic folia, angulosa & rubra, viticulq;  
 tenues sine corymbis.

## LOCVS.

Hedera aquis gaudet. Nigra passim circa muros  
 crescit. *Helix* verò in syluis humi serpit.

## TEMPVS.

Nusquam non viret Hedera.

## TEMPERAMENTVM.

Hedera ex contrariis cõposita est facultatibus: ha-  
 bet enim quiddam adstringentis substatiæ, quæ ter-  
 rena & frigida est. Habet etiam nonnihil acris, quæ  
 y iiij calida

## PLANTARVM HISTORIAE.

calida est. Nec deest tertia, aqueam nanque substantiam quādam tepidam obtinet, certè si viridis sit. Si quidem dum arescit, hæc prima exhalet necesse est, manetque quæ terrea est & frigida adstringensque, & ea quæ calida & acris.

### VIRE S. EX DIOSCORIDE.

Hedera omnis acris & adstringens est. Nervos tētat. Flores trium digitorum carptu, in vino bis die poti, ad dysentericos faciunt. Ambustis cum cerato illiti profunt. Tenera folia ex aceto cocta, aut cruda cum pane detrita, lienes sanant. Foliorū & corymborum succus cum irino vnguento, melle, aut nitronaribus infunditur. Et contra veteres capitis dolores valet, atq; eo perfunditur caput cum aceto & rosaceo. Dolentibus & purulentis auribus cum oleo medetur. Nigræ hederæ succus, aut epoti corymbi imbecillitatē pariūt, mentēq; turbāt largius sumpti. Pilulæ quinq; corymborū tritæ calefactæq; in malicorio cum rosaceo si instillantur in cōtrariā aurē, dolorem dentium mitigant. Denigrant capillum illiti corymbi, Folia in vino decocta, omnium vlcerū generi, etiamsi cacoëthe sint, illinuntur. Vitia cutis in facie & ambusta, vti iam diximus decocta, sanant. Mouent menses triti & subditi corymbi. Iidem poti post purgationes fœminarum drachmæ pōdere sterilitatem faciunt. Pediculus foliorum melle irrigatus, ac vuluæ inditus, mēstrua & fœtus extrahit. Succus instillatus in naribus, graueolentiam & putredines expurgat. Lachryma eius depilat, pediculosq; illita necat. Radicum succus cum aceto potus, phalangiorum morfibz succurrit.

### EX GALENO.

Viridis, foliis eius in vino decoctis, vlcera grandia conglutinat, quæq; maligna sunt, ad sanitatem reducit. Igne etiā factas exulcerationes cicatrice includit. Cum aceto decocta folia lienosis profunt. Flores autem quodammodo validiores sunt, vt ad leuorem

leuorem redacta cum cerato ambustis conueniant. Præterea succus medicamentum est, quod naribus infusum capiti purgando idoneum existit. Vetusitas aurium fluxiones sanat: ad hæc vlcera vetera tum in auribus, tum in naribus. Porro si acrior appareat aut rosaceo, aut dulci oleo misceatur. Lachryma eius pediculos interimit, pilis nudat, vsque adeo calidæ potestatis vt obscure adurat.

## EX PLINIO.

Natura omnium Hederarū in medicina anceps. Mentem turbat & caput purgat largius pota. Nervus intus nocet. Iisdem nervis adhibita foris prodest. Eadem natura quæ & aceto, ei est. Omnia genera eius refrigerant. Vrinam ciunt potu, capitis dolore sedant, præcipuè cerebro: continenti quæ cerebrum membranæ vtiliter mollibus foliis impositis, cum aceto & rosaceo tritis & decoctis, addito postea rosaceo oleo. Illinuntur autem fronti, & decocto eorū fouetur os, caput quæ, perungitur. Lienis & pota & illita profunt. Decoquuntur & contra horrores febrium, eruptionesque pituitæ, aut in vino teruntur. Corymbi quoque poti vel illiti lienem sanant: icciora autem illiti. Trahant & menses appositi. Succus Hederæ tædia narium graueolentiam quæ, emendat, præcipuè albæ satiuæ. Idem infusus naribus caput purgat, efficacius addito nitro. Infunditur etiā purulentis auribus, aut dolentibus cum oleo. Cicatricibus quoque decorem facit. Ad lienes efficacior albæ est, ferro calefactus: satis quæ, est acinos sex in vini cyathis duobus sumi. Acini quoque ex eadem alba terni, in aceto mulso poti, tineas pellunt: in qua curatione ventri quoque imposuisse eos vtile est. Hederæ quam chrysocarpon appellauimus, baccis aurei coloris viginti, in vini sextario tritis, ita vt terni cyathi potentur, aquam quæ cutem subierit, per urinam educit Erasistratus. Eiusdem acinos quinq; tritos in rosaceo oleo, calefactos quæ, in cortice puni-

ci, instillauit dentium dolori à contraria aure. Acini, qui croci succum habent, præsumpti potu, à crapula tutos præstant. Item sanguinem excreantes, aut torminibus laborantes. Hæderæ nigræ candidiores corymbi poti steriles etiam viros faciunt. Illinitur decocta in vino omnium vlcerum generi, etiam si cacoëthe sint. Lachryma Hederæ psilothrum est, phthiria sumque tollit. Flos cuiuscunque generis trium digitorum carptu, dysentericos & aluum citâ emendat, in vino austero bis die potus. Et ambustis illinitur vtiliter cum cera. Denigrant capillum corymbi. Radicis succus in aceto potus, contra phlangia prodest. Huius quoque ligni vase spleneticos bibentes sanari inuenio. Et acinos terunt, mōxque comburunt, & ita illinunt ambusta, prius perfa aqua calida. Sūt qui & incidunt succi gratia, eoq; vtantur ad dentes erosos, frāgiq; tradunt, proximis cera munitis ne ledātur. Gūmi etiā in Hedera quærunt, quod ex aceto vtilissimū dentibus promittūt.

DE CERASO. CAP. CLXI.

NOMINA.

ῥασος Græcis, Cerasus Latinis, Germanis

K Kirschenbaum [Gallis Vng Cerisier] dicitur.

Cerasum autem arborem, vt Athenæus refert lib. ij. Dipnosoph. à Cerasunte Pontica ciuitate, primus in Italiam Lucullus intulit, debellato Mithridate. Ille idem est qui etiam fructum cognomine ciuitatis appellauit Cerasium.

GENERA.

- Primum.** Multa Cerasiorum sunt genera, in Germania tamen tria, quod sciam, duntaxat proueniunt. Primi enim generis sunt rotūda, ac maximè rubent, suāq; voce illis dicuntur *Amarellen*. Alterius generis, quod ad figuram attinet, prioribus similia sunt, differunt autē colore, qui illis ad nigredinē accedit. Vocātur autē horū lingua *Vueichsel*. Tertij generis prædictis minora sunt ac lōgiora, partimq; rubent, partim nigricant:
- Secundū.**
- Tertium.**

*Cerasus  
unde dicta*

gricant: à nonnullis priuatim *Kirſchen* vel *Kerſchen* appellantur. Nos vna icone omnia tria cõplexi ſumus. Quæ in vtroq; genere nigra ſunt, ea veſcentiũ manus & labra ſucco ſuo, qui ſanguineus eſt, mororũ inſtar inficiunt.

## FORMA.

Ceraſus folio ferè Meſpili, duro, latiore, & in ambitu ferrato conſtat, cortice læuo, in candido nigricante, flore albo racematim congeſto, fructu rubro aut nigro, magnitudine fabæ.

## LOCVS.

Frequens eſt in omnibus hortis Ceraſus. Quæ tamen poſterioris generis Ceraſia proferet, in ſyluis nonnunquam & nemoribus etiam reperitur. Gaudet autem aquoſis montibus.

## TEMPVS.

Iunio ac Iulio potiſſimũ menſibus fructus maturitatẽ cõſequitur. Flores primo ſtatim vere apparèt.

## TEMPERAMENTVM.

Ceraſorũ non vnum idẽmq; eſt temperamentũ, quod ex eorundẽ facultatibus perſpicuũ fit. Simeon tamen Sethi frigida & humida eſſe tradit.

## VIRE. EX DIOSCORIDE.

Ceraſia quidem ipſa ſi viridia ſumãtur, ventri vtilia ſunt. Eadem ſiccata aluum ſiſtunt. Gummi Ceraſorum cum vino diluto ſumptũ, vetuſtæ tuſſi medetur. Colorẽ cõmendat. Viſum exacuit. Appetẽtiã inuitat. Idẽ ex vino potũ calculoſis auxilio eſt.

## EX GALENO.

Ceraſus arbor fructũ fert non paris adſtriictionis in omnibus particulatim plantis participem. Nam & in horum, ſicut etiam malorum granatorũ, & malorum, quibuſdam auſtera qualitas, in quibuſdam verò dulcis, in nonnullis autem acida exuperat. Quinetiam ipſorum dulciũ ea quæ nondum concocta ſunt ac matura, quædam admodũ acerba ſunt, quædam ſimiliter moris acida. Sed in moris immaturis acida qualitas acerbã exuperat, in Ceraſiis nõ ſemper



## PLANTARVM HISTORIAE.

semper. Ergo quæ dulcia sunt, magis quæ in intestinis sunt, subducunt, sed minns apta stomacho sunt. Contrà austera. Quæcunque verò acida sunt ea pituitosis excrementosisq; stomachis conueniunt. Si quidem austeris magis exiccant, & non nihil etiam incidunt. Porro ipsius arboris gummi communem omnibus viscosis & mordacitatem expertis medicamentis facultatem obtinet, quæ ad arterias exasperatas accommoda est. Propriè autem (si quidem verum est quod quidam scribunt) calculis vexatos cū vino potum adiuuat. Nam sic illi tenuium partium quædam facultas inest.

### EX PLINIO.

Cerasa & aluum molliunt, stomacho vtilia. Eadem siccata aluum sistunt, vrinam ciunt. Inuenio apud autores, si quis matutino roscida deuoret cum suis nucleis, iam tantum leuari aluum, vt pedes morbo liberentur.

### EX SIMEONE SETHI.

Cerasia mali succi sunt, ventrem subducunt, humidum ventriculū lædunt, præsertim cū non sunt matura. Prosunt autem calidis & siccis ventriculis ac téperaturis. Gummi verò arboris cum vino sumptum calculosis auxiliatur.

### APPENDIX.

Sunt qui tradunt gummi quod ex arbore destillat veteri tussi mederi, ex quæ vino sumptum, gutturi lenire asperitates, fastidia discutere, & ciborū appetentiam moliri. Colorem cutis facere gratiorem, & oculis afferre claritatem. Lichenes infantium ex aceto sanare.

### DE CYANO. CAP. CLXII.

Cyanus ut Græcis dicitur, colore floris sic nobis Bleuet & percele, cur uerò Gallicis Aubisoin, uelut ab albo fœno dicatur, non uideo, nisi fortè quod in eo genere quædam flore sunt etiam albo, & qui purpurei sunt in sertis ligati, & aquæ inferna parte immixti tandem albescent.

NO-

## NOMINA.

Κανος Græcis, Plinio & Latinis aliis Cyanus  
 K appellatur. Nonnullis Baptifecula, quòd se- *Baptifecu*  
 cantibus & metentibus officiat, retusa in e- *la.*  
 ius occurfu falce. Nam & seculam veteres falcem  
 dixerunt. Rectius tamen Blaptifecula vocaretur,  
 quòd βλάπτειν Græcis nocere significet. Nostri flo-  
 rem frumentorum, Germani autem Blau kornblumen, *Flos frum*  
 [Galli Blaueole, ou Aubfioin, ou Bluet, ou Bleuët] nomi- *mentorh.*  
 nant, quòd scilicet in frumentario nascatur agro.  
 Cyanos verò dicta est hæc planta, ob florem quem *Cyanos*  
 profert cœruleum, aut quòd honorem nomenque *cur dicta.*  
 dederit cœruleo colori. Hinc est quòd pueri in ho-  
 diernum vsque diem barbulas calycibus erutas, ex  
 candido oui liquore terant, quo in pingendis gran-  
 dioribus literis cœrulei nitorem mentiantur.

## FORMA.

Caulis illi est angulosus, folia angusta & oblon-  
 ga, calyces rosarum, sed squarosi atque tristes, quos  
 plurimæ cœruleæ stipant barbulae. Radix oblon-  
 ga, lignosa, fibris quibusdam capillata.

## LOCVS.

Triuialis flos est, passim in frumentis nascens.

## TEMPVS.

Iunio potissimum mense floret, nec parum gratiæ  
 suo cœruleo colore frumentis adfert. Hinc est quòd  
 rusticorum etiam coronis inseratur, quanquam in-  
 odoratus prorsus sit.

## TEMPERAMENTVM.

Frigidæ est temperaturæ atque adeò repellentis,  
 id quòd gustus etiam facilè indicat, viscositatem  
 manifestam, & nullum prorsus caloris indicium præ  
 se ferens.

## VIRE S.

Recentiores rectè tradunt huic herbæ facultatē  
 inesse, qua oculis aliisque partibus inflammatione la-  
 borantibus proffit.

## DE CROM-

PLANTARVM HISTORIAE.  
DE CROMMYO. CAP. CLXIII.  
NOMINA.

*Crommyon unde dictū Cēpa quare uocata.* *ρόμενον* Græcis, Cēpa, & in neutro Cepe, Latinis dicitur. Officinæ genuinum nomen retinuerunt. Germanis *Zuibel* [Gallis *Oignon*] appellatur: quod sanè vocabulum à Gallico detortū esse videtur: quandoquidem Galli sua lingua Cēpā vocent *Siboulam*. Crommyon autem, Aristotele in problematis autore, dictum est, quòd oculi pupillā comprimi cogat. Nam oculos vellicando expressis subinde lachrymis contrahi pupillas certum est. Idem libro ix. Dinosoph. testatur Athenæus. Cēpa verò à capitis magnitudine.

FORMA.

Folia habet ferè porracea, intus concava: caulē teretem rotundūmq;, per cuius fastigium flores primum candidi, ac subinde semen, in orbem sparguntur: radicē capitatā pluribus compactā tunicis, quæ summatim prētenuibus rufisq; uestitur membranis, vertice nigricātem, à quo fibræ capillitij modo fruticant.

LOCVS.

Terram Cēpæ amant pinguem, vehementer subactam & irriguam, passimq; hodie in omnibus plantantur hortis.

TEMPVS.

Floret Iulio potissimum mense, & deinceps semē profert, quod nō antè legēdū, quàm cū nigrū colorem præ se feret. Siquidem eo colore perfectionē fatetur, nigritiaq; maturitatis index est.

TEMPERAMENTVM.

Ex quarto est ordine excalescentium, essentiæque eius crassarum est partium. Si succum eius exprimas, quod reliquum est admodum terreæ substantiæ est, eiusque calidæ: at succus aquæ aëriæque caliditatis.

VIRES. EX DIOSCORIDE.

Cēpa longa acrior est quàm rotunda, item flaua quàm

quàm candida, sicca quàm viridis, & cruda quàm co-  
cta, aut sale condita. Omnes tamen mordicant, fla-  
tus gignunt, appetentiam inuitant, extenuant, sitim  
excitant, fastidium pariunt & expurgant. Aluo vti-  
les sunt. Detractis tunicis inq; oleum coniectæ, ac  
pro glandibus subditæ hæmorrhoidas, reliquasque  
excretiones aperiunt. Succus cum melle illitus, ocu-  
lorum hebetudinibus, argemis, nubeculis, & incipi-  
entibus suffusionibus auxiliatur, anginâq; laboran-  
tibus. Suppressos menses mouet. Caput purgat nari-  
bus infusus. Canis morfibz cum sale, ruta & melle  
illinitur. Cum aceto autem in sole inunctus alphas  
sanat. Cum pari spodio, scabra, lippitudines sedat.  
Varos cum sale reprimat. Contra calceamentorum  
atritus, cum gallinaceo adipe utilis est. Alui fluo-  
ribz prodest. Aurium grauitati, ac sonitui confert.  
Ad purulentas aures, & eliciendam aquam in iis in-  
terceptam valet. Alopecie earum succo vtiliter per-  
fricantur: celerius enim quàm Alcyonium pilos e-  
uocat. Largior Ceparum cibus capitis dolores ciet.  
Cocta vehementius vrinam pellit. In morbis, cocta  
etiam, copiosius comesta, lethargû efficit. Cû passis  
vuis, & fico illita, tubercula concoquit & rumpit.

## EX GALENO.

Hæmorrhoidas aperit, tum apposita, tum cum a-  
ceto inuncta. In sole alphas abstergit, & alopecie  
atrita pilos Alcyonio citius restituit. Porro succus  
eius iis qui suffusione oculorum laborant, aut acie  
oculorum obtusam præ crassitudine humorum ob-  
tinent, inunctus prodest. Tota Cepa manducata  
flatuosa est. Itaque quæ temperatura sunt sicciore,  
minus flatuum generant. Crassos corporis humores  
extenuat, glutinososq; incidit. Bis tamen aut ter in  
aqua decocta, acrimonia spoliatur, quanquã ne sic  
quidem vim perdit extenuandi: verû facultatē quã  
dã obscurissimã alédi corporis exinde acquirit, cuius  
antea quàm decoqueretur, nihil prorsus obtinebat.

# PLANTARVM HISTORIAE.

## EX PLINIO.

Cepæ olfactu ipso & delachrymationi, & caliginī medentur, magis verò succi inunctione, Somnū etiam facere traduntur, & vlcera oris sanare, comanducata cum pane. Et canis morsus virides ex aceto illitæ, aut sicca cum melle & vino, ita vt post diem tertium soluantur. Sic & trita sanant. Tostam in cinere epiphoris multi imposuere cū farina hordeacea, & genitalium vlceribus. Succo & cicatrices oculorum, & albugines, & argemas inunxere, & serpentium morsus, & omnia vlcera cum melle. Item auricularum cum lacte mulierum, & in iisdem sonitum ac grauitatem emendantes, cum adipe anserino, aut cum melle stillauere. Et ex aqua bibendum dederunt repēte obmutescētibz. In dolore quoq; ad dentes colluendos instillauere, & plagis bestiarū omnium, priuatim scorpionum. Alopecias fricuere & pforas tufis cepis. Coctas dysentericis vescendas dedere, & contra lumborum dolores. Purgamenta quoque earum cremata in cinerem, illinētes ex aceto serpentium morfibz, inter ipsas quoque multipedes ex aceto. Reliqua inter medicos mira diuersitas. Proximi inutilia esse præcordiis & concoctioni, inflationemq; & sitim facere dixerunt. Asclepiadis schola ad validum quoque colorem profici hoc cibo. Et si succum ieiuni quotidie edant, firmitatem valetudinis custodiri, stomacho vtilia esse, ac spiritus agitationi, ventrem mollire, hæmorrhoidas pelere subditas pro balanis, succum cum succo fœniculi contra incipientes hydropyses mirè proficere. Item contra anginas, ruta & melle. Excitari eisdem lethargicos.

## EX SIMEONE SETHI.

Cepa lotium cit, & semen genitale gignit. Cibi appetentiam excitat. Capitis dolores facit, & stomacho officit. Rationem etiam, vt aliqui ferunt, lædit. Si verò coquatur, plurimum malignitatis deponit,

&

& utilis fit ad thoracis asperitates, & tusses. Hemorrhoidas imposita aperit, & cum aceto inunctum alphas extergit. Et si autem crassarum partium substantiam habeat, humores tamen crassos & lentos extenuat. Ventriculum verò inflat. Si crebrius quis ea utatur, in lienis vitia incidit.

## DE CAMPANVLA. CAP.

## CLXIIII.

*Campanula huius uidetur nobis Gantelee, & Gan nostre Dame à dactylothece in floribus forma.*

## NOMINA.

V V M nobis non constet quo nomine veteribus appellata sit hæc herba, placuit illam Campanulam, à florum similitudine, qui campanam planè referunt, nominare. Germanis Halszkraut, hoc est Ceruicaria, [Gallis Des gans nostre Dame, ou des Ganteletz] dicitur, quòd scilicet ad oris, & ceruicis, fauciumq; mala mirificè conferat.

*Campanula unde dicta.  
Ceruicaria.*

## FORMA.

Caulem profert quadrangularem, hirsutum, rubescentem, folia oblonga, hirsuta, in extremitatibus incisa & serrata, ad Vrticam proximè accedentia, flores purpureos campanæ aut calathæ similes, in medio luteum quid prominens obtinentes, quibus emarcescentibus in rotundis capitulis semen prouenit. Radicem multifariam intortam, & candidam.

## LOCVS.

Gignitur in pratis siccis, in quibus dumeta plurima existunt. Propemodum enim nunquam nisi in dumetis reperiri potest.

## TEMPVS.

Foret Iunio & Iulio mensibus.

## TEMPERAMENTVM.

Gustu astringit, vt hinc exiccandi illi vim esse quisque coniecere queat.

## VIRE S.

Adstringendi habet facultatem, ideòq; decoctum  
z illius

# PLANTARVM HISTORIAE.

illius vnicè ad oris exulcerationes, aliaq; eiusdem mala quæ adstrictione indigent, cõfert. Vtilis etiam haud dubiè ad alia quæuis vlcera, ob insignem quam obtinet in exiccando facultatem.

## DE CALAMINTHA. CAP. CLXV.

Quænam herbæ Calaminthis genera apud Dioscoridem & Galenum explicant, hodie parum constat, ut Musæ Ruelius repugnet, ob historiæ Dioscoridis & Galeni obscuram breuitatem.

### NOMINA.

*αλαμίνθη* Græcis, Calamintha Latinis, officinis Calamentum nominatur. Germanicas appellationes paulò pòst indicabimus. Calamintha verò dicitur quasi vel bona, vel utilis mentha: nanq; nidore suo serpentes fugat. Quod testatur etiam Aristophanes iis verbis: *σὺ δὲ ὀρεῖς καλαμίνθης, ὀφρὺς ἐλασικοῦ*. Nisi quis existimet à *κάλος*, hoc est, ligno, quasi lignosam appellari mentham.

### GENERA.

*Primum.* Calaminthæ Dioscorides tria facit genera. Primum amat montes, ideo huius generis Calamintha montana vocatur. Germanis *Steinoder Katzenmuntz* [Gallis *Calament, ou Poliot saulage, ou herbe au Chat.*] dicitur. Alterum Latini propriè Nepetam, vulgus eò quòd Pulegio simile sit, syluestre Pulegium nominat. Germani etiam vulgi opinionem sequentes, *Vuilden Poley & Kornmuntz* vocant. Officinæ pro Calamento hoc solo genere vtuntur. Tertium Mentastro simile est, Germanicè *Geelmuntz* commodè appellatur.

### FORMA.

Primum Calaminthæ genus folia Ocymo similia habet, subalba, ramulos angulosos, florem purpureum. Alterum Pulegio simile est, maius tamen: propter

propter quod quidam, vt dictum est, syluestre Pu-  
legium nominant, quoniam & odorem illius æmu-  
letur. Tertium Mentaſtri ſimilitudine eſt, lon-  
gioribus foliis, caule & ramis prædictis maius, ſed  
minus efficax: flore luteo.

## LOCVS.

Primi generis Calamintha in montibus & aspe-  
ris gignitur, vnde & montana dicta eſt. Alterius in  
campeſtribus & agris. Tertii in aquoſis locis.

## TEMPVS.

Florent Iunio, potiffimum verò Iulio menſe.

## TEMPERAMENTVM.

Calamintha eſſentia eſt tenui & calida, ſiccâque  
in tertio quodammodo ordine. Horum manifeſta  
ſunt indicia, partim guſtu apparentia, partim expe-  
rientia cognita. Guſtu quidem acris & palâm calida  
eſt, ac paulum omnino amaritudinis obtinet.

## VIRE. EX DIOSCORIDE.

Omnium folia guſtu feruentia admodû & acria.  
Radix inutilis. Pota aut illita demorſis à ſerpente  
opitulatur. Decoctum eius potum vrinas & menſes  
expellit. Ruptis, cõuulſis, orthopnœæ, torminibus,  
cholerae, rigoribusq; auxiliatur. Præſumpta in vino  
venenis reſiſtit. Regium morbum expurgat. Lum-  
bricos & aſcaridas cum ſale & melle pota, enecat.  
Nec ſecus cocta crudaq; ſi teratur. Elephanticos e-  
ſitata adiuuat, ſi poſtea ſerum lactis bibatur. Folia  
trita & appoſita, menſes ducunt, & foetus interimût.  
Accenſa aut ſubſtrata ſerpentes fugant. Nigris ci-  
atricibus candorem reddunt, in vino cocta & illi-  
ta. Sugillata tollunt. Iſchiadicis imponitur, vt humo-  
rem ex alto euocet, meatuſq; tranſmutet, ſummam  
cutem exurens. Vermes necat ſuccus auribus inſtil-  
latus.

## z ij EX GALE.



# PLANTARVM HISTORIAE

## EX GALENO.

Periclitantibus & corpori admoventibus extrinsecus imposita, primum quidem valde excalfacit & mordicat, cutemque laniat, postremo etiam vlcus efficit. In corpus autem intrò assumpta, tū ipsa per se sicca, tum etiam cū meliacrato, perspicuò calfacit, & sudorem ciet, omneq; corpus tum digerit, tū exiccat. Ea ratione ducti quidam ipsam contra rigores per circuitum repetentes adhibuerunt, foris quidem oleo incoctam toti corpori inungentes cū frictione non segni, intrò verò assumentes, sicuti est dictum. Quinetiam & coxendicibus eam quidam in ægitudinibus ischiadicis tanquam strenuum remedium illinunt: trahit enim quæ in profundo hærent, totumq; adeò articulum excalfacit, cutemque non obscure adurit, mensesque tum pota, tum apposita admodum efficaciter prouocat. Bonum etiam elephanticorum remedium, non eò tantum quòd strenuè tenues humores digerat, verumetiam quia extenuet & incidat valenter crassos, quales sunt qui hunc morbum procreant. Sic & cicatricibus atris candorem reddit, & sugillata digerit. Sed ad talia recentem magis quàm arentē adhibere præstat. Quippe arefacta vehementior redditur, & ad vrèdū proprior. Porro talis cū sit, ad venenatarum bestiarū morsus assumitur, velut etiam cauteria, & quæcunq; medicamenta calida sunt & acria, tenuiumq; partium, quæq; facilè ex alto ad sese circumiacentem omnem humiditatem possunt attrahere. Cæterum quæ illi inest amaritudo, planè exigua est, verum ad quædam ita efficaciter agit, vt quæ valentissima est, nimirum quum coniuncta sit vehementi calori cum tenui essetia. Quare & ascaridas & lumbricos succus eius infusus aut potus enecat. Eadem ratione auriū vermes, aut si alicubi in parte corporis sinuosa, aut implicata quæ putredine tètetur, talis prouenerit affectus. Sic & conceptum seu pota, seu admota inter-

imit

imit & eiicit. Igitur incidendi quidē ei vis adest propter calorem eius, tenuitatem, & amaritudinē: abstergerendi verò propter vnicam amaritudinem. Itaq; asthmaticis ob omnia antedicta prodest. Ictericis verò potissimum ob amaritudinem, sicut alia ferē omnia amara, utpote abstergentia & expurgantia in iecinore prouenientes obstructions. Ad omnia iā dicta efficacior est montana.

## EX PLINIO.

Decocta in aqua ad tertias discutit frigora. Mulierum menstruis prodest. Aestate sedat calores. Vires quoq; contra serpentes habet. Fumum ex ea nidoremq; fugiunt, quam & substernere in metu obdormituris vtile est. Tusa ægilopis imponitur, & capitis doloribus recens, cum tertia parte panis temperata aceto illinitur. Succus eius instillatus naribus supinis, profluuiū sanguinis sistit. Itē radix cū myrti semine in passo tepido gargarizata, anginis medet̃.

## DE CRITHE CAP. CLXVI.

*Hordeum polystichon seu hexastichon à disticho Picardis distinguitur, Parisiensibus confunditur.*

## NOMINA.

*ῥῖν* Græcis, Hordeum Latinis & officinis dicitur. Germanis *Gersten*, [Gallis *Orge*.] Ex eo polenta, quam Græci *ἄλφιτον* nomināt, & Prisana, medicamenta veteribus vsitatissima, conficiuntur.

## GENERA.

Rustici duo esse Hordei genera tradunt. Vnū Polystichū, quod sic dictū est, quia in multos versus spicatur. Sūt enim ex hoc genere quæ spicā tribus, interdū quatuor, nunc sex, nunc octo versibus distinctā proferūt. Germanis *Grosz Gerst*, hoc est. Hordeū magnū vocatur. Alterū Distichū nominatur, quod scilicet in duos duntaxat versus spicetur. Germani *Klein Gersten*, id est, Hordeum exiguum appellant.

## FORMA.

Culmū habet tritici, fragiliorē tamē minoremq;,  
z iij quin

## PLANTARVM HISTORIAE.

quinque, sex, & interdum pluribus geniculatū articulis, simplici in stipula folio, & eo quidem scabro ac lato. Grana ferè nuda, longiore capillamento, mordacique arista. In versuspicatur, radice frequēti, capillis fibrata.

### LOCVS.

Hordeum pinguiſſimum amat agrum.

### TEMPVS.

Erumpit à primo ſatu die ſeptimo, & caput alterum grani in radicem exit, alterum in herbam. Metitur Auguſto menſe.

### TEMPERAMENTVM.

Hordea primi ſunt ordinis in exiccando & refrigerando.

### VIRE. EX DIOSCORIDE.

Hordeum optimum eſt candidum, purumq; . Minus quàm triticum nutrit. Ptifana tamen ob cremorem in elixatione redditum, plus alimenti præbet quàm polenta ex hordeo facta. Contra acrimonias atq; faucium ſcabritias, exulcerationeſq; pollet, quibus etiā triticea ptifana præſidio eſt, ſed plus alit, magisq; vrinā moæet. Lac abūdè ſuppeditat, ſi cū Fœniculi ſemine decocta ſorbeat. Abſtergit, vrinā ciet, inflat, ſtomacho aduerſatur, & œdemata concoquit. Farina hordeacea cum fico in muſſa aqua decocta, œdemata & inflammationeſ diſcutit. Duritieſ cum pice, reſina & ſimo columbino cōcoquit. Cum meliloto autem & papaueris calyce doloreſ finit qui latus excruciat. Aduerſus inteſtinorum inflationeſ, cum lini ſemine, fœnogræco & ruta illinitur. Strumæ cum pice liquida, cera, oleo, & impubis pueri vrina, ad cōcoctionem perducit. Cum Myrto autē, aut vino, aut ſylueſtribus pyriſ, aut rubo, aut malicorio, alui profluuiâ ſiſtit. Podagriciſ inflammationibuſ cum cotoneiſ, aut aceto prodeſt. Decocta in acri aceto, modo quo hordeaceum cataplaſma, & calida impoſita, lepriſ medetur. Liguata cadē cum aqua,

aqua, atq; cum pice & oleo decocta, pus excitat. Cū aceto autem liquata, & cum pice decocta, contra articulorum fluxiones prodest. Farina ex iis aluum cohibet, inflammationesq; mitigat.

## EX GALENO.

Hordea paxillum etiam absterfionis habet. Paulò etiā plus deficcant quàm farina fabacea, cui non insunt cortices. Cætera verò similia sunt foris utentibus. In cibo autem hoc præstant fabis, quòd flatuofam naturam exuant: fabis quantumcunque coxe-  
ris, flatuofa natura remanet: sunt enim crassioris essentiae quàm hordea, quamobrem iis plus etiam nutriunt. Quoniam verò ambo paulum à medio recesserunt, multo sunt vsui. Nam talia medicamenta multis aliis miscentur ceu materiæ quædam: itaque etiam cera & oleum paucis medicamentis coniunguntur. Polenta verò multo plus hordeo deficcet. Plura de hordeo, ptisana & polenta apud Galenum libro primo de alimentorum facultatibus offendes.

## EX PLINIO.

Farina ex hordeo & cruda & decocta, collectiones impetusq; discutit, lenit & cōcoquit. Decoquitur aliās in mulsā aqua, aut fico sicca. Ad iecinoris dolores eam in posca positam cōcoqui opus est, aut cum vino. Cum vero inter coquendum discutendumq; cura est, tunc in aceto melius, aut in fæce acetī, aut cotoneis pyrīfue decoctis. Ad multipedum morsus cum melle, ad serpentium in aceto & contra suppurantia, ad extrahēdas suppurationes ex posca, addita resina & galla, Ad concoctiones vero & vlcera vetera cum resina. Ad duritias cum fimo columbino, aut fico sicca, aut cinere. Ad neruorū inflammationes, aut intestinorum, vel laterum, vel virilium dolores, cum papauere aut meliloto, & quoties ab ossibus caro recedit. Ad strumas cum pice & impubis pueri yrina. Cum oleo & scæno-

# PLANTARVM HISTORIAE.

græco contra tumores præcordiorum, vel in febribus cum melle, vel adipe vetusto. Suppuratis triticea farina multò lenior. Neruis cum Hyoscyami succo illinitur. Ex aceto & melle lentigini.

## DE CROCO. CAP. CLXVII. NOMINA.

*Crocus  
unde di-  
ctus.*

*ρῶκος* Græcis, Crocus Latinis appellatur. *Of* K *ficinæ* antiquum nomē retinuerunt. Germani *Saffran*. [*Galli Safran*] vocant simpliciter, aut cum adiectione, *Zamer saffran*. Sic verò vocatus à Croco iuvene, qui propter amorem Smilacis virginis, in florem sui nominis versus est: quod Ouidius testatur, qui sic scriptum reliquit:

Et Crocum in paruos versum cū Smilace flores.

## FORMA.

Crocus folio est angusto adusq; capillamenti penè exilitatem: flore purpureo Colchici floribus nō admodum dissimili, in quo flammea Croci stamina: radice bulbosa, copiosaq; ac viuaci.

## LOCVS.

Nascitur in Coryco mōte Ciliciæ optimus. Proxima nobilitas ei qui in Olympo Lyciæ monte prouenit. Dein ei qui ex Aegis Aetoliæ vrbe affertur. Nunc in plerisque Germaniæ locis plantari cœpit haud infœliciter, quòd viribus è locis iam commemoratis allatis haud cedat.

## TEMPVS.

Florem ante folium ædit: per autumnum nanq; Vergiliarum occasu florēt, neque vltra mensis spacium flores durant. Postquam autem hi decidunt, statim folia angusta & oblonga prodeunt, virentq; tota hyeme.

## TEMPERAMENTVM.

Crocus paulum quid adstringens obtinet, quod terreum frigidumque est: sed superat in eo calefaciens & qualitas & facultas, vt tota essentia secūdi sit ordinis

ordinis excalefacientium, & primi exiccantium.

### VIRES. EX DIOSCORIDE.

Crocus emollit, concoquit, leniter adstringit, vrinam cit, & coloris bonitatem efficit. Arcet crapulam cum passo potus. Fluxiões oculorum cum lacte muliebri inunctus sistit. Potionibus quę pro interaneis parantur, vtiliter miscetur: item iis quę vuluę sedique subiiciuntur & illinuntur. Venerem stimulat. Inflammationes erysipelatosas inunctus lenit. Aurium remediis vtilissimus est. Letalem sanè dicunt hunc si trium drachmarum pōdere cum aqua bibatur. Radix eius cum passo pota, vrinam cit.

### EX GALENO.

Crocus concoquendū vim quandam habet, adiutante scilicet in hoc & pauca adstrictione. Quippe quibus medicamentis, quum non admodum excalefaciant, paucula adest adstrictio, ea parem facultatē habēt essentiis emplasticis nominatis, quas cum iūctas caliditati non vehementi contigerit, concoquentes esse constat.

### EX PLINIO.

Discutit inflammationes omnes quidem, sed oculorum maximè ex ovo illitum. Vuluarum quoque strangulatus. Stomachi exulcerationes, pectoris & renum, iecinorum, pulmonum, vesicarumque, peculiariter inflammationi earum vehementer vtile. Itē tussi & pleuriticis. Tollit & pruritus. Vrinā cit. Quī Crocum prius biberint, crapulā non sentient. Ebrietati eo resistunt. Coronæ quoque ex eo mulcent ebrietatē. Somnū facit. Caput leniter mouet. Venerē stimulat. Flos eius igni sacro illinitur cum creta Cimolia. Ipsum plurimis medicaminibus miscetur.

### EX SIMEONE SETHI.

Stomacho bonus est, ciborumque concoctionem efficit. Obstructiones tollit. Pituitosa & lethargica vitia iuuat. Discutiendi quoque vim obtinet & visceribus vtilis est, ad spiritusque difficultatem cōducit.

Si quis

# PLANTARVM HISTORIAE.

Si quis illo mediocriter vtatur, bonū colorē habebit: sin verò citra modum, pallorem contrahet, & capitis dolorem, cibiq; inappetentiam faciet. Cum opio & lacte & rosaceo pedum doloribus impositus vbi dolēt, summopere prodest, superpositis Betæ foliis.

## DE CYNOCRAMBE.

### CAP. CLXVIII.

*Hæc brassica canina licet mercurialis mas dicatur ob eius similitudinem, tamen Dioscorici diuersæ sunt plantæ.*

### NOMINA.

Κυνοκράμβη. ἢ κυνία ἢ λινόζωσις ἄγρια ἄρρηκ Græcis, Canina Brassica, Cynia, & sylvestris Mercurialis mas Latinis, Vuild Bingelkraut das mennle/Hundszkol Germanis appellatur.

### FORMA.

Caulem ex se mittit dodrantalē, tenerum & subalbidū. Folia Mercuriali similia, albescentia ex certis interuallis. Semen prope folia paruum, rotundū. Ex qua quidem delineatiōe sole meridiano clarius est, herbam cuius picturam damus esse Cynocramben. Siquidem ea caulem binūm palmorum altitudine habet, mollem & subcandidum. Folia Mercuriali similia admodum, certis interstitiis, subalbida. Semen itē iuxta folia exigū, rotundū, geminorum instar testiculorum cōnexum: & in summā, nihil est quòd nō in ea descriptioni adamussim respondeat.

### LOCVS.

In syluis copiosè prouenit.

### TEMPVS.

Semen veris initio, nempe Aprili mense, profert, maturescit autem Maio.

### TEMPERAMENTVM.

Quum gustu nihil à satua Mercuriali distet Cynocrambe, colligitur hinc idem quod illa obtinere temperamentum.

### VIRES.

## VIRE. EX DIOSCORIDE.

Caulis & folia pota, & olerū modo comesta aluū  
cient. Ius verò decoctorū bilem & aquosa detrahit.

## APPENDIX.

Alia est Cynocrābe ab hac nōstra, ea cuius men-  
tionē facit Galenus, Paulus & alij, adde etiā Diosco-  
rides, verū sub nomine Apocyni: quod lectorem,  
ne diuersas herbas vnā esse putaret, monere volui.

## DE COLVTEA, CAP. CLXIX.

*Colutea nobis Baguenaudier, cuius folia & folliculos sene  
loco non sine viribus substitiunt pauperes.*

## NOMINA.

ολυτῖα Græcis, Colytea & Colutea Latinis  
K [Gallicè *Baguenaudier*] dicitur: à nullo ta-  
mē, quod sciā, veterum, quā à Theophra-  
sto lib. iij. de plant. hist. cap. xviii. celebrata.

## GENERA.

Duo eius sunt genera. Vnum quod priuatim Co-  
lutea vocatur, officinis incognitū. Germani *Vuelch  
Linsen* appellant. Alterum officinis cognitum & fre-  
quenti vſu à medicis vsurpatū, Mauritano sermone  
Sena nominatur. Germani ad eam alludentes appel-  
lationem, *Senet* nuncupant. Differunt autem inter  
se magnitudine: siquidē primum genus maius est al-  
tero, vtpote quod quadriennio, Theophrasto loco  
paulò antè citate teste, se in arborem efferat. Siliquę  
etiam illius magis turgido spiritu distenduntur, Se-  
na verò siliquas profert lunatas, nec ita prætumi-  
das. Semen denique Coluteæ rotundum, lentis ob-  
tinens similitudinem: Senæ autem oblongum, cor-  
disque humani instar acuminatum.

Colutea.

## FORMA.

Frutex est ramis exilibus, folio scæni-græci, flo-  
re genistæ aut pisi luteo, membraneo folliculo,  
pellucēte, prætumido, & veluti quodā spiritu distē-  
dente turgido, ita vt digitis si prematur, crepitans  
diffiliat, in quo semen atrum, durum, latum, lentis  
magnitu-

Coluteæ  
descriptio



# PLANTARVM HISTORIAE.

magnitudine, pisi gustu, in ordinemque digestum clauditur.

## LOCVS.

Satum vtrunque in hortis prouenit.

## TEMPVS.

Floret Colutea Maio & Iunio mēſibus, ac ſubinde in ſiliquis oblongis ſemen profert.

## TEMPERAMENTVM.

Arabes calidam in principio ſecundi, & ſiccā in primo ordine ſtatuunt.

## VIRE S. EX ACTVARIO.

Sene ſiliquoſus quidam fructus à barbaris appellatur, qui citra noxam drachmæ ponduſculo potus, pituitam & bilem deiicit: poſt hos reliquos humores moſteſtiſſimè purgat, retorridam atramque bilem, eiſque ſuffuſiones ex gallinaceo iure depellit. Ventoſto capitis dolori, ſcabiei, comitialibus, impetigini ſuccurrit. Sed ſeruſfacti ius potius quàm triti farina propinatur. Interaneorum obſtructiones tollit.

## APPENDIX.

Quum non forma tantum, imò etiam ſapore duo hæc Coluteæ genera ſibi ſimilia ſint, facilè etiā hinc colligitur facultate inter ſe minimè diſſerre. Quare vtrunque citra moleſtiam atram bilem retorridamque educit, caputque ac cerebrum, & inſtrumenta ſenſuum à noxiis purgat humoribus. Quid multa? aduerſus omnia vitia ab atra bile nata valet.

## APPENDIX ALTERA.

Dum hoſce commentarios conſcriberemus non erat ad manum græcus Theophræſtus: quare cum Latino tantum vtendum eſſet exēplari Theophræſti, non ſatis coniiicere potuimus, an per y aut per ou vox ipſa ſcriberetur, cum non rarò Latini eas voces in quibus Græcè u eſt, per v efferant. Quare Latine dici hanc herbā Coluteam & Colyteam putauimus. Sed naſto tandem Græco Theophræſti codice, ſtatim

tim deprehendimus καλὸν τιὰ καλὴν τιὰ diuersam esse: id ipsum enim Theophrastus manifestè innuit. In Latina verò Theodori versione perperam pro Colytea scribitur Colycea: id quod nobis etiā tenebras offudit.

*Colutea  
differt à  
Colytea*

## DE CORONOPŌ.

## CAP. CLXX.

Coronopum, id est, pedem cornicis pingit quam nos merito cornu cerni uocamus, quòd adulta eius folia cornu ceruini effigie ramosa sint. Coronopus nobis alius est in syluis frequēs folio infernè uiolam nigram aut geranium referente, super nò exiguo in pedis cornicis formam planè diuiso, cui flos supereminet luteus paruus.

## NOMINA.

ὄρωνος, ἢ ἄσπιον Græcis, Pes Cornicis & K Sanguinaria Latinis dicitur. Officinis incognita herba. Germanis commodè Kraen oder Rappensusz [Gallicè Capriole, ou sanguinaier, ou dent au Chien] appellari potest. Coronopus enim nò alia ratione dici cœpit, quàm quòd Cornicis pedè effigie repræsentet. Sanguinaria autem Sanguinalisue vocata est, quòd sanguini sistendo apta sit herba. Sunt qui herbam Stellæ nominant, alludètes haud dubiè ad Græcam appellationem astrion. Nonnulli quòd folium eius multipartitò cōsectum in ceruini cornu imaginem effigietur, Ceruinum cornu vocarunt.

*Pes Cornicis.*

*Coronopus unde dicta.*

*Sanguinaria.*

*Herba stellæ.*

## FORMA.

Herbula est oblonga, per terram strata, foliis fissis, radice gracili & adstringente. Ex qua quidè descriptione, etsi concisa admodum, satis liquet, herbā hanc cuius picturam damus esse Coronopum. Herbula enim est foliis oblongis & scissis, ac in multas partes laciniatis, atque adeò cornicis pedem effigie referentibus, humi quoque semper sparsa proserpit: radice denique tenui admodū & adstringente prædita.

dita. Quibus omnibus id quoque accedit, quòd Dioscorides Psyllium folia Coronopo similia habere scribit: quod si verum esse ex vtriusque herbæ collatione experiri volueris, senties Coronopi huius nostri folia planè Psyllij foliis similima esse, potissimum vbi primum è terra erumpunt: imò quòd ad folia, flores & semina attinet, omnia in vtrisque sibi similia deprehendes, in eoq; solo distare cõperies, quòd Psyllium folia non fissa habeat, & in altũ surgat, singulæque iam dicta maiora producat: cõtrà Coronopus humi repat, minoraq; omnia proferat. Vtraq; igitur herba luteos obtinet flores, & semina in capitulis pulicibus similia. Capitula verò in Coronopo sunt multo quàm in Psyllio tenuiora ac longiora, id quod pictura graphicè monstrabit. Ex iis quoque manifestũ sit errare illos toto cœlo, qui gramen aculeatũ & Coronopũ vnã & eãdem herbam esse cõtendunt, cùm tamen forma non parum distare videantur. Atq; hinc est quòd omnes veteres tam Græci quàm Latini vtranque herbam seorsim, & in diuersis locis descripserint. Plinius siquidẽ lib. xxiiiij cap. xix. aculeatum gramen in cacumine aculeos plurimum quinos habere, atque adeò Dactylon vocatum esse hoc nomine, quòd scilicet digitorum speciem referat, scribit. Coronopus verò neq; quinos, neque in cacumine aculeos obtinet, sed tantũ folia fissa, vel si aculeos placet appellare has fissuras, non in cacumine, sed in ambitu passim foliorum eas reperies: vt certum sit Coronopum non esse aculeatum gramen.

## L O C V S.

Dioscorides in incultis, semitis, & iuxta domicilia nasci tradit. In Germania tamẽ, quòd sciam, nasquã nisi fata prouenit.

## T E M P V S.

Floret Iunio mense, ac subinde in oblongis capitulis semen profert.

## T E M P E.

## TEMPERAMENTVM.

Ex adftrictione ipfa fatis conftat radicem ipfam ficcandi vi præditam effe.

## VIREs. EX DIOSCORIDE

Herba cocta eftur olerū modo. Radicē habet in cibo adftringentem, quæ cœliacis conducatur.

## EX GALENO.

Coronopodis radix comefta cœliacis prodeffe creditur.

## EX PLINIO.

Seritur interim Coronopus, quoniam radix cœliacis præclarè facit in cinere tofta.

## DE CYCLAMINO. CAP. CLXXI.

*Cyclaminus frequens in luco Aurelianenfi. in hortis etiam noftris prouenit.*

## NOMINA.

κυκλᾶμις, ἢ ἰχθυόθηρον Græcis, Rapum & tuber vmbilicusq; terræ Latinis, Cyclamē officinis mutata voce, Panis porcinus & terræ,

atque Arthanita à noftræ ætatis herbariis, Germanis Erduurtz oder Apffel/Schuuein oder Seuubrot [Gallice Pain de Porceau] dicitur. Cyclamino Græci nomen fecerūt, circūactā in orbem eius circinationē cōtem

plati, ἀπὸ τοῦ κύκλῳ, quafi ab orbe Cyclaminon, hoc eft, orbicularē dixerūt. Fuitq; hæc prior & antiquior plātæ huius appellatio. Ichthyotheron verò iidem,

quòd pifces ea necantur, nominauerūt. Romani Rapum terræ, quoniam eius radix in terra velut Rapum extuberat. Qua fanè ratione terræ tuber, quòd

in molem quandam intumeat: aut vmbilicum terræ, quoniā vt vmbilicus circinata forma emergit, fic & Cyclaminus sub terra cōfpicitur, etiam appellarūt.

Panem porcinū haud dubiè primū vocarunt subulci, qui pecori fuo radicē huius gratā pabulis cognouerunt. Cæteri antiquum Cyclamini nomen ignorantes, quòd sæpius radicem in orbem circumactam

intruerentur, quæ non in globum intumescens, fed

veluti

*Cyclaminus unde dicta.*

*Ichthyotheron.*

*Rapum terræ.*

*Tuber terræ.*

*Vmbilicus terræ.*

*Panis porcinus.*

*Panis terræ.*

## PLANTARVM HISTORIAE.

veluti pressa sese in latitudinem explicaret, quæ forma quotidiano vsu panes visuntur, terræ panē cœperunt appellare.

### FORMA.

Folia Hederæ habet, purpurea, varia, supra infraque albicantibus maculis. Caulem lōgitudine quatuor digitorum, nudum, foliisque carentem, in quo flores rosarum effigie purpurei. Radicem nigram, rāpo similem, in latitudinem se pandentem.

### LOCVS.

Nascitur in vmbrosis & vepribus, maximè sub arboribus.

### TEMPVS.

Cyclaminus ad finem Augusti folia sua quæ per integrum retinuit annum, amittit, & subinde noua emittit, atque statim inter ea flores ostendit, qui integro durant autumno.

### TEMPERAMENTVM.

Clarum est ex particularibus operatiōibus, quas statim subiiciemus, Cyclaminum esse calidam & siccam in tertio ordine.

### VIRES. EX DIOSCORIDE.

Radix Cyclamini cum hydromelite pota pituitam, aquamque per inferna trahit. Menses pota & apposita cit. Tradunt si prægnañs mulier radicem transgrediatur, abortum fieri. Partum appensa accelerat. Bibitur & in vino contra letalia, præsertim leporem marinum. Illita contra serpentium ictus remedio est. Immista vino ebrietatem facit. Regium morbum sistit tribus drachmis pota cum passo, aut diluta mulsā. Sed oportet eum qui bibit cubiculo ea lido reclinare, multis vestibis cōtectum, quò sudet. Eiectus verò sudor felleus colore inuenitur. Succus eius ad purgandum caput, naribus instillatur. Sedi etiam ad deiicienda excrementa in lana subiicitur. Vmbilico, imo ventri & coxæ illitus succus aluum mollit, verum abortum efficit. Suffusis & hebetibus oculis

oculis inunctus cū melle succus proudest. Medicamē-  
tis abortū inferentibus admiscetur. Sedem procidē-  
tem cum aceto inūctus succus cōpescit. Exprimitur  
tusa radice succus, & ad mellis crassitudinē decoqui-  
tur. Radix cutē extergit. Exāthemata reprimat. Vul-  
neribus per se ex aceto aut melle medetur. Illita lie-  
nē minuit. Vitia cutis in facie à sole & alopecias emē-  
dat. Decocto eius luxata, podagra, & capitis vlcuscu-  
la, pernionesq; vtiliter fouētur. Ipsaq; in vetere o-  
leo feruefacta, ad cicatricem perducit quæ oleo illo  
inūcta fuerint. Cauata radix oleo expletur, & cineri  
feruenti imponitur, adiecto interdum thyrrhenicæ  
ceræ modico, vt strigmenti crassitudinem contrahat  
vnguentum, cum primis vtile pernionibus. Radix  
Scillæ modo concisa reponitur. Narrāt ad amatoriā  
assumi contusam, & in pastillos conformatam.

## EX GALENO.

Cyclaminus varias vires obtinet, nā & extergit, &  
incidit, & ora venarum aperit, & attrahit, & discutit.  
Clarum verò id est ex particularibus operibus. Nā  
succus eius hæmorrhoidas referat, violēterq; ad se-  
cessum prouocat in floccis appositus. Sic etiam me-  
dicamentis tubercula, strumas, aliasq; durities discu-  
tientibus commiscetur, ac suffusus cum melle illitus  
competit: ad hæc quoque per nares expurgat. Adeo  
est vehemens eius facultas, vt abdomine illito vētrē  
subducatur, & fortum interimat. Nam & alioqui vali-  
dum interimendo conceptui medicamen est, in pes-  
so addita. Tota verò radix succo imbecillior est,  
quanquam & ipsa vehemens sit. Nam & menses siue  
epota, siue apposita euocat, & regio morbo proudest.  
non modo ipsum viscus expurgans, sed etiam quæ  
in toto corpore bilis fuerit, eam per sudorem excer-  
nēs. Proinde a potione omnibus modis sudoris ad-  
iuuanda prouocatio est. Modus eius bibendi est  
drachmarum trium, siue cum melicrato, siue cum  
passo. Cutem extergit cū in aliis, tum quod alope-  
cias,

cias, ephelidas, omniâque exanthemata curet. Lienē quoque induratum iuuat illita, tum recens, tum arida. Sunt qui radicem siccam asthmaticis exhibeant.

EX PLINIO.

Cyclamini radix contra serpentes omnes bibitur. In omnibus ferenda domibus, si verum est, vbi sata sit, nihil nocere mala medicamenta: amuletum vocant: narrantq̃, ea ebrietatem repræsentari, addita in vinū radice. Et siccata Scillæ modo concisa reponitur, decoquiturq̃ue eadem ad crassitudinem mellis. Suum tamen venenum inest ei, traduntq̃; si prægnans radicem eam transgrediatur, abortum fieri. Radix denique tribus drachmis bibitur in loco calido, & perfrictionibus tuto: sudores enim felleos mouet.

DE CYPERO. CAP. CLXXII.

*Cyperus nobis Souchet, fortè à radice quam Galli Souche uocant, cuius uis & usus est præcipuus.*

NOMINA.

ὑψίπος ἢ κύπερος Græcis, Cyperus & Cypirus  
**K** Latinis dicitur. Quum enim Græci quâdoque diphthongo, vt Theophrastus, quâdoque vocali breui, quamadmodum Dioscorides, Galenus & alij quidam, penultimam scribant, fit vt aliqui, e, alij verò i retineant. Poëtæ qui e ex diphthongo retinuerunt, meritò penultimā in Cypero producūt. Officinæ latinum nomen retinuerunt. Germanis *Vuilder Galgan* [Gallicè *Souchet*] vocatur.

FORMA.

Cyperus porri folia habet, longiora tamen, graciliora & solidiora. Caulem cubitalem, & nōnūquam altiolem, angulosum, schœno similem, in cuius cacumine minorum foliorum ac seminis productio est. Radices illi subsunt, quarum vsus est, oblongæ, oliuarum modo sibi inuicem commissæ, aut rotundæ, nigræ, suauiter olentes, & amaræ: vel, vt Theophrastus delineauit, inæquales, partim crassæ, carnosæq̃;

nosæq; partim graciles atque furculosæ. Ex qua descriptione omnibus esse perspicuū arbitramur, stirpem cuius nunc picturam damus esse Cyperum. Si quidem folia fert porracea, longiora, exiliora que: caulem altitudine cubiti, aut altiore, angulosum, in cuius cacumine minuta folia prodeunt, inter quæ semen residet. Radices huic sunt oblongæ, oliuarum modo inter se connexæ ac inuicem implexæ, aut rotundæ, nigræ, iucundè spirantes, gustu amaræ. Præterea magna inæqualitate notantur, quòd pars quædam crassa carnosaque, quædam gracilis atq; lignosa sit. Nemo enim non videt radicis tenuitatem furculosam protinus in oliuaria tubercula verticillari. Nascitur quoq; è latere huius radícula, quod Theophrastus etiam notauit, vnde cauliculus erumpit alius, vt pictura affabrè monstrat.

## LOCVS.

Nascitur in locis cultis & palustribus. In Germania certè non nisi cultus in hortis prouenit.

## TEMPVS.

Minuta folia in cacumine cum semine Iunio & Iulio mense producit.

## TEMPERAMENTVM.

Cyperì radices maximè vsui sunt, excalfacientes pariter & exiccantes citra mordacitatem.

## VIRES. EX DIOSCORIDE.

Radici Cyperi calefaciendi vis inest, vrinamque mouendi. Calculosis & aqua inter cutem correptis pota succurrit Aduersus scorpionum ictus remedio est. Refrigerationibus vuluæ & præclusionibus fortu auxiliatur. Pellit menses. Arida trita oris vlceribus, etiam si depascent, prodest. Malagmatis calefacientibus miscetur, & vnguentorum spissamentis accommodatur.

## EX GALENO.

Cyperì radices maximè vsui sunt, excalfacientes pariter & exiccantes citra mordacitatem. Itaque

A ij vlceribus



# PLANTARVM HISTORIAE

vlceribus quæ præ nimia humiditate cicatricè difficulter admittūt, mirificè profunt: habent enim quidam etiam adstringens, quapropter vlceribus item oris conueniunt. Quin & incidendi vim quampiam illis inesse testificandum, qua & calculo vexatis cōgruunt, & vrinam mense-que mouent.

## EX PLINIO.

Cypero vis in medicina psilothri. Illinitur pterygiis, vlceribusque genitalium, & quæ in humore sunt omnibus, sicut oris vlceribus. Radix aduersus serpentium ictus & scorpionum præsertim remedio est. Vuluas aperit pota. Largiori tanta vis, expellit eas. Vrinam ciet & calculos: ob id vtilissima hydropticis. Illinitur & vlceribus quæ serpunt, sed his præcipuè quæ in stomacho sunt, ex vino vel aceto illita. Iunci radix in tribus heminis aquæ decocta ad tertias tussi medetur. Semen tostum & in aqua potum, sistit aluū & fœminarū menses, capitisque dolores facit.

## DE LATHYRI. CAP. CLXXIII.

*Lathyrus nobis depurgandi violentia Espurge dicitur.*

## NOMINA.

Cataputia  
minor quæ  
re dicta.

**A**lypis Græcis, Lathyrus Latinis, officinis Cataputia minor, quod in pilulis quibusdam, seu potius catapotis, semen ferat: aut, quod verisimilius est, quia granis eius ad aluum subducendam pro catapotis vtantur. Germani *Springkaut* *Springkorn* oder *Treibkorn* [Gallicè *Espurge*] appellant, quod semen scilicet nisi in tempore auferatur, sua sponte ex loculamentis saliendo excidat.

## FORMA.

Caulem profert cubitalem, vacuum, digiti crassitudine: in eius cacumine sunt alæ. Folia in caule oblonga, amygdalinis similia, latiora tamè & læuiora. Quæ vero in summis sunt ramulis, minora, Aristolochiæ aut oblongæ Hederæ figura. Fructum fert in summis ramis tribus loculamentis distinctū, rotundū ceu Capparin, in quo terna sunt semina putaminibus

bus inuicē discretā, rotunda, maiora eruis, quæ quū corticibus exuuntur, cādida sunt, & gustu dulcia. Radix illi tenuis & inutilis. Totus autē frutex lacteo liquore, Tithymali modo, plenus est. Hanc certē descriptionē, si singula cōparare velis, ita Cataputię minori quadrare inuenies, vt nulla prorsus sit nota quā non pictura referat. Nā hæc caulem cubitali emittit longitudine, & digitali crassitudine Gignūtur in fastigio alæ, & folia in caule oblonga, amygdalæ proxima, latiora & læuora. Quæ autem in summis emicant ramulis, minora iis quæ caulem ambiunt conspiciuntur, Aristolochiæ aut longioris Hederae figura. In cacuminibus fructū gerit triplici cellula cōceptaculoue distinctū, ceu Capparin rotūdū, in cuius ventriculis grana tria intercurfantibus membranis diuisa continentur, eruis maiora, rotunda, quæ corticibus exuta alba spectantur, gustatu dulcia.

*Cataputia  
minor.*

## LOCVS.

Nascitur locis cultis & fabulosis.

## TEMPVS.

Carpitur autumnō dum fructu prægnans est, semēnque eximitur dum tuniculæ quibus includitur, inaruerunt.

## TEMPERAMENTVM.

Calidam in tertio, & in primo ordine humidam statuunt.

## VIRE. EX DIOSCORIDE.

Purgant aluū grana eius sex vel septem sumpta in catapotio, aut comesta, aut cum caricis aut palmulis deuorata, frigida superpota aqua. Ducūt autē pituitam & bilē, & aquas. Succus Tithymali modo exceptus, eundem effectum præstat. Folia cum gallinaceo aut oleribus decoquuntur ad eodē effectus.

## EX GALENO.

Sunt qui Lathyrim dicat Tithymali esse speciē, tū quod similiter illis succū habeat, tū quod eodē modo purget, vniuersaq̃ue illis facultate similis sit, nisi

A 11j

quod

# PLANTARVM HISTORIAE.

quòd semen gustantibus videatur dulce: quod sanè etiam maximè purgatoriam vim obtinet.

EX PLINIO.

Grana vicena in aqua pura aut mulsa pota, hydro picos sanant. Trahunt & bilem. Qui vehementius purgari volunt, cum folliculis ipsis sumunt ea, nam stomachum lædunt: itaque inuentum est, vt cum pisce, aut iure gallinacei sumerentur.

## DE LEVCOIO DIOSCORIDIS. CAP. CLXXIIII.

*Leucoia nobis à car yophylli in floris figura, & acrimonia Gyroslee dicuntur, & unum genus luteū officinis cum Mauris Keiri.*

### NOMINA.

Viola alba.  
Cheiri.

Λ λευκόιο Græcis, Viola alba, vel Viola simpliciter Latinis, officinis Mauritana voce Cheiri vel Keirim appellatur, Germanis Veiel [Gallicè Gyroslee.] Non autem temere adiectum est Dioscoridis: hac enim voce à λευκόιο Theophrasti, de quo suo loco dicemus, segregare voluimus.

### GENERA.

Viola purpurea duplex.

Et si Leucoij nomine Viola significetur candida, tamè & pro lutea, & cœrulea, & purpurea solet vsur pari. Quatuor itaque Violæ huius sunt genera, quæ sola florum diuersitate inter se differunt. Alia enim candida, alia lutea, alia purpurea. Non est tamen quòd per purpuream hic intelligas eam quæ Græcis πορ, & Latinis propriè Viola dicitur: nam eius alia ab ea de qua hic agimus familia est, huicque tum qualitate tum facultate, adde etiã forma, cōtraria. Ea enim quæ πορ Græcis vocatur, humilis est, ob id à nō nullis sessilis dicta, & latiore folio. Contrà nostra illa, vt mox dicemus, cubitali est altitudine, & minimè sessilis. Idem de candida dictum putes, nam ea quoque duplex est: vna de qua hic fit sermo, alia sessilis, de qua in præsentia nihil dicemus. Nos tria dūtaxat genera picta damus: cœruleas enim videre nō licuit.

Viola candida duplex.

licit. Quare supposititium hoc verbum in Dioscoride puto, maximè cum Plinius lib. xxj. vbi de sativis Violis loquitur, purpurea scilicet lutea & alba, nullam de cœrulea mentionem fecerit.

## F O R M A.

Cubitali altitudine profiliūt, ramosæ, caule Brasficæ exiliore, folio longo, molli, canescēte, flore quadrifolio, Violæ sylvestris odorem referēte, nō vnus coloris, nam alij cādidi, alij lutei, alij purpurei. Semē foliaceū tenuibus quidem, sed quincuncialibus filiquis continetur.

## L O C V S.

Vbique ferè in hortis & cultis reperiuntur. Nō enim nascuntur magna ex parte nisi satæ fuerint.

## T E M P V S.

Primo vere & Maio potissimū mense, inter flores emicat Leucoion. Hoc itaque tempore flores carpēdi. Semen inter æstatis initia profert.

## T E M P E R A M E N T V M.

Leucoion abstergētem facultatem possidet, & tenuium est partium, Galeno autore, proinde vt calidum sit necesse est.

## V I R E S. E X D I O S C O R I D E.

Lutea in medicina præcipui vsus est. Huius flores aridi efferuefacti in defensionibus, cōtra vuluæ inflammationes valent, & menstrua educunt. Cerato excepti rimas sedis sanāt: cū melle oris vlcera. Semen eius duūm drachmarum pōdere ex vino potum, aut cum melle appositum, menses, secūdas & foetus educit. Radices cum aceto illitæ, reprimunt lienem, & podagricos iuuant.

## E X G A L E N O.

Leucoij frutex vniuersus extergētē facultatē obtinet, ac tenuiū partiū est, plus tamen flores, & inter hos qui sunt sicciore magis etiā quàm virides, adeo vt & oculorum crassas cicatrices extenuent. Tū menses quoque decoctum eorum mouet, & secundas,

fœtumq; emortuum elicit, & si bibatur, abortum facit. Est ergo id medicamentū, vt si quod aliud, amarum. Quod si quis virium eius vehementiam multa aqua admista mitiget, aut certè id genus aliquo, habebit & ad phlegmonas bonum medicamentum. Sic decoctum eius si non merum fuerit, vteri phlegmonas idētidem perfusum sanat, potissimum quæ diutino tempore ad scirri modum induruere. Sic cū cecato vlcera ægrè ad cicatricem peruenientia curat. Sunt verò etiam qui cum melle ad oris vlcera adhibeant. Semen quum eiusdem sit facultatis, aptissimū est duarum drachmarū mensura potum, tum mensibus ciendis cum melle appositum conuenire creditur, fœtumq; viuentem interficere ac mortuum eiicere. Radices similis quoque facultatis, nisi quatenus crassioris sunt essentia, & magis terrenæ, cū aceto lienes induratos sanant. Nonnulli verò & phlegmonas induratas iis curant.

EX PLINIO.

Extenuant, menstrua & vrinā ciūt. Minor vis est recentibus, ideóque aridis post annum vtēdū. Lutea dimidio cyatho in aquæ tribus, menses trahit. Radices eius cum aceto illitæ sedant lienem. Item podagram, oculorum inflammationes, cum myrrha & croco. Folia cum melle purgant capitis vlcera, cum cera rimas sedis, & quæ in humidis sunt. Ex aceto verò collectiones sanant.

DE LAPATHO. CAP. CLXXV.

*Oxylapatum à lapato, uulgus Lapatience & Parelle. Secundum genus Lapatium, rotundum uulgo distū uidetur, aut ei asine rhabarbarum cartusianorum. Terrium genus est oxalis, Turonice nobis dista. Quartum oxalis uulgaris, nomen Parisiis oxale retinens.*

NOMINA.

Lapathum  
unde dicitur  
flum.

Λ

ῥαπαρ Græci, Rumicè Latini, barbari Lapathium vocant. Lapathum autem ab effectu nomē accepit, quod scilicet exinaniat: etenim

etènim λαπαίειν vacuare uel exinanire Græcis est: omnium siquidem generum foliis decoctis aluus mollitur. λαπαίειν

## G E N E R A.

Huius quatuor genera facit Dioscorides. Primū  
oxylapathon Græcis & Latinis dicitur. Officinæ  
Lapathum acutum, Germani Mengeliurtz / Grindt/  
uurtz / Streiffuurtz / Zitteruurtz / Vuildampffer [Galli-  
cè *De la paille, ou de Lapacience*] nominant. Oxylapa-  
thum, quamuis anceps in acidum saporem vel acu-  
tam figuram videatur significatio, tamè nomen hoc  
à foliis quæ in mucronem desinunt accepisse vide-  
tur. Secundum genus hortense priori dissimile, non  
quidem in vniuersum, sed duntaxat in foliis, quæ  
Serapione teste, multò sūt latiora. Hoc genus haud-  
dubiè est Rhabarbarum monachorum, quod passim  
hodie in hortis plantatur: Oxylapathum enim per o-  
mnia ferè simile est, folia tamen latiora obtinet, &  
ob cultum paulò tenerius est. Cùm autem primū  
erumpunt folia, purpurea ferè sunt, dein quotidie  
viridiora fiunt, vt pictura ipsa monstrat. Tertium  
sylvestre, paruum, plantagini simile, molle & humi-  
le est, quod vulgato nomine bonus Henrichus, ger-  
manicè *guter Heinrich* dicitur, id quod ex forma pri-  
mū colligitur: folia enim eius oxalidi, nisi quòd  
ampliora sunt, atque adeo ad plantaginis nonnihil  
accedunt folia, similia sunt. Flores autem eius & se-  
men sic Oxylapathum referunt, vt vix ab inuicem  
discerni queant. Dein vires etiam conueniunt: vul-  
neraria enim herba est Bonus Henrichus, ac miri-  
ficè ad sordida purganda, ac glutinanda vlcera con-  
fert, sic vt appensa etiam, ac trita vulnerib. imposi-  
ta, vermes qui in iis nati sunt excidere faciat. Quar-  
tum genus Græci ὀξαλίδα, Latini Oxaliden, offi-  
cinæ Acetosam, Germani Saur Ampffer nominant.  
Oxalis autem ideo dicta est, quòd in gustu acorem  
planè respiciat, vnde etiā vulgus Acetosam vocauit.

Hanc

Primum.

Lapathum  
acutum.

Secundū.

Tertium.

Quartum.

Acetosa.

# PLANTARVM HISTORIAE.

*Rumex* Hanc propriè Romani appellarunt Rumicem, for-  
*unde dicta* sitan quòd ab ea succus nò aliter atq; mamma, quã  
 Rumex veteres dixerunt, sitientibus exugi soleat.  
*Hippo.* Galenus tria tantum genera Lapathi facit, Oxali-  
 den, Oxylapathon & Hippolapathò, quòd sic Græ-  
 ci q; iasi grande Lapathum dicunt, magnis amplisq;  
 rebus hippo præponere soliti, ab equo excellentis  
 amplitudinis animali magnitudinem mutuantes.

## FORMA.

*Oxylapa-* Oxylapathum foliis duris & in cacumine acutis,  
*thi.* semine herbaceo acuminato ex minutissimis pedi-  
 culis dependente, radice longa & lutea vel potius  
 Crocea. Secundum genus Oxylapatho perquam si-  
 mile est, foliis tamen latioribus ac teneriorib. con-  
 stat, caule bicubitali interdum, striato, floribus exi-  
 guis, luteis, semine vt Oxylapathon triangulari, ra-  
 dice longa & lutea seu crocea. Tertium genus,  
*Oxalidis.* quod vulgus hodie Bonum Henrichum vocat, fo-  
 lium Oxalidi, latius tamen, aut Aro, vel vt Diosco-  
 rides inquit, plantaginíue simile obtinet. Aliqua e-  
 nim Ari, aliqua autè plantaginis folia referunt. Cau-  
 lem prioribus duobus humiliorem, in quo flores &  
 semina racematim multa dependent. Radicem ve-  
 rò longam & subflauam. Oxalis autem folia sylue-  
 stri & paruo humiliúe Rumici similia habet. Cau-  
 lis eius non adeò grandis est, sesquicubitum altus.  
 Semen acuminatum, rubrum, quod foliaceo vesti-  
 tur inuolucro, sapore acri, quod in caule & adna-  
 scentibus coliculis nascitur.

## LOCVS.

Oxylapathon in palustrib. & circa fossas potissi-  
 mum nascitur. Secundum genus hodie in multorũ  
 hortis consitum prouenit. Tertium passim in areis,  
 sepibus & circa itinera crescit. Oxalis in omnibus  
 pratis copiosissimè prouenit.

## TEMPVS.

Aestate antequam prata demetantur omniũ co-  
 pia haberi potest.

TEM-

## TEMPERAMENTVM.

Recentiores Acetosam statuunt esse frigidam & siccam in secūdo. Atqui quale huius & reliquarum Rumicum sit temperamentum, ex facultatibus earundem, quas mox dicemus, facile deprehēdent studiosi. Secundi generis Rumex in foliis manifestissimam aciditatem ostendit, vt hinc etiam conii cere liceat esse Rumicem, vtcunque monachi & cum iis multi quoq; medici, Rhabarbarum esse contendāt.

## VIRES. EX DIOSCORIDE.

Omnium Rumicum olus decoctum aluum molit. Crudum illitum cum rosaceo aut croco melicerides discutit. Semē syluestris & Oxylapathi & Oxalidis cum aqua aut vino vtiliter contra dysenterias, coeliacos affectus, stomachi fastidia, scorpiionūq; ictus bibitur. Si quis etiā in potu præsumat, nihil ictus patietur. Radices ipsarū ex aceto & cruda illitæ, lepras, impetigines, scabrososq; vngues sanant. Sed antea locus aceto & nitro in sole perfriandus est. Pruritus decoctum earum sedat, si eo foueantur. Coctæ in vino si cum iure colluantur, aurium dentiumq; dolorem mulcent. Strumas parotidasq; discutiant si cū vino decoctæ illinantur. Lienēs autem cum aceto. Aliqui vtuntur radicibus contra strumas, vinculo collo eas appendētes. Tritæ & appositæ scēminarum fluxiones sistunt. Decoctæ cū vino & potæ regio morbo correptos emendāt. Calculos vesicæ comminuunt. Menses cient. Scorpionū ictibus auxiliantur. Hippolapathon easdem antedictis Rumicum generibus vires obtinet.

## EX GALENO.

Lapathum moderatè digerentem facultatem habet, oxylapathum verò mistam: nam simul cum eo quod digerit, nonnihil quoq; reprimendi facultate participat. Semen eorū manifestam quandā adstrictionē ostinet, adeo vt & dysenterias, & alui profluvia sanet, potissimū autē oxylapathi. Hippolapathō easdem



# PLANTARVM HISTORIAE.

easdem dictis facultates obtinet, sed imbeciliores.

## EX PLINIO.

Sylvestria Lapatha scorpionum ictibus medentur, & ferire prohibent habentes. Radix aceto decocta si coletur, succus dentibus auxiliatur: si verò bibatur, morbo regio. Semen stomachi inextricabilia vitia sanat. Hippolapathi radices priuatim vngues scabrosos detrahunt. Dysentericos, semen duabus drachmis in vino potū, liberat. Oxylapathi semen lorum in aqua cœlesti, sanguinem reicientibus, adiecta acacia lentis magnitudine, prodest. Præstantissimos pastillos faciunt ex foliis & radice, addito nitro & iure exiguo. In vsu aceto diluunt. Sed satium in epiphoris oculorum illinunt frōtibus. Radice melicerias & lepras curant. In vino verò decocta, strumas & parotidas & calculos. Poto vino & līnes, cœliacos æque & dysentericos & tenaīmos. Ad eademq; omnia efficacius ius Lapathi, & ructus facit, & vrinam ciet, & oculorum caliginem discutit. Item pruritum corporis, in solia balnearum additum, aut prius ipsum illitum sine oleo. Firmat & cōmanducata dentes. Eadem decocta cum vino, sistit aluum. Folia soluunt adiecto sale.

## APPENDIX

Rhabar-  
bari mona-  
chorum fa-  
cultas.

Alterius generis Rumicis, qui Rhabarbarū monachorum vocatur, radix purgandi etiam uim obtinet, si in puluerem redacta drachmæ pondere sumatur. Neque id mirum admodum, cū etiam Dioscorides ipse omnium Rumicum olus decoctum aluum mollire, atque decoctas eorundem radices cum vino, regio morbo correptos emendare, ob bilis nimium per inferna educationem, testetur.

## DE LIMONIO. CAP. CLXXVI.

*Limonium nō s̄ frequens officinæ nomen non habet.*

## NOMINA.

αμύνιον Græcis, Limonion, Beta sylvestris & Tintinabulum terræ Latinis, vul-

go Pyrola, Germanis Vuintergrun, Holtzmangoldt, Vualdmango'dt, oder Vualdtkol [Gallis Limoine, ou Beta de depre, ou bette sauvage,] appellatur. Beta autē syluestris hæc herba dicta est, quod in syluis & locis muscosis, hortensū Betæ primum erumpenti haud dissimilis, proueniat. Tintinabulum, à floribus eius tintinabulo similibus. Pyrola, quod eius folia arboris pyri folio similia sint.

Beta syluestris unde dicta.

Tintinabulum à terra, Pyrola.

## FORMA.

Folia Betæ similia habet, tenuiora tamen & minora, decem, aut plura. Caulem tenuem, rectum, lilio æqualem, semine rubro, gustuq; adstringente plenum. Ex qua siquidem descriptione abundè liquet, herbam quam vulgus Pyrolam vocat esse Limonium. Foliis enim Betæ similis est, verum tenuioribus & minoribus (legendum enim in Dioscoride *μικρὸτερὰ* & non *μακρὸτερὰ*, Plinio libro vigesimo, capite octauo, teste) decem, interim pluribus. Caule tenui, recto, lilio simili, pleno seminis rubri, quod gustu adstringit. Quibus accedit quod germanicè Vualdmangoldt, id est, Beta syluestris nominatur. Neque res discrepant: adstringit enim, vulnerariaq; herba est Pyrola, haud secus atque Limonium. Flores denique tintinabulo similes sunt, ut citra vllum discrimen Pyrolam Dioscoridis esse Limonium asserere liceat.

## LOCVS.

In vmbrosis & syluestribus prouenit locis.

## TEMPVS.

Iunio mense floret.

## TEMPERAMENTVM.

Folia & semen gustu vehemèter adstringunt, ita in tertio ordine siccitatis illud rectè recetiores collocent.

## VIRE. EX DIOSCORIDE.

Semen tritum in vino potum acetabuli mensura, dysentericis ac cœliacis auxiliatur. Rubrum foeminarum.

# PLANTARVM HISTORIAE.

inarum profluuium sistit.

## EX GALENO.

Limonij semen vtpote austerum, cœliacis, dysentericis & sanguinem spuētibz cum vino exhibēt. Iuuat & profluuium muliebre. Satis autem est acetabuli mensura.

## EX PLINIO.

Huius folia ambustis vtilia, guttantia adstringūt. Semen acetabuli mensura dysentericis prodest. Aquæ è radice coctæ maculas vestium eluere dicuntur, itemq; membranarum.

## EX RECENTIORIBVS.

Pyrolæ decoctum interna & externa vulnera potum sanat. Item fistulis ac aliis malignis vlceribus medetur.

## DE LAMIO. CAP. CLXXVII.

*Lanium urtica alba à flore vulgo dicitur.*

## NOMINA.

AMIVM Plinio lib. xxj. cap. xv. & lib.

L xxij. cap. xiiij. vocatur. Vulgo Vrtica iners & mortua. Sunt qui albam Vrticam nomi-

*Archangelica.* nent, & Archangelicam. Officinis inusitatum, germanicè *Todtnessel* oder *Taubnessel* [ Gallicè *Ortie morte* ] dicitur. Iners & mortua cognominata, quòd foliis non mordētibus sit, & mitissima.

*quarc difta.*

## GENERA.

Vrticæ mortuæ tria inueniuntur genera. Vnum albis, quod propriè Lamium dicitur: alterum luteis, & tertium purpureis floribus constat. Nos, quia foliis floribus differunt, nec in eorū foliis aliquod discrimen apparet, vna icone omnia tria complexi sumus genera.

## FORMA.

Foliis constat Vrticæ pungentis, minoribus, fimbriatis, candidioribus, languine nequaquam mordaci, caule quadrangulo, flore alba, luteo, aut purpureo, radice ex interuallis cincinnis capillata. Gra

ui odore tota fragrat. Innoxia est & morfu caret. Semen in caulibus per interualla copiosum & nigrum profert.

## L O C V S.

Passim circa semitas & sepes nascuntur.

## T E M P V S.

Vere primo, Maio potissimum mense, floribus abundans, & tota ferè æstate.

## T E M P E R A M E N T V M.

Calidum & siccum est Lamium, veluti etiam alia Vrticæ genera, id quod ex gustu, eiusq; facultatibusprehenditur.

## V I R E S. E X P L I N I O.

Medetur cum mica salis confusis incussisq; , inustis & strumis, tumoribus, podagris, vulneribus. Album habet in medio folio, quod ignibus sacris medetur. Quidam è nostris tempore discreuere genera. Autumnalis Vrticæ radice alligata in tertianis, ita vt egri nuncupentur cum eruitur ea radix, & dicatur quæ, & cui, & quorum filio eximatur, liberari morbo tradiderunt. Hoc idem cõtra quartanas polere. Idem radice vrticæ addito sale, infixæ corpori extrahi. Foliis cum axungia strumas discuti, vel si suppurauerint, erodi compleriq;.

## . E X R E C E N T I O R I B V S.

Recentiores hac inertæ Vrticæ vtuntur sistendo ruentis è naribus sanguinis impetu, imæ ceruici vel scapulis alligando, inde sperant in aduersum trahicruoris manantis impetum. Vlceribus denique, putredinibus & fistulis mirificè conferre, ac mederi tradunt.

D E L I N O. C A P. C L X X V I I I.  
N O M I N A.

ἰνον Græcis, Linū Latinis & officinis, Germanis *Lein*, oder *Flachsz* [Gallis *Du Lin*] appellatur.

FOR-

# PLANTARVM HISTORIAE.

## FORMA.

Herba est tenui caule, foliis angustis, oblongis, & in summo acuminatis, floribus cœruleis, speciosis, quibus decidentibus folliculus enascitur in quo semina continentur fulua.

## LOCVS.

*Linum ar-  
grum noxiū*

Gaudet pingui solo & modicè humido. Agris autem noxiū n̄ est, deteriores enim eos facit, id quod iis carminibus in Georgicis significauit Virgilius:

Vrit enim lini campum seges, vrit auenæ,  
Vrunt letheo perfusa papauera somno.

## TEMPVS.

Vellitur æstate vbi maturitatem consecutum fuerit, quæ sanè duobus argumentis intelligitur, intumescente semine, vel flauescente colore.

## TEMPERAMENTVM.

Est in primo ordine calidum, ac humiditatis & siccitatis quodammodo in medio situm.

## VIRES. EX DIOSCORIDE.

Semen Lini eandem Fœnogræco facultatem obtinet. Omnem intus forisq; inflammationem discutit & emollit, cum melle, oleo, exiguaq; aqua decoctum, aut melle cocto exceptum. Vitia cutis in facie crudum, varosq; cum nitro & ficu illitum. Cum lixiua autem parotidas, duritiesq; discutit. Herpetas in vino decoctum, & fauos purgat. Vngues scabros cum pari modo Nasturtij & mellis eximit. Cū melle vice eclegmatis sumptum, ea quæ in thorace sunt educit. Tussim lenit. Venerem stimulat si cum melle & pipere mixtum pro placenta largius sumatur. Huius decoctum intestinorum vteriq; erosionibus iniectum medetur, adq; excrementorum educationem prodest. Ad vuluæ inflammationes in defessio- nibus haud aliter quàm Fœnigræci perquam vtile est.

## EX GALENO.

Lini semen esum flatuosum est, etiam si frigatur,  
adco

adeò sanè excrementitia humiditate plenum est. Visceribus tamen quæ circa hypochondria sunt, vt si quid aliud, gratum existit. Quidam hoc tosto instar opsonij non secus ac factitio sale cum garo vtuntur. In vsu est & melle conspersum. Inferunt nōnuli panibus quoque. Stomacho & concoctioni repugnat. Tenuiter corpus alit. Quòd spectat ad deiectionem, nec laudandum, nec vituperandum, perexiguam tamen vim mouendæ vrinæ tenet, quæ in tosto efficacior est. Idem quoque aluum magis sistit. Rustici sæpenumero torrefacto adiecta portione mellis vtuntur.

## EX PLINIO.

Lini semen cum aliis quidem in vsu est. Et per se mulierum cutis vitia emendat in facie. Oculorū aciem succo adiuuat. Epiphoras cum thure & aqua, aut cum myrrha. Cum vino sedat parotidas. Cum melle, aut adipe, aut cera, stomachi solutiones inspersum polentæ modo. Anginas in aqua & oleo decoctum, & cum aniso illitū. Torretur vt aluum sistat. Cœliacis & dysentericis imponitur ex aceto. Ad iccinoris dolores estur cum vua passa & ad phthisim vtilissimè. Semine fiunt & ecligmata. Musculorum, neruorum, articulorum, ceruicū duritias, cerebri membranas mitigat farina seminis, nitro aut sale, aut cinere additis. Eadem cum fico item concoquit ac maturat. Cum radice verò cucumeris syluestris extrahit quæcunque corpori inhærent. Sic & fracta ossa. Serpere vlcus in vino decocta prohibet. Eruptiones pituitæ cum melle emédât. Vngues scabros cum pari modo Nasturtij, & testium vitia, & rami- ces cū resina & myrrha, & gangrænas ex aqua. Stomachi dolores cum Fœnogræco sextariis vtrisque decoctis in aqua mulsa. Intestinorū & thoracis perniciofa vitia, clystere in oleo & melle.

PLANTARVM HISTORIAE.  
DE LICHENE. CAP. CLXXIX.  
NOMINA.

*Hepatica.* *Λ* αχῆρ Græcis, Lichen Latinis, officinis &  
*Lichē qua* herbariis Hepatica, Germanis *Stein oder*  
*re dicta.* *Brunnenleberbraut* dicitur. Lichena autem  
Græci & Latini nominauerūt, quòd cōtra Lichenas  
omnibus remediis anteponatur: aut à re ipsa nomē  
dederunt, quoniam saxa quibus hæret linguæ mo-  
*Hepatica* do lambat. Hepaticam verò recentiores vocarunt,  
*quare.* quòd iecinorum fibris similis conspiciatur.

FORMA.

Folio succi pleno, crasso & oblongo constat, roru  
lentis petris adhærente, sub quo cauliculi, pediculò  
rum forma, capitula stellata habentes, exeunt.

LOCVS.

Nascitur in roscidis & grauitè olentibus saxis.

TEMPVS.

Iulio mense ea qua picta est forma decerpitur.

TEMPERAMENTVM.

Abstergentem ac modicè refrigerantem faculta-  
tatem, vtranque verò resiccantem habet. Abstergen-  
tem quidem atque exiccantem à petra, refrigerantē  
autem ab aqueo humore.

VIRES. EX DIOSCORIDE.

Lichen illitus sanguinis eruptiones sistit, & in-  
flammationes compescit. Impetigines sanat. Inun-  
ctus cum melle regio morbo affectis prodest. Oris  
& linguæ defluxiones arcet.

EX GALENO.

Lichen qui in petris nascitur, est veluti muscus  
quidam, sed rectè ex plantarum genere censerì po-  
test. Sic nominatus videtur, quòd lichenas seu impe-  
tigines curret. Extergentem & mediocriter frigidam  
facultatem obtinet. Porro quod ex talibus substan-  
tiis componitur, aduersum esse inflammationi nihil  
mirum est. An verò sanguinis eruptiones sistat, vt  
Dioscorides ait, id neutiquam dicere queo.

EX

## EX PLINIO.

Sanguinem sistit vulneribus instillatus, & collectiones illitus. Morbum quoque regium cum melle sanat ore illito & lingua. Stigmata etiam delet.

## DE LINOZOSTE.

## CAP. CLXXX.

ἰνὸΰωσις, ἢ ἰρμὸν βοτάνιον, ἢ πῶα Græcis, Mercurialis Latinis & officinis dicitur. Germanis *Bingelkraut* / *Mercuriuskraut* / oder *Kuuurtz*,

[*Gallis Mercurialis*.] Mercurialis dicta est, quod à Mercurio inuenta sit.

## GENERA.

Duo eius genera, mas & fœmina, quæ facillè ex eorundem descriptionibus discerni poterunt. Folia verò maribus nigriora, fœminis candidiora.

## FORMA.

Mercurialis folia Ocimo similia habet, ad Helxines foliorum figuram accedentia, minora tamen. Ramulos geniculatos, alarum caua multa & densa habentes. Fœmina semen fert racemosum & multum. Mas verò iuxta folia exiguum, rotundum, geminorum testiculorum modo connexum. Totus frutex dodrantalis, & nonnunquam maior.

## LOCVS.

Nascitur in campestribus cultis, vinetisq; aliquibus locis tam copiosa & efficax, vt sapore suo vina etiam inficiat, & bibentibus ingrata reddat.

## TEMPVS.

Augusto mense semine prægnans est.

## TEMPERAMENTVM.

Calidam & siccam in primo ordine esse asserunt.

## VIRE. EX DIOSCORIDE.

Vtraque aluum mouet olerum modo comesta. Cocta in aqua & epota aqua, bilem & aquosa ducit. Creduntur præterea fœminæ folia trita & pota, aut post purgationem pudendis apposita, vt fœminæ concipi-



## PLANTARVM HISTORIAE

cipiantur efficere. Masculæ verò similiter adhibita, mares progenerare.

### EX GALENO.

Mercuriali omnes duntaxat ad ventris purgationes vtuntur. Verumenimverò si quis eius facere periculum volet in cataplasmate, sanè digerētis admodum facultatis esse experietur.

### EX PLINIO.

Mirum est quod de vtroque eorum genere proditur: vt mares gignantur hunc facere, vt fœminæ illam. Hoc contingere si à conceptu succus protinus bibatur in passo, edanturue folia decocta ex oleo & sale, uel cruda ex aceto. Quidam decoquunt eam in nouo fictili cum heliotropio, & duabus aut tribus spicis, donec decoquatur. Decoctum dari iubent & herbam ipsam in cibo altero die purgationis mulieribus per triduū, quarto die à balneo coire eas. Hippocrates miris laudibus in mulierum vsu prædicauit illas. Easq; ad hunc modum adhuc medicorum nemo nouit. Ille eas vuluæ cū melle, vel rosaceo, vel irino, vel lirino admouit. Item ad ciendos menses, secundasq;. Hoc idē præstare potu fotuq; dixit. Instillauit auribus surdis succum, inunxitq; cum vino vetere. Aluo folia imposuit, epiphoris, stranguriæ & yesciæ. Decoctum eius dedit cum myrrha & thure. Aluo quidem soluendæ, vel in febrī, decoquitur quantum manus capiat, in duobus sextariis aquæ ad dimidias, bibitur sale & melle admixto: necnon cum vngula suis, aut gallinaceo decoctū salubrius. Purgationis causa putauere aliqui vtranq; dandam, siue cum malua decoctum. Thoracem purgant, bilem detrahunt, sed stomachum lædunt.

### DE LIBANOTIDE CORONARIA. CAP. CLXXXI.

*Rosmarinum coronariam tantum pingit, quod passim luxuriat.*

NO.

## NOMINA.

*Λιβανωτίς* Græcis, Rosmarinus Latinis & officinis, Germanis *Rosmarin* [, Gallis *Rosmarin* ] appellatur. Libanotis verò dicta est, quòd odorem thuris reddat. Libanotida autem non eam quæ simpliciter sic nominatur à Græcis intellige, sed eam quæ cum adiectione, coronaria Libanotis appellatur.

*Rosmarinus*  
*Libanotis*  
*cur dicta.*

*Libanotis*  
*coronaria.*

## FORMA.

Rosmarinus quæ nectentes coronas vtuntur, virgas habet tenues, circa quas sunt folia tenuia, crebra, oblonga & gracilia, intus candicantia, exteriori autem parte viridia, grauiter odorata. Florè, quod Dioscorides omisit, in candido cœruleum, radicem nigram, multis fibris capillatam.

## LOCVS.

Hodie passim in hortis & fœtilibus vasis plantatur. In Narbonensi autem Gallia sua sponte prouenit tam copiosè, vt eius incolæ aliud lignum non vrant.

## TEMPVS.

Carpitur Maio mense & deinde vsque ad Septēbris mediū. Floretq; bis annatim, vere & autumnō.

## TEMPERAMENTVM.

Calida & sicca est, id quod ex gustu & viribus cōiicere quisque poterit.

## VIRE. EX DIOSCORIDE.

Calfacit. Regium morbum sanat, si quis eam in aqua decoxerit, & ante exercitia bibendam dederit, dein post exercitia lauerit, & vino potauerit. Misce tur etiam acopis, & musto oleo.

## EX GALENO.

Libanotidis, quæ ad coronas est utilis, quam Romani Rosmarinum nuncupant, decoctum regio morbo laborantes potum adiuuat. Omnes enim Libanotides abstergentis & incidentis facultatis sunt participes.

# PLANTARVM HISTORIAE.

## APPENDIX.

Recentiores Rosmarinum suffitu tussim & destillationem sedare tradunt. Et quod in primis nobile, tutam præstare in pestilentia domum crematam, nidore improbam aëris diluentem perniciem. Adiiiciunt & alias facultates, eas nempe: Rosmarinus corroborat cerebrum, sensus interiores, memoriam & cor. Succurrit tremori, resolutioni q̃; partiū. Loquelā amissam reparat, & alia multa potest, quæ commemorare superuacaneum est.

## DE LIGVSTRO. CAP. CLXXXII.

*Ligustrum tronia officinis dicitur.*

### NOMINA.

IGVSTRVM Plinio aliisq̃; Latinis nominatur. Officinis inusitatum, Germanis Beinholtzlin/Mundtholtz, Rein oder Schulaueidem, [Gallis Du Troesne] dicitur. Quo autē nomine Græcis appellatum sit, nondum certo nobis constat: neque enim vt ferè omnes hodie putāt Cypros est, quæ Plinio lib. xij. teste, semen habet Coriandri, peregrināque existit arbor. At Ligustrum semen nō Coriandro simile, quod rotundū ac subflauum est, sed potius atrum, & altera parte latum modicēque concavum in racemis profert. Nec arbor est peregrina, sed spōte in sepibus & senticetis ubiq̃; prouenit. Mea tamen sententia Phillyrea potius apud Dioscoridem erit, quod hæc Cyprio congener ac similis sit, easdēque quas Ligustrum facultates habeat. Iudicium tamen penes prudētem lectorem esse volumus.

*Ligustrū  
nō est Cy-  
pros.*

*Phillyrea  
uidetur es-  
se Ligu-  
strum.*

### FORMA.

Ligustrum arbor est parua, foliis Oleæ similibus, floribus parvulis, candidis & odoratis, racematim florentibus, fructibus initio virentibus, processu tēporis nigris, vuarum more congestis.

### LOCVS.

Nihil frequentius Ligustro in vepribus occurrit,  
nihilq̃;

nihilq; crebrius in dumetis inuenitur, ita vt hoc nomine contemptui habeatur. Quapropter huc respiciens Virgilius in Bucolico carmine, eius flores negligi à pastoribus, ac inutiliter perire canit, dicens :  
Alba ligustra cadunt, vacinia nigra leguntur.

## TEMPVS.

Maio mense floret, autumnò autem cum maturis baccis nigrescit.

## TEMPERAMENTVM.

Etsi forma nonnihil à Cypro distet Lygustrũ, tẽperamento tamen eodẽ est prãditũ. Eius enim folia & furculi mixta qualitate constant: discutiens enim quiddã cũ aquea substantia, modicẽ calida, & quiddam etiam adstrictorium ex terrena substantia frigida, & sine morfu siccante, obtinent.

## VIRE S. EX PLINIO.

Succus eius neruis, articulis, algoribus, folia vbiq; veteri vlceri cum salis mica, & oris exulcerationibus profunt. Acini contra phthiriasin, item contra intertrigines, foliãue. Sanant & Gallinaceorum pituitas acini.

## APPENDIX.

Recentiores Ligustri succum vlcera oris, veretrĩque sanare tradunt. Idem etiam posse folia in vino decocta adiciunt: vt hinc euidentissimum sit, foliis Ligustri, haud secus atque Cypri aut Phillyreæ, adstrictoriam inesse vim, propter quã cõmanducata & decocta, oris potissimum vlceribus opitulantur.

## DE LVNARIA MINORE.

## CAP. CLXXXIII.

*Lunaria minor inuentu hĩc rara, quanquam nomen herbariis prope omnibus in ore est frequens, tum eius, tum etiam maioris.*

## NOMINA.

IV multumq; de huius herbæ nomenclatura fuimus solliciti, at vtcunque multos inter-  
B iij rogaue-

# PLANTARVM HISTORIAE.

*Lunaria  
minor.*

rogauerimus, tamen aliud nomen quàm idipsum quo nunc appellamus expiscari haud potuimus. Vocetur itaque Lunaria minor donec certiorè appellationem habere cõtigerit. Germanicè *Klein Mökraut* vt sit ad Latinam nomenclaturam allusio quædam, nuncupetur.

## FORMA.

Rotundo est caule, cui folia vtrinque septem annexa, cordis ferè humani formam habentia: in summitate caulis semen Betæ simile profert.

## LOCVS.

Nascitur in montibus. Copiosissimè autem Turingæ in pede montis Austriaci prouenit. Prope hanc nunquam non Ophris, de qua suo dicemus loco, inuenitur.

## TEMPVS.

In fine Maij & Iunio mense inuenitur, dein statim euanescit.

## TEMPERAMENTVM.

Terrestre quid præ se fert gustata, atque parū adstringit, vt hinc mediocriter frigidam & siccam esse verisimile sit.

## VIRE S.

Vis foliorum eius haud dubiè vulneribus efficax, glutinandi nanque facultate prædita est. Chymicorum nugæ, quibus eius herbæ vsus frequentissimus est, lubens prætereo. Constat autem experientia, ad suppressendos menses, & album muliebri profluum, mirificè conferre hanc herbam.

## DE LEPIDIO. CAP. CLXXIIII.

*Lepidium iam in hortis frequens, tritum olet sinapi, & illius ac pipëris est acrimonia.*

## NOMINA.

Piperitis.

A

*ῥαδίδιον* Græcis, Lepidiū Latinis appellatur. Vulgus herbariorū Piperitim nominât. Quâ denominationē sequētes Germani nostri *Pfefferkraut*

ferkraut, [Gallorū vulgus *Passe rage*] vocant. Nomen verò hoc à pipere traxit, cuius acrimoniā herba hæc gustata refert. Diuersa est verò, vt obiter parū attentos moneam, ab ea planta quam Plinius Piperitim nuncupat, de qua suo loco dicemus copiosè. Sūt qui Lepidium alio nomine raphanum nomenclant, quod non alia fit ratione, quàm quòd herba hæc quòd ad folia attinet, raphano syluestri, quem Amoraciam alio nomine dicunt, admodum similis fit. Lepidium verò appellatum, quòd λεπίδας, hoc est, squamas & maculas in facie debeat & repurget.

*Raphanus cur dicitur Lepidium.*  
*Lepidium unde dictum.*

## FORMA.

Fruticosum est, in cubitalem altitudinem surgēs, foliis laurinis, sed mollibus, & maioribus. Sic quidē Lepidion depingit Plinius & Paulus. Vnde sole clarius fit, herbam cuius picturam damus esse Lepidiō: cubitalis enim & interdum bicubitalis est, caule solido & rotundo, foliis oblongis & laurinis, maioribus tamen & mollioribus, gustu piper referentibus & acribus, magnopereq; linguam vellicantibus, floribus candidis exiguis admodum, semine paruo, radice oblonga. In summa, forma totius herbæ raphano, vt diximus, syluestri similis est.

## LOCVS.

In hortis potissimum prouenit, in quibus viuacitatem suam vsque ad multos annos prorogat.

## TEMPVS.

Floret Iunio & Iulio mensibus, deinde semen profert.

## TEMPERAMENTVM.

In ordine quartocalfacit, vt Nasturtium, exiccat autem ipso minus.

## VIRES. EX DIOSCORIDE.

Salgamorum more, sale cum lacte conditur. Foliolorum vis acris & exulceratrix est. Quapropter ischiadicis præsentī remedio illinitur, tritum cum radice Inulæ, & quarta vnius horæ parte impositum.

Similiter

# PLANTARVM HISTORIAE.

Similiter & lienosis prodest. Lepras idem pellit.  
Radix collo adalligata, dentium dolorem leuare  
creditur. EX GALENO.

Facultate Nasturtio simile est.

EX PLINIO.

In facie cutem emendat exulcerando, vt tamen  
cera & rosaceo facilè sanetur. Sic lepras & pforas tol-  
lit sempet facilè, & cicatricù vlcera. Tradunt in do-  
lore dentium adalligatum brachio qua doleat, com-  
pescere dolorem.

APPENDIX.

Lepidion crassos & glutinosos cibos & humores  
extenuare, & incidere valet: ideoque culinaria est  
herba, & salsamentis idonea.

DE LEUCOIO. THEOPHRA-  
STI. CAP. CLXXXV.

*Leucoion Theophrasti à Massario in lib. ix. Plinii deprehē-  
sum est, quod nobis circa natalem Christianum etiam summis  
frigoribus floret passim in syluis, & nunc quoque in hortis  
quibusdam.*

NOMINA.

ευκόϊον Theophrasti hoc loco describimus,

Λ quod planè diuersum est à Leucoïo Diosco-  
ridis, quod suprà depinximus, id quod ta-

men pleriq; etiam docti viri non animaduerterunt.

ba. Latinis Viola alba dicitur. Germanicè *Vueisz Hor-*

Viola al, *nungszblumen / oder Mertzzenblumen* [Gallicè *Violette,*

ba cur di- *ou Girofle.*] Non autem ab re Viola alba dici cœpit:

sta. flos enim huius herbæ colorem album, & Violarum  
odorem refert.

FORMA.

Folia habet Porro similia, tenuiora tamen & mol-  
liora, ex radice bulbosa prodeuntia. Pediculum etiā  
profert dodrantalem, tenuem ac ferè iunceum, in  
quo candidus flos est, in medio croceus, Violarum  
purpurearum odorem referens, quo decidente, ca-  
pitula Nūcis auellanae quantitate erumpūt, in qui-  
bus semen Sinapi haud dissimile continetur. Quod  
si ad

fi ad hanc descriptionem adhibeas ea quæ de Viola alba Theophrastus libro sexto & septimo de stirpiû historia tradit, certè sole manifestius erit herbã hanc cuius picturã damus esse eam, quam λευκότορ Theophrastus vocat. Nam hæc prima florum se ostendit. Emicat vbi cælum clementius statim, etiam nõ hyme exacta: vbi verò immitius, postea. Celeriter quoque euanescit. Radicem denique bulbosam & florè odoratum obtinet. Quæ singula etiã de hac nostra herba verè dici possunt. Prima siquidè florum, hyme etiam nondum exacta, Februario nimirum mese, & die diuo Valentino sacro, vbi cælum clemētius fuerit, apparet. In Aprili, vbi appropinquare iã cœperit Maius, euanescit. Flos item eius, Violarum purpurearum prorsus odorem refert. Radix etiam ad Bulbi similitudinem orbiculata existit, vt hoc nomine nemini dubium esse debeat, quin sit Viola alba Theophrasti.

*Theophrasti alba  
uiola.*

*Flos Februarii  
uocatus.*

#### LOCVS.

Prouenit in vmbrosis syluis & locis, qualis est nõ procul à Tubinga paulò supra & infra monasteriũ Bebenhusum vocatũ, vbi copiosissimè nascitur. Plãtatur nunc etiam passim in hortis.

#### TEMPVS.

In Februario statim hæc erūpit, vt diximus, herba, & inter initia Martij ad perfectionē venit. Semē in Aprili ostendit in capitulis, vt in altera pictura vides.

#### TEMPERAMENTVM.

Folia ferè qualitatibus omnis expertia, radix autem dulcis & glutinosa est, vt hoc nomine adstringat & exiccet, vt reliqui bulbi.

#### VIRES.

Digerentem leuiter, & cum hoc adstringentem facultatem, sicut reliquos bulbos, habere ex iis quæ cō memorauimus satis constat. Tamen nunc nullus, quòd sciam, eius stirpis vsus est.

#### DE LITHO.



# PLANTARVM HISTORIAE.

## DE LITHOSPERMO.

### CAP. CLXXXVI.

#### NOMINA.

**Miliū solis.** **Λ** *ἰθοςπερμον* Græcis, Lithospermū latinis, officinis & medicis hodie oībus Miliū solis appellatur. Germanis *Meerhirs/oder Stein-somen* [Gallicè *du Gremil.*] Nomen à lapidea feminis duritia accepit: neq; enim Lithospermō aliud sonat Græcis, quàm lapideum semen. Quum itaque semina tanquam calculos ferat, candore & rotunditate margaritarum, duritia verò lapidea, commodissima voce Lithospermon dictum est. Miliū verò solis recentioribus nominatum puto, quòd semen eius candore solis & lucis splendore fulgeat.

#### FORMA.

Folia habet Oleæ similia, longiora tamen & latiora, & quæ in ima parte sunt, humi iacent. Ramulos verò rectos, tenues, crassitudine Iunci acuti, solidos, lignososq;. In quorum cacumine bifidi diuariatq; exortus, cauliculorum speciem exhibent longa habentes folia, inter quæ semen lapideum, rotundum, paruum, eruo æquale. Plinius graphicè candore & rotunditate margaritas referre dixit. Nostrium autē Lithospermon multo minus quàm Dioscorides & Plinius tradiderunt semen profert, quod soli diuersitati acceptum referendum erit. Radix etiam Lithospermi, quod adiiciendum esse arbitror, exteriori sui parte rubore perfunditur.

#### LOCVS.

Lithospermon asperis & sublimibus locis gaudet. Satum etiam in hortis prouenit.

#### TEMPVS.

Floret Iunio & Iulio mēsis, eoque tempore semen etiam profert.

#### TEMPERAMENTVM.

Semen Lithospermi, cuius maximè vsus est, calidum & siccum esse faciliè ex eiusdē facultatibus cōiicitur.

licitur. Omnia siquidem vrinam cientia, Galeno libro.v. de simpli. medicam. facult. cap. xij. teste, calida & sicca sunt.

## VIRE. EX DIOSCORIDE.

Semen cum vino albo potum, calculos frangit, & vrinam ducit.

## EX PAVLO.

Semen cum vino albo potum, calculos conterit, & vrinam pellit.

## EX PLINIO.

Lapillis eius drachmæ pōdere potis vino albo calculos frangi pelliq̃ue constat, & stranguriam discuti.

DE LYSIMACHIA. CAP.  
CLXXXVII.

*Lysimachia officinis nomen non habet.*

## NOMINA.

ὑσισμαχίον Græcè, Lysimachia Latinè, vulgò

A Salicaria, Germanicè *Vuciderich* [Gallicè *Cornelle, ou Soucy deau ou Pellebasse*] nominatur.

Lysimachia verò ab eius inuentore Lysimacho appellata, aut quia vis tanta herbæ, vt iumentis discor- *Lysimachia unde dicta.*  
dantibus imposita iugo, asperitatem cohibeat. Quare à dissoluenda dissidentium pugna, nō ineptè Lysimachia videbitur nominata. Salicaria verò quòd *Salicaria.*  
folia salicis, aut quòd inter salices nascatur, dicta est.

## GENERA.

Lysimachiae duo esse genera ex Dioscoride & Plinio satis liquet. Plinij enim purpureum florem habet, hinc nos illam purpuream appellauimus. Germanicè *braun Vuciderich*. Dioscoridis vero rufos, hoc est, aureos, vt ipsemet interpretatur, flores obtinet, ideoque luteā nominauimus, Germanicè *geel Vuciderich*. Et hæc quidem altera magis adstringit, inque vsu medico hoc nomine eidem præferenda.

## FORMA.

Caules profert cubitales, aut etiam maiores, tenues, fruticosos, quorū à geniculis folia exeunt gracilia,

## PLANTARVM HISTORIAE.

cilia, falici similia, gustum adstringētia, flores rufos, aut ad auri colorem declinātes. Ex qua pictura nullo non notum fit, plantas quas pictas damus esse *Lysimachias*. Caules enim emittunt cubitales, & multo quoque longiores, tenues & fruticosos. Folia etiam habent falicis cum lentore quodam adstringentia. Flores hæc rufos, illa autem purpureos habet, vt nō contemnendus autor est *Plinius*. His accedit locus natalis, & alia quæ referre non attinet.

### LOCVS.

Nascuntur palustribus locis, & prope aquas, potissimum vbi salices proueniunt.

### TEMPVS.

Iunio & Iulio mensibus florent, ac subinde purpurea in siliquis oblongis semen producit, lutea vero decidentibus floribus, semen exiguum, *Coriandro* haud dissimile profert, quod gustum non secus atq; folia adstringit.

### TEMPERAMENTVM.

Superantem adstrictoriam qualitatem, adeoque exiccatoriam vim obtinent.

### VIRE. EX DIOSCORIDE.

Succus foliorū eius, cui adstringendi facultas est, ad sanguinis excreatiōes, & dysēterias potus & infusus confert. Sistit & mulierū fluxum appositus. Contra erumpentem è naribus sanguinem herba ipsa vtiliter inferitur. Vulneraria etiam est, & sanguinē cōpescit. Incensa acerrimum habet fumum, vt serpentes quidem abigat, & muscas enecet.

### EX GALENO.

Vulnera glutinat, erumpentemq; ex naribus sanguinē emplastri modo illita sistit: quin & reliquas sanguinis eruptiones cōpescere tum ipsa, tum succus eius multò magis potest. Pota dysenterias, sanguinis reiectiones, ac muliebrem fluxum sanat.

### EX PLINIO.

Vis eius tanta est, vt iumentis discordantibus iugo im-

go imposita, asperitatem cohibeat. Pota vel illita, venaribus indita, sanguinis profluuium sistit. Vulneribus iis priuatim quæ calceamento facta sunt, contrita & arida infricata efficax est.

## DE LAGOPO. CLXXXVIII.

*Lagopus in tritico messibus frequens hic inuenitur.*

## NOMINA.

ἄγρος Græcis, Leporinus pes Latinis, Tri  
 A folium humile & Trinitas à tribus foliis *Trinitas.*  
 herbariis dicitur. Officinis nostris ignota  
 est herba. Germanis *Hasenfusz* *joder*. *Katzenkleck* *joder*  
*Katze* [Gallicè *Pied de Lieure*] nominatur. Sic verò  
 Græci atque Latini hanc herbam appellarūt, quòd *Lagopus*  
 Leporino pedi similem paniculam habeat. *cur dicta.*

## FORMA.

A nullo, quòd sciam, Lagopus describitur. Herba  
 autè quā pro eo exhibemus, caules habet rotundos,  
 hirsutos, folia Loto trifoliæ quæ in pratis gignitur  
 similia, semē in paniculis mucosis lanuginosisq̃, le-  
 porino pedi similibus admodū, adstringētis gustus.

## LOCVS.

In segetibus, Plinio etiam authore, & in hortorū  
 areis, vt testatur Dioscorides, gignitur.

## TEMPVS.

Iulio & Augusto mensibus potissimum apparet

## TEMPERAMENTVM.

Exiccandi facultatem obtinet, Galeno teste, La-  
 gopus.

## VIRE. EX DIOSCORIDE.

Vin habet Lagopus herba sistendi aluū cum vi-  
 no pota. Febrientibus autem cum aqua danda. Al-  
 ligatur eadem contra inguinum inflammationes.

## EX GALENO.

Fluxus alui probè exiccat.

## EX PLINIO.

Lagopus sistit aluum è vino pota, aut in febre ex  
 aqua,

## PLANTARVM HISTORIAE.

aqua. Eadem inguini adalligatur in tumore.

## APPENDIX.

Ex iis omnibus abundè constat, herbam eã quam depictam damus esse Lagopum, siquidem & nomen & forma illi aptissimè respondent. Locus etiam conuenit: nascitur enim copiosissimè in segetibus. Nec temperamentum abhorret, quod illi est adstrictoriũ & exiccans. His omnibus accedũt vires, vulgò enim omnes hac planta in dysenteria, & alui profluuiò vtuntur.

DE LARICE. CAP. CLXXXIX.

*Larix in alpibus delphinum frequens, folia eius in nostra  
te mânia sunt plurima, quòd ex hac arbore ferè decutiat.*

NOMINA.

Larix seu  
Larex. A ἀρίξ Græcis, Larix & Larex Latinis, officinis  
& vulgò Larga, Germanis Lorchbaum [Gallicè  
Vng arbre retirât a ung Pin, ou Sapin] appellat.

## FORMA.

Larix arbor est magna, Piceæ similis, crassior, la-  
uiori quæ cortice, folio villosa pectinatum modo, pin-  
gui & denso, molli quæ flexu, materia præstanti, ru-  
bente odore, acri. Hinc erumpit nonnihil liquoris  
melleo, Dioscoride ac Plinio testibus, colore atque  
lento, nunquam durescentis. Est autem resina quam  
Larignam, aut certè Laricinam vel Lariceam vocât,  
qua hodie omnes ferè officinæ pro terebinthina, nô  
sine errore vtuntur. Terebinthina enim cãdida est,  
pellucida, & in modum coloris vitri cœrulea & odo-  
rata. Lignum eius propemodum ignibus inuictum,  
neque flagrat, neq; in carbones recidit, nec alio mo-  
do ignis vi consumitur, quàm saxum in fornace ad  
calcem coquẽdam adhibitum, quod quidem nec flã-  
mam recipit, nec carbonem remittit, sed longo spa-  
cio tardè cõburitur. Eramis eius panicularũ modo  
nucameta depẽdent, quod pictura affabrè ostendit.

LOCYS.

Larix, vt autor est Vitruuius, circa ripā fluminis  
Padi, &

Padi, & litora maris Adriatici nascitur. Copiosissime autē in Silesia prouenit, vnde Illustrissimus Princeps G E O R G I V S Marchio Brandenburgensis, dominus meus clementissimus, plures arbores Onoltzbachiū transferre curauit, à quo sanè hanc etiā cuius hìc damus pìcturam ad me Tübingam transmìsit. In Silesia ex eius arboris ligno hypocaustra cōstruuntur, tantus illius ibidem prouentus est.

G E O R G I V S  
Marchio  
Brandenburgensis.

## T E M P V S.

Larix nullo exhilaratur flore, sed turgens tantùm ædit germina.

## T E M P E R A M E N T V M.

Minimum in eius temperamento ignis & aëris, humoris autem terreni plurimum. Hinc cū nō habeat spacia foraminum quā possit ignis penetrare, fit vt eius vim, quemadmodum paulò antè diximus, reiiciat, nec patiatur ab eo citò lædi. Adstrictoriam itaque facultatem, haud secus atque piceæ, eius folia & corticēs, vt statim dicemus, obtinent.

## V I R E S. E X D I O S C O R I D E.

Cortex eius adstringit, ac intertriginibus tritus & illitus prodest, & vlceribus summam cutem occupantibus, ambustisque cū lithargyro & manna thuris. Vlcera in teneris corporibus cerato myrtino exceptus ad cicatricem perducit. Tritus cum atramento sutorio, serpentina cohibet. Fœtus & secundas suffitu eiicit. Potus aluum sistit, & vrinā mouet. Folia eius trita illitæque inflāmationes leniunt, & vulnera ab inflammatione vindicant. Trita verò & in aceto cocta, calida collutione dentium dolorē mulcent. Resina eius vt omnes aliæ, emollit, calefacit, discutit, expurgat. Tussientibus ac tabidis in ecligmatē per se aut cum melle cōuenit. Thoracis vitia expurgat. Vrinam etiā cit, maturat, & aluum mollit. Pilos in palpebris glutinat. Contra lepras cum crugine, atramento sutorio, & nitro inūgitur. Auribus saniem stillatibus cum melle & oleo, & in genitaliū

C pruritu.

# PLANTARVM HISTORIAE.

pruritu. Miscetur etiam emplastris, malagmatis & acopis. Lateris doloribus per se inuncta & imposita auxiliatur.

## EX GALENO.

Cortex eius vincentem habet adstrictoriam facultatem usque adeo, vt & intertrigines bellissimè sanet, & ventrem potus sistat. Sed & ambustis cicatricem inducit. In foliis arboris, vt quæ multo sunt cortice humidiora, vis inest vulnere glutinatoria. Resina eius desiccet & calefacit.

## EX PLINIO.

Laricis folia trita & decocta in aceto, dentium dolori prosunt. Cinis corticum intertrigini & ambustis medetur. Potus aluū sistit. Vrinam mouet. Suffitu vulnas corrigit. Resina larigna tussi efficax habetur, polletque contra viscerum vlcera.

## DE MELISSOPHYLLO.

### CAP. CXC.

Vulgari Melissophyllo affricant apiaria rustici, ut illuc apes alliciant, nec infœliciter.

## NOMINA.

Melissa.	M	ελισσόφυλλον, ἢ μελίφυλλον Græcis, Apiastrū siue Citrigo Latinis, officinis Melissa dicitur. Germanis Melissen/Melissenkraut/Honigblum [Gallicè de la Melisse.] Melissophyllum nō alio nomine appellatū est, nisi quod apes eius folio magnopere delectentur: neq; enim μελισσόφυλλον aliud quàm apum folium significat. Meliphyllō verò, quā voce Nicander vsus est, mellis foliū indicat. Sic itaq; nominari cœpit, quod hinc apes mellis materiā colligant. Pari ratione Latini Apiastrum haud dubiò dixerunt, quod ea herba apes plurimum lætentur, adeo vt si ea aluearia confricentur perunganturue, detētū in eis examen non fugiat. Citraginē autē ab odore Citri: nares enim si cōsulantur Citriū mālum olebit.
Melissophyllum unde dictum.		
Apiastrū.		
Citrigo.		

## GENERA.

Duo sunt ex vulgariū herbariorum sententia  
Melisso-

Melissophylli genera. Vnum verum, alterum adulterinum, quod Germani *Vuantzenkraut* nominant, vt paulò pòst dicemus.

## F O R M A.

Folia & cauliculi veri Melissophylli, Balloti seu Marrubio nigro similia sunt, maiora tamè & tenuiora, nec ita hirsuta, citri mûli odore. Perperam hodie officinæ pro vera Melissa vtuntur herbe passim in hortis proueniente, quam Germani, vt diximus, quia cimices olere videtur, *Vuantzenkraut* nominât. Fœdus itaq; cûm huius herbæ odor sit, non est cur apes ea delectentur, neq; ei florenti insidât, sed eam potius fugiûr. Côtà illa quâ pro vera piçtâ damus vnicè oblectâtur, quòd illius tam gratus odor sit, vt in ædibus strata, eas gratissimo odore compleat.

## L O C V S.

Nascitur in syluis verû, adulterinû autè in hortis.

## T E M P V S.

Capitur æstate, Iunio potissimum mense, quo floribus prægnans est.

## T E M P E R A M E N T V M.

Melissophyllon ex secundo ordine calefacientiû censetur, desiccat verò non æquè, sed ipsum quispiâ in hoc primi ordinis esse posuerit.

## V I R E S. E X D I O S C O R I D E.

Folia cum vino pota aut illita, contra scorpionû, phalangiorum, canumque morsus profunt. Decoctû eorundem, si eo perfundantur, idem potest. In infussionibus ad ducendos menses vtile est. Dentes eodem in dolore colluuntur. Dysentericis iniectum prodest. Fungorum strangulationibus, folia cum nitro pota succurrunt. Torminibus auxiliantur. Dantur in eclegmate orthopnoïcis. Illita cum sale strumas discutiunt. Vlcerâ purgant. Articulares dolores illita mitigant.

## E X G A L E N O.

Melissophyllon Marrubio facultate simile est,  
C ij sed plu-



# PLANTARVM HISTORIAE

sed plurimum ab eo vincitur: quamobrem nec vti-  
tur illo quispiam. Superuacaneū siquidem foret præ-  
sente Marrubio, cuius tantus est vbique terrarū pro-  
uentus, velle vti Melissophylo. Cæterum si cui for-  
tè ad manum quandoque Márrubium non fuerit, il-  
lo ad quæcunque vti licebit, modo quāto ab hoc ex-  
uperetur cognitum habuerit.

## EX PLINIO.

Melissophyllo siue Melittæna si perungantur al-  
uearia, non fugient apes: nullo enim magis gaudent  
flore. Copia istius examina facili-  
mè continentur. Idem præsentissimum est contra ictus earum vespa-  
rumque, & araneorum, item scorpionum, remediū.  
Item contra vuluarum strâgulationes addito nitro.  
Contra tormina è vino. Folia eius strumis illinun-  
tur, & sedis vitiis cum sale decocta. Succus fœminas  
purgat, & inflationes discutit, & vlcera sanat. Arti-  
cularios morbos sedat, canis-  
que morsus. Prodest dy-  
sentericis veteribus, & cœliacis, orthopnoïcis, lien-  
ibus, vlceribus thoracis. Caligines oculorum succo  
cum melle inungi eximium habetur.

## EX SIMEONE SETHI.

Ad stomachi ex frigiditate morsus, & à nigra bile  
tristitias & timores qui sine ratione ex illa fiunt, cō-  
fert. Hilaritatem efficit, & ad melâcholicū ac pitui-  
tosum humorem prodest. Fertur quòd industriam  
afferat, & quòd antè somnum sumptum, bona som-  
nia faciat, contraria ratione cum Brassica, quæ mala  
insomnia affert. Bubones lædit.

## DE MARATHRO. CAP. CXCI. NOMINA.

Marathrū cur  
appellatū  
M *ἀραθρον* Græcè, Fœniculum Latinè, officinæ  
antiquū & Latinū nomē retinuerūt, Germa-  
nicè *Fenchel* [Gallicè *d. Fenouil*] dicit. Mara-  
thrū Græcis dictū putāt à marcescendo, quòd ad cō-  
dienda plurima cū inaruerit cōmendatissimum sit.  
Fœnicu-

Fœniculum autem dici existimât, quòd satum magno cum fœnore semen reddat.

*Fœniculum.*

## FORMA.

Fœniculum ferulacei generis est, hominisq; plerumq; proceritatem superat, caule geniculato, fungosa intus medulla, leui exteriori cortice & herbaceo folia Abrotoni, sed longiore mollioriq; iucundo odore, umbella rotunda, ampla lutea, in orbem radiatim circinato, in qua semen nudum dependet, radice candida, longa & odorata.

## LOCVS.

Passim in hortis satum prouenit. Sua etiam sponte interdum ceu Anethum nascitur.

## TEMPVS.

Colligitur caule turgescente. Floret Iunio & Iulio mensibus.

## TEMPERAMENTVM.

Fœniculum tam valenter excalfacit, vt ex tertio ordine excalefacientium censerì possit. Exiccat vero non æquè, sed ipsum quispiam in hoc primi esse ordinis posuerit. Proinde lac procreat, quod, si admodum desiccaret, non sanè efficeret.

## VIRES. EX DIOSCORIDE.

Fœniculi herba comesta mammas lacte replet. Idè potest semen potum, aut decoctum cum ptisana. Comæ decoctum subditum impositumue, renum & vesicæ vitiiis vtile: quippe quod urinâ ciere potest. Contra serpentium ictus in vino potum prodest. Menses ducit. In febribus nauseam, & stomachi ardorem ex aqua frigida potum, sedat. Radices contritæ & cum melle illitæ, mor sibus canum medentur. Succus caulibus & foliis expressis in sole siccatus, medicamentis quæ ad excitandam oculorum aciem conficiuntur, vtiliter adiicitur. Extrahitur etiam succus ex semine viridi, foliis, ramulisq; ad eadem vtilis. Radix in prima germinatione exprimitur. In occidentali Iberia liquorem gummi similem reddit. Caulè

## PLANTARVM HISTORIAE.

medium dum herba floret incolæ demetunt, ignique admovent, quo facilius vi caloris exudans gumi remittat. Hoc efficacius succo est ad medicamenta oculorum.

### EX GALENO.

Fœniculum lac procreat. Suffusis auxiliatur. Vrinæ mensesque cit. In condimentis assiduus Anethi vsus, Fœniculi verò & in opsoniis. Apud nos in hoc reponunt, nō secus ac Pyrethrum & Terebinthum cōdientes, vt in totum annum vsui sit, quemadmodum & cepas & rapas, & alia huiusmodi quædam in solo aceto, alia in oxhalme asseruantes.

### EX PLINIO.

Ad scorpionum ictus & serpentium, semine in vino potō valet. Succus & auribus instillatur, vermiculosque in his necat. Idipsum condimentis propè omnibus inferitur. Oxyporis etiam aptissimè. Quin & crustis subditur panis. Semen stomachum dissolutū adstringit. Nauseam ex aqua tritum sedat. Pulmonibus & iecinoribus laudatissimum. Ventrem sistit cū modicè sumitur, vrinam excitat, & tormina mitigat decoctum, lactisque defectu potum mammas replet. Radix cum prisana pota renes purgat, siue decocto succo, siue semine sumpto. Prodest & hydropicis radix ex vino cocta: item conuulsis. Illinuntur folia tumoribus ardentibus ex aceto. Calculos vesicæ pellunt. Genituræ abundantiam quoquo modo haustu facit. Verendis amicissimum, siue ad fouendum radicem cum vino cocta, siue contrita in oleo illitum. Multi tumoribus & sugillatis cum cera illinunt. Et radice in succo vel cum melle contra canis morsum vtuntur. Et contra multipedem ex vino.

### EX SIMEONE SETHI.

Lac procreat, & suffusis remedio est. Vrinam cit, & menses ducit.

DE ME

## DE MELANTHIO. CAP. CXCI.

*Melanthiū nigella Romana officinis, nobis est semine nigro exure & Cartusianis. semine item rufo quibusdā odorator, nobis est donatum à Claudio Dauide medico & optimo & doctissimo.*

## NOMINA.

Μ *ελάνθιον* Græcis, Papauer nigrum, Nigella *Nigella.*  
 & Gith Latinis dicitur. [Gallicè *Nielle, ou Poiurette.*] Officinæ omnes Nigellam appellât. Melanthion autem & nigella, à nigro seminis colore hæc herba haud dubiè dicta est. *Melanthion unde dictum.*

## GENERA.

Et si apud Dioscoridē aliosq; veteres vna dūtatur Nigellæ species reperiatur, nobis tamē domesticas & hortēses tres videre cōtigit, quarū duæ quidē habēt semina nigra, tertia verò subflauū. Inter eas quæ habēt semina nigra, primā *schuuartz Kommich* Germanicè appellauimus, alterā autem *schuuartz Coriander* quòd folia eius Coriādri foliis non dissimilia sint. Tertia, quòd ad folia & flores attinet, primæ per omnia similis est, in semine tātūm quod flauescit, vt diximus, diuersa. Herbarij huius temporis Nigellā citri nam nominant. Præter has tres iā cōmemoratas est quarta, quæ syluestris Nigella dicitur, quòd scilicet sua spōte in aruis nascat. Germanis *Vuild schuuartzer Coriander* nominatur. Videtur autem esse potius tertium genus Cumini syluestris.

## FORMA.

Melanthion frutex est pusillus, ramulis tenuibus, altitudine palmorum duorum vel amplior, foliis paruis Senecionis herbæ similibus, multo tamen exilioribus, capitulo in cacumine exiguo ceu Papaueris, oblōgo, intercurrentibus internè distinctioribus loculos quinque aut sex, in summitate ex-

C iij      trinecus

# PLANTARVM HISTORIAE.

trinsecus corniculatis, quibus semen nigrum, acre, odoratum includitur. Syluestre alteri hortensi ferè similè est, folia siquidem anethi habet, flores primo similes, nisi quòd colore sint elegantiores. Capitulū planè Aquileiæ respondet, atque in se semina nigra & odorata continet.

## LOCVS.

Melanthion domesticum non nisi in hortis satum prouenit. Syluestre autem, vt dictū est, in agris sua sponte prouenit.

## TEMPVS.

Melanthion floret Iunio mense, Iulio autem & Augusto semine prægnans est.

## TEMPERAMENTVM.

Melanthiū excalefacit atq; desiccet tertio ordine.

## VIRES. EX DIOSCORIDE.

Capitis doloribus illitum fronti Melāthiū, & incipientibus suffusionibus cum irino tritum & naribus infusum prodest. Tollit lentigines, lepras, œdemata vetusta, duritiesq; cum aceto illitum. Circumscarios clauos excutit cum vetere vino impositū. Dentiū doloribus cum aceto & teda decoctum, si eo colluantur, succurrit. Rotundos vëtris lūbricos expellit, ex aqua vmbilico illitum. Tritum autè & in linteo colligatum & olfactum, destillatione laborantes adiuuat. Pluribus diebus potū, yrinā, menses & lac prouocat. Difficultatem spirādi cū vino potū finit. Phalangiorum morsibus drachmæ pōdere cū aqua haustum auxiliatur. Suffitu serpentes fugantur. Tradunt largius epotum enecare.

## EX GALENO.

Tenuium est partium Melāthium, vnde destillationes sanat calidum in linteo admotū, atque assiduò olfactū. Quinetiā si intrò ī corpus sumatur, vel maximè flatus extinguit. Hinc constat essentia ipsū esse tenuis, & ad vnguem a caliditate electoratæ.  
Propterea

Propterea sanè etiam amarum est. Itaque mirum nõ est si lumbricos interimat non esum modò, sed etiã foris impositum. Neque sanè etiam mirandum si lepras, clauos, myrmecias eiiciat. Sic verò etiã orthopnœam iuuat, & menses prouocat, qui ob crassitiem aut visce linem retenti fuerint. In summa, vbi incisione, extersione, desiccatione, excalesfactione est opus, præstantissimum id remedium est.

## EX PLINIO.

Melanthion medetur serpentium plagis & scorpionum. Illini ex aceto & melle reperio, incensoque serpentes fugari. Bibitur drachma contra araneos. Destillationem narium discutit tusum in linteolo olfactum. Capitis dolores illitum ex aceto, & infusum naribus mitigat. Cum irino oculorum epiphoras & tumores lenit. Dentium dolores coctum cum aceto. Vlcera oris tritum & commanducatum. Lepras & lentigines ex aceto tritum emendat. Difficultates spirandi addito vino potum. Duritias tumoresq; veteres & suppurationes illitum. Lac mulierũ auget continuis diebus sumptum. Colligitur succus vt Hyoscyami. Oculos purgat, vrinam & menstrua ciet. Similiter largius venenum est, quod miremur, cum semen gratissimè panes etiam condiat. Quinimo linteolo alligatis tantum granis triginta, secundas trahi reperio. Aiunt & clauis in pedibus mederi tritum in vrina. Culices suffitu necare: itẽ muscas.

## EX SIMEONE SETHI.

Est tenuiũ partiũ, lúbricos in ventre necat, flatus discutit, pituitamq; incidit. Ad orthopnœas & defluxus capitis facit odoratũ, præsertim postquã calefactũ fuerit. Dicitur verò quòd si teratur, & cũ aceto ventri imponatur, etiam sic lumbricos necare. Et si cum melle fermentetur, & calida aqua hauriatur, calculos in renibus & vesica minuit, vrinam cit, menses ducit, & veluti remedium contra venena est, si quis ipsum ieiunus assumat.

DE MALA-

# PLANTARVM HISTORIAE.

## DE MALACHE. CAP.

### CXCIII.

#### NOMINA.

*Malua* M *αλάχη* Græcè, *Malua* Latinè, *Officinis* Latinum nomen retinuit, Germanicè *Pappel*, [Gallicè *Maulue*] dicitur. *Malua* autè Græcis ab emollienda aluo nomen traxit: *μαλάτταρ* enim mollire significat. Quinetiam Latinis Varro *Maluam* quasi *moluam*, quòd aluum molliat, dictà esse contendit. Antiqui enim ea utebantur in acetariis cum *Lactuca* ad subducendam aluum. Vnde *Martialis* libro decimo ait:

Exoneraturas ventrem mihi villica *maluas*  
Attulit, & varias quas habet hortus opes.

#### GENERA.

*Maluarum* generà esse duo *Dioscorides* & *Galenus* tradunt. Vna enim *hortensis*, altera *syluestris* *Malua* dicitur. *Hortensis*, quæ in hortis sata prouenit, Germanis *Romische Pappel*, vel *Ernrosz*, quòd scilicet messis tempore floreat, vel *Herbstrosz* nominatur. Huius iterum varia sunt genera: alia siquidem rosas purpureas, & has vel simplici vel multiplici foliorum textura constantes, vt pictura monstrat: alia candidas & iterum foliorum textura differentes producit. Nos vna pictura quatuor hæc *hortensis* *Maluæ* genera complexi sumus. *Syluestris* non quæ in syluis, aut asperis locis, sed quæ in incultis locis sua sponte nascitur, intelligi debet: id quod Græca vox *χερσαῖα*, qua *Dioscorides* vtitur, maximè docet. Hæc enim Græcis incultam & inelaboratam terram significat, qualis in semitis, pratis, aliisque huiusmodi ruris & agri partibus est. Erratica hæc seu *syluestris* *Malua* itidem in duas distribuitur species: quædam enim *pumila* est, & humi serpens, hanc Germani *Genszpappel*, / *Rasz* oder *Häsenpapel* vocant. Quædam altius attollitur, & ferè arborefcit, hanc Germanicè *Roszpappel* nominant.

FOR.

## FORMA.

Hortensis Malua grandescit in arborem, eiusque scapus tanta magnitudine proficit, vt baculi vsum præbeat. Folia huic ampla, circinata rotunditatis, multis in ambitu segmentis. Caudex simplex, luxuriosæ proceritatis attollitur, à medio ferè ad verticè pulcherrimis floribus decoratus, breui admodum pediculo dependentibus, qui venustate rosas non cedunt, & si suppeteret odor, de principatu certarent. Colore constant purpureo, vermiculatone & candido. Capitula quædam breuibus innixa petiolis, & leuiter in mucronem fastigiata primum è caule profiliunt, iisq; paulatim intumescens, prægnantia florù inuolucra fatiscunt, in quibus dehiscens rose sese pandunt, & explicantur in folia quinque, interdum struictili quadam serie, vt diximus, numerosa, calycibus apices paucos complexis, qui lutei mediis emicant, quibus decidentibus erumpunt purpurea stamina. His foetus succrescit multipliciter tunictus, atq; in vmbilici formam numero semine coagmetatus, in quibus cum decussa sunt folia, reliquarum Maluarum modo semina recluduntur. Syluestris pumila & humi repens, folio rotundo, pingui, & in ambitu serrato constat: caule magno, floribus ex candido purpurascens, radice candida. Syluestris altior folio magis laciniato nascitur, floribus ex cæruleo purpureis, radice candida.

Hortensis

Syluestris  
pumila.Syluestris  
procerior.

## LOCVS.

Hortensis in hortis satâ prouenit. Syluestris autè locis incultis, pinguibus potissimum, & humidis.

## TEMPVS.

Hortensis floret Iulio & Augusto præsertim mensibus: neque enim flos is vt rosa fugax est, sed diu viget vitæque durat. Syluestris pumila per totam æstatem, & in maximam autumnî partem durat. Arborescens autem Iunio & Iulio mensibus, floribus quâ maximè abundat.

TEMPE-



# PLANTARVM HISTORIAE.

## TEMPERAMENTVM.

*Sylue-  
stria sati-  
uis ficio-  
ra.*

Malua syluestris digerentis paululum, & emol-  
lientis leuiter est facultatis. Hortensis verò quanto  
plus habet aquæ humiditatis, tanto facultate im-  
becillior est. Fructus eius tâto validior est, quâto &  
ficcior. Inter Lactucâ, Betâ, & Maluâ id est disci-  
minis, nempe quod ficciora sint syluestria, satiuâ hu-  
midiora. Permissum est Maluæ succo aliquid gluti-  
nosum, quo Lactuca caret. A refrigerandi facultate  
manifestè abest, vt ante sumptionem cernere licet, si  
ex ambobus particulatim oleribus, quemadmodum  
facitare homines consueuerunt, cataplasma ad ca-  
lidum quempiam affectum, qualis est erysipelas, cõ-  
ponas, molliuscula folia diligenter tundens donec  
ad leuiorem redacta sint exactissimum. Tum nanq;  
cognosces Lactucam manifestè refrigerare, Maluâ  
verò modicum, & quasi tepidum quendam calorem  
obtinere. Facile hoc olus deorsum labitur, non tan-  
tùm quia humidum est, sed etiam quia glutinosum.  
Si horum trium olerum succos inter se compares, te-  
nuis & absterforius Betæ, crassior glutinosiorq; Mal-  
uæ, in vtriûsque medio Lactucæ statuetur. Hęc Ga-  
lenus lib. ij. de Alimentorum facultatibus.

## VIRE. EX DIOSCORIDE.

Esui aptior hortensis multò quàm syluestris. Sto-  
machio noxia, aluum bonam efficit, præsertim cau-  
les, intestinis & vesicæ vtilis. Folia cruda illita, &  
cum modico sale addito melle commanducata, ægi-  
lopos sanant. Verum in inducenda cicatrice, ea sine  
sale vtendum est. Contra apum vesparumq; ictus  
illita prodest. Et si crudâ tritaq; cum oleo antea se  
inunxerit aliquis, non feritur. Achoræ, fursuresq;  
cum vrina illita sanat. Sacris ignibus & ambustis de-  
cocta folia tritaq; vtiliter cum oleo imponuntur.  
Eius decoctum vuluas in sessione mollit, Prodest e-  
rôsionibus intestinorum, vuluæ sedisq; clystere in-  
fusum. Ius decoctæ cum radice sua omibus letalibus  
yenenis

venenis auxiliatur, si continuò à bibentibus reuomatur. Contra phalangiorum morsus remedio est. Lac proritat. Semen eius admixto Loti syluestris semine potum cum vino vesicæ dolores lenit.

## EX PLINIO.

Maluæ contra omnes aculeatos ictus efficacior vis, præcipuè scorpionum, vesparum similiumq; , & muris aranei. Quin & trita cum oleo qualibet earum peruncti antè, vel habentes eas non feriuntur. Foliū impositum scorpionibus torporem affert. Valent cōtra venena. Aculeos omnes extrahunt illitæ crudæ, aut cum ꝑ anetho potæ. Decoctæ verò cum radice *ꝑ aliis aceto.* sua, leporis marini venena restringunt: & vt quidā dicūt, si vomatur. De eisdem mira & alia traduntur, sed maximè, si quotidie quis succi ex qualibet earum sorbeat cyathum dimidium, omnibus morbis cariturum. Vlcera manantia in capite sanant, in vrina putrefactę lichenas, & vlcera oris cum melle. Radix decocta furfures capitis & dentium mobilitates. Eius quæ vnum caulem habet, radice circa dentē qui doleat punge, donec desinat dolor. Eadem strumas & parotidas panosq; , addita hominis salua, purgat citra vulnus. Semen in vino nigro potum, à pituitis & nauseis liberat. Radix mammaram vitiis occurrat, adalligata in lana nigra. Tussim in lacte cocta, & sorbitionis modo sumpta, quin diebus emēdat. Stomacho inutiles Sextus Niger dicit. Olympias Thebana, abortiuas esse cum adipe anseris. Aliqui purgari fœminas, folijs earum manus plenæ mensura, in oleo & vino sumptis. Vtique constat parturientes substratis folijs celerius solui, protinus à partu reuocanda, ne vulua sequatur. Dant & succum bibendum parturientibus ieiunis, in vino decocta hemina. Quin & semen tritum adalligant brachio, genitale non continentiū. Adeoque eæ Veneri nascuntur, vt semen vnicaulis aspersum genitali, fœminarum auidirates augere ad infinitum Xenocrates

tes tradat. Item tres radices iuxta adalligatas, tenasmo & dysentericis vtilissimè infundi. Item sedis vitis, vel si foueantur. Melancholicis quoq; succus datur cyathis ternis tepidus, & insanientibus quaternis. Decoctæ comitialibus hemine succi. Hic & calculosis, & inflatione, & torminibus, aut opisthotonico laborantibus tepidus illinitur. Et sacris ignibus & ambustis decocta in oleū folia imponuntur, & ad vulnere impetus cruda cū pane. Succus decoctæ neruis prodest, & vesicæ, & intestinorum rossonibus. Vulvas & cibo & infusione mollit in oleo. Succus decoctæ pori meatus suaues facit.

EX SIMEONE SETHI.

Ventriculum facile subit, non solum propter humiditatem, verum etiam glutinositatem, atq; inprimis si cum oleo & garo offeratur, vino quo editur tēpore irrorata. Vesicam, thoracem, pulmonemq; iuuat, & raucam vocem lenit. Sylvestris malua, vt ferunt, comesta, dolores ex vesparum morfu tollit. Si quis morfus à vespis aut apibus, succo Maluæ, præsertim sylvestris, perungatur, confestim dolore leuatur. Dicitur etiam quod huius decoctum potum, lapides conterit, somnum conciliat, facilemq; partū præstat, si mulier ea crebrius vtatur. Illita inflammationes lenit, eaque quæ indurata sunt emollit. Illud Maluæ peculiare est, vt imposita ictibus vesparum & apum, dolores leuet.

DE MYRICE. CAP. CXCIIII.

*Tamarix in Gallia Narbonensi luxuriat, nunc etiā in hortis regis quos fons bellæ aquæ irrigat, & in hortis Reuerendi Bellai Parisiensis episcopi & Cardinalis, Posterorum memoria, & nostra omnium ueneratione dignissimi, ut qui nullis parcat sumptibus, quo partē medicinæ plantariam redat illustriorem & certiore.*

NOMINA.

*upix* Græcis. Myrice & Tamarix Latinis,  
 Tamariscus. M officinis Tamariscus, Germanis Tamarisk,  
 &

& Forst, [Gallis Bruyere] nominatur.

### GENERA.

Dioscorides duo Tamaricis genera facit. Vna enim syluestris est, qualis est ea quæ in plerisq; Germaniæ locis prouenit, quamque hic pictam damus. Altera satiua, quæ priori in cæteris similis est, nisi quod fructifera est, & minimè, vt illa, sterilis.

### FORMA.

Syluestris arbuſtum frutæxue humilis est, ramis ex herbaceo fuluoq; colore variegatis, foliis Sabine aut Ericæ, flore muscoso, qui demum in pappos euolat. Satiua cætera similis est syluestri, fructum tamen gallæ non dissimilem profert, qui gustu inæqualiter adstringit.

### LOCVS.

Proxime paludes, refides stagnantesq; aquas nascitur, Syluestrisq; copiosa in Germania ad Rhenū & Isarum, insignes fluuios, prouenit. Satiua in Syria & Aegypto, vbi procerissimas æquat arbores, gignit.

### TEMPVS.

Perpetua coma frondet.

### TEMPERAMENTVM.

Myrice abstergentis est ac incidentis facultatis, absq; perspicua deficcatione: habet verò etiam adstrictionem nonnullam. Cæterum fructus & cortex non paucam sortita est adstrictionem, adeò vt gallæ omphacitidi seu imaturæ proxima sint, nisi quod acerbitas euidens est in galla, sed Myrices fructui temperatura inest inæqualis: immista est enim naturæ eius multa partium tenuitas, atq; vis abstergendi, quod sanè gallæ haud inest. Porro Myricæ combustæ cinis admodum deficcatoriæ facultatis est, plurimam abstergendi facultatem habens, pauxillam adstringendi.

### VIRE. EX DIOSCORIDE.

Fructu vice gallæ in oris oculorūq; medicaminibus

bus vtuntur. Cruentis sputis in potu, cœliacis, fœminarum fluxionibus morbo regio, & phalangiorum morfibus prodest. Oedemata illitus reprimat. Cortex eadem quæ fructus potest. Decoctum foliorum cum vino potum lienem minuit. Ad dolorem dentium in collutionibus salutare est, & mulierum fluxionibus in defensionibus. Aptè his in quibus pediculi & lendes abundant circûfunditur. Cinis lignorum eius appositus profluuium ex vtero suppressit.

*Calices  
potorii ex  
truncata  
maijis.*

E trunco eius nonnulli potorios calices fabricant, quibus in lienosis pro poculo vtuntur, quò datus in iis potus proficiat.

#### EX GALENO.

Myrice prodest admodum lieni indurato, decoctis cum acetis aut vino radicibus, siue foliis, siue extremis ramulis. Sanat verò etiam dentium dolores.

#### EX PLINIO.

Lenæus sanari ea carcinomata in vino decocta tria quæ; cum melle dicit. Ad lienem præcipua est, si succus eius expressus in vino bibatur. Adeo quæ; mirabilè eius antipathiam contra solum hoc viscerum faciunt, vt affirmant, si ex ea alucis factis bibant sues, sine lienè inueniri, Et ideò homini quoque; splenetico cibum potumque dant in vasis ex ea factis. Lignum & flos & folia & cortex in eisdem vsus adhibentur, quam remissiora. Datur sanguinè reiicientibus cortex tritus, & contra profluuiâ fœminarum, cœliacis quoque. Idem tusus impositusque; collectiones omnes inhibet. Foliis exprimitur succus. Ad hæc eadem & in vino decoquuntur: ipsa verò adiecto melle gangrænis illinuntur. Decoctum eorum in vino potum, vel impositum cum rosaceo & cera sedat. Sic & epinyctidas sanant. Ad dentium dolorem auriumque, decoctum eorum salutare est. Radix ad eadem, similiter & folia. Hæc amplius ad ea quæ serpunt, imponuntur cum polenta. Semen drachmæ pondere aduersus phalangia & araneos bibitur. Cum altitium  
verò

verò pingui furunculis imponitur. Efficax & cōtra serpentium iētus, præterquam aspidū. Nec non morbo regio, phthiriasi, lendibusque decoctum infusum prodest, abundantiamque mulierum sistit. Cinis arboris ad omnia eadem prodest.

## DE MEONE RHOEADE.

## CAP. CXC.V.

## NOMINA.

M
Papauer rubrum.
Rhœas unde dictum.

ῥηοεις Græcis, Papauer rhœas, hoc est, fluidum aut erraticum Latinis, Papauer rubeum officinis & herbariis, Germanis à strepitu quem ludentes pueri harum foliis concauo pugno impositis, altera palma incussa ædunt, *Klapperesen*, quasi dicas crepitaculares rosas, & *Glühent* & *vuid Maentac Kornrosē*, [Gallicè *Coquelicot*, ou *Pöceau*] appellant. Rhœas autem à flore, qui ei protinus decedit, dictum est.

## FORMA.

Taliās iūceum.
Papauer rubeū 1.º est Anemone.

Folia Erucæ, aut Cichorio similia, & incisa habet, longiora tamen & aspera. Caulem † lanuginosum, rectum, asperum, cubitalem. Florem puniceum, & aliquando candidam, similem sylvestris Anemones flori. Caput oblongum, minus tamen quàm Anemones. Semen rufum. Radicem oblongam, subalbam, minoris digiti crassitudine, amaram. Ex qua delineatione omnibus perspicuum fit, herbam quam Papauer rubeum hodie vulgò nominant, esse Rhœadā, quod sit folio Erucæ, laciniato, scābro & longiore: caule lanuginoso, recto, aspero, cubitali: flore sylvestris Anemones puniceo, nonnāquam albo, oblongo capite: semine rufo, radice longa, subalbida, minoris digiti crassitudine, gustu amara. Errant itaque qui Anemonein esse arbitrantur, quod folia eius, quæ Coriandri sunt, euidentissimè reclamēt. Nos Rhœadæ vtriusque picturas damus. Vnā atque adeo primā, quod Erucæ folia habet, alterius quod Cichorij.

## D LOCVS.

# PLANTARVM HISTORIAE.

## LOCVS.

Nascitur in aruis & segetibus passim.

## TEMPVS.

Vere & æstate dum frumenta messem appetunt, floret: quo etiam tempore decerpitur.

## TEMPERAMENTVM.

Refrigerat, vt alia genera Papaueris.

## VIRES. EX DIOSCORIDE.

Huius Papaueris quinque sexue capita cum tribus vini cyathis decocta donec ad duas reducatur, potui dabis quibus somnum accersere volueris. Semen acetabuli mensura cum aqua malsa potum, aluum leniter emollit. Ad idem præstandum mellitis & dulciariis immiscetur. Folia cum calycibus illita inflammationes sanant. Eorundem perfusione & fottu somnus allicitur.

## EX GALENO.

Papauer quoddam Rhœas nuncupatur, quod scilicet celeriter flos eius defluat. Huius semen validius refrigerat, ita vt nequaquam eo quis innoxie solo vti possit, veluti satiuo melli admiscens. Admodum verò ita sumptum somnum conciliat. Sed & pusillum eius inspergunt iis quæ ex melle cõficiuntur bellariis, placentis & panibus.

## EX PLINIO.

Aluum exinaniunt capita quinque decocta in vini tribus heminis: pota somnum faciunt.

## EX RECENTIORIBVS.

Sacro igni medetur. Mulierum menstrua profluvia compescit. Sanguinem è naribus fluentem iecori impositum sistit. Lingua ex decocto eius lota, ardorem faucium sanat. Pudendorum tumores detumescere facit. Temporibus illitum, phreneticis somnum conciliat. Calidos oculorum dolores linteo impositum mitigat. Vnde rursus omnibus liquet, Papauer hoc rubrum non esse Anemonem, quod scilicet hæc ipsa contrarias planè facultates obtineat.

## DE MECONE SATIVO.

## CAP. CXCVI.

## NOMINA.

ἡκωρ ἡμερος Græcè, Papauer satium Latine  
**M** dicitur. Officinæ antiquum nomen retinuerunt. Germanicè *Magsomen oder Man*, [Gallicè *Du Painot*] vocatur. Dictum autem Græcis *ἡκωρ* *Mecon* quæ  
 à *μὴ κονεῖν*, hoc est, non ministrando, quòd suis fun-  
 gi muniis vescentes non patiatur. *re appe-  
 tur.*

## GENERA.

Satiui Papaueris duplex genus, album videlicet, cuius flos & semen candidum: & nigrum, quod semine nigro constat. Nos vtrunque genus vna pictura complexi sumus.

## FORMA.

Foliis constat longis, per ambitum serratis, nulloq; pediculo cauli adhærentibus: floribus vel candidis, vel ex candido leniter purpureis: capitibus oblongis, in quibus semen atrum vel candidum.

## LOCVS.

Passim in hortis satum prouenit.

## TEMPVS.

Aestate floret, ac subinde semen profert.

## TEMPERAMENTVM.

Refrigerat, sicut omnia alia Papaueris genera, in quarto ordine.

## VIRES. EX DIOSCORIDF.

Communis ipsis refrigerandi vis est: proinde folia & capita in aqua decocta fori somnum accersunt. Bibitur & decoctum contra vigilias. Capita trita & cū polenta cataplasmatibus mixta, ignibust acris & inflammationibus prosunt. Oportet autē viridia ipsa tūdere, & ī pastillos cōformare, siccatosq; reponere ac vti. Capita per se etiā ad dimidias in aqua decocta, dein iterū cū melle dū humor dēseēt crassescatq; decocta, eclegma medicamētū efficiūt, dolorē mitigās in tussi, fluxionibus arteriæ, & cœliacis affectionibus



## PLANTARVM HISTORIAE

bus. Efficacius redditur adiecto Hypocistidis succo & Acacia, Papaueris nigri semen tritum cum vino bibitur contra fluxiones alui & fœminarû profluua. In peruigiliis fronti temporibusq; cum aqua illinitur. Eiusdê liquor plus refrigerat, inspissat, siccâtq;. Erui quantitate sumptus dolorem leuat, somnum conciliat & concoquit. Tussi atq; cœliacis affectibus auxiliatur. Maiori autem copia haustus nocet, lethargicos efficiens, & interimit. Ad dolores capitis cum rosaceo perfusus facit. Aures dolentibus cum amygdalino, myrrha & croco instillatur. In oculorum inflammationibus cum tosto oui luteo & croco. Igni sacro & vulneribus cum aceto, podagris cum lacte mulieris & croco, sedi pro balano subditus, somnum allicit.

### EX GALENO.

Sati et Papaueris semen panibus vtiliter seu dulciarium inspergitur, non secus ac Sesamum. Candidus nigriore præstat, vimq; refrigerandi habet, indeoque somnificum est. Si verò liberalius sumatur, soporem etiâ inducet, ægreq; concoquetur. Tussim præterea ex thorace & pulmone compescit. Cōfert aduersus tenues ex capite destillationes. Corpori nullum notatu dignum exhibet nutrimentum.

### EX PLINIO.

Candidi semen tostum in secunda mensa cū melle apud antiquos edebatur. Calyx ipse teritur & bibitur somni causa. Semen elephantis medetur. E nigro Papauere lacteus succus scapo inciso exprimitur, qui densatur, & in pastillos tritus in vmbra siccatur, non vi soporifera modò, verùm si copiosior hauriatur, etiam mortifera per somnum: opion vocant. Semine eius trito in pastillos, è lacte vtuntur ad somnum. Item ad capitis dolores cum rosaceo. Cum his aurium dolori instillatum. Podagris illinitur cum lacte mulierum. Sic & foliis ipsis vtuntur ad sacros ignes. Item vulnera cum aceto. Ego tamen dam-

damnauerim, collyriis addi, multoq; magis quā vis vocant lexi pyretas, quāsque pepticas & cœliacas. Nigrum tamen cœliacis in vino datur.

## EX SIMEONE SETHI.

Melius est album quā nigrum. Somnificam vim habet, & difficilis est concoctionis, parumq; nutrit. Si autem cum melle edatur, semini genitali adiicit. Prodest & thoraci, & asperæ arteriæ, ac tussi. Ventrem sistit, etsi quidam falsò putauerunt ipsum mouere, cum contrariam habeat vim. Lædit caput, si copiosius sumatur, itemque aggrauat. Sunt qui ipsum conterunt, & vigilantium fronti imponunt, in hoc vt somnum conciliet. Cæterum nigrum Papauer frigidius est, & magis somniferum, adeò vt si quis eo immodicè vtatur, somno profundo similiter lethargicis capiatur. Cum rosaceo impositum capiti, eiusdem dolores à calore ortos sanat. Dicitur etiā quòd illitum cum lacte muliebri & croco, podagricos iuuat. Huius lachryma venenum est. Nigri autem succus est vocatum opium.

## DE MECONI CERATITE.

## CAP. CXCVII.

*In Papauere corniculato mirum cur Dioscorides omiserit visum, ceu colubri in summa siliqua conspicuum, notam plane illustrem.*

## NOMINA.

ῥῶον κερᾶτις Græcis, Papauer corniculatum Latinis, officinis Papauer cornutum, Papauer cornutum  
Germanis Gelb olmagen appellatur. Corniculatum à fructu quem producit, cornu modo inflexo, nominatum est.

## FORMA.

Folia habet candida, hirsuta, Verbasco similia, per ambitum Papaueris syluestris modo serrata: caulem etiam similem, florem luteum pallidumue, fructum paruum vt cornu inflexum, fœnigræci corniculo similem, vnde & nomen inuenit. Semen pusil-

D iij lum,

# PLANTARVM HISTORIAE.

lum, nigrum quale Papaueris. Radicem in superficie terræ hærentem, nigram, crassam.

## LOCVS.

Dioscorides in maritimis & asperis locis prouenire ait. In Germania tamen nostra non nisi satum fuerit nascitur.

## TEMPVS.

Iunio floret mēse: Semē autē circa messes legitur.

## TEMPERAMENTVM.

Calidum & siccum esse, facultates eius, & in gustu nitrositas, satis ostendunt.

## VIREs. EX DIOSCORIDE.

Radix ad dimidias cocta in aqua & pota, ischiadas, & iecinoris affectus sanare potest. His etiā qui crassas & araneosas faciunt vrinas prodest. Semen acetabuli mensura cum aqua mulsa potum, aluum leniter purgat. Folia præterea floresq; cum oleo illita crustas emarginant. Eadem inuncta iumentorū argema ac nubeculas emendant.

## EX GALENO.

Papauer corniculatum nominatum quidem est à fructu leuem inuersionem habente, veluti & fœnumgræcū, vt bouis cornu simile esse videatur. Vim habet incidendi & abstergendi. Proinde radix herbæ in aqua decocta ad dimidium, iecinoris affectus adiuuat. Folia & flores, sordida admodum & maligna vlcera iuuant. Sed ab his abstinere oportet vlceribus iam purgatis: adeo enim abstergere valent, vt & puræ quoque carnis nonnihil eliquent. Hoc facultatum robore non sordes duntaxat, sed & crusta vlceribus detrahit.

## EX PLINIO.

Semen aluum purgat dimidio acetabulo in mulso. Folia trita cum oleo, argemas iumentorū sanant. Radix acetabuli mensura cocta in duobus sextariis ad dimidias, datur ad lumborum vitia & iecinoris. Carbunculis medentur ex melle folia.

DE MO.

## DE MORO. CAP. CXCVIII.

## NOMINA.

μορια, ἢ συκαμυρία Græcis, Morus Latinis,  
 M officinis & vulgaribus herbariis Morus  
 celsi, Germanis *Maulberbaum*, [Gallis Vng *Morus*  
*Mourier*] appellatur. *celsi.*

## FORMA.

Morus arbor notior est quàm vt describi deside-  
 deret. Folia autem rotunda ferè habet, nisi quòd in  
 summo sint acuminata, in extremitatibus serrata, &  
 ad Menthæ hortensis primi & secundi generis folia  
 accedentia. Flores lanugineos, fructum statim ab or-  
 tu candidum, cùm pubescit rubrum, vbi maturuit  
 atrum. Non est certè silentio transeundū, quòd Mo-  
 ri foliis quadraginta ferè diebus à Vergiliarum ex-  
 ortu vsque ad solstitium pasti vermiculi, qui σῆψις *Seres uet*  
 Græcis, Latinis bombyces ac Seres nominantur, se- *miculi un-*  
 riceum vellus, quo turget vterus, pedibus explican- *de nutri-*  
 tes conficiunt: nulla enim in re alia natura sagacior *tur, & eo-*  
 deprehenditur, nec ars aliquid ab iis accepisse vide- *re dē mirā*  
 bitur, in quo ingeniosius laborauerit, si tam multas *da meta-*  
 dum id vellus perficitur naturæ mutationes, & ar- *morphosis*  
 tis dū ad vitæ vsum disponitur, labores æstimemus.  
 Appetete siquidē vere oua, pisciū ouis haud dissimi-  
 lia, linteolo chartæuē adhærescentia, quæ proximo  
 autumno produxerunt, radiis solis exponuntur, aut  
 calido in loco, hypocausto nimirū, seruātur. Quo fit  
 vt vermiculi excludātur exigui, qui innox Mori foliis  
 nutriuntur, quoad grādiore facti fuerint: tū statim  
 penulæ cuiq; chartaceæ, vel potius iuolucra cōficiūt,  
 quibus inclusi mirabili naturæ opere lanitio sese in-  
 uoluunt, ac congesto glomeri se condentes, postquā  
 suū nendi obierūt munus emoriūtur, adeò vt seme-  
 stris tātū illis apud nos vita sit. Mortuis testacea sub  
 inde tunica inducitur, qua aliquot diebus obducti re-  
 uiuiscūt, ac ascitis sibi alis in volucres papiliones de-  
 generāt, q̄ assidue inuicē insidētes coēntesq; tādē ro-

# PLANTARVM HISTORIAE.

liſtis ouis milij forma & colore, quibus ſua rediui-  
ua proles ſequēte anno renaſcitur, iterum moriun-  
tur, atque adeò cum nullius præterea ſint vſus ab-  
iciuntur. Oua autem ad veris vſque initia ſeruan-  
tur. Hanc mirificam metamorphoſin quam non ra-  
rò ſumma cum admiratione ac delectatione ſum  
contemplatus, non potui non commemorare, quò  
ſtudioſis vermiculorum iſterum qui Mori folijs paſ-  
cuntur natura prorsus perſpecta eſſet.

## LOCVS.

Nāſcitur in hortis quibuſdā. Amat autē in primis  
loca calida ſabuloſāq;. Gaudet ſoſſione & ſtercore.

## TEMPVS.

*Morus ſa-  
piētiffima  
arborum.* Nouiſſima vrbanaſum germinat, nec niſi ex acto  
frigore, ob id dicta ſapientiffima arborum. Proin-  
de cū hanc germinare viderimus, frigus minimè  
timendum erit.

## TEMPERAMENTVM.

Immaturus Mori fructus vbi exaruerit admodū  
adſtringit. Maturus autem mediocriter adſtringit.  
Cortex radicis arboris amaritudinis cuiuſdam &  
purgantis facultatis particeps eſt. Folia & germina  
quodammodo media temperie inter adſtrictionem  
& purgatoriam facultatem ſunt prædita.

## VIRE. EX DIOSCORIDE.

Mori fructus aluum ſoluit. Facile corrumpitur.  
Stomacho inimicus eſt. Præſtat hoc idem eius ſuc-  
cus. Decoctus autem æreo vaſe, aut inſolatus, magis  
adſtringit. Admixto mellis exiguo, ad fluxiones, no-  
mas & tōſillarū inſlāmationes facit. Augetur viſ eius  
adiecto ſciſſili alumine, galla, croco & myrrha, item  
tamaricis ſemine, iride & thure. Mora verò imma-  
tura ſicca tuſaq;, R hoīs vice opſoniis miſcēt, & cœli  
acos iuuāt. Radicis cortex decoctus ī aqua & potus  
aluū ſoluit. Latos vētris lūbricos expellit: iis quoq;  
auxiliatur qui aconitum hauſerunt. Folia trita &  
cum oleo illita, ambuſtis igne mēdentur. Decocta  
in

in aqua cœlesti cum vitis & nigræ fici foliis capillos ringunt. Succus foliorum cyathi mēsurā potus, phalangiorum morfibz auxiliatur. Corticis & foliorū decoctō colluuntur vtiliter in dolore dentes. Colligitur per messem succus, circumfossa & secta radice arboris: inuenitur enim postridie concretus, qui in dolore dentium vtilis est. Tubercula discutit, & aluum purgat.

## EX GALENO.

Mori fructus maturus ventrem quidem subducit: immaturus arefactus medicamentum fit satis constringēs, adeò vt ad dysenterias & cœliacos affectus, aliōsque omnes qui ex fluxionum sunt genere efficax sit. Contunditur autem & opsoniis miscetur, veluti Rhōis fructus: aut si cui ita videatur, ex aqua aut vino bibitur. Porro quòd maturorum succus ad stomatica medicamenta sit vtilis, propter eam videlicet quæ inest illi adstrictionem, neminē latet. Præterea ad alia complura particularia, quæ mediocrem poscunt adstrictionem, competit. At immatura præter acerbitem aciditate etiā participant. Tota quoque arbor in omnibus suis partibus mistam aliquam obtinere facultatem ex constringente & purgante compositam videtur. Attamen in radicis cortice purgatoria cum quadam amaritudine exuperat, adeò, vt & latum lumbricum interficiat. In aliis autem partibus constringens vincit. In foliis tamen & germinibus media quodammodo comprimentis & subducētis facultas est. Cæterum mora vbi in ventericulum purū, & prima fuerit ingesta, citissimè per intestina transeunt, & aliis cibis suo veluti ductu viā fruunt. Verum secundo loco assumpta, aut prauum in ventre humorem inueniētia, celerrimè aliis vnà cum cibis corrumpuntur, extraneam quandam atq; inexplicabilem corruptelam inducentia similiter Cucurbitis. Tametsi enim fugacibus hæc omnia sint esculentis innocentiora, corruptione tamē nisi velociter

# PLANTARVM HISTORIAE.

lociter deorsum concedant, non secus ac Pepones, vitiantur. Porro quando ventriculi os squalidum calidumq; erit, tum sicut peponibus, ita & Moris vtendum. Tale naque iecur etiam tunc esse necesse est. Immatūra Mora ab arbore decerpta, ficcataque in hyemen reponunt, vt sibi medicamen ex iis parent, vtile ad dysenteria, aluiq; diuturnu florē persanandum. Quod quidē facile descēdāt fortē eis vsuuenit sola substantia humiditate & lubricitate, fortē etiā admistione acrioris facultatis, quæ stimulatq; ad excretionē aluo sit satis. Nā adstringēs qualitas adeo nihil ad deiectionē opitulatur, vt etiam reprimere stimulatq; sit nata. Proinde Moris exigua quādam eius facultatis portiunculam inesse coniicio, cuius permagna in purgantibus medicamentis habetur: quæ facit non solum vt facile deiciantur, verū etiā vt diutius morata in ventre corrumpantur. Quod si corruptionē effugiāt, omnino quidem humectāt, sed non planē refrigerant, nisi frigida accipiantur. Parcissimē corpus alunt, similiter vt Pepones, haud tamē vomitū cient, nec stomacho vt illi aduersantur.

DE MYRRHIDE. CAP. CXCIX.

*Myrrhis etiam in segetibus nobis frequens.*

## NOMINA.

**Cicutaria** **M** *ῥῆγες ἢ μύρρη* Græcis, Myrrhis Latinis, vulgaribus herbariis Cicutaria, quod scilicet caule & foliis Cicutæ similima sit. Hac similitudine quidam decepti, veram esse Cicutam putauerunt, cum tamen ab ea, viribus potissimum, diuersissima sit. Germanis *Vuilderkorffel* appellatur.

## FORMA.

Cicutæ caule & foliis similis est, radicem obtinet longam, tenerā, rotundam, odoratam, in cibo non insuauē. Hæc tota Dioscoridis delineatio, nulla prorsus reclamante nota, herbæ cuius effigiem damus pictam suffragatur. Siquidē caule striato, foliis & flore Cicutæ similima est, adeo vt eam nonnulli à Cicutā

ta discernere nesciant. Radicem etiam habet longam, teneram, rotundam, cibo iucundam & odoratam.

## LOCVS.

Passim in hortis & pratis nonnullis prouenit.

## TEMPVS.

Maior mense loca in quibus nascitur huius floribus quasi candicant.

## TEMPERAMENTVM.

Ex secundo est ordine excalfacientium, adiuncta partium tenuitate.

## VIRE. EX DIOSCORIDE.

Phalangiorum moribus radix Myrrhidis succurrit cum vino pota. Menses purgat & secundas educit. Cocta in sorbitione tabidis vtiliter datur. Ferunt præterea aliqui eam bis terue die potam ex vino in pestilentialibus constitutionibus, à morbo seruare incolumes.

## EX GALENO.

Radix eius menses mouet, quæque in thorace & pulmone sunt expurgat.

## EX PLINIO.

Cit menstrua & partus cum vino. Aiunt quoque eandem potam in pestilentia salutarem esse. Subuenit & phthificis in sorbitione. Auiditatē cibi facit. Phalangiorum morsus restringit. Vlcera quoque in facie aut capiti succus eius in aqua triduo macerata sanat.

## DE MELILOTO. CAP. CC.

*Ab utraque tua Melitoto nostra est diuersa, & odoris gratia nobis iucundissima, ut etiam cubicula præsertim dum recēs est, aut etiam dum cælum fit æstate pluuium, odore grato repleat.*

## NOMINA.

ελίωτος Græcis, Melilotus. Sertula camp-

M na, & Corona regia Latinis dicitur, Meliloti

nomen officinæ retinuerunt. Sertulam verò *Sertula*

dixerunt, quod flos eius coronamentis dicatus sit, & *cur dicta.*

quia ex ea antiquitus coronæ &serta factitata sint.

Coronam



# PLANTARVM HISTORIAE.

*Corona regia.* Coronam autem regiam, quoniam luteis floribus supernè coronetur.

## GENERA.

*Vulgaris Melilotus* Tria Meliloti hodie faciūt genera. Primū vul-  
garē, statim à radice fruticosam, cubitatē folio fœni-  
græci minuto ac lētè fimbriato, flosculo luteo, odo-  
ris suavis, tereti per ramos diffusō semine. Hoc quā-  
quā tertio generi, quod nos verū esse putamus, foliis  
& floribus simile sit, tamen cū nullam gustu præ se  
ferat adstrictionem, quam summè requirunt Dio-  
scorides, Galenus, & alij veteres medici, & præter a-  
maritudinem haud exiguam acrimoniam habeat, sit  
vt inter Melilotos, meo quidem iudicio, rectè con-  
numerari non possit. Hinc est quòd nos infra, hanc  
alio nomine dignati sumus, Saxifragāque luteam  
appellauerimus. Alterum aspectu cano, Croci flo-  
re, foliis Trifolij, minutissimis, vt paulò pòst fusius  
dicemus. Hoc sanè genus nos Melilotum germani-  
cam vocauimus, quòd illa, & nō prior in Germania  
nostra pro vera Meliloto sit vsurpanda, ob adstri-  
ctionem illam manifestam quā gustu præfert. Acce-  
dunt folia quę pinguis sunt, & flores Croci colorem  
referentes, quos Dioscorides requirit. Sententiā no-  
stram confirmat antiquus manuscriptus herbarius,  
qui hanc pro Meliloto pingit. Neque obstat quòd  
hæc herba non admodum odorata sit: fateamur enim  
non esse laudatissimam Melilotum, sed eam quam  
Germania nostra profert. Nam quum Plinio libro  
xxj. cap. xj. teste, Melilotus vbiq; nascatur, suā quæ-  
uis habeat ferè regio necesse est. Nihil igitur mirū  
si huic herbæ non adsint singulæ notæ, quas illi ve-  
teres Græci & Latini attribuunt. Satis autem est ei  
mistam quandam, nempe adstringentē & digerentē  
inesse facultatē, haud secus quàm optimæ, Germa-  
ni hanc herbam nominant *Vnser frauwē schuchlin*/vel  
*Vuilden klee* [Galli *du Melilot.*] Tertium genus  
nos optimam & legitimam esse arbitramur Melilō-  
tum,

*Germani-  
ca Meli-  
lotus.*

tum, quam nos maioris discriminis causa Italica nūcupauimus, quòd mos sit patrius Germaniæ nostræ, omnia ferè peregrina vocare Italica. Germanicè itaque haud ineptè *Vuelfcher Steinklees* nominabitur.

## FORMA.

Vulgaris Meliloti descriptionem inuenies suo loco. Germanica, herba est humilis, palmi altitudine, folio pratensis Trifolij, pingui & cano, flore pisi, minore tamè, luteo, semine in siliquis, radice rufa. Italica, quam è Campania allatam in Germaniam arbor, caulem habet subrufum, rotundum, folium fœnigræci, in ambitu serratum, flore luteo, odorato, semine in siliqua lunata, vt pictura luculenter ostendit. Tota etiam herba odorata est, vt hinc etiam cōiicere liceat veram esse Melilotum.

## LOCVS.

Germanica passim in pratis Germaniæ, montosis potissimum, nascitur. Italica in Germania, nisi sata fuerit, nō prouenit. In Campania verò circa Nolā, Dioscoride teste, copiosè nascitur.

## TEMPVS.

Floret ferè per integram æstatem vtrumque genus. Siliquas tamen in fine Iulij & Augusto mense proferunt.

## TEMPERAMENTVM.

Mixtæ est facultatis: habet enim quiddā adstringens, sed & discutit & maturat: copiosior enim in ea est substantia calida quàm frigida.

## VIRES. EX DIOSCORIDE.

Melilotus adstringendi facultatem obtinet. Molit omnes inflammationes, præcipuè autem oculorum, vteri sedis & testium in passo decocta & illita. Aliquando autem addito oui luteo assato, aut fœnigræci farina, aut lini semine, aut polline molario, aut capitulis Papaueris, aut Intybo. Recentes meliceridas per se cum aqua, & achoras cum creta Chia, & vino aut galla illita sanat. Stomachi dolorem cū vino

# PLANTARVM HISTORIAE.

vino cocta, & cruda cum antedictis leuat. Aurum etiam dolores crudæ expressus succus, & cum passo instillatus se dat. Capitis dolorem lenit, cum aceto & rosaceo inspersa.

## EX PLINIO.

Melilotos oculis medetur cum lacte, aut cum lini femine. Maxillarū quoq, dolores lenit, & capitis cū rosaceo: item auriū ē passo, quæq; in manibus intumescunt vel erumpunt. Stomachi dolores in vino decocta, vel cruda tritaq; Idē effectus est ad vuluas. Testes verò & sedem prociduā, quæq; ibi sunt vitia, recēs ex aqua decocta, vel ex passo. Adiecto rosaceo illinuntur ad carcinomata. Deferuescit in vino dulci. Peculiariter & contra meliceridas efficax.

## DE MANDRAGORA. CAP. CCI. NOMINA.

*ανδρογόρας, ἢ κισκαία* Græcis, *ἄνθρωπομορφός* Pythagoræ, Latinis canina aut terrestris mālus, officinis Mandragora, Germanis Al-

*Circæa raun* [Gallicè *Mandragore*] dicitur. Qui *Circæam* vocare dicunt, nomen illi à *Circe* fecerunt, quoniam creditur radix eius ad amatoria conducere. *Pythagoras* haud dubiè ab humana forma, quā radix eius referre videtur, *Anthropomorphô* appellauit. Hinc sumpta occasione, *agrytæ* & impostores illi circūforanei radices humana effigie insignitas circumferunt, quas *Mandragoras* esse testantur, cū tamen constet eas esse fictitias, & manu factas ex cannarum radicibus humana specie sculptis, postea plantatis. Nascuntur autem subinde radiculæ parvæ, quæ repræsentant capillos, barbam, pectinis pilos, & ex terra eum acquirunt colorem, vt radices esse appareant. Sunt & alia multa quæ nebulones illi fabulantur, vt pecuniam ab imperitis extorqueant, quæ commemorare in præsentia nihil attinet. Terrestrum mālum *Romani* dixerunt, quòd mālā proferat, nec in altum vt reliquæ arbores surgat.

## GENE-

## G E N E R A.

Duo Dioscoridi & Plinio Mandragoræ sunt genera. Mas candida est, μάριον Græci vocant. Huius hinc effigiem, citra tamen poma, quæ habere non potuimus, damus. Fœmina nigra, Græcis θριδάκτις à similitudine foliorum appellata. Theophrastus tamen lib. vj. de historia plantarum, cap. ij. tertium quoddam genus Mandragoræ constituere videtur, cuius fructus sit μίλας, καὶ ῥαγώδης, καὶ διγώδης τῷ χυμῷ, hoc est, niger, acinosus, & sapore vinosus. Et nisi hoc genus à prioribus diuersum esse statuas, discrepare inter se non leuiter Theophrastū & Dioscoridē necesse est fatearis. Nam Dioscorides palam asserit poma priorum duorum generum vitellis ouorum esse similia, & pallida: contrā Theophrastus nigra, acinosa, vt diximus, & sapore vinosa esse tradit. Accedit quod idem Theophrastus eodem loco Mādragoræ caulē tribuat, perinde atq; Plinius, quem Dioscorides penitus aufert: vt hoc nomine necesse sit hæc omnia ad tertium hoc genus Mādragoræ referre, quod nos tamen infrā inter Solani genera recēsebimus, vbi etiā eius picturam offendes.

## F O R M A.

Fœmina angustioribus & minoribus quā Lactuca foliis est, grauitèr odoratis & virosis, per terram sparsis, iuxtaq; folia pomis vitellis oui similibus, pallidis, odoratis, in quibus semen quale pyri, radicibus magnis, binis ternisue, sibi inuicem implicitis, in superficie nigris, intus candidis & crassi corticis. Caulē verò non fert. Maris folia sunt magna, candida, lata, læuia vt Betæ. Māla duplo maiora quā fœminæ, croci colore, cum aliqua grauitate odorata, quæ comedētes pastores quadantenus soporantur. Radix supradictæ similis, maior tamē cādidiorq;. Os bata & hæc est caule.

## L O C V S.

Prouenit in syluis & ymbrosis locis. Nunc in hortis etiam plantatur.

## T E M P E.

Mas

Fœmina

Locus

Theophrastus

Explicit

tu diffinitio

lis

Fœmina

# PLANTARVM HISTORIAE.

## TEMPERAMENTVM.

Mandragora vincentem habet facultatem refrigeratorem, adeò vt tertij sit ordinis refrigeratium. Veruntamen nonnihil etiam caloris inest, & in pomis humiditatis. Radicis cortex non tantum refrigerat, sed & desiccatur.

## VIRE. EX DIOSCORIDE.

Succus colligitur è cortice recentis radicis tuso & prælis subiecto, quem insolutum cum iam concreuerit, in fictili vase reponere oportet. Colligitur itidè è pomis succus, ignauior tamen. Delibratur radicis cortex, & traiectus lino ad vsum suspenditur. Quidam Mandragoræ radices in vino ad tertias decoquunt, & traiectum per colum ius seruant, vtentes cyathi vnus mensura in peruigiliis, & doloribus, & in his quos sine doloris sensu secare aut vrere voluerint. Potus obolorum duorum pondere cum malsa aqua Mandragoræ liquor, pituitam, nigramque bilē veratri modo purgat. Verum maiore copia potus vitam adimit. Miscetur medicamentis ocularibus, & iis quæ dolores finiunt, pessis quoque emolliētibus. Per se semioboli pondere appositus, menses & fœtus trahit. Sedi pro balano subditus somnum facit. Radix ebur emollire fertur, si senis horis cū eo decocta sit, & in quam voluerit aliquis formam fingi & formati facilem reddere. Folia recentia, oculorum & quas vlcera excitant inflammationibus cum polēta illita profunt. Discutiunt eadem omnem duritiē, abscessus, strumas, tuberculaque, quinque aut sex diebus leniter cōfricata. Stigmata sine vlceratione decident, Folia condita sale seruantur in eisdē vsus. Radix autem trita ex aceto ignibus sacris, & serpentium urtibus ex melle aut oleo medetur. Strumas atque tubercula ex aqua disiccat. Articulorum dolores cū lenta sedat. Conficitur citra coctionem vinum è cortice radicis. Ternæ minæ in vini dulcis metretam coniiciuntur. Dantur ex eo terni cyathi, iis qui secari, aut

eari, aut vri debent, vt antè dictum est. Siquidem nullo tunc afficiuntur dolore, eò quòd somno quodam pressi torpescant. Mâla olfactu, & comesta soporem afferunt. Potest idem & eorû succus. Nimiùs tamen eorundem vsus obmutescere facit. Semen mâlorum potum vterum purgat, appositumque cum sulphure ignem non experto rubra fœminarum profluuia sistit. Colligitur ex radice liquor, ea scarificata multifariam, & eo quòd erumpit, in cauum vas recepto. Est autem liquor succo efficacior. Sed non ferunt omnibus locis liquorem radices, idque experientia ostendit.

## EX GALENO.

Soporem conciliandi vim habent Mandragoræ poma. Radicis cortex valentissimus est, reliquum quod intus est imbecillum existit.

## EX PLINIO.

Succus fit & è mâlis & è caule, deciso cacumine, & radice punctis aperta aut decocta. vtilis hæc vel surculo. Concisa quoque in orbiculos seruatur in vino. Succus non vbiq; inuenitur, sed vbi potest, circa virdemias quærit. Odor grauis eius, sed radicis & mâli grauior. Mâla matura in sole siccantur. Succus ex iis sole densatur: item radicis tussæ, vel in vino nigro ad tertias decoctæ. Folia seruantur in muriis efficacius, aliàs recentium succus pestis est: sic quoq; vires noxiæ. Grauedinem afferunt etiam olfactu, quanquam mâla in aliis terris mandantur, nimio tamen odore obmutescunt ignari. Potu quidè largiore etiã moriuntur. Vis somnifica pro viribus bibentiû. Media portio cyathi vnus. Bibitur & contra serpentes, & ante sectiones punctionesq;, ne sentiantur. Ob hæc satis est aliquibus somnum odore quæsisse. Bibitur & pro Elleboro duobus obolis in mulso. Ad strumas radix Mandragoræ ex aqua bibitur. Articulis prosunt folia cum polenta, vel radix recens tusa cum cucumere syluestri, vel decocta in aqua. Cum terato apo-

E stemata

# PLANTARVM HISTORIAE.

stemata & vlcera tetra, folia Mandragoræ recentia sanant. Radix vulnera cum melle aut oleo.

## DE MALIS INSANIS.

### CAP. CCII.

*Poma amoris etiam hodie uulgò dicuntur, male hæc insana.*

### NOMINA.

V AE mûla insana hodie appellantur, & à Neapolitanis Melâzana, ab aliis amoris poma, à Germanis verò Melantzan [Gallicè *Pomes d'amours*] num veteribus cognita fuerint asseuerare non aſſim. Non latet tamen Hermolaû in Corollario suo in ea eſſe ſententia, vt putet eſſe tertiam Mandragoræ ſpeciẽ, quam Morion vocant. Quam tamen ſententiã cur nõ probẽ, facit inprimis Theophrastus qui lib. vj. de hiſtoria ſtirpium cap. ij. eius fructũ eſſe nigrum, acinoſumq; ſcribit, qualia mala insana non ſunt. Dein quòd Morij fructus letalis ſit, mala verò insana minimẽ, vt paulò poſt dicemus.

*Mûla insana non ſunt tertia Mandragoræ ſpecies.*

*Mûla insana cur dicta.*

*Amoris poma quare uocata.*

Mala autem insana dicta ſunt, nõ quòd letalia ſint, ſed quod difficulter concoquantur. Amoris autem poma, quòd propter elegantiam & pulchritudinem digna ſint quæ amentur.

### GENERA.

Duo ſunt malorum inſanorum genera. Aliqua enim putpurea ferẽ tota, aliqua verò lutea, aut candorem aliquem præ ſe ferentia. Primi generis poma Germanicè *braun Melantzan* alterius autẽ, *geel Melantzan* vocantur.

### FORMA.

Mala insana in frutice naſcuntur, qui Perſonatiã propemodũ caule & foliis refert. Differunt autẽ huius folia à Perſonatiã, quòd lōgiora, magisq; lacinia ta ſint. Flores habet purpureos, ſpecioſos, ſex foliis è calathò ſtellaſtim radiatis, fructus oblongi mali forma & magnitudine, i quibus ſemẽ ſiliquaſtro nõ diſſimile. Radicem multis capillaſta fibris luteamq;.

### LOCVS.

## LOCVS.

In hortis apud nos seruntur, sed frequenter in scilicet  
 Atilibus & pensilibus fenestrarum hortis. Et eodem  
 cultu quo cucumeres & melones gaudent.

## TEMPVS.

Floret Augusto & Septembre mensibus, ac subinde  
 de fructum profert.

## TEMPERAMENTVM.

In his malis haud dubiè ut in cacumere esculento  
 aut fungo, frigida & humida temperies superat.

## VIRES.

Nullum, quòd sciam, in medicina vsum habent.  
 Eduntur autè à nonnullis ex oleo, sale & pipere fun-  
 gorum modo cocta. Alij vbi paululum inferbuerunt  
 igni, in orbiculos vel taleolas digerunt, & in aceta-  
 riis ex oleo, vel pipere & aceto comedunt. Salgama-  
 rij in muria acida seruât, cibo per hyemem & ver ori-  
 grato, sed tamen qui agrius còcoquatur. Quid mul-  
 ta delicatiorum & omnia degustare volentium cibus  
 est malum insanum. Quare qui sanitatis studio ali-  
 quo tenentur, ij statim nomine ipso territi, vsum il-  
 lorum euitabunt.

## DE NYMPHAEAE. CAP. CCIII.

## NOMINA.

νυμφαία Græcis, Nymphaeae Latinis, officii-

N nis Nenuphar barbara voce nominatur. Nenu-  
 Germanis *Seckblum* / *Vuesfermahen* [Gallicè *phar*.

*Blanc d'eau, ou Iaulnet d'eau.*] Nymphaeae autem nomē Nym-  
 sibi vendicasse videtur, quòd aquosa amet loca: vel, *phæa cur*  
 ut ex veteribus aliqui fabulati sunt, à Nympha, quæ *dicta*.  
 zelotypia Herculis intabuit & mortua est, inque pa-  
 lustrem hanc plantam mutata.

## GENERA.

Duo eius genera. Vna enim à flore candido, Liliij *Candida*.  
 simili, candida appellatur. Germanicè *Vucisz* *Seckblu*  
*wen*. Altera itidem à floribus, qui lutei sunt, lutea *Lutea*.  
 E ij nomi-



## PLANTARVM HISTORIAE

nominatur, Germanicè *geel Seeblumen*. Possent etiā radicibus discerni, cum prior nigra, altera verò candida constet, adeò vt hoc nomine prima candida, altera autem nigra diceretur. Multò verò consultius est à floribus, quàm radice discrimen sumere, quòd illi nunquam nõ oculis expositi sint, radices autem non nisi effosæ intueri possint.

### FORMA.

Prima, folia Ciborio similia habet, minora tamè & longiora, quadantenus super aquam eminentia, aliqua tamen etiam sub aquis, plura ab vna radice prodeuntia. Flos candidus, Lilio similis, in medio quoque croceum sit obtinens. Hic cum defloruerit rotundus, & mælo circumferentia, aut Papaueris capiti similis, colore niger fit. In quo sanè semen clauditur nigrum, latum, densum, gustu glutinosum. Caulis illi læuis, minimè crassus, niger, Aegyptiæ fabæ similis Radix nigra, aspera, clauæ persimilis. Hæ singulæ notæ alteri Nenuphari vocato quadrat. Folio enim conspicitur orbiculato, læui, herbaceo, amplo, in stagnantibus aquis supernatante: flore candido, Lilio simili, in medio croceum habente, & cum defloruerit capite Papaueris, in quo semen latum, amarum, pingue. Caulis gracilis est & læuis. Radix nigra & ampla, dulcis, nodosa, clauæ formam repræsentans. Altera folia antedictæ similia habet, sed radicem albam & asperam: florem luteum, splendentem, rosæ similem. Quæ itudè notæ in vniuersum omnes alteri Nenuphari, quæ luteis est floribus, respondent.

### LOCVS.

Nascitur in paludibus & aquis stagnantibus.

### TEMPVS.

Flores in fine Maij & Iunio mense colliguntur, Radices autem in autumnò effodiuntur.

### TEMPERAMENTVM.

Nymphææ tum radix, tum semen refrigerandi & citra morsum desiccandi vim obtinet.

### VIREs.

## VIREs. EX DIOSCORIDE.

Radix prioris sicca cum vino pota, cœliaci & dysentericis prodest. Lienē absumit. Stomachi vesicęq; doloribus illinitur. Alphos ex aqua exurit. Alopecias cum pice imposita sanat. Eadem cōtra Veneris insomnia bibitur, siquidem ea cōpescit. Paucis diebus, si quis continuo bibat, genitale infirmit. Idem semen potum efficit. Alterius quæ lutea dicitur, radix & semen contra muliebria profluua ex vino nigro bibuntur.

## EX GALENO.

Nymphææ radix & semen, ventris profluua cohibent, semenq; genitale siue per somnia, siue alio pacto immodicè profluens retinet. Iuuant dysentericos. Cæterum Nymphaea quæ candidā radicem habet, potētioris est facultatis, vt & muliebri profluuo medeatur. Verū & hæc, & ea quoque quę atram habet radicē, ex vino nigro austero bibitur. Porro nonnullam etiam abstergendī vim obtinent, ita vt alphos & alopecias sanēt. Ad alphos verò macerant aqua, ad alopecias pice liquida. Sed ad hæc aptior est ea cuius radix nigra est, sicut ad alia, cuius alba.

## EX THEOPHRASTO.

Nymphæa trita plagæ imposita sanguinem sistere tradit. Vtilis & ad difficultates intestinorū pota.

## EX PLINIO.

Venerem in totū adimit Nymphæa, semel in quadraginta dies pota. Insomnia quoq; Veneris à ieiuno pota, & in cibo sumpta. Illita quoque radix genitalibus, inhibet non solum Venerē, sed effluentia genitura: ob id corpus alere, vocemq; dicitur. Semen cum vino potum dysentericis auxilio est. Tenesmo radix eiusdem ex vino bibitur. In vino quoq; pota lienem cōsumit. Dolores vesicæ sedat ex vino. Manantia sanat vlceres. Maculas omnes emendat. Trita plagis imponitur. Vlceribus, priuatim iis quæ calceamento facta sunt, prodest arida infricata.

# PLANTARVM HISTORIAE.

## DE NAPHY. CAP. CCIIII.

### NOMINA.

Officinae  
rū error.
Sinapis  
unde di-  
sta.
Napy cur  
uocatum.
 ἄπυ, ἢ σίνυσι Græcè, Sinapis & Sinapi Latine vocatur. Officinæ nomen retinuerunt. Perperam tamen faciunt, quòd altero genere pro Eruca, quam suo loco depinximus, vtuntur. Germanicè *Zam oder Gartensenff* [Gallicè *Seneue*] nominatur. Sinapis autem nomen è Græcia venit in Latium, censetque dictum Athenæus libro. ix. Dypnosoph. Sinapi, ὅτι σίνεται τὰς ὀφθαλμοῖς ἐν τῇ ὁδῷ μὴ, hoc est, quòd olfactum luminibus officiat. Pleraque Græcia Napy nominat quasi Naphy, vt idem eodem in loco interpretatur, quoniam non sine natura sit, sed acri & proinde incommoda donetur. Alij Napy per priuationem videlicet νάπιον, quasi immitè dici volunt, quoniam acrimoniæ vehementis particeps sit.

### GENERA.

Sinapis duo inueniuntur genera, foliis, floribus & semine distantia. Primū siquidem genus rapitiā frondem exprimit, floremque luteum obtinet, ac semen album profert. Nos à floribus luteis Germanicè *geelen Gartensenff* nominauimus. Alterum in Erucae folium laciniatur, floréque albicante, & semine vesco pullóque, constat. Nos genus hoc ab albicantibus floribus *Vueissen Garter senff* appellauimus, vt esset huius aliqua ab Erucae nomenclatura diuersitas, quam Germani simpliciter *Vueissen Senff* vocāt.

### FORMA.

Primum caulem habet hirsutum, longum, ramosum, folia rapi, minora tamen & asperiora, flores luteos, filiquas rotundas ac hirsutas, plenas semine cādicante. Alterum genus itidem hirsuto caule præditum est, minore tamen, foliis Erucae, maioribus tamen ac latioribus, laciniatis, floribus albicantibus, crucisque effigiem referentibus, filiquis teretibus & oblongis,

oblongts, semine pullo rufescentéue refertis.

### LOCVS.

Vtrumque in hortis satum prouenit. Et quamuis nullo cultu plærunque germinet, terram tamen aram & congestitiam magis amat.

### TEMPVS.

Floret vtrumque Iunio ac Iulio mensibus, eodéq; tempore semen in siliquis suis profert.

### TEMPERAMENTVM.

Sinapi calefacit & desiccac quarto ordine.

### VIREs. EX DIOSCORIDE.

Calfaciendi, extenuandi & extrahendi vim habet. Commanducatum capitis pituitam elicit. Succus eius hydromeliti mixtus contra tonsillarú præduros tumores, ac veterem callosamq; arteriæ scabritiem conuenienter gargarizatur. Tritum nariibus admotú, sternutamenta ciet. Comitialibus quoque auxiliatur. Fœminas vuluæ strâgulatu oppressas excitat. Lethargicis, derafo capite, illinitur. Ficis ammissum & impositum donec rubescat locus, ad coxendicum cruciatus, lienes, & omnis generis diurnos dolores confert, cum permutandę passionis causa ex alto in cutis superficiem aliquid trahere voluerimus. Alopeciis illitum medetur. Faciem purgat. Sugillata cum melle, aut adipe, aut cerato delet. Ex aceto contra lepras, & feras impetigines perungitur. Aridum contra febrium circuitus bibitur, aut potui polentæ modo inspersum. Extrahentibus emplastris, scabiemq; extenuantibus vtiliter ammiscetur. Grauitati aurium & sonitui, tritum cum fico impositum prodest. Succus ad hebetudines oculorum & palpebrarum scabritiem illinitur. Exprimatur autem ex viridi adhuc semine succus, & in sole ficcatur.

### EX PLINIO.

Sinapi Pythagoras principatum habere ex his, quorum sublime vis feratur, iudicauit: quoniam nō

E iij aliud

# PLANTARVM HISTORIAE.

aliud magis in nares & cerebrum penetret. Ad serpentium ictus & scorpionum tritum cum aceto illinitur. Fungorum venena discutit. Contra pituitam tenetur in ore donec lique scat, aut gargarizatur cū aqua mulsa, Ad dentium dolorem mādatur. Ad vūā gargarizatur cum aceto & melle. Stomacho vtilissimum contra omnia vitia, pulmonibusq; Excreationes faciles facit in cibo sumptum. Datur & suspiriosis. Item comitialibus tepidum cum succo cucumerum. Sensus atque sternutamenta capitis purgat, aluum mollit, menstrua & vrinam ciet, & hydropicis imponitur. Cum fico & cumino tusum ternis partibus comitali morbo. Et vulvarum cōuersionē suffitum excitat odore aceto mixto. Item lethargicos: & si vehemētiōr somnus lethargicos premat, cruribus aut etiam capiti illinitur cum fico & aceto. Veteres dolores thoracis, lumborum, coxendicum, humerorum, & in quacunque parte corporis ex alto vitia extrahenda sunt, illitum caustica vi emendat pustulas faciendo. At in magna duritia sine fico imposi- tum: vel si vehemētiōr vrigo timeatur, per duplices pannos. Vtuntur ad alopecias cum rubrica, psoras, lepras, phthiriasēs, tetanicos, opisthotonicos. In- ungunt quoque scabras genas, aut caligātes oculos cum melle. Succusque tribus modis exprimitur in fi- ctili, calefcitque in eo in sole modicē Exit & è cau- liculo succus lacteus, qui ita cū induruit, dentium, dolori medetur. Semen ac radix cū imaduere mu- sto, cōteruntur, manusq; plenæ mensura sorbentur ad firmandas fauces, stomachum, oculos, caput, sen- susq; omnes. Mulierum etiam lassitudines, saluber- rimo medicinæ genere. Calculos quoque discutit potum ex aceto. Illinitur & liuoribus sugillatisque cum melle & adipe anserino, aut cera Cypria. Fit & oleum ex semine madefacto in oleo expressoque, quo vtūtur ad neruorum rigores, lumborumque & coxendicum perfrictiones.

## EX SIMEONE SETHI.

Sinapi vim habet dissoluendi & discutiendi humiditates quæ in capite & stomacho sunt. Confert etiam lienis affectibus à humiditate & flatu procreatis. Item quartanis morbis, qui ex adusta pituita contracti sunt: ad hæc & podagris à pituita factis. Officit verò visui, & calido capiti, ac iccori. Adiuuat cōcoctionem & distributionem ciborum crassarum partium. Minuit quæ in ventriculo sunt humiditates. Illitum lepris, eas in melius mutat. Linguas etiam humiditate grauatas siccat. Si cum melle sumatur, ruses resoluit. Cum caricis verò ischiadicis illitum, & lienosis vtile est: trahit enim quæ intus sunt ad corporis superficiem. Suffitum verò & incensum, serpentes fugat.

## DE NERIO. CAP. CCV.

## NOMINA.

ῥηριον, ἢ ῥοδολοδάφνη, ἢ ῥοδολόδενδρον Græcis,  
 N Nericon & Rhododēdrō Latinis, Offici-

nis & barbaris Oleander, Germanis Olan-  
 der, [Gallis Rosage, cu Rosagine] dicitur. Rododa-  
 phnen autem Græci dixerunt à rosæ floribus & lau-  
 ri foliis, quæ fruticis huius præcipuè sunt notæ. Nec  
 refert quòd Dioscorides amygdalæ foliis eius folia  
 comparauerit, lauro enim & amygdalæ non dissi-  
 milis magnopere foliorum figura est. Fecit idem ro-  
 sæ flos & arbor, vt eadem gens Rhododendrum no-  
 minauerit.

Oleander  
 Rhododa  
 phne cur  
 dista

Rhodos  
 dendros  
 quare.

## FORMA.

Notus frutex, amygdalæ longiora & crassiora fo-  
 lia habens, florem rosarum figura, fructum amygda-  
 læ similem, veluti cornu, qui dehiscens lanca natu-  
 ra plenus est, pappis acanthinis simili. Radix illi est  
 acuminata, longa, lignosa, gustanti salsa.

## LOCVS.

Nascitur in hortis, maritimis, & secundum a-  
 mnes locis.

TEM.

# PLANTARVM HISTORIAE.

## TEMPVS.

Quo mense floribus & fructu prægnaus sit Nerion, non satis constat: neq; enim vel flores vel fructus eius nobis videre licuit. Hinc est quòd etiam pictura quam exhibemus iisdem careat.

## TEMPERAMENTVM.

Nerium Arabes calefacere in principio tertii ordinis, & in secundo siccare tradunt.

## VIREs. EX DIOSCORIDE.

Flores & folia canes, asinos, mulos & quadrupedes plurimos enecant: hominum verò cum vino pota contra venenatorum morsus præsidia salutaria sunt, præsertim si rutæ commiscueris. Infirmiora verò animantia, vt oues, caprasq; , si aquam biberint in qua folia eius maduerint, moriuntur.

## EX GALENO.

Nerium aut Rhododaphne notus omnibus est frutex. Foris quidem illitus discutiendi vim obtinet. Intrò autè in corpus assumptus, perniciosus ac venenosus non tantùm hominibus, verumetiam plærisque pecudibus.

## EX PLINIO.

Rhododendros ne nomen quidem apud nos inuenit Latinum: Rhododaphnen vocant, aut Nerium. Mirum, folia eius quadrupedum venenum esse, homini verò contra serpentes præsidium, ruta addita, & è vino pota. Pecus etiam & capræ si aquam biberint in qua folia ea maduerint, mori dicuntur.

## DE OXYACANTHA. CAP. CCVI. NOMINA.

*Βerberis.* O *ξυάκανθα* Græcis, Oxyacantha Latinis, Officinis Berberis, Germanis Paisselbeer / Saurich / *Oxyacantha unde dicta.* Erbsel / Versich, [Gallis Espine uinette, ou du Berberis] vocatur. Haud dubiè Græci à spinarû acuminatis cuspidibus Oxyacantham dixerunt.

## FORMA.

Syluestri pyro similis arbor est, sed minor & nimis

mis spinosa. Fructum fert Myrto similem, plenū confertūmque, rubentē, fractu facilem, intus nucleos habentem. Radicem multifidam & altam. Huius delineationis. notæ, nulla prorsus reclamante, arbori quam vulgò Berberim barbara voce nominant, ad amussim respōdent. Nanque arbuscula est pyri sylvestris aspectu, sed humilior, ramis ex interuallo spinosis, folio lentè per ambitum aculeato, acinis rubentibus, in pediculo iuxta & racemo pendulis, gustu acido & subaustero, duobus intus granis, radice numerosa.

## L O C V S.

Multis nascitur locis, syluis nempe, frutetis, campestribus, montanis, siccis & aquosis.

## T E M P V S.

Germinat. ineunte vere, ab occasu autem Vergiliarū fructifera. Per Septembrem itaq; ac Octobrē menses carpitur, campos syluasq; exornans.

## T E M P E R A M E N T V M.

Oxyacantha astringit & desiccatur, atq; adeò quorundam sententia frigida & sicca in secūdo est ordine. Fructus tamen tenuium est partium, & paululum quiddam incisium habet.

## V I R E S. E X D I O S C O R I D E.

Huius fructus potus & comestus, alui profluuiū, & muliebrem fluxum sistit. Radix trita & illita aculeos & spicula extrahit. Abortum facere tradunt, si sensim venter ter radice feriatur aut perungatur.

## E X G A L E N O.

Oxyacanthus arbor vt pyro sylvestri similem habet speciem, ita & facultates minimè dissimiles. Quin & ipsi fructus. Pyri quidē sylvestris prorsum atq; absolutè austerus est, Oxyacanthus autem tenuiū partiū est, & modicè incidit. Porrò arboris huius fructus, pyri sylvestris similis non est, sed Myrti potius fructui, rubens scilicet & J. rarus. Habet verò & nucleos. Cæterum non tantum esus, sed & bibitus

T & Apō  
uidetur le  
gēdum, ut  
est apud  
omnes Dioscor



# PLANTARVM HISTORIAE.

omnes fluxionum affectus cohibet atque sistit.

## EX RECENTIORIBVS.

E baccis vinum exprimitur eodem ferè vsu, quo vinum ex mælo punico. Condiuntur item acini vel melle vel saccharo ad restringendam sitim, depellendamq; febricitantium malaciam, quorum morosum nimis palatum cibum ferre quemcunque respuit. E-  
languescens appetentia grato huius acore recreatur.

## DE OSYRIDE. CAP. CCVII.

### NOMINA.

Osiris Græcis, Osyris Latinis, officinis Li-

Linaria, nonnullis herba vrinalis appellatur.

Germanicè *Flaschzkraut* / *Lynkraut* / *Harn-*

*kraut* / *Vnser frauens flachsz* / *Vuildflachsz* / *krotensflachsz* /

*Nabelkraut*. Linariam autem dixerunt recentiores à

foliis quæ lini faciem referre videntur.

### FORMA.

Virgultum sarmentumue nigrum est Osyris, te-  
nues virgas lentasque habens. In quibus foliola sunt  
terna & quaterna, modo quina, interim & sena, ceu  
Lini nigra initio, dein colore mutato subrubescen-  
tia. Iam si rem diligenter expendas, nullam delinea-  
tionis notam Osyridi traditam, in Linaria dicta ho-  
die deesse reperiēs. Siquidem hæc cauliculis fruti-  
cat nigricantibus, & qui ob suum lentorem haud fa-  
cile franguntur, tenuibus, atris quoque foliis, Lini  
facie. Concolori denique semine tantisper dum ma-  
turefcit, postquam ematuruit rubescente. Senescen-  
tes quoq; ramuli nigritiam in ruborem vertūt. His  
accedit antiqui & manuscripti herbarij testimoniū,  
qui Linariam eam esse herbam tradit, quæ Diosco-  
ridi Osyris dicitur, floremq; habere luteum inquit.  
Respondet etiam per omnia pictura.

### LOCVS.

Passim in campestribus prouenit.

### TEMPVS.

Floret æstate tota & autumnō.

TEM.

Linaria  
quare di-  
ta.

## TEMPERAMENTVM.

Osyridi amara inest qualitas, & obstructions aperiendi, adeoq; vt calida sit necesse est. Amara namque, Galeno lib. iij. cap. x. de simpl. medicamento. facult. teste, qualitate prædita, omnia calida sunt. Sic etiam eodem authore lib. v. cap. xi. eiusdem tractationis, singula quæ poros & meatus expurgant, ab infractuq; liberant medicamenta, calida sunt & tenuium partium. Vehementer itaque errant, qui Linariam frigidam & humidam esse asserunt. Et certè præter ea quæ iam dicta sunt, vel hoc vno argumento erroneam illorum sententiam confutare omnium maximè licebit. Cum etenim Linariæ urinam mouendi facultatem inesse scribant vulgares etiam herbarij, colligitur illam non esse frigidam & humidam, quando Galeno libro iam citato cap. xij. attestante, omnia quæ urinam ducunt ex acrimia atque adeo calidorum & siccorum sint genere.

*Linaria  
nō est frigida.*

## VIRE. EX DIOSCORIDE.

Huius decoctum potum morbo regio affectos iuuat.

## EX GALENO.

Osyridi, ex qua medicamenta ad exterendam leuigandamq; cutem, Græci κορήματα vocant, fieri solent, amara inest qualitas, & obstructions expediendi facultas. quare & in iecinore consistentes obstructions adiuuat.

κορήματα enim non solum scopas, ut quidam arbitratur, *Additio* uerum etiam κόσμητρα, Suida & Phavorino testibus, hoc est comptoria & uenustantia faciem medicamenta Græci dixerunt: è quorum sanè numero Osyris est, quæ cum amara sit, extergere etiam quæ sunt in corpore, facie potissimum, maculas potest. Hinc rectè Plinius ex eius foliis mulieribus, ut potest quæ plus aliis comere & uenustare faciem solent, smegmata fieri tradit.

## EX AETIO.

Osyris est herba subfruticosa, tenuibus virgulis, fractio

# PLANTARVM HISTORIAE.

fractioni renitentibus, foliis Lino similibus, nigris primo, postea subrubefcentibus, gustu amaris, vnde regio morbo conferunt.

## EX PLINIO.

Smegmata mulieribus ex Olyridis foliis faciunt. Radicum decoctum potum, sanat arquatos. Eadem priusquam maturefcit semen concisæ, & sole siccatæ, aluum sistunt. Post maturitatem verò collectæ, & in sorbitione decoctæ, rheumatismis ventris medentur, & per se tritæ ex aqua cœlesti bibuntur.

## DE OCIMO. CAP. CCVIII.

### NOMINA.

κίμω Græcis, Ocimum Latinis, recentioribus Græcis βασιλικὸν id est, regium appellatur, quod nomen apud omnes nostræ ætatis herbarios & officinas vsurpatur. Sunt tamen quibus Ocimum gariophyllatum nominetur. Germanicè *Basilien*, vel *Basilgram*, [Gallicè *du Basilic*] dicitur. Ocimum autem quibusdam à nascendi celeritate dictum est, siquidem à satuto tertio statim die emicat. Quod verius Ocimo videtur convenire, quod pabuli & farraginis quoddam genus est, sic nominatū ab ὠκὺς Græca dictione, quæ citò significat. Proinde sunt qui significantius per z scribendum ducant Ozimum, ab ὀζω, quod redolere denotat, quoniam herba tota suauissimum spiret odorem. Ab eodem odore, quòd basilica & regia domo dignum sit, Basilicum hodie nuncupatur.

Ozimum  
cur dictū.

Basilicum.

### GENERA.

Sunt qui duo Ocimi comminiscantur genera: vnum latiora folia habens, quod priuatim Basilicum: alterum angustiora, quod Ocimum gariophyllatū appellant. Nos tria tibi exhibemus ex vno promiscuè semine nobis nata. Primum maioris discriminis ratione Ocimum exiguum, Germanicè *Klein Basilic*, nominauimus. Alterum mediocre, Germanicè *Mittel Ba-*

tel Ba-

*tel Basilien.* Tertium magnum, Germanicè *groß Basilien* vocauimus. Neque enim nisi foliis solis distare videntur, quæ in primo genere exigua admodum sunt, in altero verò paulò latiora, in tertio primi respectu latissima. Odor autem omnibus tribus vnus idemque est.

## FORMA.

Ocimum pedali altitudine profilit, surculosum, ramulis rotundis, folio Mercurialis, diluti viroris. Floret particulatim, primò parte inferiore, demum superiore: flosculo candido, semine pullo nigròque, cui cortex obducitur. Radix vna descendit in altitudinem, crassior & lignosa, cæteræ à lateribus funduntur exiles ac prolixæ.

## LOCVS.

Passim in figulinis vasis mulieres extra fenestras ædium fouent Ocimum. In hortis etiam satum prouenit.

## TEMPVS.

Iunio & Iulio mēsis floret, dein semē producit.

## TEMPERAMENTVM.

Ocimum ex secundo est ordine calefacientium, cum excrementitia quadam humiditate.

## VIRE S. EX DIOSCORIDE.

Copiosè comestum oculorum aciem hebetat, aluum emollit, flatus mouet, vrinam cit, lac euocat, egrèq; in ventre mutatur. Illitum cum polentæ farina, rosaceo & acetò, inflammationibus, marinique draconis & scorpionis ictibus auxilio est. Per se autem cum vino Chio oculorū doloribus. Oculorum caligines succus eiusdē abstergit, eorundemq; fluxiones exiccat. Semen potū quibus atra bilis gignitur, difficultati vrinæ, inflatisq; conuenit. Olfactu per nares attractū, copiosa sternutamenta mouet. Quod idem herba efficit. Porro instante sternutamento oculos comprimere oportet. Sunt qui Ocimum cauent minimeq; comedunt, quandoquidē manducatum, &

## PLANTARVM HISTORIAE.

rum,& in sole positum vermes gignat. Libyes autē adiecerunt,quòd si feriantur à scorpione qui Ocimum ederint,nullo dolore confliari.

EX GALENO.

Ocimum excremētitiā humiditatem habet,proinde nec commodum est quod in corpus sumatur. Cæterum foris illitum,ad digerendū & concoquendum vtile est. Pleriq; hoc etiam vt opsonio vtuntur, ex oleo & garo offerentes. Vitiosioris autem succi est. Admentiuntur ob hoc quidam dicentes, si tritū fictili nouo indatur,celerrimè intra paucos dies scorpiones gignere,præsertim vbi quis quotidie ollam soli expositam calfecerit. Sed hoc sanè à vero abest. Id porrò verè de eo dixeris, prauī succi, stomacho inimicum,& concoctu pertinax olus esse.

EX PLINIO.

Ocimum Chrysippus grauitè increpuit, inutile esse dicens stomacho,urinæ,oculorum quoque claritati. Præterea insaniam facere, & lethargos, & iccinoris vitia,ideoq; capras id aspernari: hominibus quoque fugiendum censet. Adiciunt quidam,tritū si operiatur lapide,scorpionem gignere: commendatum,& in sole positum,vermes afferre. Alij verò,si eo die feriatur quispiam à scorpione, qui ediderit Ocimum,sanari non posse. Quinimò tradunt aliqui, manipulo Ocimi cum cancris decem marinis vel fluuiatilibus trito,conuenite ad eum scorpiones à proximo omnes. Diodotus in empiricis, etiā pediculos facere Ocimi cibum. Secuta ætas alacriter defendit,nam id esse capras.nec minus quàm mētham & rutham scorpionum terrestriū ictibus, marinorumq; venenis mederi cum vino,addito aceto exiguo. Vsu quoque compertum, deficientibus ex aceto odoratum salutarem esse. Item lethargicis,& inflammatis refrigerationi. Illitum capitis doloribus cum rosaceo,aut myrteo,aut aceto. Itē oculorū epiphoris impositum ex vino. Stomacho quoq; esse  
vtile,

utile, inflationes & ructum ex aceto dissoluere sumptum. Aluum sistere impositum. Vrinam ciere. Sic & morbo regio & hydropicis prodesse. Choleras eo & destillationes stomachi inhiberi. Ergo etiam cœliacis Philistio dedit, & coctum dysentericis & colicis Plistonius. Aliqui & in tenasmo, & sanguinem excreantibus, in vino. Contra duritiam præcodiorum illinitur mammis. Extinguit quoq; lactis prouentum. Auribus vtilissimum infantium, præcipuè cum adipe anserino. Semen tritum & haustum naribus, sternutamenta mouet, & destillationes capiti quoq; illitū. Vuluas purgat in cibo ex aceto. Verrucas mixto atramēto futorio tollit. Venerē stimulat.

## EX SIMEONE SETHI.

Basilica ocima olfacta cor & caput iuuant. Si aqua irrigantur, humidiora fiunt, & somnum conciliant. Semen eorum cardiacis affectibus succurrit. Animi mœrorem ex atra bile ortam, in hilaritatem & lætitiā mutat.

## APPENDIX.

Vides in referendis Ocimi facultatibus non parū inter se dissentire Dioscoridem, Galenum & Pliniū, ita vt vix pugnantes illorum sententias conciliare possis. Quare consultum erit vt hic, quemadmodum in aliis etiam, Galeni amplectaris opinionem, qui quodammodo inter hos medius interiectus, commendat exteriorem eius vsum in iis quæ *σύνεσις*, καὶ διαφύσις, id est, concoctionem & discussionē desiderant: damnat verò internū, ob excrementitiū humorē quo grauat & lædit interanea. Et ad hunc etiam scopum respiciens, plerasque alias Dioscoridis & Plinij contradictiones tollere poteris.

## DE ORIGANO. CAP. CCIX.

## NOMINA.

- Ο *origanos* Græcis, Origanus vel Origanū Latinis, officinis nomen suū retinuit, Germanis *Vuolgemut* / *Dosten*, *Bräudosten* / vel *Berg-*

F

muntz

# PLANTARVM HISTORIAE.

*Origanū unde dictū* muntz, [Gallis *Marioleine d'angleterre*] nominatur. Origanum verò quòd montibus gaudeat appellationē apud Græcos inuenit, & πὸ τοῦ ὄρους, id est, monte, & χαρᾶς, gaudio. Herodianus quòd visum exa-  
*unde dictū* cuat nomen duxisse testatur, ab ὄραμ videre, & γανῶ clarifico, quasi aciem oculorum illustrans. Theodo-  
 rus grammaticus nomen ex aduerso datum putat, à  
 εἶρω, quod est algeo, fieri εἰργανομ, quasi rigens, cen-  
 set, & tandem ascita litera principe, o, in Origanum  
 esse confectum, contrario tamen sensu, quòd minimè refrigeret.

## GENERA.

*Heracleoti-  
 cum.* Origani genera seu rectius cognomina quatuor  
 esse constat. Est enim Heracleoticum, Onitis, Tra-  
 goriganum, & syluestre. Primum ab Heraclea Pon-  
 ti dictum, cætera à pecoribus cognomenta desump-  
*Onitis.* pserunt. Onitis, quod ab asinis impeteretur, ac in ci-  
*Tragori-  
 ganum.* bo gratum esset. Tragoriganum, quasi hircinum O-  
 riganum, non alia forsitan ratione quàm quòd eius  
*Syluestre.* pabuli voluptate animal hoc carperetur. Syluestre,  
 quod sine cultura, & sua sponte proueniat, cogno-  
 minatum fuit. Cæterum quum in tanta cum nomen  
 clationum, tum historiæ ambiguitate varietateque,  
 tam Græcorum quàm Latinorū non facilè sit quic-  
 quam in solidum de his statuere, satis sit vnum ge-  
 nus, syluestre nimirum & vulgare, pro omnibus pi-  
 ctum exhibere, quòd, vt Paulus ait, vtcunq; nomi-  
 nibus distinguantur, vna tamen omnium sit facul-  
 tas, adeoque in re admodum incerta, multum ope-  
 ræ aut laboris temerè insumere minimè necessariū  
 putauī.

## FORMA.

*Vulgare.* Origanum vulgare fruticulus est, tam foliis quàm  
 ramis Serpyllo syluestri similis, comante supra ca-  
 cumen umbella, in qua flores haud secus quàm in  
 Serpyllo in albo purpurei, odore iucundo præditi  
 emicant. Ex qua sanè delineatione satis liquet, Ori-  
 ganū hoc vulgare, Tragoriganū, vel saltem eiusdem  
 speciem

speciē quandā esse, quòd hoc vt Dioscorides refert, foliis & ramulis syluestri Serpyllo simile existat.

## LOCVS.

Montibus cliuosisq; locis gaudet Origanum nostrum, passimq; in his propter sepes nascitur.

## TEMPVS.

Floret Iulio mense.

## TEMPERAMENTVM.

Omnes Origani species, Galeno & Paulo testibus, calefaciunt & exiccant in tertio ordine.

## VIRE. EX DIOSCORIDE.

Heracleoticū ex calfacit, vnde decoctum eius cum vino potum venenatorum moribus prodest: cum passo autem iis qui cicutam, aut meconium: cum oxymelite iis qui gypsum aut ephemerum hauserūt. Ruptis, conuulsis, hydropicis cum fico mādatur. Aridum acetabuli mensura potum cum aqua malsa, atros humores per aluū ducit, mensesq; ciet. Linctū ex melle tussibus medetur. Prurigines itidem, scabies, regiumq; morbū, decoctū eius cum in balnea descensum est, iuuat. Succus eiusdē adhuc virentis, tonsillas, columellas, orisq; vlcera sanat. Per nares cum oleo irino infusus trahit. Cū lacte aurīū dolores mitigat, Conficitur ex eo & cepis, & rhu opsoniorum vomitorium medicamentū, omnibus iis in ære Cyprio sub Canis ardenti æstu, per quadraginta dies insolatis. Herba verò substrata serpentes fugat. Onitis eadem quæ Heracleoticū Origanum præstat, non tamen eadem efficacia. Syluestre priuatim foliis & floribus cum vino potis, venenatorum moribus auxiliatur. Omnia autem Tragorigani genera calefaciunt, vrinam mouent, bonam faciunt aluum, si decoctū eius bibatur: biliosa enim deiciunt. Lienosis cum aceto pota vtilia: cum vino autē his qui Ixiam hauserunt. Menses ducūt. Tussientibus, peripneumonicis, ex melle in eclegmate dantur. Est & efficax potio, quare cibum fastidientibus, & stoma-



# PLANTARVM HISTORIAE

*Talids re-* cho male affectis, & acida ructantibus datur. Itē iis  
*pletionē.* quibus T à maris iactatione nausea, & hypochôdrio-  
rū calor excitatur. Oedemata cum polēta illita dis-  
cutiunt.

## EX GALENO.

Origanus Heracleotica efficacior est Onitide.  
Sylvestris verò vtraq; valentior. Omnes autem in-  
cidendi, extenuandi & calfaciendi facultatem obti-  
nent. Tragoriganus quippiam etiam adstrictionis  
assumpsit.

## EX PLINIO.

Origani priuatim vsus contra torsiones stomachi  
in tepida aqua, & cruditates. Contra araneos scor-  
pionesq; in vino albo. Luxata & contusa in aceto &  
oleo & lana. Tragoriganum vrinam ciet, tumores  
discutit, cōtra viscum potum viperēq; iētū efficacis-  
simū, stomachoq; acida ructandi & præcordiis. Tus-  
sientibus quoque cum melle datur, & pleuriticis, &  
peripneumoniciis. Heraclium serpentes fugat. Per-  
cussis esui datur decoctum. Potu vrinam ciet. Ru-  
ptis, conuulsis medetur cum Panacis radice. Hydro-  
pici cum fico, aut cum hyssopo, acetabuli mensuris  
decoctum ad sextam. Item scabiem, pruriginē, pso-  
ras, in descensione balnearū. Succus auribus infun-  
ditur cum lacte mulieris. Tōsillis quoq; & vuis me-  
detur. Capitis vlceribus. Venena opij & gypsi ex-  
tinguit decoctū, si cum cinere & vino bibatur. Aluū  
mollit acetabuli mensura Sugillatis illinitur. Item  
dentium dolori, quibus etiam & candorē facit cum  
melle & nitro. Sanguinem narium sistit. Ad paroti-  
das decoquitur cum hordeacea farina. Ad arterias  
asperas cum gallo & melle teritur. Ad lienem folia  
cum melle & sale. Crassiores pituitas & nigras ex-  
tenuat coctum cum aceto & sale sumptū paulatim.  
Regio morbo tritum cum oleo in nares infunditur.  
Lassi perunguntur ex eo, ita vt ne venter attinga-  
tur. Epinyctidas cum pice sanat, Furunculos aperit  
cū fico trita. Strumas cū oleo & aceto & farina hor-  
deacea

deacea. Lateris dolores cum fico illitum. Fluxiones sanguinis in genitalibus tusum ex aceto illitum. Reliquias purgationum à partu.

## DE ORCHI. CAP. CCX.

## NOMINA.

Orchis ἡ κυνὸς ὄρχις Græcis, Orchis & Cynorchis Latinis, Testiculus canis officinis, Germanis *Knabenkraut*, [Gallis *Du Scetyriū*] *Orchis cur dista.* vocatur. Orchis dicta hæc herba est, quòd radices sibi inuicem haud secus atq; duo testiculi cohæreant. *Cynosorchis.* Cynorchis verò, quòd canum testiculis similem radicem habeat.

## GENERA.

Orcheos duo esse genera animaduertimus, marè nimirum & fœminā. Mas in vniuersum maior quàm fœmina proceriorq; est, vt pictura ipsa pulchrè declarat. Estq; duorum generum. Vnum latioribus foliis & candicantibus ferè floribus, quod Orchin marem latifoliam vocauimus. Alterum quod angustioribus foliis, & maculosis magis, floribusq; purpureis constat. Nos maioris discriminis ratione habentes, Orchin marem angustifoliā nuncupauimus. Fœmina itidem duorum est generū: vna enim maior, altera minor est, vt pictura satis demonstrat.

## FORMA.

Folia habet circa caulem & ima eius parte per terram strata, oleæ molli similia, angustiora tamen, leuia & longiora. Caulem dodrantali altitudine, in quo purpurei flores. Radicem bulbo similem, oblongam, duplicem, in modum oliuæ angustam, superiorem alteram, inferiorem alteram: & hanc quidem mollem ac rugosam, illam verò plenam.

## LOCVS.

Nascitur locis, Dioscoride autore, petrosis & arenosis. In Germania certè nostra in hortis & pratis, locisq; sabulosis copiosè prouenit.

F iij TEM-

# PLANTARVM HISTORIAE.

## TEMPVS.

In Maio & Iunij principio carpitur.

## TEMPERAMENTVM.

Radix eius maior calida & humida est, gustantibusq; dulciôr esse apparet. Minor admodum elaborata est, ad calidius sicciusq; tendit.

## VIREs. EX DIOSCORIDE.

Radix editur vt bulbus cocta. Fertur de ea, si maiorem edant viri, inares generari: minorem verò fœminæ, fœminas. Addunt etiam in Thessalia mulieres parvam cum caprino lacte bibendam dare, vt ad venerea excitent: aridam verò ad inhibenda atque dissipanda. Alterum etiam alterius potu resolui.

## EX GALENO.

Radix maior Orchios multâ videtur habere humiditatem excrementitiâ & flatuosam: quapropter pota Venerem excitat. Altera verò, minor videlicet, contrâ non modò non stimulat ad coitû, sed planè cohibet ac reprimat. Eduntur bulborum more assæ.

## EX PLINIO.

Tumores & vitia partiû earum erumpentia, cum polenta illita radix sedat, vel per se trita. Eadem ex lacte ouillo nervos intendit, & ex aqua remittit.

## DE ORCHI SERAPIADE.

### CAP. CCXI.

### NOMINA.

Ορχις σεράπιας, ἢ τριόρχις, Paulo & Aëtio testibus, Græcis dicitur. Orchis siue testiculus

Serapias Latinis. Officinæ eius cognitione nō habent. Germanicè *Raguriz*, [Gallicè *Especce de Satyrin qui a trois racines bulbues*] dicitur. Serapias autē ab Andrea medico ob multos radicis vsus, vt inquit Dioscorides, appellata est. Sūt qui à Sarapi Alexandrinorum deo nominatâ velint, propter lasciuia impudentem, quâ is deus Canopi, vbi templū & cultū & religione excellēs habebat, colebatur: de quo Strabo in xvij. suę Geographiæ libro. Triorchis verò

*Serapias  
quare di-  
ctâ.*

verò, manifesto ex ea appellatione argumēto, quod *Triorchis* non duabus, sed tribus testiculatis radicibus in terra *cur dicat.* nitatur. Qua vna quidem re facile à prioribus discriminantur Orchibus.

## G E N E R A.

Duo esse Orchis Serapiadis seu Triorchis genera, res ipsa satis monstrat. Etsi enim in foliis ac radicibus nihil aut parum discriminis habeant, tamen in floribus manifestè differre videntur. Nam alterū *Triorchis* genus, quod nos marem vocauimus, floribus constat *mas.* purpureis, & parumper albicantibus. Alterum verò, quod nos vt certius à priori discerneretur, *foemina* nominauimus, flores obtinet diuersis coloribus distinctos, purpureo videlicet, candido, viridi ac nigricante, inferioreque parte fuci planè effigiem exhibent. F O R M A.

Folia habet Porro similia, oblonga, latiora & pingua. in alarum cauis inflexa. Cauliculos dodrantales, subpurpureos flores. Radicem minimis testiculis similem.

## L O C V S.

Prouenit in pratis & campestribus.

## T E M P V S.

In fine Maij mensis & initio Iunij hoc genus apparet, dein nunquam inueniri potest.

## T E M P E R A M E N T V M.

Valentius quàm primo ordine exiccat.

## V I R E S. E X D I O S C O R I D E.

Radix illita tumores dissicendi vim obtinet, atque vlcera expurgat. Herpetas cohibet. Fistulas abolet, inflammatione laborantia illita mitigat. Sicca nomas compefcit, vlceraque putrescentia & maligna oris sanat. Cum vino pota aluum sistit. Feruntur de hac etiam quæcunque de Cynosorche dicta sunt.

## E X G A L E N O.

Orchis Serapias ad Venerem non similiter accommodus est. Oedemata illitus discutit, & vlcera for-

F iiij dida

# PLANTARVM HISTORIAE.

dida purgat, & herpes sanat. Siccatus multò magis deficcet, adeò vt & putrescentia contumaciaque vlcera sanet. Habet etiam quippiam subadstringens, ac proinde ventrem in vino potus sistit.

## EX PLINIO.

Eius radices sanant oris vlcera, thoracis pituitas, aluum sistunt è vino potæ.

## DE OENANTHE. CAP. CCXII.

### NOMINA.

*Saxifraga rubra.* O *ενανθη, ή λεύκανθος* Græcis, Oenanthe Latinis, Filipédula officinis, & Saxifraga rubra, Germanis *Rot Steinbrech* nominatur. Oenanthe autem dicta haud dubiè est quòd cum vi no floreat. Leucanthos verò à florum quos producit candore. Filipendulam à numerosis illis & rotundis in radice capitibus tuberibusque, quæ quasi ex filo quodam pendere videntur, appellatam esse constat.

### FORMA.

Folia Pastinacæ sylvestris habet, flores candidos, caulem crassum, dodrâtralem, semè Atriplicis, radicem magnam, multa habentem capita rotunda. Ex qua descriptione palàm apparet, Oenanthem eam esse herbam, quam ætas nostra Filipendulam vocat, quòd nulla prorsus sit nota quæ illi non conveniat. Foliis enim Pastinacæ erraticæ est, quæ planè eius herbæ quæ vulgò Petroselinon hodie appellatur foliis similia sunt. Hinc est quòd in vulgariis herbariis scribatur folia Petroselino similia habere: quamvis Staphylino legendum esse putem. Manuscriptus etiam herbarius Filipendulam folia Dauci agrestis habere tradit. Flores denique illi albi, caulis crassus, dodrâtralis, Atriplicis semen. Radices quoque multa, quinque interdù aut sex, nònunquàm etiam plura capita rotunda, tanquam à filo pendentia, vt ait antiquus herbarius, habentes: ita vt  
hinc

hinc esse Oenanthen abundè constet. Sed demus nō esse, nihil tamē inde periculi erit, quòd scilicet Oenanthe easdem quas Filipédula, sicut ex paulò pōst dicendis patebit, facultates obtineat.

## LOCVS.

Nascitur in petris & montibus asperis. Tubingæ certè in monte Austriaco nominato copiosissimè prouenit, & in sylua non procul ab arce eius oppidi distante.

## TEMPVS.

Iunio mense floret, quo sanè tempore, quia facilè ex floribus agnoscitur, carpi potest. Radices tamen inter autumnii initia colligendæ erunt.

## TEMPERAMENTVM.

Amara admodum est Filipendula, ita vt non temerè hanc recentiores calidam & siccā in tertio ordine statuunt.

## VIRE. EX DIOSCORIDE.

Oenanthes semē, caulis & folia cum mulso ad secundas eiiciendas bibuntur. Radix cum vino cōtra stranguriam conuenit.

## EX PAVLO.

Oenanthe secundas eiicit, vrinę stillicidio, morboque regio medetur.

## EX PLINIO.

Caulis eius & folia cum melle ac vino nigro pota, facilitatem pariendi præstant, secundasque purgant. Tussim ē melle tollūt. Vrinā cient. Radix vesicæ vitiis medetur.

## EX RECENTIORIBVS.

Filipédula in lotij stillicidio & vrinæ remoratu, neque non renum doloribus, atque lapide eorundē, conuenit. Eadem stomachi inflationes discutit, medetur & suspiriosis & anhelantibus, & omnibus morbis quos causa frigida concitauit. Farinam eiusdem cibis comitialium inspergunt.

## De OXY.

# PLANTARVM HISTORIAE.

## DE OXY. CAP. CCXIII.

### EX PLINIO.

*Trifolium acetosum.* O ξύς Græcè, Oxys Plinio & Latinis, Trifoliū acetosum & Alleluya officinis, vulgò Panis cuculi, vel quòd cuculus auis eo vescatur, vel quia hoc erumpente, cuculus vocem suam ædere incipiat Germanis *Saurerklee* / *Buchklee* / *Buchampffer* / *Buchbrot* / *Gauchklee* / *Guckgauchklee* & *Hasenklee* [Gal-  
*Alleluya.* lis *Pain a Coqu*] appellatur. Oxys verò ab acido sapore dicta est. F O R M A.

Humilis herba est, lōgis tātūm pediculis, tria summatim folia perinde atque Trifolium proferēs, exigua, & in cacumine laciniata, sapore acido. Florem habet candidū, in simplici stylo inter folia proscilētem: rufum in lunatis filiquis semen. Radicē in trāuersum longam, geniculatam ac rufam. Antiquus & manuscriptus herbarius putat hāc herbam esse *Lotum* satiuā, cuius certē sententiā, quòd à Dioscoride non describatur *Lotus*, neq; probo neque improbo. Cur tamen non sequar, facit quòd herba quam *Alleluya* barbari vocāt, nō sit satiuā, sed passim in syluis & aliis locis vmbrosis nascatur futuræ tēpestatis prænūcia Siquidē appropinquāte aliqua tēpestate, arrigitur contrā tanquam tempestati colluctatura.

### L O C V S.

Multis locis prouenit: nā in syluis circa petrosa & aquea loca nascentē cōspeximus. Nullibi autem copiosiore quā *Tubingæ* in primo statim cōscēsu montis *Austriaci* ad dextram prouenire vidimus.

### T E M P V S.

Aprili atq; interdū Maio mēse floret, dum scilicet cuculi vox primū exauditur, atq; hinc Cuculi panē dictā esse puto, vt dictū est antea. Obseruatū autem est à nobis, atque adeò multorū aliorū experiētia cognitū, quòd eius herbæ copiosi flores, crebras illius anni pluuias, & aquarum inundationes certò portendant: pauci contrā siccitatem.

### T E M P E-

## TEMPERAMENTVM.

Quum acidum in gustu sapore præ se ferat, idem cum Oxalide habere temperamētum, frigidum nēpe, & siccum, euidentissimum est.

## VIRES EX PLINIO.

Datur ad stomachum dissolutum: edūt & qui enterocœlen habent.

## EX RECENTIORIBVS.

Vlceribus, vulneribus & fistulis, potissimum autem oris, medetur. Sitim arcet, & vt summam dicā, easdem quas Oxalis, acetosam nostri nominant, facultates obtinet.

## DE OPHRI. CAP. CCXIIII.

Ophris uulgò *Elleborus albus* dicitur, *pratensis herba*, quæ præcedunt, aut nobis sunt, aut nomen retinent, ob id à nobis omissæ.

## NOMINA.

PHRIN hanc herbam nominare placuit, O quòd inuenerim plantā binis duntaxat foliis cōstātem hac appellatiōe insigniri. Germanicum nomen nullum extorquere potuimus: neque enim ea est quæ *Durchwachs*/hoc est, *Perfoliata* vocatur, ideoque hanc à geminis foliis *Zweyblatt* nominauimus.

## FORMA.

Caulem à radice singularem ac rotundū emittit, per bina quæ tantum habet folia penetrantem, à cuius medio ad summum vsque calyculi multi sunt, & in his veluti linguæ dissectæ nutantes flosculi. Radix verò illi subest tenuis, adnascens sibi radículas multas, obliquas & odoratas obtinens.

## LOCVS.

Nascitur in montibus, & nullibi maiori copia quā Tubingæ in pede montis Austriaci prouenit.

## TEMPVS.

Maior & Iunio mēsis florēt, dein statim euanesceit. Quapropter hoc potissimum tēpore colligēda.

## TEMPERAMENTVM.



# PLANTARVM HISTORIAE.

## TEMPERAMENTVM.

Gustāti glutinosa esse apparet, & quodāmodo dulcis, ideóq; calidam & siccam esse coniicere licebit.

## VIREs.

Iuxta dictarum qualitatum missionem cōtrahēdi & constringendi facultate præditam esse nemini non constat. Hinc est quòd ad rupta, & vulnera cōglutinanda hac herba cōmodè vtantur recentiores.

## DE ORMINO. CAP. CCXV.

*Orminum oruale quod aurum ualet & toute bonne ab insigni uirtute Gallis dicitur.*

## NOMINA.

*Γαλιτρίκ* Græcis, Orminum & Geminalis Latinis, Gallitricū officinis, Germanis Scharlach [Gallicè *Asperge saulage, ou Oruale*] appellatur. Orminon autem Græcis haud dubiè dictum est, quia Venerem extimulat.

## GENERA.

Ormini duo sunt genera. Vnū satiuū, quod Gallitricum simpliciter nominant, & Germanicè Scharlach. Alterum syluestre, quod alio nomine Saluiam syluestrem herbarij vocant. Germani *Vuilden Scharlach/oder Vuilde Salbey*.

## FORMA.

*Orminum satium.* Orminum satium herba est foliis Marrubio similis, caule quadrágulo, semicubitali, circa quē eminentiæ filiquis similes prodeunt, ad radicem versus nutantes, in quibus semen est. Ex qua delineatione abundè liquet herbam quam hodie Gallitricum vocant, esse Orminum satium: hæc enim foliis Marrubio similis est, nisi quòd sunt maiora & mirificè odorata: caule semicubitali, quadrangulo, ab imo rufescente, calyculis circa caulē filiquarum effigie prominentibus, & ad radicem deorsum spectantibus, in quibus semen nigrum & oblōgum includitur: flosculis in cādido purpureis, aut in dilutum ruborem inclinat. Syluestre priori nō admodum dissimile est, foliis

foliis satis ad Saluiam accedentibus, rugosaq; asperitate præditis: caule sesquipedali, leniter hirsuto, in quadrangulum striato: floribus è cæruleo in purpureum vergentibus, ad aquilini rostri effigiem falcatis, calyculis pluribus in terrâ inclinatis, in quibus ad summum quatuor semina, parua, rotunda & fuluescentia reperiuntur.

## LOCVS.

Satium nusquam non in hortis satum prouenit. Syluestre autem passim omnia prata exornat, suaq; sponte in iis nascitur.

## TEMPVS.

Vtrunque Iunio mense floribus & semine prægnans est.

## TEMPERAMENTVM.

Orminū calidū & mediocriter ficcū est, id quòd amaritudo atque adstrictio in gustu satis monstrât.

## VIREs. EX DIOSCORIDE.

Creditur semen satii cum vino potum Venerem stimulare. Cum melle argema & oculorū albugines purgat. Illitum cum aqua œdemata discutit. Surculos extrahit. Herba ipsa illita eadem potest. Syluestre vehementiorem facultatē habet, quare vnguentis miscetur.

## EX PAVLO.

Orminon Venerem stimulat, oculorum crassities cum melle repurgat, œdemata discutit, & extrahit aculeos. Syluestre domestico est valentius.

## EX PLINIO.

Semen ad Venerem stimulandam, & ad oculorū argema & albugines valet. Vtroque genere tuso extrahuntur aculei ex corpore, per se illito ex aqua. Folia ex aceto imposita, panos per se vel cum melle discutiunt. Item furunculos, priusquam capita faciant, omnesque acrimonias.

## EX RECENTIORIBVS.

Recentiores etiam easdem facultates suo Gallitrico

## PLANTARVM HISTORIAE.

trico attribuunt: potissimū autem cōferre ad albugines & oculorū caliginē tradūt, vt hinc etiam colligi possit, herbam hanc Orminon esse Dioscoridis.

### DE OROBO. CAP. CCXVI.

*Eruum prius semine in cunei modum figurato, cicercula magis uidetur.*

#### NOMINA.

πορος Græcis, Eruum Latinis dicitur. Officinæ Græcā appellationē retinuerunt. Germanis Eruen [Gallis noer Vesse, ou des ers] ad imitationem Latini nominis, appellari possunt.

#### GENERA.

Duo sunt genera Eruī: vnum enim candidum, alterum autem rufum inuenitur. Nec inter se nisi floribus & radicibus differunt, quemadmodum pictura affabrè monstrat. Rufum verò syluestre est, suāque sponte in aruis, & inter dumeta prouenit.

#### FORMA.

Exiguus frutex est, tenuis, angustis foliis, floribus vel candidis, vel in candido cœruleis aut puniceis, seminibus in siliquis sine septo cylindraceis, quēadmodum pisa, se inuicem tangentibus.

#### LOCVS.

Lætatur loco macro, non humido, quia plerūque luxuria corrumpitur.

#### TEMPVS.

Floret Iunio & Iulio mensibus, iisdemque semina profert.

#### TEMPERAMENTVM.

Desiccat quidem Eruum excessu secundo intenso, calefacit verò primo.

#### VIREs: EX DIOSCORIDE.

Capitis grauitatē facit Eruum, ventrē turbat, sanguinēq; per vrinā ducit si comedatur. Coctū tamen appositū boues saginat. Farina eius bonam facit aluum, vrinam cit, corporis colorem commendat. Frequentior in esu aut potu sanguinem cū terminibus  
per al-

per aluum & vesicā ducit. Vlcera cū melle purgat, & lētigines, & aspredinē cutis in facie, eiusdēq; maculas & reliquū corpus. Nomas, gangrænasq; cohibet, & māmārū duritiās emollit. Fera vlcera, carbūculos, fauosq; rūpit. In vino macerata canū hominū, viperarūq; morsus illita sanat. Cū aceto autē difficultates vrinæ, tormina & tenesmos lenit. Prodest etiā iis qui cibo non nutriuntur, nucis magnitudine frixa & cum melle sumpta. Decoctū eius fouendo per- niones, & in corpore pruritus sanat.

## EX GALENO.

Orobis quatenus amaritudinis est particeps, ea- tenus incīdit, extergit, atq; obstructions expedit. Cæterū si sumatur copiosē, sanguinē per vrinas euocat. Hominū cibis prorsus hoc semen dānatur: est enim & insuauissimū & prauū succi. Eruo autem instar lupini præparato ex melle vt medica- mento crassos pulmonis thoracisq; humores ex- purgante. Candidum minus est medicamentosum, quā id quod ad flauum aut pallidum colorē tēdit.

## DE OREOSELINO.

## CAP. CCXVII.

## NOMINA.

Πετροσίλιον, ἢ πετροσίλιον ἄγριον Græcis. Syl-  
 O uestre Petroselinum, & Apium montanum  
 Latinis, officinis & barbarā sectantibus me-  
 dicinam Petroselinum dicitur. Id quod hinc acci-  
 disse puto, quod linguæ Græcæ inscitia, Oreoseli-  
 num dictionem in Petroselinum mutauerint: vel  
 quia simpliciter enunciauerint quod cum adiectio-  
 ne nominandum erat Petroselinum syluestre, ad  
 differentiam nimirum Macedonici, quod verē est  
 Petroselinum veterum. Germani *Petersilgen* vocant.  
 Nos *teutsch eterfilgen* / oder *peterlin* [Galli *du Persil des*  
*montaignes*] nominauimus, vt discerneretur à Ma-  
 cedonico, de quo suo dicemus loco.

*Apium mon-*  
*tanum.*

*Petroseli-*  
*nū offici-*  
*narum.*

*Petroseli-*  
*num syla-*  
*uestre.*

## FORMA.

# PLANTARVM HISTORIAE.

## FORMA.

Dioscori-  
dis locus  
emendatur

Caulem habet vnum dodrantalem à radice tenui  
exeuntem, circa quem ramuli & capitula Cicutæ si-  
milis, multò tamen tenuiora. In his semen oblongū,  
acre, tenue, odoratum, Cumino simile. Ex qua sanè  
descriptione sole clarius apparet, Petroselinum offi-  
cinarum esse Oreoselinum veterum: caule enim vno  
prouenit dodrantali ex radice pertenui, qui per am-  
bitū ramulos spargit capitulis Cicutæ, tametsi multò  
tenuioribus: in iis semen, acrimoniam gustu præfe-  
rens, odoratum, tenue, Cumino proximum. Neque  
obstat quòd in plerisque exemplaribus Dioscoridis  
capitulorum Papaueris fiat mētio: error enim haud  
exiguus subest, quòd scilicet non *μικρὸν περυσί-  
ον*, hoc est, Papaueri similia, sed *κωνίον*, id est, Cicutæ  
legendum sit. Id quod in primis confirmant ea quæ  
scribit Plinius libro xix. capite octauo, in hunc mo-  
dum: Oreoselinum est Cicutæ foliis, radice tenui, se-  
mine Anethi, minutiore tamen. Quòd si tamen hæc  
sententia minus arriserit, nihil moror quin dicas Pe-  
troselinum germanicum, cū forma parum admo-  
dum à vero Petroselino distet, vt palàm sit vtriusque  
picturas intuenti.

## LOCVS.

Nascitur in locis petrosis & mōtanis, vnde etiam  
nomen accepit. In Germania verò nostra in hortis  
passim plantatur.

## TEMPVS.

Iunio & Iulio mense floribus & semine præ-  
gnans est.

## TEMPERAMENTVM.

Calidum est in secundo gradu extenso, siccum ve-  
rò in medio tertij.

## VIREs. EX DIOSCORIDE.

Semen & radix in vino pota vrinam cient. Mēses  
etiam ducunt. Miscetur antidotis, necnon medica-  
mentis vrinam cientibus & excalfacientibus. Non  
hallucinari

hallucinari nos oportet, existimantes Oreoselinum esse quod in petris prouenit: aliud enim ab hoc est Petroselinum.

## APPENDIX.

Vt cunque autem diligenter hoc monuerit Dioscorides, tamen cauere non potuit quin posteritas medicorum Oreoselinum esse Petroselinum certo crediderit.

## EX GALENO.

Oreoselinum similis Apio vis est.

## EX PLINIO.

Oreoselinum vrinæ & menstruis efficax. Eo etiā purgantur fœminæ è vino.

## DE OIS. CAP. CCXVIII.

## NOMINA.

¶ Græcis, Sorbus Latinis, est arbor cuius *Sorbus.*  
 O fructus Græcis ὄα καὶ ὄβα, Galeno teste, Latinis verò Sorba appellantur. Officinæ Latini *Sorba.*  
 nam nomenclaturam retinuerunt. Germanis *Speierling* vel *Sporopffel* corrupta puto voce pro *Sorbo* *pfel* [Gallis *Vng Cornier*] nominantur. Vel sic ab austeritate vocata sunt, quasi mæla austera.

## GENERA.

Sorborum duo genera tradit Theophrastus lib. *Duo sunt*  
 iij. de historia stirpium, cap. xij. fœminam fructiferam, & masculam sterilem. Differre quoque fructibus idem scribit, quòd aliæ orbiculatum, aliæ ouatum ferant. Fructus autem orbiculati dulciores sentiuntur, ouati sæpenumero acidi, minusque odorati. *genera*  
 Plinius lib. xv. cap. xxj. in Sorbo quatuor differentias Latinos nosse memoriæ prodidit. aliis enim eorum ait, rotunditas mæli est, aliis turbinatio pyri, aliis ouata species teu mælorum. *Sorborum*  
 Quartum genus tor *Theophrastus.*  
 minale appellat. Nos picturam eius generis damus. *Plinius*  
 quod turbinatum pyri instar fructum edit, qui Germanis *Sorbin* corrupta voce pro *Sorlirn* aut quasi *quatuor*  
 austerum pyrum dicitur. *differentias Sorbo*  
*ræ ponit.*

## G F O R M A.

# PLANTARVM HISTORIAE.

## FORMA.

Sorbus arbor est procera, recto caudice, cortice leui, pinguiusculo, colore ad flauū albicāte, cuius folia pediculo singulari, prolixo, neruaceo ꝑ, in versus cōdita, alā modo à lateribus exeuntia, tanquam ex omnibus vnū fiat, ad neruū vsque laciniatum, verum ampliusculo interuallo distantia. Omnibus ramulis in extremo pediculi folium impar prominet, cuius accessiōe impar numerus efficitur. Figura laurum tenuifoliam imitantur, verū ambitu ferrata, breuiorāque sunt, nec in extremum acutum mucronata, sed in rotundius orbiculata. Flos racematim singulari petiolo, è multis minutis & candidis constans. Fructus vel orbiculatus, vt dictum est, vel ouatus, vel pyri instar turbinatus. Radices haud multas, nec altè descendentes, validas tamen & crassas & incorruptibiles agit.

## LOCVS.

Loca amat humida; montana & frigida, eodem Theophrasto autore.

## TEMPVS.

Autumno fructus suos Sorbus ostentat.

## TEMPERAMENTVM.

Adstringentem obtinet qualitatem Sorbus, sed multò imbecillio rem quàm Mespilus.

## VIRE S. EX DIOSCORIDE.

Sorba mālorum colorem referentia, necdum maturescentia, dissecta & in sole siccata, cum manduntur aluum sistunt. Farina eorum cum mola teritur, polentæ loco in eundem vsum sumitur. Potest idem & decoctum eorum.

## EX GALENO.

Sorba quidē adstringūt, sed multò fortius Mespila quàm Sorba. Quamobrem aluo fluētī in cibo ac-  
cōmodatissimè exhibētur. Sorba maiori cum voluptate sumuntur: prorsus enim initio nihil acerbi vti Mespila habēt, sed succus eorum citra acerbitatem  
duntaxat

duntaxat austerus est. Illud porro neminē puto latere, hæc omnia parcè, non largè vt ficus, vvasque esse comedenda. Nequaquam enim eis vt cibis, sed magis vt medicamentis egemus.

## DE OPHIOGLOSSO.

## CAP. CCXIX.

## NOMINA.

ERBA hæc appositissima voce Græcè ὀφιογλωσσόν *ὀφιογλωσσόν*

H γλωσσόν appellari potest, nō quod sic eā veteres aut recētiore græci nominauerint, sed *σόν cur di*  
*ctā.*

quod cū germanica nomenclatura optimè quadret.

Neq; enim certò cōstat an Græcis, & sub quo nomine herba illa cognita fuerit. Quapropter vt nouā ei inderemus appellationē necessum erat: meliorē vero hac ipsa quā retulimus, inuenire haud potuimus.

Latinè Ophioglossum, aut lingua serpentina dici potest: Germanicè enim *NaterZunglin* [Gallicè *Langue de Serpent*] vocatur, à forma & figura quam refert. E singulis nanq; foliis singulari pediculo prodit, quod ligulā serpentis forma sua referre videtur, vt pictura affabrè mōstrat.

*Lingua  
serpentina.*

## FORMA.

Folium vnicum obtinet pingue, digiti lōgitudine Plantagini aquaticæ vocatæ haud dissimile, è cuius sinu inferiore pediculus exit, cui quippiā herbacei coloris insidet, quod serpentinae linguae vocati lapilli similitudinem refert.

## LOCVS.

Copiosè in monte prope Tubingā Austriaco nominato prouenit. Amat & alia prata ī mōtanis sita.

## TEMPVS.

Maio mense reperitur, subinde autem euanescit, ac nusquam apparet.

## TEMPERAMENTVM.

Citra caliditatem insignem exiccat, id quod gustus satis docet.

## VIRES.

Vulneraria est herba, maligna siquidem & curatu

G ij

difficilia



# PLANTARVM HISTORIAE

difficilia vulnera sanat. Tumores etiam discutit, & ferè Symphyti facultates obtinet.

## DE XANTHIO. CAP. CCXX.

*Xanthium ad portam Antoninam frequens, cancerorum ardor extinguen- do effica- x.*

### NOMINA.

ἄνθιον, ἢ φάσερον Græcè, Xanthium Latine nominatur. Ab herbariis nostræ tempestatis Lappa minor & Lappa inuersa vocatur. Germanicè *Betlersleusz* / oder *Bubenleusz*. Xanthion dictum, quòd ξανθὰς, hoc est, flauos capillos faciat.

### FORMA.

Lappa  
inuersa.  
Xanthion  
unde dictum.

Caulem habet cubitalem, pinguem, angulosum, & in ipso alas multas. Folia Atriplici similia, incisuras habentia, odore Nasturtij. Fructu rotundum ceu grandem oliuam, aculeatum vt Platani pila, contactu vestibus adhærentem. Ex qua quidem delineatione nemo non videt herbam cuius picturam damus esse Xanthion, quòd illi omnes notæ ad amussim respondeant. Caule enim est cubitali, pingui, anguloso, crebras fundente alas, foliis Atriplicis incisuras habentibus, Nasturtium manifestissimè olentibus, fructu magnæ oliuæ modo, rotundo, vt Platani pila spinoso, contactu vestes apprehendente. Nucleus qui in echinata pilula clauditur à pueris, estur dulci & grato cibo.

### LOCVS.

Nascitur lætis & pinguibus locis, & lacubus paludibusue exiccatis.

### TEMPVS.

Fructus Autumno maturescit, quo sanè tempore colligi debet.

### TEMPERAMENTVM.

Cùm discutiendi vires habeat, facilè colligitur temperamēto esse calido & sicco præditum, id quod ex sapore etiam, qui est amarus & subacris, deprehendi potest.

### VIRES.

## VIRES. EX DIOSCORIDE.

Potest fructus antequam penitus inarescat collectus, tusus, & in fictili vase recoditus, capillos flavos reddere, si quis cū vsus exigit, tryblii pōdus ex eo sumens, tepidāq; aqua madefaciens, nitro prius capite præparato illinat. Alij cū vino tustum ipsum reponūt. Fructus etiā commodè tumoribus illinitur.

## EX GALENO.

Xanthiō vocatur etiā Phasganion. Fructus discutiendi facultatem obtinet.

## DE XYLO. CAP. CCXXI.

## NOMINA.

YLON & Gossipium Plinio & alijs Latinis dicitur. Græci, quod sciam, eius nusquā meminerūt. Barbaris ac Arabibus Cotum & Bombax seu Bombasum, Germanis *Baumwoll* [Gallicis *Plante coton' er*] appellatur. Linū eius cottoniū vulgō vocatur, sicut lanugo ipsa cottonū. Ab huius generis planta vestes xylinae, & lina xylina nominata sunt. Iurisconsulti lanam hanc ligneam nuncupant.

## FORMA.

Frutex est exiguus, folio vitiū, sed minore, floribus luteis in medio purpurascens, fructu barbatæ nuci simili, lanugine pleno, quæ netur in linum cādidissimum, mollissimumque. Nux autem ipsa cū hiascens fatiscit, lanuginis globos repræsentat.

## LOCVS.

Superior pars Aegypti in Arabiam vergens, Plinio lib. xix. capite primo teste, fruticem hūc gignit. In Creta etiā nascitur, & in Apulia, ac Maltha prope Siciliam insula. Nunc in Germaniæ nostræ hortis plantatur, ut plurima alia peregrina, nobis antea prorsus incognita.

## TEMPVS.

Tam fertilis hic frutex est, ut simulatque adoleuit, quod duorum mensium spacio accidit, nunquā delinat florem & fructum proferre, donec asperita-

# PLANTARVM HISTORIAE.

te & inclementia hyemis impediatur.

## TEMPERAMENTVM.

Arabes, vt annotauit Serapion, fruticis huius lanuginem calidam & humdam esse statuunt.

## VIRES. EX ARABIBVS.

Foliorum succus medetur infantium alui profluuiio atq; torminibus. Semen tussi & thoracis vitiis. Oleo seminis emaculatur lentigines & faciei pustulae. Semen etiam eius genitale semen procreat.

## DE PARTHENIO. CAP. CCXXII.

### NOMINA.

αργένιον, ἀμαράκον, χαμαίμηλον Græcis: Par-

thenium, Amaracum, Solis oculus, Millefo-

liū Latinis: Thuscis Cauta, officinis & her-

Cauta.

Cotula foetida.

bariis Cotula foetida dicitur. Germanis Krottendill / Hundszblum / Vuild Chamillen [Gallicè *Espergute*, ou *Matricaire*.] Cæterum cogitabunt hoc loco studiosi, Amaracum de quo nūc agimus diuersum esse ab eo quem alio nomine Samplychon Græci vocant, vt suo loco fusius dicemus.

### FORMA.

Folia Corandro similia habet tenuia. Flores per ambitum candidos, in medio luteos, odore graui & subuiroso, gustuq; amaro. Hæc Dioscoridis descriptio pulchrè & per omnia herbæ illi quæ hodie vulgò Cotula foetida nominatur, respondet. Siquidè ea foliis est Coriandri tenuibus, flore per ambitum albo, intus luteo, odore graui, & sapore amaro. Foliis autè Coriandri, non quidem iam erumpentis & paulò antè enati, necdum maturescents, quæ sunt quandatenus lata & subrotunda, atque in extremitatibus incisa: sed maturi, cuius quidem in alto folia ad Chamæmeli aut Fœniculi foliorum formam accedunt, capillatâq; sunt, cōstare scias Sic enim vtriusq; folia similia sunt, vt Coriandrum Parthenij, & rursus Parthenium Coriandri prorsus referre folia videatur. Quod vt disertè innueret Dioscorides, φύλ-

λα λειπτά,

λαλεπτα, id est, folia tenuia dixit, vt scilicet hac voce latiora, quæ in infima sunt Coriandri parte, secluderet. Quod autem de iis foliis Dioscorides locutus sit, ex tractandi ordine abundè liquet. De tribus siquidè herbis, Chamæmelo, Parthenio & Buphthalmum, quæ sanè inter se congeneres, atque foliis admodum similes sunt, ordine agit, quod nunquam fecisset, si nulla inter has similitudo intercederet foliorum, adde etiam florum. Buphthalmum tamen foliis ad Fœniculi formam propius quàm reliquæ duæ accedit. Sententiam hanc nostrâ confirmat, quod aliqui Partheniû, ob similitudinẽ quã habet cû Anthemide, Chamæmelon dixerint. Tã similis enim est Chamæmelo, vt frequẽter etiã ab imperitis pro illa carpatur. His accedit & hoc, quod ob foliorum tenuitatẽ nonnullis Millefoliû appellatû sit Partheniû, quod fieri minimè potuisset si ad latiora Coriandri folia Dioscorides respexisset. Præterea esse Partheniû *Cotula* tulã, nomẽ quod illi Thufci indiderunt satis declarat: Cautã enim appellauerûnt, vnde diminutiũ *Cau* tula deductum est, & tãdẽ corrupta voce *Cotula*. Fœtidã autẽ esse, grauis odor qui in ea omniũ maximè sentitur, euidenter declarat. Nequaquã itaq; ea esse herba potest, quã Matricariã vulgò vocant, vt Her- *Partheniû* molaus, & alij multi docti viri hunc sequẽtes putãt: *nõ est Ma* quod huius folia latiora sint, quàm vt cum Chamæ- *tricarìa.* meli, Buphthalmi aut Coriandri tenuibus foliis comparari queant, tantùm abest vt similia sint. Huc accedit, quod omnium maximè euertere videtur aduersariorum sententiam: nemo vnquam ex recentioribus Matricariæ herbæ bilis & pituitæ per inferna tractricem facultatem tribuit, quam tamen Parthenio Dioscorides, Paulus, & alij veteres assignant, vt etiam hoc nomine Parthenium non possit esse Matricaria herba dicta vulgò.

## L O C Y S.

Nascitur inter segetes & iuxta semitas, intermixta

G iij

ferè

# PLANTARVM HISTORIAE.

ferè semper Chamæmelo. In hortorum etiam sepi-  
pibus, Plinio teste, prouenit.

## TEMPVS.

Primo statim vere, Maio potissimum mense, erum-  
pit, ac totam æstatem durat.

## TEMPERAMENTVM.

Haud instrenuè, Galeno autore qui Amaracū vo-  
cat, calefacit, nō autē vehementer desiccatur. Itaque in  
caliditate tertij est ordinis, in siccitate verò secundi.

## VIRES. EX DIOSCORIDE.

Sicca cum oxymelite, aut sale pota, non secus at-  
que Epithymum bilem atram & pituitam per infer-  
na ducit. Asthmaticis & melancholicis prodest. Her-  
ba ipsa floribus déptis à calculosis & asthmaticis vti-  
liter bibitur. Decoctum eius ad insidendum prodest  
in vuluæ duritia & inflammatione. Illinitur cum flo-  
ribus sacris ignibus, & inflammationi.

## EX PAVLO.

Parthenium aridum in potu sumptum atram bilē  
per inferna deducit.

## EX PLINIO.

Siccatum cū melle & aceto potū, bilē trahit atrā.  
Ob hoc contra vertigines utilis & calculosis. Ad in-  
sidendum decoctum in duritia vuluarum & inflam-  
mationibus. Illinitur & sacro igni, item strumis cum  
axungia inueterata. Magi contra tertianas sinistra  
manu euelli eam iubent, dicitque cuius causa vella-  
tur, nec respicere: dein eius folium ægri linguæ sub-  
iicere, vt mōx in cyatho aquæ deuoretur.

## DE POLYGONATO.

### CAP. CCXXIII.

#### NOMINA.

Sigillū Sa-  
lomonis.  
Polygonatū  
cur-  
dū.

Πολύγονατον Græcis, Polygonatum Latinis di-  
citur. Officinis, item herbariis & vulgo, si-  
gillum Salomonis, Germanis Vuesfzuurtz,  
[Gallis Signet de Salomon] hoc est, radix alba nomi-  
natur, Polygonatum autem à radice geniculorum  
frequētibus

frequentibus nodis ex interuallis tumente appella-  
uerunt.

### GENER A.

Duo eius genera damus. Vnum verum, latioribus  
foliis: alterum multò angustioribus, quemadmodũ  
pictura graphicè ostendit. A foliis vtrique nomina  
sunt indita.

### FORM A.

Frutex est cubito altior, folia lauro similia habēs,  
latiora tamen & læuiora, sapore m̃li cotoneæ aut  
puniceæ: gustatum enim adstrictionē quandam re-  
sipit. Per singulos foliorum exortus candidos flores  
promit nūmero maiore quàm folia, supputatione à  
radice facta. Radicem habet candidam, mollē, lon-  
gam, geniculis plenam, densam, graueolentem, digi-  
ti crassitudinem obtinentem. Iā si singulas Salomo-  
nij sigilli notas libeat prosequi, omnes, ne vna qui-  
dem reclamante, adesse comperies. Nanque in mon-  
tibus gignitur, frutice cubito proceriore, foliis lauri  
latioribus, & læuioribus, quæ gustatę quendam m̃li  
cotoneæ aut puniceæ saporem referant cum aliqua  
adstrictione. Flores per singulas foliorum eruptio-  
nes exiliunt candidi, qui folia numero longè supe-  
rent, à radice ad cacumen supputata. Siquidem bini,  
terni, aut plures ab vnoquoque foliorum sinu pro-  
deunt. Radix illa candida, mollis, longa, crebris no-  
dis articulata, densa, grauiter olens, digitali crassitu-  
dine. Floribus excussis baccæ pisi ferè magnitudi-  
ne dependent, ex viridi nigricantes, & in quendam  
ordinem digestæ.

*Sigillũ Sa-  
lomonũ*

### LOCVS.

Nascitur in montibus.

### TEMPVS.

Maior mense floret, quo etiā tempore carpi debet.

### TEMPERAMENTVM.

Polygonatum mistam habet qualitatem. Est e-  
nim in eo adstrictionis pariter & acrimoniæ quip-  
piam,

# PLANTARVM HISTORIAE.

piam, necnon fastidiosæ cuiusdam amaritatis explicatu difficilis.

## VIRE. EX DIOSCORIDE.

Radix illita vulneribus auxiliatur. Quinetiam vultus maculas delet & aufert.

## EX GALENO.

Radice[m] Polygonati quidam vulneribus illiunt. Sunt etiam qui illo næuos maculâsque in facie detergant.

## APPENDIX.

Hodie quoq, mulieres sigillo Salomonis sibi faciē extergunt & fucant, vt planè nullū subit dubium, quin Polygonatum esse constanter credamus.

## DE POLYPODIO. CAP.

### CCXXIII.

### NOMINA.

ολυπόδιον Græcè, Polypodium, Filicula Latine, officinæ Græcam appellationem retinuerunt, Germanicè *Engelsus* & *Baumfarrl*

*Polypodium* *Dropffwurtz*, [Gallicè *du Polypede*] vocatur. Polypodio nomen à radice quæ polyporū modo cirros obtinet, inditum est. Filiculam autem Latini à similitudine foliorum cum Filice nuncupauerunt.

### FORMA.

Herba est palmi altitudine, Filici similis, subhirsuta, incisuris diuisa, non tamen adeò tenuibus. Radix illi est hirsuta, cirros polyporum modo habens, minimi digiti crassitudine. Derasa hæc intus viridis est, acerba, gustu subdulcis. Parte auersa folia fuluis maculis notata, sine semine.

### LOCVS.

Gignitur in muscosis petris, & in agrestibus quercuum truncis.

### TEMPVS.

Radix in fine Augusti carpenda.

### TEMPERAMENTVM.

Polypodium dulcem simul & austeram habet vin-  
cen tem

centem qualitatem, vt facultatis fit admodum deficiantis, citra morsum tamen.

## VIRE. EX DIOSCORIDE.

Purgandi vim obtinet. Coquitur autem cum gallina, aut piscibus, aut Beta, aut Malua ad purgationem. Arida aquæ mulsæ insparfa, bilem & pituitam ducit. Radix trita & illita luxatis confert, & ad fissuras quæ inter digitos sunt.

## EX PAVLO.

Polypodium exiccat admodum citra morsum, & potum per inferna purgat.

## EX PLINIO.

Radix in vsu. Exprimitur succus aqua madefacta, & ipsa concisa inspergitur oleri, & Betæ, & Maluæ, vel balsameto, vel cum pulicula coquitur ad aluum leniter soluendam, vel in feбри. Detrahit bilem & pituitâ. Stomachû offendit. Aridæ farina indita naribus Polypû consumit. Illita luxatis medetur.

## DE PRASIO. CAP. CCXXV.

## NOMINA.

ῥάσιον Græcis, Marrubium Latinis, Prassiû *Marrubii*

officinis vocatur. Germanis *Andorn das uuei* *Prassium.*

*blin/Vueisz Andorn/ Marobel/ Gottszuerge sz.*

[Gallis du Marrubium.]

## FORMA.

Frutex est ab vna radice ramosus, subhirsutus, albicans, virgis quadrangulis. Folium pollicis æquale, subrotundum, hirsutum, rugosum, gustu amarû. Semen per interualla in caulibus est. Flores asperi verticillorû figura. Hæc delineatio adamussim *Marrubii* rubio hodie dicto respondet. Siquidẽ singulari radice, angulosis ramulis fruticat, lanuginosum: foliis ferè orbiculatis, pollicis magnitudine, incanis, hirtis amaris, lacteo flore, verticillato cinctu caulẽ ex interuallo amplectẽte, cui succrescit teres & asperum semen.

## LOCVS.

Nascitur circa domicilia collapsa, & inter rudera.

TEM-



# PLANTARVM HISTORIAE.

## TEMPVS.

Colligitur herba in æstate, Iulio potissimū mense, dum semine est prægnans.

## TEMPERAMENTVM.

Marrubium in caliditate quidem secundi ordinis iam completi est, in siccitate verò tertij medijs, aut completi.

## VIRES. EX DIOSCORIDE.

Huius folia arida cum semine decocta in aqua, aut viridium expressus succus, datur cum melle asthmaticis, tussientibus & tabidis. Crassa è thorace cum iride sicca ducunt. Datur mulieribus quæ non purgantur, vt menstrua & secundas pellant. Item difficile parietibus, his qui à serpentibus morfi sunt, & qui letale quid biberunt. Vesicæ tamen & renibus nocent. Folia cū melle illita sordida vlcera purgant, pterygia nomasq; cohibent. Dolores laterum mitigant, Ad eadem pollet ex foliis contusis expressus succus & sole coactus. Cum vino & melle illitus, oculorum claritatem exacuit. Morbum regium per nares expurgat. Aurium doloribus per se, aut cum rosaceo instillatus prodest.

## EX GALENO.

Prasium vt gustu amarū est, ita si quis vtatur consentientem huic saporis actionem habet, iecur ac lienem obstructione liberans, & thoracē pulmonēque expurgans, ac menses promouens. Sed & illicitū detergit ac discutit. Succo eius cum melle ad aciei oculorum claritatē vtuntur. Quinetiā & per nares morbum regium purgant, & ad aurium dolores inueteratos adhibent, in quibus utique obstructionē discicere, meatumq; ipsum & explantationes membranarum expurgare necesse est.

## EX PLINIO.

Huius folia semenq; contrita profunt contra serpentes, pectorum & lateris dolores, tussim veterem. Iis qui sanguinem eiiciunt eximie vtile, scapis eius cum

cum panico aqua decoctis, vt asperitas succi mitigetur. Imponitur strumis cum adipe. Sunt qui viridis semen, quantum duobus digitis capiant, cum faris pugillo decoctum, addito exiguo olei & salis, sorbere ieiunos ad tussim iubeant. Alij nihil comparant. In eadem causa Marrubij & Fœniculi succis ad sextarios ternos expressis, decoctisque ad sextarios duos, si cochlearij mensura in die sorbeatur in aquæ cyatho. Virilium vitiis tusum cum melle mirè prodest. Lichenas purgat ex aceto. Ruptis, conuulsis, neruorum contractionibus salutare. Potum alium soluit cum sale & aceto. Item menstrua & secundas mulierum. Arida farina cum melle ad tussim siccam efficacissima est. Item ad gangrænas & pterygia. Succus verò articulis, & è naribus morbo regio, minuendæq; bili cum melle prodest. Item contra venena inter pauca potens. Ipsa herba stomachum & excreationes pectoris purgat. Cum iride & melle vrinam ciet. Cauenda tamen exulceratæ vesicæ, & renum vitiis. Dicitur succus claritatem oculorum adiuuare.

## DE PERISTEREONE.

## CAP. CCXXVI.

## NOMINA.

ἐπισπεριών, ἢ ἡ βοτάνη Græcè: Verbenaca,  
 ⚥ Verbenā, Columbaris seu Columbina, herba Sagminalis Latinè, herbariis & officinis Verbenā vocatus. Germanicè Eisenkraut, vel Eisenhart, [Gallicè Veruaine,] hoc est, ferraria, quod nomen vt olim, sic hodie quoq; habet. Peristereon nomen inditum à columbis, qui in ea versari plurimum delectantur. Hierobotane autem, hoc est, sacra herba ideo dicta, quòd ea olim apud Romanos ad sacrificium & epulas verrebatur, & fœciales in sacris legationibus illa coronabantur, vel vt Dioscorides inquit, quòd in expiationibus suspensa & alligata

Verbenas

Verbenas

Peristereon

Peristereon

Peristereon

Peristereon

Peristereon

Peristereon

Peristereon

Peristereon

# PLANTARVM HISTORIAE.

*Sagminalis.* alligata mirè utilis sit. Sagminalis verò, quòd inter sagmina, hoc est, gramina ex loco sacro, præsertim arce Capitoliij, cum sua terra euulsa, primum hæc honorem haberet.

## GENERA.

Duo Verbenacæ & Græci & Latini fecerunt genera. Dioscorides & alij Græci à plantæ habitu rectam & supinam. Plinius à sexu marem & fœminā. *Crista gal- linacea.* Recta dioscoridis, est Plinij mas, aliòq; nomine Crista gallinacea, à ferratis foliis quæ gallinacæ cristæ formam referunt, dicitur. Recta autem nominata est, quòd rectis ramulis assurgat. Supina autem Dioscoridis, apud Plinium fœmina est, Romanisq; Cincinnalis vocatur. Supinam verò vocarūt, quòd semper humi supinè procumbat. Germani etiā per sexum genera illa distinguunt, vocantque rectam Verbenacam *Eisenkraut das mennle*, Supinam verò *das Vucible*.

## FORMA.

*Recta.* Recta siue mas herba est altitudinis palmi, aliquando etiam maioris. Folia huic incisa, subalbida, è caule prodeuntia, qui ei vnus est magna ex parte, quemadmodum & radix vna. Flos luteus, quo solo ferè à fœmina differre videtur. Hæc descriptio pulchrè Verbenacæ mari respondet: est enim herba dodrantalis, interdum vero procerior, quemadmodum ea est quæ in Germania nostra prouenit: nunquā enim aut rarissimè palmi altitudinem non excedit. Folia habet incisuris diuisa, albescencia, erumpentia è caule. Singularis denique illi, vt plurimum, caulis & radix vna. *Supina.* Supina seu fœmina ramos profert cubitales, aliquando etiam maiores, angulosos, circa quos folia sunt per interualla quernis similia, angustiora tamen & minora, per ambitum incisa, colore subcæsis. Radicem habet oblongam, tenuem. Flores purpureos, tenues. Cuius iterum delineationis notæ, Verbenæ fœminæ adamussim conueniūt.

Siqui-

Siquidem multis statim à radice angulosis coliculis constat, coma subtus incana, folio querno non dissimili, nisi quòd minus est & angustius, multis per ambitum incisuris: flosculo ex albore & purpura versicolore. Quibus omnibus manuscripti codicis, qui Peristereon interpretatur Verbenam, accedit testimonium, & communis omniũ consensus, à quo sine manifestis coniecturis & rationibus nunquam est discedendum.

## LOCVS.

Vtraque in planis & aquosis locis prouenit.

## TEMPVS.

Mas citius quàm scœmina apparet. Colligi debet, potissimum scœmina, circa Canis ortum, nam hoc tempore floret.

## TEMPERAMENTVM.

Vtraque desiccat & adstringit.

## VIRE. EX DIOSCORIDE.

Rectæ Verbenacæ folia cum rosaceo, aut adipe suillo recenti apposita, vuluarum dolores finire putantur. Ignem sacrum cum aceto illita reprimunt. Putrescentia vlcera cohibent. Vulnera glutinant, veteraque ex melle ad cicatricem perducunt. Supinæ autem folia & radix in vino pota illitaq; aduersus reptilia serpētēsue faciunt. Eadē drachmę pondere cū thuri sobolis tribus, & vini veteris hemina, quadragenis diebus ieiuno contra regium morbum bibuntur. Vetera œdemata, & inflammationes illita mitigant. Sordida vlcera purgant. Tota autem herba in vino decocta tonsillarum crustas abrumpit, & oris nomas gargarissata cohibet. Fertur sparsio aqua triclinio qua maduerit, latiores conuiuas fieri. Datur potandum in tertianis febribus tertium à terra geniculum cum adiacentibus foliis: quartanis, quartum.

## EX GALENO.

Vim habet adeò desiccantē vt vulnera glutinet.

EX

## EX AETIO.

Verbenaca recta ad capitis dolores summo praesidio esse testatur Archigenes, si ea coronetur patiens, aut si teratur cum aceto & rosaceo & illinatur, aut oleo decoquatur, ac foueatur caput. Nec tantum capitis dolores sedat, sed capillos quoque fluentes compefcit. Radicis decoctum calidum ore retentum dentium dolores mitigat, ac mobiles firmat, orisque vlceribus medetur. Ad colicos radices semicontusas in aqua ad dimidiam decoquito, & diebus quinque decoctum potandum dato: efficacissimum id esse experientia compertum est. Facit & ad calculos atque ad inchoantem elephasia, si cum melle propinetur. Vtere itidem ad epilepticos, & ad quotidiana, quartanae febre laborantes. Ad podagricos vero & coxendicum morbo affectos, vino decocta exhibetur. Succus est radice expressi collutio ad fistulas commodissima est. Et si mororum liquori ac melli mixtus exuratur, & acidus illinatur, fistulas sanat. Potest etiam melle assumi, & fistulae tanquam collyrium iniici, ac mirum in modum prodest.

## EX PLINIO.

Aiunt si aqua spargatur triclinio qua maduerit Verbenaca, latiores conuictus fieri. Aduersus serpentes conteritur ex vino. Omnibus visceribus medetur, lateribus, pulmonibus, iecinoribus, thoraci, peculiariter autem pulmonibus, & quos ab his phthisis tentat. Dysenterias emendat ex aqua data carentibus febre, aut ex vino aminæ cochlearibus quinque, additis in cyathis tribus vini.

## EX SIMEONE SETHI.

Verbenaca recta facit ad capitis dolores & fluentes capillos inuncta. Dentium dolores sedat, & motos atque concussos confirmat. Oris vlcera sanat. Decoctum eius colicos & calculosos iuuat. Pota iis qui primum elephantia laborare incipiunt, & comitiali morbo affectis succurrit. Item quotidiana & quar-

quartana laborantes similiter iuuat. Podagricos vero & coxendicis morbo captos, vulneratosque illita sanat.

DE PTERIDE. CAP. CCXXVII.  
NOMINA.

τέρεις, ἢ πτέριον Græcis, Filix Latinis dicitur. Filix.

π Οἰκίαν Latino nomine vtuntur. Germanicè *Valdtfarr*, [Gallicè *Feuchiere*.] Pteris autem & Pterion ab alis auium, quarum formam in ramulis disposita eius folia referunt, Græcis dicitur: pennatus enim, & pennatis foliis frutex Filix est. Pteris cur  
dicta.

GENERA.

Duo Filicis sunt genera, mas scilicet & fœmina. Mas Græcis simpliciter τέρεις, Latinis Filix mas, Germanis *Vualdtfarr* *armennle* dicitur. Fœmina Græcis θηλυτέρεις, Latinis Filix fœmina, Germanis *Thelypteris*. Pteris.  
Thelypteris.

FORMA.

Filix mascula folia habet sine caule, sine flore, sine semine, ex vno pediculo cubitali lōgitudine ex-euntia, incisa, alarum auium modo explicita, odore subgrauia. Radicem in terræ superficie foris nigrā, crassā, oblōgam, adnascentias appendicēsue multas habentem. Ex qua siquidem descriptione satis constat hanc quam sub hoc nomine pictam damus herbam, esse Filicem masculam: hæc enim neque caulem (quod enim in ea supra terram extollitur, pediculi foliorum, non caulis rationem obtinet) neque florem, neque semen habet: folia ex vno pediculo cubitali à terra statim, aut ex stipite eius exeunt, utroque latere pinnata, subgrauī odore. Radix denique illi est per summa cespitum nigra, & vt Theophrastus ait, crassa, oblonga, multis adnatis & capillamentis fibrata, atque, vt summatim dicam, omnes illi notæ adamussim respondent. Filix fœmina folia priori similia obtinet, non tamen vno singulariq; pediculo vt illa hærentia, sed adnascentes Filix mas  
cula.  
Filix fœ  
mina.

H ramu-

## PLANTARVM HISTORIAE.

ramulos multos altioresq; habentia. Radix illi longa, aliqua, in nigro colore subflaua, aliquando verò rubescens. Quæ descriptio iterum per omnia cum ea herba cuius picturam exhibemus ita conuenit, vt nulla prorsus sit nota quæ illi non respondeat.

### LOCVS.

Nascuntur vbique, sed maximè in montibus, syluis & saxosis locis.

### TEMPVS.

Effodiuntur Vergiliis occidentibus, hoc est, autumnò.

### TEMPERAMENTVM.

Amaræ sunt Filices, paululum habentes adstrictionis, vt euidentissimum sit has calefacere & exsiccare posse.

### VIRE. EX DIOSCORIDE.

Filicis masculæ radix pellit latos lumbricos pondere drachmarum quatuor cum aqua mulsâ pota. Melius autem si cum Scammonia, aut veratri nigri quatuor obolis detur: veruntamen oportet sumentes allia præsumpsisse. Lienosis vt restituantur prodest pota. Radix etiam cum axungia illita contra ictus ab harundine factos utilis est. Eius autem hæc probatio. Peribit Filix quam per ambitum copiosior harundo coronet: & contrà euanesceat harundo, quam obsepiens multa Filix in orbem cinxerit. Fœminæ radices cum melle in eclegmate sumptæ, latos lumbricos pellunt. Cum vino autem pondere trium drachmarum potæ, rotundos lumbricos eiciunt. Mulieribus datæ sterilitatem faciunt. Et si prægnas sumat, arbortum. Siccæ & in farinam tritæ, humidis & iis quæ difficulter sanantur vlceribus insperguntur. Medentur iumentorum ceruicibus. Folia eius nuper prodeuntia olerum modo elixa comeduntur, aluuumque molliunt.

### EX GALENO.

Filix mas radicem habet maximè utilem: latum enim

enim lumbricum interficit, si quis eam quatuor drachmarum pondere in aqua mulsa sumperit. Ad eundem modum foetum quidē viuum necare, mortuum autem eiicere mirum non est. Vlceribus imposita valenter desiccandi facultatem obtinet, non tamen mordax est. Similem ei vim habet Thelypteris nominata.

## EX THEOPHRASTO.

Thelypteris seu foemina Filix, contra lumbricos ventris & latos & graciles utilis est. Contra latos quidem cum melle mixta, contra tenues autē in vino dulci cum polenta data. Quinetiā mulieri si datur, praegnantī quidem abortum: simpliciter autem foeminis sterilitatem facere affirmant.

## EX PLINIO.

Vsus radicis in trimatu tantum, neque antē neque postea. Pellunt interaneorum animalia. Ex his tineas cum melle, cetera ex vino dulci triduo potae. Vtraque stomacho inutilissima. Aliū soluit, primo bilem trahens, mox aquam. Melius tineas cum Scammonij pari pondere. Radix eius duū obolotum pondere ex aqua, post vnius diei abstinentiam bibitur, melle praegustato, contra rheumatismos. Neutra danda foeminis, quoniam grauidis abortum, ceteris sterilitatem facit. Farina earum vlceribus tetrīs inspergitur. Iumentorum quoque ceruicibus. Folia camicē necant, serpentem non recipiunt, ideo substerni utile est in locis suspectis. Vitae etiam fugant nidore.

## APPENDIX.

Falsum & commentitium haud dubiē est quicquid neoterici aliqui de Filicis semine fabulantur: quod scilicet vna solstitiali nocte floreat, eadēque hora cum defloruit maturum in terram semē cadat, ideoque nisi quispiam tunc affuerit, nec videri florē, nec colligi semē posse, tū quia incredibilia sunt,

*Filix semine prorsus caret.*

H ij tum



# PLANTARVM HISTORIAE

tum quòd omnes, Theophastrus scilicet, Galenus, Dioscorides, Flinius, sterilem & sine semine dixerunt. Neque etiam medici vel Arabes vel Persæ, ad magicas vanitates nati, seminis huius meminerunt. Quapropter omnia hæc agyrtarum commenta esse videntur humanæ ignorantie ad quæstum impudenter illudentium, quæ certè vel vna hac ratione abundè satis confutari possunt, quòd cuncta illa fieri & obseruari natali nocte diui Ioannis Baptistæ præcipiunt, cū natalis ea nox & solstitialis illa duo decim dierum numero nunc inter se distent.

## DE PEUCEDANO. CAP.

### CCXXVIII.

#### NOMINA.

*Fœniculus porcinus.* *Peucedanus unde dicta.* *Pinastellus.* π *ῥυκίλλανος* Græcis, Peucedanus Latinis, officinis & herbariis nostræ ætatis Fœniculus porcinus dicitur. Germanis *Harsträgl* seu *fenchel*, oder *Schneefeluurtz*, [Gallis *Peucedame*, ou *queu porceau*,] quòd lachryma è radice sulphuri aut thuri similis exudet. Peucedanum autem nomen inuenit à pinu, quæ Græcis *ῥυκίλλανος* dicitur, cui folio par est. Hinc posteriores Latini Pinastellum eum vocauerunt.

#### FORMA.

Caulem emittit tenuem, macilentum, Fœniculo similem comam habet circa radicem copiosam & densam. Florem luteum, radicem foris nigram, intus albam, graui odore, crassam, liquore plenā. Hæ sanè omnes notæ, nulla prorsus reclamante, huic quam pictam exhibemus herbæ conueniunt. Officinæ, quæ non rarò adulterinas pro genuinis vendunt herbas, Peucedanum ostendunt radice nō siccata, sed lignosa, nec graui odore, sed iucundo: vnde satis constare potest verum non esse.

#### LOCVS.

Gignitur in montibus opacis, potiùs in monte prope Tubingam, cui olim arx imposita fuit, in itinere versus Rotenburgum sito.

TEM-

## TEMPVS.

Floret Iulio & Augusto mensibus, atq; deinceps semen producit. Radix foditur exitu autumnii.

## TEMPERAMENTVM.

Calefacit ordine secundo iam completo: desiccatur verò tertio iam incipiente.

## VIRES. EX DIOSCORIDE.

Radice adhuc tenera Peucedani cultello incisa liquor effunditur, profluensq; statim in umbra reponitur: in sole siquidem languescit. Facit cum colligitur capitis dolores & vertigines, nisi quis antea rosaceo nares præungat, & caput irrigat. Radix asata iuuenilis fit. Colligitur & ex caulibus & ex radice sicut è Mandragora liquor atque succus. Minus tamen efficax succo liquor, & velocius expirat. Interdum etiam concreta inuenitur lachryma thuri similis, caulibus radicibusque adhærens. Ex aceto & rosaceo inunctus lethargicis, phreneticis, vertiginosis, comitialibus, diuturnis capitis doloribus, resolutis, ischiadicis, conuulsis: in vniuersumque nervorum affectionibus ex oleo & aceto inungitur. Strangulatu vuluæ laborantes olfactus, soporéque profundo correptos reuocat. Suffitu serpentes fugat. Aurium doloribus cum rosaceo instillatus prodest. Cavis dentium erosio inditus eorundem dolores mitigat. Contra tussim in ouo sumptus facit. Difficultati spirandi, torminibus & inflationibus subuenit. Aluum leniter mollit. Lienem minuit. Difficiles partus egregiè adiuuat. Ad vesicæ renûque dolores & distentiones potus confert. Aperit vuluam. Radix ad eadem utilis est, sed inefficacior. Eius decoctû bibitur. Sicca trita sordida purgat vlcera, ossiumq; squamas detrahit, veteraq; cicatrice obducit. Ceratis malagmatisq; calefaciendi vi præditis miscetur. Eligi debet recens, non cariosû, solidû, odoris plenû. Succus ad potiones amaræ amygdalis, aut ruta, aut pane calido, aut anetho dissoluitur.

# PLANTARVM HISTORIAE.

## EX GALENO.

Peucedani radice quidem maximè, sed tamen etiam succo & liquore vtimur. Sunt autè hæc omnia eiusdem specie facultatis, sed valentior liquor, admodum excalfaciens & digerens, Quare affectibus omnibus circa nervos consistentibus cōuenire creditur, tum morbis in pulmone & thorace ex crassitudine atque viscositate humorum factis. Et intrò quidem in corpus sumpta, sed tamen etiam olfactu profunt. Porro quòd incīdat atque extenuet, sæpe etiam dentium perforatorum dolores cavitati impositus protinus sedauit, quia videlicet est tenuium partium, & excalfactorius. Quinetiam lienes induratos iuuat, nempe incidendo, digerendo & extenuâdo crassos humores. Sed & radice ad hæc vti licebit, quæ & squamas ab ossibus celerrimè detrahit, quia videlicet validè desiccet, minus tamen quàm succus excalfaciens. Et vlceribus malignis arida illita optimum est remedium: ipsa enim expurgat, carnem generat, & ad cicatricem perducit.

## EX PLINIO.

Peucedani radices conciduntur in quaternos digitos osseis cultellis, funduntq; succū in vmbra, capite prius & naribus rosaceo perunctis, ne vertigo sentiat. Et alius succus inuenitur caulibus adhærens, incisq; manat. Probatur crassitudine mellea, colore ruffo, odore suauiter graui, feruens gustu. Et hic in vsu & radix, & decoctum eius pluribus medicamentis. Succo tamen efficacissimo, qui resoluitur amaris amygdalis, aut ruta, bibiturque contra serpentes, & ex oleo perunctos tuetur. Idem pectoris doloribus subuenit. Pituitam & bilem detrahit Peucedani radix. Eadem decocta lieni & renibus prodest. Perungunt & radicem sudoris causa eliciendi, quoniam caustica vis ei est. Peucedano ad recentia vulnera tanta vis est, vt saniem ossibus extrahat. Cum semine Cupressi bibitur, si sanguis per os red-  
ditus

ditus est, fluitq; ab infernis. Strangulatus vuluæ nido-  
re vstum recreat, laxanturq; suffocationes eo: sed  
quidam ammiscent in vino semen Cupressi contri-  
tum. Potum cum coagulo vituli marini aquis por-  
tionibus comitiales sanat. Succus infantium rami-  
ci, & vmbilicis eminentibus inungitur. Stranguriæ  
cum melle medetur. Item semine lethargici excitā-  
tur, & vt perhibent ex euphorbio naribus tactis  
Peucedani succo.

## DE PERSICA ARBORE.

## CAP. CCXXIX.

## NOMINA.

ἰρσικὴ μιλία Græcis, Persica mâlus Latinis:  
antiquum nomen herbarij vulgares retinu-  
erunt: Germanis *Pfersichbaum*, [Gallis *Vng  
Pechier*] appellatur. Persica fortè dicta, quod ex Per-  
siae primum aduecta sit.

*Persica  
cur dicta.*

## FORMA.

Persica foliis amygdalæ maioribus constat: flore  
subpuniceo, pomo carnosio, succulento, foris lanu-  
ginoso, dura intus & scabra nuce, in qua nucleus  
qualis amygdalis.

## LOCVS.

Passim in hortis, vineis potissimum, nascitur. Gau-  
det autem aquosis.

## TEMPVS.

Floret primo statim vere, fructus verò eius au-  
tumni ferè exitu maturescit, celerrimè marcescens.

## TEMPERAMENTVM.

Persica arbor in germinibus & foliis vincentem  
amaram qualitatem habet, vt hoc nomine calidam  
esse nemo dubitare possit. Fructus eius in secundo  
ordine frigidus & humidus existit.

## VIRE. EX DIOSCORIDE.

Persica poma stomacho grata sunt, matura bonū

H *iiij*

faciunt

## PLANTARVM HISTORIAE.

faciunt aluum, cruda verò aluum constringunt. Siccata vehementius adstringunt. Siccorum decoctum haustum stomachi & ventris fluxiones sistit.

### EX GALENO.

Folia Persicæ trita & super vmbilicum imposita lumbricos necant. Alioqui sanè etiam discurtiens medicamentum est. Pomorum verò eius succus & veluti caro facilè corrumpitur, omninoq; noxâ infert, quapropter haud post alios cibos vltimòq; sicut nonnulli solent, illa offerri oportet: nã in summo natantia corrumpuntur. Huius verò, quod omnibus cõmune est, meminisse oportet: quæcunq; vitiosi succi, quæ humida & lubrica sunt, facilèq; defecunt seceduntue, præ aliis comedenda esse: sic enim & ipsa celeriter subeunt, & aliis præeunt, ac quasi iter muniunt. Postremò autè sumpta, vnà secũ alia quoque in corruptionem trahunt.

### EX PLINIO VALERIANO.

Persicorum cibus est quidè stomacho inutilis, eò quòd citò succus eius inacescat, & caro æque in digestionem vitietur, verùm minimè grauis, dum non diutius in intestinis moratur, & ad ima semper exigu celeri festinat. Persicorum cibus negatur à medicis membra nutrire Sed & Galenus suadet nunquã omnino post cibum sumere, corrumpi affirmans si cibis cæteris innatent. Persicorum folia trita & imposita ventris animalia perimunt & expellunt. Eadem sicca & in puluerem tusa, recètes plagas cruentorum vulnorum claudunt. Nucleus Persicorum capitis dolori cum oleo & aceto tritus illinitur: quãuis quidam cum solo rosaceo terere maluerint. Gumi gutta quam Persici truncus illachrymat, fluenti aluo medetur. Eadem mixta cum vino etiam in vesica lapillos frangit. Trita ex aceto impetigines reprimat. Decocta cum croco tumores faucium mitigat. Asperam arteriæ canalè leuiorem facit. Excre-

anti bus

antibus sanguinem miro modo subuenit. Thoracis obstrictos sinus referat: vitia pulmonis expurgat.

## APPENDIX.

Flores Persicæ saccharo conditi, instar rosarum aut violarum, alium haud leuiter mouent atque subducunt.

## DE PEPLO. CAP. CCXXX.

## NOMINA.

ἰπλος Græcis, Peplos Latinis, officinis & vulgo Esula rotunda, Germanis Teufelsmilch/ *Esulara*  
[Gallis *Reucille matin des Vignes*] appellat. *tunda*.

## FORMA.

Exiguus frutex est albo liquore plenus: foliis paruis vt Ruta, latioribus tamen. Tota eius coma dorantal, rotunda, humi fusa: semine sub foliis paruo & rotundo, minore quam candidi papaueris. Radice vna, ex qua totus frutex prouenit.

## LOCVS.

Nascitur in hortis & vineis.

## TEMPVS.

Colligitur messibus, siccaturque in umbra, & continuè vertitur.

## TEMPERAMENTVM.

Idem cum Tithymallis habet temperamentum, atque adeo ex quarto calefacientium ordine est.

## VIRE. EX DIOSCORIDE.

Herba ipsa multos habet vsus, radix verò inutilis. Semen eius tusum, feruidumque aqua madefactum recoditur. Pituitam & bilem acetabuli pondere cum hydromelitis cyatho potum ducit. Opsoniis mixta herba aluum conturbat. Conditur in muria.

## EX GALENO.

Peplos frutex liquorem similem Tithymallis habet, cum in aliis, tum quia purgat ceu illi.

## EX AETIO.

Pituitam ac bilem ducit acetabuli mensura cum mulsæ cyatho bibitum Pepli semen. Sale etiam herba maceratur, flatusque discutit, vt Hippocrates asserit. Sum-

# PLANTARVM HISTORIAE.

rit. Summopere igitur confert flatuosis affectibus qui in melancholia dominantur, item diuturnis lienis & vteri & coli flatibus, tumefactisque œdematibus in abdomine.

## EX PLINIO.

Semine Pepli potio alius soluitur, bilis ac pituita detrahitur. Media potio est acetabuli mensura, in aquæ mulsæ heminis tribus. Et cibus inspergitur opsoniisque ad molliendam aluum.

## DE PILOSELLA. CAP. CCXXXI. NOMINA.

V O nomine veteribus Græcis aut Latinis nominata sit hæc herba, ingenuè fateor me ignorare. Neque enim est *μυὸς ὄψις* Dioscoridis. Cum itaque Græco & Latino nomine destitueremur, barbaro vti nobis necesse fuit, nisi planè herbam hanc vulneribus glutinandis mirè viilem, præterire voluissemus. Herbarij itaque nostræ ætatis à copiosis pilis quibus vestitur, Pilosellam, Germani *Meuszerlin* vocât.

## GENERA.

Pilosella  
unde dis-  
ta.

Maior.

Minor.

Duo eius herbæ genera reperiuntur, in nullo ferè nisi floribus distantia. Vnum genus maioribus foliis, & quæ se à solo sustollunt, floribusq; luteis, maior Pilosella nominatur, Germanis propriè *Nagelkraut*. Alterum minoribus foliis, in terra sessilibus, floribus purpureis, & quasi in pappum euanescentibus, Germanis *Meuszerlin* oder *Hasenpfatlin* peculiariter appellatur. Sic etiam suam Pilosellam manuscriptus herbarius in maiorem & minorem digessit.

## FORMA.

Myosotis  
nō est Pi-  
losella.

Herba est foliis in terrâ graminis modo sparsis, pilosis, albicantibus à terra, supernè virëtibus, floribus luteis aut purpureis, radice in exilitatē multam extenuata. Ex qua descriptione sole clarius fit, eā herbam quæ à Græcis Myosotis, à Latinis autem Auricula muris dicitur, non esse Pilosellam: nam, vt reliqua taceam, neque maior neq; minor Pilosella cœruleum

fuleum flosculū velut Anagallis obtinet: vt nō parū *Auricula*  
errent herbarij nostri temporis qui Pilosellam alio *muris non*  
nomine Muris auriculam appellari tradunt. *est Pilo-*

## LOCVS.

Nascitur vtrunque genus locis montosis & colli-  
bus terrenis. Maior autem inuenitur etiam in aspe-  
ris & incultis agrorum limitibus.

## TEMPVS.

Maior & Iunior potissimū mense florent. Minor ta-  
men Pilosella paulō post initia Iunij mensis dispe-  
rit, & nusquam subinde inuenitur.

## TEMPERAMENTVM.

Esse calidas & siccas Pilosellas gustus palām decla-  
rat: habent enim adstrictionē cū exigua quadā acrimo-  
nia coniunctā; vt hoc nomine ad purificanda ac  
subinde glutinanda vulnera sint mirificē vtilis.

## VIRES. EX RECENTIORIBVS.

Ferunt foliorū farinam vulnera mirum in modū  
glutinare. Herbarū recentis succum exprimunt ad co-  
hibendos quartanæ febris horrores. Eodem tingunt  
gladiatorum aciem, vt omne ferrum aliud domet, se-  
cetque: ferrum enim quod huius succo cōmaduit tā-  
tam cōtrahere duritiā, tamq; magnū induere robur  
produnt, vt chalybis aciem respuat. Has certē om-  
nes facultates manuscriptus herbarius Pilosellæ ad-  
scribit. Recentiores huius herbarū radicem Maio mē-  
se effossam, siccata, & in puluerem redactā, ac sub-  
inde potam, aut in cibo datam, efficacissimum esse  
aduersus ramicem remedium tradunt.

## DE PIMPINELLA. CAP. CCXXXII.

Neutra ex hiū Pimpinellis nostrā exprimit, quæ est odore  
eucumeris, coliculis rutætibz, & flosculis in capitello purpu-  
rascentil us, quam post sanguisorbani vocat.

## NOMINA.

V T appellata sit Græcis aut latinis herba hæc  
quam hodie vulgus herbariorum & officinæ  
Pimpinellā vocant, nōdum nobis certō scire  
licuit,



# PLANTARVM HISTORIAE.

*Pāpinula.* licuit. Sunt qui Pampinulam & Bipēnulam nominant. Germani *Bibinellen* & *Bibernellen* [Galli *Pimpinelle*, ou *Pimprenelle*] appellant.

## GENER A.

Duūm est generum Pimpinella. Vna maior, radice admodum longa, foliis multifariam scissis, Sifaro haud dissimilibus, caulibus angulosis, floribusque in summo exiguis & candidis. Altera minor, caulibus rufescentibus, foliisque minoribus, & non dissectis multifariam, sed serratis tantum, aliās priori per omnia similis.

## FORM A.

Herba est folio mucronato, dissecto, aut in extremitatibus serrato, caulibus ab eadē radice binis aut trinis, angulosis, & interdum rubētibus, in quorum summo nascuntur flores minuti & candidi, & iis decidētibus semen exiguum Oreosolini semini simile. Radice crassa, longa, & subrubente, acri admodum.

## LOCVS.

Lucis & opacis locis minus, in pratis autem maius, affatim citra cultum erumpit.

## TEMPVS.

Aestate in autumnum vsque floret.

## TEMPERAMENTVM.

Quum acrimoniam non exiguam in gustu nrę se ferat, haud dubiē in secundo ordine calida & sicca erit, imō secundum calefaciendi ordinem excedere credibile est, & ad tertium ferē accedere.

## VIRE S. EX RECENTIORIBVS.

Pimpinellæ succus bibitur contra serpentū morsus. Ex vino pota calculos terit. Stranguriam etiam decocta leuat. Succus eius potus omne venenum discutit. Aqua eius ignis vi expressa oculorum caliginem discutit. Hæ sunt facultates quas illi antiquus herbarius tribuit. Alij tradūt succum eiusdem faciei maculas detergere posse. Est autem radice Pimpinellæ

nellæ tum vsus præcipuus, quum sæuientis popu-  
læ pestilentia contagia arcere conamur: vnicè e-  
nim venenis aduersatur, & corpora ab hac lue vin-  
dicat, vt adfirmant, si tantum in ore teneatur. Quod  
certè non potest ea quam hodie Sanguisorbam vo-  
cât herba. Quare mirum in modum errant, qui hæc cû  
Pimpinella cõfundunt, vt fusius suo dicemus loco.

DE PASTORIA BURSA.

CAP. CCXXXIII.

NOMINA.

V O nomine herba quam vulgus Pastoriam  
bursam appellat Græcis & Latinis medicis  
dicta sit, ignorare me ingenuè fateor. Sunt  
qui petram etiam pastoris nominant, à folliculis in  
exiguæ vulgæ similitudinem compressis, turbinata  
cordis effigie. Germanis Deschelkraut & Hirtenseckel  
vocatur.

*Sanguisor-  
ba non est  
Pimpinella.*

*Bursa aut  
pera pas-  
toris cû  
dicta.*

FORMA.

Herba raro pede altior, ramosa, Fruçæ folia ha-  
bens, at minora. Flores exiguos, candidos. Semen  
in vulgus minutum & nigrum. Radicem candican-  
tem & oblongam.

LOCVS.

Nascitur propter vias passim, & in parietinis.

TEMPVS.

Iunio & Iulio mensibus legitur.

TEMPERAMENTVM.

Refrigerat & adstringit.

VIRES. EX RECENTIORIBVS.

Ex aceto trita collectionum inflammationes re-  
frigerat, ac eò confluentes humores cohibet. Im-  
ponitur sacris ignibus, & quibus stomachus estuat. Suc-  
cus eius purulentis auribus infunditur. Cruenta sa-  
nat vulnera. Medetur dysentericis, sanguinem ex-  
creantibus, neque non muliebri profluuiio. Manu-  
scriptus herbarius addit hanc sanguinem è naribus  
profluentem sistere mirificè posse. Herbam quoque

manu

# PLANTARVM HISTORIAE.

manu tantum gestatam, mox idem efficere tradit.  
Quid multa? mirè efficax est in cōprimendis omni-  
bus sanguinis eruptionibus.

## DE PEDE LEONIS.

### CAP. CCXXXIII.

#### NOMINA.

*Leontopo-  
dion Dio-  
scoridis nō  
est Pes leo-  
nis herba-  
riorum.*

*Alchir-  
milla.  
Pes leonis  
cur dicta.*

**Q**UAM vulgus herbariorum Pedem leonis  
nominat, nō est Dioscoridis Leontopodion,  
id quod descriptio satis monstrat. Quo verò  
nomine Græcis & Latinis appellata sit, mihi nondū  
constat. Sunt ex barbaris qui Alchimillam, alij etiā  
qui plantam leonis nomināt. Sic autem dicta, quòd  
folia habeat instar leonini pedis lata & rotunda.  
Germanis *Synnau Louentapen/Louensufz/& unser frau-  
uen mantel* [Gallis *Pied de Lion*] vocatur.

#### FORMA.

Dodrātalī est herba, folia lata, crispa & rotūda o-  
cto serratis incisuris distincta, nō tamē ad pediculos  
vsq; , qui statim ē radice exeūt, fissā habēs. Flores itē  
exiguos & luteos profert. Radicē digito crassiorē,  
& sesquipalino longiorē, subrubescētem.

#### LOCVS.

Passim in pratis, in alto potissimum litis, nascitur.

#### TEMPVS.

Maiō mēse erumpit, ac inter Iunij initia floret.

#### TEMPERAMENTVM.

Folia & radix ad strictionē vehēmentī participāt,  
atque adeò exiccant. Recentiores idipsum in secun-  
do efficere ordine tradunt.

#### VIRE S. EX RECENTIORIBVS.

Vulneribus glutinandis aptissima est. Decocto e-  
nim illius lauātur vtiliter omnia vulnera. Linteum  
quoque in eo madefactum illis cōmodē imponitur.  
Mulierum māmas impensē laxas linteum decocto  
eiusdem intinctum & impositū, duras solidasq; effi-  
cit. Decoctū deniq; hoc epotum interanea vulnera,  
rupturāsque glutinat. Et quod dictū mirum est, tan-  
ta eius

ta eius plantæ in glutinando vis est, vt ramices inter-  
stinorum, in pueris potissimum, sanare possit.

## DE POLYGONO MARE.

## CAP. CCXXXV.

*Polygonum mas herba innocentium uulgo dicitur, quod  
Parisus in Cœmiterio Innocentibus sacroto luxuriat.*

## NOMINA.

αἰσχρογῶν ἄρρεν Græcè: Proserpinaca, Semina-  
lis à seminis multitudine, & Sâguinalis à co-  
hibêdo sanguine nominatur. Officinis Cor-  
rigiola & Centumnodia. Germanicè *Vuegggrasz/  
Denngrasz/Vuegdritt* appellatur. Polygonon à geni-  
calorum frequentia, & multitudine dictum est.

*Seminalis  
cur dista.  
Sâguina-  
lis.  
Corrigiola  
Centum-  
nodia.*

## FORMA.

Herba est ramis tenuibus, teneris, copiosis, ge-  
niculis intersectis, in terra graminis modo repenti-  
bus. Foliis Rutæ similibus, longioribus tamen. Iu-  
cta singula folia semine, vnde masculû vocatur. Flo-  
re albo aut puniceo.

## LOCVS.

Nascitur passim, quotidieque pedibus conculca-  
tur, sua sponte in aggeribus & semitis proueniens.

## TEMPVS.

Aestate floret, quo etiam tempore legitur.

## TEMPERAMENTVM.

Vti adstrictionem quâdam obtinet Polygonum,  
ita sanè vincit in eo aqueum frigidum, vt videlicet  
secundi sit ordinis medicaminum refrigerantium,  
aut etiam quodammodo in initio tertij. Est etiam  
exiccatorium.

## VIRES. EX DIOSCORIDE.

Vim habet adstringendi & refrigerandi succus  
Polygoni potus. Prodest sanguinem expuentibus, &  
alui defluxiõibus, cholericis & vrinæ stillicidio. Vri-  
nâ enim euidenter ducit. Cû vino potus venenatorû  
moribus auxiliatur. Valet etiâ ad febrium circuitus

vna ho-

## PLANTARVM HISTORIAE.

vna hora ante accessionem sumptus. Muliebri profluuium appositus sistit. Aurium doloribus, & purulentis auribus instillatus cōfert. Cum vino decoctus melle adiecto, eximiè ad genitalium vlcera facit. Folia contra stomachi ardorem, sanguinis reiectionem herpetas, ignes sacros, inflammationes, œdemata, & vulnera recentia illinuntur.

### EX GALENO.

Polygonum iis sanè quibus stomachus æstu feruet extrinsecus illitum auxiliatur: veluti etià ignes sacros & calidas phlegmonas iuuat. Porro tale cū sit, & fluxiones reprimat, & hac ratione videtur exicatorium esse. Quare cum herpetum, tum vlcerū, aliorumque bonum est remedium: efficacissimum autē inflammatione & fluxione laborantium partium. Est & cruentorum vulnerum glutinatorium. Sed & aurium vlceribus prodest: & si vel satis puris insit, hoc tamen etiam desiccet. Eisdem ob facultates & muliebri profluuium, & dysenteriam, & sanguinis eiectiones, & vudecunque aliunde immoderatiores impetus sistit. Refert Dioscorides quòd & vrinam prouocet exhibitum stillicidio affectis. Non tamen affectum exactè discriminat in quo dari ipsum expediat.

### EX PLINIO.

Succus eius infusus naribus suppressit sanguinè, & potus cum vino, cuiuslibet partis profluuium excreationesque cruentas inhibet. Vis eius spissare ac refrigerare. Semen aluum largius sumptum tollit, vrinam ciet, rheumatismos cohibet: qui si non fuere, non prodest. Stomachi feruori folia imponuntur. Vesicæ dolori illinuntur, & ignibus sacris. Succus & auribus purulentis instillatur, & oculorum dolori per se. Dabatur & in febribus ante accessiones, duobus cyathis in tertianis quartanisue præcipuè. Item cholericis, dysentericis, & in solutione stomachi.

### DE PEGA-

DE PEGANO. CAP. CCXXXVI.  
NOMINA.

ῥύανον κηπιυτόν Græcè, Ruta hortensis Latī  
π nē: officinæ retinuerunt nomen latinum:

Rauten & Vucinrauten Germanicè [Gallicè  
de la Rue] vocatur. Peganon Græci, Plutarcho libro  
tertio sui symposij teste, à facultate, quòd calore sic- *Peganon*  
citateq; genituram coagulare, dixerunt: ῥήγνυσθαι *unde dis-*  
enim coagulare, & quasi in glaciem contrahere est. *sum.*  
Hinc vterum gestantibus inimica etiam coronis in-  
serta putatur.

## FORMA.

Frutex est Ruta hortensis grauissimi odoris, sem-  
per ferè virens: folio exiguo, penè rotundo, cæsijs co-  
loris, denso, surculosis ramis: flore luteo, angulosis ca-  
lycibus, in quibus semen album continetur.

## LOCVS.

Prouenit passim ī hortis, amat aprica & sicca loca.

## TEMPVS.

Floret æstate, semen autem Autumno maturescit,  
quo etiam tempore carpendum venit.

## TEMPERAMENTVM.

Gustu non solum acris, sed & amaro est, ex tertio  
ordine excalfacientium, & strenuè desiccantium.

## VIRES. EX DIOSCORIDE.

Vrit, calfacit, exulcerat, vrinam mouet, menstruâ-  
que ducit. Alium sistit pota & comesta. Letaliū ve-  
nenorum antidotum est, si semen acetabuli mensura  
in vino bibatur. Folia per se ante cibum sumpta, &  
cum nucibus iuglandibus, aridisq; ficis, inefficacia  
venena reddunt. Contra serpentes similiter sumpta  
profunt. Genituram tam in cibo quàm potu extin-  
guunt. Coctum cum anetho sicco, tormina sistit. Facit  
etiam ad lateris thoracisq; dolores, difficultatem  
spirandi, tussis, pulmonis inflammationem, coxen-  
dicum, articulorumq; cruciatus, rigores circuiti-  
bus certis repentium febrium, vti prædictum est,

I pota.

## PLANTARVM HISTORIAE.

pota. Ad inflationes coli, vteri & recti intestini, decocta cum oleo & infusa. Vuluæ strangulatu liberat trita cum melle, si à genitali vsq; ad sedem imponatur. Feruefacta cum oleo & pota, lumbricos excutit. Articulorum doloribus cum melle, aquæ inter cutē, quæ hypofarca dicitur, cum ficis illinitur. Eisdē pota auxiliatur, in vino decocta ad dimidias partes, & si ea abstergantur. Cruda, salēque condita ac comesta, visus aciem exacuit, & oculorum dolores cū polenta illita sedat. Cum rosaceo & aceto capitis doloribus succurrit. Sanguinis narium profluvia trita & imposita sistit. Testium inflammationibus cum Lauri foliis illita, & exanthematis cum myrto & cerato prodest. Cum vino autem, pipere & nitro confrieta, albæ vitiligini medetur. Cum iisdem illita thymos & myrmecias tollit. Cum melle & alumine imposita lichenibus prodest. Succus in malicorio calfactus & instillatus aurium doloribus succurrit. Oculorū hebetudinibus cum succo Fœniculi & melle inunctus subuenit. Ignes sacros, herpes & achores cum aceto, cerussa & rosaceo inunctus sanat. Ceparum & aliorum acrimoniam commanducata domat.

### EX GALENO.

Ruta incidere atque digerere crassos lentosque humores potest. Ob eam autē vim & vrinas mouet. Quinetiā tenuiū est partiū, flatusq; extinguit. Quare ad inflationes prodest, ac Veneris appetitū cohibet. Discutit atq; exiccat strenuē: est enim ex eorū medicamentorū numero quæ valenter exiccant.

### EX PLINIO.

Quæcūq; Ruta & per se pro antidoto valet, foliis tritis & ex vino sumptis. Cōtra aconitū maximē & ixiā. Itē fungos, siue in potu detur, siue in cibo. Simili modo cōtra serpentiū ictus, vtpote quū mustelæ dimicaturæ cū his, Rutā prius edēdo se muniāt. Valēt & cōtra scorpionū ictus, & araneorū, apū, crabronū, vesparū aculeos, & cātharidas, ac salamādras, canisue rabio-

ne rabiosi morsus, acetabuli mēſura ſi ſuccus ē vino bibitur, & folia trita vel cōmāducata imponūtur cū melle & ſale, vel cū aceto & pice decocta. Succo verò perūctos, aut etiā habētes, negāt feriri ab his maleficiis. Sepētēſq; ſi vratur Ruta, nidorē fugere. Eſſi caciſſima tamē eſt ſylueſtris radix cū vino ſumpta: eandē adiiciūt efficaciorē eſſe ſub dio potā. Pythagoras oculis noxiā putauit falſo, quoniā ſculptores & pīctores hoc cibo vtūtur oculorū cauſa. Cū pane quoq; vel naſturtio ſatiuæ atq; ſylueſtris propter viſum. Vt aiūt, multi ſu co eius cū melle attrito inūcti diſcuſſerunt caligines, vel cum lacte mulieris puerū enixæ, vel puro ſucco angulis oculorum tactis. Epiphoras cū polenta impolito. Lenit autē capitis dolores pota cū vino, aut cum aceto & roſaceo illita. Si verò ſint cephalęa, cum farina hordeacea, vel aceto. Eadem cruditates diſcutit, mox inflationes, dolores ſtomachi veteres, Vuluas aperit, corrigitq; cōuerſas, illita in melle toto ventre & pectore. Hydropicis cum ficu, & decocta ad dimidias partes, porāque ex vino. Sic bibitur & ad pectoris dolores laterūq; & lumborum, tuſſes, ſuſpiria: pulmonū, iecinorum, renū vitia, horrores frigidos. Ad capulæ grauēdines decoquantur folia poturis. Et in cibo uel cruda vel decocta conditāue prodeſt. Item torminibus in Hyſſopo decocta, & cum vino. Sic & ſanguinem ſiſtit interiorem, & narium, indita: ſic & collutis dentibus prodeſt. Auribus quoque in dolore ſuccus inſunditur, cuſtodito vt diximus modo. E ſylueſtri vero contra tarditatem & ſonitum cum roſaceo, vel cū laureo oleo, aut cumino & melle. Succus & phreneticis ex aceto tritæ inſtillatur in tempora & cerebrū. Adiecerunt aliqui & Serpyllum, & Laurum, illinentes capita & colla. Dederūt & lethargicis ex aceto olfaciendum. Dederunt & comitialibus bibendum decoctæ ſuccum in cyathis quatuor ante acceſſiones, quarum frigus intolerabile eſt. Alſioſiſq; crudam



## P L A N T A R V M · H I S T O R I A E

crudam dari in cibo. Vrinam quoq; vel cruentā pellit. Fœminarum etiam purgationes, secūdāsq; etiā emortuos partus, vt Hippocrati videtur, ex vino dulci nigro pōta. Itaque illitam & vuluarum causa etiā suffire iubet. Diocles & cardiacis imponit ex aceto & melle cum farina hordeacea. Et contra ileum decocta farina in oleo, & velleribus collecta. Multi verò & contra purulētas ex creationes siccæ drachmas duas, sulphuris vnam & dimidiam sumi censent. Et contra cruentas, ramos tres in vino decoctos. Datur & dysentericis cum caseo in vino contrita. Dederūt & cum bitumine infrictam potioni propter anhelitum. Ex alto lapsis seminis tres vncias, ex olei libra, viniq; sextario. Illinitur cum oleo coctis foliis partibus quas frigus adusserit. Si vrinam mouet, vt Hippocrati videtur, mirum est quosdam dare velut inhībentem potui contra incontinentiā vrinę. Psoras & leprās cum melle & alumine illita emēdat. Item vitiligines vel rugas, strumas, & similia, cum hircino & adipe suillo, ac taurino seuo. Item ignem sacrum ex aceto & oleo, vel psimmythio. Carbunculum ex aceto. Nōnulli laserpitiū vnā illini iubent, sine quoq; epinyctidas pustulas purant. Imponūt & mammis turgentibus decoctam, & pituitę eruptionibus cum cera. Testium verò epiphoris cum ramis laureę teneris, adeo peculiari in visceribus his effectu, vt syluestri Ruta cum axungia veteri illitos ramices sanari prodant. Fracta quoque membra semine trito cū cera imposito. Radix Rutę sanguinem oculis suffusum, & in toto corpore cicatrices aut maculas illita emendat. Ex reliquis quoque quę tradūtur, mirum est, cum feruentem Rutę naturam esse cōueniat, fasciculū eius in rosaceo decoctum addita vucia aloës, perunctis sudorem reprimere. Itemq; generationes impediri hoc cibo, ideo profluuij genitali datur, & Venerem crebrò per somnia imaginantibus. Pręcauendum est grauidis, abstineant hoc cibo, necari e-

nim

nim partus inuenio. Eadem ex omnibus satis quadrupedum quoque morbis in maximo vſu eſt, ſiue difficile ſpirantibus, ſiue cōtra maleficorum animalium iſtus, infuſa per nares ex vino: aut ſi ſanguisugam exhauserit, ex aceto, & quocūque in ſimili morborum genere vt in homine temperato.

## EX SIMEONE SETHI.

Incīdit craſſos & tenaces humores, perq̃; vrinam vacuat, & ad inflationes cōducit, appetētiamq̃; Veneris cōpeſcit, ac ſtrenuē exiccat. Ad inflatas aquas inter cutem, & anafarcam, morſus à vipera, ſuccum Papaueris aut aconitum bibentes, colicosq̃; pota & inieſta Traditur quòd comeſta viſum acuet, ob id antiqui pīctores hanc aſſiduē deguſtabant. Nonnulli & ſuccum eius melli cōmiſcentes, medicamentum ad oculorū aciem acuendā conficiūt. Succurrit difficultati vrinæ ſi cum oleo coquatur, & ea veſica foueatur. Item difficulter ſpirantes cum melle data, cōfeſtim iuuat. Lethargicis pota, & per clyſteres inieſta remedium ſit. Inteftina corroborat, non ſolum caliditate, ſed proprietate quadā. Fertur etiā quòd ſi pręgnans mulier ex eius ſucco bibat, abortiat. Et ſi in dies quindecim folia aſſumat, idem facit. Obſtructiones iecoris & lienis tollit. Si ieiunus quiſquā ipſam aſſumpſerit, eò die à veneno non lædetur.

## DE POTENTILLA.

## CAP. CCXXXVII.

## NOMINA.

V O nomine Gręci & Latini hanc herbam  
 Q̃ appellarint, à nullo, quòd ſciam, adhuc pro  
 ditum eſt. Recentiores herbarij Potentillā, *Potentilla.*  
 aliqui ob ſimilitudinem Agrimoniam & Tanacetū *Tanacetū*  
 ſylueſtre nuncupant. Germani, quòd herba illa an- *ſylu ſtre.*  
 ſeres in cibo deleſcēt, *Genſerich* [Galli Tanaiſi ſaul-  
 uage] vocant.

I iij

FORMA.

# PLANTARVM HISTORIAE.

## FORMA.

Herba Eupatorio, quod Agrimoniâ hodie vocât, haud dissimilis. Caules ex vna radice multos profert, humi stratos. Folia Eupatorio similia, supernè viridia, infernè candicantia. Flores luteos singulâri pediculo pendentés. Radicem extrinsecus rufescentem, intus candidam.

## LOCVS.

Nascitur passim circâ semitas & loca aquosa, atq; in fluuiorum ripis ac marginibus.

## TEMPVS.

Aestate floret, quo etiam tempore legi debet.

## TEMPERAMENTVM.

Potentilla  
nō est hu-  
mida.

Quum folia eius & radix adstringât, téperamêto à Pétaphyllo seu Quinquefolio nihil differre videtur. Quare hæc, potissimū autē eius radix, ex tertio ordine desiccatoria est, minimumq; euidentis caliditatis habet. Errât itaq; mirū in modū recētiore, qui hanc humidâ esse statuunt, nulla alia moti ratione, quàm quòd in humidis locis proueniat: quasi verò Nasturtium aquaticum, quèd Sisymbriū cardamine Dioscoridi vocetur, haud obstante quòd in aquosis nascitur, non etiâ in tercio desiccet ordine. Debuisset certè illos ab hac sententia deterrere nō leuis illa adstrictio, quæ certissimus est siccitatis index: adstringentia enim, Galeno libro quarto de simplic. medicament. facult. capite sexto teste, terrena sunt & crassa corporis consistentia, atque adeò sicca.

## VIRES.

Recentiores Potentillâ fluxionibus & puncturis oculorū prodesse, recentia vulnèra glutinare, & exedentia sanare, mulierū menstrua cōpescere, artus & membra cōfirmare, rectè tradunt: nam id ipsum posse, adstrictio, quæ in hac herba haud modica est, abūdè docet. Et cum habeat Quinquefolii téperamêtū, eius etiam facultates obtineat necesse est. Dentium itaque dolorem finit. Exedentia oris vlcera sanat. Dysentēri-

Dysentericis & alui profluuiis, coxendicis articulo-  
rumq̃, doloribus subuenit. Sanguinis eruptiones si-  
stet, aliaq̃ue potest quæ à Dioscoride *Quinquefolio*  
tribuuntur. Quod verò adiiciunt hanc etiam lubri-  
cos exterminare posse, id minus rectè faciunt. Ea si-  
quidem facultas non huic, sed illi inest herbæ quæ  
verè *Tanacetum* dicitur, quæ quidem est tertia, vt  
suo diximus loco, *Artemisiæ* species. Proinde nõ si-  
ne magno errore, *Potentillam* cum ea quæ propriè  
*Tanacetum* vocatur herba confuderunt.

*Herbariū .  
Potentillā  
cū Tanace-  
to cōfuder-  
runt.*

DE PRVNELLA. CAP.  
CCXXXVIII.

NOMINA.

ONDV M nobis constat quo nomine hæc  
N herba veteribus tum Græcis tum Latinis  
appellata sit. Vulgus tamen medicorum &  
herbariorum *Prunellam* nominant. Germani *Bräu-  
nellen* oder *Gotheyl*.

FORMA.

Caules habet in medio striatos, pingues & hirsu-  
tos: folia *Ocimo* similia, coloris herbacei, & acumi-  
nata. Flores in summis caulibus spicatos, Lauandu-  
læ vocatæ herbæ non dissimiles. Radicem tenuem,  
multis capillamentis fibratam.

LOCVS.

Nascitur passim in pratis.

TEMPVS.

Maio & Iuniq̃ mensibus floret.

TEMPERAMENTVM.

Calidam & siccam esse constat, id quod ex gustu  
patet: glutinosa enim admodū & modicè amara est.

VIRES.

Vulnerariam esse herbā euidentissimū est. Succū  
eius cum aceto & rosaceo mixtum, vehemētes capi-  
tis dolores sedare recentiores vno consensu tra-  
dunt, si tempora ex eo inungantur. Aphthas & oris

I iiij      vlcera,

# PLANTARVM HISTORIAE.

ulcera, fauciumque vitia succus eiusdem sanat.

## DE PENTAPHYLLO.

### CAP. CCXXXIX.

#### NOMINA.

*Quinque-  
folium un-  
de dictū.* π *ἑντάφυλλον* Græcis, *Quinquefolium* Latinis  
& officinis, Germanis *Funff fingerkraut* / *oder*  
*Funffblatt* [ Gallis *Quintefueille* ] appellatur.  
Nomen à numero foliorum habet: in vnoquoque e-  
nim pediculo quinque esseprehenduntur.

#### GENERA.

*Maius Pe-  
taphyllū.* Et si Dioscorides vnum duntaxat Pentaphylli ge-  
nus faciat, tamen nos ad nostras respicientes terras  
tria eius genera in vniuersum produximus. Vnum  
quod maius appellauimus, prorsus ad Dioscoridis  
picturam accedens, vt hoc nomine verum esse *Quin-*  
*quefoliū* putemus. Estq; duū generum: vnū quod  
pallidos seu candidos flores obtinet, hinc est quod  
*Quinquefolium* maius candidum appellauerimus,  
Germanicè *grosz Vucisz Funff fingerkraut*. Alterum  
floribus ornatur auri colorem æmulantibus, seu lu-  
teis. Nos vt discernemus à priori, *Quinquefolium*  
maius luteum nominauimus. Dioscorides etiam hæc  
duo genera innuere videtur, cum inquit florem ha-  
*Minus.* bere vel candidum vel auri æmulum. Tertium mi-  
nus diximus, quod priori aut dissimile est, non tamē  
passim vt illud quinq; folia obtinens. Hoc, cum non  
haberemus aliud nomen quo ipsum appellaremus,  
inter *Quinquefolij* genera connumerare placuit. Vi-  
detur verò Hippocrates etiā duo *Quinquefolij* ge-  
nera nouisse, vnum humilius, alterum procerius, vt  
hoc nomine nobis etiam liceat minus & maius sta-  
tuere.

#### FORMA.

Ramulos habet festucarum instar graciles, *ⁱ* odrá-  
tales, & in iis semen. Folia *Menthæ* similia, in singu-  
lis pediculis quina, rarò plura, per ambitum serræ  
modo incisa: florem in candido pallidū, auri em alū.  
P adicem

Radicem subrubram, oblongam, Elleboro nigro crassiorē. Ex qua sanè descriptione omnibus liquet, maius Quinquefolium esse legitimum. Ex una siquidem radice subrubra & oblonga, ramulos profert tenues, ac prorsus festucaceos, & in iis semen, folia Menthæ, quina in singulis pediculis, per ambitum ferræ modo crenata, florem luteum, aut aureum. Quibus accedunt natalis locus (in riguis enim nascitur) & immensa adstringendi facultas: quæ quidem singula verum esse Quinquefolium docent. Adeoq; mirari satis non possum, cur nonnulli adulterina hæc esse Pentaphylla sibi persuaferint.

*Maius  
Quinque  
folium est  
uerū Pentaphyllum.*

## L O C V S.

Prouenit agnoscis locis, & iuxta aquæductus. Interdum etiam in incultis, siccis & arenosis locis.

## T E M P V S.

Floret Maio & Iulio mensibus potissimum.

## T E M P E R A M E N T V M.

Vtriusque certè folia, flores & radices vehementer adstringunt: atque adeo, vt Galenus ait, radix, cuius multus est vsus, ex tertio est ordine desiccantum, minimum habens euidentis caliditatis.

## V I R E S. E X D I O S C O R I D E.

Radicis Quinquefolij decoctum ad tertias depressum deductumue, si in ore retineatur, dentium dolores sedat. Putrescentia oris vlcera collutione sistit. Arteriæ asperitates gargarizatum emendat. Contra alui profluvia, & dysenterias auxiliatur. Item articulorum & coxendicum dolores potum sanat. Cocta in aceto & illita, herpetas cohibet. Strumas discutit, duritias, œdemata, aneurysmata, abscessus, erysipelata, digitorum pterygia, condylomata, scabiesq; sanat. Teneræ radices succus, contra iccinoris pulmonisq; affectiones & venena prodest. Folia cum hydromelite, aut vino diluto, & exiguo pipere, contra febrium circuitus bibuntur: in quartana quidem quaternorum ramulorum folia,

in

## PLANTARVM HISTORIAE.

in tertia verò trium, in quotidiana vnus. Tricenis diebus pota comitali morbo medentur. Succus foliorum per dies aliquot trium cyathorum mensura potus, celeriter regium morbum sanat. Vulneribus ac fistulis cum sale & melle illita medentur. Enterocelicis, id est, intestinorum ramice laborantibus succurrunt. Sanguinis eruptiones potum & illitum *Quinquefolium* sistit. Inciditur ad expiationes lustrationesque, sanguinis profluvia & castimonias.

### EX GALENO.

*Pentaphylli* radix desiccatur vehementer, minimè verò acris est: quare in multo est vsu, velut alia quoque omnia, quæ quum sint tenuium partium, citra morsum desiccant.

### EX PLINIO.

*Quinquefolium* adhibetur purgandis domibus. Struinis medetur, & pectoris vitiis. Idem ischiadicis bibitur & imponitur Fanos sanat. Impositum articulis vtilissimum. Fistulis quæ in omni parte serpunt auxilio est cum sale & melle. Phalangio aduersatur, lichenas emendat. Succus de *Quinquefolio* potus cyathis tribus anginae medetur. Idem iccinoris & pulmonis vitiis, sanguinemque reicientibus, cuiusque sanguinis vitio intus occurrit. Multi supra omnia laudant ad deploratos dysentericos *Quinquefolium*, decoctis in lacte radicibus & potis. Item decoctum ad tertias in vino ictericis dari atque illini vtilissimum est. Eius folia ex aqua comitiales sanant. Item contrita ex vino sumpta triginta diebus in betonicae farinae pondo denariorum tredecim cum aceti scillitici cyatho, comitalibus morbis liberant. Celerrimè succus regio morbo medetur, tribus cyathis cum sale & melle potus. *Quinquefolij* folia quidam terna tertianis dedere, quater terna quartanis, plura cæteris, omnibus obolis tribus cum pipere ex aqua mulsæ.

DE PI.

## DE PISIS. CAP. CCXL.

## NOMINA.

ἰσὸν, ἢ λίκυθος Græcè, Pisum Latinè dicitur.

⚭ Officinis hoc nomine notum. Germanicè

*Erbszoder Erueyssen*, [Gallicè *Pois*.] Sic au-

tem à Pisa loco in quo olim copiosissimè nasceba-

*Pisū qua-*  
*re dictum.*

tur, nominatum est.

## GENERA.

Duo apud nos genera Pisorum reperiuntur. Vnum in aruis caducum, humi serpens, quod genus Germani *Kleinfeld Erueyssen* nominant. Huius, utpote vulgaris, picturam haud damus. Alterum in altum scandit, arboribus aut palis quibus accubet adfixis, quibus sese capreolis vinciens illigat. Hoc Germani *Grosz garten Erueyssen* vocant. Genus hoc pictum exhibemus.

## FORMA.

Caules in terram spargit concauos, ramososque prætenui surculo: folio frequenti præter cæterorū morem longiusculo: flore papilionis forma, circa umbilicum purpureo: filiqua oblonga seu cylindracea: granis rotundis, & ut Plinius lib. xvij. cap. xij. ait, angulos multos inæquales habentibus: radice imbecilla: ut mirari satis non possim, unde plærisque suspicio orta sit, ut Pisum nostrum legitimum esse dubitauerint. Scio autem esse qui legumen hoc quod hodie passim Pisum appellatur, putet esse Cicer arietinum, quod scilicet valuulæ seu filiquæ eius cornu arietini formam habeant. Quorum certè sententiam probare non possum, quod, Plinio teste, Cicer arietinum sic non sit dictum, quia valuulæ effigiem arietini cornu exprimant, sed quia legumen ipsum seu granum Ciceris arietino capiti simile sit. Eam autem formam legumen hoc quod Pisum nominamus non refert.

## LOCVS.

Apricis gaudet locis, frigorū nanq; impatiētissimum



# PLANTARVM HISTORIAE.

simum. Tepidum itaq; locum, & cœlum frequentis humoris desiderat.

## TEMPVS.

Iunio & Iulio mensibus floret, & subinde etiam semina in valvulis profert.

## TEMPERAMENTVM.

Quum Pisum simile quid tota substantia cum faba, vt testatur Galenus, obtineat, necesse est vt non multum à medio temperamento in refrigerando & exiccando recedat.

## VIRE S. EX GALENO.

Simile quid tota substantia cum fabis obtinent Pifa, nec alio quàm illæ modo manduntur. In duobus autem euariant. Non enim similiter ac fabæ inflant, nec abstergendi facultatem habent, ideoq; se-  
gnius quàm illæ per aluum secedunt.

## EX PAVLÒ.

Pisum molle quidem & laxum est, non tamen adeò inflat.

## DE POLYTRICHO APV- LEIANO. CAP. CCXLI. NOMINA.

*Polytri-  
chū Apu-  
leii cur  
dictum.*

ON temerè adiectum est Apuleij, ne sci-  
licet quispiam Dioscoridis & aliorū Græ-  
corum intelllgeret Polytrichon, quod sa-  
nè forma ab eo quod nunc describimus alienissimū  
est. Germanicè à colore aureo quam habet, *Guldiner  
Vuiderthon* vocatur. Officinis incognita est hæc her-  
bo. Polytrichon dicta est à ramulis, qui capillorum  
instar tenues sunt.

## GENERA.

Duo Polythrichi Apuleiani damus genera. Vnū  
maius, alterum minus: neque enim differunt nisi  
sola magnitudine.

## FORMA.

Ramulos habet capillorum instar tenues, colore  
aurum referentes, circumq; hos folia multa capilla-  
cea,

ecce, in summo capitula lentis aquaticæ ferè forma,  
eiusdem cum ramulis coloris.

## LOCVS.

Maius nascitur in pratis humidis & vliginosis.  
Minus in petris ac muris humidis.

## TEMPVS.

Mense Iulio vtrunque reperitur.

## TEMPERAMENTVM.

In caliditate & frigiditate symmetra sunt: desiccant tamen, extenuant & digerunt.

## VIRE S.

Decoctum eorundem in aqua aut lixiuia capillorum radices firmat, ideòque in alopecia caput glabrum capillis vestit. Potum, viscosorum crassorumque è thorace pulmoneq; excreationibus non mediocriter confert: lapides frangit, & vrinas ducit. Morbo regio correptis & lienosis auxiliatur. Strumas discutit, & in summa eadem quæ Adiantum potest. Recentiores superstitione quadam ducti, illis multa ridicula & incredibilia tribuunt.

## DE PERSICARIA.

## CAP. CCXLII.

## NOMINA.

ON clàm me est quàm variè à multis diuina-  
N natū sit, quo nomine Persicaria vocata veteri-  
bus sit. Sed mea quidē sentētia, in vniuersum  
omnes coniecturis vsi non satis firmis, decepti sunt.  
Et ego quidem fateor ingenuè, & ec mihi constare  
num à veteribus descripta sit, tantum abest vt scire  
queam quo illā appellauerint nomine. Vulgus her-  
bariorum vno consensu hodie, quòd folia Persicæ  
habeat, Persicariam nominant. Germani Flohkrut,  
[Galli Curaige.]

*Persicaria*

*Persicaria  
unde dicta*

## FORMA.

Folia Persicæ arboris habet, fusca in medio macula plumbaginèue: caule geniculato, rubente, longo: flore spiceo, primū cædido, dehinc purpureo:  
semine

# PLANTARVM HISTORIAE.

semine minuto, radice lutea, numerosa.

## LOCVS.

In humidis & palustribus locis frequentius pro-  
uenit.

## TEMPVS.

Iulio & Augusto mensibus floribus ornatur.

## TEMPERAMENTVM.

Frigidam & admodum siccam esse gustus abun-  
dè monstrat: mirificè enim gustata adstringit.

## VIRES.

Vulnerariam herbam esse temperamentum eius  
satis docet. Rectè itaque iuniores medici in vulne-  
ribus, & maxime fistulis curandis vtuntur. Vtilis  
haud dubiè in dysenteria, aliisq; malis quæ refrige-  
rationem & adstrictionem requirunt.

## DE PERFOLIATA. CAP.

### CCXLIII.

### NOMINA.

N hæc herba veteribus cognita fuerit Græ-  
cis & Latinis, affirmare certò non possum.

Ego planè Cotyledonem putarem Diosco-  
ridis, nisi radix in diuersam me traheret sententi-  
am, quæ oliuæ instar rotunda nō est. Hodie tamè, quòd  
caulis eius singula folia dissecat atq; penetrat, Per-  
foliata ab omnibus appellatur. Germanicè Durch-  
uuachsz, & Bruchuntz dicitur.

*Perfoliata  
cur dicta.*

### FORMA.

Caulis illi rotundus, rubescens, folia singula pe-  
netrans, quæ Pisorum foliis haud dissimilia sunt, te-  
nuia admodum & glabra. In summo coliculorum  
capitula, & in iis flores lutei, & semina formam ferè  
Tithymalli, quam vulgò Esulam nominant, præ se  
ferentia. Radix candida, fibris capillata.

## LOCVS.

Nascitur in hortis sata, & interdum sua sponte in  
arenosis locis prouenit.

## TEMPVS.

Floret Iulio mense, & subinde semina producit.

TEM,

## TEMPERAMENTVM.

Amara modicè est & adstringit, vt hinc colligi liceat calidam & siccam esse.

## VIRE S.

Vulneribus & vlceribus tam externis quàm internis curandis aptissima est herba: hæc enim glutinat. Valet autè potissimū ad ramices puerorū sanandos. Auxiliatur etiā exulcerationibus & prominentiis vmbilici. Plurimus huius apud chirurgos vsus.

DE PORRO. CAP. CCXLIH  
NOMINA.

ῥάσιν Græcis, Porrum Latinis & officinis, Germanis *Lauch* [ Gallis *Pourceau* ] appellatur. Porrum autem dictū putant, quod porro eat, & longè latèq; grassetur.

*Porru un-*  
*de dictū.*

## GENERA.

Porri duo genera signauit antiquitas. Vnum capitatum, sic nominatū quod eius radix in caput increseat atq; extuberet. Alterum sectium, cui frondens coma super terram eminens aufertur amputaturue. Hoc Germani pulchrè ad nomen Latinum alludentes, *Schnittlauch* nominant, & *Brj/zlauch*.

*Capitatum*  
*Porrum.*  
*Sectium.*

## FORMA.

Capitatum simplici capite ex albæ ceruicis angustis extuberante constat, fronde super terram carinata, & in angulum oblōga. Sectiuo verò caulis est longus, intus cauus, multis in vertice floribus aceruatiim collectis, & in speciem absoluti orbis conglomeratis, id quod in bimo accidit: quod etiam fermentescit, sparlo per eius cacumen semine, & emoritur. Radix candicans, crassa, multis fibris capillata, ac tunicis quibusdam vestita.

## LOCVS.

Læto solo gaudet, odit rigua.

## TEMPVS.

Duodeuigesimo die à satū prorumpit, bimatūque perfert.

TEMPE-

# PLANTARVM HISTORIAE

## TEMPERAMENTVM.

Calefacit & extenuat perinde atq; cepa, vt ex eius facultatibus euidentius innotescet. Simeon Sethi calidum & siccum in secundo facit ordine.

## VIRE. EX DIOSCORIDE.

Porrum capitatum inflationem facit. Noxiū succum creat, difficilia insomnia parit. Vrinam ciet. Aluo accommodum. Extenuat. Oculorum obscuritatem facit. Menses pellit, vesicam exulceratam, renésque lædit. Cum prisana verò coctum & comestū, ea quæ in thorace sunt educit. Coma eius in aqua maris & aceto cocta, in defensionibus ad præclusiones vuluæ & duritias, utilis habetur. Vna & altera aqua coctum, aut aqua frigida maceratū, dulcescit, & multò minus inflat. Semen acrius est, & quandam adstrictoriam vim habet. Quare succus eius cum aceto, addito thure aut manna, sanguinem, maximè è naribus prorumpentem, sistit. Venerem stimulat. Contra omnia thoracis vitia pro delinctu efficax est, & ad tabem comestum. Purgat etiam arteriam. Sed si assiduè estur, visus obscuritatem inducit. Stomacho aduersatur. Succus ex melle potus, contra bestiarum morsus auxilio est. Idem quoque illitus potest. Cum aceto, thure & lacte, aut rosaceo instillatus, aurium doloribus & sonitui prodest. Varos tollunt folia, cum rhoë opsoniorum illita. Epinyctidi medentur. Crustas ex sale illita rumpunt. Veteres sanguinis reiectiones cohibent seminis drachmæ binæ cum æquali baccarum Myrti pondere potæ.

## EX GALENO.

Corpus calefacit, & crassos in eo humores extenuat, glutinososq; incidit. Bis tamen aut ter in aqua decoctum, acrimonia spoliatur: quanquam ne sic quidem vim perdit extenuandi.

## EX AETIO.

Porri capitati acris saporis veluti & cepe sunt,  
cuius

cuius ratione corpus calefaciunt, crassosq; humores attenuant, ac lentos incidunt, vrinam prouocāt, sanguinem purgant. Præstantissimus vsus eorum quibus coquuntur: ita enim acrimoniam deponunt, neque amplius deprauatum succum retinent.

## EX PAULO.

Potrum mali succi est & acre. Vt autem Dioscorides ait, grauiam facit insomnia, aluūque bonam, vrinam cit & extenuat. Habet & abstergerendi vim aliquam, cum ptisana: siquidem coctum, ea quæ in thorace sunt educit. Semen verò eius nephriticis miscetur medicamentis. Folia etiam nonnihil adstringūt, ob eamque causam succus ipsorum sanguinem superprimit.

## EX PLINIO.

Porro sectiuo profluuiam sanguinis sisti in naribus, contrito eo obturatis, vel gallæ mixto, aut menthæ. Item ex abortu profluuiam, poto succo cum lacte mulierum. Tussi etiā veteri, ac pectoris & pulmonis vitiis medetur. Illitis foliis sanantur ambusta, epinyctides: ita vocatur vlceris aciem hebetans, & in angulo oculi perpetim humor emanans. Quidam eodem nomine appellant pustulas luentes, ac noctibus inquietantes. Et alia vlcera cum melle trito. Vel bestiarum morsus ex aceto. Item serpentium. Aurium verò vitia cum felle caprino, vel pari mensura mulsi. Stridores cum lacte mulieris. Capitis dolores si in nares fundatur, dormiturusue in aurem, duobus succi cochlearibus, vno mellis. Succus & ad serpentium scorpionumq; ictus in potu bibitur cum mero, & ad lumborum dolores cum vini hemina potus. Sanguinem verò excreantibus & phthisicis, destillationibus longis, vel succus, vel ex ipso cibo prodest. Item morbo regio, vel hydropicis. Et ad renum dolores, cum ptisanæ succo acetabuli mensura. Idem modus cum melle, vuluas purgat. Tostus verò editur & cō-

# PLANTARVM HISTORIAE.

tra fungorum venena, imponitur & vulneribus. Venerem stimulat, sitim sedat, ebrietatem discutit. Sed oculorum aciem hebetare traditur, inflationē quoque facere, quæ tamen stomacho non noceat, ventremque molliat. Capitato maior est ad eadem effectus. Sanguinem reiicientibus succus eius cum caule aut thuris farina, vel acacia datur. Hippocrates & sine alia mixtura dari iubet, vulvasque contractas aperiri putat. Fœcunditatem etiam fœminarum hoc cibo augeri. Contritū ex melle vlcera purgare. Tussim & destillationes thoracis. Pulmonis & arteriæ sanat vitia, datum in sorbitione ptisanæ: vel crudum, præter capita, sine pane, ita vt alternis diebus sumatur: vel si purulenta excreentur. Sic voci vel Veneri, somnóque multum confert. Capita bis aqua mutata cocta, aluum sistunt, & inflationes veteres. Cortex decoctus illitusque, inficit canos.

## EX SIMEONE SETHI.

Vrinam cit, & mali succi est. Assiduè comestum visus hebetudinem efficit. Difficilia inuehit somnia, & stomacho nocet. Semen genitale calefacit, & capitis dolores excitat. Iecur, renes & vesicâ lædit. Confert ad hæmorrhoidas. Bis verò aqua coctum, & aceto, & garo & oleo, cuminoq; conditum, salubre est iis qui frigido sunt stomacho.

## DE PULMONARIA. CAP.

### CCXLV.

### NOMINA.

T veteribus Græcis & Latinis nominata sit  
V hæc herba, nōdum scire licuit. Hodierni temporis medici & herbarij Pulmonariam vocant, Germani *Lungenkraut*, [Galli *Herbe a Poulmon.*] Sic autem haud dubiè appellari cœpit, quòd pulmonum vitiis, exulcerationibus potissimum eorundē, præsens remedium sit.

*Pulmonaria cur nominata.*

FOR.

## FORMA.

Folia mollia habet, inuicem incumbentia, leniter laciniata, cauis multis prædita, superiore parte viridia, inferiore in luteo albicantia, ac veluti punctis aut pustulis quibusdam notata, atque hoc nomine aliquam pulmonis humani formam referentia: vnde etiam Pulmonariam dictam esse coniicimus.

## LOCVS.

Prouenit in quercu arbore, & saxosis locis.

## TEMPVS.

Tota æstate inuenitur locis iam monstratis.

## TEMPERAMENTVM.

Recentiores frigidam & humidam esse, mea quidem sententia, falso statuunt: admodum enim adstringit, vt hoc nomine idem cum quercu in qua nascitur habeat temperamenutn. Desiccatur itaque & paulò infra media calefacit, in genere eorum quæ tepida sunt.

## VIR ES.

Desiccandi & adstringendi facultatem obtinet, quamobrem vulnera recentia glutinat, potissimum autem pulmonis. Ad incipientes quoque ac crescentes phlegmonas vtilis: nam quæ iam vehemètes sunt, adstringentia respuunt. Confert autem haud dubiè etiam ad muliebri profluuium, & sanguinis expuitiones, & diuturnos alui fluores.

## DE PTARMICE. CAP.

## CCXLVI.

## NOMINA.

τάρμικη Græcis, Sternumentaria Latinis dici potest. Sunt qui syluestre Pyrethrum nomen, quod scilicet Pyrethri modo, quam mitius, linguam vellicet. Atque hinc est quod nonnulli pro vero Pyrethro seducti eius titillante acrimonia, descripserint. Germanis Vuilder Bertram appellari potest. Ptarmice dicta est, quod flores eius naribus obiecti sternutamenta eliciunt.

Sternuta-  
mentaria.  
Syluestre  
Pyrethrum.  
Ptarmice  
cur dicta.



# PLANTARVM HISTORIAE FORMA.

Breuis frutex est, paruis, multis, teretibus, & Abrotono similibus ramulis, circa quos folia multa, oblōga, oleaginis similia. In summo Chamæmeli capitulum, paruum, rotundum, olfactu acre, sternutamentum ciens, vnde nomen inuenit. Hactenus Dioscorides. Quòd si itaq; naturam atque imaginem eius fruticis rectè expendas, vndiquaque ei plantæ cuius picturam damus, hæc descriptio quadrabit. Nam surculis fruticat exiguis, multis, rotundis, Abrotono nō dissimilibus, lentè rufescentibus, qui foliis frequentibus, longiusculis, oleæ similibus, angustis, vtrinque leniter ferratis ambiunt, cacumine Anthemidis umbellam obtinente, quæ acri suo odore nares feriens sternutamentum irritat.

## LOCVS.

Inuenitur sæpius in mōtibus altis & saxosis locis.

## TEMPVS.

Floret æstate: radix eius extremo effoditur autumno.

## TEMPERAMENTVM.

Eius temperies est calida & sicca, viridis etiamnū ordine secundo, siccata tertio.

## VIRE. EX DIOSCORIDE.

Folia cum floribus illita sugillata emendare possunt. Flores sternutamenta efficacissimè mouent.

## EX GALENO.

Ptarmices flores ciendæ sternutationis vim obtinent, vnde & herbæ nomen. Sugillata & reliquas echymoses discutit.

## EX PAVLO.

Ptarmices folia sternutamenta mouent. Totus autem frutex viridis sugillata, liuorésque alios discutit.

DE PY-

## DE PYRETHRO. CAP. CCXLVII.

## NOMINA.

ὑπέρβρον Græcè, Saliuaris Latinè dicitur. Of-  
 π ficinæ Græcam appellationem retinuerūt. *Pyrethrō*  
 Germanicè Bertram, [Gallicè *Pied dalexan-* *cur dictū.*  
*dri, ou pied de lisandre*] nominatur. Pyrethron autem *Saliuaris*  
 à feruido, ac ignis simili, qui in eius radice est sapo- *herba qua*  
 re, Græci dixerunt. Saliuaris verò, quòd mansa vel *re nomi-*  
 ore tantum detenta eius radix, copiosam saliuam e- *nata.*  
 liciat, Romanis appellata est.

## FORMA.

Herba est caulem foliaque syluestris Dauci, &  
 Fœniculi instar proferens. Umbellam Anetho si-  
 milem orbiculatam. Radicem pollicis crassitudine,  
 longam, sapore feruidissimam. Hæc Dioscorides. V-  
 bi nobis monèdus venit lector, Pyrethrū nostri soli  
 nō ex omni parte huic descriptioni respondere. Nō  
 enim umbellā anetho similē, sed anthemidis potius *Pyrethrū*  
 orbiculatū capitulū, quod Ptarmici tribuit Diosco- *nostrum*  
 rides, habere deprehēditur. Cetera omnia ad amuf- *Ptarmices*  
 sim respondent. Siquidem habet Pyrethrum caules *flores obs-*  
 & folia Dauci syluestris & Fœniculi, radicem polli- *tinct.*  
 cis crassitudine, gustus ardentissimi.

## LOCVS.

In Germania nostra, quòd sciam, non nisi planta-  
 tum prouenit.

## TEMPVS.

Floret æstatis maxima parte.

## TEMPERAMENTVM.

Excalfacit & siccatur in tertio ordine, vel vt aliqui  
 putant, in quarto.

## VIRE. EX DIOSCORIDE.

Pituitam elicit radix: ideoq; dentium doloribus  
 decocta in aceto, colluto inde ore, auxiliatur. Man-  
 sa pituitam extrahit. Sudores ciet, inuncta ex oleo.  
 Diuturnis rigoribus efficax. Cōtra refrigeratas par-  
 tes corporis ac resolutas eximiè conducit.

# PLANTARVM HISTORIAE.

## EX GALENO.

Pyrethri radice potissimum vtitur vrentem facultatem obtinente, qua vtique dentium etiam refrigerantium dolores mitigat. Et ad rigores ante circuitum cum oleo infricatur. Ad hæc stupidos & resolutos adiuuat.

## EX PAULO.

Pyrethri radix adurentem potestatem occupat, dentium qui frigori patuerunt dolores lenit. Item ad febrium rigores ante circuitum infricatur cum oleo. Ad hæc iis quorum corpora ex refrigeratione stupent, & resoluta sunt, efficacissimè adhibetur.

## DE PYXO. CAP. CCXLVIII.

### NOMINA.

ῥίξ Græcis, Buxus Latinis, Germanis *Buchsz*  
baum [Gallis *Du Bouys*] dicitur.

### FORMA.

Arbor immortalis coma virens: folio Myrti, exiguo, subrotundo: flore herbaceo: semine rufo & rotundo, omnibus animantibus inuiso.

### LOCVS.

Gaudet frigidis & apricis, plurimaq; vbiq; Buxus

### TEMPVS.

Perpetua fronde viret, neque ei vlllo tempore decidunt folia. Quo nomine potissimum hæc celebrat germanica illa cantilena, eiusdem ac Salicis contentionem continens.

### TEMPERAMENTVM.

Recentiores temperatam eius arboris essentiam esse statuunt, id quod ob multas causas, quas recensere superuacuum est, non videtur verisimile. Haud dubiè verò adstringit, atque adeo exiccat.

### VIRES.

Non admodum magnus Buxi in medicina vsus est. Folia eius in lixiuio decocta rufant, aut flavescere efficiunt capillos. Scobem eius decoctam in aqua alui profluium sanare tradunt. Somnum capere  
sub

sub hac arbore, cerebro vehementer incommodat, quòd eius odor naturæ prorsus aduersetur. Ferunt serpentes vulneratas eius radice degustata, statim sanitatem recuperare.

DE PETASITE. CAP. CCXLIX.  
NOMINA.

*πετασίτης* Græcis, Petasites Latinis appellatur. Officinis penitus ignota. Germanis *Pestilentzuurtz* nominatur, quòd nimirum eius radix præsentaneum sit contra pestilentialia febres remedium. Petasites autem à petaso, pilium significante, dicta est, quòd folium eius pediculo superpositum, petasi modo amplum, vt fungus dependeat.

*Petasites  
quare dicta.*

FORMA.

Pediculus est cubito maior, crassitudine pollicis, in quo petasi figura folium magnum, vt fungus dependet. Ex qua sanè descriptione satis perspicuum fit, herbam cuius picturam damus esse Petasité. Hæc enim statim inter initia Martij, flores suos in albo purpureos, agglomeratos, & botri figuram referentes profert, citra quidem folia, quod Dioscorides omisit. Hi marcescentes sine fructu abeunt ac decidunt. Postea purpureos emittit pediculos, cauos, hirsutos, quibus folia superposita sunt magna, pilei ampli figuram obtinentia, supernè viridia, infernè verò candicantia, quæ in tantam crescunt amplitudinem, vt vnum interdum, orbicularè mensam prorsus tegat. Radix illi crassa & longa, intus candida, vehementer odorata & amara. Quibus accedit, quòd vires huius herbæ à viribus Petasites, vt ex sequentibus patebit, non discrepent: vt hoc nomine nihil euidentius sit, quàm eam herbam esse planè veterum Petasiten.

LOCVS.

Nascitur copiosissimè in pratis humidis & iuxta riuiolos sitis.

K iij

TEM-

# PLANTARVM HISTORIAE.

## TEMPVS.

Initio Martij mensis, vt comprehensum est, floribus suis conspicua est herba, qui Aprili imminente statim citra fructum decidunt. Quo facto folia cum pediculis suis prodeunt.

## TEMPERAMENTVM.

Ex tertio est ordine desiccantium, id quod amaritudo eius, quam gustu deprehendimus, facillè monstrat.

## VIREs. EX DIOSCORIDE.

Facit ad maligna & phagedænica vlcera tritum & illitum.

## EX GALENO.

Ad maligna & phagedænica vlcera, ea vtuntur. Idè etiam de Petasite tradit Paulus.

## APPENDIX.

Experimento comprobatum est radicè hanc mirificè conferre pestilentialibus febribus, quòd sudorem vehementer moueat, si in puluerem redacta cù vino sumatur. Nec minori efficacia bibitur à mulieribus quas vteri tormina & præfocationes exercèt. Valet etiam vnicè ad enecandos lumbricos. Succurrit quoque iis qui spiritus difficultate laborant. Ducit vrinam & menses. Efficax est ad vulnera præhumida, & ad reliquias cutis sceditates. Hæc verò posse, amaritudo eius euidentissimè docet, cuius quidè hæ sunt facultates, vt ex iis quæ sæpe iam diximus, & Galenus lib. iij. de simpl. medica. facult. cap. xvij. fusius docet, manifestum est.

## DE PERICLYMENO.

### CAP. CCL.

### NOMINA.

*Syluæ  
mater.*

*Capricoliū*

*Liliū inter  
spinas.*

περικλύμενον Græcis, Volucrum maius Latinis, Scribonio Largo Syluæ mater, vulgò Caprifolium & Mater sylua, & nonnullis Liliū inter spinas dicitur. Germanis *Geysblatt / Speck*

Speck oder Vualdgilgen / & Zcunling [Gallis cheurei fueille.] Sic sanè dictum, quòd circumuoluendo ad se vicinas arbores aut frutices vocet.

*Periclyma  
non unde  
dictum.*

## FORMA.

Simplex frutex est, ex interuallis folia spargens ipsum amplectētia, subcādida, Hederę similia: flores candidos, Fabę similes, subrotundos, quasi in foliū procumbentes: semen durum, & quod difficilè velli- tur: radicem crassam, rotundam. Ex qua quidem de- scriptione perspicuum fit, fruticem quem pictum ex hibemus esse Periclymenon: siquidem caulibus suis vicina amplectitur, gemina per interualla vmbilica- ta folia habēs, à terra cæsis, supernè herbosis ad He derę similitudinē: flores albos, Fabę non dissimiles, subrotundos, potissimum antequā dehiscant, baccas hederaceas aut Rusci, radicem crassam.

## LOCVS.

Nascitur in aruis ac sepibus, cōuoluens se vicinis fruticibus. Nunc in hortis etiam passim plantatur.

## TEMPVS.

Floret Iunio & Iulio mensibus.

## TEMPERAMENTVM.

Vehementer calefacit & desiccāt, id quod gustū etiam ipso deprehēditur. Folia siquidem acrimoniā quandam præ se ferunt gustata.

## VIRES. EX DIOSCORIDE.

Huius semen postquā maturuit collectum, & in vmbra siccātū, drachmæ pondere datur in vino qua draginta diebus, vt lienē minuat absumātue, & lassī tudinem discutiat. Orthopnœę & singultui prodest. Vrinam cit à sexto die cruentam. Partum accelerat. Habent easdem vires & folia: quæ triginta septem diebus pota, sterilitatem facere produntur. In perio dicis febribus cum oleo inuncta, earum horrores mitigant.

## EX GALENO.

Periclymeni vtilis est tum fructus, tum folia, adeò vehementer

## PLANTARVM HISTORIAE

vehementer incidentis & excalefacientis facultatis, vt si plusculū bibātur, vrinā sanguinolentā efficiāt. Principio quidā vrinā tantūm mouēt: porrò foris cū oleo illita calfaciūt. Iuuāt & lienosos, & difficulter spirantes. Cōpetens potionis mensura est, drachmæ vnius pondus cum vino. Cæterūm desiccāt quoque semen. Et quidā aiunt, si copiosius bibatur, sterilitatē omnino bibentibus afferre. Sunt etiā qui certum dierū numerū ad talem potionem præfiniunt, quē admodum Dioscorides, qui septem & triginta dies eos tradi refert. Hic quoque cruentam vrinam reddi à sexto die memorat.

### EX PLINIO.

Semen eius in vmbra siccātum tunditur, & in paullos digeritur. Hi resoluti dantur in vini albi cyathis tribus, tricenis diebus ad lienem, cumque vrina cruenta, aut per aluum absumit, quod intelligitur à decimo statim die. Vrinā cient & folia decocta, quæ & orthopnoicis prosunt.

### APPENDIX.

Ex iam cōmemoratis facultatibus nemo non intelligit fruticem hunc esse Periclymenon: cū enim gustu acrimoniam præ se ferat, necesse est omnia hæc quæ veteres Periclymeno tribuunt, possit. Quibus accedit, quod recētiore etiam herbarij suo Caprifolio easdem vires assignēt. Exiccare enim ipsum tradunt vlcera humida & sordida, sanare impetigines, & alias cutis scæditates, lienē absumere, difficultati spirandi conferre, partus celeritatem facere, calculos pellere, faciei maculas abstergere, & alia posse quæ non attinet referre.

## DE PYRO. CAP. CCLI.

### NOMINA.

ὑπὸς Græcis, Triticum Latinis dicitur. Officinæ antiquum latinum nomen retinuerūt.  
 π Germanis *Vueyssen* [Gallis *Ble*, ou *Fourmeht*] appellatur.

appellatur. Triticum verò dicitur, quod tritum ex spicis sit, vt autor est Marcus Varro. *Triticū un-  
de dictū.*

## G E N E R A.

Tritici summa genera tria obseruant qui frumen-  
tariæ rei periti sunt. Primum quod Robus dicitur, *Primum.*  
quoniam & pōdere & nitore præstet, Germanis sim-  
pliciter *Vueyssen* nominatur. Secundum trimestre, & *Secūdum.*  
nonnullis Sitanium dicitur. Trimestre quidē, quod  
tertio ferè satum mense maturēscat: id quod tamen  
nostro in orbe non fit, in quo Martio mense satum,  
quinto tandem, hoc est, Iulio mense metitur. Germa-  
nis *Amelkorn* dicitur, haud dubiè non alia ratione, ni-  
si quòd ex hoc genere tritici amyllum optimum cō-  
ficiatur. Eius picturam dare hoc tempore nō potui-  
mus. Tertium genus tritici, nō vndiquaq; notū Ger-  
manis *Vuelfcher Vueyssen* & *Vueyssenkolb* dicitur. *Tertium.*

## F O R M A.

Primum tritici genus culmo est quàm hordeū al-  
tiore, tribus geniculis constante, folio arūdineo, spi-  
ca à foliis remotiore, incondita, & in nullos versus  
disposita. Exteritur in area, vt alia quædam frumen-  
ta. Alterum culmo, geniculis, granisque priori si-  
mile, nec ab eo differt, nisi quòd spicā multis aristis  
vallatam, & in duos versus dispositam obtinet.

Tertium genicula habet quaterna, aliās præce-  
ti per omnia propemodum simile.

## L O C V S.

Passim prouenit Triticū primi & secūdi generis.  
Postremum in Alsatia, & agro Tubingēsi gignitur.

## T E M P V S.

Floret, vt alia ferè omnia frumenta, Iunio mense:  
in Iulio autem metitur.

## T E M P E R A M E N T V M.

Triticū vt medicamētū foris impositū, primi est  
ordinis ex calefaciētū, nō tamē nec resiccare, nec hu-  
meſtare manifestò potest. Porro quod ex eo confi-  
citur amyllum, eo tum frigidius est, tum siccus.

## V I R E S.



# PLANTARVM HISTORIAE.

## VIRE. EX DIOSCORIDE.

Optimum ad secundæ valetudinis vsum Triticū habetur quod recens & iam perfectè adultum, & colorem mālī refert. Crudum in cibis rotundos lūbricos gignit. Canum moribus prodest mansum & illitum. Confectus ex eius similagine panis, plus alit quàm cibarius, quem Græci *συγκομισθῆν* vocāt. E Sitanij farina panis leuiorem cibum præbet, & qui facilè in membra demandetur. Farina eius cum hyoscyami succo illinitur aduersus neruorū fluxiones. Item contra intestinorum inflationes. Létigines ex oxymelite tollit. Furfures autem acri in aceto elixi & calentes illiti, lepras pellunt. Incipientes etiā inflammationes omnes illiti leniunt. In Rutæ verò decocto elixi, mammas turgentes sedant. Viperarum ictibus auxiliantur, & torminosis prosunt. Confectū ex farina triticea fermentum calefaciendi extrahendi quæ vim habet. Priuatim quæ in plantis pedū sunt extenuat. Cætera tubercula, furunculos quæ ex sale concoquit, & aperit. Sitanij farina contra venenatos ictus cum aceto aut vino cōmodè illinitur. Eadē si decocta in glutini modum delingatur, cruenta excreantibus succurrit. Contra tussim & exasperatam arteriam, cum menta & butyro decocta efficax est. Tritici pollen si ex aqua mulsā, aut hydrelæo decoquatur, omnem discutit inflammationem. Panis & cum melicrato coctus & crudus inflammationes omnes illitus mulcet, cū emolliat, & quadantenus refrigeret, mixtus herbis succisque quibusdam. Vetus autem & aridus per se, adiectisque aliis quibusdam, citam aluum cohibet. Recens muria maceratus & illitus, vetustas impetigines sanat. Glutinum ex similagine & polline, quo chartæ glutinantur, sanguinē excreantibus prodest, si liquidius ac tepidum cochlearis mensura detur sorbendum.

## EX GALENO.

Triticum quiddam lentoris, & obstruentis naturæ ha-

ræ habet. Quod verò ex pane fit cataplasma, vim obtinet magis digerentem, quàm quod ex Tritico: nimirum quum & salem & fermentum panis adiuncta habeat: quippe cum fermentum vim habet attrahendi digerendique ea quæ in alto resident. Plura de Tritico petenda erunt ex capite primo, libri primi de alimentorum facultatibus, quo in loco variæ panis species exponuntur.

## EX PLINIO.

Grana Tritici ferro còbusta, iis quæ frigus vsserit præsentaneo sunt remedio. Farina ex aceto cocta, neruorù contractiõibus auxiliatur: cū rosaceo verò & fico sicca myxistque decoctis. Item suppuratis neruis cum hyoscyami succo illinitur. Ex aceto & melle lentigini. Furfures tonsillis faucibusque gargarizatione profunt. Sex. Pompeius prætorij viri pater, Hispaniæ citerioris princeps, quum horreis suis ventilandis præsideret, correptus dolore podagræ, mer sit in Triticum sese super genua, leuatúsque siccatis pedibus mirabili modo, hoc postea remedio vsus est. Vis tanta est, vt cados plenos siccet. Paleam quoque tritici vel hordei calidam imponi ramicum incommodis experti iubent, quaque decoctæ sunt aqua foueri.

## DE POTAMOGETONE.

## CAP. CCLII.

## NOMINA.

σταμόριτον, ἡ σαχύντης Græcè, Fontalis & π Potamogetō Latinis dicitur. Officinis ignota est herba. Germanis Samkraut vocatur. Potamogeton autem quasi fluminibus vicina dicta est: siquidem aquosis & palustribus locis nasci amat. Stachyites verò quasi spicata, ob caulem quæ ex se mittit floribus & semine spicatum.

Potamogeton unde

Stachyites

## FORMA.

Folium Betæ simile habet, densum, & paulū extra aquam eminens. Ex qua quidem breui admodū delineatione

# PLANTARVM HISTORIAE.

delineatione satis intelligi potest, herbam cuius pīcturam damus esse Potamogetona. Caulem nanque rotundum habet, geniculis intersectum, è quibus pediculi exeūt foliis Betæ aut Plantaginis vestiti, paulum supra aquam eminētibus. Flores etiam spicatos, Plantaginis instar, profert, ac subinde semen. Quid multa? folia huius herbæ planè referunt folium Indum vocatum officinis.

## LOCVS.

Nascitur in lacustribus & aquosis locis.

## TEMPVS.

Floribus prægnans est Iulio mense.

## TEMPERAMENTVM.

Refrigerat & exiccat, vt gustus etiam abundè docet.

## VIRES. EX DIOSCORIDE.

Refrigerat & adstringit: pruritibus, vlceribusque vetustis, & iis quæ pascendo serpunt, confert.

## EX GALENO.

Adstringit & refrigerat similiter Polygono, sed essentia eius crassior quàm Polygoni est.

## EX PLINIO.

Potamogetō ex vino dysentericis & cœliacis medetur. Peculiariter refrigerat, spissat. Vfus in foliis, cruribus vitiosis vtilia, & contra vicerum nomas, cū melle vel aceto.

## DE PEDE ANSERINO.

### CAP. CCLIII.

#### NOMINA.

VO nomine veteribus tum Græcis tum Latinis sit appellata hæc planta, nōdum cognoscere potui: quapropter nouā vt illi nomenclaturā inderē necesse fuit. Aliā autē & cōmodiorē non licuit inuenire præter eam, quam alludentes ad germanicam appellationem imposuimus. Nam si folia eius spectes in ambitu lacinia, planè anserini pedis formam ac similitudinem repræsentant. Hinc appositissi-

*Pes anserinus cur dista.*

appositissimè Germanis nostris vocata est *GeszfusZle* oder *GenszfusZle*. Quū verò eadem herba suis inimica admodum sit, atque adeò mortem inferat, factū est vt à mulierculis etiam sit nominata *Scutod* / & *Schuueinsztod*. Et si verò in officinis eius herbę nullus sit vsus, tamē quia passim nascitur, & temerè fortassis à nonnullis vires eius ignorātibus vsurpari posset, eam silentio transire noluius, quò scilicet facultas tam vulgaris herbæ omnibus patefieret.

## F O R M A.

Caulem profert cubitalem, striatum: folia ad *Halicacabi* formam accedentia, in ambitu tamen lacinia, atque adeò anserini pedis speciem referentia: flores exiguos rubētes, semē racematim, veluti in atriplice syluestri, singulis ramis infidēs: radicē obliquam, multasque adnascantias habentem.

## L O C V S.

Passim in hortis, aliisque locis vbi fimum reponitur, nasci solet.

## T E M P V S.

Iunio mense potissimum floret.

## T E M P E R A M E N T V M.

Haud dubiè in secundo refrigerat ordine, non fecus atque *Solanum hortense*.

## V I R E S.

Suis exitium affert herba hæc comesta, id quod experientia cognitum est. In humano corpore idem potest quod *Solanum hortense*. Quare facultates eiusdem suo quæres loco.

## DE PETROSELINO.

## CAP. CCLIIII.

## N O M I N A.

π *ετροσελινον* Græcis, *Apium saxatile* Latinis, & *Petroselinum* appellatur. Germanicè *frembder Peterfilien* [Gallicè *Perfil*, ou *Perfil* *Apium saxatile*]

*Officinariū  
erratum.*

*Persil des Roches & lieux pierreux*] nominari commo-  
dè, ad alterius quod *Orcoselinū* est, vt suo diximus  
loco, differentiam, potest. Officinæ eius herbæ cu-  
ius nunc picturam damus semine pro *Amomo* vtun-  
tur, non tamen sine magno errore, quum cōstet om-  
nibus, modò conferre inter se vtriusq; historiam nō  
pigeat, *Amomum* ab ea herba esse diuersissimū. Nos  
vt tandem sciremus è qua stirpe semen hoc decerpe-  
retur, terræ illud mandauimus, & hæc cuius pictura  
formam ostendit herba erupit, quam nos verum esse  
*Petroselinum*, vt paulò pòst ostendemus, credimus.

F O R M A.

*Dioscori-  
des negli-  
gētie in-  
simulatur.*

*Petroselinum*, inquit *Dioscorides*, semen *Ammi*  
simile obtinet: odoratius tamen, acre, & aroma olēs.  
Breuis quidem delineatio hæc est, atque imperfecta,  
vt nihil mirum sit, nos hætenus quod verum esset  
*Petroselinum* non potuisse cognoscere. Meritò ita-  
que hoc loco, vt compluribus etiam aliis, *Dioscori-*  
*des* negligentia in simulari potest, vt qui mancas ac  
mutilas plerasque posteritati relinquere stirpiū hi-  
storias voluerit. Si verò quispiam paucas etiam has  
notas expendat, haud dubiè herbam hanc cuius pi-  
cturam oculis subiecinus, *Petroselinum* esse compe-  
riet. Semen enim eius *Ammi* tam simile est, vt ab eo  
vix discerni queat: odoratius etiam existit, & acre, ac  
aroma olet. In summa, nulla est nota quæ illi nō re-  
spondeat, vt hoc nomine verum *Petroselinum* esse  
credam. Quinetiam tota eius herbæ forma, quæ non  
multū à nostro & Germanico *Petroselino* abest, atq;  
odor, *Selini* speciem esse docent, vt pro *Petroselino*  
vsurpare hæc ipsam officinæ tutò possint: semen e-  
nim quo hodie vtūtur, nō *Macedonicū Petroselinū*,  
sed *Hipposelinum*, vt suo diximus loco, existit.

L O C V S.

In Macedonia frequēs optimūmq; nascitur, hinc  
*Macedonicum* dicitur: inque saxi & præruptis po-  
tissimum locis, vnde cœpit appellari *Petroselinum*.

Nascitur

Nascitur & aliis in locis, vt lib. i. de antidotis testatur Galenus, at minus laudatum.

## T E M P V S.

Floret Augusto mense, atq; subinde semē profert.

## T E M P E R A M E N T V M.

Petroselinū vt gustu acre est cū amaritudine, sic & in opesibus calidū. Fuerit itaq; & ipsum tertij ordinis tum exalfacientium, tum desiccantium.

## V I R E S. E X D I O S C O R I D E.

Vrinam cit, & mēstrua ducit. Stomachi & coli inflammationibus auxiliatur, & torminibus. Laterum quoque, renum & vesicæ doloribus in potu sumptū succurrit. Miscetur antidotis vrinam cientibus.

## E X G A L E N O.

Petroselini semen maximè vsui est, quum tota etiā herba vnā cum radice similem, sed imbecilliorē facultatem sortiatur. Incidendi etiam vim habet: hinc menses & vrinas largiter prouocat. Flatus quoque extinguit.

## A P P E N D I X.

Sunt qui hanc herbam quam pro Petroselino damus, Sisona esse putent: quorū sententiæ cur nō magnopere repugnem, facit in primis Dioscorides, qui Sisona perinde atque Petroselinum suis notis haud descripsit. Dein quòd viribus nō discrepent, atque adeò in vsu huius aut illius nullū sit periculū. Nos tamen nostram sententiam propter adductas paulò antè rationes deferere, nisi euidentibus conuicti argumentis, non possumus.

## D E R O S A. CCLV.

## N O M I N A.

*Ῥόζα* Græcè, Rosa Latinè, officinis eodem  
 P seruato nomine appellat. Germanicè *Rosen*  
 [Gallicè *Rose*.] Rhodon autem Græcis, Plu Rhodon  
 tarcho autore, nominatur, quòd largū odoris efflu- cur dictū.  
 uium emittat.

## L G E N E.

# PLANTARVM HISTORIAE.

## GENERA.

Theophrastus libro sexto, cap. vi. de plantarū historia, genera rosarum multa esse tradit, quæ foliorū multitudine, paucitate, asperitate, leuitate, colore & odore differūt. Plinius etiam lib. xxj. capite quarto, ex loci diuersitate multa rosarum genera colligit. Nos simpliciter duo duntaxat illarum genera faciemus, syluestres scilicet & domesticas. Syluestres, quæ etiam Caninæ rosæ vocantur, asperiores tum virgis, tum foliis sunt, ac odore, colore, magnitudine à domesticis superantur. Germani *Heydrosen* & *Vuildrosen* vocant. In vtroque verò genere duplices existūt, puniceæ nimirum & candidæ. Nos vtrunque genus vna pictura complexi sumus.

## FORMA.

Vulgò omnibus nota est Rosa. Virgas siquidem fuscis maculis tinctas, & aculeis plenas emittit: folia incisuris diuisa, nigricantia & aspera. Germinat primum inclusa granoso cortice, quo mox intumescente, & in virides alabastros fastigiato, paulatim rubescens dehiscit, ac sese pandit, in calycis medio sui stâtis complexa luteos apices staminâque capillamentis infidētia, quæ propriè flores dicuntur. Syluestris spongiolas etiam producit, quas pleræque officinæ Germaniæ nostræ, non sine detestando errore pro Bedegar vsurpant: fructum quoq; parit rotundum, initio viridem, dein puniceum.

## LOCVS.

Domestica passim in hortis prouenit. Syluestris etiā nusquā nō in campestribus & dumetis nascitur.

## TEMPVS.

Rosa vt nouissima inter vernos flores erumpit, ita etiā statim deficit. Decerpenda itaq; erit Iunio mēse vbi primum erupit, ne mox nusquam compareat.

## TEMPERAMENTVM.

Rosarū vis ex aquea calida substātia duabus aliis qualitatibus, adstringenti videlicet & amaræ mista, compo-

composita est. Flos earū magis etiam ipsīs Rosīs adstringit, ac proinde sanè exiccatorius est.

# VIR ES. EX DIOSCORIDE.

Rosā refrigerat & adstringit, sed sicca magis adstringit. Succus recentibus foliis exprimendus, detracto forfice vngue. Sic appellatur quod cādidū est in folio: reliquū mortariō premi & teri debet in vmbra donec dēfietur, & ita ad oculorū circūlitiones recōdi. Siccātur etiam folia in vmbra crebrō versata, ne mucescāt. Ex aridis rosīs in vino decoctis expressus liquor, ad capitis, oculorū, auriū, gingiuarū, sedis, recti intestini ac vuluæ dolores penna illitus, collutus infususue, cōducit. Eadē sine expressione cōtusa & illita, præcordiorū inflātionibus, stomachi humiditati, & sacris ignibus medētur. Siccæ ac tritæ femoribus insperguntur. Misceri solēt cōpositiōibus quas antheras vocāt, & vulnerariis antidotis. Vrūtur folia ad honestādas palpebras. Flos qui in mediis Rosīs inuenitur siccatus, gingiuarum fluxionibus efficaciter inspergitur. Capita pota, aluum profluentem, & sanguinis reiectiones sistunt.

# EX PLINIO.

Vsus succi ad aures, oris vlcera, gingiuas, tōssillas, gargarizatu: stomachū, vuluas, sedis vitia, capitis dolores. In febre per se, vel cum aceto ad somnos, nau-seas. Folia vruntur in calliblepharū. E siccis fœmina asperguntur. Epiphoras quoque aridas leniūt. Flos somnum facit. Inhibet fluxiōes mulierum, maximè albas, in poscā potus, & sanguinis excreationes. Stomachi quoque dolores, quantum in vini cyathis tribus. Semen his optimū crocinū, nec anniculo vetustius, & in vmbra siccatur. Nigrū inutile. Dentiū doli illinitur. Vrinā ciet. Stomacho imponitur. Item igni sacro non veteri. Naribus subditum caput purgat. Capita pota, sanguinem & ventrem sistunt. Vngues Rosæ epiphoris salubres sunt: vlcera enim oculorum Rosa sordescunt, præterquàm in iitiis



# PLANTARVM HISTORIAE

epiphoræ, ita vt arida cum pane imponatur. Folia quidem vitis stomachi, rosionibus, & vitis ventris, & intestinorum, & præcordiis vtilissima vel illita. Cibo quoque Lapati modo condiuntur. Cauendus quoque in iis situs celeriter insidens Et aridis & expressis aliquis vsus. Diapasmata inde fiunt ad sudores coercendos, ita vt à balneis inarescant corpora, dein frigida abluantur. Syluestris cum adipe vrsino alopecias mirificè emendat.

## EX SIMEONE SETHI.

Odorata calidis capitibus prodest, humida verò offendit, eaq; destillationi obnoxia reddit. Sumpta verò ad febres ex flaua bile procreatas iuuat, & roborat stomachum & iecur. Proprietate autem quadam testes lædit, prohibetque acres exhalationes ne caput ferantur.

## APPENDIX.

Spongiolæ ac fructus Cynorrhodi seu syluestris Rosæ mirificè valent contra calculum, & vrinæ difficultates, si leuigatæ in puluerem exhibeantur.

## DE RAPHANO. CAP. CCLVI. NOMINA.

*αρανος, ἢ ῥαφανίς* Græcis: Raphanus, Radix, P Radicula Latinis [Gallis *Rauē, ou Refort*] dicitur. Hæc autē generis sunt nomina, ideoq; errāt nō pauci nostræ ætatis medici & herbarij, qui Radiculæ nomē ad satiūū dūtaxat Raphanū transferūt. Raphanus autē sibi nomen ἀπὸ τοῦ ῥα φαίνεσθαι, id est, quod faciliè appareat, adsciuit: nam die tertio à satū proflit. Radicis verò nomen sibi arrogauit, quòd ceteras amplitudine corporis superet, vel quā paucissimis magnitudine cedat. Ftenim plærunque in tantam molem coalefcit, vt frigidis locis quibus gaudet, sicut in Germania, Plinio l. b. xix. cap. v. testē, infantium puerorum magnitudinē æquet. Et meminī me supēdē magnitudinis Raphanos Erfordię, Turingiæ celeberrimo oppido, vidisse.

## GENERA.

## G E N E R A.

Raphani Græci duo faciunt genera, fatiui & syluestris. Satiuus officinis hodie peculiariter Raphanus minor dicitur, Germanicè *Retich*. Syluestris Latinis Armoracia appellatur. Germani ad vocē Romanam alludentes, *Merretich* & *Kren* nominant. Noſtri hodie herbarij, ſua potius quàm veterum autoritate freti, Radicem ſimpliciter, generis nomine, vocant. Nonnulli Raphanum maiorem appellāt, propter folia ipſa, quæ fatiui folia magnitudine ſuperant: aut quia acrimonia maiore, aut viribus efficacioribus præditus eſt.

*Raphanus minor*  
*Aarmoracia.*

*Raphanus maior.*

## F O R M A.

Radix fatiua caudice vno aſurgit nonnunquam arboreo, radice ad Rapi ſimilitudinē, foliis lacinia- tis, angulisque horrida: floribus cædidis, & ſemine in ſiliquis. Sylueſtris dicta Armoracia frōde copioſior quàm corpore, folia fatiux ferè ſimilia habet, magis tamen ad Lampſanæ formā accedentia, longa & acuta: radicem gracilem, mollē, Sinapi inſtar acerrimā, adeo vt caput tentet, & lachrymas incitet.

*Satiua radix.*

*Sylueſtris*

## L O C V S.

Raphanus in hortis naſcitur. Amat autem terrā pinguem, Palladio lib. ix. cap. quinto teſte, ſolutam & diu ſubaſtā. Sylueſtris etiam hodie in hortis habetur, ſicq; trāſlatus ad culta, edomita feritate miteſcit meliorque fit. Creſcit aliàs circa margines itin- erum, & loca arenola, inq; pratis nonnunquā ſua ſpōte copioſe prouenit, vt fit in prato ad oppidum Tūbingam ſito, ſacriſcorum vocato.

## T E M P V S.

Cum frigoris patientiſſimus ſit Raphanus, nō ſolum æſtate, verum etiam hyeme colligi poteſt. Eſtq; illius vſus quotidianus. Floret æſtate.

## T E M P E R A M E N T V M.

Raphanis fatiua excalefacit quidem ordine ter- tio, deſiccatur verò ſecundo. Sylueſtris autem in vtro-

L iij que

## PLANTARVM HISTORIAE.

que efficacior est. Quin & semen ipsum planta efficacius est.

### VIRE S. EX DIOSCORIDE.

Raphanus satiuus excalfacit, flatus gignit, ori suauis est, sed stomacho inimicus. Ructus & vrinam cit. Bonam facit aluum. Si quis à cibo ipsum sumpserit, distributioni eius magis conferet. Præsumptus autè, cibum subleuat. Prodest ante cibum datus vomituris. Sensus exacuit. Decoctus contra veterem tussim, & crassitiem in thorace natam prodest. Cortex eius cum oxymelite sumptus maiori efficacia vomitiones citat. Hydropicis vtilis. Illitus lienosis etiam cōfert. Cum melle ea quæ serpendo pascunt sistit. Sugillata tollit. Contra viperarū ictus auxiliatur. Alopecias pilis explet. Lentigines cum farina loliacea exterit. His qui à fungis strangulātur subuenit. Menses trahit. Semen eius vomitum proritat, vrinamque mouet. Cum aceto potum lienem extenuat. Coctū cum oxymelite calido angina laborantibus vtiliter gargarizatur. Contra Ceraſtis morsum ex aceto potum auxilio est. Cum aceto illitum gangrænas efficaciter disrumpit scarificatue. Syluestris tam folia quàm radix olerum modo in cibo coquuntur. Excalfacit autem, vrinam cit, æstuosus est.

### EX GALENO.

Facultas inest Raphano discutiēdi, itaq; ad sugillata, & alios id genus liuores ob eam facultatem cōducit. Radix eius ex eorū numero est quæ opsonij potius quam nutrimenti nomine frequenter comeduntur. Vis illi extenuatoria, cum qua cōspicuè vnà excalfacit: aquis enim in ea qualitas exuperat. Verno tempore caulem in altum assurgentem producere solet, ceu alia quæ nata sunt ex caulescere. Hic elixus estur ex oleo, garo & aceto, vt Rapæ caulis, Sinapi & Lactuæ. Et sanè caulis hic magis quàm crūdus Raphanus nutrit, vt qui acrimoniā in aqua deponat: quanquā minimam sanè & ipse alendi potestatem

statem habeat. Quidam non solum caulem, sed vnâ Raphanos ipsos elixantes comedunt R aparâ modo. Cæterum cum medicos, tum idiotas illos mirari subit, qui à cœna crudos eos concoctionis iuuandæ gratia edunt. Ipsi quidem se experientia id abundè compertum habere dicunt, nullus tamen exemplū illorū sine dāno imitari potuit. Hactenus Galenus, cuius equidē verba eò libētius recitauimus, q̃ vulgi errorē Raphanos à cœna comedentis lepidè notare videātur.

## EX PLINIO.

Raphani decocti mane poti ad ternos cyathos, cōminuunt & eiiciūt calculos. Iidem in posca decocti, cōtra serpentium morsus illinūtur. Ad tussim etiam mane ieiunis prodest Raphanus cū melle. Semen eorum tostum, ipsumque cōmanducatū ad lagonoponon: In aqua foliis eius decoctis, bibere vel succum ipsius cyathis binis, Contrà phlegmoni ipsos illinire tusos vtile. Inchoantibus autem recētem corticem cum melle, veteriosis verò quā acerrimos mandere. Semenque tostū, dein contritū cum melle suspiriosis. Iidē & contra venena profunt. Cæterum ceraſtis, scorpionibus aduersat, vel ipso semine infectis manibus impunè tractātibus. Imposito Raphano scorpionibus, moriūtur. Salutares & cōtra fungorum aut hyoscyami venena æquē, vt Nicander tradit. Et contra ixiā quoq; dari duo Apollodori iubent, sed Citieus semen ex aqua tritum, Tarentinus succū. Lienē itē extenuāt, iecinori profunt & lūborū doloribus. Hydropicis quoq; ex aceto & sinapi sumpti, & lethargicis. Praxagoras & iliosis dandos censet. Plistonius & colicis. Intestinorū vlcera sanant. At purulenta præcordiorū, si cū melle edātur. Quidā ad hæc coquere eos in luto illitos malūt, sic & fœminas purgari. Ex aceto & melle sumpti intestinorū animalia detrahūt. Item ad tertias decocto eorū potō cum vino enterocelis profunt. Sanguinem quoque inutilem sic extrahunt. Medius ad hæc & san-

# PLANTARVM HISTORIAE.

guinem excreantibus coctos dari iubet. Et puerperis ad lactis copiam augendā. Hippocrates capillos mulierū defluos fricari Raphanis, & super vmbilicū imponi, contra tormenta vuluæ. Reducunt & cicatricem ad colorem. Semen quoque ex aqua impositū sistit vlcera quæ phagedænas vocant. Democritus Venerem hoc cibo stimulari putat, ob id fortassis voci nocere aliqui tradiderūt. Folia quæ in oblōgis tantum nascuntur, excitare oculorū aciem dicūtur. Vbi verò acrior Raphani medicina admota sit, Hyssopū dari protinus imperant. Hæc antipathia est. Et aurium grauitati succum Raphani instillant. Nam vomituris, summo cibo esse eos, vtilissimum est. Syluestris vrinæ duntaxat eiiciendæ vtilior.

## DE RIBE. CAP. CCLVII. NOMINA.

*Ribes.* R A E C I S cognitus fuerit nec ne frutex ille, nōdum cōpertū habeo. Mauritanis & officinis hodie Ribes nominatur. Germanis S. Iohansz treublin oder beerlin/quod scilicet circa diuī Ioannis Baptistæ diem fructus eius fruticis ad maturitatem pertingant.

## FORMA.

Frutex est nullis spinis horidus, sed topiarius magis, vitis pusillæ foliis, baccis rubentibus ex pediculis longis dependentibus refertus, vt pictura ipsa abundè docet. Vnde manifestum fit Mauritanorum Ribes à nostro diuersum esse, quod nō vitis, sed lata potius, magna, rotunda & viridia folia habeat. Quanquam non lateat Arabes etiam in Ribes descriptione non admodum concordēs esse.

## LOCVS.

Passim in hortis nascitur, ac eorundem puluinos & areas sepit.

## TEMPVS.

Circa diuī Ioānis Baptistæ natales ferias, & Iulio potissimū

potissimum mense, baccis ac uuis rubentibus frutex ille ornatur.

### TEMPERAMENTVM.

Folia & fructus vehementer adstringūt. Mauritani frigidum & siccum faciunt in secundo ordine.

### VIRES. EX MAVRITANIS.

Baccæ acido sapore placent. Refrigerant æstuatē stomachum: sitim restringunt, quæ cum alios, tum maximè febricitantes ex cruciat. Cibi fastidia discutiunt, & appetentiam inuitant. Fœdam ventris proluuiem cohibent. Vomitiones sistunt, stomachū firman. Alui profluuium quod bilis attulit, retinēt: erosiones & vellicationes eiusdem tollunt. Sanguinis feruorem demulcent, & bilis acrimoniam domant. Sepiasarij succum eius fructus condiunt, ad anni totius vsum, Rob de ribe appellantes.

### DE RHODIA RADICE.

#### CAP. CCLVIII.

#### NOMINA.

*ῥοδία ῥίζα* Græcè, Rhodia radix Latinè nominatur. Officinis ignota, Germanicè *Rosenwurzel* vocatur. Rhodiam autem tā Græci quàm Latini dixerunt, quoniam contrita Rosas redolēt. Quapropter Rosæ, quas Græci *ῥοδία* nominant, non Rhodus insula, vt imperiti putant, huic radici nomen fecerunt.

*Rhodia  
radix cur  
distā.*

#### FORMA.

Radix rhodia Costo similis est, læuior tamen minorisq; ponderis, & inæqualis, odorem Rosarum cū teritur reddens. Reliqua eius facies Telephium refert, nisi quod flore & semine carere videtur, id quod Galenus etiam asserit, & in Corollario suo annotauit Hermolaus. Dioscorides etiam illorum nullam facit mentionem.

#### LOCVS.

Nascitur potissimum in Macedonia. Nūc in multis Germaniæ hortis plantatur.

TEM-

# PLANTARVM HISTORIAE.

## TEMPVS.

Radix autumnò effodienda.

## TEMPERAMENTVM.

Rhodia' radix in calefaciendo secundi ordinis,  
aut certè tertij incipientis.

## VIRES. EX DIOSCORIDE.

Vtilis est capitis doloribus, si madefacta fronti &  
temporibus cum modico rosaceo imponitur.

## EX GALENO.

Tenuium partium, & discutientis est facultatis.

## DE SAMPSVCHO. CAP. CCLIX.

### NOMINA.

*Maiorana* σ *ἀμύχρον, ἢ ἀμάρακον* Græcis: Maiorana,  
Amaracus Latinis: officinæ Latinam appellationem retinuerunt, Germanis *Maioran*,  
vel *Meyran*, [Gallis *Mariolaine*, ou *Marone*] dicitur.  
*Duplex* loqui quæ incundo placet odore. Duplex enim  
*Amaracus* Græcis Amaracus est. Vna quæ Dioscoridi alio nomine Parthenium dicitur, ingrato prorsus & viroso odore prædita, meritòque ea de causa hodie *Cotula* foetida nominata. Altera de qua hic agimus, odorata, quam Sampsuchon Græci priuatim nominant. Id, ne imperitis vox illa πολύσχημος imponeret, monendum esse duximus.

### FORMA.

Herba est Sampsuchum furculosa, per terram serpens: foliis hirsutis & rotundis, Calaminthæ tenuifoliae similibus, admodum odoratis. Hæc delineatio ad amussim herbæ Maioranæ vulgò dictæ fauet: est enim furculis lentè rubentibus, foliis pilosis, & rotundis, incundo odore, semine copioso, quod bulbulis quibusdam continet: flore candido & exiguo. Serpit etiam per terram: verum id non vbique fit, interdum enim rectè surgit in altum.

### LOCVS

## LOCVS.

Passim in hortis & scitilibus vasis prouenit. Gaudet autem locis vmbrosis, aqua & fimo.

## TEMPVS.

Aestate dum floribus pragnans est carpitur.

## TEMPERAMENTVM.

Sampsuchum tenuiū partiū, & digerentis est facultatis: desiccatur enim & calefacit ordine tertio.

## VIRE. EX DIOSCORIDE.

Calefaciendi vim obtinet, & coronamenti apta. Decoctum eius potum, incipienti aquae inter cutem prodest, & iis quos vrinæ difficultas, & tormina discruciant. Arida folia ex melle illita, sugillata tollūt. In pecto subdita menses ducunt. Contra scorpionis ictum ex sale & aceto illinuntur. Luxatis cerato excepta imponuntur. Similiter & oedematis. Aduersus oculorum inflammationes cum polline polentæ illinitur. Miscentur acopis & malagmatis calefaciendi gratia.

## EX PLINIO.

Sampsuchum scorpionibus aduersatur ex aceto & sale illitum. Menstruis quoque multum confert impositum. Minor est eidem poto vis. Cohibet oculorum epiphoras cum polenta. Succus decocti tormina discutit. Vrinis & hydropicis vtile. Mouet & narium sternutamenta. Fit ex eo oleum quod Sampsuchinum vocatur, aut Amaracinum, ad excalfaciendos emolliendosq; neruos. Vuluas calefacit. Et folia sugillatis cum melle, & luxatis cū cera profunt.

*Oleū Amaracinum.*

## DE SPANACHIA. CAP. CCLX.

## NOMINA.

παραχία Græcis recetioribus, Spinacia, vel  
 σ Spinaceū olus Latinis appellari potest. Arabicæ factionis principes Hispanach, hoc est, Hispanicū olus nominant. Germani *Spinet* / oder *Spinnet* [Gallis *des Espinartz*.] Spanachiā haud dubiè ob oleris raritate dixerūt Græci: rarò enī illo utebāt  
 medici

*Spanachia cur dicta.*



# PLANTARVM HISTORIAE.

*Spinacia*  
*unde uoca*  
*ta.*  
*Hispanicū*  
*olus.*

medici, quòd cibo magis forsitan, quàm medicinæ nata esset, nec quicquam illustre sortita. Vel, quòd etiam simile veri est, ab aliis nationibus emendicato spinaceo nomine. Spinacia vulgò dicta est ab insigni feminis spiculatorum nota: etsi enim herba ipsa glabra & mollis sit, semen tamen in spinas occalescit. Hispanicū verò olus nominauere, forsitan quòd inde primum duxerit originem, ad cæteras tandem nationes translata.

## FORMA.

Exit septem diebus à satū, folio primū triangulo, molli, mox intybi, plerunque quā pediculo coheret laciniato, inertī sapore, exigua radice, tenuibus capillamentis fibrata, caule cubitali, nonnunquam altiore, intus cauo: floribus in vertice rotundis, racematim coeuntibus, exiguis: semine spinulis horrido.

## LOCVS.

Nullum solum respuit, sed vbicunque satum fuerit hic lætissimè prouenit.

## TEMPVS.

Seritur Septēbri mense, non horrens hyemis frigora, vt verno tempore cibum suppeditare possit. Martio etiam mense seritur, Iunio autē & Iulio mensibus semen & flores profert.

## TEMPERAMENTVM.

Spanachia primi refrigerantium & humectantiū ordinis est.

## VIRE S.

Aluum emollit. Melius Atriplice suppeditat alimentum, sed aluo parum hærens faciliè exigitur. Flatus colligit, & vomitiones concitat, nisi excrementitius humor abiciatur. Ventrē decoctæ ius proluit. Stomacho inutile. Et cæteras ferè omnes Atriplicis vires sibi fertur arrogasse.

## DE SANICVL A. CAP. CCLXI.

### NOMINA.

**H**ERBA quam omnes hodie Saniculā vocant, à nullo, quòd sciam, veterum descripta est,

est, sed à recentioribus inuenta, vt multæ aliæ vulnerariæ herbæ. Sunt autem qui Diapensiam nominent. Germanis *Sanickel*, [ Gallis *Sanicle* ] dicitur. Nomen Saniculam à sanandis vulneribus traxisse vulgò constat.

*Diapensia*

*Sanicula  
cur dicta.*

### GENERA.

Duûm est generum. Vna quæ propriè appellatur *Sanicula*, ideoq; marem, vt certius esset discrimen, appellauimus Germanicè *Sanickel mennle*. Altera ab omnibus ferè herbariis p speciem Osteritij vulgò vocati habetur, sed falsò, quando neq; in foliis, neq; in radice vlla appareat acrimonia, sed perinde atq; in mare *Sanicula*, amaritudo & adstrictio. Germanis errore etiã quodâ *Die klein Meisteruurtz* nominatur. Nos eandem cum & forma & facultate ad verâ *Saniculam*, quam marem fecimus, proximè accederet, *Saniculam* fœminam nuncupauimus. Germanicè *Sanickle Vucible*.

### FORMA.

*Sanicula* vera, atque adeo mas herba est folio vitis, aut Apij, in quinque partes dissecto, rubentibus in fine sectionum maculis quibusdam: surculis quoque rubris ad radicem, quæ multis ei capillamentis fibrata subest: capitulis in summis coliculis pusillis, herbacei coloris & subnigris, Fœmina quòd ad folia attinet priori similis, rubentibus tamen maculis caret, itemq; rubris ad radicem surculis, quòd in ea hæc singula candida sint. Flores in summo cãdidos, ac subinde semen striatum & oblongum profert.

### LOCVS.

Nascitur in fyluis & vmbrosis locis.

### TEMPVS.

Carpenda cum suis capitulis Maio & Iunio mensibus.

### TEMPERAMENTVM.

Non est simplicis naturæ, sed, vt indicio est gustus, adstringit simul & amara est, vt hoc nomine calesfacto-

# PLANTARVM HISTORIAE.

lesicatoriam & exicatoriam esse nulli dubiū sit. Statuunt autem calidam & siccam ordine secundo.

## V I R E S.

Saniculæ herbæ succum vulneratis in potu mirificè conferre experientia compertum est. Tumores quoque reprimere decoctam herbam impositā, aut eius succum illitum tam in homine quàm in pecoribus constat. Neque enim aliud præsentius est auxilium, cum ad fauces vel pulmones vitium decubuit. Et in summa, omnia quæ Symphyton, præstat etiam Sanicula, Potissimum verò sanguinis spūto, dysenteria, renūque vitiis medetur.

## DE SONCHO. CAP. CCLXII.

### N O M I N A.

ὄγχο Græcè, Sonchus, Cicerbita Latinè dicitur. Sunt qui Lactucellam & Lacteronem appellant, quòd scilicet caulis eius dissectus copioso diffuset lacte. Germanicè *Moszfoder Genszdistel*, [Gallicè *Latteron, ou Palais au lieure*] vocatur.

*Sonchus  
cur dicta.*

Sonchus autem sibi nomen vendicauit ἀπὸ τοῦ ὄνχορ, eò quòd salubrem fundat succum, utpote qui sua torbitione stomachi rosiones leniat, & lactis abundantiam nutricibus sumministret, genitalibusque locis collectione laborantibus præsidio sit.

*Cicerbita.*

cicerbitæ tamen vocabulum, quo omnis Hetruria adhuc vitur, recens esse adiectitiumq; & ex nō multo tempore Dioscoridi accreuisse videtur.

### G E N E R A.

*Sonchus  
aspera.  
Non aspera.*

Sonchi duo sunt genera. Alterum sylvestrius, aculeatius, & nigrius, quod *Genszdistel* Germanicè vocatur. Alterum tenerius esculentumque, ac minus nigrum, Germanis *Hafenkol* dicitur. Et Apuleio *Lactuca leporina*, quòd cum leporem animus defecit æstu, hac sibi herba mederi soleat.

### F O R M A.

Cubitalis & angulosus Soncho caulis est, cauus & aliquando rubescens, & qui fractus copioso lacte manat.

manat. Folia habet per interualla in ambitu scissa. Florem luteū, qui, vt Senecionis, breui digestus abit in pappos, vaneſcitque in lanugines.

## LOCVS.

Vbiq; ferè in maceriis hortorum, potiſſimum autem in vineis Sonchus prouenit.

## TEMPVS.

Floret Iunio & Iulio menſibus Sonchus vterque.

## TEMPERAMENTVM.

Temperamentum eius quodammodo mixtum eſt: conſtat enim ex aquea terreaque eſſentia, vtraque leuiter frigida. Nam & adſtrictionis cuiuſdam eſt particeps. Et ſiue cataplaſmatis in morem imponatur, ſiue edatur, manifeſtè refrigerat. Poſtea verò quàm planè reſiccatus fuerit, terreſtre eius temperamentum redditur, modicam habens caliditatem.

## VIRE. EX DIOSCORIDE.

Vis vtrique Soncho refrigeratoria, modicèq; adſtringens. Proinde ſtomacho æſtuantis & inflammationibus illiti proſunt. Succus eorum in ſorbtione datus ſtomachi roſiones morſusue mitigat, & lactis abundantiam efficit. In lana appoſitus, ſedis ac vuluę inflammationibus opitulatur. Tam herba quàm radix illita ſcorpionum icibus ſubuenit.

## EX GALENO.

Sonchus vbi adoleuerit, ex ſpinofiſ plātis eſt. Ceterum viridis etiam nū & tener eſt ut perinde vt cætera olera ſylueſtria.

## EX PLINIO.

Albus qui è lacte nitor, vtilis orthopnoicis Lactuarum modo. Eraſiſtratus calculos per vrinam peli eo monſtrat, & oris graecolentiam commanducato corrigi. Succus trium \*cyathorum meſura in

\*alijs o  
bolorum.

vino albo & oleo calefactus adiuuat partus, ita vt à potu ambulent grauidę. Datur & in ſorbtione. Ipſe caulis decoctus facit lactis abundantiam nutricibus, colorémq; melioré infantium: vtiliſſimus iis quæ lac

li bi

sibi coire sentiant. Instillatur auribus succus, calidusq; in stranguria bibitur, cyathi mensura: & in stomachi rosionibus cum semine Cucumeris, nucleisque pineis. Illinitur & sedis collectionibus. Bibitur contra serpentes scorpionesq; radix verò illinitur. Eademque decocta in oleo punici mâli calyce, aurium morbis præsidium est. Hæc omnia ex albo. Cleôporus nigro prohibet vesci, vt morbos faciente, de albo consentiens. Agathocles etiam contra sanguinem tauri demonstrat succo eius vti. Refrigeratorium tamen vim esse conuenit nigro, & hac causa imponendum cum polenta. Zeno radice albi stranguriam docet sanari.

DE SERIDE. CAP. CCLXIII.  
NOMINA.

ἑρῖς Græcis, Seris & Intubus Latinis vocatur. [Gallis Chicoree.] Reliqua quæ illi sunt nomina, in generum distinctione mox dicemus.

GENERA.

Serin Græci in duo fastigia partiuntur, in satiuam & syluestrem. Sic & Intubus Latini in duo genera digesserunt, in satiuum & erraticum. Satiuum, qui nō nisi cultu & humana diligentia prouenit. Erraticū verò, qui suæ spontis & liber, sub nulla olitoris lege vagatur & errat, dixerunt. Satiuus Intubus, quem priuatim, Plinio lib. xx. cap. viij. teste, Serin nominarunt veteres, in duas distrahitur species. Vna latiore folio constat, Lactucæ similior. Hæc corrupta ab Intubo voce, In Hetruria passim Endiuia appellatur. Et debet in omnibus pro vera Endiuia usurpari officinis. Nam qua hodie sub hac voce vtūtur, non est vera Endiuia, sed Lactuca syluestris, vt suo diximus loco. Germanicè *Enduien* vocari potest. Altera angustiora folia habet, & subamara est. Hæc diminutiuo à Seris nomine Seriola dicitur, quod Scariola, deinde corrumpentes recentiores Scariolam fecerunt.

runt, Germanicè *Scariol* appellari poterit. Erraticus iterum Intybus in duas species, Plinio loco antea citato autore, degenerat. Vna, quæ Græcis ab insigni amaritudine *ωκυρίς*, ἡ κίχώρα nominatur, Latinis autem Ambubeia. Vulgus herbariorum & officinæ Cichoream vocât, Germani *Vueguarten*, quasi Cichorea. viarum custodem, vel *Vueguucisz*, quòd peregrinis quasi viam indicare videatur. Altera, quæ latiore folio prodit, Plinio Hedypnoïs nominatur, haud dubiè nō alia ratione, nisi quòd suauiter dormire, somnūque irrepere faciat. Vel, si paulò durior hæc vipetur interpretatio, quòd flos eius præter alias Scirides suauiter admodum spiret. Theophrasto libro septimo de platarum historia, capite septimo, & Plinio lib. xxi. cap. xv. Aphaca alio nomine appellatur: diuersa tamen ab ea quam suprâ descripsimus, & quæ aliàs Vitia syluestris dicitur. Vulgò Dēs leonis, quòd folium sinuatim per lacinias denticulatum sit, & Rostrum porcinum nominatur. Officinis nostris, quæ barbaris delectantur vocibus, Taraxacon, aut Altaraxacon dicitur, Germanis *Korkkraut* / *Taraxacō*. *Pfaffenrorlin* / *Pfaffenblatt*.

## F O R M A.

Satiuus Intubus caulem edit magnum, rotundū, striatum, frequentibus furculis brachiatum. Germinat foliati statim à radice venoso. Flos illi in ramusculis cœruleus, & nonnunquam etiam candidus emicat. Prima autem eius species, vt diximus, folio latiore, altero angustiore constat. Erratici Intubi genus primum, quod Cichorium vocant, germinat à radice post Vergilias, folio Betæ laciniato, ferè semper in solo procumbente: caule magno, fistuloso, frāgi contumace, multis ramulis brachiato, ad vinctum quoque lentis: flore cœruleo, interdum albo, particulatim vsq; in autumnū erumpente, qui nubilo etiam die solis exortu panditur, & cum eo circumagitur in occasum, noctu semper compressus, & inter-

M diu

diu hifcens. Hinc panditur rudiffimus quorundam error, qui hâc herbam quâ Germani *Vueguuart* nominant. Heliotropium effe contendunt, cùm tamen primùm folia repugnent, quæ non funt Ocimo fimilia, neque candida, fed nigricantia magis. Deinde non candidum, fed magna ex parte cœruleum floré habet. Radix denique eius, vt Heliotropij, non inutilis, fed, experientia teſte, mirè efficax. Quibus omnibus accedit manifeſta cum aliis ſatiuis intubis fimilitudo, quæ vna ſatis docet Intubum effe ſylueſtre, & non Heliotropium. Vt quorundam temeritatem non ſatis mirari queam, qui contra apertam veritatem, & omnium medicorum conſenſum, ſecus pronunciare audent. Alterû, quod Leonis dens nominatur, foliis multis conſtat, vtrinq; denticulatis, in terra ſeffilibus, cauliculis dodrantalibus, concavis, leuibus & enodibus, flore luteo, ſtipantibus in circulum foliolis coronato, qui ſenſcens euaneſcit in lanuginem, quæ cum aura raptim fertur.

Leonis  
dens.

#### LOCVS.

Satiuus non prouenit niſi in hortis cultu & diligentia humana: haud tamen difficulter vbi ſatus fuerit, emergit. Erratici prima ſpecies paſſim iuxta itinera naſcitur. Altera in hortis, & paſſim ferè etiam ſponte ſua gignitur.

#### TEMPVS.

Satiuus Iunio & Iulio menſibus floret. Cichoriû eodem ferè tempore incipit florere, & in autumnû vſque durat. Hedypnoïdis in Martio erumpunt flores, & in æſtatem vſque perdurant.

#### TEMPERAMENTVM.

Seris olus eſt ſubamarum, & magis quod ſylueſtre eſt, quod ob id ipſum Picrida quidam nuncupant, quidam verò Cichoriam appellant. Eſt autem ea ſiccæ frigidaque temperaturæ, vtrunque ſecundo abſceſſu. Porro domeſtica magis etiam quàm ſylueſtris

stis refrigerat. Sed & humiditatis multæ admistio  
siccitatem extinguit. Vtraque autem adstringentis  
qualitatis particeps est.

### VIRE. EX DIOSCORIDE.

Omnes adstringunt & refrigerant, & stomachum  
adiuuant. Aluum sistunt coctæ, si cum aceto assu-  
mantur. Syluestres autem stomacho meliores. Co-  
mesti imbecillum & æstuantem leniunt. Cardiacis  
per se, aut cum polenta vtiliter illinuntur. Podagris  
& oculorum inflammationibus succurrunt. Herba  
& radix illita, percussis à scorpione subuenit. Igni-  
bus sacris cum polenta medetur. Succus eorum cum  
cerusa & aceto vtiliter iis quæ refrigerationem de-  
siderant inungitur.

### EX PLINIO.

Intubi quoq; non extra remedia sunt. Succus eo-  
rum cum rosaceo & aceto capitis dolores lenit. Idē-  
que cū vino potus, iccinoribus & vesicæ & epipho-  
ris imponitur. Cichoriū refrigerat. In cibo sumptū  
& illitum collectiones, succusq; decocti ventrē sol-  
uit. Iecinori & renibus, & stomacho prodest. Item  
si in aceto decoquatur, vrinæ tormina discutit. Item  
morbum regium è mulso, si sine febre sit. Vesicā ad-  
iuuat. Mulierum purgationibus quidem decoctum  
in aqua adeo prodest, vt emortuos partus trahat.  
Adiiciunt magi, succo totius cum oleo perunctos fa-  
uorabiliore fieri, & quæ velint facilius impetrare.  
Hedypnois stomachum dissolutū adstringit cocta: *Hedypno*  
crudaq; sistit aluum. Et dysentericis prodest magis *idis facul-*  
cum lente. Rupta & conuulsa vtroque genere iunā- *tates.*  
e nr. Item quibus genitura valetudinis morbo efflu-  
at. Seris vtraque stomacho vtilissima, præcipuē  
quem humor vexat. Cum aceto in cibo refrigerant  
vel illitæ, discutiuntq; & alios quàm stomachi. Cū  
polenta syluestriū radices stomachi causa sorbētur,  
& cardiacis illinuntur super sinistrā mammā ex ace-  
to. Omnes hæ & podagricis vtilis, & sanguinē reii-



# PLANTARVM HISTORIAE

cientibus. Item quibus genitura fluit, alterno dierum potu.

## EX SIMEONE SETHI.

Stomacho bonum est Intubum, si cum aceto quis eo vtatur. Postquam decoctum est, aluum sistit. Obstructiones auferendi vim habet, vt nullum aliud oculus. Sanguinis feruorem sedat, & inflammationes iecoris discutit, & ictericos iuuat. Iecur proprietate quadam corroborat. Mediocriter somnum inducit. Tradunt quidam post venæ sectionem, aut cucurbitas, si quis cum aceto vtatur, iecinoris sanitatem conseruare. Veneris appetentiam extinguit, & semē genitale in iis qui frigidam habent temperaturam, minuit. Vtile est ad sanguinis excreationem. Huius etiam decoctum iecinori admodum vtile. Semen febres ex flaua bile ortas iuuat: at lieni nocet.

## DE STAPHYLINO. CAP.

### CCLXIII.

### NOMINA.

ταφυλινος Græcè, Pastinaca Latinè dicitur.

Germanicè Pastiney/oder Pastnachen, [Gallicè Des Pestenades/scu Panetz.] Pastinacæ verò no-

*Pastinaca* men à pascendo dictum videtur: natura enim ei ca-  
*unde dicta* lens, sapor vehemens, alit corpus, & Venerem cit.

### GENERA.

Duplex Pastinacæ genus. Vna enim satiuæ est, quæ iterum duorum est generum. Vnū genus quod vulgò Carota dicitur, Germanicè Zam Pastiney / & rot Ruben. Alterum, quod quidam inter Rapa connumerant. Hiuc est quod Germani Geel Ruben vocant. Syluestris altera, quæ propriè Staphylinus Græcis nominatur, Germanicè autem Vuild Pastiney/oder Vogelneft.

### FORMA.

Folia Gingidij habet Pastinaca syluestris, latiora tamen & subamara. Caulem rectum, asperumque, umbellam Anetho similem obtinentem, in qua flores candidi, exiguum quiddam purpurei in medio habentes,

habentes, & ferè ad croceum accedentis. Radix digiti crassitudine, dodrantalis, odorata, quæ cocta manditur. Hortenses syluestribus per omnia similes sunt, nisi quòd flores in medio purpureum quiddam non habeant, & radix vnus in suprema sui parte purpurea sit, alterius autem magis lutea.

## L O C V S.

Passim circa itinera, loca petrosa, & hortorū mæries sua sponte proueniūt erraticæ. Satiuæ in hortis nascuntur.

## T E M P V S.

Iulio & Augusto mensibus flores & semina Dauco similia producit vtraque.

## T E M P E R A M E N T V M.

Calefacit & abstergit vtraq; magis tamē syluestris.

## V I R E S. E X D I O S C O R I D E.

Erraticæ semen potum aut appositum menses ducit. Vrinæ difficultatibus, hydropicis, & pleuriticis in potu confert. Contra venenatorum morsus & ictus vtile. Ferunt non lædi à venenatis qui id præsumperint. Conceptus adiuuat. Radix ipsa urinam cit, & Venerem stimulat. Fœtus ex utero pellit apposita. Folia trita cum melle imposita vlcera depascentia expurgant. Hortensis Pastinaca cibo aptior est. Ad eadem, sed minori efficacia, prodest.

## E X G A L E N O.

Pastinaca satiuæ imbecillior, syluestris ad omnia potentior. Vrinam mouet, & menses prouocat cum herba quidem tota, tum maximè semen & radix. Habet porro etiam abstersorium in se quippiam: quam obrem pascentia vlcera quidam foliis eius cū melle, quòd pura reddant, illinunt.

## E X P L I N I O.

Pastinacæ erraticæ semen contritum, & in vino potum, tumentem aluum, & suffocationes mulierū doloresq; lenit in tantum vt vuluas corrigat. Illitum quoq; è passo ventri earum prodest. Viris verò cum

M iij panis

panis portione æqua tritum. Ex vino potum contra ventris dolores. Pellit & vrinam, & phagedænas vlcerum sistit recens cum melle impositum. Vel aride farinæ inspersam radicem eius Dicuches contra iecinoris & lienis, ilium, lumborum & renum vitia, ex aqua mulsa dari iubet. Cleophrantus & dysentericis veteribus. Philistion in lacte coquit, & ad stranguariam dat radicis vncias quatuor. Ex aqua hydropicis, similiter & opisthotonicis, & pleuriticis comitia libus. Habentes eam feriri à serpentibus negantur, aut qui ante gustauerint, non lædi. Percussis, imponitur cum axungia. Folia contra cruditates manduntur. Orpheus amatorium inesse Staphylino dixit, fortassis quoniam Venerem stimulari hoc cibo certum est: ideo conceptus adiuuare aliqui prodiderunt. Ad reliqua & satiuæ pollet, efficacior tamen syluestris. Semen satiuæ quoque cōtra scorpionum ictus, ex vino aut posca salutare est. Radice eius circumscalpi dentes, dolore liberantur.

DE STRYCHNO. CAP. CCLXV.

*Halicacabum peregrinum & Stramonia ex horto sancti Germani Pratenfis iam vulgaria multis sunt.*

NOMINA.

- Solanum.*      *σ*      τρύχρος Græcè, Galeno per vnus literæ abiectionem τρύχρος, Solanum Latinè, officinis Solatrum, vulgò Cuculus, Vua lupina,  
*Morella.*      Vua vulpis, Morellaque dicitur. Germanicè *Nachtschatt.* [Gallicè *Morelle.*]

GENERA.

- Solanum hortenfe.*      Quatuor, Dioscoride & Galeno autoribus, Solani sunt genera. Primum hortense dicitur, quod scilicet olim in hortis cum aliis oleribus quæ edendo sunt, seminabatur. Hodie sua sponte, & inuitis cultoribus prouenit. Nigrum alio nomine, à nigris nimirum foliis, aut in extrema maturitate fructu nigro, appellatur. Germanis simpliciter *Nachtschatt.* [Gal-

[Gallis Morelle] vocatur. Secundum, quod pri-  
uatim Halicacabum nominatur. Vescariam quoq;  
vocat à folliculis quos producit, vesicarum in ani-  
mantibus speciem imitantibus, vel quòd vesicæ cal-  
culis medeatur. Officinæ Arabes secutæ, corrupto  
Halicacabi nomine, Alkakengi appellant. Germani  
nostri *Iudenbutlin/oder Docklin/Iudenkirsen/Schlutten/  
Boberellen/Rot Nachtschatten.* [Galli Baganauldes.] Est  
præterea alia Halicacabi species nuperrimè inuen-  
ta, & aliunde in Germaniam allata, cuius nemo an-  
tiquorum scriptorum, quòd sciam, mentionem fecit.  
Nos discriminis gratia Halicacabum peregrinum  
nominauimus. Germanicè *Vuelsch Schlutten* non in-  
eptè nuncupauimus. Tertium Solanum somnifi-  
cum, ab effectu scilicet nominant. Sunt qui Solatrú  
dormitorium vel marinum dicant, quod rupibus  
non longè à mari inueniatur. Quartum Græcis  
*μαυικόν*, hoc est, furiosum nominatur, officinis So-  
latrum mortale.

*Halicaca-  
bum.*

*Vescaria.*

*Alkakēgi*

*Solanū sō-  
nificum*

*Solanum  
furiosum.*

#### FORMA.

Solanum hortense frutex est esculentus, exilis, a-  
las multas habens, folia nigra Ocimo maiora & la-  
tiora, fructum rotundum, viridem, cùm autem ma-  
turuerit nigrū, aut rufum. Flos huic candicat. Ha-  
licacabum foliis priori simile, latioribus tamen. Cau-  
les eius postquam increuerunt in terram inclinant.  
Fructum fert in folliculis rotundis vesicis similibus,  
rufum, rotundum, leuem, vuarum acinis similē, quo  
coronarij vtuntur texentes coronas. Peregrinum  
planta est pergulis operiendis aptissima: latissimè  
enim suis clauiculis sese diffundit. Folia habet ob-  
longa, & laciniata. Flores candidos, vesiculas Hali-  
cacabo similes, in quibus semen includitur pisis aut  
ciceribus simile, in cuius medio effigies veluti cor-  
dis humani insculpta & incisa apparet. Somni-  
ficū frutex est ramos habens multos, densos & ligno-  
sos, difficile fragiles, foliis pinguib. refertos mālī co-

*Hortense.*

*Halicaca-  
bum.*

*Somnificū*

*Furiosum.* tonei similitudine, florem rubrum, grandem. Semen in siliquis croceum. Radicem corticem habentem subrubrum, grandem. Furiosum foliū obtinet Erucae simile, maius tamen, satis ad spinam quam Pæderota vocant accedens. Caules à radice proceros decem aut duodecim emittit, vlnarum cubitorum-ue quatuor altitudine, capitulum effigie oliuæ insidens, sed hirsutum vt Platani pilulæ, maius tamen & latius. Florem nigrum, post hunc fructum racemosum, rotundum, nigrum, denis aut duodenis acinis constantem, Hederæ corymbis similibus, mollibus vt vuæ. Radicem candidam, crassam, cauam, cubitalem. Cæterùm plantatur nunc in hortis Germaniæ herba Italis vocata Stramonia, & pomum spinosum, quam nonnulli inter Solani species numerant, non quòd descriptioni respondeat, sed quòd eius folia opij odorem referre videantur. Quare vt aliis occasionem daremus cogitandi de hac planta, hoc loco eius picturam inserere placuit. Flores huius herbæ suauem Lilij spirant odorem. Videtur viribus parum à posterioribus generibus Solani distare. Germanicè à pomis appellare libuit, *Stechend oder rauh opffelkraut.*

#### LOCVS.

Hortense passim in opacis locis, & semitis obuiū est. Nascitur & in hortis, Halicacabum in vineis copiosissimè prouenit. Somnificum in saxosis nec procul à mari locis producitur. Furiosum in montanis, ac vento perflatis locis, & vbi Platani nascuntur.

#### TEMPVS.

Hortense tota ferè æstate floret, autumnō autem fructus eius maturescit. Halicacabum vesicas illas suas in fine Augusti, & inter initia Septembris mensis colore primum viridi, mox paulatim rubescente profert.

#### TEMPERAMENTVM.

Hortense refrigerat & adstringit in secundo ordine,  
medium

medium autem absolutè in humectando & exiccando, Galeno lib. v. simpl. cap. ix. teste. Idem faciunt Halicacabi folia. Somnificum tertij est refrigerantium ordinis. Manici seu furiosi cortex radicis refrigerat secundo ordine incipiente, & desiccatur in secundo iam completo, & tertio incipiente.

### VIRES. EX DIOSCORIDE.

Hortense refrigerandi facultatem obtinet, quapropter folia ignibus sacris, herpetibus cum farina polentæ illita profunt. Per se autem trita & imposita ægilopas, capitisque dolores sanant. Stomacho æstuanti auxiliantur. Parotidas cum sale trita & illita discutunt. Succus eius valet aduersus ignes sacros, & herpetas, cum cerusa, rosaceo & lithargyro. Ad ægilopas verò cum pane. Infantium quoque ardori, quem syriasin vocant Græci, cū rosaceo perfusus proficit. Miscetur collyriis pro aqua aut ouo contra acres fluxiones ad inunctiones. Aurium dolori instillatus prodest. Muliebria profluua in lana appositus sistit. Succus fuluo gallinarum in domibus oberrantium fimo subactus & linteo appositus ægilopis remedio est. Halicacabū vim vsumque hortensis Solani habet, verum non comeditur. Fructus eius potus, eò quod vrinam mouet, regium morbum expurgat. Vtrorūq; herba exprimitur, & succus siccat in umbra reponitur, ad eadē utilis. Somnifici radicis cortex in vino drachmæ pondere potus, somnificam facultatem obtinet Papaueris succo mitiorem. Fructus vehementer vrinam cit. Corymbi eius ferè duodecim hydropicis dantur. Plures autem poti ecstasin faciunt. Remedio est aqua mulsa copiosa potui data. Succus eius medicamenti dolorem leuātibz & pastillis miscetur. In vino decoctus & in ore retentus dentium doloribus succurrit. Radicis succus cum melle inunctus oculorum hebetudines tollit. Furiosi radix in vino drachmæ vnus pondere pota, nō illepidas neque iniucūdas imagines speciei sue efficit.

# PLANTARVM HISTORIAE.

efficit. Duarum verò drachmarum pondere pota, ad tres vsq; dies ecstasin affert. Quatuor autem drachmæ haustæ interimūt. Remedio est aqua mulsæ maiore copia pota, & vomitione reiecta.

## EX GALENO.

Solanum esculentū quod in hortis nascitur, notū est omnibus, vtunturq; illo ad ea omnia quæ refrigari & adstringi postulant. Cæterorū verò non esculentorum vnum quidem nuncupatur Halicacabum fructum habens rufum, acino vix tum figura, tum magnitudine adsimilem, quo etiam ad coronas vtūtur. Alterū autē fruticosum, quod somnificū, & tertium quod furiosum dicitur. Halicacabum igitur in foliorum facultate hortensi simile est, fructum habens ciendæ vrinæ idoneum: proinde multis compositis facultatibus quæ ad iecur, ad vesicam & renes accommodantur, miscetur. Solani verò somnifici cortex radicis si cum vino bibatur, somnum accersit drachmæ pondere sumptus. Sed & ad cætera Papaueris succo persimilis est, nisi quod eousq; imbecillior est, vt ipse tertij habeatur ordinis refrigerantium, quum hic in quarto sit constitutus. Huius semen vrinam mouendi facultatem habet. Si autem plus duodecim corymbis hauseris, dementiā furiamue adsciscet. Porro quod reliquum est ex dictis Solanis, ad medicationes quæ intrò in corpus adhibētur, iuuile est. Nā si quatuor eius drachmæ sumantur, mortem inferet: si pauciores, insaniam. Vna certè innoxie offertur, cæterum nec ipsa vtile quid obtinet. Verum si foris corpori illinatur, vlcera maligna & depascentia curat. Sed ad talia radicis cortex optimus est.

## EX PLINIO.

Strychno, quam quidā Trychnon scripsere, vtinā nec coronarij in Aegypto vterētur, quos inuitat Hedæ florū similitudo, i duobus eius generibus. Quorum alterum cui acini coccinei, granosi folliculi, Halicacabū vocant. Nostri autem vesicariam, quoniam  
*Vesicaria.* vesicæ

vesicæ & calculis prodest. Frutex est surculo ùs verius quàm herba, folliculis magnis latisq; & turbina-  
tis, grandi intus acino, qui maturefcit Nouëbri men-  
se. Tertio folia sunt Ocimi, minimè diligenter de-  
monstranda. Remedia enim, nō venena tractamus:  
quippe insaniam facit paruo quoq; succo. Quanquā  
& Græci autores in iocum vertère. Drachmæ enim  
pondere lusum pudoris gigni dixerunt, species va-  
nas imaginesq; conspicuas obseruari demonstnan-  
tes. Duplicatum hunc modum, legitimam insaniam  
facere. Quicquid verò adiiciatur ponderi, repræsen-  
tari mortem. Hoc est venenum quod innocentissi-  
mi autores simpliciter Dorycnion appellauere, ab  
eo quòd cuspidēs in præliis tingerentur illo passim  
nascente. Quin & alterum genus soporiferum est,  
atq; etiam opio velocius ad mortem. Laudatum ve-  
rò à Diocle & Euenore: quippe præsentaneum re-  
medium ad dentes mobiles firmandos, si collueren-  
tur: huic tamen exceptionem addidere, ne diutius id  
fieret: delirationem enim gigni eo. Cōmendatur &  
in cibis tertium genus, licet præferatur hortensis sa-  
poribus. Et nihil esse corporis malorum, cui non sa-  
lutare sit Strychnos, Xenocrates prædicat. Somnifi-  
ci radicem bibunt qui sunt vaticinandi callentes,  
quòd furere ad confirmandas superstitiones aspici  
se volūt. Remedio est (id enim libentius retulerim)  
aqua copiosa mulsæ calida potui data. Nec illud præ-  
teribo, aspidum naturæ Solanū somnificum in tan-  
tum aduersum, vt radice eius propius admota sopo-  
rentur, illud sopore enecante vim earum. Ergo trita  
ex oleo percussis auxiliatur.

## APPENDIX.

Quod nos somnificum esse dicimus Solanum, ali-  
qui hortēse non sine maximo errore esse putāt, plu-  
rimumq; suis cōferre, ac easdē à letalibus morbis  
præseruare asserūt. Nos tamen non laboramus ma-  
gnopere quomodo suis succurrat, sed quid ī hoīe  
possit



possit magis consideramus, quum constet pleraque aliis animantibus esse cibum, quæ homini venenum sunt. Experientia verò cognitum est, geminos pueros statim ex esu acinorū huius generis Solani mortuos esse. Quod sanè exemplum nos mouet vt somniferum esse credamus, potissimum cū in vniuersum ferè illi descriptio quadret, vno hoc dempto, quòd semen non habet in siliquis croceum. Sunt autè notæ quædam in hortensis etiam delineatione quæ illi non conueniunt. Neque enim exilis est frutex, sed propemodum arborescens: neque etiam florem candidum, sed spadiceum obtinet. Quòd verò ad flores & fructum attinet, videtur accedere ad historiā Solani furiosi, vt suspicio ferè sit duorum horum generum historias esse confusas: quam quidem auget Theophrastus, qui in eorundem descriptione non nihil à Dioscoride variat. Quicquid verò sit, certum est Solani esse speciem, quod forma ipsa foliorum abundè docet: atque huic vehementem refrigerandi vim, maximè si paulò copiosius sumatur, inesse, vt hoc nomine pro somnifero Solano eius vsus medicis nullo periculo esse queat. Nos vulgi sententiam sequuti, appellauimus *Dolkraut*. Posset etiam Germanicè vocari *Schlaff Nachtschatt*. Sunt qui *Seukraut* nominant. Quòd si tamen hæc nonnullis haud satisfecerint, certè necesse erit Mādragoræ speciē esse fateantur tertiam, quam pingit Theophrastus libro vj. de hist. planta. cap. ij. iis verbis: ἡ δὲ δρις δὲ ὁ καρπὸς τοῦ μανδραγόρος τῷ μέλασι καὶ ῥατώδης καὶ σινώδης εἶναι τῷ χυμῷ, hoc est, fructus Mandragoræ peculiaris, quia niger, acinosusque, & vinosus suo sapore sentitur. Hæ enim omnes notæ in fructu huius fruticis reperiuntur. Sed plura ea de re in capite de Mādragora diximus.

## DE SYMPHYTO MAGNO.

## CAP. CCLXVI.

## NOMINA.

ὁμφύτον, ἢ σύμφυτον μέγα Græcis, Symphy-  
tum & Solidago Latinis, officinis & her-  
bariis Cōsolida maior, Germanis Vualurtz/  
Schuurtzurtz/Schmerurtz/grosse beynur: u[ Gallis de  
la Consyre.] Nomen illi apud Græcos Latinosque e-  
gregia constringendi & conglutinandi vis fecit.

*Symphy-  
tum cur  
dictum.*

## FORMA.

Caulem emitit binūm cubitorum, aut maiorem,  
leuem, crassum, angulosum, Sonchi modo inanem,  
circa quem folia sunt non magnis interuallis distan-  
tia, hirsuta, angusta, oblonga, ad Buglossi foliorum  
figuram accedentia. Habet caulis secundum angulos  
eminentias quasdam productas. Foliū tenue ex sin-  
gulis alis prodit. Flores lutei, & semen Verbasci. To-  
tus verò caulis & folia quandam lanuginem modicè  
asperam, tactu pruritus mouentem, habent. Radi-  
ces in superficie extrinsece nigrae, intus candidae & glu-  
tinosae, quarum est vsus. Hæc siquidem delineatio  
adamussim huic herbæ quæ vulgò Consolida maior  
appellatur, cōpetere videtur, quòd nulla prorsus sit  
nota quæ illi non quadret. Sed obtrudet quispiam,  
florum colorem non respondere, quem Dioscorides  
luteum esse dicit, quum in nostra Cōsolida alius sit.  
Cui ita responsum volo. Coloris ista in floribus di-  
uersitas non tanti momenti est, vt aliud à Consolida  
maiori Symphyton esse, conuincere possit: neque e-  
nim vbique terrarum, etiam earundem herbarū, flo-  
res similes sunt. Exemplo est Buglossum, quod Bo-  
raginem hodie officinæ vocant: hoc enim interdum  
albos, quos nos Norimbergæ & Culmachij sæpe vi-  
dimus: magna autem ex parte purpureos producit  
flores. Sic quoque Symphytum frequenter flore sub-  
rubro, vel leniter purpurascente, vt Onoltzbachij,  
rarius candido conspicitur. Tubingæ tamen omnia  
flore

*Consolida  
maior.  
Obiectio  
diluitur.*

## PLANTARVM HISTORIAE.

flore albo visuntur. Luteis floribus nullum in Germania vidisse me memini. Quod autem alios quàm luteos nonnunquā proferat flores Symphytum, satis docet Apuleius in cōmētariolo illo quem de herbis cōscripsit, qui illius flores nigros esse tradit, subrubros aut subpurpureos haud dubiè innuens. Nos vna pictura utroq; flores exhibemus. Germani candidis floribus Symphytum fœminā, subrubris verò marem appellant. Cæterùm nō est quòd in Symphyti descriptiōe te perturbet aut remoretur, quòd idem caulis simul levis & angulosus dicitur: id enim sic intelligendum venit, quòd caulis non perpetuò levis aut angulosus sit, sed modò hunc, modò illum producat pro soli diuersitate.

### LOCVS.

Locis aquosis, palustribusq; abundè prouenit.

### TEMPVS.

Per integram æstatem floret. Radix tamen in autumno carpenda venit.

### TEMPERAMENTVM.

Modicè, ordine scilicet secundo, calefacit, exiccat & contrahit.

### VIRE S. EX DIOSCORIDE.

Radices tritæ & potæ cruenta expuentibus, ruptisque profunt. Recentia vulnera illitæ glutinant. Carnes si vnà coquantur cogunt. Inflammationibus, sedis potissimum, cum Senecionis foliis vtiliter illinuntur.

### EX GALENO.

Symphytum magnū similem petræo facultatē habet, non tamen gustantibus dulce, neq; odoratibus odoratum apparet, sed iis sanè ab illo diuersum est. Cæterùm quatenus viscositatē quandā & mordacitatem obtinet, Scillæ simile est. Vtitor eo ad omnia quæ petræo. Potest autem petræum collectū in thorace, pulmoneq; pus expurgare. Habet etiam cōtrahendi vim, qua sanguinis eiectionibus auxiliatur.

Entero.

Enterocelū imponitur, & ad conuulsa & rupta cū oxymelite bibitur. In vino decoctum ad dysenteria, & profluuium muliebri rubrum constringendum exhibetur.

## EX PLINIO.

Symphyti radix illita, enterocelas cohibet. Vulneribus sanādis tāta prāstantia est, vt carnes quoq; cū coquuntur, cōglutinet addita, vnde & Gręci nomen imposuere. Ossibus quoque fractis medetur.

## SYMPHYTI PETRAEI VIREs.

Quum Dioscorides & Galenus ad Symphyti facultates lectorem in Symphyti magni historia ablegent remittantq;e, necesse est, vt illas ordine connumeremus more quidem nostro, primum ex Dioscoride, deinde ex Galeno & Plinio.

## EX DIOSCORIDE.

Decoctum in aqua mulsa & potum Symphytum petræū, quæ in pulmone sunt expurgat. Sanguinem reiicientibus & renum doloribus cum aqua datur. Ad dysenteriam & rubra fœminarum profluuia in vino decoctum bibitur. Ad cōuulsa & rupta ex aceto mulso sumitur. Commanducatū sitim arcet. Gutturis asperitatibus prodest. Recentia vulnera glutinat, & intestinorum ramices illitum coërcet. Carnes cū vnā coquitur conglutinat.

## EX GALENO.

Symphytū petræū ex cōtrariis constat facultatibus: habet enim incidendi vim quampiā, qua collectum in thorace & pulmone pus expurgare potest. Habet etiam quādam contrahendi facultatem, qua eiectionibus sanguinis auxiliatur: & tertia ad eas inest humiditas quædā nō immodicē calida, per quam gustantibus dulce apparet, & odoratu iucundum. Mansum sitim extinguit, & arteriæ asperitates sanat. Porro secundum omnium dictarum virium missionē simul digerere abūdē potest, simulq; corpora  
contra-

# PLANTARVM HISTORIAE.

contrahere & constringere. Proinde enteroceliis imponitur, & ad conuulsa & rupta cum oxymelite bibitur. Cæterum qui ipsum in vino decoctum ad dysenteriam, & rubrum muliebri profluuiū exhibent, tanquam desiccante & contrahente vtuntur. Qui vero ad nephritin renūmve dolorem, tanquam expurgante & incidente.

## EX PLINIO.

Vtilissimum lateribus, lienibus, renibus, torminibus pectoris, pulmonibus, sanguinem reiiciētibus, faucibus asperis. Bibitur radix trita, & in vino decocta, & aliquando superlinitur. Quin & commanducata sitim sedat, præcipuēque pulmonem refrigerat. Luxatis quoque imponitur & conuulsis, lienī, interaneis. Alium sistit coacta in cineres. Detractis quoque folliculis trita cum piperis nouem granis, & ex aqua pota. Vulneribus sanandis tanta præstātia est, vt carnes quoque cū coquantur, conglutinet addita, vnde & Græci nomen imposuerūt. Ossibus quoque fractis medetur.

## DE SICY SATIVA.

### CAP. CCLXVII.

#### NOMINA.

*ίκος, καὶ σίκος ἡμῶς* Græcis, Cucumis & Cucumer Latinis dicitur. Officinæ latinam appellationem retinuerunt. Aëtius Angurium etiam vocari tradit. Germani *Cucumern* [Galli *Con-*

*Cucumer*  
*unde di-*  
*ctus.*

*Sicys*  
*Adagium.*  
*Textrices*  
*magna ex*  
*parte im-*  
*pudicæ.*

*combre*] vocant. Cucumer autem, vt Varroni placet, dicitur à curuore, quasi Curuimer. Sicyn verò Græci ex aduerso ἀπὸ τοῦ σείειν καὶ κύνειν, quod scilicet appetentiam concubendi minimè stimulet, nominasse videntur. Hinc celebratum Græcis prouerbiū est, vt ex Athenæo annotauit Hermolaus: Texens pallium mulier cucumerem deuoret, quod textrices magna ex parte, si Aristoteli credimus, impudicæ sint, & opportunæ Veneri. Vt ergo iis impetus infrenetur

frenetur & elanguescat, adagiū edendos cucumeres  
textricibus consulebat.

### GENERA.

Cucumerū genera sunt Pepones & Melopepones *Pepones.*  
in quos statim degenerant, figura tātū & quantita *Melo-*  
te inter se dissidentes. Siquidē qui magnitudine ex- *pones.*  
cedunt, aut in longitudinem procedunt, quales mul-  
tis locis nascuntur, Pepones quōdam vocati fuerūt.  
Sed qui formam & effigiem mālī referūt, & humi ro-  
tundantur, Melopepones Græcis vocantur, factō ex  
Pepone & mālō nomine: neque inter Pepones &  
Melopepones aliud quā quod sumitur ex figura  
quondam, vt diximus, discrimen fuit. Torū hoc ge-  
nus Palladius Melones, quasi *μέλωνας*, idest, pome- *Melones*  
os, à mālōrum figura appellauit, quo nomine maior *cur disti.*  
pars hodie medicorum simul cum officinis vtitur.  
Sunt itaque in vniuersum tria Cucumerum fatiuo-  
rum genera. Primum genus absolutē Cucumis, à *Cucumis.*  
nostræ ætatis herbariis, cum adiectione Cucumis ci-  
trinus, hoc est, flauus, à colore quem habet cū ma-  
turuerit, appellatur. Aëtius, quod equidem sciam,  
primus Anguria vocari tradit, quæ veteribus *σίικνα*, *Anguria*  
id est, Cucumeres nominantur. Horum sanè plura  
sunt genera, nos quatuor potiora cōmemorabimus,  
quorum etiā pīcturas exhibemus. Primi generis  
est vulgaris Cucumer, fructū obtinēs oblongū & ma-  
culosum, Germanicè vocatur *gemeyn Cucumern*. Sunt  
qui illum priuatim Anguriam appellent. Ad quod  
sanè nomen alludentes Germani nostri, alio nomi-  
ne *Gurchen* nominant. Alterius generis Cucumer  
est peregrinus, quem vulgus Turcicum nuncupat,  
priori multò maior ac procerior foliis, floribus &  
fructu, qui vt in primo non est maculosus, sed tamē  
oblongus etiā. Germani *Turckisch Cucumern* appel-  
lant. Fructus eius admodum flauus existit, hinc est *Citreoli*  
quod multi eūdem priuatim Citrulum & Citreolū, *aut Citru-*  
quasi citrinū, hoc est, flauum vocent. Huius semina *li.*

N alba

alba & lata sunt. Tertij generis Cucumer est quæ  
 marinus dicitur, Turcico, quod ad folia, flores & se-  
 mina attinet, ferè similis, nisi quod in hoc omnia sint  
 minora. Fructus verò rotundus, vt pictura monstrat.  
 Vulgus Zucco marin vocat. Germani *meer Cucumer*.  
 Officinis perinde atque Turcicus ignotus. Quarti  
 generis Cucumer est, quam officinæ hodie Citrulū  
 vocant. Folia habet ferè Colocynthidis, multifariā  
 dissecta & incisa: fructum rotundum, herbacei colo-  
 ris, & in eo semina lata, & colore spadicea, hoc est, in  
 rufo atra. Nos officinas respicientes nominauimus  
 hunc Cucumerem citrulū, Germanicè *Citriullen*. Alte-  
 rum genus Cucumeris est, qui nunc simpliciter Pe-  
 po, ἀπὸ τοῦ πεπαινέσθαι, hoc est, maturescere dici-  
 tur. Is enim mitis ac tener maturitate flaccescit. Ger-  
 mani *Pfeben* appellant. Tertiū genus Cucumeris  
 hodie Melon ab omnibus vocatur, Germani *Melaun*  
 nominant. A priore forma & suauitate differt: rotun-  
 dior siquidem & mālī cotonei quasi formā referens,  
 mitiorq; existit. Discrimen hoc sentiētes posteriores  
 Græci σίκυρ simpliciter dixerunt, quem nos priua-  
 tim modò Cucumerem vocamus. Adiecta autem Pe-  
 ponis voce, hunc quem nostra ætas priuatim Pepo-  
 nem nominat, σίκυρ πείπονα, id est, Cucumerem Pe-  
 ponem dixerunt, mitem scilicet & maturitate tene-  
 rum Cucumim innuētes. Sub quo eum etiam, quem  
 à tereti ac rotunda mālī effigie μάλωνα peculiariter  
 dixerunt, complexi sunt.

## FORMA.

*Cucumis.* Cucumis sarmentis viticulisque prælongis serpit,  
 in ramosque vitis modo se diffundit, tamen ob cau-  
 lis infirmitatem humi spargitur, ni propius adsit cui  
 caducus incumbat: folio anguloso, flore luteo, fru-  
 ctu cartilagineo, & interdum maculoso, coloris tum  
 herbacei, tum citrini, tum nigri. Pepo vite serpit præ-  
 longa, flagellis vltro citroq; reptantibus, vitigineis  
 ferè frondibus, scabris, flore luteo, fructu cartilagi-  
 neo, or-

neo, orbiculatim striato, prominulis puluinorum toris, frigidibus in vertice pomi & vmbilico coëuntibus, ibidémque stellatim decussatis, cute aspera velut lentiginibus occupata, carne intus suauis, seminibus in vtero liratim digestis.

## LOCVS.

Pingui gaudet solo, locisque apricis vberior prouenit Cucumis. Nascuntur & pepones bene cultis locis, eoque latius si subinde rigentur. Amant tamé aprica loca, & sole irradiata: ideoque cum annus est pluuiosus & nubilus, non æquè ut in siccis annis proueniunt. Libertate etiam gaudent, qua possint vltro vagari. Magna copia Peponum & Melonum apud Norimbergam, celeberrimū Germaniæ nostræ oppidum, prouenit.

## TEMPVS.

Aestatis fine, Iulio potissimū mēse, maturescūt. Citius tamé Melones quā priuatim Cucumeres dicti.

## TEMPERAMENTVM.

In Cucumeribus superat humida & frigida temperies, non tamen vehementer, sed quasi in secundo censetur ordine. Attamen si quis aut semen aut radicem arefaciat, haud etiam humidæ fuerit nature, sed iam desiccantis, idque in primo quodammodo ordine, aut in secundo incipiente.

## VIRE. EX DIOSCORIDE.

Satius Cucumis bonam facit aluum, stomachoque accommodatus est. Refrigerat, nec corruptionem sentit. Prodest vesicæ. Olfactu animo deficientes restituit. Semen eius mediocriter urinam cit. Cum lacte aut passo vesicæ exulcerationibus subuenit. Folia eius cum vino illita, morsus canum sanāt, cū melle verò epynictidas. Peponis autē caro comesta urinā cit. Inflammationes oculorum illita sedat. Superior eius cortex cōtra adustionē infantiū, quam siriāsin vocant, syncipiti imponitur. Fronti ut oculorū fluxiōes auertat, imponitur. Mixtus farinæ, & cū

N ij semine



## PLANTARVM HISTORIAE

semine in sole siccatus succus, smegma fit ad extergēdam cutem, & nitorem in facie conciliandum. Radix sicca, & cum hydromelite drachmæ pondere posita, vomitiones mouet. Quòd si quis modicè à cœna vomere cupiat, gemini oboli satiserunt. Sanat & vlcera in modum faui cōcreta, ceria vocant, cum melle illita.

### EX GALENO.

Cucumis esculentus maturus quidem tenuioris essentiae est, qui verò immaturus est, crassioris. Sed & abstergerendi & incidēdi facultate participant, quare & vrinam mouent, & corpus splendidum reddūt: at magis si quis semine arefacto contusoq; atq; cribrato, vice pulueris absterforij vtatur. In semine & radice maior abstergerendi facultas, quàm in fructus ipsius carne. Vniuersa Peponū natura frigidior cum larga humiditate existit. Habent & quandā abstergēdi vim, ideoq; vrinam ciēt, & deorsum expeditius quàm Cucurbita & Melopepones rapiuntur. Quòd porrò abstergāt, discere licet sordidam cutem defricando. Quamobrem maculas etiam solis calore factas, & lenticulas faciem occupantes, & in superficie albos extergere possunt. Semen quod in eorum veluti carne cōtinetur, ad hoc efficacius, adeò vt renibus etiam calculo infestatis sit accommodatum. Gignit in corpore vitiosum succum, potissimum quando non rectè concoquitur. Tum verò morbum etiā qui cholera dicitur, inducere consuevit. Etenim priusquam ad corruptionē peruenit, vomitioni quoque idoneus est: largiusq; ingestus, nisi quis aliquid eorum quæ boni sunt succi supermandet, omnino vomitum concitabit. Melopepones minus humidi quàm Pepones sunt, nec adeò prauis succi, segnius item prouocant vrinā, tardiusq; deorsum descēdūt. Ad vomitū excitandū non eandem vim Pepónibus obtinent, sicut nec celeriter in ventriculo, quādo illic prauus humor coaceruatur, aut alia corruptionis causa

causa illum infestauerit, corrumpuntur. Ventriculo haudquaquam ceu Pepones officiunt. Cucumeres autem vrinam mouendi facultatem, perinde atque Pepones habent, sed imbecilliores: minus nanque substantia humidi, ideoq; non facile, vt illi, in ventriculo corrumpuntur. Inuenias qui hos ceu alia multa, quæ bonæ hominum parti concoqui non possunt, cōficiant, ob totius scilicet naturæ cum eis proprietatē.

## EX PLINIO.

Pepones qui vocantur, refrigerant, maximè in cibo, & emolliunt aluum. Caro eorum epiphoris oculorum, aut doloribus imponitur. Radix sanat vlcera concreta in modum faui, quæ ceria vocant. Eadem contra vomitiões siccatur, in farina tusa datur, quatuor obolis in aqua malsa, ita vt qui biberit, quingētos postea passus ambulet. Hæc farina & in smegmata adiicitur. Cortex quoque vomitionem mouet, faciem purgat. Hoc & folia cuiuscunque satiui illita. Eadem cum melle epinyctidas sanant: cum vino canis morsus. Cucumis odore defectum animi.

## EX SIMEONE SETHI.

Anguria, quæ Cucumeres dicuntur, secundum verò cōmunem sermonem Tetrangura, ob frigidū & humidum temperamentum noxia sunt, & mali succi. Ex iis autē parua magnis anteferre oportet. Hæc vrinā ducunt, & si in aceto macerentur, in acutis præsertim febribus, mitiorem calorem reddūt. Crebrior verò horū vsus semen genitale minuit, in Venerēque impetum aufert. Semen autem horum desiccatum, caliditatem quandam possidet, contrariāque his actionem efficit, vrinamque magis prouocat. Pituitam glutinosam Tetrāgura in ventriculo gignūt, quæ cruda per venas diffunditur. Propterea qui his crebrius vtuntur, illi propter humores temporis spatium in venis, & aliis corporis cavitatibus coactos, longis corripiuntur febribus. Semen verò horum vrinam cit, sed minus quàm Peponū, quoniam celerius

N iij

in ven-

# PLANTARVM HISTORIAE.

in ventriculo corrumpuntur. Meliora in his sunt quæ habent semen exiguum. Calidos autem & siccos stomachos iuuant, & si in ardente febre cum aceto porrigantur, valde prosunt. Proprium verò horum est nauseas ventriculi calore excitatas, sedare. Horum autem interiora esse oportet: nam quæ foris sunt, mali succi existunt, & difficulter admodum concoquuntur, & ferè venenata. Habent verò & alias proprietates, ut animo deficientes propter excessentem calorem reficiant. Si autem pituitam in ventriculo nascantur, nauseas faciunt, & colicos affectus, & hypochondriacas passiones.

## DE SICY SYLVESTRI.

### CAP. CCLXVIII.

#### NOMINA.

*Cucumis anguinus.* **Z** *ίνος ἄεργιος*, ἢ ἐλαττίριον, sic autè propriè vocatur succus eius Græcis, Cucumis anguinus, sylvestris & erraticus Latinis, officinæ & barbaris Cucumer asininus, germanis *Vuild Cucumer* vel *esels Cucumer* [Gallis *Côcombe sauvage*] appellatur.

#### FORMA.

Solo fructu à satiuo Cucumere distat, quem multo minorem habet, glandibusque longiusculis similem. Folia & sarmenta satiuo similia. Radicem albâ & magnam. Totus frutex amarus.

#### LOCVS.

Ruderibus sabulosisque locis prouenit. Nusquâ tamen in Germania, quod sciam, nisi satus nascitur.

#### TEMPVS.

Augusto mense fleret, atque subinde autumno fructum tæpestiuum producit, qui seminibus ac succo plenus est, qui decerpto pediculo confestim exilire solet.

#### TEMPERAMENTVM.

Calidus & siccus est Cucumis sylvestris, ut ex viribus latius patebit.

#### VIRE. EX DIOSCORIDE.

Foliorum succus instillatus aurium dolori cõuenit,

nit. Illita ex polēta radix omne vetus œdema discutit. Imposita cum resina terebinthina, tubercula rūpit. Decocta ex aceto & illita podagras discutit. Ichthiadicis infunditur eius decoctum, eoq; in dolore dentes colluuntur. Arida trita, alphos, lepras & impetiginē abstergit. Cicatrices nigras, & in facie maculas expurgat: Radicis succus sesquiboli pōdere, & item cortex acetabuli quarta parte, bilē pituitāque deiiciunt, præsertim in hydropicis. Purgat verò citra stomachi iniuriam. Radicis selibram accipere oportet, inq; duobus vini, præsertim Libyci, sextariis conterere, ac dandi ex eo terni cyathi, donec tumor abundē subsederit. Quod verò Elaterium vocatur, ex fructu huiusce Cucumeris paratur ad hunc modum. Eligito Cucumeres qui tacti saliendo succum ex se profundunt, ac nocte vna repositos dimitte. Postridie cribrum rarius neque crebra foramina habens crateri superposito, supinoq; cultro sursum versus aciem habente sigillatim Cucumeres vtriusq; manibus prehensens diuidito, & per cribrū in subiectum craterem humorem exprimito, simulque carnosum in eis quod iam cribro adhæret exprimito, vt & illud descendat. Quæ expressa sunt in paratam peluim cōiicito. Coaceruatis autem in cribro quæ antea dissecta fuerunt, ea dulci aqua perfundito, & cum expresseris abiicito. Humore in pelui agitato & linteo opertum, soli exponito, dumq; steterit totā supernatantē aquam, cum humore concreto, percolato. Facitēque id sæpius donec supernataus aqua subsidat, quam cū diligenter excolaueris, coniectum in mortarium sedimentum terito, & in pastillos conformato. Elaterium verò à bimatu ad decennium purgatiōibus vtile. Integra quātitas obolus est, minima semiobolus, pueris chalci duo. Copiosius enim potū, periculū adfert. Pituitā & bilē per inferna pariter & superna trahit. Optima autē per ipsum difficulter spirantibus fit purgatio. Quod si itaque

*Elaterii  
confectio.*

*Vires Elaterii.*

N ii.) in ani-

# PLANTARVM HISTORIAE.

in animo est per aluū purgare, adiecto salis duplo, & stibij quod colorari sufficiat, ex aqua catapotia erui magnitudine dato. Postea cyathus vnus aquæ repidæ sorbeatur. Ad citandas verò vomitiones aqua diluens Elaterium, subiectas linguæ partes penitissimè penna oblinito. Quòd si quispiā difficilius vomat, oleo aut vngucto irino diluito. Somnum inhibeto. Porrò iis qui supra modum purgantur, vinū cum oleo mixtum continuò dare conuenit: etenim vomendo emendantur. Quòd si vomitiones non finiantur, aqua frigida, polenta, posca, poma, & quæ stomachum densare possunt offerēda sunt. Ciet Elaterium menses. Fœtus enecat in passo subditū. Morbo regio medetur, cum lacte naribus infusum. Diuturnos capitis dolores finit. Efficaciter angina laborantibus inungitur, cum vetere oleo, melle, aut felle taurino.

## EX GALENO.

Cucumeris syluestris, & fructus ipsius succus, quē Elaterium vocant, & nō minimè radices ac foliorū, ad medicationes perutilis est. Elaterium itaq; menses ciet, & fœtum interimit appositum, ceu alia omnia amara & subtilium partium, maximè si aliquam habeant caliditatem, veluti Elaterium. Sūmè siquidem amarum est, leuiter calidum, vt ex secundo sit ordine calefacientium. Porrò tale protinus quoque digerendi vim obtinet. Sic igitur eo angina laborantes inungunt quidam cum melle, aut oleo vetere. Bonum item est regio morbo affectis fusum cum lacte in nares. Hoc etiam vsu dolores capitis sanat. Atque Elaterium quidem eiusmodi est. At radices succus, vt & foliorum, licet similem vim habeat, imbecilliorē tamen. Sed & ipsa radix ad similem facultatem possidet, abstergit nanque, digerit atque emollit. Porrò cortex eo potentius desiccat.

## EX PLINIO.

Ex Cucumere syluestri fit medicamentū q̄ vocatur

tur Elaterium, succo expresso è fructu. Cuius causa nisi maturius incidatur, succus exilit, oculorum etiã periculo. Obscuritates & vitia oculorum sanat, genarumq; vlcera. Tradunt hoc succo tactis radicibus vitium, non attingi vuas ab auibus. Radix autem ex aceto cocta podagris illinitur, succoq; dentium dolori medetur, Arida cum resina impetiginem & scabiem, quam pforam & lichenas vocant. Parotidas & panos sanat, cicatricibus colorem reddit. Et foliorũ succus auribus surdis cum aceto instillatur. Nullum ex medicamentis Elaterio longiore auo durat. Incipit à trimatu. Melius autẽ quo vetustius erit, quod iam ducentis annis seruatum esse, autor est Theophrastus. Et vsque ad quinquagesimum lucernarum lumina extinguit. Hoc enim veri experimẽtum est, si admotum prius quàm extinguat, scintillare fursũ ac deorsum cogat. Efficax est contra scorpionum ictu Elaterium, & ad purgandum vterum, aluumq;. Modus portione virium à dimidio obolo ad solidũ. Copiosius necat. Sic & contra phthiriasin bibitur & hydropises. Illitum, anguinas & arterias cũ melle, & oleo vetere sanat.

## DE SMILACE HORTENSI.

## CAP. CCLXIX.

## NOMINA.

Σ *μίλαξ κισαία* Græcè, Smilax hortensis Latinè, Officinis inusitata: recentiores Græci ac herbarij, & qui Arabum, præsertim Serapionis & Auicennæ, sectantur placita, Phasiolos vel Faseolos. Galenus & alij veteres Græci Dolichos *Phasioli.* appellant. Germani *Faselen/Vuelschoder Vuild Bonen* Dolichi. [Galli *Phasiele*] vocant.

## FORMA.

Folia Hederæ similia habet, molliora tamen: caules tenues, & capreolos vicinis fruticibus se implicantes, in tantum incrementos, vt tabernacula effingere possint. Fructum Fœnogræco similem profert, longiorẽ

longiorem tamen maioremque, in quò semina reni-  
bus similia, non vnus coloris, sed ex parte subrufa  
continentur. Ex qua certè delineatione sole clarius  
fit, Smilacem hortensem Dioscoridis non esse nisi  
Phaseolos vulgò vocatos, cùm sint foliis Hederæ,  
mollioribus atque venosis, cauliculis tenuibus, cla-  
uiculis propinquis fruticibus se implicantibus, ra-  
mis incremento suo tentoria & hortorum cameras  
fornicesue facientibus, siliquis Fœnogræco haud  
dissimilibus, longioribus autem & maioribus, semi-  
nibus intus versicoloribus, & renibus in vniuersum  
similibus. Quæ certè vnica nota ad docendum Smi-  
lacem hortensem esse Phaseolos sufficere posset. Ac-  
cedit quòd Phaseolorum apud Serapionem descri-  
ptio non sit alia quàm apud Dioscoridem Smilacis  
hortensis, id quod manifestè patebit vtrasque confe-  
renti. Cæterùm etsi duo Phaseolorum videantur es-  
se genera: sunt enim aliqui candidi, nonnulli verò  
rubentes, tamen quia in foliis nulla est prorsus di-  
uersitas, & Dioscorides quoque innuat semina hæc  
non esse vnus coloris, sed vt Serapion interpreta-  
tur, quædam ad candorem, quædam verò ad rubo-  
rem accedant, ideo sub vnica pictura vtriusque co-  
loris Phaseolos exhibemus: neque enim distant alia  
ratione, quàm quòd albi producāt flores candidos,  
rubentes verò purpurascens. Licet non ad candi-  
dos & rubentes tantùm hæc Dioscoridis verba, *ἀνὰ*  
*ἰσὶν ὅχρα*, referenda esse existimem, sed ad alios etiam:  
sunt enim nonnulli fusci, alij verò gilui, cœrulei &  
cæsij, alij maculis & orbibus atris variegati, nisi quis  
omnes iam dictos colores sub candido & rubro, ex  
quibus ij commixti esse videntur, complecti velit.

## LOCVS.

Smilax de qua hic agimus, vt ex nomine satis cō-  
stat, in hortis sata prouenit, & cum longis serpat fla-  
gellis, propè poni ridicæ palîue debent, quas capre-  
olis suis, ybi increuerit, complectatur.

TEM-

## TEMPVS.

Aestate florent, ac subinde filiquas & in iis semen producant.

## TEMPERAMENTVM.

Simeon Sethi & Mauritani in primo ordine calidos & humidos esse Phascolos statuunt. Galenus etiam in libro primo de Alimentorum facultatibus, humidiores natura esse asserit.

## VIRE. EX DIOSCORIDE.

Olerum modo esui apta est filiqua cum semine Asparagi modo elixa. Vrinam pellit, insomniaque graua & tumultuosa facit.

## EX GALENO.

Dolichi non minus quam Pifa nutriunt, similiter etiam flatu carent: sed quod ad suauitatem attinet & deiectionem, peiores sunt. Alibiles itaque sunt, nisi quando integri & etiamnum virides vnà cū suis filiquis ex oleo & garo ab hominibus ingeruntur. Aliqui vinum etiam adiiciunt. Sed horum in repositione, vt Pisorum, nullus est vsus: quippe quum natura sint humidiores, citò corrumpi consueuerunt. Attamen si quis hos tutò reponere cupiat, ficcare prius diligenter & exactè oportebit. Siquidē eo modo & à putrefactione & à corruptione tota hyeme vindicantur, eundē quē nobis Pifa vsum exhibētes.

## EX AETIO.

Siliquæ seu Lobi qui nunc passim vocantur, apud omnes antiquos Dolichi & Phasioli appellati, de genere Pisorum sunt, similes illis quantum ad minimā flatu generationem: quantum verò ad iucunditatem cibi & egestionem, peiores. Peculiariter autem Lobi dicuntur, quoniam ferè isti tantum eorū omniū quæ filiqua vestiuntur, cum filiquis suis comedūtur.

## EX SIMEONE SETHI.

Qui ex iis magis rubri sunt, calidiores. Manifesta quoque in iis humiditas, quod citò putrescant. Humorem generant crassum & pituitosum. Medium  
locum



# PLANTARVM HISTORIAE.

locum habent, vt ait Galenus, inter ea quæ faciliè & difficulter concoquuntur, celeriter & tardè transeunt, inflant & non inflant, parum & multum nutriunt. Ante alios cibos cum sapa sumpti, ventrè pro-ritant. Cum sinapi oblati, plurimum noxæ depo-nunt. Albi igitur Phasioli crassiores, & difficilioris coctionis, ac humidiores sunt quàm rubri. Proprie-tate autem quadam turbulenta somnia facit, sed ad bonam habitudinem corporis conferunt, & vrinas mouent. Et horum decoctum menses mouet.

## DE SATYRIO TRIFOLIO.

### CAP. CCLXX.

#### NOMINA.

*Testiculi* ατύριον τριφύλλον Græcis, Satyrium trifo-  
*vulpis.* N lium Latinis, Officinis nostris incognitum  
*Satyrium* aut inusitatum: vulgò Testiculus vulpis  
*unde dictū* aut sacerdotis, Germanis *Stendeluurtz*, [Gallis *Du*  
*Trifolium* *Satyrium a trois fueilles*] nominatur. Satyrio autē no-  
men fecerunt Satyri, qui primi syluestres dii collu-  
dentes nymphis per syluas & antra, ad firmiorem  
Venerem herbam hanc inuenerunt. Trifolium  
verò, quoniam tria fert folia ad terram versa.

#### FORMA.

Folia tria fert Rumici aut Lilio similia, minora tamen & rubentia. Caulem nudum, longum, cubita-lem. Florem Lilio similem, album. Radicem bulbo similem, mâli modo extuberantem, foris rufam, in-tus oui modo albam, gustu dulcem & ori gratam. Quòd verò hîc dicimus Lilio similem, non sic intel-ligendum venit quasi quantitate & tota figura Lilio similis flos sit, quando euidentissimum sit Liliū quâ-titate sua Satyrij florem multis modis superare. De-nique nec figura etiam per omnia respondet: quare hæc similitudo ad colorem & floris essentiam refer-ri potius debet, quæ planè eadem est cum Liliij co-lore & essentia, id quod conferenti hos duos flores manifestum fiet.

#### LOCVS

## LOCVS.

In montosis & apricis nascitur.

## TEMPVS.

In Iunio mense potissimum comparet.

## TEMPERAMENTVM.

Calidum & humidum est, quamobrem gustu dulce apparet.

## VIRE. EX DIOSCORIDE.

Radix in vino austero, nigro, ad opisthotonum bibitur. Ferunt etiam hanc impetum ad Venerem excitare.

## EX GALENO.

Satyriion excrementitiam & flatuosam humiditatem possidet, quo circa ad Venerem incitat. Hęc vero & herbæ ipsius radix præstare potest. Porro vt nonnulli scribunt, cum vino nigro austero potum opisthotonum sanat.

## EX PLINIO.

Radix cū Satyrio gemina sit, eius inferior pars & maior mares gignit, superior ac minor fœminas.

## DE SATYRIO BASILICO.

## CAP. CCLXXI.

## NOMINA.

Μ ατύριον βασιλικόν posterioribus Græcis, Satyrium regium Latinis, Officinis Palma Christi, Arabibus Bucheiden, Auicénæ Digiti citrini, Germanis *Kreutzblumen*, [Gallis *Du Satyrium royal*] vocatur. Palmam Christi propter similitudinem quam eius radix cum humana habet manu, dixerunt.

*Palma Christi.*  
*Digiti citrini.*

## GENERA.

Duo eius sunt genera, quorum alterum mas folia non maculosa, floresq; purpureos habet. Alterū fœmina maculosis est & paulò latiorib. foliis, floribus in purpureo albescentibus. Radicum etiam in colore est differentia, quòd maris quidem radix flauescat citra albedinem, fœminæ autem cum albedine.

*Mas.*

*Fœmina.*

Quam

# PLANTARVM HISTORIAE.

Quam sanè differentiam Auicenna etiam expressisse videtur, dum vnâ ex flauo & albo cômistam esse colore, alterâ verò ex flauo sine albedine iquit.

## FORMA.

Folia cum reliqua superficie Cynosorcho similia sunt. Radix tamen ei subest lutea aut flauescens, instar manus ramosa: modo enim quatuor, modo quinque, modo sex aut plures radices prodeunt, quæ ferè humanos digitos imitari videntur.

## LOCVS.

Prouenit in montibus, & locis soli expositis.

## TEMPVS.

In Maio & Iunio mensibus inuenitur. Mas quidè Iunio, fœmina verò Maio.

## TEMPERAMENTVM.

Vtrunque amarum est, magis tamen amarū quod maculosis constat foliis. Ideoque non perperam cēsent Auicenna & alij quidam ex recentioribus medicis, qui calidū esse & siccū in secundo ordine tradūt.

## VIRES. EX RECENTIORIBVS.

Vsus eius ad erugandam cutem, ad neruorum dolores, & contra noxia medicamenta. Fertur & amuletum esse radix gustata. Semen ex vino sumptum nouem diebus, comitiales sanat. In eūdem effectum vinum diluitur herbæ decocto. Scobs radicis propinatur in vino ad arcendam quartanam, quam & vomitione curat paulò ante accessionem pota. Plura in præsentia rescire de huius facultatibus non licuit.

## DE SVCCISA. CAP. CCLXXII.

### NOMINA.

VO nomine veteres aut posteriores Græci

Q appellauerint hanc herbam, cognitamque illam habuerint nec ne, nobis nondum con-

*Succisa.*

stat. Nonnulli Geum esse arbitrantur. Nos Succisam nominare, voluimus, partim quòd id nominis latinum esset, & pulchrè huic herbæ quadraret, cuius radices circumrosæ sunt, partim quòd antiquus

ma-

manuscriptus herbarius sic vocaret. Vulgus superstitione quadam motum credit cacodæmonia, tantæ efficacæ radicem inuidere hominibus, atque hac ratione vbi succreuerit statim eum vndiquaque circumrodere. Hinc est quòd Diaboli morsum appellant. *Morsus diaboli.* Quam etiam superstitionem plusquam muliebrem secuti Germani *Teuffels abbissz*, [Galli *Mors de Diable*] hoc est, præmorsam à diabolo, nominant.

## FORMA.

Binum cubitorum fastigiatur altitudine, foliis Plantaginis minoris, aut Cirsij leuioribus, solidioribusq; leniter laciniatis. Floribus purpureis. Radicibus subnigris, succifis & circumrosis.

## LOCVS.

Nascitur locis incultis & montanis, saltibus, ac interdum etiam pratis & dumeris.

## TEMPVS.

In Augusto eius magna est passim in locis iam dictis copia.

## TEMPERAMENTVM.

Supra modum amara est, vnde calidam & siccam esse satis constare cuius potest.

## VIRE.

Præsentanco remedio ad maturandos, atq; adeò sanandos carbunculos adhibetur, si herba viridis tria imponatur, aut vinum id quo decocta fuerit bibatur. Radix per se estur, aut vinum eius decocti in vuluæ doloribus bibitur. Hæc manuscriptus herbarius. Hodie, cum habeat facultatem discutiendi & incidendi, vtuntur ea ad dissoluendos sanguinis grumos.

## DE SCABIOSA. CAP.

## CCLXXIII.

## NOMINA.

**T** hæc herba quo nomine Græcis vocetur, **E** fatemur nos ignorare. Sūt qui Aëtio *ψάρα* dictā velint: verū cū nomine tenus eū tantū profec-

*Scabiosa.* prosequatur non adiecta descriptione, nihil certi constitui potest. Vulgus Scabiosam vocat, quo nomine nobis vtendum erit donec legitimum comper tum fuerit, Germani *Scabiosen / oder Apostemkraut*, [Galli *La Scabieuse*] nominant. Scobiosam verò aut à scabro herbæ habitu, aut quod scabiei medeatur, appellatam esse euidentissimum est: id quod etiam Psora vox præterevidetur. Stæben Dioscoridis non esse multis argumentis constat, quæ prætereo.

FORMA.

Folia carnosæ: Erucæ modo laciniata & multifida habet, subhirsuta, non tamen aculeis horrentia. Flores speciosos, diuturnos, coloris ex cæsis aut purpureo albicantis. Radicem crassam.

LOCVS.

Passim in omnibus, potissimum autem humidis pratis prouenit.

TEMPVS.

In Iunio, antequam gramine denudentur prata, passim floret.

TEMPERAMENTVM.

Quum sit vehementer amara, calidam & siccam esse nemo nescit, idemque cum Succisa temperamentum habet.

VIRBVS.

Easdem quas Succisa facultates obtinet. Potissimum autem scabiem & tussim sanat.

DE SMILACE ASPERA.

CAP. CCLXXIIII.

*Smilax aspera* etiam foliorum ambitu spinoso modo solo stipite in Gallia Narbonensi uisitur.

NOMINA.

*Smilax et Milax.*  $\approx$   $\mu\acute{\iota}\lambda\alpha\varsigma \tau\rho\alpha\chi\epsilon\iota\alpha$  Dioscoridi,  $\mu\acute{\iota}\lambda\alpha\varsigma$  Galeno, *Smilax aspera* Latinis dicitur, officinis nostris incognita, Germanicè *Grosz Stenchend* oder *scharpff Vuindt* ab aculeis quos habet, nominari aptè potest.

FOR.

## F O R M A.

Folia habet Peryclimeno similia, vel, vt Theophrastus ait, hederacea: ramulos multos, tenues, Paliuri aut Rubi modo aculeatos. Circumuoluitur arboribus sursum deorsum se circumagens. Floré candidum, fructum racemosum fert, cum maturuerit rubentem, gustu leuiter mordentem. Radicem crassam & duram.

## L O C V S.

In palustribus & asperis nascitur, Plinio autē teste in conuallibus opacis.

## T E M P V S.

Smilacem quidem asperam nascentem, non vidi: sicca enim aliunde ad me transmissa est, ita vt certò indicare quo tempore floreat aut fructum producat, haud possim. Id quod ideo referre volui, ne nos calumniandi ansam habeat osor peruersus, si non ex omni parte picturam nativæ ipsius herbæ formæ respondere viderit. Cogitet enim non viridem, sed siccam nos pingendam tantum dedisse. Theophrastus tamen lib. iij. cap. vlt. de hist. plant. hanc vero tempore florere scribit.

## T E M P E R A M E N T V M.

Quale sit eius temperamentum, vires satis declarant, & folia ipsa atq; fructus, quæ singula in gustu lenem quandam mordicationem præ se ferunt, vt calidam esse & siccam haud dubium sit.

## V I R E S. E X D I O S C O R I D E.

Huius folia & fructus si antè & post bibantur contra letalia venena efficacia sunt. Traditum est, quòd si quis tritum eorum aliquid nuper genito infanti bibendum dederit, nullū illi postea venenum nociturum. Conciditur etiam in alexipharmaca.

## E X G A L E N O.

Milax aspera clauiculis plena est, vt arboribus sursum deorsum diuersimodè circumuoluatur. Fo-

# PLANTARVM HISTORIAE.

lia gustata acrimoniam aliquam habent, & alioqui si illis vtaris calefaciunt.

## EX PLINIO.

Coronam ex ea factam impari foliorum numero, aiunt capitis doloribus mederi. Contra venenata efficacissimi acinorū corymbi, in tantum vt acinorum succo infantibus sæpe instillato, nulla postea venena nocitura sint.

## DE SMILACE LAEVI. CAP.

### CCLXXV.

*Smilax lævis* *Liset & Liseron* à ligandis quibus adnascitur plantis hic pingitur.

## NOMINA.

<b>Volubilis maior.</b>	Σ	μίλαξις Dioscoridi, <i>μίλαξ</i> Galeno, & Paulo dicitur. Latinis <i>Smilax lævis</i> . Officinis & herbariis <i>Volubilis maior</i> , à nonnullis <i>Cāponella</i> , & <i>Funis arborum</i> , Germanis <i>Vuindenkraut</i> glatte <i>Vuindenoder Vuelfz glocken</i> [Gallis <i>des Phaselles</i> ] vocatur. <i>Lævis</i> autē non alia ratione, nisi quòd aculeis careat, dicta est.
<b>Funis arborum.</b>		
<b>Smilax lævis cur nominata.</b>		

## FORMA.

*Hederæ* similia folia habet, molliora tamen, læuora & tenuiora. Ramulos supra dictæ similes, aculeis carentes. Conuoluitur & hæc arboribus, vt prior. Fructum fert Lupino similem, nigrum, paruum, super quem semper flores albi, copiosi, & orbiculati per totam *Smilacem* exeunt. Aestate tabernacula per ipsam fiunt, autumno autē folia cadunt. Ex qua descriptione planum fit omnibus, herbam hanc quā vulgus herbariorum *Volubilem* maiorem vocat, esse *Smilacem læuem*, quòd illi scilicet singulæ notæ à nobis commemoratæ cōueniant. Id quod etiam pictura *Smilacis asperæ*, si cum hac conferas, satis demonstrat, quam vno hoc nomine dedimus, vt ex eiusdem collatione manifestius *lævis* ipsa agnosceretur. His accedit antiqui & manuscripti herbarij testimonium, qui *Smilacem læuem*, *Volubilem* maiorem

iorem interpretatur. Eius etiam pictura, Volubilem quam maiorem appellamus, penitus exprimit.

## LOCVS.

Nascitur passim per fruteta, & sepibus sese inuoluit. Amat culta, & in iis etiam potissimum gignitur.

## TEMPVS.

Aestate floret, autumno semen profert.

## TEMPERAMENTVM.

Modicam amaritudinem in gustu præ se fert.

## VIRE. EX DIOSCORIDE.

Huius semen cū Dorycnio, & vtrunq; triū obolorum pondere potum, somnia multa & turbulenta facere fertur.

## EX GALENO.

Milax læuis facultate quodammodo prædictæ similis est.

## EX PLINIO.

Nullius est effectus,

## APPENDIX.

Empirici hodie succo Volubilis maioris ad calidas vtuntur passionēs, capitis potissimū & oculorū.

## DE SISYMBRIO. CAP.

## CCLXXVI.

*Sisymbrium alcerum seu Cardamine crescio, à crescendi celebritate vulgò dicitur.*

## NOMINA.

Σίσυμβριον Græcis, Sisymbrium Latinis, [Gal-  
 lis Cresson] appellatur. Sisymbrium dici putat Varro à Sisymbrio, quæ fuit veteribus comædiis meretricula. Coronam etiam Veneris nonnulli dixerūt, vel quòd ob odoris suauitatem quam præ se fert, eo iuuentus quæ amoribus gaudet coronata, in comestationibus suis blando odoris oblectamento suas illecebras commendaret. Vel potius, quòd Sisymbrij caulis articulatim per internodia verticillato florum ambitu concinnè coronetur.

Corona  
Veneris.

## GENERA.

Sisymbrij duo sunt genera. Vnum quod simplici-



# PLANTARVM HISTORIAE

*Balsamita* ter Sisymbrium dicitur: hoc seplasiarij Balsamitam,  
*Mentha* vt manuscriptus etiam testatur herbarius, vulgus au-  
*aquatica.* tem Mentham aquaticam, Germani *Fischmuntz/Vuas-  
 fermuntz/oder Bachmuntz* vocant. Alterum cum adie-  
 ctione Sisymbrium cardamine nominatur. Offici-  
*Nasturtiū* nis Nasturtium aquaticum, Germanis *Brunnēkressz.*  
*aquaticū.* Sic verò dictum, quòd sapore Cardamum, hoc est  
 Nasturtium, imitetur.

## FORMA.

*Sisymbriū* Sisymbrium hortensi Menthæ simile, quadrato  
 caule, quadantenus purpurascens, foliis Menthæ,  
 serratis, latioribus & odoratoribus: floribus inter-  
*Sisymbriū* nodia geniculatim coronantibus, verticillato sem-  
*cardami-* per ambitu. Sisymbrium cognomento cardamine  
*ne.* folia inter initia orbiculata habet, cum autem cre-  
 uerint vt Erucæ folium laciniatim finduntur. Cau-  
 le prosilit cauo, sesquipedali, ima sui parte pluribus  
 radicularum fibris subinde capillato, e cuius alarum  
 cauis cirri frequentes sinuatim erumpunt. Flore can-  
 dido. Semine Erucæ instar in siliquis acris & exiguis.

## LOCVS.

Vtrunque riguos tractus amat. Primum autem  
 potissimum circa stagna & piscinas nascitur. Alterū  
 nusquam non in aquatilibus.

## TEMPVS.

Aestate, potissimum verò Augusto mense, cum  
 Mentha florent.

## TEMPERAMENTVM.

Sisymbrium primum excalfacit atque resiccat in  
 tertio ordine. Alterum autem quum siccum est, itidē  
 tertij est ordinis excalfacientium & exiccantium:  
 quum humidum & viride, secundi.

## VIRE. EX DIOSCORIDE.

Sisymbrium primum vim calfaciendi obtinet.  
 Semen eius ad strangurias & calculos cum vino po-  
 tum prodest. Tormina & singultus sedat. Folia tem-  
 poribus & fronti illinuntur contra capitis dolorem.

Aduer-

Aduersus etiam apum & vesparum ictus valent. Vomitiones potum sistit. Alterum cardamine cognominatum calefacit, urinā ciet. Comeditur quoque crudum. Lentigines & cutis à sole nigriciem & asperitatē exterit tota nocte illitū, mane autē ablutum.

## EX GALENO.

Sisymbrium primum tenuium partium est, digerentis, calefacientis & exiccantis facultatis. Semen quoque eius tenuium partium est & calidum. Quocirca ipsum quidā cum vino exhibēt singultiētibus, & tormina patientibus. Sisymbrium quod quidam Cardaminē vocant, quandoquidem Cardamo, id est, Nasturtio simile quiddam gustu præfert, eadem ferè potest.

## EX PLINIO.

Vtrunque Sisymbrium efficax aduersus aculeata animalia, vt sunt crabrones & similia. Sedant capitis dolorem, item epiphoras. Alij panem addunt. Alij per se decoquunt in vino. Sanat & epinyctidas, cutisque vitia in facie mulierum intra quartum diem noctibus impositum, diebúsque detractum. Vomitiones, singultus, tormina, stomachi dissolutiones cohibet siue in cibo sumptum, siue in succo potum. Non edendum grauidis nisi mortuo conceptu. Quippe etiam impositum eiicit. Mouet urinā cum vino potum. Syluestre & calculos. Quos vigilare opus sit excitat infusum capiti cum aceto.

## DE SIO. CAP. CCLXXVII.

*Sion seu Lauer diuersissimam pingit ab ea quam medici & officinæ syllabarum metathesi uocāt uerlā, & ad nephreticos affectus uti & Cardamine plantam persimilem & congenerem foeliciter usurpant.*

## NOMINA.

ἰορ, ἢ ἀναγallis ἑνυδρος Græcis: Sion, Lauer & Anagallis aquatica Latinis dicitur. Officinis ignota herba. Germanis *Vuasserpü- gen/ Bachpungen/ oder Pungen* [Gallis de la Berle] appellatur.

*Sion unde dictum.* pellatur. Sion autem nomē sibi adsciuit à concussu, quod Græci *σείσω* dicunt : nam excutiendi vim natum est, utpote quod à renibus calculos pellat, urinam & menses ducat. *Anagallis aquatica.* Anagallis aquatica, quod flores eius Anagallidis fœminę floribus per omnia respondeant. *Lauer.* Lauer nomen haud dubiè à lauando contraxit, quod sonantibus aquis enatum semper elui gaudeat.

FORMA.

Pusillus est frutex, rectus, pinguis, foliis latis, Olfatro similibus, minora tamen, & odorata. Quæ delineatio prorsus astipulatur huic herbæ quam Germani *Vuasserpungen* nominant. Hæc enim riuulis gaudet, frutex pusillus pinguisque est, latis foliis, Hippofelino similibus, & digitis leniter friata iucundum expirantibus odorem. Floribus cœruleis, Anagallida fœminam referentibus.

LOCVS.

Inuenitur in aquis citato lapsu repentibus, aut etiam resedibus. Sape verò intumescuntibus demersum videtur.

TEMPVS.

Iunio mense floribus prægnans est.

TEMPERAMENTVM.

Quum amara admodum sit hæc herba, ut calefaciat & exiccet necesse est. Atq; hinc iterum colligere licebit, ut patebit ex Verbis Aëtij, eam esse Sium.

VIRE S. EX DIOSCORIDE.

Sij folia cocta crudaq; comesta calculos cōminuunt & excernunt. Vrinam mouent. Fœtus & menses educunt. Dysentericis vtiliter comeduntur.

EX GALENO.

Sium quantum gustu odoratum est, tantum etiā calefacientis facultatis est particeps. Digerit autem & urinam mouet, & calculos renum frangit, & menses euocat.

EX AETIO.

Sium quatenus gustu odoratum est, eatenus calefacit, & exiccat. Discutiendi etiam vires habet, urinam mouendi

mouendi, calculos in renibus dissoluendi, ac menses ciendi.

## EX PLINIO.

Prodest vrinis, renibus, lienibus, mulierumque mensibus, siue ipsum in cibo sumptum, siue ius decocti, siue semen è vino drachmis duabus. Calculos rumpit, aquisq; quæ gignunt eos, resistit. Dysentericis prodest infusum. Item lentigini illitum, & mulierum vitiis in facie, noctu illitum momento cutem emendat, & ramices lenit, & scabiem equorum.

## APPENDIX.

Veterinarij in hodiernum vsq; diem hac herba in tumoribus discutiendis, & scabiæ equorum sananda vtuntur, vt hinc manifestum fiat illam esse Sium.

## DE STRATIOTE MILLEFOLIA. CAP. CCLXXVIII.

## NOMINA.

στρατιώτης ὁ χιλιόφυλλος Græcis, Stratiotes  
 ☞ millefolia Latinis, officinis & herbariis Mil- *Millefoliū*  
 lefolium, Germanis *Garben/Schafgarben/Schaf*  
*frupp/Tausendblatt* & Geruel, [Gallis *Mille feuille, ou*  
*Cumin, ou Aneth faulnage*] nominatur. Strationes verò *Stratiotes*  
 Græcis, id est, militaris dicta est, quod vulnera ferro *unde dicta*  
 facta sanet, atque adeo in militia & castris multus eius vsus sit.

## FORMA.

Frutex est exiguus, dodrantalis & maior. Folia habet pulli auium pennis similia. Suntque foliorum exortus admodum breues, incisuris diuisi. Breuitate verò & asperitate Cumino syluestri maximè assimulantur, & etiamnum breuiora. Huius denique umbella densior & plenior: surculos enim in cacumine paruos habet, in quibus Anethi modo umbellæ sunt. Flores illi candidi & exigui sunt.

## LOCVS.

Nascitur in agris asperis, & præcipuè circa vias ac semitas.

# PLANTARVM HISTORIAE.

## TEMPVS.

Per integram floret æstatem.

## TEMPERAMENTVM.

Nonnihil adstrictionis habet, atq; adeò exiccat.

## VIRES. EX DIOSCORIDE.

Eximiè utilis est herba ipsa ad sanguinis eruptionem, & ad vlcera vetera ac recentia: item ad fistulas.

## EX GALENO.

Vulnera glutinare potest, & vlceribus utilis est. Sunt qui ea ad sanguinis eruptiones vtantur, & ad fistulas.

## EX PLINIO.

Hetruria Millefolium appellat herbam in pratis tenuem, à lateribus capillamenti modo foliosam, eximij vsus ad vulnera. Boum neruos abscissos vomere, solidari ea, rursusq; iungi addita axungia affirmant.

## APPENDIX.

Recentiores ad eisdem vsus millefolium suum adhibent, ad sananda nimirum omnis generis vulnera, dissoluendum sanguinem concretum, & ad constringendos menses. Vnde à Stratiote millefolia non esse diuersum omnibus perspicuum fit.

## DE SARRACENICA SOLIDA- GINE. CAP. CCLXXIX.

## NOMINA.

VVM nobis non constet quo nomine ve-

**Q**teribus nominata sit herba hæc, placuit vsitatam ac tritam nostri tēporis herbariis appellationem vsurpare, donec veriolem comperire

*Herba fer-  
tis non est  
Cartafila-  
go, seu ut  
rectius ci-  
cā, Cerato  
phylax.*

contingat. Non tamen latet à nonnullis corrupta voce Cartafilaginem, vel magis deprauata Filaginem nominari, cum dicendum esset Ceratophylago, quia nimirum partē oculorum ceratoïda, hoc est, corneam, defendat, salutiq; percussam ac læsam restituat. Cur verò hoc nomine non appellandam censeā,

cenſeã, facit in primis quòd deſcriptio Ceratophylacis illi non conueniat. Dein quòd pictura eiùſdẽ in manuſcripto herbario illi herbẽ quã Fortẽ vocãt, prorsus nõ respondeat. Herbam itaq; Fortem, vel vt alij habent Sortis, nominamus eam quæ Germanis *heydnisch Vundkraut* vocatur, quòd fortẽ à Sarracenis reperta putetur. Hinc, ni fallor, à quibũdã Cõſolida Sarracenicã dicitur. Fortis verò à vehementi odore.

## F O R M A.

Caulem rubescentem, duũm triũmue cubitorum ac cauum habet, è quo prodeunt folia oblõga, in extremitatibus serræ modo incisa, Saliciq; similia. Flores luteos in pappos euanescentes. Radicem multifidam, forisq; rubentem.

## L O C V S.

Nascitur in syluis & in montibus altis. Copiose autem in monte post arcem Tubingensem, quẽ germanico nomine *die odenburg* vocant, prouenit.

## T E M P V S.

Augusto mense floret.

## T E M P E R A M E N T V M.

Gustu adstringit, modicẽq; amara est, atque adeò siccare euidentissimum est.

## V I R E S. E X R E C E N T I O R I B V S.

Vulneraria herba est, id quod germanica appellatio abundẽ satis monstrat. Imposita itaque vulneribus carnẽ primũ generat, dein statim glutinat. Sicca in puluerem trita recẽtia vulnera, si inspergatur, celeriter sanat. Fistulis etiam medetur, malignaq; vlcera mundificat, ac confestim sanat.

## D E S A X I F R A G A.

## CAP. CCLXXX.

## N O M I N A.

**M** *σαξίφραγον, ή σαξίφατον, ή έμπετρον* Græcis, Saxifragon & Saxifraga Latinis. Officinis quibũdam perperam Capillus Veneris dicitur,

# PLANTARVM HISTORIAE.

*Saxifra-  
gon cur  
dictum.  
Empetrō.*

citur, vt in Adianto docuimus. Rectius muraria ru-  
ta vocaretur. Sunt qui Saluiam vitam hodie nomi-  
nēt. Germanis *Maurrauten* & *Steinrauten* appellatur.  
Saxifragon, quòd calculos è corpore pellat frāgāt-  
que. Empetron verò, quoniam in saxi proueniat.  
Officinæ hodie alias præter hanc latinorum Saxi-  
fragas ostendunt, de quibus suo dicemus loco.

## FORMA.

Surculosus frutex saxi hærens, iuncis tenuibus,  
Epithymi non dissimilibus, nigris, breuibus, foliis  
Trichomanis, maioribus, interius leuibus, auersa ve-  
rò parte annexa puncta habentibus, sine flore, sine  
semine, radice nigra, superuacua.

## LOCVS.

In saxi & asperis locis prouenit. Ideo eius ma-  
gna copia inuenitur apud vetusta ædificia, in lapidū  
commisuris.

## TEMPVS.

Vere & æstate inuenitur, potissimum autem Iu-  
nio mense.

## TEMPERAMENTVM.

Satis ex facultatibus eius gustuque, in quo mani-  
festa quædam adstrictio apparet, colligitur hæc her-  
bam calidam & siccam esse.

## VIRES. EX DIOSCORIDE.

In vino cocta & pota, febricitatibus opitulatur,  
strāgurix & singultui medetur. Lapidēs vesicæ frā-  
git, & vrinam mouet.

## EX PAVLO.

Saxifraga vrinam ciet, & calculos conterit.

## DE SILIQVASTRO.

### CAP. CCLXXXI.

Siliquastrum & piperitis quæ quibusdā piper Iudicum di-  
citur, aliis cardamomi genus putatur, in si quis Pyramidalis  
bus semen habet rufum, latum, iura croci colore tingens &  
piperis sapore condicens.

## NOMI-

## NOMINA.

**S**ILIQVASTRVM cōueniētissimo nomine à Plinio lib. xx. cap. xvij. dicta est herba hæc, à siliquis nimirum magnis & oblongis quas producit. Eadē etiā ab eodē Piperitis, quod semen eius gustatū piperis sapore & acrimoniā præ se ferat, nominatur. Alia tamē est ab ea quā vulgò Piperitim appellāt, vt suprā etiā monuimus. Sunt qui piper Hispanū, alij piper Indianum, nōnulli etiam piper ex Chalechut vocant. Auicenna videtur appellare Zingiber caninum. Germanicè dici potest *Chalechutischer oder Indianischer Pfeffer.*

*Siliquastrum.**Piperitis.**Piper Indianum.**Zingiber caninum.*

## GENERA.

Maius & minus est Siliquastrum. Maius siliquas producit maiores, & colore subnigras, aut fuscas. Minus contrā minus profert, & colore puniceas. Nos tamen vtrunque genus vna pictura complexi sumus utque hiantes duæ pingerentur siliquæ curauimus, non sanè quòd spōte sua sic rumpantur, sed vt quale intus esset semen cerneretur. Præter hæc, genera alia sunt bina, quorum vnum longissimas & colore puniceas, alterum verò latiores multòq; breuiores producit siliquas. Damus itaque quatuor Siliquastrum distincta genera, vt ex pictura manifestissimèprehenditur. Horum primum discriminis gratia maius, alterum minus, tertium longum, quartum latum appellauimus Siliquastrum.

## FORMA.

Herba est caule rubro & longo, crebris geniculis, foliis Lauri, floribus candidis, semine in siliquis oblongis & magnis albo, vel potius flauescente, tenui, gustu Piperis acerrimo. Radice vnica, subalba, capillamentis fibrata. Ex qua nimirum delineatione satis cōstat herbam cuius picturam damus esse Plinij Siliquastrū seu Piperitim. Caule siquidē, vt ex Castore collegit Plinius, rubro & longo, densis etiam geniculis, vnde folia Lauri foliis similia erumpunt,  
semine



## PLANTARVM HISTORIAE.

semine albo, tenui admodū, gustu piperis. Quibus omnibus etiam Siliquaſtri & Piperitidis nomenclaturæ, quæ huic optimè quadrant, accedunt.

### LOCVS.

In Germania iam in fiſtilibus ac testaceis fatū paſſim ferè prouenit. Perpaucis antè annis Germanis incognitum fuit.

### TEMPVS.

Æſtate quidem floret, atque mox decidente flore ſiliquæ primum herbaceæ, dein puniceæ aut fuſcæ coloris ſubnaſcuntur, plenæ ſemine.

### TEMPERAMENTVM.

Valenter excaſcit atque deſiccatur, id quod ſeminis immenſa acrimonia, & foliorum amaritudo euidentiffimè monſtrat: vt certè non temerè plerique hoc ſemine loco veri Piperis vtantur: eaſdem enim facultates hæud dubiè habet, quas etiam ex Dioſcoride ſumptas ſubiiciemus.

### VIRE. EX DIOSCORIDE.

Piper cōmunitè calefaciendi facultatem habet, vrinam mouendi, concoquendi, extrahendi, diſcutiendi, & quæ pupillas oculorum obtenebrant extirpandi. Prodeſt rigoribus circuitu certo inuadentibus potum & inunctum. Venenatorū morſibus ſuccurrit. Fœtus ex vtero ducit. Tuſſi & omnibus thoracis affectibus in eclegmate & potu ſumptum auxiliatur. Cum melle inunctum angina correptos iuuat. Tormina cum teneris Lauri foliis potum ſoluit. Pilitum ex capite purgat cum Staphyſagria comman ducatū. Dolores leuat, valetudinēque tuetur. Appetentiam mouet. Concoctionem adiuuat ad intinſus additum. Strumas cum pice exceptum diſcutit. Cum nitro alphas abſtergit.

### EX PLINIO.

Siliquaſtrum vtile gingiuis, dentibus, oris ſuaui tati, & ruſtibus.

### APPEN-

## APPENDIX.

Auicenna Zinziber caninum abstergere cutis & faciei maculas, lentéſque tradit. Item ſtrumas alióſque tumores, eius ſemen digerere ſcribit, vt hinc etiam eaſdem cum vero Pipere habere facultates colligere liceat.

## DE SCORODO. CAP.

## CCLXXXII.

## NOMINA.

κόροδον Græcè, Allium Latinè appellatur.

Officinæ Latinum nomen retinuerunt. Germanicè Knobloch/oder Knoblauch [Gallicè Ail, ou Aux] Scorodon autem dicitur, vt nonnullis placeat, quaſi σακιδόν, κόροδον, id eſt, rudis Roſa, quòd aſperè ſupra modum redoleat, & olfacientium nares offendant. Latini Allium à Græco fortaffis verbo ἅλλεσθαι, id eſt, exilire, vocant, quòd nimirum exiliendo creſcat.

Scorodon  
unde dictum.  
Allium.

## GENERA.

Tria in vniuerſum Allij ſunt genera. Vnum hortenſe & ſatium domesticumue, quod Germani garten/oder heymifch Knoblauch vocant. Alterum ſylueſtre quod Græci ἐφ'ἑσκακόροδον, id eſt, anguinum Allium nominant, in aruiſ ac campeſtribus ſponte naſcens. Cuius nos duo genera damus, quorum primū Germanis Vuilder Knoblauch dicitur, alterum verò Feldknoblauch. Tertium itidem ſylueſtre, vrfinum cognominant, in ſyluiſ proueniens, Germanis Vualdknoblauch appellatur.

Alliū hortenſe.  
Anguinū  
Allium.

Vrfinum.

## FORMA.

Allium hortenſe fronde viret cæpitia, caule tereti & inani. In cacumine flores in globum circūaguntur, in quo ſemen emicat. Radiciſ bulbus tenuiſ, velatur membranaiſ, mox pluribuſ coagmentatur nucleis, & iis ſeparatim veſtitis, in cuiuſ vertice cōplures fibræ cirrorum exemplo criſpantur, tedioſo habitu, & aſpero ſapore. Sylueſtre foliis conſtat prælongiſ,

Hortenſe.  
Sylueſtre  
longiſ,

# P L A N T A R V M H I S T O R I A E .

longis, teretibus, intus concavis, iunceam speciem repræsentantibus, caule procero, leni, purpureos flores ostendente, cacumine tum colore tum forma conspicuo, radice bulbosa & capitata, nucleis spicatim compactilibus intumescente, summo vertice capillamentis fibrato. *Vrsinum* odore melli, foliis grandibus, & Ephemeræ non letalis foliis similibus, floribus in summo candidis, capite prætenui.

## L O C V S .

Hortense passim in hortis satum & plantatū provenit. Sylvestre sponte in aruis, ut diximus, & campistris nascitur. *Vrsinum* autem in æmoribus.

## T E M P V S .

Hortense & sylvestre æstate florent. *Vrsinum* autem vere, Aprili & Maio mensibus.

## T E M P E R A M E N T V M .

Allia desiccant & calfaciunt quarto excessu.

## V I R E S . E X D I O S C O R I D E .

Facultas Allio est acris, calfacit, flatus excernit, aluum turbat, stomachum exiccat. Sitim efficit. Inflationes permutat alteratue, & summam corporis cutem exulcerat. Eadem potest Anguinum allium. Comestum latos ventris lumbricos expellit. *Vrinas* ducit. Contra viperarum morsus & hæmorrhoidum prodest, ita ut non aliud magis, si vinum iugiter sumatur, aut in eodem tritum bibatur. Contra rabioforum morsus utiliter illinitur. Allium ipsum in cibo sumptum contra aquarum mutationes confert. Asperas arterias clarificat. Veterē tussim crudum & coctum comestum lenit. Cum origani decocto potum, pediculos & lendes enecat. *Vitum* & cum melle subactū illitumque, hypopya & alopecias sanat. Exanthemata cum nardino unguento, sale & oleo curat. Alphos, impetigines, lentigines, achoras, lepras, furfuresque eximit. Cum teda & thure decoctum, si in ore contineatur, dentium dolorem leuat. Contra muris aranei morsus cum ficulneis foliis, & Cumi-

*Legendæ  
in Diosco-  
ride, καὶ  
ἐπιφανί-  
ας σωμά-  
των ἐλ-  
κωτικόν.*

Cumino illinitur. Comę decoctum in infessionibus menses & secundas trahit. Eiusdem gratia suffitu. Factum ex eo & nigra oliua intritum, quod Græci *μυττωτόν* vocāt, vrinam cit, & obstructiones aperit. Vtile etiam hydropicis.

## EX GALENO.

Excalefacit corpus, crassos in eo humores extenuat, glutinososq; incidit. Bis tamen aut ter in aqua decoctum, acrimonia spoliatur: quanquam nec sic quidem vim perdit extenuandi, verum facultatem quandam obscurissimam alendi corporis acquirit, cuius antea quā coqueretur, nihil prorsus obtinebat. Cæterum Allium non modo vt opsonium, verum etiam vt medicamentum sanitati accommodū, quod obstructa soluere & discutere possit, vsurpatur. Est autem Allium ex eorum ciborum genere, qui & flatum discutiant, & minimè sitim inferant. Ophioscorodon domestico, vel reliqua omnia syluestria, valentius est.

## EX AETIO.

Allium comestum flatus discutit, sitim reprimi, crassos & lētos humores incidit. Habet tamen quidpiam virosum, & mali succi, quod amittit si aqua elixetur. Ab eius assiduo vsu præsertim calidas temperaturas cauere oportet.

## EX PLINIO.

Allio magna vis, magnę etiam vtilitates contra aquarum & quorumlibet locorum mutationes. Serpentes abigit & scorpiones odore: atq; vt aliqui tradidere, bestiarum omniū ictibus medetur, potu vel cibo, vel illitu. Priuatim contra hæmorrhoidas prodest, cū vino redditū vomitu. Ac ne contra araneorū murum venenatū morsum valere miremur, aconitū, quod alio nomine pardalianches vocatur, depellit: item Hyoscyamū: contra canū morsus, inq; vulnera cum melle imponitur. Ad serpentū quidē ictus potum cū restibus suis, efficacissimè ex oleo illinitur. Artritisk; corporū partibus, vel si vesica intumuerit.

Quin

Quin & suffitu eo, secūdas partus euocari existima-  
uit Hippocrates: cinere eorum cum oleo, capitis vl-  
cera manantia sanitati restituens. Suspiriosis coctū,  
aliqui crudum id dedēre. Diocles hydropicis cū Cē-  
taurea, aut in fico duplici ad euacuādā aluū: quod  
efficacius præstat uiride, cū Coriandro in mero po-  
tum. Suspiriosis aliqui & tritum in lacte dederunt.  
Praxagoras & cōtra morbum regium vino miscuit:  
& contra ileum in oleo & pulte, sic illinens. Strumis  
quoque. Antiqui & insanientibus dabant crudum.  
Diocles phreneticis elixum. Contra anginas tritum  
imponi & gargarizare prodest. Dentium dolorē tri-  
bus capitibus in aceto tritis imminuit: vel, si decocta  
aqua colluantur, addaturque ipsa in caua dentium.  
Auribus etiam instillatus succus cum adipe anseri-  
no. Phthiriasēs & prurigines potum, tusum item in  
aceto & nitro. Compefcit & destillationes cum lacte  
coctum, vel tritum permixtū mē caseo molli: quo  
genere & raucitatem extenuat: vel phthisin, in fabæ  
forbitione. In totum autem coctum vtilius est cru-  
do, elixumque tosto, sic & voci plus confert. Tineas  
& reliqua animalia interaneorum pellit, in aceto  
mulso coctum. Tenasino in pulte medetur. Tēpo-  
rum doloribus illitum, elixum, & pustulis coctum  
cum melle, deinde tritum. Tussi cum adipe vetusto  
decoctum, vel cum lacte. Aut si sanguis etiā excre-  
tur, vel purulenta sint. Et pituitæ sub pruna coctum  
potum, & cum mellis pari modo sumptum. Cōuul-  
sis & ruptis cum sale & oleo. Nam cum adipe tumo-  
res suspectos sanat. Extrahit fistulis vitia cū sulphu-  
re & resina, etiam harundines cum pice. Lepras, li-  
chenas, lentigines exulcerat, sanatque cum origano,  
vei cinis eius ex oleo & garo illitus. Sic & sacros  
ignes. Sugillata aut liuentia ad colorem reducit, cō-  
bustum ex melle. Credunt & comitalem morbum  
sanare, si quis in eo cibo vtatur aut potione. Quar-  
tanas quoque excutere potū caput vnum cū Laserpitij  
obolo.

obolo. In vino austero tuffim, & alio modo acceptū. Suppurationes quantaſlibet ſanat, fractæ incoctum fabæ, atque ita in cibo ſumptum, donec ſanitatē reſtituat. Facit & ſomnos, atque in totum rubicundiora corpora. Venerem quoque ſtimulat cum Coriandro viridi tritum, potumque è mero. Cæterū contra pituitam & gallinæ & gallinaceis prodeſt. Mixtum farre in cibo, iumentis vrinam reddere, atque nō torqueri tradunt, ſi eo trito natura tangatur.

## EX SIMEONE SETHI.

Cōmodiſſimum eſt craſſum & tenacē, aut crudum humorē aggregantibus: eum enim incīdit, & obſtructiones ab eo factas tollit. Habet verò quippiā mali ſucci, quod decoctum aqua abiicit. In frigidis temperaturis ſæpe ſanitatē præſeruat. Temperatura verò calidos lædit, & maximè oculos, caput, pulmonē, & renes eorum. Proprietate autem quadam ſitim à falſo humore factam ſedat, & lumbricos eiicit, & flatuſ diſcutit. Et ſi verò ſauum viſum offēdat, nihilominus tamen eiſ hebetudinē propter humiditatem ortam ſauat. Semen in calidis corporibus exiccat. In frigidis verò & humidis corporibus idem calefacit, Veneremque excitat. Eſt etiam remedium cōtra venena, & morſus venenatorū, perinde atque theriaca: vnde & Galenus hoc theriacam ruſticorū vocat. Hoc ipſum fugiunt ſerpentes, tanquam Rutam. Quapropter Perſe coquinas ipſorum Alliis replent. Non ſolum autem flatuſ diſcutit, ſed etiam horū generationē prohibet. Colicos aſſectus à flatibus ortos, & diuturnos coxendicum qui à pituita proueniunt dolores, iuuat. Alimentum & languinem extenuat, & faciē rubificat, aſperamque arteriam purgat. Si verò aſſetur, & corroſis dentibus aut propter humiditatem dolentibus imponatur, prodeſt. Non ſolum verò ſumptum ad venenatorū morſuſ cōfert, ſed etiam poſtquam tritum eſt, ſuperpoſitum. Lædit prægnantes & lactentes, menſeſque ducit.

PLANTARVM HISTORIAE.  
DE SANCTI IACOBI FLORE.  
CAP. CCLXXXIII.

NOMINA.

VM herba hæc veteribus Græcis & Latinis  
N cognita fuerit, nondum certò affirmare aut  
inficiari audeo. Vulgus tamen herbariorum  
sancti Iacobi florem aut herbam nominat. Officinis  
incognita est. Germani *S. Iacobs blum* [Galli *L'erbe de*  
*S. Iaques*] appellant.

FORMA.

Herba est fruticosa, cauliculo rubente, multifariâ  
striato, foliis exiguis, Erucæ instar confectis, floribus  
luteis, forma Chamæmeli floribus haud dissimili-  
bus, radice adnascentias multas habente.

LOCVS.

Nascitur in agrorum marginibus, & aquarum ri-  
pis, locisque arenosis.

TEMPVS.

Iulio & Augusto mensibus floret.

TEMPERAMENTVM.

Amara est & adstringit, ideóque calidam & siccâ  
esse constat.

VIREs.

Recentiorum medicorum experientia cognitum  
est, herbam hanc vulneribus mirificè mederi, & ad  
interanea prodesse. Fistulas quoque iidem curare, &  
ne vltra serpant prohibere, impositam tradunt. Que  
sanè omnes facultates pulchrè eius téperamento re-  
spondere videntur.

DE SELINO HORTENSI.

CAP. CCLXXXIIII.

NOMINA.

Apiū hor- tense.	Σ	ἡλινορ κηπήδιον	Græcis, Apium hortése aut sa- tium Latinis vocatur. Officinæ latinū re- tinuerunt nomen: Germanis <i>Epffich/oder Ep-</i> <i>pich</i> [Gallis <i>du Persil cultiuee, ou de Iardin</i> ] nominatur.
Selinon quare di- ctum.			Selinon autem Græci vocât, quasi ἑλας σενόμεον, hoc est, pa-

est, paludibus impulsū: paludosis enim gaudet, & in iis enatum lætius exurgit.

## F O R M A.

Apium hortenſe sæpe cubitalem æquat altitudinem: caule rotundo, tenuiter ſtriato, multisq; ramulis brachiato: foliis tripartitò diſſectis, & leniter criſpis, in extremitatibus laciniatis: ſoſculis candidis, & quibus minores haud temerè reperiās: ſemine exiguo: radice ſingulari, lōga, capillata. Hæc itaq; herba, cuius piçturam damus, eſt verum Apium, quòd illi omnes reſpondeant notæ, adeò vt temerè nonnulli putent eſſe vulgare noſtrum Petroſelinum.

## L O C V S.

In hortis ſatum prouenit: amat autem loca potiſſimum aquoſa. Hinc eſt quòd ſua ſponte nò procul à Canſtadio Ducatus Vuirtenbergenſis oppido in paludosis proueniat.

## T E M P V S.

Iunio & Iulio menſibus floret ac ſemine prægnans eſt.

## T E M P E R A M E N T V M.

Calidum eſt in ſecundo ordine, & ſiccum in medio tertij.

## V I R E S. E X D I O S C O R I D E.

Ad oculorum inflammatiōes cum pane aut tenui polenta illitum prodeſt. Aeſtum ſtomachi mulcet. Mammas grumis induratas diſſicit. Crudū aut coctum comēſtum vrinam mouet. Decoctum eius radicūq; potum, letiferis medicamētis aduerſatur, vomitū ciens. Alium cohibet. Semen efficacius vrinam cit. Succurrit & feratum morſibus, & iis qui lithargyrum hauſerunt. Inflationes diſcutit. Miſcetur etiam vtiliter medicamentiſ dolorem leuātibus, theriacis, & tuſſi medentibus.

## E X G A L E N O.

Apiū vſque adeò calidū eſt, vt & vrinas & menſes cieat. Flatus quoque diſcutit, & magis ſemen quàm

P ij herba



# PLANTARVM HISTORIAE

herba ipsa. Ori, stomachoque gratissimum.

## EX PLINIO.

Rami Apij largis portionibus per iura innatant, & in condimentis peculiarem gratiā habent. Oculis illitū cum melle, ita vt subinde foueātur feruenti succo decocti, aliisq; mēbrorū. Fpiphoris per se tritum aut cū pane, aut polēta impositum, mirē auxiliatur. Pisces quoq; si ægrotent in piscinis, apio viridi recreantur. Verū apud eruditos non aliud erutū terra in maiore sententiarū autoritate est. Ad cibos nō est admittendum, imō omnino nefas: nam id defunctorum epulis feralibus dicatū existimant. Ipsius quoque visus claritati inimicū. Eos qui ederint sterilefcere mares fœminasque tradunt. In puerperis verò ab eo cibo comitiales qui vbera hauriunt. Innocentiores tamē esse marem. Eā p; causā est, ne inter nefastos frutices dānetur. Māmarū duritiā impositis foliis emollit. Suauiores aquas potui incoctū præstat. Succo maximē radicis cū vino lūborum dolores mitigat. Eodem iure instillato grauitatem auriū. Semine vrinam ciet, menstrua ac secundos partus. Et si foueantur semine decocto sugillata reddit color, cum oui albo illitum. Aut ex aqua coctum potūque renibus medetur. In frigida tritum oris vlceribus. Semen cum vino, vel radix cum veteri vino vesicę calculos frangit. Semen datur ex tribus cyathis ex vino albo.

## EX SIMEONE SETHI.

Vrinam cit, obstructions tollit, non inflat, magis verò flatu discutit, & menses ducit. Difficulter autē concoquitur, atq; ob eam causam oportet ipsum in medio ciborū sumi. Paululum quid vētrē sistit. Proprietate verò quadā comitiales lædit, & oportet hos omnino abstinere. Sæpe enim quidā qui ferē ex hoc morbo conualuere, parati autem eum incidere, ex eius vſu iterum comitiales facti sunt. Offendit etiam testes. Semē autem quā folia validius & efficacius,  
& eo

& eo radix. Prodest ad singultus à crassis excrementis profectos. Abstergit renes & vesicam. Obstructiones in venis & arteriis factas aperit. Semen præsumptum, ebrietatem arcet. Confert etiam ad bonum\* corporis odorem, multiq̃ue crebriore huius vsu grauem\* corporis odorem abegerunt Mulieres ad rem veneream pròptiores facit Si in huius decocto calculosi desidat, calculos, vt ferunt, eiicit, & difficultatem vrinæ sanat & renes curat. Lactantes mulieres oportet ab eius vsu abstinere: minuit enim lac.

\* Alias o-  
ris.

\* Oris.

## S. BARBARAE. HERBA.

## CAP. CCLXXXV.

## NOMINA.

EQVE huius herbæ aliud nomen, quàm  
N quo vulgò appellatur, afferre potuimus. Superstitione enim quidam ducti prioris temporis herbarij, diuæ Barbaræ herbam nominarunt. Nec nos aliud nomen vtcunq̃ue inuestigâtes ex herbariæ rei peritis extorquere potuimus. Germanis S. Barbarakraut [Gallis L'erbe de S. Barbe] vocatur.

S. Barbaræ  
herba  
cur. illa.

## FORMA.

Caulem habet rotundum, solidum, striatum, folia Erucae modo laciniata, flores luteos, siliquas teretes, semine refertos, radicem ex obliquo prodeuntem, & oblongam.

## LOCVS.

Passim in campestribus nascitur.

## TEMPVS.

Maior & Iunior mensibus floret, ac subinde in siliquis semen profert.

## TEMPERAMENTVM.

Gustanti primum subactis esse, dein parum etiam adstringere videtur, vt calidam & siccam esse nemo dubitare debeat.

## VIREs.

Vulnerariam herbam esse & temperamentū eius

P liij & ex.

# PLANTARVM HISTORIAE.

& experientia docet. His verò potissimum vlceribus medetur quæ impura sunt, & in quibus caro supercrescens fuerit: nam quia valenter siccatur, ideo sordes extergere, & carnes minuere potest.

## DE SAXIFRAGA MAIORE.

### CAP. CCLXXXVI.

#### NOMINA.

N veteribus Græcis & Latinis herba hæc cognita fuerit, nondum mihi constare ingenue fateor. Vulgus herbariorum & officinarum Saxifragam maiorem, & albam, quod scilicet mirificam in continuendis frangendisq; calculis vim, ac flores albos habeat, hodie vocat. Germani *hohen Steinbrech* vel *Vueissen Steintrech* appellant.

#### FORMA.

Caulem habet lanuginosum, subrubicundum, folia exigua, rotunda, in extremitatibus incisa, flores candidos, radicem exilem, cui granula Coriandri seminis quantitatem referentia adhærent, partim alba partim rubea, quibus officinarum pro semine eius vtuntur.

#### LOCVS.

In pratis & montibus, potissimum siccis, prouenit.

#### TEMPVS.

Maior mense floret, dein statim euanescit.

#### TEMPERAMENTVM.

Quum flores, folia & radix gustanti amara sint, calidam & siccam in ordine tertio esse verisimile existit.

#### VIRES.

Vrinam mouet, calculos frangit & conterit. Straguriam itaque confert: abstergit enim expurgatq;, & quæ in venis est crassities, sicut omnia alia quæ amara sunt, incidit. Menses quoque cit, crassaq; ac glutinosa ex thorace educit.

## DE SAXI-

## DE SAXIFRAGA LUTEA.

## CAP. CCLXXXVII.

## NOMINA.

OMEN hoc in præsentia fingere adlubuit  
 N cùm scilicet aliud quo herbâ hâc appellare-  
 mus non occurreret, vt hac ratione à priori  
 discerni posset. Saxifragâ autê vocare placuit, quòd *Saxifraga*  
 nimirum calculos frangat. Ad quod sanè nomē allu- *cur dista.*  
 dentes Germani *Steinklee* nominant, quod idem va-  
 let, ac si Trifolium frangens lapidem dicerent. Alio  
 nomine *gulden oder geelenklee* &, quod sententiam  
 nostram confirmat, *Steinbrechen* à cōminuendo lapi-  
 de appellât. Luteam verò diximus à luteis floribus,  
 volētes eam ab alba discriminare Saxifraga. Cōmo-  
 diſſimè itaque germanicè *geeler Steinbrech* vocabi-  
 tur. Perperam ea officinæ nonnullæ pro Meliloto *Officina*  
 yſurpant, vt suo etiam loco indicauimus. *râ error.*

## FORMA.

Caulem cubiti ferè altitudine obtinet, folia fœno  
 græco ſimilia, in quouis pediculo tria: floribus piſi,  
 multò tamè minoribus, luteis, odoratis, deorſum nu-  
 tantibus, ſemine per ramulos diſfuſo rotundo, radi-  
 ce ſubcandida.

## LOCVS.

Paſſim in aruis & ſegetibus prouenit.

## TEMPVS.

Floret tota æſtate, potiffimum autem Iulio mēſe,  
 in quo ſemen etiam producit.

## TEMPERAMENTVM.

Calidam & ſiccam eſſe guſtus abūdè docet: ama-  
 ra enim & ſubacris exiſtit.

## VIRE S.

Abſtergit, expurgat, & quæ in venis eſt craſſitiem  
 incīdit, atque ad eò obſtructiones iecinoris & lienis  
 tollit. Vrinā mouet, mēſes cit, lapidē frangit, & quæ  
 in thorace ſunt glutinoſa extenuat & educit. Rectè  
 itaq; recētiores in obſtructionibus renum & veſicæ,

# PLANTARVM HISTORIAE.

earundemque partium calculis hac herba vtendum esse docent. Succus etiam eius herbe ac florum eiusdem ad caliginem oculorum instillatus confert.

## DE SISARO. CAP. CCLXXXVIII.

*Sisarum pingit quod in hortis hodie est frequentissimum, Panacis nomine à cheruilla dicta diuersum, quæ huic Siser est satium.*

### NOMINA.

*Siser.*  $\Sigma$  *ισαρορ* Græcis, Siser Latinis, vulgò Pastinaca quòd ei congener sit, appellatur. Sunt qui extritis prioribus literis diminutrice forma  
*Serullum pro Siser, Serullum,* aut *Seruillam,* aut *Cheruillam,* pro *Siserculo* nominent. Germani ad corruptam hanc appellationem respicientes, *Gerlin* & *Geirlin* [Galli *Cher-ny*] vocant.

### GENERA.

Duo sunt Sifari, Plinio lib. xx. cap. v. autore, genera. Vnum satiuū, quod iterū duūm est generum: vnū enim magnum dicitur, Germanis *grosz Zam Moren*. Alterum verò minus, quod iidem priuatim *Geirlint* *Vueisz Morelen* / *klein Zam Moren* / vel *Morchelen* nominant. Alterum erraticum, quod *Vuuld Moren* appellant. Officinis nonnullis *Baucias* dicitur.

### FORMA.

*Sisarum satium.* *Sisarum satium* caulem habet angulosum, folia oblonga & in extremitatibus incisa, flores magnum luteos, minus verò candidos, semen latū & foliaceū, radices intus candidas, iucundi gustus, esuiq; gratissimas. Erraticū caule est bicubitali, foliis *Pimpinellæ*, sed maioribus, flore luteo & umbella *Anethi*, semine lato & rotūdo, vt satiuū, radice tenui ac longa.

### LOCVS.

Copiosè in Germania nostra prouenit: gaudet enim frigidis locis. Satiuū quidē in hortis, erraticū verò passim in incultis, vberius autē in apricis pratis.

### TEMPVS.

Vtrūq; æstate floret, atq; subinde semē producit.

### TEMPUS.

## TEMPERAMENTVM.

Sisaron Paulus in tertio ordine, Galenus autem rectius in secundo calidum esse statuit. Satiuum autem siccum quidem simul in primo ordine, quandoquidem Venerem stimulat: erraticum verò, quoniã adiectam amaritudinem quandam cum leuicula adstrictione, siccus existit.

## VIRES. EX DIOSCORIDE.

Suauiſ ori elixa Sisari radix, stomacho utilis, vrinam cit, & appetentiam excitat.

## EX GALENO.

Sisari radix cocta, stomacho grata est, & vrinam mouet.

## EX PAVLO.

Sisari radix cocta, stomacho utilis est, & vrinæ ciendæ. Semen tenue est & discussorium, validumq; : idcirco iis quos singultus & tormina malè habent, cum vino exhibetur.

## EX PLINIO.

Siser erraticum satiuo simile est & effectu. Stomachum excitat, fastidium discutit. Ex aceto laserpitia to sumptum, aut ex pipere & mulso, vel ex garo, vrinam ciet, vt Opion credit, & Venerem. In eadẽ sententia est Diocles. Præterea cordi conuenire conualescentium, aut post multas vomitiones perquam vtile. Heraclides contra argentũ viuũ dedit, & Veneri subinde offensanti, ægrisque se recolligētibus. Satiui priuatim succus cum lacte caprino potus, sistit aluum.

## DE SYCE. CAP. CCLXXXIX.

## NOMINA.

συκή ἡμερος Græcis, Ficus satiuæ Latinis & Ficus. officinis, Germanis *Feigenbaum*, [Gallis *Vng Figuier*] dicitur.

## FORMA.

Ficus satiuæ arbor est non magnopere procera, quanquam amplissimæ quædam inueniantur, vel pyri

## PLANTARVM HISTORIAE.

pyris æmula magnitudine, caudice breui, cortice leui, medulla carnosâ, folio perquam magno vmbrosoq; , profundè admodum laciniato, sine flore, pomo quod supra folij pediculum nascitur, tubinato, molli, intus granoso, succo cū maturescit lacteo, postea melleo: radicibus multis, obliquis ac longis.

### LOCVS.

Iam in plærisque Germaniæ nostræ hortis plantatur, at in paucissimis fructus maturos pducit. Calidiora & aprica loca amat: arbor enim omniū ferè tenerrima & delicatissima, gelicidia & glacies horret.

### TEMPVS.

Germinat sub Arcturum post ver, aut paulò ante solstitium.

### TEMPERAMENTVM.

Ficus arbor calidæ temperaturæ est, tenuiumque partium, ceu indicant tum liquor eius, tum foliorū succus. Valenter enim eorum vterque calidus est. Ficus quoque recentes & aridæ primo ordine completo calefaciunt, aut secundo incipiente: desiccant verò in medio primi.

### VIRE. EX DIOSCORIDE.

Fici maturæ, teneræ recentèsue stomacho noxiæ. Aluum soluunt, sed facilè ab eis contracta fluxio sistitur. Exanthemata & sudores prouocant. Sitim sedant, calorem restinguunt. Siccæ nutriunt, calefaciunt, sitim magis afferunt, bonam faciunt aluum. Fluxionibus tamen stomachi & ventris inutiles: arteriæ verò vesicæ & renibus vtilis. Amicæ etiam iis quos longa valetudo decolorauit, asthmaticis, cõitiali morbo laborantibus & hydropicis. Decoctæ cū Hyssopo & potæ, quæ in thorace sunt, purgant. Veteri tussi, & diuturnis pulmonis affectibus prosunt. Aluum molliunt, tulæ cum nitro & croco manducatæ. Decoctum earum arteriæ & tonsillarum inflammationibus gargarizatu confert. Cum hordeacea farina cataplasmati miscetur, & in muliebria fomenta cum

eum scœnogræco, aut ptisana. Cum Ruta decoctæ, in torminibus infunduntur. Coctæ, tritæ illitæque, duritias discutiunt, parotidas ac furunculos emolliunt. Panos maturant, maximè iride, nitro, aut calce addita. Crudæ cum antedictis tusa, eadem efficiunt. Cum malicorio, pterygia purgant. Cum atramento futorio difficiles curatu & maleficas tibiæ fluxiones sanant. Quin cum vino decoctæ, addito absinthio & hordeacea farina, hydropicis illitæ auxiliantur. Crematæ & cerato commixtæ, perniones sanant. Crudæ & tritæ sinapi humido exceptæ, ac auribus impositæ, sonitus & prurigines curant. Succus tam syluestris quàm satiuæ Fici, coaguli modo lac coagulat, concretumque vt acetum dissoluit. Exulcerat corpora, ac venarum ora aperit. Soluit aluum. Vterum laxat, cum amygdala trita potus. Menstrua ciet cum luteo oui appositus, aut thyrrhenica cera. Podagricorum cataplasmatibus cum farina scœnigræci & aceto utilis. Lepras, lichenas, discolorum à sole cutem, alphas, scabies, achoras, cum polenta expurgat. Instillatum plagæ percussis à scorpionibus, venenatorum ictibus, & rabiosi canis moribus auxiliatur. Dentium doloribus lana exceptus prodest, & cauis eorum inditus. Myrmeciam tollit cum adipe circumlita in ambitu carne.

## EX GALENO.

Fici arboris liquor, & succus foliorum eius non mordicat tantum, aut absterget vehementer, sed & vlcerat, & ora vasorum reſerat, & myrmecias eiicit. Verum & purgare potest. Ficus aridæ tumores dueros concoquunt, eosque statim discutiunt. Atque ipsæ per se illitæ eiusmodi vim obtinent. Sed & decoctum earum eiusdem utique naturæ est. Verum ubi magis concoquere consiliū est, miscenda est farina triticea: ubi verò plus digerere, hordeacea. Panis horum in medio est. In presentiarum hæc de caricis nouisse sufficiat.

Scire



## PLANTARVM HISTORIAE.

Scire verò oportet, quòd quæ pinguiore sunt, magis possunt concoquere: quæ verò gustu acriores, magis tum extergere, tum discutere. Cæterum quod ex iis plurimum in aqua coctis efficitur, simile est melli non solum consistentia, sed & facultate. Porro Ficus virides comestæ propter admistam humiditatem facultatis sunt imbecillioris: subducunt tamen aluum vtræque tum humidæ tum siccæ. Præterea Ficus commeabiles sunt, & facilè in totum corpus peruadunt, penetrantq;. Nam & abitergendi vi polent haud obscura: cuius gratia commansæ, è calculosis renibus arenularum vim propellunt. Caricæ licet multiplici vtilitate commendentur, si quis tamè crebrò largiterq; esitauerit, sentiet non esse innoxias. Non admodum enim probum sanguinè gignūt, quapropter pediculorum quoque agmen eas comitatur. Incidendi extenuandiq; vim habent, quo nomine aluum stimulant ad excretionem, renesq; expurgant. Iecori autem lienique inflammatione obsessis officiunt, velut Ficus quoque, communi ratione emuium dulcium epularum, non peculiari quadam eximia facultate. Obstruatis autè illis, aut scirrhotentatis, ipsæ ex sese propriis viribus nihil profunt, nec obsunt: sed incidentibus, extenuantibus, & abstergentibus iunctæ, non mediocriter auxiliantur: ideoq; medici nonnulli iu dictis lienis iecorisque affectibus eas lōgè ante cibum cum thymo, aut pipere, aut zingibere, aut pulegio, aut satireia, aut calamètha, aut origano, aut hyssopo dare soliti sunt. Ad eundem modum cum alio quouis acrem qualitatem, aut omnino incidendi extenuandiq; vim gerente caricæ assumere, non solum ita affectis, sed sanis quoque ex vsu fuerit. Siquidem iecoris meatus, per quos fertur alimentum, patentes apertosq; seruari non solis laborantibus, sed bene valentibus etiam tutissimum est. Proinde hoc pacto Ficus extenuante sale, aceto garoq; conditas vulgò comedunt, experi-

experimento id vtile esse compertum habentes.

## EX PLINIO.

Fici succus lacteus, aceti naturam habet: itaque coaguli modo lac contrahit. Excipitur ante maturitatem pomi, & in vmbra siccatur ad aperienda vlcera, cienda menstrua, appositus cum luteo oui, aut potus cum amylo. Podagris illinitur cum farina fœ nigræci & aceto. Pilos quoque detrahit, palpebrarumque scabiem emendat. Item lichenas & psoras. Alnum soluit. Lactis ficulni natura aduersatur crabronum, vesparumque, & similibus venenis, priuatim scorpionum. Idem cum axungia verrucas tollit. Folia & quæ non maturare Fici strumis illinuntur, omnibusque quæ emollienda sunt discutiendæ. Præstant hæc & per se folia. Et alij vsus eorum, tanquam in fricando liene & alopecis, & quæcunque exulcerari opus sit, & aduersus canis morsus. Ramorum teneri cauliculi cuti imponuntur. Idem cum melle vlceribus quæ ceria vocantur, illinuntur. Extrahunt infracta ossa cum Papaueris folijs sylvestris. Canum rabiosorum morsus, folio trito ex aceto restringunt. E nigra ficu candidi cauliculi illinuntur furunculis, muris araneni moribus cum cera. Cinis earum è folijs, gangrænis, consumendisq; quæ crescunt Fici maturæ vrinam ciunt, aluum solvunt, sudorem movent, papulasque. Ob id autumno insalubres, quoniam sudantia huius cibi opera corpora refrigerant. Nec stomacho vtilis, sed ad breue tempus. Nec voci contrariæ intelliguntur. Nouissimæ salubriores quàm primæ. Medicatæ verò nonnunquam inueniunt vires augent. Senibus meliorem valetudinem faciunt, minusque rugarum. Sitim sedant, calorem refrigerant: ob id non negandæ in febribus constrictis, quas stegnas vocant. Siccæ Fici stomachum lædunt, gutturi & faucibus magnificè vtilis. Natura iis excalfaciendi. Sitim afferunt. Alnum molliunt, rheumatismis eius & stomacho contrariæ.

Vesicæ

# PLANTARVM HISTORIAE.

Vesicæ semper vtilis, & anhelatoribus, ac suspiriosis. Item iecinorum, renum, lienum vitiis. Corpus & vires adiuuant, ob id antè athletæ hoc cibo pascebantur. Pythagoras exercitator, primus ad carnes eos transtulit. Recolligentibus se à longa valetudine vtilissima. Itè comitialibus & hydropicis, omnibusque quæ maturanda aut discutienda sunt, imponuntur. Efficacius calce aut nitro admixto. At coctæ cum hyssopo pectus purgant, pituitam, tussim veterem. Cum vino autem ad sedem, & tumorem maxillarum, & furunculos, panos, parotidas, decoctæ illinuntur. Vtilis & decocto earum fouere fœminas. Decoctæ quoque eadem cum fœnogræco vtilis sunt pleuriticis & peripneumoniciis. Cum Ruta coctæ, torminibus prosunt. Tibiarum vlcerebus cum æris flore. Pterygiis cum punico mælo. Ambustis, perionibus cum cera. Hydropicis coctæ in vino, & cum absinthio & farina hordeacea, nitro addito. Aluum sistunt manducatæ. Scorpionum iactibus cum sale tritæ illinuntur. Carbunculos extrahunt in vino coctæ & impositæ. Carcinomati, si sine vlcere est, quam pinguis simam Ficum imponi, penè singulare remedium est: item phagedænæ. Cinis non ex alia arbore aciem purgat acrior, conglutinat, replet, adstringit. Bibitur & ad discutiendum sanguinem coëcretum. Itè percussis, præcipitatis, conuulsis, ruptis, cyathis singulis aquæ & olei. Datur tetanicis & spasticis. Item potus vel infusus cœliacis, dysentericis. Et si quis eo cum oleo perungatur, excalfacit. Item cum cera & rosaceo subactas, ambustis cicatricè tenuissimam obducit. Lusciosos ex oleo illitus emendat, dentiumq; vitia, crebro fricatu. Produunt etiam, si quis inclinata arbore, supino ore aliquem nodum eius morfu abstulerit nullo vidente, atq; in aluta illigatum licio è collo suspenderit, strumas & parotidas discuti. Cortex tritus cum oleo, ventris vlcera sanat. Crudæ grossi verrucas & thymos nitro farinaque

naq; additis tollunt, spodiiq; vicem exhibet fruticum à radice exeuntium cinis. Bis tostus adiecto psimmythio digeritur in pastillos, ad vlcera oculorum & scabritiam.

## EX SIMEONE SETHI.

Ficus admodum nutriunt, non tamen adstrictam & robustam carnem efficiunt, vt panis ac caro, sed laxam. Ventrem flatibus implent, nisi probè coquantur. Minus verò quàm cetera sopora sunt mali succi, & ventrem proritant, & facilè exeunt. Effatu digna extergendi facultatem obtinent: proinde arenosa multa si edantur nephreticis excernuntur. Maturæ Ficus nihil ferè obsunt, proximeq; ad caricas accedunt, quæ multa vtilia habent. Malum hoc illis inest, quod sanguinem non admodum bonū gignunt, vnde & pediculi procreantur. Oportet autem post vsum Ficuum, alimentum quod extenuet, ingerere. Ad hæc Fici pulmonem & thoracem iuuant. Aiunt insuper contra venena facultatem habere, si quis singulis diebus ieiunus iis vtatur. Caricæ pectus iuuat, & tusses. Vrinam ciunt, satisq; nutriunt, corporis etiam bonam habitudinem efficiunt. Ante cibū sumptæ, ventrem irritant, sed nisi celerius ventrem pertranscant, non bonum sanguinem gignunt. Quapropter si ad satietatem vsque eduntur, scabiem & pruritus excitant. Cibus autem bonus est, & aduersus venena remedium, si cū nucibus aut amygdalis comedantur. Renes expurgant, & iecoris, lienisq; obstructions auferunt, verum calefaciunt, & sitim inferunt, & flauam in calidioribus temperamentis bilem procreant. Impositæ parotidibus & reliquis abscessibus, emolliunt & concoquunt, potissimum in iis quibus sunt carnes molliores. Podagricis cū fœnogræco & aceto impositæ, non parum iuuant.

## DE SPARTO. CAP. CCXC.

*Spartum* id est *Parisis* frequens in calathis ficuum & uuarum passarum usu frequentissimum.

NOMI;

# PLANTARVM HISTORIAE.

## NOMINA.

σπάρτον, ἢ σπαρτίον Græcis, Spartum Romanis vocatur. Officinis incognitum. Germanis *Pfrimmen* [*Gallis du Genest*] appellari possunt. *Spartū* unum test. Sparton verò dixerunt, quòd funiculi ac vinculi dictū. li ysum in alligandis vitibus præbeat.

## FORMA.

Frutex est virgas longas proferens, sine foliis, validas, difficulter fragiles, quibus vites ligant. Siliquas phaselorū modo fert, & in iis semina lentis formam habentia. Florem luteum, veluti *Leucoion*.

## LOCVS.

Aridum solum amat, estq; veluti terræ iuncus.

## TEMPVS.

Floret circa Idus lunias, ac subinde siliquas producit.

## TEMPERAMENTVM.

Calidum & siccū esse, & gustus & vires indicant.

## VIRE. EX DIOSCORIDE.

Sparti semen & flores in aqua mulsa pota quinque obolorum pondere, per superna cum intensione veluti *Elleborus* citra periculum purgat. Semen per inferna purgat. Quinetiam maceratis in aqua virgis eius, deinceps verò tulsis & expressis, si succus cyathi vnus mēsurā ieiunis bibatur, ischiadicis & angina laborantibus auxiliatur. Quidam etiam muria, aut marina macerantes, ischiadicis clysterem infundunt. Strigmenta autem cruenta elicit.

## EX GALENO.

Sparti, quo & vites apud nos alligant, tum semen, tum virgarum succus, non instrenuè trahentis est facultatis.

## EX PAVLO.

Sparti, quo vites ligant, & semen & flos cum mulsa pondere quinque obolorum pota, per superiora purgant veratri modo sine periculo. Semen per inferiora quoque purgat. Virgæ ipsius ad coxendicū dolores proficiunt.

EX

## EX SIMEONE SETHI.

Sparti, quo vites ligantur, semen & flores cum aqua multa si bibantur pondo obolorum quinq; per superna purgant, vt Elleborus albus, sine periculo. Semen autem per inferna purgat. Virgæ verò ischiadicis profunt.

## DE SMYRNIO. CAP.

## CCXCI.

## NOMINA.

*μύρριον* Græcis, Smyrnion Latinis, officinis  
 N *Leuisticum*, Germanis *Liebstockel*, [Gallis  
*Leueffe, ou Liewsch*] dicitur. Smyrnion dictū, *Smyrnion*  
 quod huic idem sit odor qui Myrrhæ. Errant qui *Leu*  
*uisticum* hodie nominatam herbam, eam esse putāt  
 quæ Dioscoridi *Ligusticum* appellatur. Neq; enim  
 caulem geniculatum, neq; etiam folia Meliloto si-  
 milia profert. Tolerabilior est sententia eorum qui  
*cur dictū.*  
*Leuisticū*  
*nō est Li-*  
*gusticum,*

## FORMA.

Caulem habet Apio similem, adnascentias obtinentem multas. Folia latiora Apio, ad terram cōfracta, subpinguia, robusta, cum acrimonia odorata, medicataq; & colore sublutea. Umbellam supra caulem Anetho similem. Semen rotundum, nigrū, sapore acre. Radicē acrem, odoratā, teneram, succosam, fauces mordentem, foris nigram, intus pallidam, aut subalbidā. Ceterum si quis singulas has notas velit expendere, facilè perpendet Smyrnum eā esse herbam quam hodie *Leuisticum* nominant. Siquidē ea vt Apīū caulem profert cōcauū, ac stolones multos. Folia quoq; Apij, at latiora, ad terrā confracta, subpinguia, firma, cum quadam acrimonia odorata, odore tamen medicato, colore in luteum languido: muscarium in capitibus caulium Anetho simile: semen rotundum, nigrum, acris sapore: radicem odoratam, acrem, gustu fauces mordentem, succosam, mollem, foris atram, intus subalbidam, aut pallidā.

*Smyrniū*  
*esse Leui-*  
*sticum.*

Q His

# PLANTARVM HISTORIAE.

*Leuistici  
forma &  
odore A  
pio simile.* His accedit quòd Leuisticum forma & odore Apio valde simile est, ita vt nonnulli hac ratione moti putauerint esse Apii speciem quandam: vt congenerè esse herbam, quemadmodum testatur Galenus, nemini dubium esse debeat. Vnde iterum liquidò colligi potest esse Smyrniò, quòd certè statim ab Apio Dioscorides, tanquã similem congeneremq; herbã, idipsum describat. Conueniunt etiam vtrarumque herbarum facultates, vt paulò pòst monebimus. Item Dioscorides scribit Pœoniam fœminam folia Smyrni habere. Quid verò foliis Pœoniæ fœminæ, quàm folia Leuistici hodie nominati magis simile? vt nemo dubitare debeat subinde Smyrnion esse Leuisticum.

## LOCVS.

Nascitur hodie passim in hortis. Humida autem loca amat.

## TEMPVS.

Floret æstiuo tempore.

## TEMPERAMENTVM.

Calidum & siccum in tertio ordine.

## VIRE. EX DIOSCORIDE.

Calefaciendi facultatem habent radix, herba & semen. Olerum modo comeduntur folia muria macerata, aluũq; sistunt, Radix serpentium moribus pota succurit. Tusses & orthopnœas mitigat. Vrinæ difficultati medetur. Illita recentia œdemata, phlegmonas, & duritias discutit. Vulnere ad cicatricem perducit. Feruefacta & subdita, abortus facit. Semen eius lienis, renum & vesicæ vitiis prodest. Menses & secundas pellit. Commodè datur ischiadicis cum vino. Inflationes stomachi lenit. Sudores & ructus ciect. Potum peculiariter hydropicis, & febrium circuitibus prodest.

## EX GALENO.

Smyrnion est eiusdem generis cum Apio & Petroselino: fueritq; Apio quidem validius, Petroselino

lino autem imbecillius. Menfes itaque & vrinas mouet. Cilices in Amano monte natum Petroselinum vocant. Est quidem & ipsum Smyrnion, minus verò Petroselino & Smyrnio acre est. Proinde & vlceribus imponi potest, quia videlicet sine molestia desiccet. Sed & digerere quæ indurata sunt, valet. Reliqua facultas eius Apio & Petroselino similis est. Quocirca & semine vtimur ad menses, vrinas & asthma. Hæc Galenus. Ex iis Galeni verbis liquidò apparet duplex esse Smyrnion, vnum quod alio nomine Hipposelinon, de quo suo diximus loco, dicitur: alterum autem quod in Amano nascitur monte, de quo hic nobis sermo est.

## EX PLINIO.

Vrinam & menses ciunt folia & radix. Aluum fistit semen. Radix suppurationes recentes, & collectiones discutit: item duritias illita. Prodest contra phalangia, ac serpentes, admixto cachry aut pollicine, aut apiastro in vino pota, sed particulatim, quoniam vniuersa vomitiones mouet, qua de causa nonnunquam cum ruta datur. Partus adiuuat, & secundas pellit. Medetur tussi & orthopnoæ radix vel semen. Item thoracis, lienis, renum & vesicæ vitiis. Radix autem ruptis, conuulsis auxiliatur. Sudores ciet & ructus, ideo inflationem stomachi discutit. Vulnere ad cicatricem perducit. Datur ischiadicis in vino cum crethmo. Exprimitur succus radice, vtilis scæminis, thoracis & præcordiorum desiderijs: calefacit enim, concoquit, & purgat. Semen peculiariter hydropicis datur potu, quibus & succus illinitur. Concoctiones facit. Sapore similima piperi, ideo ad opsonia vtuntur cum mulso, oleo & garo, maximè in elixis carnibus.

## APPENDIX.

Confer cum iam dictis facultatibus eas quas Leuistico recentiores tribuunt, & comperies prorsus eadem esse. Tradunt enim eius semen mouere menses

Qij &



# PLANTARVM HISTORIAE

& vrinas, inflationes tollere, serpentium moribus mederi, calculos confringere, sudores ciere, vulnera conglutinare, lienisq; obstructions auferre: adeo vt hinc iterum constet, Leuisticum à Smyrnio non esse, saltem viribus, diuersum.

## DE SILPHIO. CAP. CCXCII.

*Laserpitium Germanicum in horto diui Germani Praten-  
sis est multum.*

### NOMINA.

*ἰλφίον* Græcis, Laser & Laserpitium Latini-  
nis dicitur. Vulgo & officinis corrupta vo-  
ce, deflexa tamē quadā à Laserpitio pristini

nominis vmbra, Osteritiū vocatur. Primum siqui-  
dem vt dictū est, Laserpitiū, dein deprauata nomen-  
clatura, Osteritium, postremo Ostritium cœpit ap-  
pellari. Qui sanè lapsus facilis admodum fuit. Abie-  
cta nanque prima litera, Asteritium, & dein a muta  
to in o, Osteritiū, ac postremo magis concisē Ostri-  
tium nominare imperiti cœperunt. Veteribus Ger-  
manis haud dubiē *Laservurtz* dicta est hæc herba, quā  
quidem vocem, vtpote semilatinam, posteri non re-  
ctē intelligētes, in *Meysteruurtz* mutarunt. Quā qui-  
dem appellatione adhuc hodie omnes vtuntur Ger-  
mani. [*Galli Benioin, ou L'herbe dont prouient le Benioin.*

### FORMA.

Caulem ferulæ similem habet, folia verò Apij,  
aurei coloris, semen latum, foliaceum, radicem quæ  
corticem nigrum obtinet, à qua liquor etiam modi-  
cè rubens, translucidus, myrrhamq; redolens, ac o-  
doratus destillat. Ex qua quidem descriptione luce  
clarius constat, herbam hanc cuius picturam da-  
mus, esse Laserpitium, saltem germanicum. Caulis e-  
nim enim ei fœniculaceus, seu ferulæ, hoc est, ge-  
niculatus, folia Apij in auri colorem languescentia,  
semen foliaceum & latum, nempe quod figura exile  
foliolum exprimit: radix crassa & multa, foris nigri-  
cans, intus candida, mirāq; flagrans iucunditate, quæ  
si vul-

*Ostritium  
cur d. & a.*

*Laserpitiū  
germani-  
cum.*

si vulneratur, liquor profluit l  tus, ac modic   rufus, suauiffimumq; spirans odor  , & lingu   sua acrimonia vellicans, vt san   nulla fit prorsus nota qu   reclamare videatur. His accedit qu   facultates Ostriij nominati    Laserpitij viribus n   discrepant, qu   admodum ex sequentibus patebit.

## LOCVS.

Nascitur in Syria, Armenia, Media & Aphrica. Quod ex Armenia & Aphrica affertur suauiffimum odorem habet, pr  sertim Cyrenanicum, vnde &   w  s, id est, succus Cyrenaicus appellatur. Nec hoc Laserpitium aliud est qu  m concretus ille succus, quem officin   Belzuinum, vel Ben Iuinum vocant, Quod ver   ex Media & Syria affertur, Dioscoride teste, virosum odorem obtinet, ac putrilaginem respicit, id  q; videtur esse id quod hodie officin   passim Asam f  etidam nominant. Quod etiam hinc colligi potest, quod in hodiernum vsque diem ex Syria Alexandrina, & hinc Venetias deportatur. Nost  r   in montosis locis prouenit, ac in omnibus fer   hortis nunc plantatur.

*Succus Cyrenaeicus.  
Belzuir   est Laserpitium.*

*Asa foetida.*

## TEMPVS.

Iunio mense flores admod   exiguos ac candidos, instar Anisi, profert, atq; subinde semen latum.

## TEMPERAMENTVM.

Silphij liquor calidissimus est. Verumenimvero & folia, & caulis, & radix sat strenu   excalfaciunt. Nost  rum etiam Laserpitium in vniuersum calidius atque acrius est pipere ipso, ade  que calefacit & exiccat in tertio ordine. Radix autem & semen, folia & caulem superant, vt in eo etiam efficacissimus omnium aliarum partium sit liquor, secundo loco folia, postremo caulis.

## VIRES. EX DIOSCORIDE.

Laserpitij liquor acris est, inflat. Inunctus c   vino, pipere & aceto, alopecias sanat. Oculor   aciem exacuit. Incipientes suffusiones cum melle inunctus

Q iij diffi-

# PLANTARVM HISTORIAE.

† ὡροκα-  
τασχα-  
σθίντων  
legendū.

dissipat. Cauernis dentium in eorundem dolore in-  
ditur, aut cum thure in linteo circumponitur, aut  
colluitur eo os cum Hyssopo, & Ficis coctis in pos-  
ca. His prodest, quos bestia in rabiem efferata mo-  
morderit, vulneribus impositum. Valet aduersus o-  
mnia animantia quæ virus eiacularatur, venenata te-  
la, potus aut inunctus. Scorpionum plagis oleo di-  
lutus circumlinitur. Gangranis † antea sacrificatis  
immittitur. Carbunculisque cum ruta, nitro & mel-  
le, vel per se. Clauos, callosq; prius circūscarificatos  
tollit, cerato, aut aridorum Ficuum carne præmol-  
litus. Recentes lichenas ex aceto sanat. Excrescen-  
tias carnis, polypoſq; si aliquot diebus cum atra-  
menro sutorio aut æruginē illinatur. Extuberantia  
cum forſice extrahit. Diuturnis asperæ arteriæ aspe-  
ritatibus opitulatur. Vocem subito exasperatā irrau-  
cescentē nue, dilutus aqua & absorptus confestim  
restituit. Vuam cum melle inunctus reprimat. Angi-  
na laborantibus ex aqua mulsa vtiliter gargarizatur.  
Coloris bonitatē iis qui eo vescuntur auget. In sor-  
bili ouo datus tussi auxiliatur, pleuriticisq; in sor-  
bitionibus. Suffusus felle, & hydropicis cum aridis  
Ficis vtiliter exhibetur. Cum pipere, thure & vino  
potus, rigores soluit. Nerviſtentione laborā-  
tibus, opisthotoniciq; datur oboli pondere deuo-  
randus. Hærentes gulæ hircines, gargarizatū cum  
aceto deiicit. Ad lac intus in grumos concretū. Co-  
mitialibus ex oxymelite sumptus succurrit. Menses  
eiet cum pipere & myrrha potus, Cæliacos in acino  
vua sumptus inuat. Cum lixiuio potus, repentinis  
conuulsionibus & rupturis prodest. Ad potiones dis-  
soluitur amaris amygdalis, aut ruta, aut calido pane.  
Foliorum liquor eadē potest, sed multo minori effi-  
cacia. Cum oxymelite manditur ad expediendā as-  
peram arteriam, præsertim amissam vocem. Utun-  
tur eo cum Lactucis, pro cruca comedentes.

EX GALENO,

Omnes

Omnes Silphij partes flatulentæ magis sunt essentia, ac proinde concocti difficiles. Foris tamen impositæ corpori, efficaciores, & omnium potissimum liquor, admodum trahentem facultatem obtinens. Attamen ex crescentias imminuendi, & liquâdi vim quâdam propter iam dictam temperiē habentem. Liquor Cyrenaicus quidē omnes & caliditate & tenuitate exuperat, ac proinde etiā omnium maximè discutit.

## EX PLINIO.

Folia Silphij ad expurgandas vuluas, pellēdosq; emortuos partus, decoquuntur in vino albo odorato, vt bibatur mensura acetabuli à balneis. Radix prodest arteriis exasperatis, & collectionibus sâguinis illinitur. Sed & in cibis concoquitur ægrè. Inflationes facit & ructus. Vrinæ quoq; noxia. Sugillatis cū vino & oleo amicissima, & cum cera strumis. Veruæ sedis crebriore eius suffitu cadunt. Liquor eius per se algores exalfacit. Potum neruorum vitia extenuat. Fœminis datur in vino. Et lanis mollibus ad mouetur vuluæ ad menses ciendos. Pedum clauos circumsarcificatos ferro, mixtus ceræ extrahit. Vrinam ciet ciceris magnitudine dilutus. Andreas spōdet, copiosius sumptum nec inflationes facere, & cōcoctioni plurimum conferre senibus & fœminis. Itē hyeme quàm estate vtilius, veruntamē aquâ bibentibus, cauēdumq; ne qua intus sit exulceratio. Ab ægritudine recreationi efficax in cibo. Tēpestiuè enim datus, cauterium obtinet: assuetis etiam vtilius quàm expertibus. Ad extera corporum, indubitatas confessiones habet. Venena telorum & serpentium extinguit potus: ex aqua vulneribus his circumlinitur. Scorpionum tantū plagis ex oleo. Vlceribus verò non maturescentibus, cum farina hordeacea, vel fico sicca. Carbunculis cum ruta, vel cum melle, vel per se visco superlitum vt hæreat. Sic & ad canis morsus. Ex crescentibus circa sedem, cum tegmine puniçi mûli ex aceto decoctus. Clauis pedum,

qui vulgo morticini appellantur, nitro mixto, antè subactus. Carnes replet cū vino & croco, aut pipere, aut murium fimo & aceto. Perniones ex vino fouet, & ex oleo coctum imponitur: sic & callo. Clauis pedum superrasis præcipuè vtilitatis. Contra aquas malas, pestilentes tractus, vel dies. In tussi, vna, fellis veteri suffusione, hydropicis, raucitatibus: confectum enim purgat fauces, vocémq; reddit. Podagras, in spongia dilutus posca lenit. Pleuriticis in sorbitione vinum poturis datur, contractionibus, opisthotonicis, ciceris magnitudine cera circumlitus. In angina gargarizatur. Anhelatoribus & in tussi vetusta, cum Porro ex aceto datur, atq; ex aceto his qui coagulum lactis sorbuerint. Præcordiorum vitiis, syntecticis, comitialibus in vino, in aqua multa linguæ paralyti. Coxendicibus & lumborum doloribus cū decocto melle illinitur. Non censuerim, quòd autores suadent, cauernis dentium in dolore inditum cera includi, magno experimento hominis qui se eadem causa præcipitauit ex alto.

A P P E N D I X.

*Laserpitii  
germani-  
ci facultates.*

Laserpitium nostrum ex traditione recentiorum vnicè venenis aduersatur. Item pestilentiaë populariter grassantis arcet contagia. Lentitiam pituitosorum humorum incidit ac discutit: quapropter tussi quam frigus attulit, medetur. Crassa quæ in thorace coeunt, discutit. Coloris corporis bonitatem iis qui eo vescuntur, efficit. Concretū in corpore lac & sanguinem resoluit. Stomachū esu corroborat. Pituitā ventriculi deiicit, & elanguescentem appetentiā inuitat. Menses & urinā ciet. Rabiosi canis morsu, aut serpentis ictu liberat, si contrita folia vulnere indantur. Hypochondriorum vitiis auxiliatur. Item lumborū doloribus. Carbunculos cum polenta tritum & impositum sanat. Cum vino potum rigores discutit. Herba ipsa in vino & aqua cocta vulnera interna glutinat: & in summa, omnia quæ Angelica vocata herba,

herba, & maiori efficacia, potest. Vt hinc etiam constet Oſteritium à nostris nominatum, easdem habere quas veterum Laſerpitium, inefficaciores tamen, facultates. Quare cùm metus sit ne Laſerpitiũ adulterinum, aut saltem non optimum ad nos afferatur, præstat nostro vti, quod scilicet exigua admodum pecunia comparari possit, & viribus satis efficax sit. Nam eadem quæ Dioscorides & Plinius Laſerpitio assignant, recentiorum testimonio præstare valet.

## DE STACHY. CAP. CCXCIII.

## NOMINA.

Στάχυς Græcis, Stachys Latinis dicitur, officinis ignota. Germanis *riechender Andorn* [*Gallis Sauge ſau' uage, ou de montaigne*] nominatur. Stachys verò dicta, quòd verticillato florũ ambitu, & orbibus spicarum caules cingentibus coronetur. *Stachys unde dicta.*

## FORMA.

Frutex est Marrubio similis, sed altior, folia ferēs plura, sed rara, hirsuta, dura, odorata, incana. Virgas ab vna radice plures emittit Marrubio candidiores. Ex hac descriptione perspicuum fit omnibus, herbā quam pictam damus, esse Stachyn: est enim fruticosa, Marrubii quę similitudinem refert, nisi quòd altior est: folia quoque plura, at rara obtinet, item hirsuta, dura, odorata, & albicantia. Virgulas denique, etsi pictura id ipsum non ostendat, ab vna radice plures emittit, candidiores quàm Marrubium. Quibus omnibus florum purpureorum verticillatus accedit ambitus, ac orbes spicarum, qui caules circundant.

## LOCVS.

Asperis locis, montibus ac collibus prouenit.

## TEMPVS.

Floret Iunio & Iulio mensibus.

## TEMPERAMENTVM.

Stachys gustu acri & amaro est, tertii quę ordinis excalfacientium. Vnde iterum liquet hanc herbam esse

# PLANTARVM HISTORIAE

esse Stachyn, quòd gustata acris & amara videatur.

VIREs. EX DIOSCORIDE.

Vim habet excafactoriã & acrem. Ideòque decoctum foliorum eius potum, menses & secūdas pellit.

EX GALENO.

Menses prouocat, abortum facit, & secūdas eiicit.

EX PLINIO.

Pellit menstrua.

DE SECALE. CAP. CCXCIIII.  
NOMINA.

ECALE dicitur Plinio lib. xvij. cap. xvj.

S & Farrago, Germanis *Rocken* & *Korn* [Gallia  
du *Seigle*] nominatur. Magno in errore ver-

*Secale nō est Siligo.* santur qui hoc frumēti genus Siliginem esse existi-  
māt. Siquidem ex hac, Plinio lib. xvij. cap. ix. teste,  
lautissimus fit panis, tener, candidus, & primum te-  
nens: ex illo cibarius, ater, & pondere præcipuus, ad  
arcendam pauperum famem tantum utilis, qui vete-  
rascens acorem etiam contrahit. Item Siligo habet  
spicam erectam, Plinio loco iam citato, cap. x. auto-  
re, nec rorem continet, quæ rubiginem faciat: hoc ve-  
rò procumbentem, & ideo quòd imbres retineat, ru-  
bigini opportunum. Siligo præterea grano est cadi-  
do, leui & multipliciter tunicato: hoc contrà nigro,  
striato, & glumis ferè explicito. Denique Siligo sine  
arista est, hoc verò aristis horret. Postremū ex Sili-  
gine pistrinarum opera fiunt laudatissima, ex Secale  
nullum fere tentatum est. His itaque rationibus eui-  
dentissimū esse puto, hoc frumenti genus quod Ger-  
mani nostri *Rocken* vocant, non esse Siliginem.

FORMA.

Secale frumenti genus vulgò notissimū, stipula est  
culmo triticeo, graciliore & proceriore, geniculis vt  
plurimum quatuor, spica innocetioribus aristis hor-  
rente, non erecta, sed semper propemodū procubēte,  
grano glumis explicito, & ob id caduco, tristi, nigri-  
cante, strigoso. Plinius cap. xvj. libri xvij. scribit,  
Secale

Secale fecunda, sed gracili stipula esse præditū, nigritia triste, sed pondere præcipuum. Quæ singula satis monstrant, frumentum quod *Rocken* vocant Germani, esse secalen, & non filiginem.

## LOCVS.

Gignitur qualicunq; solo, ideoq; passim in Germania, præsertim Rhætia, & Vindelica feritur.

## TEMPVS.

Floret Iunio mense, metitur autem Iulio.

## TEMPERAMENTVM.

Magis videtur excalfacere quàm Triticū, minus tamen refrigerare quàm Hordeum. Magis item exicare quàm Triticum, minus tamen quàm Hordeum aut Zea.

## VIRE S.

Habet aliquid lentoris & obstruētis naturæ. Hinc panis ex eo confectus, potissimum si à furfutibus nō sit probè purgatus, stomacho grauis esse solet. Reliquæ vires ex capitibus de Triticō & Hordeo colligendæ.

## DE SIDERITIDE PRIMA.

## CAP. CCXCV.

## NOMINA.

*Idrigitis* Græcis, Sideritis prima Latinis dicitur. Magna officinarū pars hac herba pro Chamæpity vera vitur, nō sine errore, cum satis ex forma illius constet, vt paulò pōst monstrabimus, non esse Chamæpityn. Germanis *Glidkraut* [*Gallis de Lespargoutte, ou apparitoer*] appellatur. Sideritis verò nominata, quod glutinandis vulneribus apta, præcipuum in bello habeat vsum.

*Chamæpity  
adul-  
terina*

*Sideritis  
cur dista.*

## FORMA.

Herba est folia Marrubio similia habens, lōgiora tamen, ad saluicę aut quercus figuram accedētia, verū minora & aspera. Caules fundit quadratos, dorantales, aut longiores gustu non iniucundos, aliquo modo adstringentes, in quibus per intervalla  
velut



# PLANTARVM HISTORIAE.

*Sideritis  
prima.*

*Sideritis  
nō est Iua  
arthritica.*

velut in Marrubio verticilli in orbem circumacti, & in his semen nigrum. Ex qua quidem delineatione sole clarius constat, herbam cuius hīc picturam exhibemus, esse Sideritin primam. Siquidē folia Marrubij habet, sed lōgiora ad saluīæ similitudinē aspera & rugosa, minora tamen. Caulem quadratum & hirsutum, non iniucundi gustus, aliquantum subadstringentis, quē per intervalla verticillati orbes coronant, vt in Marrubio videre licet, in quibus flores subcandidi ac lutei, & subinde semē nigrum. Radicē exigua & sublutea, quod silentio transiit Dioscorides. Non esse verō hanc herbam Iuam arthriticam, nec Chamæpityos generibus posse annumerari, hinc conicere licebit: primum, quod non sit pumila, sed in altum surgat, fruticis verius, quā herbae specie. Quod verō neque primum neque secundum genus Chamæpityos dici queat, hinc manifestum sit, quod vtrunque foliis Semperuiui minoris sit, à quibus saluīæ, qualia hæc habet, diuersissima sunt. Neque etiam tertium, quia folia eius non sunt exilia.

## LOCVS.

Nascitur asperis, petrosis & incultis locis.

## TEMPVS.

Iunio mēse florere incipit, nec desinit nisi in Autumni fine.

## TEMPERAMENTVM.

Sideritis habet quandam abstergendi facultatem, id quod amaritudo eius satis indicat: & pauculā adstrictionem. Plurima tamen eius pars humida est, & mediocriter frigida.

## VIRE. EX DIOSCORIDE.

Folia eius illita vulnera glutinare, & inflammationem arcere possunt.

## EX GALENO.

Phlegmonem sedat, & glutinandi vim obtinet.

## EX PLINIO.

## EX PLINIO.

Sideritis tantā vim habet, vt quamuis recenti gladiatoris vulnere illigata, sanguinem claudat.

## DE SORGI. CAP. CCXCVI.

*Sorgi panicum Indicum Parisiis dicitur.*

## NOMINA.

EREGRINVM est hoc genus frumen-  
 ti, & ex Italia ad nos allatum, ideoque Germani *Vuelfcher Hirs* [Galli *Ble barbu*, ou *especc de paniz*] vocant. Alij *Sorgfemen* quòd scilicet in Italia Sorgi nominetur. Neque constat quo nomine veteribus sit appellatum, nisi farris genus sit, quod in Gallia nunc rubrum & barbatum frumētum nūcupant. Probè enim illi hæc nomenclatura videtur cōuenire, quòd nimirum eius spica rubra & barbata sit. Certò tamen nihil affirmare audemus, nam *Panicum* etiam referre, quāuis magnitudo repugnet, videtur.

## FORMA.

Culmos habet quatuor aut quinque, altos, crassos, geniculatos, rubicundos, foliis vestitos longis, latis, & in summitate acuminatis, harundini non dissimilibus: spicam quā *Panicum* maiorem ac densiorē, rufam & barbata, in qua semen rufum, rotundum, lētis magnitudine, & acuminatum. Florem luteum. Radicem multis fibris capillatam.

## LOCVS.

Non prouenit nisi satum, & nunc in multorū hortis colitur ac plantatur, non tamen faciliè emergit.

## TEMPVS.

Floret Iulio & Augusto mensibus, flore, vt diximus, luteo, nec nisi extrema ferè autumnii parte ad maturitatem peruenit.

## TEMPERAMENTVM.

Semen dulce est, & *Panicum* planè in gustu refert, ideoque temperamento ab hoc minimè differre putamus.

## VIREs.

# PLANTARVM HISTORIAE.

## VIREs.

Tametſi de illius facultatibus nihil comperti habeamus, tamen quia Panicum guſtu refert, eaſdem illi facultates obtinere exiſtimamus, quas ſuo loco inuenies.

## DE SERPENTARIIS OFFICINARVM. CAP. CCXCVII. NOMINA.

VO nomine veteribus medicis Græciſ. & Latinis appellatæ ſint, nemo haſtenus, quod ſciam, indicare potuit. Recentiores herbarij *Officinarũ* & officinæ non ſine magno & intolerândo errore Serpentarias vocant, non certè quòd in nomenclatura tantùm ſit ſitum, ſed quòd forma & viribus plurimũ ab ea herba quàm Græci *Ἀσπερίδιον*, Latini autem Dracunculum ac Serpentariam nominant, plurimum diſcrepent, vt ſuo loco latius demõſtrabimus. Germani noſtri haſ herbas *Nateruurtz* ſua lingua appellant.

## GENERA.

Duo ſunt Serpentariæ recentiorũ & officinarum genera, forma non multum variantes. Vnũ quod leuibus admodum foliis, & radice in ſe contorta conſtat. Hinc eſt quod herbariis noſtri tẽporis *Biftorta* dicatur. Nos certioris diſcriminis gratia marem fecimus, germanicèq; *Nateruurtz menule* vocauimus. Alterum rugoſioribus foliis, maiorèq; radice, & minus intorta, ac multum capillata videtur. Vulgares herbarij Colubrinam nuncupât. Nos fœminâ cõſtituimus, ideòque germanicè *Nateruurtz Vucible* vocauimus. Serpentarias verò vtrunq; genus dixerũt, propterea quòd vbi primũ è terra prodeunt, linguæ ſerpentinæ pelle tenui veſtitæ, formam obtinent.

## FORMA.

Cauliculo conſtant tenui ac iunceo, glabreſcente, per ima tantùm foliato, ſpicoſo florum vertice, quibus dilutioris purpuræ color ineſt: folio Rumicis à terra

terra cæſſo , ſupernè viridi & herbaceo:radice , mas quidem draconis modo inuoluta & contorta, fœmina verò oblonga, maiore ac capillata, extrà nigricante, intus ruſcente.

## LOCVS.

Nascuntur locis vmbroſis & humidis , pratis poſſimum Martianæ ſyluæ.

## TEMPVS.

Florent Maio menſe & Iunio, quo maximè tēpore, vt omnes aliæ quæ floribus ornantur plantæ, diſgnoſci ac inueniri poſſunt.

## TEMPERAMENTVM.

Vtriuſque radix mirificè adſtringit, vt refrigerandi ac exiccandi facultate prædita eſſe nemini ſit dubium. Antiquus manuſcriptus herbarius frigidas & ſiccas eſſe in tertio ordine cenſet.

## VIRE S.

Radices illarum glutinant vulnera, fœtum in vtrō retinent, vomitum bilioſum reprimunt, dyſenteriam ſanant. Hæc antiquus herbarius . Noſtræ verò ætatis medici, aliorum errata impudenter ſectantes ad longè diuerſos vſus Serpentariæ vtriuſque radices adhibēt, nēpe ad eos ad quos Dioſcorides, Galenus & alij veteres ſuum Dracontium, cū tamen viribus inter ſe maximè diſcrepent, quod guſtus etiam abundè teſtatur, cū Dracontij radix acris ſit, illarū verò vehementer adſtringat. Vt igitur errorem hūc relinquant, ſubinde medicos & ſeplafarios hortor, niſi fortè perdere magis quàm ſauare in delitiis habeant : ſciant quæ Serpentarias ſuas non alias quàm Britannicam habere facultates, adſtringendi nimirum, priuatim ad ea quæ in ore & tonſillis ſunt deſpaciencia vlcera accommodatas , & ad omnia alia quibus adſtriſtione opus eſt. Folia etiam in farinam triſta labiles dentes confirmant.

# PLANTARVM HISTORIAE.

## DE SCORDIO. CAP. CCXCVIII.

*Scordium iam notius est, quàm ut sit pluribus declarandum, nomen retinet.*

### NOMINA.

*νόσδιον* Græcis, Latinis Trixago palustris  
**Σ** dicitur. Officinis ferè omnibus incognita.  
 Germanis allusione quadam ad Romanam  
 appellationem aptè *Vuarsserbatenig* [*Gallis de la Ger*  
*mandree*] nominabitur. Scordion autem Græcis ab  
*Scordion* unde di- Allius dicta est herba hæc, quòd nimirum eius folia  
*etum.* affricta, Allij, quod Græcis Scorodon vocatur, odo-  
 rem referant. Ab hoc mali & ingrati odoris sensu,  
*Dysosmō.* insdem etiam *Δύσος μωρ* appellata est. Vt verò Trixa-  
*Trixago* go dicta sit, similitudo fecit: Trixagini enim, quæ  
*palustris* Græcis Chamædrys nominatur, similis est. Palustris  
*cur vocata* autem, quoniam humentibus ac palustribus locis  
 nascatur.

### FORMA.

Folia Trixagini seu Chamædryi similia habet,  
 maiora tamen, nec sic in ambitu incisa, odore aliquã  
 tum Allium referentia, gustu adstringentia & ama-  
 ra. Caules quadrágulos, in quibus flos subrubescēs.  
 Hæc delineatio sic refert herbam hanc, cuius pictu-  
 ram damus, vt ouum ouo non sit tam simile. Folio  
 siquidem est Trixaginis, maiore, & per ambitum nō  
 ita profundè ferrato, & inciso, odore aliquatenus Al-  
 lium reddente, adstringentis & amari gustus, qua-  
 drangulis caulibus: flore in caulibus, instar Chamæ-  
 dryos & Teucrij, subrubro, & minimè ī summis cau-  
 libus, vt aliqui putant, quemadmodum pictura ipsa  
 abundè docet. Hæc itaque herba in theriacos pastil-  
 los inserenda erit, & non syluestre Allium, vt maxi-  
 mo in errore versentur seplasiarij institores, qui pro  
 re tam salutari atque omnibus putridis marcoribus,  
*Seplasia* Galeno lib. j. de antidotis autore, aduersante, sylue-  
*riorū er-* stre Allium vsurpant. Sed indignius erratum, quàm  
*ror.* quod multis explodi debeat. In hunc autem eisdem  
 vicinitate

vicinitate vocabulorum potissimum incidisse errorem, libro primo Paradoxorum, cap. xxiij. abundè monstrauius.

## LOCVS.

Nascitur in mōtanis & humētibus locis. Nec inter se pugnant Dioscorides & Plinius, dum hic in cāpis humidis pinguibusq; ille autē in montanis nasci scribit. Vterq; enim verum dixit: in campestribus siquidem & montanis, non tamen omnibus prouenit, sed, quod Dioscorides etiam adiecit, humentibus tātūm. Plantatum autem Scordium non difficulter nascitur, & possunt de vno duntaxat ramo complures prouenire, modò solo humido committantur.

## TEMPVS.

Iunio & Iulio mensibus floret, flos tamen non nisi diem vnum durare videtur, sic continuò vnus aliū sequitur.

## TEMPERAMENTVM.

Tum ex saporibus, tum etiam facultatibus paulò post exponendis satis constat Scordium calidum esse. Nam, Galeno etiam teste, amarum quid obtinet, & acre.

## VIRE. EX DIOSCORIDE.

Herba vim calefaciendi habet, & vrinam cit recēs trita & pota. Arida quoque cum vino decocta cōtra serpentium morsus, & letalia venena bibitur. Ad stomachi rosiones, dysenteriam, & vrinæ difficultatem pondere duarū drachmarū cum hydromelite. Purgat crassa purulēta è thorace. Facit ad veterē tussim, rupta, conuulsa, cum nasturtio, melle & resina in ecligmate arida cōmixta. Hypochōdriorū vetustas inflammationes excepta cerato lenit. Succurrit eadē podagris cū acri aceto circunlita, aut ex aqua illita. Mēses supposita mouet, vulnera glutinat, vetusta vlcera purgat, & cum melle ad cicatricem ducit. Siccata carniū excrescentias reprimat. Succus præterea ex ea expressus ad prædicta vitia bibitur.

R EX GA.

# PLANTARVM HISTORIAE.

## EX GALENO.

Expurgat simulq; excalfacit viscera, tum menses vrinamq; mouet. Præterea conuulsa ruptaq; & laterum dolores ab obstructiōe & frigore natos sanat potum. Denique viride illitum magna vulnera conglutinat: verum sordida purgat, & maligna ad cicatricem perducit, illitum aridum.

## EX PAULO.

Scordium varium existit, vt quod amarum, acerbum & acre sit. Purgat igitur simul & calfacit viscera, vrinas & menstrua cit, refrigerata omnia recalcificat, vulnera glutinat, repurgatq; , aridum illitum cicatricem inducit.

## DE STICHAD. CAP. CCXCIX. NOMINA.

*Stichas arabica.* *Stichas unde dicta.* *Arabica quare uocata.* Σ ΤΙΧΑΣ Græcè, Stichas vel Stœchas Latinè appellatur. Officinæ cognomento Arabicā vocant. Germanis nominatur *Stichaskraut* [Gal<sup>lis du Stechados citrin.</sup>] Stichas verò nomen accepit à Stœchadibus ex aduerso Massiliæ sitis Galliæ insulis, in quibus prouenit. Arabæ factionis autores patriam Stichada reliquis omnibus prætulerunt, hinc sequaces illorum gentili cognomento Arabicā nuncuparunt.

## FORMA.

Herba est tenuibus ramulis, comam similem Thymo habens, lōgiore tamen folio, & gustu acris, & aliquantum subamara. Hactenus Dioscorides, qui flores atque spicam prorsus omisit. Sūt autem flores, vt pictura abundè monstrat, exigui & cœrulei, spica verò flauescit, semine referta exiguo, triquetro, & coloris spadicei. Radix illi est tenuis & lignosa.

## LOCVS.

Nascitur, vt antea est commemoratum, in insulis Galliæ è regione Massiliæ, quæ Stichades appellantur, à quibus etiam gentilitiā appellationē accepit. Prouenit etiam in Arabia, aliisq; compluribus locis, & in multis etiam Germaniæ nostræ hortis.

## TEMPVS.

TEMPVS.

Floret eo quo Lauandula tempore, nimirum ante  
Solstitium æstiuum, hoc est, Junio mense.

TEMPERAMENTVM.

Stoechadis qualitas gustu quidem amara est, & me-  
diocriter subadstringens. Temperamentum verò cō-  
positum ex terrena essentia frigida exigua, vnde sa-  
nè adstringit: & ex tenui, altera, quæ terrena est, co-  
piosiore, à qua vtique amara est.

VIRES. EX DIOSCORIDE.

Decoctum eius quæadmodum & Hyssopi, ad thoracis vitia efficax est. Miscetur antidotis vtiliter.

## EX GALENO.

Obstructione liberare, extenuare, extergere, roborareq; tum omnia viscera, tū totū corpus est nata.

EX PLINIO.

Menses cit potu, thoracis dolores leuat. Antido-  
tis quoque miscetur.

DE STRVTHIO. CAP. CCC.

NOMINA.

M *ῥαδιόλον* Græcis, Radicula, siue Lanaria her-  
ba Latinis, Mauritanis & officinis Condisi,  
nonnullis herba fullonum, vulgò Saponaria,  
Germanis *Scyffenkraut* [Gallis *L'herbe a Foulon*] dici-  
tur. Vnde verò Græci hanc herbam *Struthiū* appella-  
uerint, non satis cōstat, nisi fortè à foliorū positura,  
quæ auiū alas quadantenus imitātur, nomen illi in-  
diderint. Nam gens ea *σπσθον* & *σπσθιον* passerem,  
& minores alias aues appellat. Vel forsità quòd Ve-  
nerem stimulet. Græci enim, vt dictum est, *σπσθον*  
passerem vocant, & ab eius auis salacitate lasciuos,  
& in venerem procliuiiores homines *σπσθες*, quasi *σπσθοι*.  
passeres vocant. Porro strutheum, vt est apud Festū,  
nuncupant obscenam virilem partem. Quæ iimita-  
tione Martialis & Catullus passerem pro virili mem-  
bro in suis versibus vsarpasse videntur. Lana-  
riam verò dixerunt, quòd ad cādorem & mollitiem

R ij

lanarū



# PLANTARVM HISTORIAE

lanarum ea vſa fuerit antiquitas. Nam cum ſuccidæ lanæ æſſypo ſpurcatę colores reſpuerēt, prolutæ huius radicis ſucco, ad quoscunque ſuffectus imbibendos præparabantur, quibus æſſypum erat impedimēto. Sic ſordeſcentes lanas veteres hac herba eluebāt, ad munditiem contrahendam, quæ primum ab infectoribus quærebatur, ſordidis colores aſpernātibus. Sic quoque à præcipua & vtiliore parte, Radicula Romanis eſt appellata. Saponaria recentioribus dicta eſt, quoniam eluendis veſtimentorum maculis, ſordibusque lanarum expurgandis, ſaponis vicem exhibet. Herba autem fullonum nominata eſt, quod ea interpollandis veſtibus, & mangonio poliendis fullones vtantur.

*Radicula  
quare ap-  
pellata.  
Saponaria cur uo-  
cata.  
Herba ful-  
lonum.*

## FORMA.

Struthion herba eſt caule lanuginoſo, foliis oleæ prodeūtib. ex interuallo quaſi geniculatim, plerūq; quinis in vnū coeūtib. in ſummo coliculorū floribus cādidiſ: radice, quā ſummo ceſpite nō in altū vltro citroque per longitudinem fundit, magna, tereti & oblonga, quæ conciditur purgandis lanis.

## LOCVS.

Nascitur in Aſia Syriaque, ſaxoſis & aſperis locis præcipuè. Nunc in hortis quibuſdam plantatur.

## TEMPVS.

Floret æſtate, Iunio maximè menſe, ſed per duos continuos menſes floribus prægnans eſt.

## TEMPERAMENTVM.

Calidum & ſiccū temperamento, ex quarto quodammodo ordine.

## VIRE S. EX DIOSCORIDE.

Radix eius acris eſt, vrinam cit, iecinoroſis auxiliatur, tuſſi & orthopnœis cum melle cochlearis meſura ſumpta. Aluum ſubducit. Eadē cum Panace & Capparis radice ſumpta, calculos frangit, & per vrinam exturbat. Lienem induratum minuit. Subdita meſes elicit, & foetum manifeſtè enecat. Cum polēta & aceto

& aceto illita, lepras tollit. Cum farina hordeacea in vino elixa, tubercula discutit. Miscetur præterea collyriis & malagmatis quæ ad claritatem oculorū conficiuntur. Sternutamenta cit, & trita cum melle naribus infusa, per os purgat.

## EX GALENO.

Struthij radice potissimum vtimur, gustu acri quidem existente. Sed & abstergit, & irritat, ideoq; sternutamenta mouet, ceu cætera omnia quæ gustu acria sunt, & temperamento calida.

## EX PLINIO.

Medetur morbo regio ipsa radix decocta, & ius potum: item thoracis vitiiis. Vrinā cit, aluum soluit, & vuluas purgat. Ea & ex melle prodest magnificè ad tussim orthopnoæ cochlearis mensura. Cum polenta verò & aceto lepras tollit. Eadem cum Panace & Capparis radice calculos frangit, pellitque. Panos discutit, cum farina hordeacea & vino decocta. Miscetur & malagmatis & collyriis, claritatis causa. Ad sternutamēta utilis inter pauca. Lieni quoque ac iecinori. Eadem pota denarij vnus pondere ex mulsæ aqua, suspiriosos sanat.

## DE SCILLA. CAP. CCCI.

## NOMINA.

ῥίλλα Græcis, Scilla Latinis, Squilla, exemplo Varronis, omnibus nunc officinis vocatur. Germanis autē *Meerzuibel* [Gallis *Stipouille, ou Charpentaire.*]

## FORMA.

Scillæ radix cæpæ modo multipliciter tunicata corticosaque, ex qua prius, vt in croco, caulis profilitum ex eo flos in luteo candidus emergens insidit, qui cū senuerit folia demū multis post diebus emicant lata, nullo nixa pediculo, cæpitia quadam specie, & pleraque ex iis in terram deflexa.

## LOCVS.

Scilla vndique, vt cæpæ & allia, prouenit.

R iij

TEM-

# PLANTARVM HISTORIAE.

## TEMPVS.

Scillam ter florere, tria q̃; tempora fationū ostendere, Theophrastus libro septimo capite duodecimo tradit. Primum enim florum prouentū, arādi primum tempus significare scribit, secundum medium, tertium nouissimum. Quot enim fuerint isti, totidē & arari tempora ferme occurrunt. Scillæ præterea flos, vt est Berytius autor, nigrata specie profiliens, modò celeriter non emarcescat, largos frugum prouentus, ac vberem annonam nobis promittit.

## TEMPERAMENTVM.

Admodum incidentem facultatem obtinet, nō tam admodum calidam, sed secūdum hoc eā quispiā secundi ordinis censeat ex calfacientium.

## VIRES. EX DIOSCORIDE.

Vim acrem & feruentē habet. Assata verò multiplicem obtinet vsum. Pasta aut luto oblita, in clibanum coniicitur, aut carbonibus obruitur, donec circumlita pasta sufficienter tosta fuerit. Qua amota, si non emollescat, altera pasta aut luto circumlinitur, & eadem quæ prius fiunt. Nam quæ ita non assatur, noxia magis est, præsertim interaneis data. Torretur itē in olla indito operculo, & in clibanū cōiecta. Sumitur ex ea, adiectis ex timis partibus, quod maxime mediū est, quod cōcisum, effusa priore aqua, coquitur, noua q̃; superinfusa vsq; dum nec amaritudinem, neque acrimoniam habeat aqua. Siccatur autē in vmbra dissecta, & lino traiecta, ita vt ne taleolæ inuicē se cōtingāt. Sic igitur secta, ad oleū, vinū acetumque scilliticum vtimur. Ad rimas verò pedum crudæ Scillæ interanea pars in oleo feruefacta, aut cū resina liquefacta imponitur. Decocta in aceto de morsis à vipera cataplasma est. Assæ eiusdē pars vna tosti salis partibus octo subigitur, daturque ieiunis cochlearis vnus duorumue pondere ad emolliendū aluum. Additur potionibus & odoramentariis medicamentis, & iis cum quibus vrinam ciere voluerimus,

mus, hydropicisq̃ue & stomachis, quibus innatāt cibī, & morbo regio, torminibus, in vetere tussi, asthmaticis, cruenta reiicientibus. Trium verò obolorū pondus in delinctu ex melle sumpsisse satis est. Coquitur eadem cum melle, sumiturq̃; in cibo ad eadē, maximē coctionem adiuuans. Strigmentitia per aluum ducit. Cocta & simili modo sumpta, idem potest. Cauendus Scillæ vsus iis, quibus interaneum aliquid exulceratum erit. Prodest verrucis & pernionibus assam inungere. Semen eius tritum, cum caricis aut melle exceptum, si manditur, aluum emollit. Pro foribus domus suspensa tota amuletum est.

## EX GALENO.

Præstat assam aut elixam sumere: sic enim virium eius vehementia exoluitur.

## EX PLINIO.

Scillarum in medicina alba est que masculus, forma nigra. Scilla quæ candidissima fuerit, vtilissima erit. Huic aridis tunicis direptis, quod reliquum è vino est, confutum suspenditur lino modicis intervallis, postea arida frustra in cadum aceti quàm asper rimi pendentia immerguntur, ita ne vlla parte vas cōtingant. Hoc fit ante Solstitium diebus quadraginta octo. Gypso deinde oblitus cadus, ponitur sub tegulis, totius diei solem accipientibus. Post eum numerum dierum tollitur vas, Scilla eximitur, acetū transfunditur. Hoc clariorem aciem facit. Salutare est stomachi laterūmq̃; doloribus, parum sumptum binis diebus. Sed tanta vis est, vt auidius hauustum extinguat animæ momento aliquo speciem præbeat. Prodest & gingiuis & dentibus, vel per se commanducata. Tineas & reliqua vëtris animalia pellit ex aceto & melle sumpta. Linguae quoque recens subiecta præstat ne hydropici sitim sentiant. Coquitur pluribus modis in olla, quæ coniiciatur in clibanū aut furnū, vel adipe aut luto illita, aut frustatim in patinis.

R. iij Et cru-

# PLANTARVM HISTORIAE.

Et cruda siccatur, deinde conciditur, coquiturq; in aceto, tum serpētium iētibus imponitur. Tosta quoque purgatur, & medium eius iterum in aqua coquitur. Vſus ſic coctæ ad hydropicos. Ad vrinam ciendam tribus obolis cum melle & aceto potæ. Item ad ſpleneticos & ſtomachicos, ſi non ſentiāt vlcus, quibus innatet cibus. Ad tormina, regios morbos, tuſſim veterem cum ſuſpirio. Diſcutit & ex foliis ſtrumæ, quadrinis diebus ſoluta. Furfures capitis, & vlcera manantia illita, ex oleo cocta. Coquitur & in melle cibi gratia, maximè vt coctionem faciat. Sic & interiora purgat. Rimas pedum ſanat in oleo cocta, & mixta reſinæ. Semen eius lumborum dolori ex melle imponitur. Pythagoras Scillam in limine ianuæ ſuſpenſam, malorum medicamentorum introitū pellere tradit.

## DE STAPHIDE AGRIA.

CAP. CCCII.

NOMINA.

ῥάφης ἄγρια Græcis, herba Pedicularis & Pituitaria Latinis, officinis Staphisagria, Germanis Biſzmuntz [Gallis de L'eſtaphiſagrie, ou

Σ L'herbe aux Poux.] Pedicularis autē Pituitariāq; Latinis à viribus quas habet, dicta eſt: erumpentibus enim è corpore pediculis ex oleo inūcta aduerſatur, & commanducata ſeruore multam pituitam trahit.

Pedicularis quare dicta.  
Pituitaria unde.

FORMA.

Folia habet Labruſcæ, incifuris diuiſa, coliculos rectos, molles, nigrōſque, flores Ifati ſimiles, ſemen in vaſculis viridibus ſimilibus Ciceri triangulum, aſperum, in nigro ſubruſum, intus candidum, guſtu acre. Hæc deſcriptio herbæ huic cuius hîc effigiē damus per omnia quadrat, floribus tātum exceptis, qui minimè Ifati ſimiles ſunt, neque in colore, neq; in quantitate. Ifatis enim flores lutei ſunt, & exigui, huius cōtrà ſubcæſij, ac multo maiores, vt hinc ferè ſuſpicerem herbā non eſſe quam veteres pingunt Staphida agrian.

agrian. Caterùm cùm proximè tamen ad picturam accedat, neque viribus distet admodum, inter Staphidis agrias species rectè à plærisque hodie herbariæ rei studiosis cõnumeratur. Folia enim fert plærunque septem, aliquando etiam paucioribus incisuris diuisa, coliculos rectos, nigros, & in folliculis herbaceis semen triquetrum, in nigro subrufum, intus candidum, gustu acre, ita vt illi omnes notæ, dẽptis floribus, respondeant.

## L O C V S.

Nascitur, Plinio authore, in opacis. Ea cuius picturâ exhibemus, nunc passim in hortis plantatur.

## T E M P V S.

Floret æstate.

## T E M P E R A M E N T V M.

Quum vrendi vim habeat Staphis agria, consequitur eandem in quarto ordine esse excafacientiũ & desiccantium.

## V I R E S. E X D I O S C O R I D E.

Eius grana quindecim si quis trita in aqua mulsâ dederit, crassa per vomitum purgant. Sed qui biberint, ambulare debent. Quinetiam assiduè attendere oportet, & aquam mulsam potui dare, quòd strangulationis pericula inferant, & fauces deurant. Trita eadem, & ex oleo inuncta, pediculationi, prurigini & scabiei auxiliatur. Plurimam cit pituitam com manducata. Decocta in aceto, dentium dolori, si ea colluantur, subuenit. Gingiuarum rheumatismum sistit. Vlcera oris, aphthas nominant, cum melle sanat. Miscetur præterea vrentibus malagmatis.

## E X G A L E N O.

Vehementer acrem obtinet facultatem, adeò vt ex capite purget pituitam, abstergatque valenter. Itaque ad scabiem accommodata est. Sed & vrendi vim aliquam habet.

## E X P L I N I O.

Nucleis eius ad purgationes vti non censuerim propter

# PLANTARVM HISTORIAE.

propter ancipitem strangulationem, nec ad pituitā oris siccandam: fauces enim lædunt. Phthiriasi caput & reliquum corpus liberant triti. Facilius admixta sandaracha. Item pruritu & psōris. Ad dentium dolores decoquuntur in aceto. Ad auriū vitia, rheumatismum gingiuarum, vlcera oris manantia. Flos tritus in viuo contra serpentes bibitur. Semen enim abdicauerim, propter nimiam vim odoris. Quidam eam Pituitariam vocant, & plagis serpentiū utiq; illinunt. Item phthiriasi, qua Sylla dictator consumptus est. Nascuntur quoq; in sanguine ipso hominis animalia exesura corpus. Resistitur Staphidis agriasucco, cū oleo perunctis corporibus. Hæc quidem in aceto decocta, etiam vestes cotædio liberat.

## DE SESELI MASSILIENSI.

### CAP. CCCIII.

#### NOMINA.

*Siler montanum.*

Ἰσιλι τὸ μασσαλιωτικόν Græcis, Sefeli Massiliense Latinis, officinis Siler montanum dicitur. Semen tamen quod à seplasiariis hoc nomine venditur, non Massiliensis, sed, si amaritudinem respicias, Aethiopici, vel quod magis vero simile est, Peloponesiaci (neutrius enim integram imaginem vidimus) Sefeli semen est: latius enim, odoratius, & carnosius Massiliensi existit. Germanis incognita hætenus planta fuit, ob id *Seseli* rectè illam appellabunt.

#### FORMA.

Folia gerit Fœniculi, crassiora tamen. Caulem vegetiorem, umbellam Anetho similem, in qua semen est oblongum, angulosum, & degustanti confestim acre: radicem longam, & odoratam. Ex qua Dioscoridis delineatione satis constat stirpem, cuius picturam damus, esse Sefeli Massiliense, quod huic nimirum, nulla prorsus nota reclamante, tota descriptio suffragetur. Quid multa? dato etiam quod singulæ illi non responderent notæ, tamen cū eas  
 quas

quas veteres Sefeli attribuerunt facultates obtineat, citra omne periculum pro eo vsurparetur.

## LOCVS.

Optimum iuxta Massiliam, teste Dioscoride, Galliæ vrben: nascitur, vnde etiam cognominatum est Massiliense. Prouenit autem aliis quoq; in locis calidioribus, & nunc in plærisque in Germaniæ hortis, sed non nisi satum & cultum.

## TEMPVS.

Floret æstate, & semen subinde producit.

## TEMPERAMENTVM.

Calefacit & desiccat in secundo ordine.

## VIRES. EX DIOSCORIDE.

Semen & radix calefaciendi vim obtinent. Stranguriæ, orthopnœæ, vteri suffocationibus & comitialibus pota medentur. Menses & fœtus ex vtero ducunt. Interaneis omnibus profunt, & diutinas tussis fanant. Ipsum semen cum vino potum coctioni cōfert, tormina discutit, & epialis febribus vtile est. Ad arcenda in itinere frigora cum pipere & vino bibitur. Datur capris aliisque quadrupedibus bibendū, vt partus iuuet.

## EX GALENO.

Sefeli & radix & semen vsque adeo excalfacit, vt admodum vrinam mouere queat. Sed & tenuissimum est partium, vt & comitialibus, & orthopnœis competat.

## EX PLINIO.

Prodest homini ad tussim veterem, rupta, conuulsa, in vino albo potum. Item opisthotonicis, & iecinorum vitiiis, & torminibus, & stranguriæ, duarum aut trium ligularum mensura. Sunt & folia vtilia, vt quæ partus adiuuent etiam quadrupedū. Hoc maximè pasci dicuntur ceruæ pariturae. Illinitur & igni sacro. Multū ī summo cibo coctionibus cōfert, vel folio, vel semine. Quadrupedum quoque aluū sistit.



# PLANTARVM HISTORIAE.

sistit, siue tritum potui infusum, siue mandendo cō-  
manducatum è sale. Boum morbis medetur, vel si  
contritum infunditur.

## DE SANGVISORBA.

### CAP. CCCIIII.

#### NOMINA.

VVM ignoraremus quo nomine stirpē hāc  
Q veteres Græci & Latini, si modo iis cognita  
fuit, appellarint, maluimus interea vulgari-  
vti nomenclatura, donec aliud certius nomen in-  
uenerimus. E latinē tamen esse iudicarem, si folia  
pusilla, pilosa, & rotunda obtineret. Nunc quum  
neq; pusilla, neque pilosa, neq; rotunda, sed mucro-  
nata esse videantur, certi statuere nihil possum. San-  
guisorba verò dicta est hęc herba, non quòd vulne-  
ribus iniecta ferrum & spicula facilè & citra sensum  
doloris exigit, vt nonnulli arbitrantur: idipsa  
enim non posse mirifica quæ illi inest adstringendi  
facultas abundè ostendit: sed potius quòd ei in si-  
stendo sanguine vndecunque emanarit, mira ad-  
modum inlit efficacia, adeò vt hunc ipsum quasi  
absorbere videatur. Erroris autem huius nulla alia  
causa est, nisi quòd hanc stirpem multi cum ea quæ  
hodie Pimpinella vocatur, confundant, quæ cer-  
tè propter caliditatem quam obtinet haud exi-  
guam, quandam etiam trahendi facultatem habere  
videtur, adeò vt infixæ corpori extrahere facilè que-  
at. Quòd verò cum Pimpinella confuderint non a-  
lio factum est nomine, quàm quòd huius folia pro-  
ximè ad Pimpinellæ folia, quæ itidem vt hęc ferra-  
ta sunt, accedere videntur. Sed hęc confusio non ca-  
ret errore, vt paulò pòst dicemus. Germanis hęc her-  
ba *Kolbleskraut*, à capitellis quæ rufescentibus pun-  
ctis maculata sunt, dicitur. Nonnulli etiam Germa-  
norum *Hergots Bartlin* nominant, Quidam etiam a si-  
stendo sanguine *Blutkraut*.

*Sanguisor-  
ba cur di-  
cta.*

*Error eo-  
rū qui Pim-  
pinellā cū  
Sanguisor-  
ba confun-  
dunt.*

GENE-

## G E N E R A.

Duo sunt eius herbæ quæ Sanguisorba vocatur genera. Vna enim maioribus constat foliis ac longioribus, coliculis tamen tenuioribus, ideoque ab hac foliorum forma maior à nobis dicta est. Altera minoribus foliis, coliculis autem maioribus esse deprehenditur, quare ab ista foliorum effigie rectè minor appellari potest, vt inter eas aliquod discrimen esse herbariæ rei studiosi hac ratione animaduertant.

*Sanguisorba maior,  
Minor.*

## F O R M A.

Herba est à radice crassa & longa, statim foliosa, minor potissimum, coliculos habens plurimos rubentes, folia aspera, in extremitatibus latè crenata & serrata, in summo coliculorum capitella rufescentibus punctis maculata, quæ si hiant flores exeūt herbacei, in medio croceam comam ostendentes.

## L O C V S.

Nascuntur locis incultis, aridioribus, & soli expositis. Vnde iterum colligere licebit non esse Elatinen, vtcunque à facultatibus illius non discrepet, quòd Dioscoride & Plinio testibus, Elatine in cultis & segetibus proueniat.

## T E M P V S.

Forent Maio & Iunio mensibus.

## T E M P E R A M E N T V M.

Gustantibus adstrictionem haud vulgarem ac viscositatem herba præ se ferre videtur. Quapropter siccam admodum consistentiam nacta est, simulque corpora contrahere, & constringere potest, atque adeò emplasticam, eò quòd glutinosa sit, facultatem obtinet.

## V I R E S.

Exiis quæ diximus abundè constat vtranque Sanguisorbam in restringendis ac suppressendis sanguinibus profluuiis esse efficacissimas, adeò vt nonnulli constanter asserant, eas etiam manibus gestatas sanguinem vndecunque manantem sistere posse. Experiencia

riētia certè compertum est ad muliebre profluuium sanandum, nullum posse reperiri præsentius iis stirpibus præsidium. Glutinant etiam vulnera illarum folia, carcinomatisque & fistulis medentur. Generosum denique ac strenuum remedium easdem esse ad dysenterias, & reliquos ventris fluxus, si ex aqua aut vino bibantur, nemini nō notum est. Quid multa? Elatines herbae, cuius certè hæc duæ stirpes genus esse videntur, facultates habent. Quare toto cœlo errant qui herbas has, vt suprâ etiam commemoratum est, cum Pimpinella confundunt, quod hæc ipsa acris admodum sit & multum calida: illæ contra sapore, hand secus atque Elatine, adstringente. Verùm non tantùm differunt facultatibus, imò etiâ odore, coloreq, foliorum, maximè verò florum diuersitate, vt quiuis ex vtriusque herbae picturæ collatione statim deprehendet.

DE SCOLYMO. CAP. CCCV.

*Scolymus Artichaut Gallis.*

NOMINA.

- |                         |  |
|-------------------------|--|
| <i>Carduus.</i>         | <i>κόλυμπος</i> Græcis, Carduus & Strobilus  |
| <i>Strobilus.</i>       | <i>Ζ</i> nis, Columellæ Cinara dicitur. Sunt qui   |
| <i>Cinara.</i>          | die Arcocum corrupta voce nominent, primam vocis syllabam articuli vice præponentes. Alij  |
| <i>Alcocalus.</i>       | paulò rectius Alcocalum vocant: Cocali siquidem  |
| <i>Cocalus.</i>         | nomine, nux pinea, cui Scolymi capitulum simile est, venit. Nunc vulgo herbariorum ab articulo statim  |
| <i>Articocalus.</i>     | duabus interiectis literis Articocalus, aut expuncta vocali a, Articoclus, vel magis curtato, vt ferè sit,   |
| <i>Articoca.</i>        | vocabulo, Articoles vel Articoca nūcupatur. Germani instar vulgi <i>Articoca</i> , [Gallis <i>Artichaut</i> ] nominabūt,                                 |
| <i>Strobilus</i>        | aut <i>Strobildorn</i> . Strobilum autè Romani hanc stirpē   |
| <i>cur dicta.</i>       | non alia ratione dixerunt, quàm quod eius capitulum, vt diximus, structili nucleorum serie pineam nuncem referre videtur. Cinaram verò sunt qui appella- |
| <i>Cinara</i>           | tam putent, quod satum & cultū cineribus gaudeat.  |
| <i>quare appellata.</i> | Alij à Cinara potius puella, quæ in eius speciei Carduum   |

duum mutata est, dictam esse volunt.

## F O R M A.

Folia habet Chamæleontis, & spinæ albæ vocatæ similia, nigriora tamen ac crassiora. Caulē emittit oblongum, foliosum, in quo capitulum spinosum. Radicē verò nigram & crassā. Hæc Dioscorides. Ceterū caput eius & vertex in squarosum extuberat globum, corticosis vnguibus turgentē, spicisq; squamatim coagmentatū, quorū orbis exterior viret, interior niueo candore nitescit. Flos purpureo rutilat colore, qui tandem euanescit in pappos. Caput vetustate tandem dissilit in corticeas laminas, semen ostendens Cnici figura. Nos tamen integrā Scolymi faciem ac picturam hoc tempore dare non potuimus, quòd primo anno fructum suum non ostendat. Curabimus autem alio tempore vt studiosi integram eius habeant picturam.

## L O C V S.

Nusquam, quod sciam, in Germania prouenit Cinara, nisi sata & culta. Quare Scolymus qui in hortis colitur & plantatur, verè Cinara existit. Quod idè monendum esse duximus, quia inter Græcos esse constat, vt est Paulus & Aëtius, qui Scolymum à Cinara discriminant. Non est autem aliud inter eas stirpes discrimen, quàm quòd Scolymus ferus est & syluester, Cinara verò domita cultu, idèq; à nonnullis Carduus altilis nominatur.

*Scolymus  
hortensis  
propriè  
Cinara di-  
citur.  
Scolymus  
Cinara.  
Carduus  
altil s.*

## T E M P V S.

Quum Solstitium æstiuum agitur, Scolymi flos erumpit, Hesiodo in lib. ij. cui titulus Opera & dies, teste, qui ea florente cicadas acerrimi cantus esse, & mulieres libidinis auidissimas, virosq; in coitum pigerrimos, capite, genibus, ac toto corpore præ Sirij æstu arefcentibus, scribit.

## T E M P E R A M E N T V M.

Quæ secundum qualitatem editur actio, calidum  
in

## PLANTARVM HISTORIAE.

in secundo ordine completo, aut tertio incipiente, medicamentum indicat, siccum verò in secundo.

### VIRES. EX DIOSCORIDE.

Radix Scolymi illita graueolentiâ alarû, & totius corporis emendat. Item si decocta in vino bibatur. Vrinam etiam copiosam foetidâque pellit. Herba cùm recens nascitur tenerefcitue, asparagorum modo in olera transit.

### EX GALENO.

Scolymi radix copiosam vrinam graueolentem elicit, si quis eam in vino coctam bibat: ideoq; graueolentiam sanat, tum alarum, tum totius corporis. Atque hoc sanè medicamento ex tota inest essentia, vtpote eius succo existente purgatorio. Et in libro secundo de alimentorum facultatibus: Praui succi edulium est Cinara, præcipuè cùm iam durior euaserit: tum enim biliosi humoris copia abundat, totâque eius substantia durior existit, adeoq; vt ex ipsa melancholicus, ex succo verò eius tenuis & biliosus humor producat. Proinde coctam edere præstiterit adiecto coriandro, dein ex oleo, garo, vinoque sumatur. Si tamen in Patina aut sartagine ad esum præparetur, absque iis comedatur. Plærique enim sic eius veluti cacumina comedunt, quæ spondylos nominant.

### EX PLINIO.

Vrinam ciere Scolymû præcipuè traditur. Sanare lichenas & lepras ex aceto. Venerè stimulare in vino, Hesiodo & Alceo testibus, qui florète ea cicadas acerrimi catus esse, & mulieres libidinis auidissimas, virosq; in coitû pigerrimos scripsere, velut prouidentia naturæ hoc adiumento tunc valentissimo. Item graueolentiâ alarû emendat radicis emedullatæ vnica, in vini falerni heminis tribus decocta ad tertias, & à balneo ieiuno, itemq; post cibum cyathis singulis pota. Mirum est, quòd Xenocrates promittit experimento, vitium id ex alis per vrinam effluere.

DE

CAPVT. CCCVI. 321  
 DE SPHATVLA FOETIDA.  
 CAP. CCCVI.

*Sphatula foetida cum Xiride magis conuenit.*

NOMINA.

ERBA. quam officinae Sphatulam foetidam vocant, quod grauem exhalet odorem, quomodo veteribus sit appellata nondum certo scire possum. Nomen quidem ipsum Xiphij seu Gladioli speciem esse docet: Sphata siquidem Latinis gladium significat. Non esse autem Xiphiū radix eius euidenter admodum ostendit, quæ non est bullosa, nec gemina, ita ut altera alteri insideat, sed capillamentis fibrata. Neque etiam Sparganium esse partim folia eius, quæ in terram non procumbunt, partim etiam semina, quæ non in pilulis, sed folliculis aut siliquis profert. Non videtur etiam esse Xyris, quod illa radicem habeat longā & rufam, Sphatula verò foetida nec longam nec rufam, sed rotundam, albam & capillatam. Tamen quicquid sit gentilem iis esse foliorum similitudine constat. Germani eam *Vuandtleuszkraut*, à necandis cimicibus appellant.

*Sphatula foetida cur distat. Sphata. Sphatula foetida nō est Xiphium.*

*Non est Sparganium.*

*Non est Xyris.*

FORMA.

Folia Iridi similia habet, minora tamen & angustiora. Caulem ex se mittit, in cuius summò folliculos aut siliquas Pæoniæ fœminæ nō dissimiles profert, quibus dehiscentibus semen in iis apparet rotundum & rubrum. Radicem obtinet capillamentis multis fibratam.

LOCVS.

Circa sepes & dumeta nascitur, frequens in Italia, nusquam tamen in Germania, quod sciam, nisi fata prouenit.

TEMPVS.

Fructum seu siliquas suas autumno profert, ac subinde in iis, ubi dehiscunt, semen ostendit.

S TEM-

# PLANTARVM HISTORIAE.

## TEMPERAMENTVM.

Vehementer acrem qualitatem obtinet, adeo ut gustata, fauces quasi vrere videatur. Proinde calidam & siccam admodum esse constat.

## VIRE S.

Non multum à Staphidis agriæ viribus abesse apparet: valenter enim abstergit. Hinc ad scabiem, cuius potissimum succus, abigendam utilis est. Surculos etiam & spicula, perinde atque Xiphium & Xyris, sine dolore extrahit. Cimices quoque necat atque fugat.

## DE TRICHOMANE.

### CAP. CCCVII.

#### NOMINA.

Polytrichon officinarum.

T

Trichomanes curdium.

Capillaris.

τριχόμανης Græcè, Trichomanes, Capillaris Latinè vocatur. Officinis Polytrichon falsò dicitur: id enim nominis Adianto herbe, quam hodie Capillum Veneris vocant, Dioscoride & veteribus aliis testibus, debetur. Germanicè Vuidertodt, oder Abihon [Galienus du Polytrichon] appellatur. Trichomanes autem à facultate sua Græci nominauerunt, quod scilicet fluentem capillum expleat, & subnasci faciat: μανὸρ enim ea gens rarum vocant, τριχὰ autem capillum. Hoc etiam nomine Capillarem Latini dixerunt.

#### FORMA.

Filici simile est. Trichomanes, paruum admodum. Ex utraque parte ordine quodam folia habet tenuia. Lentis figura, contraria inuicem, in ramulis tenuibus, splendentibus, subnigris & austeris. Cuius equidem descriptionis notæ omnes, nulla penitus reclamante, herbe illi quam hodie officinæ Polytrichon vocant, pulchrè quadrant. Siquidem cauliculis iuncis, quincuncialibus, à radice statim penè foliatis constat, foliis rotundis, lenticulæ forma, aduersis inter se pediculis, ramulis subnigris & nitentibus, sine flore, sine semine.

## LOCVS.

## LOCVS.

Nascitur in palustribus atque vmbrosis locis, humentibus muris, & iuxta fontes, haud secus atque Adiantum.

## TEMPVS.

Carpitur æstate & autumnii initio.

## TEMPERAMENTVM.

Trichomanes in caliditate quidem & frigiditate symmetrū est, verūm desiccat, extenuat & digerit.

## VIRE. EX DIO SCORIDE.

Eadem potest quæ Adiantum. Cū itaque Adiantum aliunde in Germaniam sit deportandum, & Trichomanes passim proueniat, licebit hoc in alterius inopia, vt. Et consultius multò vt Thrichomane vtantur Officinæ, quàm Adianto adulterino. Prodest igitur Trichomanis decoctum potum asthmaticis, dyspnœicis, felle suffusis, lienosis, vrinæque difficultatibus. Calculos frangit. Aluum sistit. Venenatorum morsibus, & stomachi fluxionibus in vino potum medetur. Menses & secundas ducit, sanguinis autem reiectiones sistit. Crudum illinitur venenatorum morsibus. Alopecias explet, strumas dissolvit. Furfures & achores cum lixiuio exterit. Cum ladano, myrtino, fusino, aut hyssopo & vino capillos defluentes continet. Decoctum etiam eius cum lixiuio & vino si eo abstergantur, idem potest.

## EX GALENO.

Alopecias densat, & strumas & abscessus discutit, lapidesq; frangit potum. Viscosorum crassorumq; ex thorace pulmoneq; excreationibus non mediocriter confert. Ventris profluuium sistit, nullam tamen manifestam caliditatem affert, sicut nec frigiditatem.

## EX PLINIO.

Calculos è corpore mirè pellit, frangitq; , vtique nigrum. Qua de causa potius quàm quòd in saxis nasceretur, & à nostris Saxifragum appellatum cre-



# PLANTARVM HISTORIAE

diderim. Bibitur è vino quantum terni decerpere digiti. Vrinam cient. Serpantium & araneorū venenis resistunt. In vino decocti aluum sistunt. Capitis dolores corona ex iis sedat. Contra scolopendræ morsus illinuntur, crebrò auferendi ne pereāt. Hoc & in alopeciis. Strumas discutunt, furfuresque in facie, & capitis manantia vlcera. Decoctum ex his prodest suspiriosis, & iecinori, & lieni, & felle suffusis, & hydropicis. Stranguriæ illinuntur, & renibus cum Absinthio. Secundas cient & menstrua. Sanguinem sistunt ex aceto, aut Rubi succo poti. Infantes quoque vlcerati perunguntur ex iis cum rosaceo & vino prius. Folium in vrina pueri impubis, tritum quidem cum aphronitro, & illitum ventri mulierū, ne rugosus fiat, præstare dicitur. Perdices & gallinaceos pugnaciores fieri putāt, in cibum eorum aditis, pecorique esse vtilissimos.

## DE TELI. CAP. CCCVIII.

*Fœnumgræcum corrupte, Vulgus Senegrec, per  
Sloco F.*

### NOMINA.

*κάλισ, κεραιτίς αἰγόκερος, βούκερος* Græcis, *Fœnumgræcum* Latinis: officinæ genuinum nomen retinuerunt: Germanis *Bockshorn* / *oder Kuhorn*, [*Gallis Fenegrei, ou Fenegrec*] dicitur. Magna græcarum appeilationum pars à siliquarum quas producit figura desumpta est: hæ enim corniculis similes existunt. Hinc *Ceraïtis* à cornu simpliciter dici cœpit: *κέρας* enim Græcis cornu est. *Aegoceros* autem à caprini cornu similitudine, quæ admodum à bubuli *Buceros*, quod sanè nomen *Theophrastus* libro quarto de historia plantarum illi imposuit. Cùm itaque corniculis similes habeat siliquas, factū est vt illam *Columella* simpliciter *Siliquam* nominauerit, *Plinius Siliciam*, *Varro Siliculam*.

FOR.

## FORMA.

Cauliculis emicat exilibus, rubicundis, folio penè Trifolij, flore candido & exiguo, semine in siliquis oblongis, ac cornu instar incuruis fuluo. Radice subrotunda & oblonga innititur.

## LOCVS.

Satum Fœnogræcum passim ferè prouenit.

## TEMPVS.

Iunio & Iulio mensibus floret, & vnà siliquas producit. Semen tamen in Augusto maturum legitur.

## TEMPERAMENTVM.

Fœnum græcum calidum est secundi ordinis, desiccatur primo.

## VIRE. EX DIOSCORIDE.

Molliendi & disiciendi facultatem habet Fœnogræci farina. Facit ad inflammationes quæ intus forisq; sunt si cum aqua mulsa decocta trita illinatur. Lienem cum nitro & aceto subacta & illita minuit. Decoctum eius in seculo ad muliebria mala, quæcunque per inflammationes aut præclusiones consistunt, utile est. Expressus Fœnogræci in aqua decocti succus, capillos, surculos & achores exterit. Cum anserino adipe pessi vice apponitur, loca quæ iuxta vterum sunt emolliens & relaxans. Viride cum aceto imbecillis & exulceratis locis prodest. Decoctum eius aduersus tenesmos, & grauiter olentia dysentericorum excrementa confert. Oleum eius cum myrtino capillos & in genitalibus cicatrices abstergit.

## EX GALENO.

Fœnumgræcum feruentes inflammationes irritat. Quæ verò minus sunt calidæ, & magis duræ, eas digerendo curat.

## EX AETIO.

Fœnumgræcum habet etiam abstergendi vires. Variis modis comeditur, sed copiosius sumptum caput tentat. At cremor decocti Fœnogræci cum modico melle exhibitus, omnes deprauatos intestino-

# PLANTARVM HISTORIAE.

rum humores educit. Permodicum esse oportet quod permisceat mel, ne erodat. In diuturnis verò doloribus qui sine febre thoracem infestant, pingues simul palmulæ elixantur, inde succo expresso mel-  
léque admixto suppositis carbonibus rursus deco-  
quuntur vsque ad congruam consistentiam. Datur  
id diu ante cibum, obseruarique oportet ne iis exhi-  
beatur quibus facilè caput dolet: palmulæ enim ca-  
piti infestæ sunt.

## EX PLINIO.

Vis eius siccare, mollire, dissoluere. Succus deco-  
cti foeminarum pluribus malis subuenit: siue duri-  
tia, siue tumor, siue contractio sit vuluæ, fouentur;  
insidunt. Infusum quoque prodest. Furfures in facie  
extenuat. Spleni addito nitro decoctum & imposi-  
tum medetur. Item ex aceto. Sic iecinori decoctum.  
Diocles difficilè parientibus semen eius dedit ace-  
tabuli mensura tritum in nouè cyathis sapæ ad tertias  
partes bibere, vt qui biberet in calida lauarentur. Et  
in balneo sudantibus dimidiū ex relicto iterum de-  
dit, mox à balneo reliquum, pro summo auxilio. Fa-  
rinā Fœnogræci cum hordeo aut lini semine deco-  
ctā aqua mulsa cōtra vuluæ cruciatus subiecit. Item-  
que imposuit imo ventri. Lepras, lentigines, sulphu-  
ris pari portione mista farina curauit, nitro antè præ-  
parata cute, sæpius die illinēs, perungi; præcipiens.  
Theodorus Fœnogræco miscuit quartā partē purga-  
ti Nasturtij acerrimo aceto ad lepras. Damion Fœ-  
nigræci semen acetabuli dimidia mensura cū sapæ  
& aquæ nonem cyathis ad menses ciendos dedit po-  
tu. Nec dubitatur quin decoctum eius vtilissimum sit  
vuluis, interaneis; exulceratis, sicuti semen articu-  
lis atque præcordiis. Si verò cum Malua decoquatur,  
postea addito mulso potus, ante cætera vuluis inte-  
raneis; laudatur: quippe cū vapor quoque deco-  
cti plurimum possit. Alarum etiam graecolentiam  
decoctum Fœnogræci semen emēdat. Farina porri-  
gines

gines capitis furfuresq; cum vino & nitro celeriter tollit. In hydromelite autem decocta addita axungia genitalibus medetur. Item parotidi, podagræ, chiragræ, articulis, carnibusq; quæ recedunt ab ossibus. Aceto verò subacta luxatis. Illinitur & lienî decocta in aceto, & melle tantum. Carcinomata subacta ex vino purgat, mox addito melle perfanat. Sumitur & sorbitio è farina ad pectus exulceratum, longamq; tussim. Diu decoquitur donec amaritudo desinat, postea mel additur.

## DE TELEPHIO. CAP. CCCIX.

Telephium pingit uulgo Gallorum Orpin dictam herbam, in qua tamen quædam desiderantur.

## NOMINA.

Τηλεφίον, ἢ ἀνίσωρον ἄγριον Græcis, Telephiū  
 T & Illecebra Latinis, officinis & vulgo Cras Crassula  
 fula maior appellatur. Sunt qui Fabam maior,  
 crassam, à foliorum quam cum faba habent similitu- Faba cras  
 dine, nomenclant. Germanis Vuundkraut / Knabenkraut / sa.  
 Fotz Zuuang / Fotzuuein / [Gallis du Chicotrin] dicitur. Telephiū  
 Telephium verò dictum est, quòd vlceribus mali- unde dictū  
 gnis & deploratis, quibus Telephus Mysiæ rex ab  
 Achille vulneratus consenuit, quæ eam etiam ob ré Telephia  
 Telephia vocantur, auxiliatur. ulcera.

## GENERA.

Dioscorides duo genera facit. Vnum floribus al-  
 bis, quod nobis Telephium albū nominare placuit, Telephiū  
 Germanicè Vuundkraut das uueible. Alterum flori- album.  
 bus luteis, quod Norimbergæ me vidisse memini.  
 Damus pro illo Telephium purpurascens, flo-  
 ribus emicans, quod ad differentiā prioris Telephiū Telephiū  
 purpurascens appellare volumus, Gemanicè Vuund kraut das mennle. Præter flores qui in primo candi- purpuras-  
 di sunt, hoc in autem purpurascens, foliorum eti- cens.  
 am colore differunt, qui in candido viridis & her-  
 baceus existit, in purpurascens autem paulò pal-  
 lidior. Cætera omnia in iis familia apparêt, folia po-

S iiij tiffimum,

# PLANTARVM HISTORIAE.

tissimū, quę fabacea prorsus sunt, nisi quod pinguiora, & crassiora existunt.

## FORMA.

Foliis & caule Portulacę similis herba Telephiū. Alas binas in singulis foliorum geniculis inhærentes habet. Ramuli à radice senī septenūe prodeunt, referti foliis cœruleis, crassis, glutinosis, carnosis: flores illi lutei, vel albi, vel purpurascētes: radix ima, quod Dioscorides omisit, innumeris tuberibus scattet. Nō est autem cur diuersum Telephium hoc nomine ab ea herba, quam herbarij hodie crassulā maiorem nominant, suspicemur, cū omnes reliquę notę à Dioscoride commemoratę, illi adamussim conueniāt. Et solenne certē est Dioscoridi vt multas notas, in his potissimum herbis quas ipse non vidit, atque adeo ex aliorum fide pingit, easq; maximē quidem necessarias omittat, & silentio trāseat. Quibus etiam accedit locus natalis, & facultates Telephij, quę eadem sunt cum iis quę Crassulę maiori recētes herbarij adscribunt. Sunt qui alterum acetabulū esse putent, quorum sanē sententiam nō admodum absurdam esse iudico.

## LOCVS.

Nascitur inter vites, locis cultis & incultis humidis.

## TEMPVS.

Vere statim profilit, Iulio autem & Augusto mensibus floret.

## TEMPERAMENTVM.

Telephium exicat ordine secundo intenso, aut certē principio tertij, non tamen insigniter calida, verum in hoc forsan quispiam ipsum primi esse ordinis censeat.

## VIRE. EX DIOSCORIDE.

Folia senis horis illita, albas vitilignes sanāt: sed oportet postea hordeacea farina illinere locum. Quinetiam alphas tollunt cum aceto in sole inuncta. Sed vbi inaruerint, abstergantur.

## FX GA.

## EX GALENO.

Telephium detergendi & exiccandi facultate est præditum : proinde ad putrida vlcera conuenit, & leucas & alphos cum aceto sanat.

## EX PLINIO.

Illinitur lētigini, & cū inaruit teritur . Illinitur & vitiligini, ternis ferè mēſibus ſenis horis noctis aut diei, poſtea farina hordeacea illinitur . Medetur & vulneribus & fiſtulis.

## APPENDIX.

Recētiores herbarij ſua Crāſſula maiori in curandis vulneribus, & fiſtēdo ſanguinis profluuii vtūtur vt eandē eſſe cū Telephio vel hoc ſaltē nomine nemo dubitare debeat. Magnā autē efficaciam habere in internis potiſſimum vulneribus & vlceribus, mirificēque hernioſis prodeſſe iidem tradunt.

## DE TRINITATIS HERBA.

## CAP. CCCX.

*Herba Trinitatis nobis Penſee.*

## NOMINA.

**Q**UO nomine priuatim planta hæc Græcis aut Latinis appellata ſit medicis, ignorare me fateor. Cōſtat tamen Violæ inodore genus eſſe, & mea quidē ſentētia Iouis florem. Vulgus à triplici colore floris, herbā trinitatis nominat . Sūt qui Iaceam, & herbā clauellatā appellent. Germani *Dreyſeltigke ytblumen* & *Freyſchamkraut* [Galli *Herbe de la Trinite*] vocāt.

## FORMA.

Herba hæc folio eſt initio rotūdo, per ambitū ſerrato, proceſſu tēporis oblōgiore, cauliculo triāgulo, intus cauo, leuiter ſtriato, ex interuallis geniculato, prodeūtib; ex alarum ſinu pediculis lōgis, in quibus ſummatim elucent flores figura & ſpecie violarū purpurearū, ſuperiore parte purpurei, in medio candidi, inferiori verò lutei, radiis quibuſdā nigris diſtincti. Quibus decidentibus ſemina protuberant.

## LOCVS.

Sua ſpōte in aruis interdū prouenit. In hortis tamen

*Iouis floſ.*  
*Herba trinitatis uno de dicta.*  
*Iacea.*

# PLANTARVM HISTORIAE.

men vt plurimum plantatur, speciosiorq; nascitur.

## TEMPVS.

Vere viola hæc post purpuream emicat, & tota æstate floret.

## TEMPERAMENTVM.

Herba in gustu lëtorë quëdã, atq; modicã acrimoniã seu mordacitatë præ se fert, atque adeo à Symphyti téperamento nõ admodum abesse videtur, id quod etiã ex facultatibus quas illi recëtiores tribuunt facilè deprehenditur. Calida itaque & sicca est.

## VIR ES.

Quum acrimoniã ratione incidendi vim quampiam habeat, ideo rectè recentiores asthmaticis, pulmonisq; phlegmonibus prodesse tradunt: collectũ siquidem in thorace & pulmone pus expurgare potest. Hac ratione puerorum etiam comitialibus morbis auxilio esse solet. Cãterũm nõ parum ad pruritũ & scabiem confert, omniãq; cutis vitia emëdat, idq; mediocris acrimoniã & siccitatis ratione. Vlcera etiam, quia viscositatẽ obtinet, glutinare potest.

## DE TEVTLO. CAP. CCCXI.

### NOMINA.

*ειντλον*  
*unde dictum.*  
*Beta cur dicta.*


**T** *ειντλον*, ñ *σειντλον* Græcis, Beta Latinis appellatur. Germanis *Mangolt* / *oder Pissen* [Gallis *de la Porree, ou de la Iotte.*] *σειντλον* autem Græci ab impulsu nominarũt, etenim cultus ratioẽ quãdã incrementum capessit arboris, neque vlli hortensium latitudo foliorum maior. Betæ nomen sibi adsciuit, quoniam figuram *ε* literæ græcæ dum semine turget referre videtur. Nam summitatem in cacumine reflexam obtinet. Id quod testatum nobis reliquit Lucius Columella in suo carmine de cultu hortorum ita canens:

Nomine tum graïo, ceu litera proxima primæ,  
 Pangitur in cera docti mucrone magistri,  
 Sic & humo pingui ferratæ cuspidis ictu  
 Deprimitur folio viridis pede candida Beta.

## GENE.

## G E N E R A.

Eius à colore omnes duo genera faciunt, candidā & nigrā. Candida alio nomine Sicula, vt Theophrastus libro octauo de historia plantarum, & Plinius libro decimonono, capite octauo, memoriae prodiderūt, appellatur. Et nunc extrita litera vna ferè omnibus nostri seculi medicis Sicla nominatur. Germanicè *Vueisser Mangolt*. Nigra ad atrum videtur tendere colorem, & à Germanis *roter Mangolt* vocatur.

Candida  
Beta.Nigra Be  
ta.  
Sicla.

## F O R M A.

Caulem habet striatum, bicubitalem, folium ferè triplicis, flores exiguos luteos, semen in caulibus copiosum: radicem vnicam in longum protensam, è cuius lateribus aliæ, modò singulæ, modò binæ, nonnunquam ternæ funduntur, fibris multis refertæ.

## L O C V S.

In hortis passim, & cultis locis nascuntur Betae.

## T E M P V S.

Iulio & Augusto mensibus floribus & semine turgent.

## T E M P E R A M E N T V M.

Nitrosa qualitate particeps est. Nigra tamen adstrictionis quippiam adiunctum habet, & magis in radice quàm in aliis partibus. Simeon Sethi calidā & siccam esse in tertio ordine asserit.

## V I R E S. E X D I O S C O R I D E.

Nigra Beta cum lente cocta aluum efficacius cohibet, multoque magis radix. Candida aluo utilis est. Vtraque verò propter nitrosam vim quā habet mali succi est. Vnde succus earum cū melle naribus inditus caput purgat. Aurium etiam doloribus auxiliatur. Decoctum radicum & foliorum furfures & lèdes deterget. Perniones fotu mitigat. Crudis foliis alphas nitro prius perfrictos, alopecias prurientes, atque depascentia vlcera illini prodest. Cocta exanthematis, erysipelatis, & ambustis medetur.

E X G A-



# PLANTARVM HISTORIAE.

## EX GALENO.

Beta nitrosæ facultatis est particeps, qua tum extergit, tum digerit, & per nares purgat. Cæterum cocta nitrositatem omnem exuit, sitq; facultatis phlegmonis aduersæ, leuiter discutientis. Porro ad detergendum digerendumque validior est Beta alba. Nam nigra adiunctum habet quippiam adstrictio- nis, & magis in radice quam aliis partibus. Betæ itaque abstersorius inesse succus conspicitur, adeo ut alium ad excretionem extimulet, & nonnunquam stomachum demordeat, præsertim iis quibus ille sensilior obigit: eoque largius commansa, stomachum infestat. Huius ceu aliorum olerum, exigua est alimonia. Iecoris obstructiõibus, quam Malua, aptius accommodatur, magis autem ubi cum Sinapi estur, aut aceto. Lienosos item similiter manducata, mirifice iuuat.

## EX PLINIO.

Nec Beta sine remedio est vtraque. Siue candida, siue nigræ radix recens & madefacta, suspensa funiculo, contra serpentium morsus efficax esse dicitur. Candida Beta cocta, & cum Allio crudo sumpta, contra tineas. Nigræ radices ita in aqua coctæ, pruriginem tollunt, atque in totum efficacior esse traditur nigra. Succus eius capitis dolores veteres & vertigines, item sonitum aurium sedat, infusus iis. Ciet vrinam. Medetur dysentericis iniecta, & morbo regio. Dolores quoque dentium sedat illitus succus. Et contra serpentium ictus valet, sed huius radici dūtaxat expressus. Ipsa verò decocta, pernionibus occurrit. Albæ succus epiphoras sedat, fronte illita. Aluminis pauco admixto, ignem sacrum. Sine oleo trita licet, adustis medetur. Et contra eruptiones papularum cocta. Eadem contra vlcera quæ serpunt. Illinitur & alopeciiis cruda. Et vlceribus quæ in capite manant. Succus eius cum melle naribus inditus, caput purgat. Coquitur & cum lenticula addito aceto, ut ventrem molliat.

molliat. Validius cocta, fluctuationes stomachi sistit & ventris.

## EX SIMEONE SETHI.

Eius succus mediocriter abstergit. Hic etiam ventrem ad effluxum proritat, & stomachum aliquando vellicat, eorum præsertim qui hunc valde sensilem obtinet. Quapropter edulium est stomacho infestū, si plurimum comedatur. Exiguū est eius alimētū, sicut cæterorum olerum. Vtilis verò est ad iecoris obstructions cum aceto comesta. Pari modo si edatur, & lienis obstructionibus bonū sit medicamētū. Constat autem Beta ex contrariis facultatibus. Succus enim eius calidas est, ventrē constringit, & sitim affert. Eius verò corpus crassarum partium, flatuosum, concoctū difficilè & frigidum. ventremque sistit, maximè si aqua in qua coctum est, subinde abiciatur.

## DE TINCTORIO FLORE.

## CAP. CCCXII.

## NOMINA.

N herba hæc veteribus cognita fuerit nōdū  
**A** compertum habemus: quapropter ad germanicam alludentes appellationem, Tinctoriū florem interim dū certius nomē naçti fuerimus, nominabimus. Germani *Gilb oder Streich oder Ferbblumē* quòd florum illius in tingendis libris & aliis quibusdam vsus sit, nuncupant. Sunt qui *Ackerpfrimmen* vocant.

## FORMA.

Genistæ nō admodū dissimilis est hæc herba: ramos enim herbaceos, vt illa habet, ac scabros, folia tamē paulò lōgiora & latiora, ad Hyssopi ferè formā accedētia, florē luteū, Piso similē, semē in siliquis Léticulæ haud adsimile, radicem planè ligneam.

## LOCVS.

Prouenit locis altis, incultis & aridis, atque pratis nonnullis,

## TEMPVS.

# PLANTARVM HISTORIAE.

## TEMPVS.

Floret Iunio & Iulio mēſibus, atque deinceps ſemina profert.

## TEMPERAMENTVM.

A mara eſt haud aliter quàm Geniſta, vt caleſcere illam & ſiccare in altero ordine ſit euidentiffimū.

## VIRE S.

Vt forma & temperamento Geniſtæ ſimilis eſt, ſic etiam facultatibus haud dubiè eidem reſpōdet. Haſ igitur ſuo loco reperiēs.

## DE TORDYLO. CAP. CCCXIII. NOMINA.

*Sefeli Creticum.*

T

ὄρδύλον, ἢ τordύλιον, ἢ σείλι κρητικόν Græcis:

Tordylon & Tordyhion, & Sefeli Creticum

Latinis, Paulus Gordylion appellat. Germanis *Beerwurtz* [Gallis *du Sefeli*] dicitur, vt ſuprà in capite de Dauco quoque diximus. Nam cū Dauci ſemen hirsutum ſit, vt cunq̃ cætera reſpondeant, hoc verò minimè, non eſt cur Daucum eſſe credamus.

## FORMA.

Fruticoſa eſt herbula, ſemen habens rotundū, geminatū, clypeo ſimile, ſubacre & odoratum. Quæ ſanè omnes notæ huic herbæ, quæ à Germanis *Beerwurtz* dicitur, reſpōdent, vt eius pictura, quam in capite de Dauco reperiēs, abundè docet. Hanc autem propterea radicū ſimilitudinem inter Daucorum effigies habere locum voluimus.

## LOCVS.

Nāſcitur in Amano Ciliciæ monte. In multis etiā Germaniæ noſtræ locis copioſiffimè prouenit.

## TEMPVS.

Iulio mēſe floret, ac ſubinde ſemen profert.

## TEMPERAMENTVM.

Calfacit & exiccat, vt ex facultatibus eius abundè colligere licet.

## VIRE S.

## VIRE. EX DIOSCORIDE.

Potum eius semen contra vrinæ difficultatem, & ducendis mensibus prodest. Succus verò caulis seminisque adhuc virentis trium obolorum pōdere haustus decē diebus in passo, nephriticos sanat. Efficax etiam radix: cum melle siquidem linctā, quæ in thorace sunt educit.

## EX PAVLO.

Cordylon alij Sefeli appellant, vrinæ & mēsis ducendis habile. Radix ipsius ex melle linctā, quæ in thorace hærent, educit.

## EX PLINIO.

Combusta potu ciet menses, & pectoris excreationes, efficaciore etiamnum radice. Succus eius ternis obolis haustus renes sanat. Additur radix eius & in malagmata.

## DE TITHYMALIS. CAP.

## CCCXIII.

*Tithymalorum genera passim luxuriant, Reueille matia Gallis dicuntur, opinor quod urente acrimonia in somnia pariunt.*

## NOMINA.

Τιθυμᾶλος, ἢ τιθυμᾶλον Græcis, Lactaria herba, & Lactuca caprina aut marina Latinis, barbaris & officinis Esula, germanis Vuolffsmilch [Gallis *du Tithimale, ou herbe a lait*] dicitur. Lactariā Lactaria autem herbam communi appellatione, ob commune omnibus lac, vniuersum hoc genus vocauerunt. herba cui nominata. Lactucam verò ob eandem causam, quia scilicet ex Lactuca secta lac fluit. Lactuca caprina quare uocata. Caprinam, quod capræ Tithymalis vescantur.

## GENERA.

Septē sunt, Dioscoride & aliis veteribus testibus, Tithymalorū genera. Primus Characias, id est, vallis dicitur, quod vallis septisque muniendis idoneus sit. Secundus Myrsinites, à Myrti foliorum figura: aut à nucibus, quibus similem fert fructum, Caryites.

# PLANTARVM HISTORIAE.

Caryites nominat. Húc fructû sunt qui Nucé vomî  
*Paralius.* cā, Germanis *Kronaglin* vocatā, esse putent. Tertius  
*Heliosco-* Paralius, id est, marinus, quòd in maritimis nascat,  
*pius.* appellatur. Quartus Helioscopius, hoc est, solisc-  
 quus, quia eius coma ad solis cursum circumagitur,  
 nominatur: Germanicè *Sōnen uendede Vuolffsmilch*  
 vocari potest. Aliis nominatur *grosz Vuolffsmilch*.  
*Cyparissias.* Quintus Cyparissias à Cupressi similitudine nun-  
 cupatur. Germanicè *cypressene Vuolffsmilch* nomina-  
*Dendro-* ri potest. Sextus Dendroëdes, à ramorum copia di-  
*edes.* citur. Septimus Platyphyllos, id est, latifolius, à lati-  
*Platyphyl-* tudine foliorum nominatur. Germanicè *Breytblet-*  
*los.* *terte Vuolffsmilch* / alij *grosz Teuffelsmilch* vocant.  
 Nos ex iis generibus tria tantum depicta damus,  
 quòd reliqua videre nondum nobis licuerit. Profe-  
 rent fortè alij longè plura.

## FORMA.

Nos ea tantum genera quorum picturas exhibe-  
*Heliosco-* mus, omissis aliis, describemus. Helioscopius itaque  
*pius.* Portulacæ similia folia obtinet, tenuiora tamen at-  
 que rotundiora. Ramos autem à radice prodeuntes  
 quatuor aut quinque mittit, dodrantes, tenues &  
 rubentes, copioso lactis liquore plenos. Caput huic  
 est Anetho simile, & semen veluti in capitulis inclu-  
 sum, Circumagitur huius coma cum sole, vnde &  
*Cyparissias.* Helioscopij nomen accepit. Cyparissias caulem  
 emittit dodrantalem, aut maiorem, subrubrum, ex  
 quo germinant folia pini similitudine, teneriora ta-  
 men ac tenuiora. Et in vniuersum pino nuper natæ  
 similis est, vnde & nomen traxit. Abundat hæc etiā  
*Platyphyl-* succo candido. Platyphyllos Verbasco similis est,  
*los.* longiora q; reliquis folia habet.

## LOCVS.

Helioscopius in rudibus potissimum, & circa  
 oppida nascitur. Cyparissias in cāpestribus frequen-  
 tissimus occurrit. Platyphyllos verò in syluis.

TEM-

## TEMPVS.

Semen Tithymalorum autumnò legitur, succus verò incipiente pomorum lanugine.

## TEMPERAMENTVM.

Vincentem habent acrem calidamq; facultatem, inest verò & amaritas. Ex quarto itaque calefacientium sunt ordine, & valenter desiccant.

## VIRES. EX DIOSCORIDE.

Vim habet Characię liquor lacteus aluum per inferna purgandi, pituitam & bilem ducens, duorum obolorum pondere ex posca sumptus. Cum melicrato autem vomitum cit. Appetente vindemia lacteus colligitur liquor. Depilat liquor hic recens ex oleo in sole inunctus, renascentesq; flauos & exiles efficit, tãdemq; omnes destruit. Cauernis dētium inditur, leuatq; dolores: sed cera dentes oblinendi, ne effluens fauces aut linguam vitiet. Idē inunctus myrmecias, acrochordonas, thymos & imperigines tollit. Valet etiam aduersus pterygia, carbunculos, phagedænas, gangrænas, fistulasque. Semen & folia eadem lacteo succo præstant, dimidij acetabuli pondere pota. Radix drachmæ pondere cum hydromelite in parsa & pota per inferna purgat. Decocta cum aceto, colluto ore, dentium dolori auxiliatur. Helioscopius eandem priori vim habet, nō tamen vsque adeo intentam. Nec diuersam facultatem obtinent Cyparissias & Platyphyllos.

## EX GALENO.

Validissimus Tithymalorū liquor est. Secūdū locum tenet semen & folia. Sed & radix earundem facultatum particeps est, sed non ex æquo. Sanè ipsa cum aceto decocta dolores dentium sanat, maxime qui illis erosio proueniunt. Ad liquores vt qui valentior vim habeant, in foramina quidem ipsa dentium induntur. Cæterum si aliam corporis partem contigerint, continuò adurunt, vlcérantq;: quapropter foris illis cera circūliniūt. Sic pilos quoq; succus

T

inunctus

inūctus tollit. Porro quum vehemētior sit, oleo miscetur: & si id sæpe fiat, tandem prorsus radices pilorum adustæ corrumpentur, corpusq; depile reddetur. Eadem facultate myrmecias, acrochordonas, pterygia & thymos auferunt, detergentque lichenas & psoras, quia scilicet abstergendi illis facultas inest, propter amaritudinem. Præterea vlcera phagedenica, anthracode & gangræuode, quia valenter calescunt & abstergūt, si in tēpore & moderatè quis vtatur, iuuare poterunt. Verumenimvero & fistularum callos, eadem facultate adimunt. Porro hæc omnia genero quidem similiter, imbecillius tamen & folia & fructus præstare possunt. Quibus sanè & ad pisces in aqua stagnali capiendos vtī assolent. Celerimè nanque ab illis in vertiginem acti, ac semimortui redditi, ad aquæ superficiem feruntur. Cæterum quum septem sint eorum genera, valentissimus est quem Characiam nominant, & Myrsinites, & qui in petris nascitur ad modum arboris: deinceps qui Verbasco adsimilis est, & Cyparissias: post Paralius, denique Helioscopius. Proportione verò compræhensæ illorum facultatis & cinis & lixiuium erit.

## EX PLINIO.

Tradunt toties purgari hydropicos fico sumpta, quot guttas lactis Characiæ exceperit. Est & semen in vsu cum melle decoctum ad catapotia soluendæ alui gratia. Semen & dentium cauis cera includitur. Colluuntur & dentes succo radice decoctæ in vino aut oleo. Illinunt & lichenas succo, bibuntq; eum vt purgent vomitiones, & aluo soluta, aliàs stomacho inutilem. Trahit pituitam sale adiecto in potu, bilē aphronitro. Si per aluū purgari libeat, ī posca: si vomitiōe, in passo aut aqua mulsa. Media potio tribus obolis cōstat. Ficos à cibo sumpsisse melius est. Fauces vrit leniter. Est enim tam feruentis naturæ, vt per se extrā corpori impositū, pustulas ignium modo faciat, & pro caustico in vsu sit. Helioscopius trahit bilem

bilem per inferna in oxymelite dimidio acetabulo. Cæteri vsus qui Characiæ. Cyparissiæ eadē vis quę Helioscopio aut Characiæ. Platyphyllos pisces necat, aluum soluit, radice vel foliis, vel succo in mulso, aut aqua mulsa drachmis quatuor. Detrahit priuatim aquas.

## DE TRIPHYLLO.

## CAP. CCCXV.

## NOMINA.

*τρίφυλλον* Græcis, Trifolium odoratum Latini-  
T mis, officinis simpliciter Trifolium dicitur.

*Trifolium  
odoratum  
cur dictū.*

Germanis *Sibengezeit*, propterea quod singulis diebus septies odorem suū habeat, & toties etiā amittat, quādiu in horto creuerit. Decerptum enim & exiccatum, odorē suū perpetuò retinet. Qui cer-  
tē pluuiosa temporis cōstitutione ac tempestate in-  
stante multò vehementior est, sic sanē vt totas ædes,  
in quibus hæc herba reposita est, odore suo com-  
pleat. Potest etiam appellari commodissimē *Vuol-  
richender Klee*.

## FORMA.

Frutex est cubito altior, virgas habens tenues, nī-  
gris, iunceisq; adnascentiis multis præditas, in qui-  
bus folia Loto arbori similia sunt, terna in singulis  
germinationibus. His recens enatis odor Rutæ in-  
est, auctis verò iam, bituminis. Florem emittit pur-  
pureum, semen modicè latum & subhirsutū, ex alte-  
ro extremo apicem obtinēs. Radix illi tenuis, lōga,  
valida. Ex qua quidē delineatione satis constat her-  
bam, cuius picturam damus, esse Trifolium odora-  
tum: siquidē cubito altior est, caules tenues obtinēs,  
vnde ramusculi multi nigricantes quodammodo, ac  
iuncea oriuntur, qui singuli terna folia produciunt  
odorata. Flores etiam habet in purpureo cœruleos.  
Semen quoque Milio haud dissimile in folliculis  
modicè latis, pilosis, & in summitate aculeum ha-  
bentibus, profert. Radicem deniq; lōgam, cādīdam

T ij ac va-



# PLANTARVM HISTORIAE

ac validā habet, vt prorsus nihil sit quod descriptioni non respondeat.

## LOCVS.

Sponte sua in Germania non prouenit. Satum verò nulla difficultate prodit.

## TEMPVS.

Iulio mense floret, ac subinde semen producit.

## TEMPERAMENTVM.

Calidum est & siccum in tertio ordine.

## VIRE. EX DIOSCORIDE.

Semen & folia in aqua pota lateris dolore laborantibus, difficultati vrinae, comitialibus. incipienti aqua inter cutem, vuluaq; strangulationibus auxiliatur. Menses etiam ducunt. Oportet autem seminis tres, foliorum verò quatuor drachmas dare Succurrunt & venenatorum moribus folia trita cum oxymelite & pota. Referunt quidam, si totius fruticis radices & foliorum decocto foueantur facti ex serpentium moribus dolores, eos mitigari. Si verò alius vlcus habens eodem illo decocto quo quispiam sanatus fuerit foueatur, eadem sentit quae morfi à serpentibus. Dant quidam etiam in tertianis bibenda folia eius tria, aut toridem semina cum vino, in quartanis autem quatuor, veluti quae circuitus soluere possunt. Miscetur verò eius radix & antidotis.

## EX GALENO.

Triphyllum potum laterum dolores ab obstructione natos iuuat, vrinam & menses prouocat.

## EX PLINIO.

Trifolium scio credi praeualere contra serpentium ictus & scorpionum, ex vino aut posca. seminis granis viginti potis, vel foliis, & tota herba decocta, serpentesq; nunquam in Trifolio aspici. Praeterea celebratis autoribus contra omnia venena pro antidoto sufficere vigintiquinque grana eius.

## APPENDIX.

Debet eius Trifolij odorati vsus esse subinde in omnibus

omnibus officinis, quod mirificè venenis aduersetur  
& ad vlcera malefica sananda perquam vtile sit.

## APPENDIX ALTERA.

Non latet hanc herbam propè accedere ad descriptionem Loti syluestris. Caulem nanq; fert bicubitalem, & aliquando maiorem, numerosis alarum cauis. Folia Trifolio quod in pratis nascitur similia: semen Fœnogræco ita respondens, vt nisi minus esset, vix ab inuicem discerneres: sapore item medicato. Tamen non minus accedit etiam ad Trifolij acutipicturam. Frutex enim verius esse quàm herba videtur, cubito maior, virgas habens tenues, nigras, iuncosa adnata obtinentes, in quibus sunt folia Loti in singulis pediculis tria, in ambitu cuspidibus serrata, vt hinc commodissimè dici mereatur *δξύφυλλον*. Hæc etiam odorata sunt vehementer, vt nonnullis caput offendant: & ad bituminis certè odorè proximè accedūt, sed non parū tamen suauior & iucundior est. Florè præterea ex se mittit purpureum, hoc est, ad purpuræ colorè nonnihil accedentē: ex albo enim purpureus, aut subcœruleus est. Semē etiā modicè latum, & subhirtutum, ex altero fine veluti cornu obtinens. Quod ego non de ipso quidem nudo semine, sed de eius potius folliculo, quod in cacumine planè aculeatum ac veluti cornutum existit, intelligendum puto. Radix denique illi longa, gracilis, & tenax existit, nihilque est in tota descriptione quod ei aptissimè non quadret. Accedit præterea amaritudo quæ in semine non est obscura, pulchrè sibi etiam Trifolij odorati facultates vendicans: mouent enim quæ amara sunt vrinam, menses ducunt, comitialibus prosunt, aliaque quæ Dioscorides Trifolio huic adscribit efficere possunt. Quare iis rationibus motus, à concepta sententia discedere nōdum quæo, nisi contingat vobis aliam intueri stirpem, cuius semina, atque adeò grana ipsa hirsuta, & cornuta  
T iij                      existant.

# PLANTARVM HISTORIAE.

existant. Quanquam non lateat parum admodum  
referre vtram sententiam, nostram aut aliorum am-  
plectaris, cum Lotus & Trifolium facultatibus non  
multum aut ferè nihil distent. In hoc tamen semine,  
quod nos Trifolij odorati esse contendimus, nulla  
in esse apparet adstrictio, quam tamen in Loti semi-  
ne Dioscorides requirit. Quod pro confirmanda no-  
stra sententia adiicere volumus.

## DE TRIFOLIO PRATENSI.

### CAP. CCCXVI.

#### NOMINA.

Τρίφυλλον ἐν χορτοκαπίαις γιννόμενον Græcis;  
T Trifolium pratense Latinis dicitur. Offici-  
næ latinum nomen retinuerunt, & simplici-  
ter Trifolium vocant. Utendum verò illis esset odo-  
rato Trifolio, quemadmodum altero ab hinc capite  
diximus. Germanis Vuysenklees [Gallis Treffe] no-  
minatur.

#### GENERA.

Tria gene- Tria apud nos passim in pratis prouenientia Tri  
ra praten folij inueniuntur fastigia, quorum primum à flori-  
sis Trifolii. bus purpureis, Trifolium pratense purpureum, Ger-  
purpureū. manicè braun Vuysenklees alterum itidem à floribus  
Candidū. suis candidis, Trifolium pratense candidum, Ger-  
luteum. manicè Vucisz Vuysenklees & tertium luteum, Ger-  
manicè geel Vuysenklees appellauimus. Quod ad fo-  
lia ipsa attinet, nō admodum differunt: quoduis e-  
nim horum generum tribus cōstat foliis, quæ in pri-  
mo sunt latiora & herbacea, in secundo autem lon-  
giora & angustiora, magisque pallescentia candican-  
tiæ. In tertio sunt minora & rotunda, atq; ad Fœ-  
nigræci folia accedentia. Sunt qui hoc genus Lago-  
pum esse putent. Sed de Lagopo suo diximus loco.

#### FORMA.

Caulem rotundum, cubitalē obtinent, ramos exi-  
tes, folia per intervalla tria: flores in summo aut pur-  
pureos,

pureos, aut candidos, aut luteos: radicem longam & lignosam.

## LOCVS.

Scatet iis prata omnia, vnde etiam nomen nata.

## TEMPVS.

Florent Maio & Iunio mensibus.

## TEMPERAMENTVM.

Adstrictoriæ cuiusdam qualitatis sensum in gustu præ se ferunt, non tamen multum admodum, vt nihilominus sint tenuium partium & exiccatorum, quæ doquidem etiam exigua quasi acrimonia prædita videantur.

## VIRES.

Haud dubiè mediocriter concoquendi & exiccandi vim possident, vt non temerè quidam ex recentioribus herbariis tradant, Trifolia hæc albo muliebri profluuium mirificè conferre. Eadem etiam inflammationibus imposita, eas cōcoquunt, & ad maturationem perducunt.

## DE TRAGOPOGONE.

## CAP. CCCXVII.

## NOMINA.

περίπλωρον, ἢ κομή Græcis nominatur, Latini

T nis Hirci barba, & Coma: officinis ignota est herba. Germanis Bocksbart & Gauchbrot

[Gallis Barbe de Bouc] dicitur. Hieronymus herbarius Braunschuuigenis magno errore hypocisthida in hac herba nasci putauit. Sic autem eam Græci vocarunt, quod à calyce eius promissæ pendeant barbæ, vel rectius quod lutei illius flores in volucres barbulas euanescent.

Hirci barba.

Tragopogon curdistæ.

## FORMA.

Caulé habet exiguum, longum tamen, & bicubitum interdum, geniculatum, folia Croco similia, radicem longam & dulcem, supra caulem calycē magnum, & in eius summo semen nigrum, florē luteū,

T iij qui in

# PLANTARVM HISTORIAE.

qui in canescentes barbulas fatiscit. Hæc etiam cum carpitur lacte manat.

## LOCVS.

Sua sponte in pratis nascitur.

## TEMPVS.

Maior & Iunior mensibus floret.

## TEMPERAMENTVM.

Dulcedo quæ in radice ac tota ferè planta apparet, satis monstrat eam esse caliditate tepida præditam, & modicè humidam.

## VIRE S. EX DIOSCORIDE.

Herba & cruda & cocta edendo est.

## APPENDIX.

Ex recentiorum traditione, & temperamenti ratione, æstuantis stomacho utilis est herba, thoracis & iecoris vitis, renum item & vesicæ malis. Succus eiusdem mirificè laterum doloribus auxiliatur.

## DE TYPHA. CAP. CCCXVIII.

Typha in stagnis frequens, Marteau quibusdam dicitur, quod flos dura densitate longus, mallei formam & pondus imitetur.

Cætera omisimus, quod uel essent medicis nota, uel nomen uulgo & officinis non haberent, aut saltem non aliud quàm quod à Fuschio diligentissimè scribitur: Cuius doctis & magnis laboribus gratia inprimis est habenda, quos in plantis non solum describendis, sed etiam affabrè pingendis, in studiosorum gratiam insumpsit: Longè interim ualere iussis, qui omnia calumniari, nihil utile meditari solent.

## NOMINA.

ῥῆ Græcis, Typha Latinis, officinis inusitata. Germanis Mofz / oder Narrenkolb [Gallis Plante semblable aux masses de Beaux] dicitur.

A nonnullis Knospen und Liefzen.

## FORMA.

Folium profert Cyperidi simile, caulem leuè, enodum, cuius in summo capite flos obducitur densus, euadens in pappum seu lanuginem. Quæ descriptio huic

huic plantæ sic quadrat, vt nulla fit nota quæ reclamet. Folio siquidem Cyperidis erumpit, caule alto, leui, plano, enodi, cuius cacumen densa florum congerie stipatur, & veluti spissa cingitur lanugine, quæ in pappos tandem euanescit.

## LOCVS.

Gignitur in palustribus & stagnantibus aquis.

## TEMPVS.

Iulio mense caulis lanosa floccorum densitate obducitur. Augusto autem in pappos abit, & euanescit.

## TEMPERAMENTVM.

Quantum ex viribus eiusdem colligi potest, non euidenter, potissimum eius flos, calefacit & refrigerat, modicèque abstergit, atque adeò exiccat. Quum enim ambustis medeatur, & ambusta, Paulo libro quarto, capite xi. teste, medicamenta quæ mediocriter citra insignem caliditatem aut frigiditatem abstergunt, requirant, sequitur hoc quale diximus temperamentum obtinere.

## VIRE. EX DIOSCORIDE.

Flos eius cum suillo adipe vetusto eloto exceptus ambustis medetur.

## DE TURCICO FRUMENTO.

## CAP. CCCXIX.

## NOMINA.

OC frumentum, vt alia multa, ex eorū est

H genere quæ aliundè ad nos translata sunt. E

Græcia autem & Asia in Germaniam venit, unde Turcicum frumentum appellatum est: Asiam enim vniuersam hodie immanissimus Turca occupat. Germani etiam ad loca unde affertur respicientes, *Turckisch korn*, [Gallis *Ble de Turquie*] nominant.

## GENERA.

Quatuor huius frumenti reperiuntur genera. Quoddam enim grana rufa, quoddam verò purpurea, aliquod lutea, aliquod subcandida grana profert.

# PLANTARVM HISTORIAE.

fert. Spicarum seu panicularum etiam in iis est diuersitas: etsi enim omnes muticæ sint, tamen alia candidos, alia luteos, alia purpureos, prout scilicet grana colorata erunt, flores obtinet. Aliàs, quòd ad formam attinet, in iis nulla est differentia.

## FORMA.

Culmum habet crassum, rotundum, altum longumue, infima eius parte purpureum, geniculis intersectum: folia oblonga & harundinacea, in summitate paniculas, aut spicam muticam, & granis vacuam, instar Secales florentem, nunc luteo, nunc candido, nunc purpureo colore, prout fructus què profert coloratus est. Fructum verò & grana triangula, diuersis iam commemoratis coloribus tineta, in foliaceis, rotundis ac crassis membranis ac vaginis, quæ è lateribus geniculorum ferè singulorum prodeunt, contenta obtinent, coaceruata ac penitissimè iuncta, inq; octo aut decem versus ordine digesta. E fastigio vaginarum capilli tenues, iam candido, iam luteo, nunc purpureo colore maculati dependent, vt pictura satis ostendit, quæ vnica quidem tibi omnia genera repræsentabit. Hæc in vna vagina quatuor tibi granorum colores monstrat, cum tamen quæuis vnus duotaxat coloris grana, nempe aut lutea, aut purpurea, aut rufa, aut subcandida omnia habeat. Quod nos, ne aliquem pictura deciperet, monendū esse duximus.

## LOCVS.

E Græcia vel Asia, vt dictum est, primū ad nos peruenit. Nunc autè passim in omnibus hortis prouenit.

## TEMPVS.

Seritur mense Aprili, nec nisi sub finem Augusti & initia Septembris ad maturitatem peruenit.

## TEMPERAMENTVM

Dulcedinem & lentorem quendam grana gustu præ se ferunt, vt haud dubiè idem cum Tritico habeat temperamentum.

## VIREs.

Cùm idem cum Tritico habere videatur temperamentum, easdem etiam obtineat facultates necesse est. Grana itaque teruntur in candissimam farinā, quæ in panificia subinde cogitur. Panis tamen ille lentoris quiddam & obstruentis naturæ habet. Hinc est quòd in Asia & Turcia illius nullum in cibo visum esse, nisi cùm annonæ premit inopia, dicunt. Cæterùm foliorum succum refrigerandi facultatem obtinere tradunt, hinc ad erysipelata vtilè admodum esse coniiciunt.

## DE THYMO. CAP. CCCXX.

## NOMINA.

*Thymus* Græcis, *Thymus* Latinis, herbariis vulgaribus *Serpyllum Romanum*, haud dubiè ab odore quem cum *Serpillo* còmunem habet, dicitur. Officinæ antiquum nomen retinuerūt. Germanis *Thym*, & *Romischer quendel*. [Gallis *du Tin*, ou *Thim*] vocatur. *Thymus* autem Græcis ab excitando, quod *θύειν* dicunt, nomen inuenit. Nonnullis potius hoc placet etymum, vt *Thymos* quasi *thymos*, hoc est, sanguinè impellens dicatur.

*Serpyllū  
Romanū*

*Thymus  
unde dicitur  
Thymus.*

## FORMA.

*Thymus* surculosus frutex est, minutis multis & angustis foliis circumdatus, in summo capitula floribus purpureis referta habens. Ex qua sanè delineatione omnibus conspicuū sit, herbā. cuius picturā damus esse *Thymum*. *Dodrantal*is enim & surculosus frutex est, foliis exiguis, flosculis ex purpura candicantibus, suauissimi odoris, capitella specie complicatarum formicarum, radice lignosa, enascentias virides multas obtinente, quibus in terra radicator.

## LOCVS.

Nascitur petrosis & tenuibus locis: neque enim locum pinguem, neque stercoreatum, sed apricum deside-



# PLANTARVM HISTORIAE.

desiderat. Nūc in hortis multis Germaniæ prouenit.

## TEMPVS.

Floret serò, quod Theophrastus etiam libro sexto de Historia plantarum, capite secundo testatur, circa Solstitia, cum & apes decerpunt, & augurium mellis est.

## TEMPERAMENTVM.

Thymus vehementer calefacit. Itaq; in calefaciendo & exiccando in tertio ordine statuendus est.

## VIRES. EX DIOSCORIDE.

Potus cum sale & aceto, pituitam per aluum ducit. Decoctū eius cum melle orthopnoicis & asthmaticis prodest. Lumbricos ventris, menses, foetus & secundas pellit. Vrinam ciet. Mixtus melle in elegmate, excreabilia efficit thoracis vitia. Recentia oedemata cum aceto illitus discutit. Sanguinis grumos dissoluit. Thymos & verrucas penfiles tollit. Ischiadicis cum vino & polenta impositus auxiliatur. Hebetibus oculis in cibo sumptus opitulatur. Vtilis etiam pro condimento in sanitatis vsu.

## EX GALENO.

Thymus incidit, & calefacit manifestè: ob id & urinam & menses prouocat, foetum euellit, & viscera potus expurgat, educendis ex thorace & pulmone confert.

## EX AETIO.

Hæc experimentis de Thymo comperta sunt. Dato ieiunis articulari morbo laborantibus, Thymi aridi minutissimi drachmas quatuor cum oxymelitis cyatho. Bilem enim reliquosq; humores atque acrem saniem euacuat. Facit & ad vesicæ mala. Ventre inflatis, vbi intumescere cœperint, drachmā vnā dato ieiuno cum cochleari aquæ mulsæ. Ad lumborum coxendicumque dolorem, laterisque & thoracis, ac hypochondriorum suspensiones, ac inflationes, pondere trium drachmarum cum oxymelite temperato, mensura cochleari ieiuno exhibeto.

Simili-

Similiter etiam & melancholicis, & mente turbatis, timorēq; detentis drachmas tres cum oxymelitis tēperati cochleari præbeto. Dato item ieiunis & ante cœnā aduersus lippitudinē, & vehementem oculorū dolorem. Præterea contra podagram, etiam quę motū omnino interceperit, cū vino vtilissimè propinatur. Postremò ad tumefactos testes, ieiunis trium drachmarum pondere exhibeatur.

## EX PLINIO.

Oculorum claritati multū conferre existimatur, & in cibo, & in medicamentis. Item diutina tussis ecligmate faciles excreationes facere cum aceto & sale. Sanguinem concrefcere non patitur è melle. Longas faucium destillationes extrahit illita cum Sinapi extenuat: item stomachi & ventris vitia. Modicè tamen vtendum est, quoniam excalfacit, quāuis sistat aluum: quæ si exulcerata sit, denarij pondus in sextarium aceti & mellis addi oportet. Item si lateralis dolor sit, aut inter scapulas, aut in thorace. Præcordiis medentur ex aceto cum melle: quę potio datur & in alienatione mentis & melancholicis. Datur & comitialibus, quos correptos olfactus excitat Thymi. Aiunt & dormire eos oportere in molli Thymo. Prodest & orthopnoïcis & anhelationi, mulierūque mensibus retardatis. Vel, si emortui sint in vtero partus, decoctum in aqua ad tertias. Viris verò contra inflationes, cum melle & aceto. Et si venter turgeat, testēsue aut vesicæ dolor exigat. E vino tumores & impetus tollit impositum. Item cum aceto, callum & verrucas. Coxendicibus imponitur cum vino. Articularibus morbis trium obolorum pondere in tribus cyathis aceti & mellis. Et in fastidio, tritum cum sale.

## DE TEUCRIO. CAP. CCCXXI.

## NOMINA.

τέυκριον, ἢ χαμαίδρις Græcis, Teucrion Latinis appellatur. Officinis ignotum. Germanis

# PLANTARVM HISTORIAE.

*Teucrium undedictū* nis *grosz* Bathengel dicitur. Teucrium autem vocatum est Græcis pariter & Latinis, quòd Teucer Aiacis frater hoc inuenerit. Inuentum verò ab eo sic tradit Plinius. Quum exta in sacrificio super id proiecta fuissent, lieni adhæsit, eumq; exinaniuit. Proinde quod casus ostenderat, obseruatumque à Teucro fuit, ad æternum humani beneficij decus & famam illi accreuit. Diuersum tamen hoc Teucrium ab Hemionitide, quod à Plinio etiā Teucrium appellari diximus. Chamædrys autem nominata est hæc herba, quòd Chamædry similima sit, adeò vt vicissim etiam Chamædrys hoc nomine, vt suo dicemus loco, dicta sit Teucriū. Maius tamen est Teucriūquàm sit Chamædrys, vt meritò Germanis *grosz* Bathengel nuncupari queat.

## FORMA.

Herba est virgæ referens effigiem, Chamædry similis, tenui folio, non multum Ciceri dissimile. Hæc quanquam breuissima sit Teucrij delineatio, tamen abundè monstrat herbam hanc, cuius picturam exhibemus, esse verum Teucrium, cum nihil Chamædry magis simile dici queat, si diligenter vtriusque plantæ notas expendas.

## LOCVS.

Nusquam, quòd sciam, sponte sua in Germania prouenit. Satum tamen copiosè nascitur. In Cilicia plurimum habetur.

## TEMPVS.

Floret Iunio & Iulio mensibus, ac subinde semen producit. TEMPERAMENTVM.

In secundo excafcientium, tertio autem exiccantium existit ordine.

## VIRE. EX DIOSCORIDE.

Viride cum posca potum, aut aridum decoctum ac haustum, lienem potenter minuit. Lienosis cum fisis & aceto illinitur. Venenatorum autem morfibz cum aceto sine fisis.

## EX

## EX GALENO.

Teucrium incidendi, & tenuium partium facultatis est, quare lienes sanant.

## EX PLINIO.

Recens Teucria in posca, vel sicca deferuefacta, potu lienem efficaciter consumit. Item ex aqua illinitur. Pota arida & decocta quantum manus capiat, in aceti heminis tribus lieni medetur. Ad vulnus illinitur eadem cum aceto, aut si tolerari non possit, ex fico vel aqua. Serpentium plagis imponitur cum aceto tantum.

## DE HYPERICO. CAP.

## CCCXXII.

## NOMINA.

ὑπερικόν, ἀνδροσάμων, χαμαίπitys Græcis,  
Hypericum Latinis dicitur. Nomen latinum in officinis seruat. Vulgus herbariorum Perforatam vocat, quod folia soli obiecta innumeris foraminibus scatere, & Y  
omni ex parte punctis quibusdam pertundi videantur. Herbam quoque diui Iohannis appellant. Germanis S. Iohans kraut [Gallis Millepertuis] nominatur. Androsæmon ob florem eius qui digitis confri- Androsæmon.  
catus sanguineum emittit liquorem, dixerunt. Chamæpitys verò ab odore seminis resinaceo nominata Chamæpitys.  
est. Fugam dæmonū aliqui, quod superstitione quadā inducti, fugare posse dæmones crediderint, appellauerunt. Fuga dæmonum.

## FORMA.

Folia Rutæ similia habet, furculosus frutex, dodrantalis, rubescens. Florem luteum, qui digitis attritus sanguineum emittit succum, qua ratione Androsæmon, quasi humanum dixeris sanguinem, appellatur. Siliquas gerit hirsutas, in rotunditate oblongas, hordei magnitudine, in quibus semen nigrum, resinam obolens. Cuius nimirum descriptionis notæ ita herbæ illi, quam Perforatā vocant nostri temporis herbarij, respondēt, vt nemo nisi prorsus

# PLANTARVM HISTORIAE.

sus præfracto sit animo, Hypericum esse deinceps  
 reclamare possit. Siquidem surculosa est herba, do-  
 drantalıs, subrubens, folio Rutæ, flore luteo, quem  
 si digitis libeat terere, manus profectò inuenies  
 sanguineo succo cruentatas. Siliqua denique tere-  
 te, hordei magnitudine, semine intus nigro, resinam  
 olente. Duo itaque in Perforata inueniuntur, quæ  
 esse Hypericum certam tibi faciunt fidem, cruentus  
 nempe floris triti succus, odorque seminis resina-  
 ceus. qui diuersum sentiunt haud dubiè Marcelli  
 Florentini interpretatione falsa seducti sunt, qui  
 flore albo constare Hypericum asserit, cum ta-  
 men in Dioscoride sit, ἄνθος ἐχὸρ μάλινον, hoc est, flo-  
 rem luteum habens.

Marcelli  
 Florentini  
 erratum.

## LOCVS.

Gignitur in cultis, & asperis locis.

## TEMPVS.

Æstate floret, Iulio potissimum & Augusto  
 mensibus.

## TEMPERAMENTVM.

Hypericum calefacit & exsiccat, tenuisque sub-  
 stantiæ est.

## VIRE. EX DIOSCORIDE.

Vrinam cit, menstrua ducit appositum. A tertia-  
 nis quartanisq; cum vino potum liberat. Semē qua-  
 draginta diebus potum ischiadicis medetur. Folia  
 cum semine illita sanant ambusta.

## EX GALENO.

Menses & vrinas prouocat: sed ad hæc totus su-  
 mendus est fructus, non tantum semen. Cum foliis  
 illitus viridis ad cicatricem ducit cum alia, tum etiã  
 ambusta. Cæterum si sicca contusa inspergas, humi-  
 da & putredinosa vlcera sanabis. Sunt nonnulli qui  
 ischiadicis bibendum exhibent.

## EX PLINIO.

Natura semini Hyperici spissandi. Aluū sistit, vri-  
 nam cit, ad calculos vesicæ cum vino bibitur.

DE HYOS-

CAPVT. CCCX XIII. 337  
 DE HYOSCYAMO. CAP.  
 CCCX XIII.  
 NOMINA.

οσνύαμος Græcis, Hyoscyamus, Apollinaris,  
 Y Latinis dicitur. Arabibus Plinius Altercum *Altercum*  
 vocari testatur. Officinis corrupta voce Ius-  
 quiamus dicitur. Germanis Bilsamkraut/vel simplici-  
 ter Bilsen, [Gallis *du Iusquame, ou de la Hancbane.*] Hy-  
 oscyamon autē Græci videntur appellare quasi fabā  
 suillam aprināmue, quod, vt in historia sua Helianus *Hyoscy-*  
 inquit, pastu huius herbæ conuellantur sues aprīue, *mon unde*  
 præsenti mortis periculo, nisi copiosa aqua statim se *dictum.*  
 foris & intus proluerint. Adeuntq; aquas nō vt pro-  
 luant se tantum, verumetiam vt caneros venentur :  
 iis enim nactis protinus sanitati restituuntur. Atque  
 hinc est quod a nonnullis etiam Germanis *Scuubon*  
 nominetur. Apollinarem verò Latini ab Apolline *Apollina-*  
 medicinæ inuentore dixerunt. *ris.*

GENERA.

Tria sunt Hyoscyami genera. Vnum purpureos *NigerHy-*  
 fert flores, folia Smilaci similia, semen nigrum, cy- *oscyamus*  
 tinos duros & spinosos. Hoc nigrum herbarij appel-  
 lant. Alterum flores luteos ceu mālī effigie, folia &  
 siliquas teneriores, semen subflauum ceu Irion fla- *Flauus?*  
 uum vocant. Et hoc est quod pictum damus. Tertiū *Albus.*  
 vtile ad medicinam, placidissimum existēs, pingue,  
 tenerum, lanuginosum, flore & semine candido: al-  
 bum nominant. Quod si verò illud non adsit, vten-  
 dum flauo erit. Nigrum vt deterrimū improbandū.

FORMA.

Frutex est caules emittens crassos, folia lata, oblō-  
 ga, incisa, nigra, hirsuta. Per caulem deinceps flores  
 prodeunt veluti mālī punici cytini, clypeolis septi,  
 semine, vt Papaueris, plenis. Quid multa? frutex  
 est tristi aspectu, folio lato, longo, pingui, hirsuto, ve-  
 noso, & laciniato: caulibus crassis, è quorum latere  
 flores prodeunt tanquam mālōrum punicorum cy-

V. tini

# PLANTARVM HISTORIAE.

tini, muricatis calycibus, ramos continua serie vestientibus, semine intus Papaueris refertis.

## LOCVS.

Primum genus in Galatia nascitur, Alterum passim circa littora, & inter ruinas & rudera prouenit. Tertium in maritimis & ruderibus.

## TEMPVS.

Semen nullū nisi postquam inaruerit legendum. Floret ferè per integram æstatem, potissimum Iulio mense.

## TEMPERAMENTVM.

Cádidus ex tertio quodammodo ordine refrigerantium est. Reliqua duo genera venosa.

## VIRES. EX DIOSCORIDE.

Exprimitur succus ex tenero semine, foliis, caulibusq;, in quem vsum tunduntur omnia, expressusq; in sole siccatur. Vfus eius ad annum vsque: facillè enim putrescit. Exprimitur priuatim etiam succus ex arido semine, aqua calida perfuso, tuso & expresso. Est verò succus liquore præstantior, & magis dolores finit. Herba autem virens contusa, & trimestri farina mixta in pastillos conformatur & reconditur. Prior verò succi expressio, & quod à semine exprimitur, collyriis dolorem lenientibus commodè miscetur, & contra acres calidasq; fluxiones, dolores aurium, & vuluæ vitia. Cum farina autem aut polenta, contra oculorum, pedum, aliasque inflammationes. Semen eadem potest. Facit ad tussim, destillationē, oculorum fluxionem, vehemētes dolores, muliebria profluvia, aliasq; sanguinis eruptiones, oboli pondere cum Papaueris semine. & aqua mulla potū. Confert podagris, testibus inflatis, mammisq; à partu turgentibus, si tritum cum vino illinitur. Miscetur vtiliter & aliis cataplasmatibus dolorem leuantibus. Folia omnibus medicamentis dolorem sedantibus, per se, & cum polēta mixta vtiliter illinūtur. Recentia ad mitigandos omnes dolores illinūtur. Tria aut  
qua-

quatuor cum vino pota, hepialas febres sanant. Decocta olerum modo, & triblij mensura comesta, mediocrem insaniam gignunt. Idem efficere tradunt, si in collo vlcus habenti quis per clysterem infundat. Radice in aceto decocta, dentes in dolore colluuntur.

## EX GALENO.

Hyoscyamus cuius semen atrum est, insaniam & soporem affert. Huic is cui semen mediocriter flavum est propinquam facultatem obtinet. Fugendi autem utriusque sunt ut inutiles & venenosi. Cæterum cuius semen ac flos candidus est, ad sanationes vel maximè idoneus est.

## EX PLINIO.

Hyoscyamum contra canum morsus valet, inque vulnera cum melle imponitur. Contusum cum foliis ex vino datur peculiariter contra aspidas. Eius succus sanguinem excreantibus medetur. Nidor quoque accensi tussientibus. Vsus seminis & perse, & succo expresso. Exprimitur separatim, & caulibus foliisque utuntur, & radice, temeraria in totum (ut arbitrator) medicina. Quippe etiam foliis constat mentem corrumpi, si plura quàm quatuor bibantur. Etiam antiqui in vino febrem depelli arbitrabantur. Et oleum fit ex semine, quod ipsum auribus infusum terat mentem.

## DE HYACINTHO. CAP.

## CCCXIII.

## NOMINA.

*ῥακινθος* Græcis, Hyacinthus Latinis, officinis incognitus, Germanis *Blauu Mertzenblin*, quod videlicet cum Viola purpurea in Martio & primo vere erumpat, appellatur. [Gallis *Vne Lacinthe, ou uaciet.*]

## GENERA.

Duplices sunt Hyacinthi, albi & cærulei, ut ex *Albi Hyacinthi.* hoc Columellæ carmine colligi potest. Necnō vel ni

V ij ucos



ueos, vel cœruleos hyacinthos. Albos verò non intelligas prorsus candidos, sed eos potius qui si cum cœruleis conferas pallescere videntur, quemadmodum pictura affabrè tibi demonstrat. Germani albū fœminam, sicut cœruleum marem vocant. Sunt qui ad etatem hanc differentiam coloris referre volunt, quorum ego sententiam veriorè esse existimo : cùm enim adolescunt, pallescere incipiunt. Cœruleū autem Hyacinthum nostra terra triplicè producit, vt è pictura manifestè cernere licet: maximū, maiorem, & minorè. Minor floribus differt plurimum à maiore : in illo enim maiores ac patientiores, in hoc autè minores & quasi orbiculati sunt flores. Omnibus autem descriptio, vt ex iis quæ statim subiiciemus planum fiet, pulchrè conuenit, vt hinc congeneres herbas esse conicere cuius liceat,

FORMA.

Folia Bulbo similia habet, caulem dodrantalem, leuem, minimo digito tenuiorè, viridem, comā adiacentem incuruam, plenam florum purpureorū, radicem & ipsam bulbosam. Hæc certè descriptio ita picturis quas damus quadrat, vt nulla prorsus sit eius nota quæ illas non appositissimè exprimat. Folia siquidem Bulbi protinus à radicè prodeunt, caulis dodrantalis, leuis, & minimo digito tenuior, herbaceus, coma procubens incurua, plena florum purpureorū, radix bulbacea. Verùm posset aliquis cauillari, hos quos descripsimus flores nō esse Hyacinthos, quod in iis discurrentibus venis Græcarum literarū figura ai, vt Plinius lib. xxi. cap. xi pròdidit, & Poëtæ fabulatur, haud inscripta legatur. Cui sic respondemus: Hyacinthum, quem Dioscrides & alij historici describunt, diuersum esse ab eo de quo Poëtæ fabulantur. Cuius rei testis est Pausanias, qui refert florè qui natus est extincto Aiace apud Salamina, nō esse inscriptum, funestæq; litera ducta est.

Obiectio.

Ouid. xiii.  
Met. Ipse  
suos geni  
tus foliis  
inscribit,  
Et ai ai.

Theocritus Idyl. xix. Νῦν ὑάκινθε λάλει τὰ σὰ γράμματα καὶ πάλιν αἰ αἰ, λάμβανε τοῖς πετάλοις.

Hya-

Hyacinthum, sed literis Hyacintho similem videri, ex candido rubentem, ac Lilio minorem, quemadmodum Ovidius, itémq; Vergilius describunt. Idé etiam autor Cosmofandalon dici florem apud Hermonionenses, Træcenii confines testatur. Cùm itaq; constet duplicem esse Hyacinthum, alterum rubentem, cum literis illis inscriptis, qui à Poëtis describitur: alterum verò purpureum seu cœruleum (nihil enim refert vtrum dixeris, quòd Dioscorides per purpureum colorem violaceum dilutum, hoc est, clarioré & apertiolem, quem cœruleum vocamus, intellexerit: nam & Plinius lib. xxxvij. cap. ix. Hyacinthi colorem violaceum dilutum vocavit) sine literis, à Dioscoride aliisq; historicis descriptum: nihil enim Dioscorides in suo Hyacintho de literis commemorat: Haud igitur temerè in Vergilio ferrugineos hyacinthos, non cœruleos, sed rubêtes ad similitudinem ferruginis quispiam interpretabitur, potissimum cùm Poëtarum Hyacinthus, non cœruleus, sed rubens sit, quemadmodum alibi Vergilius & Pausanias docuere. Rubet etiã color ferrugineus. Neq; obstat quod Nonius ferrugineos hyacinthos cœruleos interpretatus est: is enim cœruleum tantû Hyacinthum nouerat. Quòd si verò hæc morosis quibusdam non probabuntur, sed prorsus funestas literas inscriptas esse contendant, iis ita responsum volo. Quas in Hyacintho literas appellant Poëtæ, veras non esse, sed potius notas quasdam nigras, id quod hinc palàm fit. Plinius lib. xvij, cap. xij. vbi de leguminibus loquitur, literas lugubres in flore etiã fabæ ex sentètia M. Varronis reperiri tradit, in quo tamen flore non literas vllas, sed nigras tantum notas, vt res ipsa & pictura docent, inspicere licet. Quòd si nec ista satisfecerint, dicemus tum penitus fabulosum esse quòd regum nomnibus inscriptum Poëta, florem hunc canit. Si enim id credendum erit, credendum etiam quòd idé ex puero transfor-

*Hyacinthus poëtarum.*

*Hyacinthus Dioscoridis.*

*Ferrugini Hyacinthi qui apud Vergilium.*

*Verg. Ed. testia: Et suae rubens Hyacinthus.*

*Literæ in Hyacintho quales*

*Virg. Dic quibus in terris inscripti nomina regū nascuntur flores. Eclog. iij.*

# PLANTARVM HISTORIAE.

mato natus sit. Vel, quod verò similius est, de regijs florum appellationibus. Poëta iocum struxisse videtur, cum pastorem inducit sciscitantē, quibus in terris inscripti nomina regū nascūtur flores: sunt enim complures flores quibus à suis inuentoribus regibus nomina sunt indita. Neq; nunc vlla prorsus regū permultorum extaret memoria, nisi in florum nomenclaturis, qui nominibus regum inscripti sunt, asseruaretur.

## LOCVS.

*Ruellius.  
Agrestis  
cepa.*

Nascitur in nemoribus: atque hinc est quod Galli, apud quos, Plinij etiam testimonio, eximiè prouenit, vt in suis commentariis de Natura stirpium vir eruditione clarus Ioannes Ruellius autor est, nemo-  
ralem vel agrestem cepam nominent. Et eius certè magna est copia verno tēpore in nemore haud procul à vico Luschenau iuxta Tubingam sito, vt vel ex natali etiam satis constet flores hos quos pictos exhibemus, esse genuinos Hyacinthos.

## TEMPVS.

*Martius  
flos.*

Vere, mensibus nimirum Februario & Martio, cū viola purpurea, Theophrasto lib. vi. de Stirpium historia, cap. vltimo teste, erumpit: hinc Martium florem Germanis nostris dictum esse suprā monstrauimus. Hoc potissimum tempore prorumpit is quē Hyacinthum minorem nominauimus. Exit etiam, eodem Theophrasto autore, cum Gladiolo, qui vernus etiam flos est. Quo sanè tempore is maximè floret, quem maiorem appellauimus. Proinde cū tempus etiam conueniat, nemo est qui deinceps veros esse Hyacinthos, dubitare meritò possit aut debeat.

## TEMPERAMENTVM.

Hyacinthi radix bulbosa est, ordinis primi in desiccando, secundi verò completi, aut incipientis in refrigerando. Semen autem tertio quadantenus ordine desiccatur, in medio caliditatis & frigiditatis  
consi-

consistens.

# VIRES. EX DIOSCORIDE.

Hyacinthi radix pueris cum vino albo illita impuberes seruire creditur. Siftit aluum. Pota vrinam ducit, & phalangiorum moribus auxiliatur. Semen magis adstringit, & cœliacis prodest. Potum cum vino regium morbum emendat.

## EX GALENO.

Radix pueros diutissimè seruire impuberes in vino illita creditur. Semen regio morbo affectis in vino exhibetur.

## EX PLINIO.

Radix Hyacinthi in vino dulci illita pubertatem coërcet, & non patitur erumpere. Torminibus & arancorum moribus resistit. Vrinam impellit. Contra serpentes & scorpiones, morbumque regium, semen eius cum Abrotono datur.

# DE HYSSOPO. CAP.

## CCCXV.

### NOMINA.

σσωσες Græcè, Hyssopus & Hyssopum Latinè, Officinæ nomen legitimum retinuerunt. Germanicè *Issen*, oder *Isof*, [Gallicè *De Lhyssoppe*] vocatur.

### GENERA.

Duûm generum Dioscoridi Hyssopus est, hortensis & montana. Hortensis quæ in hortis prouenit, ac Hortensis culinarum causa colitur, *garten Issen* Germanis vocatur. Montana quæ in montibus nascitur, & Germanicè *Birg Issen* appellari potest. Montana.

### FORMA.

Herba est pedali altitudine hortensis, fruticosa, folio Satureiæ satiuæ floribus in cœruleo purpurascentibus, thyrsos spicæ modo vestientibus, radice longa & lignosa. Montana priori haud dissimilis

V iij est.

# PLANTARVM HISTORIAE.

*Hortensis* est. Errant qui nostram *Hyssopum hortensem* non  
*& nostra* esse veram putant: habet enim planè folium origa-  
*Hyssopus* ni, nisi quòd angustius est. Nec plures sunt eius a-  
*estuera et* pud Dioscoridem notæ. Nam quæ de umbella qui-  
*genuina.* dam obiciunt, nihil ad *hyssopum* attinent, cum sim-  
 pliciter scribat Dioscorides, *Origanum* non habere  
 umbellam rotæ speciem obtinentem. Id quod verū  
 est.

## LOCVS.

In hortis, vt diximus, *hortensis*, in montibus verò  
 montana nascitur. Cæteris præfertur quæ in Tau-  
 ro monte prouenit.

## TEMPVS.

Aestate floret, quo etiam potissimū tempore car-  
 penda venit.

## TEMPERAMENTVM.

*Hyssopum* calefacit & desiccatur ordine tertio: sed  
 & tenuium est partium.

## VIRES. EX DIOSCORIDE.

Vim habet extenuandi & calefaciendi. Decocta  
 cum ficis, aqua, melle ac ruta, & pota, peripneumo-  
 nicis, asthmaticis, tussi vetustæ, destillationi & or-  
 thopnææ opitulatur. Lumbricos necat. Cum melle  
 lincta idem præstat. Decoctum eius cum oxymelite  
 potum, crassitudinem per aluum ducit. Estur cum  
 ficis viridibus, aluum subducens. Vehementius pur-  
 gat adiecto illi cardamomo, aut iride, aut erysimo.  
 Colorem bonum præbet. Cum fico & nitro illinitur  
 ad lienem, aquam intercutem. Cum vino ad inflā-  
 mationes. Discutit sugillata cum aqua feruenti illi-  
 ta. Angina laborantibus cum decocto ficorum o-  
 ptimum gargarisma. Decocta cum aceto, dentium  
 dolorem collutione mitigat. Inflammationes quæ  
 circa aures sunt suffitu soluit.

## EX PLINIO.

*Hyssopum* in oleo contritum phthiriasi resistit,  
 & prurigini in capite. Stomacho est contrariū. Pur-  
 gat.

gat cum fico sumptum per inferna, cum melle vomitionibus. Putant & serpentium ictibus aduersari, tritum cum melle & sale & cumino.

## DE HYDROPIPERE.

## CAP. CCCXXVI.

## NOMINA.

Υ *Ὑδροπίπερι* Græcis, Hydropiper Latinis, officinis incognitum. Germanis *Vuasserpseffer* / *oder Muckenkraut* [Gallis *Curaige*] nominat.

Hydropiper autè à locis quibus nascitur, & piperis sapore quem præ se fert, quasi dixeris piper aquatile, appellatum est. Muscæ deniq; ab eo vehementer abhorrent: neque enim id quod succo eius aspersum est attingunt, hincque adeo alteram appellationem Germani illi indiderunt.

*Hydropiper quare dictum.*

## FORMA.

Caulem ædit geniculatum, robustum, circa quem alarum concauitates, & folia Menthæ similia, maiora, teneriora, candidioraque, gustu piperis acri non tamen odorato. Semen in ramulis fert secundum folia nascens, continua serie congestum, racemosum, & acre. Radicem exiguam & inutilē. Ex qua descriptione satis constat herbam hanc, cuius imaginem damus, esse Hydropiper: nulla siquidē nota est quæ illi non conueniat. Caulis enim eius geniculatus, foliis, circa quem alæ panduntur, & folia Menthæ cō similia, maiora tantum, hoc est, longiora multo, teneriora & albiora. Quæ singula facile diligens quispiā oculis lustrabit. Si verò linguam consulat, folia meram piperis acrimoniam resipiunt, nullam tamen odoris suauitatem in eis deprehendet. Quod si reliquam faciem excusserit, offendet semen prope folia enatum racematim congestum, & quadam serie coherens, ipsumque acre. Accedunt denique natales, facultates, & alia, ut nullus planè ambigendi locus relictus sit. Damus hinc etiam alterius herbæ quæ in aquis prouenit picturam, quam nonnulli Hydropiperis

# PLANTARVM HISTORIAE

peris speciem esse arbitrantur, quæ ferè Hederæ folia obtinet, & secundum ea semen, Ari semini haud dissimile. Nos à colore seminis appellauimus Hydropiper rubeū, germanicè *rot Vuasserpfeffer*. Huius herbe & racemosus fructus, & folia acrimonia sunt prædita.

## LOCVS.

Gignitur prope stātes aquas, aut quæ leniter fluūt. Copiosè prouenit ad flumē Pegnicū haud procul à Norimbergo.

## TEMPVS.

Floret Augusto mense floribus albis spicatum co-hærentibus, ac subinde semen minutum profert.

## TEMPERAMENTVM.

Calidum est, non tamè vsque adeò vt piper, & sic-cum: id quod gustus abundè docet.

## VIRE S. EX DIOSCORIDE.

Folia cum semine illita, cœdemata, veteresq; duri-tias discutiunt. Sugillata delent. Siccata & tusa pro pipere sali & opsoniis miscentur. Radix parua, nul-lius in medicina vsus.

## EX GALENO.

Hydropiper à locis in quibus nascitur, & à simili-tudine quæ illi cum Piperi in gustu est, nomen for-titum est. Cæterum calidum est, sed minus quàm pi-per. Atq; herba ipsa etiamnum viridis cum semine cataplasmat in modum imposita sugillata, & indu-ratos tumores digerit.

## EX AETIO.

Hydropiper herba est in aquosis nascēs, ramuscu-lis ac foliis Menthe similis, maior tātum, gustu acer-rima vt piper, per exigua semina singulis foliis ferēs. Calida quidem est, non tamen accedens piperi, quæ recens illita sugillata ac durities sanat. Hæc nonnul-li condimentis piperis loco addunt.

## APPENDIX.

Cū interea tēporis dū sub prælo sunt nostri cōmē-tarij, quomodo veteribus sit appellata herba quam Hydropiper rubeum vocauimus, diligētius cogito,  
tertiam

tertiã Dracōtij apud Pliniũ lib. xxiiij. cap. xvj. speciẽ esse cõperio: hanc enim ita pingit: Tertia demonstratio fuit folio maiore q̃ Cornus, radice harundinea, totidẽ vt affirmabãt geniculata nodis, quot haberet annos: totidẽq; esse folia. Hi ea ex vino vel aqua cõtra serpẽtes dabãt. Quæ quidẽ notæ huic etiã herbæ cõpetere vidẽtur. Est enim folio maiore quã Cornus, radice harũdinea, nodisq; geniculata. An verò tot nodis sit geniculata, quot habet annos, totidẽq; foliis, nõdũ obseruare potuimus. Quinetiã vniuersa tũ foliorũ tũ fructus forma, acrisq; sapor, Ariac Dracōtij genus esse euidenter ostẽdũt. Facultas denique cõtra serpentes, quã Dioscorides suis etiã tribuit Dracōtiis, abũdẽ quod cõtẽdimus docet. Nõ est autẽ, vt quidã existimãt, Plinij Aris, quòd eius radix oliuæ grãdis magnitudinẽ atq; formam non referat. Hanc nostrã de hac stirpe sentẽtiam hoc loco referre placuit, ne quis nos illam Hydropiperis esse genus pertinaciter asserere ac tueri velle existimet.

DE PHLOMO. CAP. CCCXXVII.

NOMINA.

λόμος Græcè, Verbascũ Latinè, officinis Tap- Tapfus  
 φ psus barbatus dicitur. Sũt qui Cãdelã regis, barbatus.  
 Cãdelariã, Lanariãq; nominent. Germanicẽ Candela  
 Vuulkraut / Kertzenkraut / Vnholdenkertz / Himelbrant / regis.  
 Brennkraut [Gallicè du Boillon blanc ou noir] vocat. Phlo- Phlomos  
 mon autem haud dubiẽ dixerũt Græci, quòd ea pro cũr dicta.  
 ellychniis vtãtur. Cãdelariã quoq; recẽtiores nomi- Candelar  
 narũt, quòd caulibus eius adipe, seuo, vel aliquo pin- ria.  
 gui illitis, nonnulli pro lucernis vtantur.

GENERA.

Verbascũ omnium veterũ testimonio duo habet summa genera. Cãdidũ enim alterũ foliis, nigrũ alterũ est. Cãdidum rursus in marem & sceminã digeritur. Præter tria hæc, & syluestre habetur, Vuuld Vuulkraut Germaui appellant. Sunt etiã Verbascula duo, quæ à nostris herbariis herbẽ paralyfis, & vulgò arthetice,



# PLANTARVM HISTORIAE.

artheticae, cum arthriticae dicendum esset, vocantur. Germanicè *Schluffelblumen*. Horum vnum est odoratum, alterum doloris expers. Prius Germanicè simpliciter *Schluffelblumē / oder gelb Schluffelblumē / Himelschluffel / oder S. Peters schluffel* / alterum *Vuild Schluffelblumē / oder Vueisz Himelschluffel* appellāt. Est & tertiū *Verbasculum*, quod *Lychnitim*, alij autem *Thryalida* appellant, Germani *Marientrosen* vocant. Hæc sunt genera *Verbasci* quemadmodum à *Dioscoride* & *Galeno* commemorantur, quorum sanè omnium picturas damus, excepto vltimo, quod hoc tempore nōdum floruerat. Quanquam distingui genera hæc, vt *Plinius* libro xxv. cap. x. ait, penè superuacuū sit, quum sint eiusdem effectus omnia.

## FORMA.

*Verbasculum candidum* fœmina, *Brassicæ* similia folia habet, multò tamen hirsutiora, latiora & candida. Caulis eius cubitalis & amplior, cādidus, subhirsutus. Flores albi aut subpallidi. Semen nigrum. Radix longa, acerba, crassitudine digiti. Candidū mas à foliorum candore *Leucophyllon* Græcis dictum, oblongioribus & angustioribus foliis, & tenui caule. Nigrum in cunctis candido simile, nisi latioribus nigrioribusque cōstaret foliis. Syluestre virgas fert altas & arborescentes, folia *Saluiæ* similia. Habet verò circa virgas ramulos *Marrubij* modo. Florem luteum, auri fulgore. *Verbascula* duo hirsuta, terræ inherētia, humiliāue: foliis rotundis, & multò minoribus, rugosis, è quibus mediis stylus exilit tenuis, palmi altitudine, incanus, in cuius vertice terni, quaterni, & plures etiam dependent flores lutei, summis labris dēticulati, in altero odorati, in altero inodori, calyculo ī albū pallefcēte. *Lychnitis* siue *Thryallis* foliis ternis, aut quaternis, aut etiam plusculis, crassis, pinguibus, hirsutisque, ad lucernarum luminā vtilibus, floribus purpureis,

## LOCVS.

## LOCVS.

Cádidum & nigrum in campestribus, & in syluis etiam proueniunt. Syluestre in campestribus, potissimú siccis & lapidosis, nascitur. Verbascula duo passim in pratis & hortis producuntur. Lychnitis similiter aliis in campestribus nasci solet.

## TEMPVS.

Verbascula duo primo statim vere emicant, certique huius appetentis nunciij. Hoc sanè tempore carpenda veniunt, quòd confestim fugacia euanescant: vita enim illis cum plurimum menstrua, nec temerè ad summum sesquimenssem excedunt. Reliqua genera autumnò, dum florent & semen proferunt, colligenda.

## TEMPERAMENTVM.

Omnium folia desiccandi & detergendi vim possident.

## VIRE. EX DIOSCORIDE.

Radix priorum duorum adstringit: vnde tali ludicri magnitudine in alui profluuiò vtiliter cum vino in potu datur. Decoctum eiusdem ruptis, còuulsis, contusis, & antiquæ tussi auxiliatur. Dentium dolorem collutione mitigat. Verbasculum cui flos aurei coloris, capillos tingit, & quocúmque reponatur blattas in se contrahit. Folia in aqua decocta aduersus œdemata, & oculorum inflammationes illinuntur. Syderata vlcera cum melle aut vino, cum aceto autè vulnera sanat. Còtra scorpionum ictus auxilio sunt. Syluestris folia ambustis illinuntur. Ferunt fœminæ folia caricis interposita, in corruptas atque à putrefactione immunes seruare.

## EX GALENO.

Priorum duorum radix gustu acerba est, & fluxionis affectibus prodest. Sed & ad dētium dolorem eā nonnulli colluunt. Folia tamen digerēdi vim habēt. Sic etiā aliorū folia, potissimú autè eius quæ aureos flores obtinet. Capillos quoque flauescere faciunt.

## EX PLINIO.

# PLANTARVM HISTORIAE.

## EX PLINIO.

Contra scorpiones bibitur radix cum Ruta ex aqua magna amaritudine, sed effectu pari. Verbasculū priuatim tonsillis in aqua potum medetur. Tribus obolis bibitur. Verbasculum cuius flos aureus est, contra omnia pectoris vitia, tussē, & purulenta excreantibus. Tanta huic vis est, vt iumentis etiam non tussientibus modò, sed ilia trahētibz auxilietur potus. Lateris & pectoris dolores Verbasculum cum Ruta ex aqua sedat. Panos sanat cum sua radice tusum, vino aspersum, & ita cinere calfactum, vt imponatur calidum. Semen ex vino decoctum & contritum luxatis medetur, dolorem & tumorem tollens. Radicis medulla collyrij tenuitate in fistulā additur. Cōtussis, euersis, & si febris sit potat in aqua Verbasculū, cuius flos auro similis est. Folia ex aceto imponuntur in struma. Semine ac foliis decoctis in vino ac tritis, omnia corpori infixā extrahuntur.

## APPENDIX.

Recentiores duobus Verbasculis hos effectus assignant. Trita imponuntur efficaciter articulorum doloribus. Radicis decocto vesicæ renūque obstructions soluantur. Ius herbæ propinatur & illinitur aduersus rupta, luxata & liuentia. Quod verò hæc eadem possint, temperamentum eorundem palam docet: parum enim adstringunt: si gustaueris, amara, & modicè acria sunt: vt hoc nomine desiccandi & detergendi facultatem, quam illis Galeus ascribit, habere nemo dubitare debeat. Nostri etiam temporis herbarij calida & sicca esse statuunt. Et mulieres formæ studentes, succo è floribus illorum expresso faciem illinunt, quòd maculas rugasque, & alia eiusdem vitia mirificè detergeant. Vt hinc euidentissimum sit herbas, quas *Schlusseiblumen* vocant Germani, esse Verbascula.

## DE FRAGA.

## DE FRAGARIA. CAP.

CCCXXVIII.

NOMINA.

RAECIS vt herba quæ fraga gerit nomi

G nata sit, certò cōstituere nobis nondū licet.

Sunt tamen qui *βάρων ἰδαίων*, hoc est, Rubū Idæū esse putēt, cū potissimū qui sine spinis inuenitur. Quorū certè sententiā ob multas variasq; causas, vt in sequentibus dicemus, minimè repudiandā existimamus. Apuleius Græcis *κόμαρον* appellari scribit: quod si verum est, alia sit à Comaro quam Dioscorides, Galenus & alij quidam depingunt, necesse est: hæc enim arbor est, illa autem herba. Ego tamen vidi codicem manuscriptum, in quo hæc verba: Comaron Græci, Romani Fragum nuncupant: nō habebantur. Quicquid verò sit, ex numero Mororum esse constat eius fructum optimi odoris: hinc à frago verbo, quod odorē reddo significat, herba ipsa Latinis Fragaria, & fructus fragū dici cœperūt. Germani *Erdbeer* [Galli *Fraïses*, ou herbe portant *Fraïses*] vocāt. Græci autem si Comaron appellarūt, ob fructū arboris eiusdem nominis qui fragis iis terrestribus similis est, haud dubiè sic dixerunt.

*Rubus 1-  
dæus uide-  
tur esse  
Fragaria*

*Fragaria  
unde dicta*

GENERA.

Duo Fragariæ sunt genera. Vna flores fructusq; paulò maiores, altera minores obtinet. Nos vna pictura vtranque expressimus.

FORMA.

Humi sine caule spargitur, multis à radice lanuginosis pediculis, quorum alij flore candido coronantur, alij trigemino comantur, folio per ambitum serrato atque venoso, alij fructum gerunt exiguis quidem Moris haud abfimilem, cæterum sui generis solidum, callosum, tenerū, quum maturuit rubentem, tum gustu, tum etiam odore suauissimum. Radice foris atra aut rubescēte, intus candida, multo fibrata capillitio.

LOCVS.

# PLANTARVM HISTORIAE.

## LOCVS.

In syluis, dumetis, & in opacis montibus, ac secus vias sponte nascitur. Vnde etiam colligi potest esse Rubum Idæum, quando & is in lucis proueniat. In hortis etiam nonnunquam vt grandiore fructum ministret, colitur Fragaria.

## TEMPVS.

Floret vere, & tota æstate, inque maximam autūni partem. Fructus tamen eius fugax, rarò nisi æstatis initio inueniri potest.

## TEMPERAMENTVM.

De temperamento Fragariæ recentiores diuersa tradunt. Serapio calidam & siccam in secundo ordine tradit. Alij frigidam & humidam in primo: nonnulli, qui tamen prorsus meo iudicio hallucinari videntur, in tertio ordine scribunt. Nos folia ipsa gustu modicè esse amara, & adstringere deprehēdimus vt siccam esse hac ratione, & minimè humidā oporteat. Quapropter in tanta sententiarum de eius temperamento diuersitate animaduertendum, idem de Fragaria, quod de rubro sentiendum esse, nèpe quòd folia, flores, fructus & radix adstringāt. Differre tamen inter se, quòd folia potissimum recens nata plurimum in se habeant aqueæ substantiæ, parum verò adstringant: adeò vt verissimile sit de iis locutos esse, qui frigidam & humidam in primo ordine Fragariā statuerunt. Est enim eorum temperies ex terrena frigida essentia, & aquea tepida. Fructus immaturus frigida terrea substantia præditus est, vt frigidus & siccus hoc nomine dici mereatur. Maturus autē non parum succi téperati calidi qui dulcis est, modicamque adstrictionem habet, ita vt calidus & siccus dicendus veniat. De fructu itaque intelligendi erunt, qui Fragariam calidam & siccam esse affirmāt. Quare vbi de temperamento Fragariæ agitur, non simpliciter, sed cum prædicta distinctione respōdendū est. Vnde cum idem ferè cum Rubo temperamentū habeat.

*Folia Fragaria.*

*Fructus eiusdē.*

habeat Fragaria, iterum hanc ab Idæo Rubo nihil differre verisimile est.

## VIRE S.

Quum recentiores in cōmemorandis Fragariæ facultatibus partim eas quas Dioscorides Rubo Idæo, partim etiam quas Comaro tribuit Apuleius, vires Fragariæ ascripserint, operæpretium me facturum arbitror, si vtriusq; de iis verba præmiserō, vt nimirū quisq; hac ratione, quapropter iuniores iis facultatibus Fragariā ornauerint, certius intelligere queat.

## EX DIOSCORIDE.

Idæus Rubus eadē potest quæ Rubus. Amplius eius flos cū melle tritus & illitus, oculorū inflāmationibus auxiliatur. Sacros ignes extinguit. Stomachicis cum aqua potui datur.

## EX APVLEIO.

Ad lienis dolorem herbæ Fragi succum ex mellis vncia potui datum mirificè proficere certum est. Ad suspiriosos eiusdem succus cum pipere albo & melle mixtus, potui datus, mirificum est remedium. Has facultates etiam antiquus manuscriptus herbarius Fragariæ adscribit, nomine tamen Apulei in Dioscoridis nomen immutato. Addit tamen huius fructum comestum stomacho conferre, & ex succo eius os cōtra fœtorem collui, id quod Serapiō quoque tradit.

## EX RECENTIORIBVS.

Herba Fragaria in cibo sumpta medetur lienosis, item succus ex melle potus. Idem cum pipere candido datur suspiriosis. Fraga sitim sedant, stomacho profunt, sed præsertim bilioso. Succus Fragis exprimitur, vetustate vires accipiens, præsentaneo remedio ad faciei vlcera, oculorum suffusiones, neque nō epiphoras. Radicis decoctū iecinoris feruores mulcet matutino & meridie potum. Vtuntur hodie frequenter Fragaria ad glutinanda vulnera, aluum sistendam, menstruā cohibenda, gingiuas confirmandas, oris vlcera, eiusdemque fœtorem tollendum,

# PLANTARVM HISTORIAE.

quæ singula Rubus etiam Idæus potest, vt inde rursus conicere liceat Fragariā ab eodē nihil differre.

## DE PHV GERMANICO.

### CAP. CCCXXIX.

#### NOMINA.

Nardus  
sylvestris  
Valeriana.  
na.

οὔ, ἢ ἀγρία βάρος Græcis, Phu & Nardus sylvestris Latinis, Valeriana officinis & herbariis nostri temporis, Germanis Baldrian/Denmenmarck/oder Katzenkraut/oder Augenuurtzel [Gallis Valeriane] appellatur, quod scilicet catti odore radicis eius, quo eorum oculi roborantur, impensē delectentur.

#### GENERA.

Duo sunt præcipua Phu genera. Magnum quod alio nomine Theriacaria vocatur. Hoc descriptioni per omnia respondet, Germanicè *groß Baldrian* & *Triacks* appellatur. Vulgus herbariorum Valerianā maiorem nominat. Alterum vulgare, quod alio nomine Valeriana etiam vulgaris nuncupatur. Germanis *geimein Baldrian* & *Katzenuurtzel* dicitur. Hoc etiam genus à pictura Dioscoridis, vt paulò post fusiùs docebimus, non abhorret.

#### FORMA.

Folia Elaphobosco, siue Olusatro similia habet. Caulem cubitalem, aut proceriorem, leuem, tenerū, purpurascensem, in medio concavum, geniculis intersectum. Flores ad Narcissi flores accedentes, minores & teneriores, in subalbido purpurascētes. Radices in superiore parte minimi digiti crassitudine. Adnascentes etiam radículas obliquas veluti iuncus odoratus, aut veratrum nigrum, inuicem implicatas, subflauas, bene odoratas, nardum in gustu referētes, cū quadā virofa grauitate. Ex qua certè descriptione sole clarius fit, herbā quā vulgarē hodie Valerianam nomināt, esse Dioscoridis Phu, quod omnia ferè sic illi respōdeant, vt prorsus nulla reclamare nota videatur.

Valeriana vulgaris.  
r15.

videatur. Folia nanq; huius cùm primùm erumpūt, Elaphobosci præ se ferunt imaginem: postea verò dum adolescit in Olusatri modū laciniantur. Caulis quoq; eius cubitalis, & maior (pō enim rarò ad triū cubitorum longitudinem caulis à nobis visus est) lē-  
tis, potissimum in infima eius parte, denique tener, purpurascens, in medio concavus, geniculatus. Flores eiusdem qui summis caulibus emergunt, Narcissi certam exprimunt effigiem, quanuis minores sint, atque adeò teneriores. Vt hoc nomine cum Ruellio in Græcis codicibus Dioscoridis *ἡσσονα* pro *μυρίονα* legendum esse putem. Nisi quis existimet Phu Pōti, *Phu Pōti* quod Dioscorides potissimum describit, fauētis cœ-  
li beneficio maiusculos habere flosculos. Prædicti etiam flores aceruatim coeūntes in purpuram candi-  
cant. Radices quoq; in superiore parte minimi digi-  
ti crassitudinē obtinēt, multasq; radículas obliquas, Schæni, aut nigri Veratri modo sibiipfis implicitas. subflauas, odoratas, Nardum, cum virosa tamen gra-  
uitate, imitantes. Quum itaque hæc omnes notæ, Va-  
lerianæ nostræ respondeant, multorumq; consen-  
sus nobis subscribat, & facultates eius quas illi recen-  
tiores tribuunt, planè cum iis quæ Dioscorides Phu  
adscribit cōueniant, quid impediāt cur nō certò af-  
firmemus Valerianam hanc vulgarem esse Phu Dio-  
scoridis non video, præsertim cùm manuscriptus etiam  
herbarius Phu esse Valerianam apertè doceat,  
ita vt mirari satis non queam cur aliquot docti viri  
in Germania nostra diuersum astruere voluerint.

## L O C V S.

Nascitur in humectis locis, & prope aquas, hæc q;  
ad mirandā altitudinē surgit. Prouenit etiā in lucis  
& cædus syluis, sed hæc in tātā proceritatem non  
emergit.

## T E M P V S.

Floret integra æstate.

## T E M P E R A M E N T V M.

Calidam & siccam esse in secūdo ordine tradunt.

X ij

V I R E S.



# PLANTARVM HISTORIAE.

## VIREs. EX DIOSCORIDE.

Phu calefacit. Sicca pota vrinam mouet. Potest idem & decoctum eius. Ad lateris dolorem prodest. Menses ducit, & antidotis miscetur.

## EX GALENO.

Odorata quodammodo est huius herbæ radix, Nar-  
do viribus similis, sed tamen ad plurima infirmior.  
Vrinam plus mouet quàm Indica aut Syriaca Nar-  
dus, similiter autem vt Celtica.

## EX PLINIO.

Radix Phu datur potui trita, vel decocta ad stran-  
gulationes, vel pectoris dolores, vel laterum. Menses  
quoque cit. Bibitur cum uino.

## APPENDIX.

Magni Phu radice hodie multi, magno cum erro-  
re, pro calamo aromatico vtuntur, quod hoc in loco  
monere placuit.

## DE PHACO. CAP. CCCXXX. . NOMINA.

*Lens.*      αἰός, ἢ φακὴ Græcis, Lens & Lenticula La-  
- φ      tinis dicitur. Officinis & herbariis latinum  
nomen retinuit. Germani *Linsen* [Galli *Len-  
tisque*] appellant.

## FORMA.

Lens racemosum legumen est, foliis Viciæ, sed mi-  
noribus, floribus exiguis in candido purpurascenti-  
bus, siliquis paruis, molliter in latitudinem fufis, in  
quibus tria aut quatuor grana, inter legumina mini-  
ma, sunt.

## LOCVS.

Prouenit passim in agris satum.

## TEMPVS.

Iulio mense floret, & deinceps in siliquis grana  
profert.

## TEMPERAMENTVM.

Lentes medium tenent caliditatis & frigiditatis,  
desiccant tamen in secundo ordine.

## VIREs.

## VIRE S. EX DIOSCORIDE.

Lens crebrò comesta, oculorū aciē hebetat. Aegrè cōcoquitur. Stomacho nocet, eumq; & intestina inflat. Aluum cum cortice suo comesta sistit. Præstat quæ facilimè concoquitur, & nihil atrī in maceratione reddens. Vim habet adstrictoriā: quapropter aluū sistit, si detractō antea cortice accuratè coquatur, primaque aqua inter coquendū effundatur. Primum enim eius decoctū aluū soluit. Somnia tumultuosa & grauia facit. Neruis, pulmoni & capiti inutilis. Melius suo fungetur officio cōtra alui fluxiones, admixto illi cum aceto intybo, aut portulaca, aut beta nigra, aut myrto, aut cortice punici mālī, aut rosīs siccis, aut mēspilis, aut sorbis, aut pyris Thebanis aut cotoneis mālīs, aut cichorio, aut plantagine, aut gallis integris, quæ post decoctionem abiiciuntur, aut rhoīs quæ opsoniis inspargitur. Acetū autem cū eo diligenter percoqui debet, aliās aluū conturbat. Cōtra subuersionem stomachi triginta grana lentis suis corticibus denudata, deuorata profunt. Decocta cū polenta, & illita, podagram lenit. Sinus cum melle glutinat. Crustas rumpit, & vlcera purgat. Decocta in aceto duritias & strumas discutit. Cum meliloto, aut cotoneo mālō, medetur inflammationibus oculorum & sedis, addito rosaceo. In maioribus sedis inflammationibus & sinu amplo cū malicōrio aut siccis rosīs, adiecto melle decocta. Cōtra nomas gāgrenicas similiter vtūtur, aut adiuncta maris aqua. Aduersus autem pustulas, herpetas, erysipelata, pernio nesque, vt antea dictum est. Contra māmas grumosum lac continentes, & lactis copia turgētes, in aqua maris cocta & illita auxiliatur.

## EX GALENO.

Lentes non valenter adstringunt. Ipsum itaq; earum corpus desiccāt, & sistit ventrem: cæterū decoctum irritat. Proinde etiam prior aqua abiicitur, vbi retētionis causa adhibentur. Cortex eius vehemēter

X iij adstringit,

# PLANTARVM HISTORIAE.

adstringit, carnea substantia tenuiter, quæ & crassi succi & terrestris est. Succus porro Lētis adstringēti est contrarius. Quocirca si elixæ in aqua iusculū sale garo oleoque conditum bibatur, aluum deiiciet. At quod ex his decocta Lente ferculum apparatus, contrariam succo vim obtinet. Nam quæ ventri obueniunt fluxiones desiccant, os ventriculi, intestina, & totum denique ventrem corroborans. Quamobrem cœliacis & dysentericis accommodatus est cibus. Lens verò decorticata, ut illam adstringendi vehementiā, cumq; hac alia videlicet omnia quæ consequuntur, amittit, ita alibilior quàm integra illa efficitur, crassum prauumq; succū gignens, tardè cōmeans: alui tamen fluores haud desiccant, uti ea quæ cortice nō est spoliata. Jurē igitur qui modum in hoc edulio non seruant, elephantiasin quam vocant, & cancrum incurrunt. Siquidem crassa ficea q; cibaria facilē in melancholicos humores vertuntur. Quare iis duntaxat quibus viriosa est habitudo ob aquā in carne diffusam, Lēs cibo vtiliter præbetur, ceu aridis & squalētibz admodū dānosē. Eandē ob causam visum integrū & inculpatū hebetat, immoderatē exiccās. Ei verò qui contrario modo se habet, humidiori videlicet, opitulatur. Menstruis purgationibus inepta est: crassum enim & tardifluum sanguinem facit. At muliebri appellato profluvio conuenientissima.

## EX PINIO.

Lens optima quæ facilimē coquitur, ea q; quæ maximē aquam absorbet. Aciem quidem oculorū obtundit, & stomachū inflat: sed aluum sistit in cibo, magisq; discocta cœlesti aqua. Eadē soluit, minus decocta. Crustulas vlcerū rumpit, ea q; quæ intra os sunt, purgat & adstringit. Collectiones omnes imposita sedat, maximeq; exulceratas & rimosas. Oculorum autem epiphoras cum melilotō aut coroneo. Cōtra suppurantia cum polenta imponitur. Decoctæ succus ad oris exulcerationes & genitalium adhibetur.

Ad se-

Ad sedem, cū rosaceo aut cotoneo. In iis quæ acrius remedium exigūt cum putamine punici, melle modico adiecto. Ad id demum ne celeriter inarescat, adiiciunt & Betæ folia. Imponitur & strumis panisque, vel maturis, vel maturefcentibus, ex aceto discocta. Rimis ex aqua mulsa, & gāgrænis cū punici tegmine. Itē podagris, cū polenta, & vuluis, & renibus & pernionibus, vlceribus difficilē cicatricem trahentibus. Propter dissolutionem stomachi triginta grana Lentis deuorantur. In choleris quoque & dysenteria, efficacior est in tribus aquis cocta, in quo vsu melius semper eam torrere aut tundere, vt quam tenuissima detur, vel per se, vel cum cotoneo mōlo, aut pyris, aut myrto, aut intubo erratico, aut beta nigra, aut plantagine. Pulmoni est inutilis, & capitis dolori, neruosisq; omnibus, & felli, nec somno facilis. Ad pustulas utilis, igniq; sacro, & mammis, in aqua marina decocta: in aceto autem, duritias & strumas discutit. Stomachi quidem causa, polentæ modo potionibus inspergitur. Quæ sunt ambusta, aqua semicocta curat, postea trita, & per cribrum effuso furfure, mox procedente curatione addito melle. Ex posca coquitur ad guttura.

## EX SIMEONE SETHI.

Crassi succi est, & austeram vim atque qualitatem possidet, Si quis ergo in aqua coquat, & eam aquæ, oleo & sapæ cum sale misceat, potionem faciet quæ ventrem subducit. Bis autem cocta, ventriculum & ad ipsum defluxus sistit. Inducit autem stomacho robur, & intestinis, & vniuerso ventri. Quapropter utilis est cibus cœliacis & dysentericis. Si verò cortice ablato sumatur, vehementiam adstringendi abicit, magis verò nutrit, cū tardi sit transitus, & crassi succi, non tamen adeo siccit, vt antea dixi. Qui verò hoc edulio crebrò vtuntur, elephantiam cōtrahūt, & caneros, & duritias, & neruorum dolores, & melancholicos affectus. Aptus enim est crassus & siccus

sanguis, vt fiat succus melancholicus. Quibus igitur habitus quispiam malus aquosus in carne est, iis solis vtile est edulium, quemadmodum siccis & squallidis maximè noxium. Similiter visum salubriter se habentem nimium exiccando hebetat, contra verò affectum iuuat. Neque etiam ad menstruas purgationes vtilis est, eò quòd crassum & difficulter fluentem sanguinem efficiat. Ad hæc veneris appetentiã semen exiccando, extinguit: ideo castè viuere volentibus ad hoc maximè confert. Grauiam etiam somnia facit, eò quòd ex ea melancholici succi in totum distribuuntur corpus. Cum Mentha decocta, plurimū inflationis deponit. Nōnulli & Betam huius rei gratia eo quo decoquitur tempore iniiciunt. Lens verò probè decocta & trita, si vulneribus ex iaculo aut telo facta imponatur, sanguinis fluxum vehementer compescit. Paruæ verò Lentis decoctum sumptum, difficilem partū soluit. Auribus ex quibus pus emanat instillatum, succurrit.

DE PHILYRA. CAP.

CCCXXXI.

NOMINA.

*Ἰλῦρα* Græcis, Tilia Latinis & officinis, Germanis *Linden* [Gallis *Tilet*] appellatur. Alia ab hac est arbor quæ Dioscoridi *φιλλῦρία* vocatur. Quod non animaduertentes viri etiam nonnulli doctissimi, vtrasque arbores magno errore confundunt, quòd forma admodum discrepent, vt ex iis quæ paulò pòst dicemus, & è Dioscoride & Theophrasto libro iij. de plantarum historia, cap. x. inuicem collatis, abundè constabit. Differunt itaque inter se Philyra & Phillyrea, neque vna vtraque voce arbor significatur, sed diuersæ.

GENERA.

Tiliæ. Theophrasto loco iam citato autore, duobus habetur genera, mas scilicet & fœmina. Distatq; inter se tū materiæ, tum totius corporis forma & quòd altera

altera fructifera, altera sterilis. Materies mari dura, flaua, nodosior, spinosiorq; : fœminæ candidior : & cortex mari crassior, detractúsque inflexibilis propter duritiam est : fœminæ candidior flexibiliorq;, ex quo cunas faciunt : ité fœminæ odoratio. Et mas sterilis, nulloq; flore est : fœmina, cuius tibi picturā damus, & florem & fructum gignit.

## FORMA.

Folio est hederaceo, molliore, & in angulum acutiorē rotundiorē & proluxiore, & in orbem lentē crispo atque serrato : flore tantisperdū calyculo cōtinetur herbaceo, vbi emerfit flauo : fructus magnitudine fabæ, similis acinis hederæ, in quo semē prætenue quantum atriplicis, omnibus animantibus ingratum, cū foliorum pabulo maximè ducantur, eorumq; mira dulcedine capiantur. Nunc cum iis cōfer ea quæ Dioscorides de Phillyrea tradit, & senties esse diuersissima. Nam quis vnquam dixit Tiliā habere folia oleæ, & fructum ferre subdulcem ad similitudinem Lentisci, nigrum, vuarum more congestum? Philyræ enim seu Tiliæ folia sunt hederacea atque serrata, adeoque ab oleæ foliis dissidentia: fructum denique fert non modò non subdulcem, sed qui à nullo mandipoteest.

## LOCVS.

Montes & valles diligit Tilia, sed plus montibus gaudet aquosis.

## TEMPVS.

Floret Iunio mense.

## TEMPERAMENTVM.

Calidam esse Tiliam, vel ex eo liquet quòd frigidis cerebri malis, epilepsiæ, & id genus aliis mirificè conferat. Amaritudo etiam cum glutinositate quadam in ea reliquis qualitatibus præualere videtur, si hanc degustes. Quare abstergendi planè facultatem cum modica adstrictoria, perinde atque vlmus, cuius facultates illi Plinius, vt ex iis quæ paulò post subii-

# PLANTARVM HISTORIAE.

subiiciemus planum fiet, tribuit, habere euidentissimum est.

## VIREs. EX GALENO.

Vlmi foliis aliquando recens vulnus glutinauimus, confidentes adstringentem pariter & extergentem illis inesse facultatem. Cortex amplius etiam subamarus est & adstrictiorius, itaque cum aceto lepram sanat. Porro viridis etiamnum & recens si vulneribus deligaturæ vice circumligetur, ea glutinare potest. Radices eandem vim obtinent: proinde & decocto earum quidam perfundunt fracturas quibus callo inducto opus est.

## EX PLINIO.

Cortex interior Tiliæ lepras sedat, & folia ex aceto illita. Multi corticem commanducatum vulneribus vtilissimum esse putant. Folia trita, aqua aspersa, pedum tumori. Humor quoque è medulla castræ arboris effluens, capillum reddit capiti illitus, defluentesque continet. Humor denique cuti nitorem inducit, faciemque gratiorem præstat. Folia ad infanzium vlcera in ore commanducata profunt. decocta & pota, vrinam ciunt & menses.

## APPENDIX.

Quum Plinius ferè omnes facultates Vlmi etiam Tiliæ adscribat, vt ex eiusdem verbis patet, ideo è Galeno quæ ille de Vlmo tradit produximus. Si verò quispiam vires quæ à recentioribus Tiliæ tribuntur, probè expendet, nihil ab iis quæ ex Plinij & Galeni sententia retulimus differre comperiet. Nam maculas facie abstergere scribunt Tiliam, si illa eius succo lauetur. Mederi etiam morbo comitiali bibitum eius liquorem stillatitium, oculis claritatem inducere, calculum sanare, tumores discutere iidem docet. Quid multa? omnes facultates Vlmi obtinet Tilia, ideoque vulneribus etiam recentibus succurrit, & alia quæ à Dioscoride & Galeno in Vlmi historia commemorantur, potest.

## DE CHELIDONIO MAIORE.

## CAP. CCCXXXII.

## NOMINA.

ἡλιδώνιον μέγα Græcis, Chelidonium maius  
 X Latinis, Officinis Chelidonia, Germanis  
 Schelkraut/ScheluurtZ/groß Schuualbenkraut,  
 [Gallis Chelidoine, ou esclere] dicitur. Chelidonio au- Chelido-  
nis unde  
dictum.  
 tem, vel si manis Hirundinarix, auis hirundo quæ  
 Græcis χελιδών vocatur, nomen indidit, vel, vt au-  
 tor est Plinius, quod hæc primùm inuenit, & ea oculis  
 pullorum in nido restituit visum, vt quidam tradūt,  
 etiam erutis, vel quod floret aduentu hirundinum,  
 discessuque commarcescit: id quod de minore verè  
 dicitur.

## FORMA.

Caulem emittit cubitalem & maiorem, gracilem,  
 adnata foliis plena habentem. Folia Ranunculo si-  
 milia, teneriora tamen, & colore subcæsia, iuxtaque  
 singula folia floré Leucoïo similem. Succus illi cro-  
 ceus, acris, mordax, cum aliqua amaritudine & odo-  
 ris grauitate. Radix supernè singularis, infernè au-  
 tem plures. Fructus cornuti Papaueris instar tenuis,  
 lōgus veluti galeæ conus, in quo exigua semina sunt,  
 Papaueris semine maiora. Huius descriptionis no-  
 tæ omnes Chelidonio nostro respondent. Siquidem  
 fruticosa est herba, cubitali altitudine, cauliculis la-  
 nuginosi, teneris, folio Ranūculi, magis anguloso,  
 tenuiori, aduersa parte cæsius, auersa incano, flore lu-  
 teo, Leucoïo consimili, semine Papaueris, quod in  
 corniculis seu siliquis longis exilibus clauditur. Vul-  
 nerata succum croceum emittit, gustum vellicantē.  
 Radix in superiore parte vna, in inferiore parte mul-  
 tis luteis fibris capillata.

## LOCVS.

Nascitur in opacis & parietinis.

## TEMPVS.

Chelidonium hirundinum aduentu floré excitat,  
 atque



# PLANTARVM HISTORIAE.

atque adeo toto deinceps vere & æstate floret, quibus etiam temporibus carpitur.

## TEMPERAMENTVM

Herba hæc terrij ordinis absoluti est in calefaciendo & desiccando.

## VIRE. EX DIOSCORIDE.

Succus Chelidonij mixtus melli, & in æneo vase in carbonibus decoctus, contra oculorum caliginem prodest. Exprimitur autem succus ex foliis, radicibus & floribus incipiente æstate, siccaturq; in umbra & in pastillos conformatur, Radix cum Aniso & vino albo pota, regio morbo medetur. Sanat herpetas cum vino illita. Dentium dolores commanducata sedat.

## EX GALENO.

Chelidonium admodum extergentis & calidæ facultatis est. Sed & succus eius ad acuendum visum commodus est, vtiq; in quibus crassum quiddam in pupilla colligitur discussione indigens. Vñ sunt quidam radice eius ad morbum regium à iecoris obstructione proficiscentem, in vino albo eam potui exhibentes cum Aniso. Pari modo mansa, dentium doloribus confert.

## EX PLINIO.

Florentibus succus exprimitur, & in æreo vase cum melle Attico leniter cinere feruenti decoquitur, singulari remedio contra caligines oculorum. Vtuntur & per se succo in collyriis, quæ Chelidonia appellatur ab ea. Eadem oculorum aciem adiuuat, si addita aqua foueantur. Succus eius cum melle culices, nubes, obscuritatemq; discutit, cicatrices extenuat. Albugines etiam iumentorum.

## DE CHELIDONIO MINORE.

### CAP. CCCXXXIII.

### NOMINA.

X *χελιδόνιον μικρόν* Græcis, Chelidoniū minus  
Latinis, Officinis Scrofularia minor vocat̃,  
quod

quòd strumosa radix multis granorum frumētigrumis videatur coaluisse: vel quòd strumis, quas imitatione Græca Scrofulas vocant, medeatur. Germanis Feigwartzen oder Blaternkraut/id est Ficariā, Pfaffenbodlin/klein Scheluurtz/oder Schuualbenuurtz/oder Meyenkraut nominatur. Chelidonium autem hæc herba vocata est haud dubiè, quod, vt Theophrastus libro septimo, cap. xiiij. hirundinum aduentu florem excitet.

Scrofularia minor  
cur dicta.

## FORMA.

Herbula est à stolonibus pediculisue pendens, sine caule, foliis Hederæ figura, rotundioribus minoribusq; item teneris & aliquatenus pinguibus. Radices habet paruas multas, ex eodē callo prodeūtes, tritici modo aceruatim congestas, quarum tres aut quatuor in longitudinem progrediuntur. Hæc Dioscoridis delineatio prorsus herbæ illi quam Scrofulariam minorem vulgò nominant, conuenire videtur. Nam hæc herbula est à pediculis pendens, vidua caule, foliis Hederæ, rotundioribus multò minoribusq; teneris & modicè pinguibus. Radices ostēdit ex eodem callo prodeuntes, paruas, complures in granorum tritici morè aceruatim collectas, quarum tres vel quatuor in longum protenduntur. Flos ei Ranunculi vt maiori luteo colore nitens. His accedunt locus, tempora, vires, & alia quæ iam commemorabuntur, quæ singula Scrofulariæ minori adamussim quadrant, vt nemo hanc Chelidoniū minus esse inficias ire sine magna impudentia possit.

## LOCVS.

In palustribus, prope aquas, & in limitibus humidis, omnibusque vliginosis tractibus ac hortis passim gignitur.

## TEMPVS.

Verno tempore, Maio mense, & præsertim hirundinum aduentu floret, nec longo post tempore marcescens euanescit, sic vt irrigui limites, qui largo foliorum

# PLANTARVM HISTORIAE.

liorum florumque stipatu pubescebant, confestim iis spoliati glabrescere conspiciantur.

## TEMPERAMENTVM.

Chelidonium minus, Galeno teste, quarti ordinis absoluti est in calefaciendo & desiccando, ideoque magnam præ se fert acrimoniam, gustum erodentē. Nostrium autem vsque adeo acre non est, vt cōmanducando sæpe nullam prorsus sentias acrimoniam, potissimum in eo quod ī humido loco natum sit. In hoc autem quod locis ticcis prouenit, senties & amaritudinem & acrimoniam, sensim tamen gustum erodentem.

## VIRES. EX DIOSCORIDE.

Acrem vim habet, Aneimones modo summam cutem exulcerantem. Scabiem & vnguium lepras tollit. Ex radicibus expressus succus ad purgationem capitis addito melle naribus vtiliter instillatur. Similiter decoctum eius cum melle gargarissatum, caput strenuē purgat, & omnia pectoris vitia.

## EX GALENO.

Chelidonium minus cūm acrius sit maiore, illitum confestim cutem exulcerat, vnguesque scabros eiicit. Succus eius per nares purgat, vtpote vehementer acris existens.

## APPENDIX.

Recentiores ea herba in exterendis fribus mariscisue, & strumis, magna experientia vtuntur, vt inde certē Scrofularia nominari, quemadmodum diximus, meruerit. Antiquus etiam ac manuscriptus herbarius, sub nomine tamen Pedis vituli, quo Aaron nominatur, se à quodam qui expertus sit cognouisse scribit, quod hæc herba contra mariscas ac strumas mirificè proffit.

DE CHAMAEDRY. CAP.

CCCXXXIII.

NOMINA.

## NOMINA.

X *αμείδrys* Græcè, Trissago Latinè, officinis græcum nomē infedit, vulgo Quercula minor, & à ferratis foliis Serratula appellatur: [Gallicè *Chefnette*, ou petit *Chefne*, ou de la *germā dree*.] Chamædryes verò Græcis dicta est, quasi humilis ac terrestris quercus, quod scilicet folia Quercus habeat, & huius respectu quasi humi repat. Sunt qui Serratam nominatam ideo putent, quod ab ea ferra inuenta sit. Dioscorides hanc Teucruim etiam, propterea quod Teucrio similis admodum sit, appellari à nonnullis scribit.

*Serratula.**Chamædryes un de dicta. Serrata.*

## GENERA.

Etsi Dioscorides aliiq; veteres vnicā faciant Chamædryn, tamen nos, quia plures herbas ad eius formam ac picturam accedere videmus, duo eius genera produximus. Quorum sanè primum vera Chamædryes existit, & Germanicè *Klein Bathengel* nominatur. Illius autem rursus duo sunt genera. Vnū enim quod præ cæteris omnibus picturæ Dioscoridis maximè accedit, mas dicitur; alterum verò fœmina: neque enim aliter nobis discrimen indicare licuit nisi sexus ratione. Alterum genus vulgaris est Chamædryes, quod iterum duū est generum, mas scilicet & fœmina. Mas Germanicè *Erdtueirauch* / Fœmina verò *Gamenderle* / *Blauumenderle* / *Vergifzmeinnit* appellatur.

## F O R M A.

Frutex dodrantalis, foliis exiguis, forma & diuisuris quernis similibus, amarisq; flore subpurpureo, exili, semine in calyculis atro. Quæ utique descriptio ita herbis illis quas pictas exhibemus respondet, ut nulla prorsus nota reclamare videatur. Sunt enim herbæ palmum altæ ut plurimum, exili folio, effigie & diuisura Quercus, amaro, flore penè purpureo & exiguo, ita ut mirari satis non possim, cur nonnulli alteram speciem genuinā Chamædryn esse negent, cum tamen Germanica etiā appellatio pulchre

# PLANTARVM HISTORIAE.

*Obiectio-  
nis solu-  
tio.*

chrè ad antiquum atque adeo græcum nomen allu-  
dat. Sed instabit forsitan quispiam dicens, Chamæ-  
drys Dioscoridis palmum alta est, hæc tua mensurâ  
hanc excedit. Fateor sanè, attamen non multum exu-  
perat. quod si etiam plus exuperaret, non tamen hoc  
nomine alterius speciei herba putâda esset: neq; e-  
nim adeò statam atque certam mensuram herbis tri-  
buit Dioscorides, vt quandoque vltra citraq; consi-  
stere non liceat: verùm cùm alicui herbæ mensurâ  
adscribit, id ea ratione facit, vt maiori parti indiui-  
duorum illius speciei quadrare existimet. In prioris  
itaque inopia, alterius vsus esse potest.

## LOCVS.

Nascitur asperis & petrosis locis, interdum etiam  
in montosis & campestribus solidis.

## TEMPVS.

Primum genus Iunio & Iulio mensibus floret.  
Alterum autem vere potissimum. Carpuntur semi-  
ne prægnantia.

## TEMPERAMENTVM.

Ex tertio ordine calefacientium & desiccanti-  
um facit Galenus. Germanicæ tamen minus cale-  
facere & desiccare videntur, vtpote in regione fri-  
diore natæ.

## VIRES. EX DIOSCORIDE.

Recens ac viridis in aqua decocta & pota, conuul-  
sis, tussientibus, lieni indurato vrinæ difficultatibus,  
hydropicis inter initia auxiliatur. Cit menses, fœ-  
tusq; extrahit. Lienem ex aceto pota minuit. Aduer-  
sus venenata cùm vino pota & illita efficax est. Tri-  
ta ad prædicta in pilulas conformatur. cum melle  
vetera vlcera purgat. Cum oleo trita, inuncta & illi-  
ta, oculorum caliginem discutit.

## EX GALENO.

Chamædrys vincentem qualitatem amarâ ha-  
bet, & est quodammodo acris. Quo circa meritò lie-  
nem colliquat, vrinam & menses mouet, crassitu-  
dinem

dinem humorum incidit, & viscerum obstructions expurgat.

## EX THEOPHRASTO.

Trissaginis folia ad rupta, vulneraq; in oleo trita valent, & ad depascentia vlcera. Semen bilem extrahit, & oculis quoque beneficum est. Folium ad albugines tritum in oleo prodest.

## EX PLINIO.

Aduersus serpentium venena potu illitūque efficacissima. Item stomacho, tussi vetusta, pituita in gula cohaerescenti, ruptis, conuulsis, lateris doloribus. Lienem consumit. Vrinam & menses cit, ob id incipientibus hydropicis efficax, manualibus scopis eius in tribus heminis aquae decoctis vsque ad tertias. Sanat & vomicas, & sordida vlcera cum melle. Fit & vinum ex ea pectoris vitiis. Foliorum succus cum oleo, caliginem oculorum discutit. Ad splenem ex aceto sumitur.

## DE CHAMÆCYPARISSO.

## CAP. CCCXXXV.

## NOMINA.

*αμακυνάρισος* Plinio dicta est, quasi pumila  
**X** Cupressus. Apud Græcos, quod sciam, eius fruticis nulla fit mentio. Vulgo Cypressus, Germanis *Cypresz*, [Gallis *Cypres*] nominatur. Cypressus ab odore & forma foliorum eiusdem nomen unde dicta claturæ arboris vocata est.

## FORMA.

In arbusculi formam fruticat, foliis incanis, Abrotoni fœminæ modo scissis. Floribus in summo auri instar fulgentibus. Totus frutex odoratus est. Errant qui Chamæpityn esse arbitrantur: neque enim vt illa humi serpit, sed altius à terra, vt pictura monstrat, confurgit.

## LOCVS.

In hortis passim ac figulinis prouenit.

Y

TEM.

# PLANTARVM HISTORIAE.

## TEMPVS.

Aestate floret. Paucos autem frutices inuenies in quibus flores intueri liceat, quando per vniuersam vitam non nisi vnum hunc, cuius picturam damus, fruticem in quo flores apparuerint, viderim.

## TEMPERAMENTVM.

Apparet in ea, sicut gustus testificatur, leuis quidē acrimonia, sed maior amaritudo, multoq; etiam plus acerbitalis in tota planta. Resiccatur itaque absq; insigni caliditate.

## VIRES. EX DIOSCORIDE.

Quum easdem quas arbor Cyparissus qualitates habeat Chamæcyparissus, necesse est vt etiam facultates easdem obtineat. Arboris igitur hæ sunt vires. Adstringit & refrigerat. Folia eius cum passo & myrrha modica pota, vesicæ fluxionibus & vrinæ difficultati medentur. Pilulæ tusæ, & cum vino potæ, cōtra sanguinis reiectionem, dysenterias, alui fluxiones, orthopnœam, tussimq; prosunt. Decoctum earum idem potest. Tusæ cum fico duritias emolliunt. & polypos in naribus sanant. Leprosos vngues cum aceto decoctæ & tritæ adiectis lupinis tollunt. Intestinatorum ramices illitæ coërcent. Folia idē possunt. Pilulæ cum coma suffitæ culices abigere creduntur. Folia trita & illita vulnera glutinant, sanguinemq; supprimunt. Cum aceto autē trita, capillos tingunt. Illinitur per se aut cum polenta ad erysipelata, herpetas, carbunculos, & oculorum phlegmonas. Cerato mixta & imposita ventriculum firman.

## EX GALENO.

Cupressi folia, germina, pilulæ recentes & molles, magna vlcera in duris corporibus glutināt. Ex quo clarum est quod resiccandi vim habeat, absque insigni acrimonia & caliditate. Tanta inest ei acrimonia caliditasq;e, quanta satis sit deducendæ in altū acerbitali: nullam tamen mordicationem aut caliditatem in corporibus efficit. Proinde in alto latentes in

tes in flaccidis putrescentibusque affectibus humi-  
tates, sine molestia tutoque depascitur, quum quæ ca-  
lesciunt & desiccant, eas quidē quæ contentæ sunt  
absument, cæterum acrimonia & caliditate alias at-  
trahant. Sic intestinorum ramice affectos iuuat: si-  
quidem exiccat & robur addit corporibus præ hu-  
miditate laxis, utpote quum adstrictio in altū sub-  
eat, eò quod caliditas quæ illi admista est dedu-  
cat, ad eam quidem mensuram perueniens, ut præi-  
re quidem valeat, nondum tamen mordicare. Qui-  
dam ea utuntur ad carbunculos & herpetas polentę  
miscentes, tanquam absumat citra calefactionem eos  
morbos efficientem humiditatem. Sunt qui ad ery-  
sipelata utantur, admista nimirum polenta cū aqua,  
aut oxycrato aquoso.

## EX PLINIO.

Cupressi folia trita serpentum ictibus imponun-  
tur, & capiti cum polenta, si à sole doleat. Item rami-  
ci, qua de causa bibuntur. Testium quoque tumori  
cum cera illinuntur. Capillum denigrant ex aceto.  
Eadem trita cum duabus partibus panis mollis, & è  
vino Aminæo subacta, pedum ac neruorum dolores  
sedant, Pilulæ aduersus serpentium ictus bibuntur,  
aut si eiiciatur sanguis. Collectionibus illinuntur.  
Ramici quoque teneræ tusæ cum axungia & lomē-  
to profunt. Bibuntur ex eadem causa. Parotidi &  
strumæ cum farina imponuntur. Exprimitur succus  
tusæ cum semine, qui mixto oleo, caliginem oculo-  
rum aufert. Item victoriati pondere in vino potus il-  
litusq; cum fico sicca pingui, exemptis granis, vitia  
testium sanat, tumores discutit, & cum fermēto stru-  
mas. Radix cum foliis trita potaq; vesicæ & strangu-  
riæ medetur, & contra phalangia. Ramēta pota mē-  
ses ciunt, scorpionum ictibus aduersantur. Chamę-  
cyparissos herba ex vino pota contra venena serpē-  
tium omnium scorpionumq; pollet.

Chamęcy-  
parissi fa-  
cultates



# PLANTARVM HISTORIAE.

## DE CHAMÆCISSEO. CAP.

CCCXXXVI.

### NOMINA.

*Hedera* αμαίνισσος, ἡ γῆς στέφανος Græcis, *Hedera ter-*  
*terrestris.* X *restris*, Terræ corona Latinis appellatur.

Officinæ nomen *Hederæ terrestris* retinu-  
erunt. Germanicè *Gundelreb* / corrupto sanè nomine  
vocatur, cùm dicendum esset *Grundreb*, hoc est, humi  
repens viticula Nominatur etiam Germanis *Erde-*  
*pheu*, & *Erdenkrentzlin*, [ Gallicè *Lierre terrestre.* ]  
*Chamæcis-* *Chamæcissos* verò dicta est, quòd nunquam non re-  
*fos unde* *pat* humi, foliis *Hederæ* similibus. Corona terræ,  
*dicta* *quod ramulos suos per terram spargens, folioso ve-*  
*Corona* *luti serpto eandem coronare videatur.*

*terreæ.*

### FORMA.

Folia *Hederæ* similia habet, minora tamen & te-  
nuiora. Ramulos dodrantes multos, foliis plenos,  
à terra quinque aut sex prodeuntes. Flores *Leucoïs*  
similes, minores tamen, & in gustu vehementer a-  
maros. Radix illi est tenuis, alba, & inutilis. Ex hac  
historia satis constat herbam hodie vocatam *Hede-*  
*ram terrestrem*, esse *Dioscoridis Chamæcisson*. Si-  
quidem foliis *Hederæ* constat, minoribus tamen &  
tenuioribus, ac in circuitu incis. Legendum enim  
*Dioscori-* *esse μικρότερα*, & non *μακρότερα*, res ipsa docet : nam  
*dis locus* *etsi folia Chamæcissi aliquatenus Hederæ similia*  
*emaculat.* *sint, tamen rotundiora, atque adeo minora etiam &*  
*tenuiora existunt. Et est hic lapsus ab ι in α apud*  
*Dioscoridem frequens, ut ex aliis etiam locis suprà*  
*notatis liquet. Ramulis etiam dodrantalibus multis,*  
*foliosis, qui tamen antequam scindantur, quinque aut*  
*sex à radice procedunt. Flores denique eius Leucoïs*  
*similes sunt, non quidem luteis, albis, aut purpureis,*  
*sed cœruleis: ita ut vehementer errent qui eius flo-*  
*res, neque figura, neque colore floribus Chamæcissi,*  
*qui Leucoïs adsimulantur, esse similes putant. Etsi*  
*enim colore neque albi, neque lutei sint, cœruleos*  
tamen

tamen, qui color Leucoïorum est, esse constat. In gustu deniq; sicut etiam folia, amari sunt. Radix quoque eius tenuis, & nullius prorsus vsus est. His omnibus accedit, quòd nomen etiam pulchrè quadrat: neque enim Græcis aliud sonat Chamæcissos, *Chamæcissos.* nisi humilem ac humi repentem Hederā. Cæterum non esse Elatinen, præter alia multa quæ referre superuacaneum arbitror, sapor manifestè ostēdit, qui in Hedera terrestri amarus & modicè acris est, atq; adeo calorem præ se fert. Elatine verò refrigerat atque adstringit, Sic nō esse Asclepiada, vt taceā quòd Securidacæ simile semen non proferat, vel vnus locus natalis satis monstrat. Asclepias enim in montibus, Hedera autem terrestris in decliuibus locis & vallibus, vt Germanicum nomen *Grundtreb* abundè indicat, prouenire solet. Quæ autem herba sit, Asclepias, suo loco dictum à nobis est.

## LOCVS.

Nascit̃ in cultis locis, iuxta etiā sepes & dumeta.

## TEMPVS.

In Martio statim erumpit, & floret in magnā vsq; ætatis partem.

## TEMPERAMENTVM.

Amaritudo exiguaque acrimonia foliorum & florum satis monstrant herbam hanc calidam & siccam esse, ita vt hi qui frigidam esse statuunt, reprehensione non careant. *Error quorundā notatur.*

## VIRES. EX DIOSCORIDE.

Folia eius trioboli pondere in aquæ cyathis tribus, quadragenis aut quinquagenis diebus pota, ischiadicis prosunt. Morbum quoque regium in senos septenōsue dies similiter pota emendant atque expurgant.

## EX GALENO.

Chamæcissi flos quum sit admodum amarus, iecoris obstructions soluit. Sunt qui illum etiam ischiadicis exhibeant.

# PLANTARVM HISTORIAE.

## EX PLINIO.

Chamæcisson appellant Hederam non attollen-  
tem se à terra Et hæc contusa in vino acetabuli mé-  
sura leni medet̃. Eius folia bibunt ischiadici tribus  
obolis, in vini cyathis duobus septem diebus, admo-  
dum amara portione.

## APPENDIX.

Hæc omnes iam commemoratas facultates Hede-  
ræ terrestri recentiores tribuunt: neque dubium est,  
quum sit admodum amara, quin eadem habeat, & a-  
lia etiam possit quæ illi adscribunt, vt euocare sup-  
pressos menses, urinam mouere, obtusum auditum  
reuouere. Contra pestem etiam tradunt efficacē ef-  
se: id quod equites quoque sciunt: hi enim quoties  
fibula dicta pestis equum corripuerit, hac contra eā-  
dem herba magna efficacia vtuntur.

## DE CHRYSANTHEMO.

### CAP. CCCXXXVII.

#### NOMINA.

*χρυσάνθεμον* Græcis, Chrysanthemum Latinis,  
X officinis inusitatum, Germanis *Goldthlum*,  
*Schmaltzblum*, à pinguedine quæ contrito di-  
gitis flosculo apparet, & *Drothlum*, [*Callis Margueri-  
tes flanches*] nominatur. Chrysanthemon verò à  
*Chrysan-* flosculis auri splendorem & colorem præ se ferenti-  
*themū un-* bus, dictum est.  
*de dictū.*

#### FORMA.

Herba est tenera, fruticis tamen speciem obtinēs,  
leues proferens caules, & multifida folia: luteos flo-  
res, vehementer splendentes, & oculi instar circula-  
res. Ex qua sanè descriptione satis clarum est, herbā  
quam pictam damus, esse Chrysanthemon, quod illi  
omnes à Dioscoride traditæ notæ, nulla prorsus re-  
clamante, conueniant. Quibus Democriti in Hy-  
droscopico accedit testimonium, qui herbam hanc  
quæ *Batrachio* similis est, Chrysanthemon Græcis  
appellari scribit, foliisq; *Apij* esse, maioribus tamen,  
flo. re

flore auri colore splendente. Addit denique ab Aquilegiis mirè celebratam esse, eò quòd aquam subesse certum sit, vbi solet emicare. Quæ quidem singula herbæ illi quam depictam exhibemus respondent. Nam vt cætera omittam, vbi hæc nascitur aquæ lactices subesse non est dubium. Quidam perperam *Vuasserhanenfusz* Germanicè nominant: nam hoc nomine appellata herba, alia ab ea est, vt in capite de Batrachio docuimus. Nam cum hæc nostra acrimonia vacet, quanquam Batrachiiis similis sit, tamen in numero illorum esse hoc nomine non potest.

## LOCVS.

Nascitur prope vrbes, in pratis humidis, & aliis locis aquosis.

## TEMPVS.

Maiο mense eius floribus prata & loca humida splendescunt.

## TEMPERAMENTVM.

Eiusdem esse cum Buphthalmo temperamenti, & gustus & facultates declarant. Calidum itaque esse & siccum constat.

## VIREs. EX DIOSCORIDE.

Eius flores cum cerato triti, steatomata discutere produntur. Regio morbo correptis coloris bonitatem tempestiuè reddit, à balneo post longiorem in eo moram exitu pota.

## EX PLINIO.

Vesicæ calculos Chrysanthemon eiicit.

## DE CHAMAELEONE ALBO.

## CAP. CCCXXXVIII.

## NOMINA.

X *καυλῖων λευκός* Græcis, Chamæleon al- *Carduus*  
bus, Carduus tuarius & varius Latinis, of *suarius*.  
ficinis & barbaris Cardopatiū appellatur. *Cardopæ*

Quod nomen haud dubiè corruptum est, deducim *tiam*  
que à dictione Pancration, nam sic olim esse no- *Chamæ-*  
minatum Chamæleonem Apuleius testatur: aut à leon unde

Y *iiij* Carduo dictus.

# PLANTARVM HISTORIAE.

Suarinus  
Carduus  
quare no-  
minatus.

Carduo vario, à qua dictione, v scilicet litera in p, & r in t mutata, in Cardopatium facilis est lapsus. Germanis Eberuurtz, eleganti allusione ad Carduum suarium, nuncupatur. [Gallis Vne herbe est incuse sem-  
blable a la carline, ou Artichault saulage.] Chamæleon autem à foliorum varietate dici cœpit. Mutat enim cum terra colores, Plinio teste: hîc niger, illic viridis, aliubi cyaneus, aliubi croceus, atque aliis coloribus videtur. Suarius autē Carduus dictus est, quod sues si in polenta exhibeatur, perimat. Ob quam etiam causam Eberuurtz Germanis nuncupatam puto.

## FORMA.

Folia habet Silybo aut Scolymo similia, asperiora autem, acutiora, nigroq; Chamæleone validiora. Caule vacat, verum è medio spinam Echino marino, aut Cinaræ similem erigit. Flores purpureos, veluti capillos, qui in pappos euanescent. Semen Cnico simile. Radicem in pinguibus collibus crassam, in montosis verò graciliorem, in profundo albam, aliquatenus aromaticam, graueolentem & dulcem. Plinius libro xxij. cap. xvij. breuius herbam hanc depingit, sic inquit: Asperiora folia habet, serpit in terra Echini modo spinas erigens, radice dulci, odore grauissimo. Quæ certè notæ in vniuersum omnes, herbæ quæ hodie barbara & corrupta voce Cardopatium vocatur, adamussim respondent, ita vt nemo non esse Chamæleonem perspicuè intelligat. Huc accedit quod facultates etiam eadem sint. Radix enim Chamæleonis albi hausta, venenis resistit. Radix etiam Cardopatij ex recetiorum traditione, mirificè venenis aduersari, & contra pestilentiam popularim sæuientē, vt paulò post dicemus, efficacissimū esse remediū dicitur. Quod si tamē rectiora quis protulerit, non grauabimur hîc, vt in aliis quoq; mutare sententiā.

## LOCVS.

In glabretis montiū prouenit, & in syluis, vt hinc etiam syluaticus Carduus cognominatus sit.

## TEMPVS.

## TEMPVS.

Iulio & Augusto mensibus cum suis floribus effodi potest.

## TEMPERAMENTVM.

Radix eius calefacit secundo ordine absoluto, desiccatur autem tertio.

## VIRE. EX DIOSCORIDE.

Radix pota acetabuli mensura, latos lumbrosos pellit. Sumitur autem in vino austero, cum decocto Origani. Hydropicis commodè drachma in vino datur: etenim eos extenuat. Contra difficultatē urinae decoctum eius propinatur. Pro theriaca cum vino posita est. Occidit canes & fures. Mures item necat subacta cum polenta, aut hydrelæo madefacta.

## EX GALENO.

Radix eius potui datur acetabuli mensura contra latos lumbricos cum vino austero. Exhibent etiam aqua inter cutem laborantibus.

## EX PLINIO.

Hydropicos sanat succo radice decoctæ. Bibitur drachma in passo. Pellit & interaneorum animalia acetabuli mensura succi eiusdem in vino austero cum Origani scopis. Facit ad difficultatē urinae. Hic succus occidit canes furesque in polenta. Addita aqua & oleo contrahit in se mures & necat, nisi protinus aquam sorbeant. Radicem eius aliqui concisam seruari iubent funiculis pendentem, decoquuntque in cibo contra fluxiones, quas Græci rheumatismos vocant.

## APPENDIX.

Recentiores radicem Cardui suarij drachmæ pondere in vino sumptam contra pestilentia contagia prodesse tradunt. Eandem etiam in aceto decoctam, contra scabiem, impetiginem, & omnes cutis foeditates curatu difficiles conferre scribunt, si eius decocto lauentur. Idem dentium etiam dolori succurrit.

DE CHA-

PLANTARVM HISTORIAE  
DE CHAMAELEONE NIGRO.  
CAP. CCCXXXIX.  
NOMINA

X *αμαλίων μέλας* Græcis, Carduus niger aut Vernilagium Latinis dicitur. Officinis hæc planta incognita existit. Germanis allusione ad latinam nomenclaturam *schuuartzer Gartendistel* [Galli *Cardonette*] vocari potest, quod scilicet in hortis tantum culta proueniat. Sunt qui eam à candore foliorum nominent *Vuelfsch Vuelfz Distel* / sed prior appellatio ad discriminandas plantas melior existit. Chamæleon verò dictus est à varietate foliorum, quæ pro terræ & locorum differentia, aut admodum viridia, aut subalba, aut cœrulea, aut rubra inueniuntur. Niger verò haud dubiè à radice appellari cœpit.

*Chamæleon niger cur distus.*

FORMA.

Foliis Scolymo similis est, minora tamen, tenuioraque, & rubentia ea habet. Caulem emittit digitali crassitudine, dodrantalem, subrubrum, qui in summo habet umbellam, & spinosos flores tenues, hyacinthi æmulos, versicolores. Radicē crassam, nigrā, densam, & aliquādo corrosam, quæ dissecta subflauescit, & cōmāducata mordet. Hæc quidem notæ quantā plantæ, cuius hîc picturā damus, ferè omnes videantur quadrare: caulem enim euehit dodrantalem, & altiorē etiam, digitū æquantem crassitudine, subrubrum, folia instar Scolymi, minora, subalba & leniter punicea, candidū ac hilpidum florem, hyacinthina purpura variatū, radicem nigram & subflauā: tamen cū non admodum linguam vellicet cōmāducata radix, sit ut nō parū an legitimus sit Chamæleon niger addubitem. Verū cū multi huius temporis viri eruditi hanc plantam Chamæleonē nigrū esse credant, nolui hoc tēpore ab iis prorsus dissentire, atque adeo eandem quæ illi, plātæ huic indere appellationem volui, maximè cū nullā aliam eidem conuenire

conuenire apud Dioscoridē descriptionem videam,  
donec aliquid certius de ea nobis aut aliis cōpertum  
fuerit.

## LOCVS.

Nusquam sua sponte in Germania prouenit, qua-  
re cultura indiget. Nascitur autem Chamæleon ni-  
ger, Dioscoride autore, siccis, cāpestribus, cliuosisq̃,  
& maritimis locis.

## TEMPVS.

Iunio mense floret, ac subinde in capitulis rotun-  
dis Augusto mense semen hispidum profert.

## TEMPERAMENTVM.

Chamæleontis nigri radix sicca est in tertio ordi-  
ne, calefacit verò in secundo absoluto.

## VIREs. EX DIOSCORIDE.

Radix trita additis exiguo atramento sutorio, ce-  
drino oleo, & axungia, scabiem abigere potest. Ab-  
stergit etiam impetigines, admixtis sulphure & bitu-  
mine. Decoctum eius collutione dentium dolorem  
mitigat. Cum pari pipere & cera oblita, dolentibus  
dentibus auxiliatur. Quinetiam fouentur ea dentes,  
quū decocta in aceto, & calens imposita fuerit. Scri-  
ptorio stylo dolenti denti calida admota, eum fran-  
git. Cum sulphure decolorem ob solē faciem, & al-  
phos emendat. Miscetur medicamentis erodētibus.  
Phagedænas, ferināque ac tetra vlcera illita, ad mi-  
torem habitum transferens sanat.

## EX GALENO.

Radix quiddam letale obtinet, quamobrem eius  
foris vsus ad scabies, impetigines, alphos, & in sum-  
ma ad omnia quæ deterfionem postulant. Præterea  
emollientibus & discutientibus medicamētis misce-  
tur, ac illita phagedænica vlcera sanat.

## EX PLINIO.

Radice eius lichenes curātur, cum sulphure & bi-  
tumine vnā coctis: commanducata verò dentes mo-  
biles, aut in aceto decocta. Succo scabiem etiā qua-  
drupedum sanant. Et ricinos canum necant.

## DE CHA-



# PLANTARVM HISTORIAE:

## DE CHAMAEPITY.

### CAP. CCCXL.

#### NOMINA.

*Ibigo.* X *αμαρίτις* Græcis, Aiuga siue Abiga, autore Plinio, Latinis dicitur, Inuenitur & Ibigo vocari, quod nomē, Hermolao teste, ferē seruat hodie illyrici. Hinc abiectis duabus literis i & g, Iba, & ab Aiuga abiectiōe literarū a & g. Iua manavit in vulgi nomenclationē. Officinæ Iuā cognomēto muscatam appellant, Germani *ye lenger ye lieber* [Galli *Iue Muscate*] Cæterum Chamæpitys dicta est, quasi humilis & brevis, humique depressa picea: nam eius folia piceam olent. Abiga verò vocata propter abortus, quos, educendis iis quæ in vtero sunt, excitare solet.

*Chamæpitys unde dicta.*  
*Abiga quare uocata,*

#### GENERA.

*Prima.* Tria eius sunt genera. Vna foliis Sedi seu Aīzoi, quam nos fœminam fecimus. Altera ramis anchoræ modo incuruis, quam nondum vidimus. Tertia mascula dicitur etiā Dioscoridi. Harum discrimina è descriptionibus certius cognosces.

#### FORMA.

Prima, herba est per terram serpens, subcœrua, folia minori Aizoo similia habēs, multò tamē tenuiora, pinguiora: hoc est, vt Serapiō interpretatur, super se plus humiditatis tenacis habentia, & hirsuta, circa ramos frequētia, odore piceæ, flores exiguos, luteos aut candidos, radicē Cichorij. Altera cubitalibus est ramis anchoræ modo incuruis, tenuibus, coma supradictæ simili, flore candido, semine nigro. Olet autem & ipsa piceam. Tertia quæ mascula appellatur, herbula est foliolis tenuibus, candidis & hirsutis, caule aspero, candido, flosculis luteis, semine secus alas pusillo. Piceam & hæc olet.

#### LOCVS.

Su. sponte, quòd sciam, in Germania non prouenit.

nit. Nūc tamen in hortis plantari cœpit. Plinius tertiam in petris nasci tradit.

## TEMPVS.

Floret Iunio & Iulio mensibus.

## TEMPERAMENTVM.

Chamæpitys gustu quidem amarum saporem acri validiorem obtinet. Est autem in calefaciendo secundum, in siccando verò tertij ordinis.

## VIRE. EX DIOSCORIDE.

Folia primæ septē diebus in vino pota, regio morbo medentur. Quadraginta verò ex hydromelite, ischiadicos sanant. Dantur peculiariter iccinorosis, vrinæ difficultatibus, & renum vitiis. Prosunt etiam torminosi. Ea apud Heracleam Ponticam, perinde atque antidoto contra aconitum vtuntur, bibentes decoctum. Ad antedicta illinitur, cum polenta iure decocti macerata. Trita & cum fico pro pilulis data aluum emollit. Excepra melle, squama æris, & resina, purgat. Apposita ex melle, ex vtero ducit. Mammarum duritias discutit. Vulnera glutinat. Vlcera quæ serpunt, cum melle illita cohibet. Secūda & tertia eandem vim obtinent, non tamen vsque adeo effacacem.

## EX GALENO.

Effectu expurgat Chamæpitys, abstergitque viscera plus quàm calfacit, Proinde regio morbo correptis, & omnino quibus facilè iecur obstruitur, bonum est medicamentum. Quin & menses ducit tum pota, tum apposita cum melle. Sed & vrinæ mouendæ aptum est medicamen. Sunt qui etiam eam exhibent ischiadicis decoctam in meliciato. Herba porro ipsa viridis magna vulnera conglutinat, & vlcera putrescentia sanat. Mammarum præterea durities discutit.

## EX PLINIO.

Prosunt aduersus scorpionum ictus. Item iccinori illitæ cum palmis aut cotoneis. Renibus & vesicæ, decoctum

# PLANTARVM HISTORIAE.

decoctum earū cū farina hordeacea. Morbo quoq;  
regio, & vrinæ difficultatibus, ex aqua decocta bi-  
bitur. Nouissima contra serpentes valet cum melle.  
Sic & apposita vuluas purgat. Sanguinem densatum  
extrahit pota. Sudores facit, perunctis ea. Peculiari-  
ter renibus utilis est. Fiunt ex ea & hydropicis pilu-  
læ, cum ficu aluum trahentes. Lumborum quoque  
dolorem victoriati pondere in vino finit, & tussim  
recentem. Mortuos fœtus ex aceto cocta potaque,  
eiicere protinus dicitur.

## APPENDIX.

*Officina-  
ræ error.* Recētiore herbarij, & magna officinarū pars, aliā  
Chamæpityn ostēdunt, folio Saluæ rimoso, angustio-  
re tamen, & ad radicē maiore, flore subcādido ac lu-  
teo, & semine nigro: quæ tamen legitima Chamæpi-  
tys nō est, sed prima potius Sideritidis, vt suo dixi-  
mus loco, species. Desinant igitur subinde hac her-  
ba pro Chamæpity vera vti, ac illius loco has quarū  
nunc picturas damus vsurpent. Erroris autem huius  
nulla alia fuit causa, quàm quòd Chamæpitys etiā  
veteribus alio nomine dicta sit Sideritis. Hinc plæ-  
rique decepti eam herbam quæ priuatim ac propriè  
sic nominatur, pro Chamæpity vsurpare cœperunt.  
Sideritis autē nulla alia de causa dicta est Chamæpi-  
tys, nisi quòd illi vulnera glutinandi insit facultas.

## DE PSYLLIO. CAP. CCCXLI. NOMINA.

ὕλλιον Græcè, herba Pulicaris Latinè, nomē  
† græcum in officinis retinet, Germanicè *psyllienkraut* [Gallicè *Herbe a Puces*] nominatur.

*Psyllion un-  
de dictum*

Tā græcam autem quàm latinam appellationē à pu-  
lice, cuius effigiē semen eius refert, sortita est herba,  
Vel, vt nonnullis videtur, quia si viridis in domum  
feratur, generari in ea pulices prohibeat.

## FORMA.

*Psyllion folia Coronopo similia habet, hirsuta,  
longiora,*

longiora, ramos dodrantaes. Tota herba ad sceni graminisue formam accedit. Coma eius à medio caule incipit, capitula bina aut terna in summo contracta conuolutaue, in quibus semen pulicibus simile, nigrum durumque.

## LOCVS.

In aruis & incultis nascitur. Nusquã tamen, quòd sciam, in Germania nisi satum prouenit.

## TEMPVS.

Flores tota ferè æstate ex capitulis eius, quæ spicæ formam obtinent, erumpentes dependent, canino capiti haud dissimiles, vt pictura abundè monstrat. Semen vero autumnò profert.

## TEMPERAMENTVM.

Semen eius ex secundo refrigerantium est ordine, in desiccando verò & humectando medium quodammodo & symmetrum. Commentum Mesues de substantia eius interiore calida nihil moror.

Mesues  
cōmentum.

## VIRE. EX DIOSCORIDE.

Vis Psyllio refrigeratoria. Cũ rosaceo, aceto, aut aqua illitum articulorum doloribus, parotidibus, tuberculis, œdematis, luxatis, capitisq; doloribus prodest. Enterocelis seu intestinorũ ramicibus puerorũ, & vmbilicis prominentibus cum aceto illitũ medetur. Oportet autem acetabuli mēsurā tufum in aqua heminis duabus madere, & vbi aqua concreuerit illinire: egregiè siquidem refrigerat: deiectum enim in feruentem aquam, calorem eius reprimat. Prodest erysipelatis. Perhibent si viridis domum importetur, prohibere ne in ea pulices generentur. Tusa cū adipe, sordida & maligna vlcera expurgat. Succus eius cum melle ad aures fluxione tentatas, & vermiculosas conducit.

## EX PLINIO.

Vis ei ad refrigerandũ ingens. Semen in vsu. Frōti imponitur in dolore & temporibus, ex aceto & rosaceo, aut posca. Ad cætera illinitur acetabuli mēsurā,

# PLANTARVM HISTORIAE.

fura. sextario aquæ densat ac contrahit. Tunc terere ac crassitudinem illinere oportet cuicunq; dolori, & collectioni inflammationique. Tenasmo in aqua cū radicibus decoctum medetur. Omnibus articulorū morbis salutare est huius semen madefactū in aqua, admistis in heminam seminis duobus resinæ colophonix cochlearibus, thuris vno.

DE PSEVDONARDO.

CAP. CCCXLII.

NOMINA.

*Pseudo* + *νδλὸν ἄρδος* Græcè & Latinè nominat, quod  
*nardus un* scilicet non sit vera & genuina Nardus, cu-  
*de dista.* ius Dioscorides & alij veteres meminerunt.

GENERA.

Duūm cernitur generum. Alterum procerius est, & maiorem spirat odorem, nec minus quam Nardus placet. Hoc nos Pseudonardum marè diximus. Offi-  
*Spica.* cinæ & vulgus herbariorum Spicam à spicatis flori-  
bus nominant, Germani *Spicanardi* [Galli *du Nard,*  
*ou Aspic.*] Alterū amplitudine & odore minus, quod  
nos Pseudonardum fœminam appellauimus. Offici-  
*Lauandul* næ & herbarij recentiores Lauandulam vel Lauen-  
*la.* dulam, eò quòd balneis & hominum lauacris expetatur, etotæque omnia si permisceatur odoris commendet suauitate, vocant. Germani ad hoc nomen alludentes *Lauendel* [Galli *Lauende*] nuncupant.

FORMA.

Frutex est folio crassiore, carnoso, angusto, colore languido, in candidum vergente, piloso, frequentibus spicis in aristas sparsis, flosculis in spica ferè cœruleis, in Lauendula autem purpureis.

LOCVS.

Gaudet apricis & petrosis, tanta suauitatis fragrantia, vt penè flores odoris iucunditate vincant, quodote vestibis inseruntur.

TEMPVS.

Vtraq; perpetua coma exitu veris canescit, Iunio  
& Iulio

& Iulio mense spicatur, floribusque prægnans est.

## TEMPERAMENTVM.

Calefacit & siccat ordine secundo, tenuibusque constat partibus, haud multum à natura Celticæ Nardi dissidens.

## VIRE S.

Antiquus manuscriptus herbarius easdem ferè facultates Pseudonardo, quas Celtica habet, tribuit, dū in hunc modum scribit: Stomachi dolorem frigidum eiusdem inflationes, vteri dolores, lienis durtiem, iecinorisq; obstructione tollit. Stranguriæ & difficultati vrinæ auxiliatur. Capiti admota calefacit, eiusque humiditates exiccat. Hinc est quòd recetiores tantisper eius vsum in frigidis cerebri & nervorum morbis, apoplexia, paralyfi, & similibus commendent.

*Sequentia duo Capita, quoniam opere ad finem iam ferè perducto, in exemplari Germanico circa finem serò inuenimus, & nos ea suo loco reponere non potuimus. Bono igitur animo candide lector, hæc in fine accipe.*

## DE DIGITALI. CAP.

## CCCXLIII.

## NOMINA.

VOD appellatione tum Græca tum Latina herba hæc hodie destituta sit, nulla alia de causa factū existimamus, quàm quòd veteribus incognita fuerit. Nos pulchritudine eius illecti, & γώγυμος esse diutius non sumus passi. Appellauimus autem Digitalem, alludentes ad germanicam nomenclaturam *Fingerhut* / sic enim Germani hanc stirpem nominant, à florum similitudine, quæ digitale pulchrè referunt ac exprimunt. Hac appellatione utemur, donec nos vel alij meliorem inuenerint.

*Digitalis.*

## GENERA.

Duū est generum. Vna enim purpureos obtinet  
Z flores,

# PLANTARVM HISTORIAE.

*Digitalis* flores, ideòq; *Digitalis* purpuream appellauimus  
*purpurea.* Germanis *Brauner Fingerhut* dicitur. Altera luteo  
*Digitalis* habet flores, ob id *Digitalis* lutea dicta nobis est.  
*lutea.* Germanis *Geeler Fingerhut* nominatur. In aliis per  
omnia similes sunt.

## FORMA.

Herba est cubitalis, foliis latis, & oblongis, Plan-  
tagini non dissimilibus, in extremitatibus serratis,  
floribus à lateribus caulis ordine dependētibus di-  
gitalis formam referentibus, purpureis aut luteis.  
Quibus decidentibus, semen in calycibus latum &  
oblongū profert. Radix illi est exigua & capillata.

## LOCVS.

Nascitur in montibus, vmbrosis & saxosis locis.

## TEMPVS.

Floret Iulio potissimum mense, atque subinde ca-  
dentibus floribus semen producit.

## TEMPERAMENTVM.

Impensè amara est herba, perinde atque *Gentia-*  
*na*, vt hoc nomine calidam & siccam esse euidentis-  
simum sit.

## VIREs.

Hæc herba haud dubiè quum opus est extenua-  
tione, abstersione, purgatione, & obstructionis libe-  
ratione, efficax admodum esse solet. Nam, vt testa-  
tur Galenus libro quarto de Simplici. med. faculta.  
cap. xvij. amari sapes absterunt, expurgant, &  
quæ in venis est, crassitiem incidunt. Quamobrem  
menses etiam quæ amara sunt mouere possunt, & ex  
thorace & pulmone pus educere. Quid multa? po-  
test hæc herba ferè omnia quæ *Gentiana*, cuius vires  
suo in loco inuenient studiosi.

## DE OCIMASTRO. CAP.

### CCCXLIII.

## NOMINA.

*κίμονος* Græcis, *Ocimastrum* Latinis dici-  
ur. Officinis inusitatum atq; incognitum.  
Germani

Germanis Vuil'd Basilg, [Gallis *Basilic faulage*] appellatur, Ocimoïdes verò Græcis haud alia ratione dictum est, quàm quòd Ocimo, suis potissimum foliis simile sit. Ocimastrum autem Latini, quasi syluestre Ocimum appellauerunt. Nam sic ipsum vocare videtur lib. xx. cap. xij. Plinius.

*Ocimoïdes*  
*cur dictū.*  
*Ocimastrū*  
*Syluestre*  
*Ocimum.*

## F O R M A.

Folia habet Ocimo similia, ramulos dodrantaes, eisdemq; hirsutos, siliquas Hyoscyamo per similes, semine nigro plenas, Melanthio seu Nigellæ simili (legendum enim in Dioscoride *κοκκῶτες*, & non *κοκκῶτας*, vt habent aliqua exemplaria.) Radix illi est gracilis & inutilis. Ex qua quidem delineatione omnibus palàm fit, stirpem, cuius effigiem atq; picturam damus, esse Ocimastrum: siquidē folia fert Ocimi, ramulos palmares & quadratos (quod Dioscorides omisit) hirsutos, flores purpureos (quos itidem Dioscorides non explicauit) forma Ocini floribus similes, qui tamen colore, qui illis candidus est, distant: decidentibus floribus siliquas Hyoscyamo similes, seminis nigri, Melanthio similis, plenas ostendit. Radice etiā nititur tenui & superuacua. His omnibus etiā accedit odor, qui planè Ocimum re ferre videtur: ita vt nemo dubitare debeat, quin hæc herba verum sit Ocimastrum, potissimum cū illi Dioscoridis descriptio sic quadret, vt nulla prorsus nota reclamare videatur.

*Dioscori-*  
*dis locus*  
*emenda-*  
*tus.*

## L O C V S.

Nascitur arenosis in locis. Copiosè autem iuxta Nirtingam ad Nicerum oppidulum prouenit, vbi id ipsum primum vidi, ac reperi: aliàs, quòd sciam, mihi nunquam visum.

## T E M P V S.

Floret in fine Septembris & Octobri mense, atq; simul in siliquis semen profert.

## T E M P E R A M E N T V M.

Ocimastrum, maximè eius semen, est calidæ &

Z ij      siccæ



# PLANTARVM HISTORIAE.

siccæ temperaturæ, quod sapor etiam satis ostendit, qui cum modica adstrictione amarus est.

## VIRE. EX DIOSCORIDE.

Semen Ocimastri in vino potum, medetur viperarum & aliarum serpentium moribus. Ischiadicis datur cum myrrha & pipere.

## EX GALENO.

Ocimoïdes quidem philiterium cognominât. Radix superuacanea est. At semen tenuium partium, & desiccantis citra mordacitatem facultatis est.

## EX PLINIO.

Syluestri ocimo vis efficacior ad eadem omnia, quæ sariuo. Peculiaris ad vitia quæ vomitionibus crebris contrahuntur. Vomiciisque vuluæ, contraque bestiarum morsus radix in vino est efficacissima.

## APPENDIX.

Vel syluestre Plinij Ocimū diuersum est ab Ocimastro, aut in verbis eiusdem iam productis, error subest. Quum enim Ocimastri radix, Dioscoridis & Galeni testimonio, inutilis sit, non rectè à Plinio dicitur quòd eius radix in vino contra bestiarum morsus efficacissima sit: sed hoc potius, Dioscoride teste, semini tribuendum erit. Quare in Plinio legèdum,

Plinii loci  
cus emendatur.

contraque bestiarum morsus semen in vino est efficacissimum. Quam sanè lectione Dioscoridis autoritas abundè cōfirmat, qui Ocimastri semē cum vino potum, contra viperarum & aliorum reptilium ictus efficax esse tradit.

## COMMENTARIORVM DE STIRPIVM HISTORIA FINIS.

EXPLICA.

# EXPLICATIO QVA- RVNDAM VOCVM TOTO HOC

opere passim occurrētium, in quibus asse-  
quendis non admodum peritus  
lector hærere posset.

Cetabula ab aceto denominata vident: *Acetabula*  
quanuis alij ab accipiendo dictum pu-

**A** tent, atque hinc est quod scribant acce-  
ptabulum: vascula que fuerūt orbicula-  
ta, cōcaua, sine marginis latitudine, quæ

aceto plena ad intinctus ponebantur. Dehinc vox  
ad omnia alia quæ similem concauitatem habent,  
translata fuit. Primumq; sic concauas partes in po-  
lyporum flagellis, quibus id animal nititur, & velut  
adminiculis fultum exurgit, nominauerunt. Trans-  
lata etiam vox ad fœminarum locos, vocaueruntq;  
acetabula venarum arteriarumque ora, quæ in vte-  
rū feruntur hiantia. Transtulerunt postremò etiam  
hoc nomen ad herbam, quam eam ob causam Ace-  
tabulū dixerunt, quod folia acetabulo similia in or-  
bem circumacta, sensimq; sic vt sensum fallāt, in cō-  
cauam lacunā descēdentia habeat *κετιληδόνες* Græ-  
cè nominantur. Acinus non tātūm grana interna

*Acinus.*

vuæ, quemadmodum quidam existimant, sed totum  
fructum, qui ex succo, & parte quæ veluti caro est, &  
ex vinaceis, & ambiente forinsecus cute cōstat, signi-  
ficat. Testis Galenus, qui libro 2. de facultatibus ali-  
mētorū sic scriptū reliquit: Acini corpus ex quatuor  
partibus constat, ex ea scilicet quæ eius veluti caro  
est: exq; humore per eam disperso, vnde vinum: præ-  
terea ex nucleo, atq; eo quod omnia hæc foris circū-  
cludit membranoso tegumento. *ἄξ* Græcis dicitur.

Aculei, quæcūq; duriuscula in cuspidem turbina- *Aculei.*  
ta pūctionem infligūt spiculorū modo, nominātur.

Acus purgamentū frumēti, leuissimū scilicet in eo *Acus.*

Z iij quod

- Adnata.* quod ventilabris extra aream iaculatur. Adnata, vel Adnascentia, siue Appendices, ramuli dicuntur quos caulis nōnunquā ex se mittit, quasi nouam adscititiāq; prolem. Sic autem vocantur, quod quasi cauli adnascentur & superaccedant. Græci παραφυάδας, quod circum caulem erumpentes accrescant,
- Alæ* appellarunt. Alæ, caui inter caulē, & ramulos anfractus, vnde sinuatim noua proles egreditur, facta ab humanis alis translatione, dicuntur. Græci μάσχαλος vocant. Alabastra sunt seruadis odoribus ex solidissima & frigidissima materia facta vascula, sic dicta Græcis, quod ob lauorem suum capi teneriq; manibus non facilē possent, lubricaq; dilaberetur. Hinc alabastrites lapis, quem nunc Alabastrum vocant, quoniam ex eo alabastra fierent, denominatus est.
- Aluta.* Aluta pellis seu corium dicitur postquam ad vsum & opus calceorū & aliarum rerum concinnatum est. Hinc Alutamē, siue Alutamentum, opus ex concinnatis pellibus factum. Et Alutarij, pellium & coriorum concinnatores.
- Alsiōsa.* Alsiōsa non dicuntur ea quæ frigidis locis gaudent, sed contrā potius quæ algores ferre non possunt.
- Amuleta.* Amuleta remedia sunt præsentanea aduersus venena & fascinationes, qualia quidā ī annulis, & è collo suspensa gestare solēt.
- Amphora.* Amphora mensura est quæ capit duas urnas, seu octo congios.
- Apices.* Apices quæ in mediō calycis seu folliculi quo flos clauditur erumpunt, stamina sunt, quæ veluti filamenta ab intimo floris sinu profiliūt. Habent apices sæpius in summo quidpiam crassiusculum, à qua similitudine nomen acceperunt.
- Arbor.* Arbor est quicquid à radice statī simplici caudice, brachiatū ramis, surculosum, dissolutūq; contumax asurgit.
- Articuli.* Articuli sunt partes quæ in nodos quosdam intumescunt, à quibus per sæpe ramuli prodeunt.
- Asparagi.* Asparagi quæ primum in lucē prodeunt olerū germina, priusquam in folia explicētur, recentissimi q; turiones qui edendo sunt, dicūtur.
- Arista.* Arista, est quæ

# EXPLICATIO.

ut acus tenuis, longa, eminet à gluma. In summa, aristæ quasi apices & cornua sunt spicarum.

Accæ sunt foetus minutiores herbarum, fructus. *Baccæ.*

**B** ticû, arborumque, qui dispersus rariusque enascuntur: ut sunt partus lauri. Atque in hoc ab acinis differunt, quod ipsi densius proueniunt. Brachia *Brachia.* sunt plantarum, præcipue autem arborum ramuli, quod instar brachiorum in homine extendantur.

Bulbi radices sunt rotundæ tunicatæ, quales sunt *Bulbi.* hyacinthi, asphodeli, & colchici.

**C** achryes sunt oblonga panicularum modo *Cachryes* nucamenta, quæ squamatim compacta propendunt è ramis. Crescunt hyeme, vere dehiscunt in flavescentes squamulas, & folio prodeunte, decidunt: qualia in abiete, picea, & aliis permultis videre licet. Plinius pilulas nominat. Calathus *Pilulæ.* est rectus turbo, hoc est, id quod ex angustis in latitudinem se diffundit. Calathi effigiem planè referunt flores liliorum. Calyx folliculus est, quo flos *Calyx.* primum, mox seminis foetus clauditur. Capilla- *Capillamē* menta particulæ teretes & oblongæ in capilli modum *ta.* extenuatæ dicuntur. Caput est id quod fursum de- *Caput.* orsumque in globum extuberat, aut in orbem glomeratur. Si magnitudine cefferit, capitulum nominatur. Extremam tamen vitis partem caput etiam vocant, id est, vltimū & productissimum flagellū. Capre- *Capreoli.* oli sunt coliculi intorti veluti cincinni quidam in ipsis pampinis tenerioribus apparentes, quibus vitis veluti manibus quibusdam adminicula complectitur, ac comprehendit. Ii enim ut vitem teneant, serpunt ad locum capiendum: vnde à capiendo capreoli dicti sunt. Caro dicitur id quod cortici subest. *Caro.*

Caudex dicitur in arboribus & fruticibus, id quod *Caudex.* à radice supra terram simplex assurgit, & in quod à radice fertur alimonia. Caulis verò idē quod supra *Caulis.* solū simplex profilit in herbis nominatur. Sic utique caudex ad frutices & arbores, caulis ad herbas dūta-

- Ceruix.** xat pertinet. Ceruix est pars illa à capitis radicibus prodiēs, prælōga, teresq; sic dicta, quòd in colli speciem figuretur. Cyathus Græcis ἀκτῶν χύαι, id est, à fundedo dictus, est duodecima pars sextarij.
- Cymæ.** Cymæ herbarū delicatiores tenerioresq; coliculi, quos à prima germinatione, & in summa stirpe proferūt. Nā cū vernū tēpus appetit, primo quoq; foliorū pullulatu, præclusis adhuc florū calycibus, quosdā quasi turiones, olus subministrat, in quibus floris primū, mox seminis fœtus concluditur. Cirri sunt capillamenta quæ cõtorta crispantur. Clauiculæ coliculi sunt, quibus quasi manib. proreptas vitis adminicula comprehendit. Coma est quicquid hiları venustate crinium modo, summa ramorum vel coliculorum exornat. Congius, qui Græcè χοῖς dicitur, sex sextariorum capax mensura est. Eadem etiam congiariū appellatur. Conus Græcis, vel pyramis, est inuersus turbo, hoc est, id quod ex latitudine in arcū protrahitur ac fastigia. Cui calathus, vt diximus, contrarius existit. Cor est quod in medio ligni residet, & tertiū à cortice continetur, velut in ossibus medulla. Ab aliis matrix, à nonnullis medulla nominatur. Corymbus est hederarū vua dependentib. acinis coacta. Trāsferitur tamē ad multos herbarū fructus. Cortex pars est vltima à subiecto corpore separabilis, veluti crusta quædā ad tegendū data. Cotyle vox est in Græcia nata, nam Romani heminē vocabulo vtunt. Vide in dictione Hemina.
- Crenæ.** Crenæ sunt quædam in extremis oris incisuræ, à quibus crenata herbarum folia vocantur, hoc est, serrata, per ambitūque secta. Cubitus est mensura quanta patet à cubiti flexura vsque ad summū medium digitum, quæ sex palmis digitisue viginti-quatuor constat. Culmus frumenti calamus est, qui spicam sustinet.
- Decussis.** Ecussis antiquis ad X literæ figuram fiebat, quæ apud Latinos decem significat. Hinc decussari

# EXPLICATIO.

decussari est in speciem literæ X diduci.

Dilutum dicitur, quod est mixtum: vnde vinum *Dilutum.*  
aqua mixtum dicitur dilutū. Dilutum verò substanti-  
uum factū, est id liquidum, in quo aliquid certo tē-  
pore maceratū & infusum fuit: vt si in vas vini ap-  
positum absinthium fuerit, deinde post interiectum  
tempus abstractū, id vinū absinthij dilutū vocatur.

Dodrās est mensura duodenū digitorū. Aliās pal- *Dodrās.*  
mus maior Latinis, & Græci *πυθαμὴ* dicitur. Dodrā  
talis itaque cauliculus vocatur, qui longitudine duo  
denos æquat digitos.

Chinus est quicquid numerosā cōgerie acu- *Echinus.*  
leorū stipatur, siue tegmen, siue caput, siue  
cacumen fuerit: sic dictus quod globosū spi-  
narum agmine maris herinaceum mentiatur.

Ibræ capillamentis germanæ sunt, quæ herba *Fibræ.*  
rum arborumq; minutiones sunt radiculae, in  
quas velut extremas, crassiores effusæ spargū-  
tur. Fimbriæ sunt vestium extremitates, à quibus *Fimbriæ.*  
& fimbriata folia dicuntur, quæ in ambitu in quasdā  
fimbrias exeunt. Flagella dicuntur cymæ arborū *Flagella.*  
& ipsarū summæ partes, quæ ad cuiusq; venti flatum  
mouentur: vnde etiam nomen traxerūt ab eo quod  
flatibus petantur. Flagella etiam sunt vitiū rami ob-  
longiores, & productiores, aliis tamen minores, ab  
ipsis brachiis fursum ascendentes: dicta flabella pri-  
us, à venti flatu scilicet. Folliculus theca rei cuius- *Folliculus.*  
libet, quæ granum vel semen continet inuolutū. Sic  
membranosa cutis acini folliculus dicitur. Fru- *Fru-*  
ctus, quod carne & semine compactum est. Frequen- *Fructus.*  
ter tamen pro eo, quod inuolucro perinde quasi car-  
ne & semine coactum est, accipi solet. Frutex est *Frutex.*  
quod à radice caudice multiplici, ramosumq; sese at-  
tollit, vt rubus. Frons interdum pro ramo poni- *Frons.*  
tur. Propriè tamen dicitur id quod ipse ramus cir-  
cunquaque producit, multa interdum folia habens,  
& nonnihil corticis, ac veluti cauliculi.

Gemma

# VOCVM DIFFICILIVM

*Gemma.*

Emma in vite idem est quod oculus, quia veluti oculi ocellus quidam conspicuus, aut gemma quædam excellens conspici possit, cum primum è vite prodit, aut sarmento. Hæc ineunte vere sese ostendit, & ab ea primum flos, deinde fructus

*Geniculi.*

prodit tam in ipsis vitibus, quàm arboribus. Geniculi siue genicula sunt nodi qui in herbis, aut leguminibus, aut etiâ sub fruticibus apparêt. Sic geniculatæ radices nominantur, quæ nodis quibusdâ interstinctæ protuberant, rotundæ & leuiter capitulatæ.

*Gluma.*

*Grossi.*

Gluma est folliculus grani quod in spica cõtineet, vel grani theca. Grossi appellât fici, quæ nõ maturêscunt. Priuatim tamê in bifera fico eas intelligunt, quæ p menses maturant. Has grossulos Græci vocât ὀλύνθους.

*Hemina.*

Hemina Romana vox est, ex Græco quidem ἡμισυ, quod dimidia sextarii pars sit, deriuata.

*Herba.*

Græcis καρύλη nominatur. Capit vncias decem mensurales, vt copiosè in annotationibus nostris in quartum de Tuenda sanitate librum Galeni demonstrauimus. Herba est quod à radice foliatum, siue caudice prouenit, sæpiusq; semen in caule fert.

*Internodium.*

*Interuenium.*

*Iuba.*

*Iulus.*

Internodiû, quod inter artus vel genicula medium intercedit, dici consuevit. Interueniû, quod inter venas intercipitur. Iuba est arundinacea coma effusa, qualis in milio est: metaphora desumpta à iubis, hoc est crinibus animalium à collo pendentibus. Iulus tam Græcis quàm Latinis est quod in corylo cõtactili callo racematim cohæret, & veluti prælongus vermis, singulari pediculo pensile nititur, & fructum præcedit.

*Lachryma.*

*Lanugo.*

*Liber.*

*Libra.*

Achryma est is humor, qui statim defecto caudice, vel ramo, aut tantum ipso ligno, profilit, & apparet. Lanugo in herbis atque arboribus lanata quædam est hirsuties, qua folia, coliculiq; canescunt. Liber pars corticis interior quæ ligno pressius adhæret. Is quibus scribimus libris nomen dedit. Libra Romana capit vncias duodecim mensura

# EXPLICATIO.

mésurales. Ligula quarta pars cyathi dicitur, hoc est, semuncia, demptis scilicet duobus scriptulis.

Loculamenta sunt seminum inuolucra, quæ veluti parvæ capsulæ ea recludunt. Lomentum fabarum farina est. Lacinia partes sunt extremæ partitulatim decoris causa concisæ, orarumq; summarû césuræ. Inde folia mēbratim per flexuras digesta, vel natiuis segminibus discreta, laciniosa vocitantur. Sunt tamen qui laciniosum pro sinuoso vsurpent.

Alicorium est mâli punici putamen. Mal-

M leolus nouellus est palmes innatus prioris anni flagello, cognominatus à similitudine rei, quòd in ea partē qua deciditur ex vetere fermen-  
to, prominens vtrinque malleoli speciē præbet. Vel, quòd capillatus vtrinq, & furculatus solebat feri.

Matrix, vide in dictione Cor. Medulla, vide ibidem. Mucro est acumen in quod pars quæcunque

definit. Sic foliorum multorum, filiquarum quarundā, & spinarum omniū extrema in mucronē acuminantur. Muscus est id quod in ipsa corticis super-

ficie quarundam arborum lanuginosum apparet, veluti caui quidam ipsarum arborû villi. In quibusdā etiam quædam ipsarum arborum quæ visitur villosa flosculorû congeries, quæ quòd confercta sit densaq; florescat, muscus dici cōsuevit: vt in Ligustro, & compluribus aliis. Muscaria sunt in orbem radiatæ herbarum comæ, cacuminæque in fasces coactæ: à flabii similitudine, cuius ventilatu muscæ conuiuiis abiguntur, dicta.

Vcamenta dicuntur ea quæ callo squamatim compactili pendent è ramis nucum, roborû, picearû: sic dicta, quòd sint quasi quædam naturæ rudimenta, pineâ nucem facere condiscantis.

Oculus gemmula illa in herbarum furculis, pri-  
mum germinationis argumentum dicitur.

Alma dicitur maius vitis flagellum, vnde nascuntur vna. Palmus veteribus duplex fuit.

Minor



# VOCVM DIFFICILIVM.

- Minor digitorum quatuor habebatur, Græcis *πενταδactylus* vocatus. Maior digitorum duodecim, *δοδεκαδactylus* vocatus. Græcis dictus. Palmities dicuntur qui è stirpibus ac furculis quotannis prodeunt: sic nominatæ, quòd in modum humanarum palmarum virgulas quasi digitos ædant. Pampini sunt frondentium ramusculorū comæ coliculiq; fructū fouētes, & ab ipēdente vindicantes iniuria. Hinc pampinare, est pampinos superfluos ex vinea detrahare, posteaquàm frōduit.
- Panicula.** Panicula dici potest quicquid sublonga vel subrotunda effigie tumet, vt quæ pendet è picearum ramis. Lanosam quoque comam in milio, panico, arūdine, & qualem in aruis complures herbæ, & in palustribus iunci gerunt, Latini paniculam dixere.
- Pappus.** Pappus tam Græcis quàm Latinis est lanugo ex floribus aut fructibus decidua. Sic etiam lanosi quidam villi, qui deflorescentibus aliquot herbis remanent, & postmodum in auras euanescent, pappi sunt, vt in senecione, soncho, & plærisque aliis fit. Pediculus, siue quod idem habetur, Petiolus, id est quod folium, fructus, aut flos dependet. Pedamenta quibus stat recta vinea dicuntur, hoc est, quibus veluti pedibus nititur. Nominantur etiam à quibusdā pedamina Pilula, vide Cachrys. Pyramis, vide Conus. Propago dicitur vitis vetula depressa, atq; in terram per inflexos arcus submersa, vt ex vna plures emergant. Pulpa in arboribus est, quod nos in animalium corporibus musculum appellamus. Pulvinus est quod inter sulcos eminulum protumet, sic dictus quòd quandam referat puluinorum in quibus sedemus similitudinem.

Vincuncialis figura, eius figuræ quæ decussim antiquis significabat, media est. Fiebat verò decussis ad X literæ formam, quæ quidem apud Latinos decem significat. Atq; hæc si per medium secetur, remanebit V figura, quæ quinariū numerum, atque adeo quincuncem demonstrat. Sed hæc

# EXPLICATIO.

hæc quidem multoties tum superius, tum etiam inferius multiplicata, figuram facit, quæ quincuncialis appellatur. Talem planè Trichomanis cauliculi efficiunt.

Acemus pro vua accipitur. Neq; tantum ipsi- *Racemus*  
 R us vitis est, sed etiam hederæ, & aliarum herbarum, aut fruticum vuas quasdam producen-  
 tiū. Dicicetur etiā ramosum id, quo dependent acini.

Rami sunt, qui ī caule fissi multiplices spargūtur. *Rami.*

Armenta prælongæ sunt vitium virgulæ, in *Sarmenta*  
 S quas vitis luxurians spargitur : hoc est, vitis  
 ipsius brachiorum & caulium ligna, tam dū  
 sunt in ipsa vite, quàm dum execta, & exempta sunt.

Scapus est caulis qui in styli modum sursum pro- *Scapus.*  
 reptat, aut in altum fertur, ducta à columnaribus  
 scapis similitudine. Scopus ramosum id, quo de- *Scopus.*  
 pendent acini. Sesqui vocabulum cum aliqua mē- *Sesqui.*  
 sura vel modi, vel numeri, vel temporis collocatum,

non integrum modò id cui iungitur explicat, sed in-  
 tegrum & semis. Sic sesquilibra, libram vnam & se-  
 mis significat. Sesquimensis, integrum mensem cum  
 dimidio. Sextarius capit vncias viginti mensura- *Sextarius*  
 les. Siliqua tegumentum est, quo vel grana legu- *Siliqua.*  
 minum, vel herbarum semina concluduntur. Nam

non modò legumina, sed & complures quoque &  
 herbæ & frutices siliquas proferunt. Sinus alarum *Sinus.*  
 caua sunt. Spica est quod culmus extulit. Hanc *Spica.*  
 antiquitus rustici specam vocabant, & à spe videtur

nominata : eam enim quòd sperāt fore, serunt. Tria  
 verò continet, granum, glumam, & aristam. Spica  
 mutica est, quæ non habet aristam. Et mutica, quasi  
 mutila nominatur. Spongiæ antiqui olitores vo- *Spongiæ.*  
 carunt radículas illigatas & connexas. Hinc Aspa-  
 ragi satiui & altilis radices multis irretitæ capilla-  
 mentis coalescētes, & inter se implicatæ, ac quasi in  
 vnitatem coēntes spongiolæ, & spongiæ spongio-  
 sæque appellantur. Stamina sunt qui in medio ca- *Stamina.*  
 lycis

# VOCVM DIFFICILIVM

- Stipulæ.** lycis erūpūt apices: sic dicta, quòd veluti filamēta ab intimo floris sinu pſiliant. Stipulæ folia sunt culmū ambiētia. Striæ partes sunt quædā quæ protuberant & eminent. Hic striatus caulis, qui huiusmodi striis est præditus, aut striaturis exasperatus. Strigiles etiam, si Vitruuio credimus, appellantur.
- Stolones.** Stolones appellantur coliculorum soboles, inutilesq; è radicibus fruticatio. Suffrutices sunt quæ compluribus ramulis surculisq; lignosis scatent, sed minutis constāt foliis. Surculus, quod ex ramis simplex ac indiuiduum oritur, estq; velut germen quoddā ex ipso trunco vel caudice productum.
- Thyrſus.** Hyrsus est caulis, idq; nomen sibi vēdicauit, quòd virgulæ in modum, vel teli rectitudinē confurgat. Tomentum Latinis omne id quo culcitrae ad molliorem & calidiorē quietem infarciuntur, dicitur, siue id lana sit siue pluma, siue quod voluerit aliquis, excipiendis molliter & fouēdis calore corporibus nostris aptum. Sic Dictamnī folia, quòd mollia videntur esse, tomentitia & lauea dicuntur à Dioscoride, hoc est, γναφαλοιδή. Tori prominentes partium calli, & in se pulparum modo collecti nominātur. Græci κοινδύλλος οἰᾶτ. Hinc κατὰ δυνάμιν, id est, torosus, quod idem Latinis est, ac nodi formā præ se ferens. Triens quatuor cyathi.
- Triens.** Tunica est tenuis cortex & veluti mēbranaceus, quo vel arbor, vel radix inuestitur. Sic capæ folliculis est tunicatum. Turbo dicitur quicquid ex acumine tendens in amplius spaciatur. Hinc Turbinatum, quod ex angustō continenter in latius prodit. Sic turbinata cōspicitur pyrorum forma. Per multa etiam herbarum folia in mucronem turbinātur. Turiones sunt teneritates summitatum ipsarū arborum, quæ singulis annis crescunt. Topiarium opus est quod ex arbore, frutice, vel herba ad decorē componitur, in testitudines aut cameras fornicatum. Hinc Topiariæ dici merentur arbores vel herbæ
- Tomēntū.**
- Tori.**
- Tunica.**
- Turbo.**
- Turiones.**
- Topiariū.**

# EXPLICATIO.

herbæ quæ nimirum huic operi, quòd flexiles sunt, ac suo lentore sequaces, accommodantur.

Ascula, seminum inuolucra sunt. Venæ sūt *Vasculæ.*

V quæ in plantarū foliis apparent, & ramulos & *Venæ.*  
humorem habentes. Vermiculatum quod *Vermicu-*  
*latum.*

rosæ modo, quasi purpurisso, rutilat, dicitur. Ver- *Verticillæ.*  
ticillum florum vel foliorum ambitus, qui coliculos

aut ramulos herbarū coronat, existit: ab instrumēti muliebris similitudine dictum, quod fuso vertendi gratia solitum est adhiberi. Vinacei, grana sunt a- *Vinacei.*

cinorum, γίγαια Græcis nominantur, quæ pressis vuis cū folliculo abiiciuntur. Virga est quæ ex ra- *Virga.*  
dicibus, aut caudicis lateribus exit. A nōnullis virgæ

appellatæ sunt soboles. Virgultum furculus is est, *Virgultæ.*  
qui terræ cōmittitur, vt in arborem insurgat. Viti- *Viticulæ.*  
culæ non palmites aut sarmenta sunt, sed flagella

quæ vitis modo reptantia longè lateq; vagantur, ac vicinos frutices nacta sic intricant eos, vt iis perinde

quasi pedaminibus abutantur: vel scandentia suis ir- retiunt clauiculis, quibus quasi digitis hærent, qua-

les in cucumeribus, cucurbitis, & plærisque aliis in- ueniuntur. Umbella est floris seminisue pedamen- *Umbellæ.*

tum, in plures digestum longiores pediculos, qui si- mul ex fastigio eodem orti, in latius continuò radi-

antur, singuliq; vel florem, vel semen sustinent, in or- bem circumactum. Græci hunc floris habitum σκιά-

διον, Latini verò quoniā umbellæ, qua mulieres vul- tum vindicant à sole, & æstus arcent, circinatam ef-

figiem gerit, umbellam dixerunt. Umbilicus id in- *Umbilicus*  
pomis est, quod in eis medium vel prominet, vel con-

ditur. Vngues in rosis & foliatis floribus in- *Vngues.*  
tellexerunt veteres, imas suorum foliorum

partes, quibus in capite suo cohærent,

decoloresque dependent. Vel bre-

uius: Vnguis infima pars fo-

liorum rosæ alba ap-

pellatur.

Errata quædam pauca, quæ partim in exemplari Germanico quo vñ sumus, absoluto iam opere deprehendimus, partim in nostra impressione, eaq; momentanea obiter irreflere, sic quæso in integrum restitue.

- Pag. 2. A. vers. 29. Lege in hūc modū, Hypochō-  
driis, iecinori, &c. Pag. 2. vers. 8. Lege, Eadē potest  
præstare cum Sapa aut lenticula. Pag. 4. A. vers. 11.  
lege, Plinius lib. xxi. cap. xxi. Marē quidem campe-  
stre &c. Ibidē, vers. 15. legendū, eiusdē nomenclatu-  
ræ, expungenda itaq; virgula post eiusdem. Ibidem  
vers. 18. lege, quod masculum appellamus.  
Pag. 6. A. vers. 18. Lege, Ex Macro Aemylio.  
Pag. 8. A. vers. 34. Lege, de Acoro vero affirmare.  
Pag. 9. A. vers. 25. Lege, tubercula facultatē obtinet.  
Pag. 16. A. versu vlti. Sic legendū est, acris, vt piper,  
admodū sit. Pag. 19. A. vers. 17. cum axungia.  
Pag. 22. A. vers. 33. mollibus duntaxat spinis prædita  
Pag. 43. A. vers. 7. βρωνία.  
Pag. 47. B. vers. 17. Lege, κνίδι.  
Pag. 53. B. vers. 1. nominatur.  
Pag. 61. A. vers. 8. Ieiuno ieiunum.  
Pag. 74. A. vers. 28. ελιττομ.  
Pag. 79. A. vers. 5. γλυκύρετα.  
Pag. 81. B. vers. 25. Aspeigula minor.  
Pag. 87. A. vers. 6. radix dulcis est quodāmodo,  
expungenda itaque virgula post est.  
Pag. 109. B. vers. 27. Cicer latinè.  
Pag. 124. A. vers. penultimo. Scandulaceum.  
Pag. 130. B. vers. 18. ἰωσρίδ.  
Pag. 164. A. vers. 19. Hirudinariam.  
Pag. 169. B. vers. 18. κισσός.  
Pag. 189. A. in margine, Lapatium acutum.  
Pag. 221. A. vers. 18. Nerion.  
Pag. 294. A. vers. 16. minus contra minores.  
Pag. 296. A. vers. 2. suffitur.

